

LECTIONES

N. Bible. - Old Testament - Psalm.
in omnes

PSALMOS DAVIDIS:

In quibus

Per Analyſim, &, ubi opus eſt, per
Quæſtiones ſenſus dilucidè ac ſuccinctè eno-
datur, nec non Documenta ubivis eliciuntur, &
ad Uſus ſuos dextrè applicantur.

*Opus omnibus qui pietatem colunt, ac imprimis Verbi Mi-
niſtris, perutile.*

AUTHORE

R. & Cl. Dn. GUILIELMO AMESIO,
SS. THEOLOGIÆ DOCTORE, ac nuper ejuſdem
Facultatis in Ill. Friſior. Acad. Profefſore.



LONDINI,

Excudebat J. D. impenſis Andrea Kembe,
& Johannis Hardeſty. 1647.

3

Amplissimis, Prudentissimis, Consultissimisque Dominis

DD. CONSULIBUS, SCHOL-
ARCHIS, ET TOTI SENATUI
ROTTERODAMENSI.

AMPLISSIMI DOMINI, En liber Psalmorum, qui tum pro excellentia variegatae materiae in se; tum ratione novae hujus, & *κατ' ἀρίστην* formae verè Logicæ persuccinctam Analyfin, & Documenta pulchrè concatenata, confectariaque rite elicitæ; dignissimus, ut ab omnibus propter se accipiat, nec tutelæ per se indigens.

Mos tamen obtinuit inter omnis generis Scriptores, dedicandi & præsentandi libros, qualescunque ferè, Fautoribus suis, in patrocinium eorum: quem morem & nos sequuti sumus, & ad vestras Dn. accedimus, idque varias ob rationes ducti, respectu tum authoris, tum nostri.

1. Authoris respectu, quem vivum adamastis, desiderastis, cuique stipendium ad PROFESSORATUS munus vestra in urbe capebundum (satis pro honore vestro, & ipsius commodo, si superstes mansisset) adjudicaretis. Quiq; etiam invitis omnino Frisianis, & agrè illum dimittentibus, abdicarat conditionem Academicam Franequerae, ubi Professore, per curriculum duodecim (plus minus) annorum, egerat; ut vobis Rotterodami inserviret, si Deo ita visum fuisset. Ratio (inquam) Authoris œstro me percellit, propter insignem vestrum erga eum favorem, dum in vivis maneret, foetum hunc ipsius posthumum vobis offerre.

Nec non ratio tristissimæ Viduae ejus & Orphanorum, in quibus juvandis ulterius signum vestri animi optimè erga maritum & patrem p.m. affecti, nuper demonstrastis. Quorum nomine de vobis verè me puto posse prædicare, quod Nahomi nurui suæ, idemque vobis precari, quod ipsa illi: Ruth. 2. 20. *Benedicti sitis à JEHŌVAH, ut qui non destitistis exercere benignitatem vestram erga vivos, & erga mortuos.*

2. Deinde respectu nostri, quibus nihil magis est in votis quam grati aliquod animi testimonium erga vos præbere, neque hoc de nihilo: quanto enim favore prosequuti estis, tum me, tum popu-

lares meos, qui vestra hic vescuntur aura; si nos filemus, loquuntur lapides, & ligna beneficiorum vestrorum.

Et si Seniores Judæorum Centurionem dignum fuisse judicabant, ut veniret Christus, & servaret servum ejus, Luc. 7. idque propter hanc rationem, quam v. 5. reddunt (quæque Dominum JESUM valdè premebat) indeque arguebant ipsius dilectionem, cum ajunt: *diligit gentem nostram, & Synagogam nobis adificavit, statim ergo ibat Jesus, &c.* Certè multo magis nos hoc dicamus: nationem & gentem nostram vos dilexisse. Quod eodem argumento, multisque aliis *rexpñois* à vobis indicatur.

Et si qui sint de nostra (aliis in urbibus) gente (prout revera ubiq; per hasce regiones sparguntur) licet multum debeant, multumque sit quod acceptum ferant particularibus istis civitatibus, benevolis & benefacientibus; vestra tamen urbs, liberalitate erga nos maximè conspiciuâ, & justissimè aliis suspiciendâ,

*tantum inter alias caput extulit urbes,
Quantum lenta solent inter viburna cupressi.*

His nixi rationibus W. D. D. obnixè rogamus, ut æqui bonique consulatis, quod aliis omnibus amicis (tum nostris, tum Amefii *τὸ μακρίτ*) præteritis, hoc qualicunque opere vos interpellemus. Quod ornatiùs longe & perfectius proculdubio ipse author vobis obtulisset, si modo ipsi per præmaturam nobis & Ecclesiæ Dei mortem pertexere, & extremam manum adhibere licuisset.

Interim non dubitantes quin gratum utcunque vobis sit futurum, multisque præterea non inutile, (quamvis omnibus numeris haud ita per omnia elaboratum) hoc nos vobis offerimus, vosq; (Amplissimi, Prudentissimi, Consultissimique Viri) ut diu valeatis, vestramque urbem & gubernationem benedictioni clementissimi Dei Patris, ut semper floreat, unice commendamus. Quod faxit idem D. O. M. per JESUM CHRISTUM Dominum nostrum. Amen.

*Amplitudinibus vestris Prudentissimis
Consultissimisque addictissimus,*

HUGO PETRUS.

CUIL.

5

GUILIELMUS AMESII LECTIONES IN PSALMOS DAVIDIS.

PSALMUS PRIMUS.

BEatus est vir illè, qui non ambulat in consilio improborum, & via peccatorum non insistit; ac in cathedra derisoriorum non sedet:

2. Sed cuius oblectatio est in lege Jehovæ, & qui de lege illius meditatur interdum ac noctu, &c.

ANALYSIS.



PROPOSITUM Spiritus Sancti in Psalmo istoc primo, est persuadere omnibus studium pietatis, religionis, vel sanctimonix vitæ. Argumentum ad hoc suadendum adhibetur unicum; petitur illud ab adjuncta beatitudine, piorum propria.

Unico istiusmodi syllogismo explicari potest mens & propositum totius Psalmi. Si soli pii sint beati, tum qui beati esse volunt studere debent pietati. Sed verum prius. Ergo & secundum.

Propositio pro confesso accipitur, quia nititur principio per se noto & apud omnes recepto, qui vult finem, debet uti mediis ad illum finem necessariis; vel hoc, qui ex duobus inter se individuis nexu conjunctis vult unum, debet etiam & alterum velle.

Assumptio est argumentum hujus Psalmi primi.

Conclusio est omnium Psalmorum consequentium argumentum; iis enim omnibus describitur, illustratur, & urgetur pietas illa vitæ,

cui soli beatitudinem veram convenire ostenditur istoc primo Psalmo. Hinc non inepte loquuntur, qui Psalmum hunc primum præfationem appellant totius libri Psalmorum; continet enim syllogismum illum cuius assumptio tractatur per reliquos omnes Psalmos.

In eo tamen turpiter errant, quod nolunt hanc præfationem in sese haberi in numero Psalmorum, sed unum & eundem Psalmum constituent ex hoc & sequenti: cum Apostolus ipse Paulus expresse distinguit in duos Psalmos, Act. 13. 37. & varietas argumentorum idem etiam confirmat.

Ut redeamus igitur ad Psalmi argumentum; quæstio in istoc Psalmo disceptata, est, an solus pius sit beatus?

Hæc quæstio primo proponitur cum gravissima affirmatione, quasi thesibus indubitata, v. 1 & 2. deinde probatur ac illustratur versibus reliquis.

In propositione quæstionis, præter ipsam affirmationem, qua veritas e-

Ius asseritur, continetur etiam explicatio partis ejus antecedentis, id est, descriptio adhibetur hominis pii, ne forsan quisquam hic sibi metipsum imponat, & putet se pium satis esse, & beatitudinis eo nomine participem fore, cum interim à vera pietate sit prorsus alienus. Describitur homo pius partim à dissentaneis & partim à consentaneis. Dissentanea sunt actiones illicitæ, quæ explicantur à causis efficientibus vel autoribus suis, hominibus nempe impiis. Sed tam actiones ipsæ quam earum autores gradibus quibusdam distinguuntur, non simpliciter notantur.

Actionum illicitarum gradus sunt tres, qui duplici serie verborum notantur, *consilio, via, cathedra: ambulare, insistere, sedere*. 1. Statuere quid ac concludere de actione illicita; hoc enim est ambulare in consilio improborum. 2. Consilium illud prosequi vel perficere, ita ut eidem quasi adhærescat: hoc est enim stare in via peccatorum. 3. Sic assuescere istiusmodi vitæ, ut contraria monita, & officia ipsa pietatis ludibrio habeat; hoc enim est sedere in cathedra derisorum. Gradus impietatis quibus distinguuntur authores harum actionum, sunt improbi, peccatores, derisores. Per imbrobos intelligere possumus hoc in loco impios homines, prout considerantur in ipsa mali patratione. Per peccatores, eosdem homines, prout status eorum spectatur; & habitus nequitie quem contraxerunt. Per derisores etiam eosdem ratione obstinationis & contumacie ad quam tandem perveniunt. Hactenus pars ista fuit descriptionis, quæ peritur ab iis quibuscum dissentit homo pi-

us: sequuntur illa cum quibus maxime consentit.

Hæc autem sunt, actiones piæ, vel officia illa, quæ verbo Dei commendantur & præscribuntur. Ista vero officia per synecdochen membri, & metonymiam causæ duobus officiis præstitis erga verbum Dei, *oblectatione* nempe & *meditatione*, quorum adjunctum commune est assidua diligentia. Hactenus analysis: cui majoris explicationis causa, quæstiones nonnullæ sunt adjungendæ.

Q U E S T I O N E S.

I. Quid opus est persuasionem vel exhortationem ad pietatem, cum Deus ipse sit, qui efficaciter ex certo suo decreto reddit homines pios?

Resp. 1. Exhortatio vel persuasio non magis pugnat cum efficacia certa Dei, quam operatio secundæ alicujus causæ, cum operatione causæ primæ & principalis. 2. Deus omnia in omnibus operatur suaviter secundum illum modum qui maxime convenit naturæ earum rerum, in quibus operatur; hominis autem illa est natura, ut persuasionibus vel argumentis propositis commoveatur ad hoc vel illud sequendum aut declinandum. 3. Duplex est operatio Dei circa hominem; una quæ communis est homini cum aliis creaturis inferioribus; alia vero quæ propria est hominum & Angelorum; harum una non tollit alteram, sed promovet. Exhortationes autem & persuasiones, sunt generis posterioris. 4. Exhortationes & persuasiones non pugnare cum certissimo Dei decreto & efficientia reali, apparet ex eo, quod Christus ipse corroboratus

ratus hoc eodem modo fuit ab Angelo Dei. Luc. 22. 43.

I I. Quare beatitudo hic adhibetur, ut argumentum persuadendi?

Resp. Quia nullum aliud est efficacius: nititur enim illo principio omnibus infuso, quod nemo sit quin velit & cupiat esse beatus. Beatitudo enim est summum bonum, & ultimus finis. Nihil est quod volentes & ex consilio agimus, quin speciem aliquam beatitudinis in eo propositam habemus. Recepta est inter Scholasticos illa sententia; Voluntas nostra in ordine ad beatitudinem in communi, necessitatur quoad specificationem.

Duplex est appetitus, commodi, & honesti: appetitus ille prior valet ac viget in omnibus, sed alter extinguitur in malis; hinc Christus Matth. 5. inchoavit suas conciones ab hoc eodem argumento.

I I I. Qua in re proprie consistit beatitudo hominis?

Resp. Consistit proprie in frui-tione Dei.

I V. Quare igitur tribuitur pietati?

Resp. 1. Quia pietas unica illa via est quæ ad istam Dei frui-tionem ducit. 2. Signum & indicium est hominis Deo fruituri. 3. In pietatis exercitiis imperfecta quædam habetur frui-tio Dei, etiam in ista vita.

V. Quamobrem pluralis numerus adhibetur in beatitudinis voce?

Resp. Respondent quidam hoc ex eo fieri, quia duplex est beatitudo, temporaria & cœlestis, huius & alterius mundi; sed simplex & genuina responsio est, quod nomen ipsum quo Hebræi beatitudinem notant est plurale tantum, ut Latinis *opes*,

divitiæ, &c. cuius rei hæc etiam ratio reddi potest, quod vera beatitudo affluentiam & aggregationem in sese habet omnium bonorum.

V I. Qua ratione fit quod descriptio hominis pii petitur imprimis à separatione quam habet ab impiis?

Resp. Quia primus ingressus ad bene vivendum est in relictione mali, Psal. 34. 15. relictio autem mali pendet ex relictione malorum.

V I I. Quare malorum explicatio fit per gradationem à minore ad majus?

Resp. Quia istis gradibus itur ad extremam impietatem. Primum ut-cunque consulta arrident improbo-rum: postea sistit se in illis animus, & juxta ea vitam instituit: inde totum se sceleribus addicit, jamque sedem suam inter flagitiosos firmat, & ex professio perveria eorum studia sectatur.

V I I I. Quare pietas hominum non æque describitur per prosecutionem viæ bonorum, ac per fugam ac derelictionem viæ malorum?

Resp. 1. Quia boni non semper adsunt ut possint esse exemplo. 2. Boni in hac vita sunt imperfecte boni: non sunt igitur in omnibus imitandi vel sequendi. 3. Omnis perfectio illa, quæ est vel esse debet in bonis, continetur in verbo Dei, tanquam in exemplari.

DOCUMENTA.

I. Beatitudo ab omnibus aliquo modo expectitur. Argumentum alias quod assertur à Psalmista hoc in loco & sæpius in Scripturis inculcatur, apud quosdam saltem nihil omnino valuisse; pertinet hæc doctrina ad locum de statu hominis corrupti. Psal. 4. 7. *Multi dicunt si*

quis efficiat, ut fruamur bono.

Ratio est I. A naturæ inclinatione qua omnia feruntur in ultimum finem & summum bonum. II. A providentia illa Dei qua voluit non tantum societates humanas conservari post lapsum, sed etiam principium illud religionis in hominum animis relinqui quo excitari possint ad Deum quarendum, si forte palpando eum invenirent. Act. 17. 27.

Uusus est exhortationis, ut excitemus in nobismetipsis desiderium istud, & humano saltem modo non belluino dirigamus. Sunt enim non pauci, qui ita suam vitam instituunt, quasi non beatitudinem, sed miseriam quærerent. Prov. 8. 36. Qui peccat in me, vim facit animæ suæ: omnes osiores mei amant mortem.

II. Beatitudo quamvis ab omnibus expectatur, non tamen ab omnibus obtinetur. Tunc enim non opus esset, ut describeretur nobis vir beatus: neque ulla vis aut ratio inesset huic argumento; pertinet hæc doctrina ad locum de lege, & de iudicio postremo. Math. 7. 14. *Angusta est porta & stricta via quæ ducit ad vitam, & pauci sunt qui inveniunt eam.*

Ratio est 1. Quia plerique non expectant, nisi confuse & incerte, ita ut veram & propriam ignorent. 2. Quia non applicant sese ad illa media quibus attingi possint quod volunt.

Uusus est admonitionis, ut nemo acquiescat in eo, quod bene sibi cupiat: sed omne studium & curam adhibeant, ut certam & firmam habeant beatitudinem.

III. Unica ratio beatitudinem veram obtinendi est in studio pietatis; pertinet ad definitionem Theol.

logiæ. Psal. 112. 1. *Beatus quisquis reveretur Jehovah.* Psal. 144. 15. *Beatus populus cuius Jehovah est Deus.* Isa. 3. 11. *Dicite iusto bene esse.* Deut. 33. 29. *Beatus es Israel, quis est sicut tu, populus servatus per Jehovah?*

Ratio est 1. Quia hoc solum est illud medium quo unionem & communionem habemus cum Deo, qui est summum nostrum bonum. 2. Quia cætera omnia sunt vanitas vanitatum: & sæpe accersunt potius quam amoveant miseriam.

Uusus 1 est refutationis & damnationis, adversus multos impios, qui sibiismetipsis videntur beati. Luc. 6; 24. *Va vobis divitibus, va vobis qui impleti estis, va vobis qui ridetis, &c.* 2. Est exhortationis, ut eodem affectu pietatem prosequamur quo ferimur ad nostram beatitudinem; finis & medium eodem actu expectantur. Nemo ad pietatem rite potest animari, donec statuerit apud se tanquam firmum & fixum, omnes impios esse miseros, & omnes pios beatos.

IV. Qui vere studet pietati, alienus est ab impiis; pertinet ad locum conversationis aut vocationis, &c. Prov. 29. 27. *Abominationi est iustis vir iniquus.*

Ratio 1. Quia omnes impii alieni sunt a Deo, cui pius toto corde adheret. 2. Quia sibiismetipsi cavet pius & quærit conservationem suæ pietatis.

Uusus est admonitionis, ut qui volunt esse pii, discedant a consortio omni profano.

V. Minimè impietatis gradus sollicitè debet caveri; pertinet ad observantiam in genere. 1. Thes. 5. 22. *Ab omni specie mali abstinete.*

Ratio 1. Quia hoc est viam dare Satanae. 2. Quia hoc est Deum tentare.

tentare, atque adeo iudicium ejus accerere.

Ufus est ad reprehendendam audaciam & fatuitatem eorum, qui nihil periculi metuunt, nisi gravissimis criminibus.

VI. Non satis est ad pietatem, ut quis discedat a malo, nisi etiam dedat sese Deo; pertinet ad primum præceptum. Ps. 34. 15. *Recede à malo, & fac bonum.*

Ratio, quia religio & pietas vera non consistit proprie in negatione aut privatione, sed in positione vitæ spiritualis.

Ufus est ad arguendam Pharisæicam eorum iustitiam, qui in eo gloriantur quod non sunt ut reliqui, non ut Publicani. Luc. 18. 11.

VII. Deo deditus est, qui delectatur verbo Dei; pertinet ad primum præceptum.

Verf. 3. *Est enim sicut arbor plantata ad rivos aquarum, quæ fructum suum edit in tempore suo, & cujus folium non decidit: sic quicquid faciet, prosperabitur.*

ANALYSIS.

EXposita hominis pii descriptione, cum quæstionis de ipso institutæ gravissima affirmatione, aggredditur jam Psalmista propositæ quæstionis confirmationem & illustrationem evidentem. Totius autem tractatus hujus ratio hujusmodi syllogismo continetur.

Cui omnia foeliciter succedunt in hac & in futura vita, is est beatus; at soli pio omnia foeliciter succedunt in hac & futura vita. Ergo.

Propositio omittitur, ut per se nota, & omnium oculos incurrens.

Assumptio exprimitur versu hoc tertio in fine: *quicquid faciet, prosperabitur.* Conclusio præcedebat, v. 1. & 2.

Ratio 1. In verbo Deus exhibetur.

2. Quia verbum est brachium Dei, vel potens illud organon quo trahimur ad Deum. 3. Quia Deo deditus voluntatem suam adunatam habet voluntati Dei.

Ufus est ad arguendam tepiditatem hominum circa verbum.

VIII. Qui delectatur Dei verbo, assidue de eo meditabitur; perinet etiam ad primum præceptum. Psal. 119. 16. *In statutis tuis meis sum oblecto, non obliviscor verbi tui.* & v. 24.

Ratio est 1. Quia ubi amor, ibi animus. 2. Quia oblectatio hæc est in verbo Dei qua est lex & regula totius vitæ. Multa igitur & assidua opus est meditatione ad conscientiam in omni parte vitæ recte dirigendam.

Ufus est ad arguendum neglectum hujus officii.

In assumptione tractanda Psal. mi pars reliqua tota occupatur.

1. A comparatis ad verf. ultim.

2. Ab efficiente v. ult.

Comparatio duplex adhibetur, quarum prior est à similibus v. hoc 3. posterior à dissimilibus v. 4. & 5.

Similitudo adhibita est hujusmodi: Quemadmodum arbor sata ad rivos aquarum, profert fructus suo tempore, & retentis foliis semper in suo genere viret vigetque; sic homini pio usu venit, ut gratia Dei singulari temper floreat ac vigeat, id est, succedant ipsi omnia in alterutra vita foelicissime.

Protasis, propositio vel prima pars com-

comparationis, continens argumentum arguens, est initio hujus 3 versus, ubi arboris nomine per Synecdochē generis intelligitur palma, vel oliva, vel similis aliqua species arboris perpetuo virentis. Describitur autem hæc arbor.

1. A subjecto loco ubi conferitur, *ad rivos aquarum*, quibus verbis etiam continetur causa, vis nempe scaturientium aquarum. 2. Ab effectu, per temporis adjunctum amplificato, *fructum suum edit in tempore suo*. 3. Ab adjuncto perpetuæ viriditatis ac vigoris, *cujus folium non decidit*.

Apodosis redditio, vel posterior pars comparisonis, continens illud quod arguitur, est in fine versus, *sic quicquid faciet prosperabitur*.

QUESTIONES.

I. Quorum adferuntur similitudines in Scripturis?

Resp. Non tantum ut illustrent, sed etiam ut probent. Nihil quidem probant extra scopum illum ad quem collimant, sed illius respectu vim habent firmæ probationis.

II. Unde sit quod illustrent?

Resp. 1. Quia res eadem cum jucunda varietate reperitur, ac his dicitur. 2. Quia manu quasi ducunt animum discantis ab eo quod intelligit, ad illud quod cupit intelligere. 3. Quia picturam vel clarā imaginem exhibent rei percipiendæ: per imagines enim intelligunt homines omnia ferè quæ norunt.

III. Quid requiritur in similitudine, ut commode possit illustrari?

Resp. Debent 1. a rebus illis peti, quæ sunt iis notæ quibus proponuntur. 2. Debent si fieri possit, convenientiam habere non in

una aliqua particula, sed in pluribus membris.

IV. Qualis est differentia eorum similium quæ in Scripturis adhibentur?

Resp. Similium quæ adferuntur in Scripturis alia sunt a Deo ipso constituta ad significationem rerum aliarum, ut typi omnes: alia cum in natura existunt & quandam convenientiam habent cum aliis rebus, ex occasione cum illis comparantur sine ulla institutione: Alia vero sunt similia quæ neque a Deo sunt instituta, neque in natura existunt, sed finguntur tantum ad alias res illustrandas. Jud. 9. 8. comparata enim etiam ficta arguunt.

V. Qua in re consistit proprie similitudinis hujus, accommodatio?

Resp. Interpretes quidam observant hic referri. 1. Regenerationem vel institutionem nostram in Christum, plantatione arboris propter rivos aquarum. 2. Sanctificationem ac bonorum operum productionem, productione fructuum. 3. Perseverantiam in gratia, perpetua foliorum viriditate. Alii sunt qui specialia ista plane rejiciunt, & eorum authores argute philosophari dicunt extra sensum Scripturæ. Media ratio videtur aptissima. Illud enim imprimis tenendum est, comparisonem proprie eo spectare, ut explicet foelicem statum hominis pii, in genere: sicut liquido apparet ex readditione, *quicquid faciet prosperabitur*. Num. 24. 5, 6. in Prophetia Balaami exprimitur etiam hæc redditio iis verbis, *quam sunt bona tentoria tua o Saakob? tabernacula tua o Israel?* Neque potest admitti ut per arborem foeliciter satam ad aquas intelligatur semper

semper in Scripturis gratia Dei spiritualis: eadem enim comparatio ad Assyrii felicitatem explicandam, Ezech. 31. 10, 11. Cum tamen sub ista generali qualitate felicitatis qualibet species potest designari, & particulares quæ sunt in hac similitudine circumstantiæ, quæ semper desiderantur, quum ad impiorum felicitatem accommodatur, (illa nempe de fructibus optatis, & illa de perpetuitate) cum etiam Spiritus sanctus in aliis locis hac eadem similitudine particularia quædam explicat ad piorum beatitudinem spectantia, ut Psal. 92. 13, 14, 15. Eze. 47. 12. nihil certe impedit, quo minus hoc etiam in loco præter illam felicitatem hominis pii simpliciter & in genere consideratam, particulares etiam ejus gradus simul indicentur.

DOCUMENTUM UNICUM.

Omnia prospere succedunt piis; quicquid facit, dicitur in textu; sed synecdochice intelligendum est etiam de iis quæ patitur, & quæ ipsi accidere possunt, Rom. 8. 28. *Iis, qui diligunt Deum, omnia simul adjuvamento sunt ad bonum.*

Ratio 1. Quia sic Deus promittit. 1 Tim. 4. 8. *Pietas ad omnia utilis est, ut quæ promissionem habeat vitæ præsentis ac futuræ.* 2. Quia omnia diriguntur à Deo, qui bonus est piis. Psal. 73. 1. Gen. 39. 2, 3. *Adfuit Iehova Iosepho, ut rebus secundis uteretur; omnia quæ faciebat, Iehova prospera fecit in manu ejus.* 3. Quoniam illa est natura pietatis, ut lucrum faciat ex omnibus. Phil. 1. 21. *In morte lucrum.* 1 Cor. 3. 22. *Pietas omnia sanctificat.* 1 Tim. 4. 5.

Object. Pii sæpe adversissimis rebus utuntur quoad externa.

Sol. 1. Adversantur hæc externa non spirituali parti aut felicitati hominis pii, sed corporali; pii autem hominis felicitas æstimatur præcipue ex spirituali ejus conditione. Joh. epist. 3. 2. *Opto ut prospere agas & valeas, sicut prospere agit anima tua.* 2. Majorem illam felicitatem animæ procurant læpe ac promovent. 2 Cor. 4. 16, 17. *Externus homo corrumpitur, internus renovatur. Præteriens levitas afflictionis excellenter excellentis gloriæ pondus conficit nobis.* Prosperitas autem præcipue pendet ex fine. 3. Compensantur afflictionis mala centuplo majoribus bonis in istoc seculo, & in seculo futuro vita æterna. Marc. 10. 29, 30.

Object. 2. Si omnia bene succedant piis, tum etiam & infirmitates illæ quibus laborant, & peccata in quæ labuntur.

Sol. 1. Quæ hunc in modum dicuntur de homine, intelligenda sunt, ut loquuntur, *formaliter*, non *materialiter*, id est, pius quæ talis est, & dum pie sese gerit, benedictionem accipiet à Deo. Hujusmodi vero mala contingunt homini pio propter defectum pietatis, quem aliqua ex parte communem habet cum impiis. Apoc. 18. 4. 2. Hæc tamen ipsa gravissima mala, per accidens convertuntur sæpe à Deo in commodum piorum; occasione enim eorum superbia minuitur. 2 Cor 12. 8. ingratitude vel oblivio beneficiorum Dei cavetur. Psal. 59, 11. & excutitur segnities ac somnus ille spiritualis quo occupantur aliquando verè pii.

Usus hujus documenti est idem ille

ille, qui præcipue spectatur in hoc toto Psalmo, scil. ut efficax apud nos sit hoc argumentum, quo ex-

citentur animi nostri ad serium studium pietatis.

Verse 4. *Non sic improbi sunt; sed sicut gluma quam dispellit ventus.*

5. *Idcirco non consistent improbi in illo iudicio, aut peccatores in cætu justorum.*

ANALYSIS.

Sequitur ad illustrandam assumptionem illam (qua asseritur soli pio omnia feliciter succedere) comparatio à dissimilibus.

Dissimilitudo ista primo generaliter & implicita vel contracta forma proponitur illis verbis, *non sic improbi*: tum magis distincte & explicite, reliquis verbis duorum horum versuum.

Dissimilitudinis hujus redditio est eadem, quæ fuit similitudinis antecedentis: homini pio omnia succedunt feliciter; protalis vel propositio est, impiis hominibus omnia succedunt infelicitissime.

Propositionem hanc demonstrat Propheta ab adjuncto impiorum; hunc in modum: Qui ex vi iræ divinæ obnoxii sunt æternæ rejectioni, iis omnia infelicititer succedere necesse est; at impii ex vi iræ divinæ obnoxii semper sunt æternæ rejectioni; ergo impiis omnia infelicititer succedere necesse est.

Propositio, ut res comperta satis, reticetur. Assumptio ponitur & similium comparatione illustratur v. 4. conclusio exponitur v. 5. ubi etiam solemniter nota concludendi apponitur, *idcirco*.

Similitudo qua assumptio illustratur v. 4. talis est; sicut palea flatu quovis facillime dispergitur: sic impii vi iræ divinæ, æternæ rejectioni sunt obnoxii.

Conclusio exponitur v. 5. ubi infelicitas improborum explicatur per distributionem totius in partes; duæ enim infelicitatis hujus partes indicantur & asseruntur, quarum utraque ornatu oppositione illa quam habet ad statum piorum; prima pars maxime proprie pertinet ad statum vitæ præsentis, *non consistent in iudicio*: secunda vero præcipue ad statum vitæ futuræ, *non consistent in cætu justorum*; summa est, quod impii nihil commune habituri sint cum piis in præsentis aut futuræ vitæ felicitate; voces enim illæ duæ, *consistent & justorum*, referri debent ad utramque partem versiculi.

QUESTIONES.

I. Quare adfertur hæc dissimilitudo?

Resp. 1. Quia dissimilia magnam vim habent illustrandi; illustrant enim ut comparata: & singularem etiam affinitatem habent cum dissentancis argumentis: unde fit, quod duplici quasi virtute pollent illustrandi. 2. Propositum Prophetæ fuit in istoc Psalmo, sic excitare homines ad studium pietatis, ut simul advocaret & abstergeret à consortio impiorum, sicut liquido apparet ex versiculo primo.

II. Quare

II. Quare non conferuntur hic impii potius arbori citò exarescenti, ut Jerem. 17. 6. erit similis nudatissimæ arbori in loco campeltri? sic enim proportio magis observata fuisset ad arborem plantatam secundum aquas, cujus antea facta est mentio.

Resp. Quia hic non respicitur læta illa fortuna, in qua ad breve tempus exultant aliquando impii: sed vanitas & infœlicitas eorum simpliciter declaratur; hic autem status nulla re potest aptius exprimi, quam palea, vel gluma, id est, palea minutissime contrita, & quasi in pulverem redacta; ex hac enim nihil ad alios emolumenti redundat: hac nihil est contemptius: hæc facillime abigitur quolibet flatu; hinc est, quod sæpius in Scripturis hæc eadem comparatio adhibetur, Job 21, 18. Psal. 55, 5. Hos. 13, 3. Matth. 3, 12.

III. Quare improborum tantum & peccatorum hic mentio fit in comparatione, cum irrisores etiam appellati sint impii in descriptione illa, quæ v. 1. habetur?

Resp. 1. Quoniam iidem sunt homines, qui tribus illis nominibus distinguuntur, sicut antea fuit observatum: qua eadem etiam ratione improborum tantum fit mentio v. ultimo. 2. Quia voluit Propheta significare non summe tantum sceleratos, sed & omnes illos, qui per peccatum separantur a communionem fidelium in pietate, ab iisdem etiam in fœlicitate fore separatos.

IV. Quare iusti hic vocantur homines pii & Deo grati?

Resp. Quia iustitia quamvis aliquando stricte sumatur, ita ut re-

spiciat meriti vel accepti quantitatem æqualem; alias etiam aliquanto latius, ut mutuum officium denote inter eos, qui eodem jure tenentur; læpissime tamen in Scripturis, & communi sermone, generalem virtutum omnium aggregationem significat, & omne officium tam erga Deum, quam erga homines designat; & istoc sensu pii hoc loco appellantur iusti, quoniam omnes virtutes habent inchoatas.

V. Quare status improborum explicatur hic per separationem à iustis?

Resp. 1. Quia malum in sua formali ratione est privatio.

2. Quia malum pœnæ respondere debet malo culpæ; improbi autem in culpa distinguuntur à piis: æquum est igitur ut in pœna separantur.

VI. Quid sit in iudicio stare vel consistere?

Resp. Stare in iudicio est causam approbare, erigere caput cum fiducia, & vincere iudicium. Sic Terentius, vix steteris. In Scripturis, aspicere sursum & attollere, Luc. 21, 28. Oppositum est apud Latinos, Cedere causa. In Scripturis, pudore affici & confundi. Psal. 25, 3. incurvare se & cadere. Ps. 20, 9. *Illi incurvant se & cadunt: nos vero surgimus & confirmamur.* Rev. 6, 17. *Veniet dies ille magnus iræ illius, & quis poterit stare?*

VII. Quodnam est hoc iudicium, in quo impii non possunt consistere?

Resp. Iudicium hoc in loco significat metonymicè conditionem vel sortem illam, quam Deus ad iudicandum piis etiam in ista vita. Consistit autem in consolatione illa qua

qua pii fruuntur ex sensu divini erga se amoris, etiam in rerum singularum singulis eventis. Iudicium hoc præcipue exercetur in conscientia & per conscientiam, secundum illud Hebr. 10. 22. *Accedamus cum vero corde, per certioratam fidem, aspersione purgatis cordibus à conscientia mala: & abluti corpore aqua munda, retineamus possessionem spei non vacillantem.*

VIII. Quis est cœtus iustorum, in quo impij non consistent?

Resp. Est honoratus ille concessus, qui describitur Hebr. 11. 22. *Accessistis ad montem Sion, & civitatem Dei vivi, Hierusalem cœlestem, & myriadas Angelorum, conventum universalem, & concionem primogenitorum, qui conscripti sunt in calis, & iudicem universorum Deum, & spiritus iustorum consummatorum.* Sic intelligenda esse ista verba, inde apparet. 1. Quod summam felicitàtem piorum hic describi, liquet ex præcedentibus. 2. Cœtus iustorum non potest aliter distinguì à iudicio: sic autem optimo & uberrimo sensu distinguitur.

DOCUMENTA.

I. Qui non sunt piorum similes

Vetf. ult. Nam agnoscit Jehova viam iustorum: & via improborum peritura est.

in pietate, nunquam similes ipsis erunt in felicitàte; pertinet etiam hoc documentum ad definitionem Theologiæ. Matth. 25. 34, 35. comp. cum 41, 42.

Ratio est, 1. Quoniam Ecclesia illa, quæ hæres est salutis æternæ, est una Ephes. 4. 4. 2. Colligitur hæc Ecclesia in ista vita, & obhgnatur sigillo pietatis, 2 Tim. 2. 19.

Ufus est admonitionis, ut vitam iustorum æque vivere cupiamus & studeamus, ac mori cupimus eorum morte.

II. Infelicitas impiorum illustrat piorum felicitàtem. Pertinet etiam ad definitionem Theologiæ. Apocal. 22. 15. *Foris autem erunt &c.*

Ratio. Splendet enim magis gratia & misericordia Dei erga electos, ex illa iustitia quam exercet in reprobis. Rom. 9. 23. *Ut notas faceret divitias gloriæ suæ erga vasa misericordiæ, quæ præparavit ad gloriam.*

Ufus est institutionis, ut sæpius nobiscum cogitemus de miseria illa quæ certò manet improbos.

ANALYSIS.

AD assumptionis primariæ hujus Psalmi illustrationem, (solum nempe pium esse beatum) duplex adhuc adhibita fuit comparatio. Superest ejusdem veritatis illustratio ac probatio ab efficiente causa desumpta: providentia nempe divina, quam habet circa pios & impios. Syllogismus est hujus-

modi: Si certa Dei providentia administrantur omnia ad salutem piorum & exitium impiorum, tum solus pius est beatus; Sed verum prius. Ergo. Propositio supponitur, ut apud omnes indubia. Assumptio ponitur in textu utroque suo membro axiomate copulato: sed varia ratione: in priore enim

enim parte quæ spectat ad pios, providentia illa Dei explicatur per causam, id est, per singularem quandam Dei notitiam, quæ circa pios & eorum viam versatur, sed in secunda parte quæ spectat ad impios, providentia Dei explicatur per effectum, id est, per interitum qui certo expectandus est ab omnibus impiis. In utraque tamen parte causa & effectum sensu conjunguntur; in priore enim est metonymia causæ intelligendum est effectum: id est, agnitio Dei includit conservacionem, salutem ac beatitudinem picum: & in secunda parte per metonymiam effecti, intelligenda est causa: id est, interitus ac perditio impiorum includit iram ac odium Dei adversus ipsos. Hac ratione retinetur pulcherrima analogia prioris membri ad posterius. In priore membro ponitur causa, quæ beat pios, effectum autem reticetur: in posteriore vero ponitur effectum, perditio nempe impiorum, & reticetur causa. Frequens est hæc dicendi ratio in sermonibus oppositis, præsertim cum sunt breviores; referri potest ad aposiopesein rhetoricam. Qui hoc non observabit, vix unquam recte interpretabitur unum ex Proverbiis Salomonis; cum enim partes parabolarum axioma compositum semper ferè constituunt, & sunt inter se adversæ, altera per alteram debet explicari, ut recte notavit doctissimus Cartwrightus.

QVÆSTIONES.

I. Quare loco providentiæ paternæ ponitur hic notitia Dei?

Resp. Quia providentia Dei est exequutio decreti, quod scientiam & voluntatem Dei complectitur.

Hinc scientia sæpe ponitur pro decreto electionis. Rom. 8. 29. *Nam quos præscivit, etiam prædestinavit.* 2 Tim. 2. 19. *Solidum tamen fundamentum Dei stat, habens sigillum hoc, Novit Dominus eos, qui sunt sui.* Ponitur etiam pro paterno illo amore quo prosequitur Deus electos, & pro ejusdem efficaci manifestatione. Joh. 10. 14. *Ego sum Pastor ille bonus, & agnosco meos, & agnoscitur à meis.* Psal. 144. 3. *Jehova, quid est homo, ut agnoscas eum?*

II. Quid proprie intelligi debet in posteriore membro versiculi?

Resp. 1. Plerique dicunt intelligi ibi negationem notitiæ ante positæ, ac si diceretur. Deus viam improborum non agnoscit; & verum quidem est hanc negationem includi: ut Matth. 7. 3. *Certe nunquam novi vos, discedite à me, qui operamini datis transgressionem.* & 25. 12. *Amen dico vobis, non novi vos.* Sed positivum quid necessario etiam debet intelligi, scientia nempe opposita priori: ita ut ex istoc uno loco, triplex deprehendi possit cognitio Dei, quarum una dici potest Intuitiva, qua Deus omnes & omnia novit. 2. Approbativa, qua electos vel pios novit. 3. vero Vindicativa, qua reprobos vel improbos omnes cognoscit.

III. Quare dicit Propheta Deum agnoscere viam justorum, ac non solum justos; & viam improborum perituram, non solum improbos?

Resp. Ut ostenderet providentiam Dei paternam non solum respicere ad personas impiorum, sed etiam eorum ad viam & singulos etiam gressus. Psal. 37. 5. *Devolve super Jehovam viam tuam, & confide in eo;*
nam

nam ipse efficiet. & v. 23. A Jehova gressus viri statuuntur, cujus delectatur via. Sicut ex aduerso, non tantum impiorum personas perdet Deus, sed etiam eorum opera, consilia & instituta. Psal. 33. 10. Jehova irritum facit consilium gentium, infringit cogitationes populorum, & 37. 37. Obserua integrum & aspice rectum; finem istius viri esse pacem: 38. Defectores vero perdi pariter, finem improborum excindi.

DOCUMENTA.

I. Providentia extenditur ad om-

nes ac singulos, & ad eorum vias omnes. Prov. 5. 21. *Coram oculis Jehova via cuiusque sunt, & omnes orbitas ejus expendit.*

Usus est admonitionis. Ibid. ver. 20. Quare errares fili mi, id est, quare peccares, cum coram oculis Jehovæ, &c.

II. Providentia ista Dei certa est & efficax ad salutem piorum & perniciem improborum.

Usus est exhortationis, ut serio fugiamus malum, & applicemus nos ad pietatem.

PROLEGOMENON

I N

PSALMUM SECUNDUM.

P S A L M I hujus secundi triplicem interpretationem videre est apud autores. 1. Est Judæorum, qui totum Psalmum simpliciter intelligunt de Davide. 2. Est omnium ferè Patrum, qui simpliciter explicant de Christo. 3. Est doctissimorum nostrorum Theologorum, qui composita quadam ratione, partim quidem de Davide interpretantur; sed maxime propriè ac præcipuè de Christo.

Occurrit igitur quæstio hic in initio expedienda, quæ eadem est plane cum illa quam Eunuchus Æthiops proposuit olim Philippo, Act. 8. 34. *Oro te, de quo dicit ista Propheta? de seipso, an de alio quopiam?*

De Davide simpliciter non posse hunc Psalmum explicari, ex eo patet, quod quædam continet quæ Davidi non conveniunt: qualia sunt illa quæ vers. 8. & 12. neque debere constat nobis ex Apostolorum testimonio. Act. 4. 25. & 13. 33. Hebr. 1. 5. & 5. 5.

De Christo simpliciter ut explicetur exclusa plane omni Davidis consideratione, nulla ratio cogit: quia David non tantum verbis, sed factis etiam & vitæ ac muneris sui ratione præsignificabat illa quæ spectant ad Christum.

Composita interpretandi ratio est maxime probanda: ita ut quæ hic dicuntur vera quidem sint maxima ex parte de Davide, sed integrum aut perfectum sensum non habeant, nisi præcipue referantur ad Christum Jesum.

Ex occasione hujusmodi locorum Scripturæ, error quidam irrepsit paulatim

latim in Ecclesiam, quo multiplici sensu Scripturæ dicuntur interpretanda, quem quia arcte tenent & acriter defendunt Pontificii, breviter hoc in loco, excutere non erit alienum.

Pontificiorum sententia hæc est. Scriptura divina, læpenumerò saltem, duos continet sensus, literalem sive historicum, & spiritualement sive mysticum; literalis ab iis dicitur ille quem verba immediate præ se ferunt; spiritualis est qui aliò refertur quam ad id quod verba immediate significant.

Porro literalis sensus est duplex, simplex qui consistit in proprietate verborum, & figuratus quo verba transferuntur à naturali significatione ad alienam; spiritualis sensus constituitur ab iis triplex, allegoricus, tropologicus, & anagogicus; allegoricum vocant, cum verba Scripturæ præter literalem sensum, significant aliquid in novo Testamento quod ad Christum vel Ecclesiam pertinet: tropologicum appellant, cum verba vel facta referuntur ad aliquid significandum, quod pertinet ad mores; anagogicum vocant, cum verba aut facta referuntur ad significandam vitam æternam.

De applicatione hujus commentitæ distinctionis ad interpretationem sacrarum literarum, partim consentiunt & partim dissentiunt inter se Pontificii Doctores. Consentiant 1. in eo, quod certum sit secundum fidem, sub una litera varios sensus contineri. 2. Quod sub una litera varii aliquando sensus mystici vel spirituales continentur.

Dissentiunt vero ac disputant inter se. 1. An plures literales sensus continentur aliquando lisdem verbis. Abulensis dicit hoc certum esse secundum fidem. Thomas, & plerique Scholastici rem ita se habere contendunt. Bellarminus non audet hoc affirmare, sed pronuntiat hoc non esse improbabile. Dominicus Bannes tales locos esse raros fatetur: neque satis exploratum esse de ullo loco: temerarium tamen esse judicat hoc ipsum negare.

Disputant 2. An omnes sensus mystici inveniantur in uno & eodem loco; & an omnia gesta dictaque veteris Testamenti sint in aliquo sensu mystico explicanda. Pium esse dicunt omnes, & valde utile ut universa illa quæ in veteri Testamento gesta narrantur ad sensum mysticum convertantur; multi etiam fuerunt inter eos qui singula veteris Testamenti loca ad quadruplicem sensum violenter & ridicule pertrahere sunt conati; neque magis usitatum quidpiam aut magis acceptum in Concionatoribus Pontificiis, quam hunc in modum Scripturas vexare, & miseram plebem quasi vento cibare. Fuit in Hispania Concionator quidam, ut refert Bannes, qui in laudem crucis Christi, universa illa quæ ex ligno facta sunt, quorum in veteri Testamento facta est mentio, figuras Christi fuisse asseruit, etiam hastam Saulis cum scypho, quæ dormientibus servis Saulis, David furatus est ipsi. Non laudat hoc Bannes: sed graviter monet Concionatores omnes, ut si quem novum sensum mysticum inveniant, attendant semper ut vero similia, & rationi consentanea dicant: iisdem tere verbis, quibus callidus aliquis veterator uteretur, si institueret aliquem in arte mentiendi; quid enim potius consilii daret, quam

ut caute agat, si non calte; ut si non vera, vero tamen similia semper dicat.

Sententiam istam Pontificiam distincte explicasse idem esse videtur atque refutasse. Quod res est tamen apertius adhuc ostendam.

Primum argumentum, quo evertitur istud commentum de multiplici sensu est, quod nullum fundamentum habet in ipsis Scripturis.

Profertur à Bellarmino primo unicus locus ex quo colligi dicit hanc sensuum partitionem. 1. Cor. 10. ubi vers. 11. de iis quæ acciderunt Iudæis affirmatur, quod *hæc omnia typice evenerunt eis*. Sed de horum verborum sensu prius constare nobis debet, quam ex eis colligere liceat tam multiplicem aliorum locorum sensum. Sensus autem & mens Apostoli hoc in loco longe alia est quam Bellarminus putat. Apparet enim ex vers. 6. quod per typum in istoc capite nihil aliud intellexi Apostolus quam exemplum. *Hæc typi nostri fuerunt ut ne concupiscamus*; ubi doctissimus Beza nimis videtur dormitasse, non satis attendens ad logicam horum verborum, dum ea sic accipit, quasi Apostolus ibi doceret, sacramenta Israëlitarum nostra sacramenta significasse: cum exempli ratio satis manifeste indicetur illa clausula, *ne concupiscamus*; eodem sensu 1. Timoth. 4. 12. Tit. 2. 7. præcipit idem Apostolus, ut Evangelistæ illi, & sic omnes ministri præbeant sese per omnia *typos* bonorum operum.

Tam perspicuum est hoc ex iis quæ antecedunt & sequuntur in illo capite, ut non fugerit scholasticos quosdam Pontificios, qui tamen Scripturas minime solent curare; sic enim D. Barnes in 1. Thomæ, q. 1. art. 10. *Intelligit Apostolus per hæc omnia, supplicia propter peccata Iudæorum; dicit autem in figura illis contigisse, hoc est, in exemplum nostrum, ut in alieno capite periculum faciamus; alioqui sicut et illi, qui Dei beneficiis ingrati extiterunt, acriter puniti sunt, ita nos multo iustius puniemur, si majoribus receptis beneficiis ingrati fuerimus.*

Proferuntur secundo in loco & a Bellarmino, & ab aliis Pontificiis Doctoribus, varia Scripturæ loca, in quibus eadem literalis sensu asseruntur in veteri Testamento, & spirituali tamen ac mystico explicantur in novo: qualia sunt illa, quæ de egressu Israëlitarum ex Ægypto, de transitu maris, de manna, de aqua petrae, & similibus dicuntur.

Sed respondemus, 1. Tam varium sensum atque illi statuunt, non posse ex istis locis ullo modo probari; quamvis enim duplex sensus ipsis concedatur, quadruplicem tamen inde non evincunt.

2. In quibuldam novi Testamenti locis, ubi novum sensum tradi putant locorum quorundam veteris Testamenti, ubi non statuitur novus sensus, sed verba tantum per analogiam accommodantur ad aliud aliquid explicandum vel illustrandum; ut Rom. 10. 18. *In omnem terram exivit sonus eorum*, &c.

3. Nos non negamus & allegorias multas, id est, continuatas metaphoras, vel imagines rerum expressas verbis; & typos, id est, imagines rerum expressas rebus, in Scripturis haberi: sed hoc est quod asserimus.

1. Allegoriam æque simplicem habere sensum quamvis tropicum, ac verba

ba propria. 2. Typum & rem typo significatam, non constituere duos varios sensus, proprie loquendo, sed duas partes unius & ejusdem sensus; quæ enim simul dicuntur de imagine & de persona cujus est imago, non varium sed unum sensum habent. 3. Si duo sint sensus in aliqua narratione typica, tum unus sensus proprie & immediate est verborum, alter vero est rerum non verborum, nisi per accommodationem analogicam.

Secundum argumentum adversus varios istos Scripturæ sensus est, quod nullum fundamentum habet Logica, Grammatica, vel Rhetorica; quum enim hæ sint artes rationis & orationis, non debet quidquam admitti in rationis vel orationis modo, quod ex illis non potest probari; neque est quod dicat quisquam hoc esse Scripturæ divinæ proprium, quia Deum habet authorem, (quæ est Bellarmini ratio) Deus enim in Scripturis quamvis de rebus divinis loquatur, loquitur tamen humano modo & more, ut possit ab hominibus capi.

Hac una ratione minus probanda videtur sententia Keckermanni, qui prædicationem illam quæ in Sacramentis usurpatur, neque proprie ad Logicam revocat, neque ad Rhetoricam, sed ad impropriam quandam formam.

Tertium argumentum est, quod isti multiplices sensus Scripturam sacram reddunt incertam, atque adeo labefaciunt ac minuunt ejus auctoritatem. Scripturam enim scaterere faciunt æquivocationibus. Hoc nomine Porphyrius & Julianus olim Christiani nominis hostes & irrisores, religionis nostræ doctrinam universam conati sunt in contemptum adducere.

Quartum argumentum est, quod (fatente Bellarmino) ex solo literalis sensu peti debent argumenta efficacia: quia de sensibus mysticis non semper constat an sint à Spiritu sancto intenti. Ex qua concessione sequitur varios hujusmodi sensus non esse sensus: quia neque sensus est Spiritus sancti, qui non intenditur à Spiritu sancto: neque ullus est sensus Spiritus sancti, ex quo colligi non possit firmum argumentum.

Res ipsa sic se habet: Scripturæ quoad sensus rationem, & explicandi modum nulla re differt ab hominum scriptis: nisi quod hic frequentiores typi sint à Deo constituti, ut propria sua qualitate aliam rem exprimant.

Istiusmodi autem typi non sunt pro interpretum arbitrio fingendi: sed tum agnoscendi, cum ex ipsis Scripturis constat intentionem fuisse Dei ut illæ ipsæ res pro typis a nobis accipiantur. Alias quamvis possit historia aliqua Scripturæ per similitudinem continuatam ad aliud aliquid explicandum per occasionem accommodari: non debet tamen ipsa historia tali sensu explicari.

PSALMVS SECVNDVS.

- Q**uare tumultuantur gentes : & populi meditantur inane ?
 2. Sistant se Reges terræ , & proceres consultant simul contra Jehovam , & contra Christum ejus ?
 3. Dicentes, disrumpamus lora eorum ; & projiciamus a nobis densos fines istorum ?
 4. Sedens in calis ridet : Dominus subsannat eos.
 5. Tunc alloquetur eos in ira sua, & in astu ira sua perturbabit eos : &c.

A N A L Y S I S.

PROPOSITVM Prophetæ, hoc in Psalmo, est cohortari omne genus hominum ut subji- cerent sese regno Christi. ver. 10, 11, 12. argumenta præcipua quibus hoc suadetur, tria sunt : quorum primum petitur ab adjuncta stultitia conatuum omnium oppositorum. v. 1, 2, 3, 4. & 5. secundum ab efficiente causa, cujus vi hoc regnum Christo defertur, voluntate scilicet ac decreto Dei, ver. 6, 7, 8, 9. tertium petitur ab adjuncto exitio eorum omnium qui contra faciunt, id est, qui semetipsos Christo subdicere nolunt. ver. 12.

Ut vero ordinem à Propheta institutum interpretando sequamur; in argumento primo, quod quinque primis versiculis continetur, proponitur primo descriptio conatuum adversus Christum susceptorum versiculis tribus : & postea demonstratur eorundem stultitia, v. 4. & 5.

Describuntur conatus impiorum.

1. Ab efficientibus causis, *gentibus, populis, regibus, & proceribus*, v. 1, 2. ubi per inductionem harum specierum, omne genus, & ordo hominum designatur.
2. A partibus conatuum, quæ sunt 1. tumultuari, vel fremere : 2. meditari, vel inire consilia.
3. conjunctis artibus & viribus per-

sequi sua cœpta. 3. Tertia pars descriptionis petitur à subjectis personis adversus quas machinationes istæ omnes parantur, id est, *contra Jehovam, & contra Christum ejus*. 4. Quarta pars est à fine conatibus istis propolito, qui est abdicare Christum suo regno. v. 3. *Disrumpamus lora eorum, &c.*

Demonstratur stultitia horum conatuum, ex eo quod inanes & irriti sint, ut affirmatur versu primo in fine, & probatur v. 4. & 5. 1. Duobus adjunctis modis quibus Deus versatur circa ipsos : quorum prior est *irrisio* : & alter est *ira* ; cujus iræ effectum est eorum *conturbatio* : quod amplificatur, 1. A causa principali, potentia nempe Dei ; qui *sedet in calis*. 2. A causa instrumentali, verbo vel alloquio, *alloquetur eos*. 3. Ab adjuncto temporis, *tunc alloquetur*.

Q V E S T I O N E S.

I. Quare proponitur hæc impiorum descriptio per interrogationem?

Resp. Figuratus iste loquendi modus plurimum facit ad vim & vigorem hujus sententiæ : nam quatuor indicat observanda.

1. Manifestam rei veritatem : quoniam res ipsa non vocatur in dubium,

um, sed ejus causa tantum. 2. Aggravationem hujus impietatis, quæ talis est ut omnes pios rapiat merito in admirationem; unde etiam ex abrupto quasi admirabundus in hunc sermonem ingressus est psalter.

3. Gravem abnegationem omnis justæ rationis vel causæ, qua homines impelli possint ad istum furorē: ita ut aliunde non proveniat quam ab impietate mera. 4. Eventum, quod frustra sint in hac tota machinatione qua regnum Christi impugnant: atque adeo si sapiant in tempore ab ea desistere debent. Similis est ratio & usus illius interrogationis, Psal. 10. 13. *Quamobrem irritat improbus Deum? dicit cum animo suo, te non reposciturum?*

II. Quænam sunt personæ gentium & populorum nomine designatæ?

Resp. Sicut Psalmus fere totus & Davidem respicit ut typum, & tamen Christum præcipue ut typi illius veritatem, sic per istas gentes ac populos, intelliguntur & Davidis hostes tam interni, quam exteri, & præcipue tamen Christi & Evangelii ejus hostes; ut exserte docent Apostoli omnes uno ore, Act. 4. 27. ubi etiam ita distinguere videntur inter gentes & populos, ut gentes sint ij qui exsortes sunt fœderis, populi autem sint Israëlites.

III. Quare tot verborum congeries adhibetur ad impietatem horum hominum describendam?

Resp. Ut ostendatur eos omnibus suis viribus, ac artibus Christi regnum impugnare.

IV. Quare vinculorum & denariorum funium faciunt mentionem?

Resp. Quia vincula & lora sunt signa servitutis. Jer. 27. 2, 6, 7.

V. Quis intelligitur per Christum Domini, quem hostes isti impugnabant?

Resp. Sub ratione typi, David intelligitur: sed in veritate, quæ præcipue spectatur, filius Dei, Servator noster; cujus hoc proprium nomen fuit. Dan. 9. 25. 26. Joh. 1. 42. & 25. Act. 4. 27. ubi observandum est, ex duobus illis nominibus quæ Redemptori nostro tribuuntur, *Christus, Jesus, Christum* denotare sanctificationem & adoptionem personæ, atque adeo fidelibus non tantum typice, sed etiam vere communicari per participationem, qui idcirco *Christiani* vocantur. Act. 11. 26. 1 Jch. 2. 20. 27. sed *Jesum* denotare actum ipsum redemptionis, atque adeo non posse hominibus vere communicari: ita ut arrogantia eorum qui se *Iesuitas* appellant, non longe ablit à blasphemia.

VI. Quare Deus introducit *sedens in caelis*?

Resp. Ut doceamur, 1. Dei gloriam in sublimi positam, esse in tuto, ita ut humani impetus nunquam pertingere possint ad eam laudandam. 2. Deo satis esse potestatis ad impiorum hominum fures compescendos. 3. Deum in summa quiete spectare, & statuere de insanis hominum furoribus.

VII. Quo sensu *risus* tribuitur Deo?

Resp. Non proprie, sed metaphorice, ut spes, metus, optatio, desperatio, &c. illi enim qui istiusmodi humanos affectus proprio sensu Deo affingunt, sunt inter istos de quibus hic agitur, qui tumultuantur, fremunt, consultant contra Jehovam, & ridentur à Deo qui sedet in caelis. Irrisio autem Dei arguit homi-

num ridiculam stultitiam, & contemptum Dei, qui exponit eos etiam ludibrio.

VIII. Qualis est sermo qui tribuitur hic Deo?

Resp. Non tantum verbalis, sed etiam realis: tota nempe ratio illa, qua Deus hominū contumaciam increpare, & gloriam suam asserere solet.

IX. Quodnam tempus notatur particula illa, *tunc*?

Resp. Tempus opportunum & accommodatum; opportunitates autem statuit Deus in sua ipsius auctoritate. Act. 1.7.

DOCUMENTA.

I. Commune hoc est omni hominum generi, a naturæ pravitatem, cum primo invitatur ad Christum recipiendum, ut plane opponant sese huic vocationi.

Ratio 1. Quia sunt in carne, sunt ipsa caro: caro autem *inimicitia est adversus Deum: legi enim ejus non subjicitur, neque potest quidem*, Rom. 8. 7. Quod adeo verum est in vocandis, ut in ipsis etiam vocatis & regenitis, oppositio & bellum istud ex parte continetur. Rom. 7, 23. *Cerno aliam legem in membris belligerrantem adversus legem mentis*. Gal. 5. 17. *Caro concupiscit adversus spiritum & spiritus adversus carnem: hæc autem inter se opposita sunt*. 2. Quia vocatio Christi illud imprimis ab hominibus exigit, ut abneget semetipsos, Matth. 16, 24. suam propriam sapientiam, ut agnoscant se stultos. 1 Cor. 3. 18. suam propriam voluntatem, ut non sint sui juris. 1 Cor. 6. 19. Ab istis autem adeo alieni sunt homines, ut non possint non acriter hujusmodi vocationi repugnare, adeo ut non

immerito miraculi instar a quibusdam habeatur, quod eo perducitur quispiam, ut voluntas ejus semetipsam abneget, vel sibimet adversetur: quod tamen in omnibus iis reperitur qui serio convertuntur ad Deum. 3. Quia per istam vocationem ad vitam novam arguitur & condemnatur antea acta vita tota. Joh. 3. 20. *Quisquis quæ mala sunt agit, odit lucem, nec venit ad lucem, ne arguantur opera ejus*.

Uusus 1. Est institutionis, ut tota gloria vocationis & salutis nostræ tribuatur Deo soli. Deut. 9.4, 5, 6, 7, 24. *Nequaquam propter justitiam tuam, aut propter rectum animum tuum, &c.* Sociniani fingunt probitatem quandam, vocationem efficacem antecedentem, rationem esse cur quibusdam potius quam aliis Evangelium prædicetur ad salutem. Remonstrantes etiam non longe absunt ab istoc errore, cum dispositionem quandam ad vitam æternam antecedere docent fidem ex Act. 13. 48. & inde petendam esse rationem contendunt, cur quidam credunt, cum alii non credunt.

2. Est admonitionis, ejusque triplicis. 1. Ne nimis conturbemur animis, cum multos videmus opponentes sese religioni veræ. 2. Ne indulgeamus unquam pravitati carnis, sed caveamus nobis sedulo ab ejus reliquiis. 3. Ne ministri accommodent sese in prædicatione Evangelii ad placendum hominibus carnalibus; nunquam enim recte & efficaciter prædicatur Christus, quin improbi inde concitentur ad aliquam oppositionem.

II. Qui opponunt se Christo opponunt sese Jehovæ; ex illis verbis, *contra Jehovah & Christum ejus*.

Quod

Quod intelligendum est non solum de impugnacione Christi in sua propria persona, Joh. 5. 23. *Qui non honorat filium, non honorat Patrem.* Sed etiam de illa quæ immediate refertur ad Evangelium, ac ejus dispensationem, & dispensatores fideles, qui munus illud fideliter exercent. Luc. 10. 16. *Qui vos aspernatur, me aspernatur: qui vero me aspernatur, aspernatur eum qui misit me.* Sicut 1 Samuel 8, 7. *Non te spreverunt solum: sed me spreverunt.*

Ratio. In hominibus meris, illa unica est causa, quam vidit & exposuit Gamaliel, Act. 5. 39. quia resistere functioni a Deo hominibus impositæ ac mandatæ, est resistere Deo ipsi, vel gigantum more cum Deo ipso pugnare, *ἵσχυα χεῖν*. In Christo hoc insuper accedit, quod in eo omnis plenitudo Deitatis habitat corporaliter. Colos. 2. 9. qui igitur opponit sese Christo, necesse est ut simul etiam opponat sese Deo.

In hominibus autem discrimen etiam quoddam est observandum; qui enim impugnant aut vexant minimum ex fidelibus qua talis est, impugnant etiam Christum & in Christo Jehovah, Act. 7, 4. Zachar. 2. 12. *Qui tangit vos, tangit pupillam oculi ipsius.* Mat. 25, 40, 45. Sed alia & altior est ratio in ministris & eorum fidei ministerio; in Sanctis enim impugnatur tantum Imago illa Dei quæ in Sanctitate consistit: sed in ministerio, impugnatur etiam singularis imago potestatis, veritatis & gratiæ illius, quæ & sanctitatem & salutem hominibus adfert.

Usus est admonitionis, ut caveant sibi omnes à contemptu & impugnacione Evangelii ac ejus ministerii; quia negotium hic habent cum

ipso Deo. Hac admonitione utebatur Heli versus filios suos. 1 Samuel 2, 25. *Si peccaverit vir in virum, judicabit eum magistratus: sed si in Jehovah nullus peccat, quis oret illum?* Similis est exaggeratio peccati. Iel. 37. 23. *Quem probro affecisti ac blasphemasti? utique attollis in sublime oculos tuos contra sanctum Israel.* & 57. 8. *Contra quem oblectatis vos? contra quem dilatatis os, protrahitis linguam?*

III. Regnum Christi maxime impugnatur à mundo, ex illis verbis, *disrumpamus lora, projiciamus funes.* Luc. 19. 14. *Nolumus hunc regnare super nos.*

Ratio est, quia regnum vel administratio illa Christi, quæ spirituales exigit obedientiam, maxime adversatur pravis hominum affectibus; facilius enim externa onera, quamvis gravia & difficilia portatu, feruntur à carnalibus hominibus, qualia Pharisei olim imponebant; Mat. 23. 4. & hodie Pontificii, quam spiritualis obedientia præstatur Christo ut regi: quamvis piis jugum ejus sit facile, & onus ejus leve, Matth. 11. 30.

Usus 1. Est institutionis, ut hinc rectum judicium feramus de contentionibus illis quæ excitantur circa religionem; Prophetia Christi à superbis ingeniis aliquando impugnatur: Sacerdotium ab avaris Monachis & Sacrificulis, ad quæstum suum attentis: sed in omni genere hominum multi temper existunt, qui de veritate non contendunt, redemptionem per Christum & justificationem per solam fidem libenter agnoscunt, sed ut vita & mores eorum ad Christi normam exigantur non possunt ferre: atque eo ac-

mine abhorrent ab ipsa forma disciplinæ; vera causa est, quia nolunt Christum super se regnare. Ecclesiam talem volunt qualis fuit nonnunquam Israelitica, de qua dicitur, Jud. 21. 25. *Temporibus illis non erat rex in Israël: quisque quod rectum videbatur in oculis suis faciebat.* 2. *Est admonitio*, ut hac in parte impiorum quam maxime dissimiles esse studeamus.

IV. Hujusmodi conatus impiorum, adversus regnum Christi, ac Dei, cedunt semper in auctorum confusione, *perturbabit eos.* Job 5, 12, 13, 14. *Qui irritas facit cogitationes astutorum, ut non perficiant manus eorum quicquam: qui deprebendit sapientes in astutia eorum, adeo ut consilium relictantium precipitur.* Exemplum nobile habemus in extructoris turris Babylonice, Gen. 11, 7. 8, 9. & in Pharaone Exod. 15, 9, 10. *Dixerat: persequar, assequar, dividam prædam, &c. Deus flavit vento suo, & operuit eos mare.* Hinc Deus & Christus dicuntur hostibus tuis esse in lapidem allisionis, in rupem offensionis, in laqueum, & in tendiculam, Ies. 8, 14. 1 Pet. 2, 7. Matth. 21. 44.

Ratio. Tam potens est Deus; sedet in cælis; infirmitas Dei validior est quam homines. 1 Cor. 1. 25. Deus est ignis consumens, Heb. 12. 29.

Vers. 6. *Dicet, atqui ego inungens regem meum, præfeci Tzioni monti sanctitatis meæ.*

7. *Decretum enarrabo: Jehovah dixit mihi, filius meus es, ego hodie genui te.*

8. *Pete à me, & donabo gentes in hereditatem tuam; & fines terræ in possessionem tuam.*

9. *Confringes eas virga ferrea; ut vas figillum dissipabis eos.*

coram ejus ira, cum effunditur, nemo consistere potest, Apoc. 6. 17.

Uſus 1, *Est admonitionis*, ne ambulemus in consilio improborum, Ies. 8, 12. *Ne dicatis conjuratio, in quibuscunque populus iste dicit conjuratio.* Rationem hanc adhibet Apostolus in simili admonitione, 1 Cor. 10, 22. *An provocamus ad æmulationem Dominum? non sumus eo validiores?* 2. *Est consolationis*, adversus omnes terrores quos incutere nobis possint impiorum furores, tandem enim Ecclesia Dei salva, convertentur in eorum confusione.

V. Cærum & opportunum tempus constitutum est hujusmodi Dei judiciis, tunc alloquetur, tempus visitationis crebro appellatur in veteri Testamento. Exempla nobilissima sunt Gen. 6. 3. *Dies hominis futuri sunt centum viginti annorum.* & Gen. 15. 16. *Et tunc quarta huc reversurus es: non enim completa est iniquitas Emoræi adhuc.*

Ratio. Quia quædam temporis momenta sunt aliis aptiora ad justitiam Dei manifestandam.

Uſus est exhortationis, ad patientem expectationem. Deus enim suo tempore accelerabit. Ies. 6, 22. non retardabit. Ies. 46. 13. Heb. 10. 36. 37.

ANALYSIS.

CONTINETUR istis versiculis argumentum secundum illud quo omnibus persuaderetur ut subijciant se se regno Christi, petitur autem ab efficiente causa, cujus vi hoc regnum Christo deferatur, voluntate scilicet & decreto Dei; hujus argumenti duplex est vis & consequentia, una respicit primariam questionem, hunc in modum: Si Deus ipse solemne decretum sanxit de istoc regno in Christum conferendo, tum decet omnes Christo se subijcere; sed verum prius, ergo, altera confirmat argumentum præcedens, in hanc sententiam: Si Deus ipse solemne decretum sanxit de istoc regno in Christum conferendo, tum stulte & frustra ab impiis oppugnatur, sed verum prius; Ergo. Hæc vero decretum duplici testimonio ornatur: nam & Deus introducitur quasi testimonium præbens huic veritati, v. 6. & cum Deo Christus ipse, ad quem publicatio decreti pertinebat, v. 7. &c.

In testimonio Dei proponitur 1. Auctoritas Dei opposita hominum consiliis: *atqui ego.* 2. Vocatio quæ per hanc auctoritatem in Christum conferatur, *inungens regem meum.* 3. Objectum quod præcipue spectatur in ista vocatione, *præfeci Tzioni monti sanctitatis meæ.*

In testimonio & publicatione decreti per Christum facta duo continentur, 1. Descriptio personæ designatæ vel electæ ad regnum istud possidendum & administrandum: *Filius meus es, ego hodie genui te.* 2. Descriptio regni Christo traditi, regnum vero describitur. 1. A causa intermedia, quæ plenam hujus

regni possessionem antecedere debet, hæc autem est Christi intercessio: *pete à me.* 2. Ab adjuncta concessi regni amplitudine: *gentes, & fines terræ.* 3. Ab adjuncta concessi regni qualitate, hæreditatis nempe æternæ: *in hæreditatem, in jus possessionis.* 4. Ab effectis, quæ sunt severitas judicii in rebelles, quæ per similitudinem illustratur: *confringes eos virga ferrea,* &c. & gratiosa rectio fidelium: quæ non exprimitur, sed ex consequente per synecdochen intelligitur.

QUESTIONES.

I. Quid significatur per unctionem?

Resp. Vocatio illa Dei quæ aptum Christum reddebat ad suum munus obeundum, sicut oleum reddit corpus habile ad exercitia corporalia.

II. Quare Tzion hic ponitur pro Christi regno?

Resp. Qui tam Hierosolymæ quam templum in illo monte Hierosolymitano extructum, typi fuerunt ecclesiæ Christi, Gal. 4: 26. Heb. 12: 22. Apoc. 14: 1. 21: 2.

III. Quo sensu Christus vocatur *filius Dei*?

Resp. Secundum generationem æternam in natura divina, probatur hoc manifeste Heb. 1: 5. *Cui dixit unquam angelorum filius meus es tu?* unde argumentum tale colligitur: Si Christus alio & altiore modo sit filius Dei quam angelorum quisquam, tum filius est per æternam generationem, sed verum prius; Ergo.

Obj. 1. Explicantur hæc verba de Nativitate & Resurrectione Christi in tempore facta, Act. 13: 33.

Sol.

DOCUMENTA.

Sol. Verum hoc est quo ad patefactionem aut manifestationem: sed re ipsa Christum etiam prius extitisse ac filium Dei fuisse æternum ex illis ipsis patefactionibus manifeste apparet; nam 1. In nativitate illa quam Christus habuit in tempore, ille ipse dicitur assumpsisse naturam humanam Heb. 2. 16. & semetipsum hoc pacto exinanivisse, Phil. 2. 7. 2. In resurrectione, Christus semetipsum dicitur suscitasse, Joh. 2. 19. *Destruite templum hoc, & intra triduum excitabo illud.* & 10, 18. *Autoritatem habeo animam meam assument. di.* Hoc autem fuit potestatis plane divinæ. 1 Pet. 3. 18.

Object. 2. Generari dicitur filius *hodie*, id est, certo quodam tempore, non ab æterno.

Sol. *Hodie* notat tempus demonstrationis, patefactionis, aut declarationis, non primæ generationis; generatio enim fuit ab æterno, sed declaratio in tempore, Rom. 1. 4.

IV. Quomodo communicari potest regnum in tempore illi, qui filius Dei atq; adeo rex fuit ab æterno?

Resp. Communicatur ipsi ut mediator, *ἡμεῖς ἰσχυροὶ*, Immanueli, Deo nobiscum, Filio Dei, & Filio hominis.

V. Quare petitio regni hic præscribitur Christo?

Resp. Vt significetur. 1. Hoc regnum ex nullius arbitrio pendere, nisi Dei solius. 2. Intercessionem & satisfactionem antecessuram plenam huius regni possessionem.

VI. Qua ratione fit, quod severitatis tantum fit mentio in administratione regni Christi v. 9.?

Resp. Quia hæc oratio præcipue dirigetur ad infideles & immorgeros.

I. Decreta Dei sunt immutabiliter certa & firma; atqui ego decretum enarrabo, ubi hoc, decretum Hebraice idem sonat quod statutum, aut lex constituta, ejusdem naturæ cum statutis Medorum & Persarum, quæ non potuerunt mutari. Dan. 6. 16. Numb. 23. 23. Psalm. 33. 11. Ies. 14. 27. Hebr. 6. 11. Ad istum locum accommodatissime Prov. 19. 21. *Multæ sunt cogitationes, sed consilium Jehovah surgit.*

Ratio. Quia consilium vel decretum nullum fit irritum, nisi vel novi aliquid occurrat antea non prævisum, vel sequatur voluntatis aliqua mutatio, vel potentia desit illi qui decrevit, propositum suum perficiendi: sed nihil horum attribui potest Deo: quoniam aliena sunt plane ab ejus perfectione.

Ufus 1. *Est consolationis* erga fideles: quia Deus ipsis ex decreto paravit æternam felicitatem. Mat. 25. 34. 2. *Est terroris* adversus impios in impenitentia sua persistentes: quoniam ipsis parata est æterna miseria eodem decreto. Mat. 25. 41.

II. Decreto Dei sancitum est Christum habiturum regnum vel Ecclesiam in terris ad finem usque mundi.

Ratio. Quia etiam de ipsis passerculis & herba agri constituit Deus omnia, Mat. 6. 30. Luc. 12. 6, 28.

Ufus 1. *Refutationis* adversus Socinianos & Remonstrantes, qui in hominum arbitrio & potestate ponunt, utrum Christus habiturus sit Ecclesiam ac regnum in terris, necne. 2. *Est consolationis* adversus omnes furores impiorum, qui Ecclesiam Christi evertere student.

Matth.

Matth. 16. 18. *Porta inferorum non superabunt Ecclesiam.*

III. Christus qua filius est Dei, constituitur rex & caput Ecclesie.

Ratio. Quia divina plane est hæc potestas, & spiritualis magis quam creatio & gubernatio cœli ac terræ.

Usus 1. Est *refutationis* adversus blasphemiam illam Pontificiorum, qui Pontifices Romanos volunt esse Ecclesie capita: qui tamen semper sunt homines mortales & plerunque scelerari. 2. Est *consolationis* erga fideles, qui tam potentem habent regem & protectorem.

IV. Christi regnum longe lateque propagandum est per omnes fines terræ. Jes. 49. 6.

Ratio. Quia Deus vult ab omni gente laudari, Apoc. 5., 9. & 7, 9.

Usus 1. *Institutionis*, expectandam nempe adhuc majorem amplitudinem regni Christi, quam adhuc vi-

demus 2. *Exhortationis*, ut omnem operam demus, augendo & promovendo Christi regno; omnes fideles nonnihil possunt huc conferre: preces saltem & exemplum bonum, si nihil ultra; *qui non congregas mecum, spargis*, Matth. 12. 30.

V. Regnum istud Christi sicut piis adfert salutem, sic impiis cedit in perditionem, 1 Pet. 2. 7. Apo. 2. 27. & 12. 5. & 19, 15.

Ratio. Quia regnum ejus non esset perfectum, nisi omnes haberet sibi aliquo modo subjectos. 1 Cor. 15. 25.

Usus 1. *Consolationis* erga pios tam respectu felicitatis ipsis obventuræ, quam respectu hostium suo tempore subigendorum.

2. Est *admonitionis*, ut eligeremus potius voluntarie subicere nos Christi regno ad salutem, quam ab ipso contra voluntatem subigi, ad perniciem.

Verse 10. *Nunc ergo Reges animadvertite; eruditionem percipite, o judices terræ.*

11. *Colite Jehovam cum reverentia; & exultate cum tremore.*

12. *Osculamini filium,* —

ANALYSIS.

Continent hæc verba questionem & conclusionem primariam totius Psalmi, sub forma cohortationis per apostrophem adhibita, & ex antegressa suasione deductæ.

In exhortatione ista declaratur 1. Officium illud ad quod vocat & excitat Deus. 2. Personæ quæ vocantur ad illud præstandum. 3. Temporis circumstantia in quo officium illud ab istis personis est exercendum.

Officium explicatur. 1. Generaliter per illud quod est principium om-

nis officii & observantiæ, *animadvertite, eruditionem percipite*. 2. Specialiter per actum ipsum qui præcipue requiritur, *colite Jehovam*. 3. Per modum huic actui convenientem, *cum reverentia: cum tremore*. 4. Per solemnem professionem quæ actum illum comitari debet, *osculamini filium*.

Personæ quæ provocantur ad hoc officium, sunt *Reges & Judices terræ*, id est, per Synecdochen, omnes hominum ordines. Temporis circumstantia est præsens occasio, *nunc ergo*.

QUEST.

Q U E S T I O N E S.

I. Quare primo ad intelligentiam & eruditionem percipiendam?

Resp. 1. Quia homines impii sunt insipientes, & extra se, atque adeo debent imprimis ad sanam mentem redire, antequam bene se gerere possint. Luc. 15. 17. *Quum autem ad se rediisset.* 2. Quia intelligentia recta est adeo necessaria ad officia spiritualia, ut sine illa neque præstari possint, neque si alia aliqua ratione præstentur, grata sint Deo; *zelum Dei habent, sed non ex no- zitia.* Rom. 10. 2. 3. Quia promptitudo voluntatis ad intelligentiam & eruditionem percipiendam, est initium obedientiæ. Hebr. 13. 22. *Sufferte sermones exhortationis.* Jer. 35. 13. *An non percepturi estis eru- ditionem?*

II. Quale est officium hoc quod verbo colendi explicatur?

Resp. Est officium religionis: religio autem est prima pars observantiæ, qua debitum honorem Deo deferimus; vocatur etiam eodem sensu, pietas, sanctitas, cultus, & per synecdochē, charitas erga Deum; hoc autem officium nominatur loco omnium: quia & præcipua pars est obedientiæ, & causa procreans est cæterorum omnium officiorum.

Hic autem observandum illud occurrit, inanem & ab hominibus excogitatam esse distinctionem illam Pontificiam, qua distinguunt religiosum cultum in *latreiam*; & *douleiam*, ita ut latreia sola proprie debeatur Deo; hic enim in textu verbum illud adhibetur quod proprie *שָׁמַיָא* vel servitium denotat,

שָׁמַיָא

III. Quare osculatio ponitur pro cultus hujus professione?

Resp. 1. Quia fuit olim symbolum subjectionis & honoris erga Dominos. Genes. 41. 40. *Tu præ- rix domui meæ, & ad os te osculabitur universus populus meus.* 1 Sam. 10. 1.

2. Quia fuit apud præscitos, cum certo modo præstatur insignis testimonium religiosæ subjectionis. 1 Reg. 19. 18. Hos. 13. 2. Job. 31. 27.

3. Quia gestus iste ex natura sua aptissimus est ad intimum animi affectum exprimendum, quoniam unionem quandam spirituum vel animarum præ se fert, quæ est proprium effectum amoris vel charitatis: unde *charitatis osculum* appellatur. 1 Pet. 5. 14.

IV. Quare Reges & Judices præcipue appellantur in hac exhortatione?

Resp. 1. Quia difficilius moventur ad subjectionem, propter factum illum quo turgent. Jerem. 5. 5. *Ibo ad magnates: sed ipsi fregerunt jugum, diruperunt vincula.* Jer 13. 15. *Audite, & auribus percipite; ne exaltetis vos.* 2. Ut efficacius indicaretur vulgo hominum, hanc exhortationem ad ipsos pertinere, cum Reges & Judices illa tenentur.

3. Quia Regibus & Judicibus præeuntibus, facilius flectitur plebs inferior, eorum exemplo & auctoritate.

V. Quomodo potest timor & tremor cum exultatione conjungi in cultu Dei.

Resp. Timor & tremor non denotant pavorem illum qui ex dubitatione & diffidentia nascitur: sed animi submissionem, reverentiam & sollicitudinem summam; sic Philip. 2. 12. 1 Cor. 2. 3. 2 Cor. 7. 15. Ephes.

Ephes. 6. 5. explicationem habemus. Hebr. 12. 28. *Teneamus gratiam per quam ita colamus Deum ut ei grati simus cum verecundia & reverentia.* Huiusmodi vero timor optime consistit cum gaudio summo. Matth. 28. 8.

VI. Quodnam est tempus quod hic intelligitur per *nunc*?

Resp. Tempus præsens. Hebr. 3. 15. *Dum dicitur hodie.*

DOCUMENTA.

I. Principium conversionis est, cum quis serio applicat animum ad percipiendam instructionem Dei; *animadvertite cruditionem percipiendam.* Act. 13. *Sergius Paulus vir intelligens, expetivit audire sermonem Dei.*

Ratio 1. Quia primus gradus est transitionis à Dominio, quod peccatum exercet in impios, ad subjectionem veram erga Deum; impii enim odio quodam feruntur adversus instructionem. Psalm. 50. 17. *Cum tu oderis disciplinam, & projeceris verba mea post te.* Prov. 2. 29. 30. *Oderunt scientiam: contempserunt correctionem.* Pii autem diligunt sapientiam. Pro. 4. 6. & 7. 4.

2. Quia signum hoc sæpe est, aliquod semen pietatis in ejus corde latere, qui avidè quærit alimentum pietatis. 1 Pet. 2. 2. *Ut modo geniti infantes, lac illud sermonis sinceri expetite, ut per illud augeamini.*

Uusus 1. Est condemnationis, adversus eos, qui alieni sunt ab instructione. Hebr. 2. 3. *Quomodo nos effugiemus, si tantam neglexerimus salutem.* 2. Est cohortationis & admonitionis, ut conservemus in cordibus nostris affectum istum erga verbum Dei. 2 Thess. 1. 10. *Seducti sunt*

& pereunt, propterea quod amorem veritatis non receperunt. Proverbiorum decem capita priora tota fere consumuntur in hac admonitione & exhortatione.

II. Instructio cum fructu non percipitur, nisi cum applicatur, & ad praxin revocatur; *eruditionem percipite, colite.* Deut. 4. 6. *Observate & facite: nam hæc est sapientia & prudentia vestra.*

Ratio. Quia finis instructionis & Theologiæ totius in eo consistit.

Uusus exhortationis, ut studeamus magis huic applicationi ad praxin. Prov. 3. 3. & 6. 21. *alliga faucibus, inscribe tabula cordis tui.*

III. Præcipua pars praxeos quam instructio divina spectat, est verus cultus Dei. Prov. 1. 7. *Reverentia Jehova est caput sapientiæ.*

Ratio 1. Quia directe tribuit honorem Deo: unde gloria Dei.

2. Quia unionem & communionem nostram cum Deo promovere: unde nostra vita & beatitudo.

3. Quia fundamentum ponit omnis viæ bonæ, & viæ honestæ.

Uusus exhortationis, ad serium studium cultus Dei.

IV. Cultus Dei non tantum est privatim præstandus, sed etiam solemni professione est testificandus. Rom. 10. 10. *Fit ore confessio ad salutem.* Hebr. 4. 14. *Retineamus hanc professionem; & 10. 23. Retineamus hanc professionem non vacillantem.* 1 Pet. 3. 15. *Sanctificate Dominum in cordibus vestris; estote autem semper parati ad respondendum cuilibet petenti rationem ejus spei, quæ in vobis est.* Phil. 2. 16. *Sermonem vitæ prætententes.* Rom. 1. 16. *Non me pudet Evangelij Christi.* 2 Tim. 1. 12. *Non pudescio, Mark. 8. 38. Quemcu-*

que puduerit mei ac meorum sermonum in gente ista adultera & peccatrice, Filium etiam hominis pudebit ejus &c.

Ratio 1. Quia vocantur homines ad Deum glorificandum etiam externa conversatione. Matth. 5. 16. Ita splendeat lux vestra coram hominibus, ut videant vestra bona opera, glorificentque Patrem vestrum. 1 Pet. 2. 11, 12. Conversationem vestram honestam habete, ut ex bonis operibus qua spectarint, glorificent Deum die visitationis. 2. Quia vocamur etiam ad proximos edificandos. 3. Quia professionis detractatio homines præfert Deo. Marc. 8. 38. Joh. 7. 13.

Ufus 1. Reprehensionis, adversus eos, qui Christiani volunt haberi, & tamen in conversatione sua nihil minus præ se ferunt, quam cultum Dei & Christi. 2. Exhortationis, ut excitemus nosmetipsos magis magisque ad solidam ac seriam professionem.

Verf. 12. — ne pereatis in via; quoniam exarserit vel minimum ira ejus, beati qui confidunt in ipsum.

ANALYSIS.

Sic primariam Psalmi questionem conclusam & probatam habemus argumentis duobus: quorum primum fuit à stultitia conatum oppositorum; secundum à certo Dei decreto, quo potestas hæc est Christo delata: superest jam tertium argumentum ab adjuncto exitio eorum omnium qui Christo obfistunt. Exitium hoc illustratur. 1. Ab adjuncto, quod erit subitaneum, & inopinatum: ne pereatis in via. 2. Ab efficiente causa:

QUESTIONES.

I. Qua in re consistit hæc professio?

Resp. Non in verbis tantum, sed in externa illa manifestatione tota religionis veræ, quæ ipsius naturæ convenit.

II. An illi qui impie vivunt, si verbis approbant veritatem, habendi sint pro professoribus religionis?

Resp. Si contumaciter persistant in impietate, non sunt habendi pro professoribus religionis. 2 Tim. 3. 5. Habentes formam pietatis, sed qui vim ejus abnegant, istos averfare.

III. An hæc professio semper sit necessaria?

Resp. 1. Necessarium semper est abstinere ab iis verbis & factis quæ pugnant cum religione vera. 2. Necessarium est professionem hanc positive facere, cum honor Dei aut utilitas proximi hoc videtur postulare. 3. Istiusmodi occasiones non tantum expectare debemus, sed etiam quærere.

justissima scilicet ira Christi. 3. A collatione parium oppositorum: beati qui confidunt in ipsum; ubi talis ratio innuitur: Si illi qui Christo se subjiciunt erunt beati: tum qui obfistunt Christo, erunt miseri; sed verum prius; ergo.

In assumptione, per synecdochen, præcipua pars subjectionis fiducia ponitur pro tota & integra obedientia.

QUESTIONES.

I. Qualis perditio hic intelligitur?

Resp.

Resp. Tam animæ quam corporis; illa enim perditio notatur, quæ proprie opponitur beatitudini, ut ex collatione illa quæ explicationis causa adhibetur, satis apparet.

II. Quid intelligitur per interitum in via vel de via?

Resp. In medio cursu, citius opinione, præter expectationem.

III. Cujus ira constituitur hujus exitii causa?

Resp. Christi: sicut apparet ex collatione v. 9. ubi hæc ipsa potestas tribuitur ipsi: *confringes ipsos virga ferrea, ut vas filiginum dissipabis eos.*

IV. Quis est ad quem recipere se debent homines?

Resp. Christus: sicut apparet ex collatione principii & finis hujus versiculi: nam *osculari filium*, & recipere se ad ipsum, eodem sensu ponuntur.

V. Quid est recipere se ad Christum?

Resp. Est credere, sperare, confidere in ipsum, ut per illum protegatur, & sit in tuto. Psalm. 14. 6. & 64. 11.

DOCUMENTUM UNICUM.

Christus est verus Deus: idem ille Jehova, qui fuit Deus Israelis. Rationes in textu tres habentur efficacissimæ.

Ratio 1. Christus est colendus cultu religioso, *osculamini filium*; hoc autem convenit soli Deo, teste Christo, Matth. 4. 10. *Dominum Deum tuum adorabis, & ei soli servies.* 2. Christus habet potestatem vitæ ac mortis æternæ. Hoc autem soli Deo convenit, Luc. 12. 5. *Metuite eum, qui auctoritatem habet coniiciendi in gehennam.* Jac. 4. 12. *Unus est*

Legislator, qui potest servare & perdere. 3. In Christum credere & confidere debemus, ad beatitudinem ac vitam æternam. Hoc autem proprium est Dei. Jer. 17. 5. *Maledictus vir ille, qui fiduciam habet in homine.*

Quod respondeant hic nihil habent hæretici, nisi hic omnia Christo competere secundo, non primario.

Quamvis autem hæc responsio valere possit adversus Pontificios qui creaturas colunt cultu religioso, quorum idololatria hoc ipso nomine magis est detestanda, quia blasphemus hæreticos confirmat in impietate sua; adversus veritatem tamen nihil valet. Nam 1. Deus est Deus zelotes. Exod. 20. 5. & gloriam suam alteri non dabit. Jer. 42. 8. 2. Nulla creatura mera capax est illius perfectionis quæ requiritur in eo qui potestatem habet vitæ ac mortis spiritualis. Requiritur enim, ut sit omniscius, intelligens omnia quæ sunt in cordibus omnium hominum: ut sit omnipræsens, distribuens omnibus ubique secundum opera ipsorum: ut sit omnipotens, facile præstans maxima quæque, etiam in spiritualibus: denique ut in ejus arbitrio sit gratia & justitia Dei ipsius.

Usus 1. *Refutationis*, ac *damnationis*, adversus blasphemias hæreticorum. 2. *Admonitionis*, ut caveant sibi omnes ne opponant sese Christo. 3. *Consolationis*, erga fideles, qui talem habent Servatorem. 4. *Exhortationis*, ut cum omni alacritate animi, invocemus Deum in Christo, & pendamus ex eo totum.

PSALMUS TERTIUS.

Psalms Davidis, quem cecinit quum fugeret metu Abschalomi filii sui.

2. *Jehova, quam multi sunt hostes mei; quam multi insurgunt contra me!*
3. *Quam multi dicunt de anima mea, non est ulla salus isti in Deo plane!*
4. *At tu Jehova clipeus es circa me; gloria mea, & extollens caput meum.*
5. *Vocem meam ad Jehovam clamanti respondit mihi e monte sanctitatis sue maximo.*
6. *Ego cubui & dormivi, expergefeci me; quia Jehova sustentat me.*
7. *Non timebo à myriadibus populi; quas circum disposuerint matatores contra me.*
8. *Surge Jehova, & serva me Deus mi, qui percussisti omnes inimicos meos in maxillam; dentes improborum confregisti.*
9. *Jehova est salus; super populum tuum sit benedictio tua maxime.*

ANALYSIS.

Scopus hujus Psalmi generaliter proponitur v. 8. ut Deus liberare vellet Davidem à maximo periculo quod imminabat ipsi à suis inimicis; specialiter explicatur in ipso titulo: quo periculum istud ostenditur conjurationem fuisse Abschalomi, cujus historia exstat, 2 Sam. 15. 16. 17. Propositum hoc urgetur à Propheta quatuor præcipue argumentis. Primum petitur ab adjuncto fidei, ac fiducie qua recumbebat in Deo v. 4.

Secundum principale argumentum petitur à comparatione parium, liberationis nempe ante præstitæ, (quam experientie suæ testimonio confirmat) & illius quæ jam expectabatur, v. 8. parte posteriore.

Tertium argumentum petitur ab adjuncta potentia Dei, cujus proprium est servare. v. 9. in principio. *Jehova est salus.*

Quartum argumentum petitur à fine & fructu qui ex hac liberatione secuturus erat; benedictio scilicet in

populum, v. 9. in fine; *super populum tuum benedictio tua.*

Primum argumentum ita concluditur. Qui fiduciam habent in Deo collocatam, illi à Deo accipient liberationem, sed ego fiduciam habeo in Deo collocatam; ergo, ego ab ipso accipiam liberationem. Propositio nititur certissimo Dei testimonio vel promissione, qua fidem suam interposuit de salute & liberatione talium.

Assumptio v. 4. figurate explicatur tribus gradibus. 1. *Jehova fuit clipeus ejus*, id est, defensio à malis: 2. *gloria ejus*, id est, prolixus bonorum communicator: 3. *Extollens caput*, id est, utriusque beneficii confirmator ad optatam usque perfectionem.

Assumptio ista (quia maximam vim habet ad consolationem firmam) triplici ratione illustratur. 1. A diversis ver. 2. & 3. hoc sensu: quamvis incredibilis sit multitudo hostium, qui me oppugnant, ô Jehova tamen

tamen ego omni fiducia in te acquiesco. Ubi oppugnatio hostium quatuor gradibus explicatur. 1. A multitudine cum admiratione notata; *quam multi?* 2. Angustia ipsum afficiunt. 3. Quod faciunt hoc cum insurrectione. 4. Quod insultationem adjungunt, quam non solum Davidem, sed Deum ipsum sermone blasphemopetunt.

Secunda illustratio fidei ac fiduciae quam David erga Deum proficitur, est ab ejus causa efficiente, experientia scilicet, quam habuit opibus & auxilij divini temporibus antegressis, v. 5. 6. in hunc sensum: tu mihi antehac ô Jehova, opem semper præstitisti: idcirco jam cum fiducia certa ad te confugio. Hæc vero experientia auxilij divini illustratur. 1. Causa ejus ministrante, precibus nempe Davidis, v. 5. 2. Ab ejus effecto, tranquillitate nempe animi, quæ suis effectis indicatur, v. 6. & illustratur etiam efficiente causa principali, sustentatione scilicet Dei, v. 6. in fine

Tertia illustratio præsentis fiduciae est à comparatis v. 7. in hanc sententiam: Si hostes mei multo plures essent quam sunt, & me etiam circumquaque conclusum tenerent, meam tamen fiduciam quam habeo in Deum non abjicerem: multo minus abjiciam nunc cum minor est numerus hostium, & ego ab ipsis nondum sum plane circumventus.

Secundum argumentum principale ita concluditur v. 8. Si tu antehac frexisti impetus ac vires hostium meorum, tu jam itidem id facies: quoniam idem es Jehova, & pariter Deus meus; sed verum prius; ergo.

Tertium argumentum principale ita concluditur v. 9. Si Jehova potest

servare, tum certe servabit me qui in ipsum spero; sed verum prius; ergo.

Quartum argumentum principale ita concluditur v. 9. in fine. Si liberatio mihi præstita benedictio erit in populum Dei, tum Deus proculdubio me liberabit; sed verum prius; ergo.

Q V Æ S T I O N E S.

I. Cum Abisalomis rebellio fuit poena gravissimi peccati à Davide antepatratæ, sicut apparet 2 Sam. 12. 11. quare nulla in hoc Psalmo confessio humiliatio & remissionis imploratio exprimitur?

Resp. 1. Quia David antea seriam poenitentiam egerat sui peccati, impetraverat veniam, & pacem sibi apud Deum confirmaverat; ut apparet 2 Sam. 12. 13. & ex Psalm. 51. 2. Quia hostes Davidis nullam rationem habuerunt peccati ac meriti Davidis, sed suarum tantum cupiditatum. 3. Quia illa pars precationum exprimitur sola, quæ pertinet ad causam quam cum hostibus habuit agendam: non illa quæ Deum ipsum spectabat.

II. Quare jam præcipue de multitudine hostium conqueritur David?

Resp. Quia conjuratio fuit maxima, populo indefinenter augescente. 2 Sam. 15. 12. congregabatur enim populus à Dane usque ad Beerisbatham, sicut arena quæ est ad mare in multitudinem: secundum consilium Cuihai. 2 Sam. 17. 11.

III. Quæ ratio est hujus phraeos, *dicunt animæ meæ*.

Resp. Significare voluit David animam quasi transixam & sauciatam fuisse hostium insultationibus talibus, qualis fuit illa Chimei, 2 Sam. 16. 7, 8.

IV. Quæ ratio est quod preces audiri

audiri dicuntur *è monte sanctitatis*, id est, *è Tzione*?

Resp. Quia locus ille fuit typus Ecclesiæ: & Ecclesia est quasi depositoria paternæ beneficentiæ Dei: ita ut ex Ecclesia bonitas Dei recte dicatur provenire, quia communicatur virtute illius fœderis gratiosi, cujus particeps est Ecclesia.

V. Quæ ratio est illius phræos, *surgere & servare*?

Resp. Quia in salute fidelium illustratur gloria Dei, quasi oriens ex alto. Luc. 1. 78. 79.

VI. Quæ mens est loquutionum illarum proverbialium, *percutere maxillam, confringere dentes*?

Resp. Priore phrasi notatur probrosa hostium exagitatio. 1 Reg. 22. 24. Job. 16. 10. Lam. 3. 30. Mic. 5. 1. Mar. 3. 39. posteriore demonstratur eorum debilitatio, quod exarmentur illis viribus quibus populo Dei nocere solent. Psal. 58. 7.

VII. Quis usus est illius clausulæ, *sola*?

Resp. Significat hæc vocula elevationem aut exaltationem; notabat igitur olim exaltationem vocis in modulatione musica; quia vero musica sacra convenientiam habuit cum rebus subjectis, idcirco notat etiam elevationem quandam sensus, una cum affectibus animi congruis: ita ut non inepte dicatur interjectio, *asseverationi, exaggerationi, admirationi, & exultationi* deserviens.

DOCUMENTA.

I. Multisæpe sunt hostes fidelium.

Ratio. Quia mundus totus jacet in malo. 1 Joh. 5. 19.

Usus admonitionis, ne quis aliud expectet, aut nimis conturbetur animo cum hoc accidit. Mat. 5. 11, 12.

II. Dei protectio sufficit adversus omnia pericula. Rom. 8. 31. 2 Reg. 6. 16, 17.

Ratio. Quia Deus est omnipotens.

Usus exhortationis ut fiduciam nostram collocemus & confirmemus in Deo, præcipue vero cum animi nostri cum gravioribus tentationibus conflictantur.

III. Fiducia nostra in Deum confirmatur meditatione pia de natura Dei, & recordatione experientię illius quam habuimus ejus benig-nitatis. 1 Sam. 17. 36, 37.

Ratio. Quia fiduciæ objectum hoc pacto magis efficaciter repræsentatur animis.

Usus exhortationis, ut simus frequentes in huiusmodi exercitiis.

IV. Vera fiducia exerit & ostendit semetipsam in precibus efficacibus, Rom. 10. 14

Ratio. Quia oratio pia est actus fiduciæ.

Usus damnationis, adversus eos qui fideles volunt haberi, & preces tamen parum aut nihil curant.

V. In precibus nostris non solos nosipsum spectare debemus, sed etiam populum Dei; *benedictio tua in populum.*

Ratio. Quia in ista communione sanctorum, gloria dei promoverur.

Usus increpationis, adversus illos, qui sua tantum quaerunt.

PSALMUS QUARTUS.

M Agistro Symphonie fidium, Psalmus Davidis.

2 Responde mihi cum te invocem, o Deus justitie mee, in angusto dilatasti mihi locum: gratus esto mihi, & exaudi orationem meam.

ANALYSIS.

Propositum hujus Psalmi est, ut David in molestiis, periculis ipsi ab hostibus per injuriam creatis certam illam fiduciam ostenderet quam habuit in Deo & ejus præsidio.

Hanc autem fiduciam suam ostendit triplici ratione, id est, tribus effectis fiducie veræ. 1. Generali deprecatione periculi quod imminabat, v. 2. 2. Gravi suorum hostium institutione, a v. 3, 4, 5, 6. 3. Solenni professione dependentie sue à Deo, v. 7, 8, & 9.

Deprecatio v. 2. proponitur simul & argumentis urgetur; proponitur tantum generaliter, sed ita ut sub illa generali forma, synectochicòs intelligatur specialium eorum periculorum & injuriarum depulsio, quibus tum temporis maxime premebatur. Proponitur autem 1. Simpliciter ut Deus audiret invocantem: *responde mihi cum te invocem*. 2. Ita proponitur ut explicetur simul causa illa summa vel fons ac principium, a quo benedictionem istam expectabat: id est, *gratia Dei gratus esto mihi*. 3. Ita proponitur ut explicetur etiam specialis modus & precatationis exhibitæ, & responsionis optatæ; *audi orationem meam*; ubi hebræum orationis nomen *שָׁמַע* significat proprie petitionem illius qui implorat fidem ac majestatem judicis atque adeo auditio illa est intelligenda quæ

vindicias habet causæ & assertionem innocentie.

Argumenta quibus urgetur hæc deprecatio, tria sunt. Primum desumitur à singulari Dei munere, quo proprium ipsius est ut sit *judex & vindex innocentie*; o Deus justitie mee, ubi simul etiam protestatio innocentie sue fit a Davide: ita ut vis consequentie sit hujusmodi, si tu sis vindex omnium innocentium ac justitie, & ego sum justus, tum vocanti mihi respondere debes hoc tempore; sed verum prius; ergo.

Secundum argumentum est a præsentis actu Davidis, quod religiose Deum invocatur; *invocanti responde: exaudi orationem*; hujus autem argumenti consequentia pendet ex illa connexionem, quæ vi promissionis ac fœderis divini intercedit inter pias nostras preces, & exauditionem Dei; *si invocas respondebo*, dicit Deus: sed ego invoco, allumit propheta: ergo responde.

Tertium argumentum deprecationis institutæ est à comparatione præteriti: liberationis nempe antea à Deo acceptæ, & illius quam jam expectabat; *in angusto dilatasti mihi*; hujus argumenti consequentia pendet ex constantia & immutabilitate Dei, quæ vias ejus priores ac posteriores sui similes semper facit; si antehac liberationem ac salutem largitus es mihi, nunc etiam largire; sed antehac ita fecisti; ergo.

Q U E S T I O N E S.

I. Quid Psalmi titulo indicatur?

Resp. Nihil aliud quod à nobis certo ad ædificationem intelligi potest, quam Davidem fuisse authorem hujus Psalmi, & ab ipso traditum fuisse præstantissimo symphonizæ magistro, ut præstantissimo modo & summa cura cantaretur.

II. Quo tempore fuit hic Psalmus à Davide conscriptus?

Resp. Antequam ad regnum pervenerat, cum à Saulis agnatis, & reliquis aulicis, contemnebatur, & infestabatur: ut apparet ex v. 5.

III. Quare petitionem suam generaliter tantum explicat?

Resp. Quia de Dei favore maxime fuit sollicitus: & particularia omnino necessaria continebantur in precatione ista generali, una cum humili animi subjectione erga Dei voluntatem.

IV. Quid est quod petitur istis verbis, *responde mihi vocanti*?

Resp. Manifestatio acceptionis divinæ quoad petitionem ac desideria Davidis: hæc vero manifestatio partim fit intus in corde precantis per Spiritum Dei, & partim foris, tam per opus aut eventum exoptatum, quam per ejus media & certa signa.

V. Quare gratiæ fit mentio in hac petitione?

Resp. Non tantum quia gratia est fons omnium benedictionum, sed etiam quia ipsa per se sufficit fidelibus ad amicos eorum sustentandos, 2 Cor. 12. 19.

VI. Quænam est justitia illa quæ à Davide hic commemoratur?

Resp. Non perfecta illa & universalis justitia, qua coram Deo con-

sistebat ad vitam: sed singularis illa justitia causæ, cujus Deus rationem habiturus erat in ista controversia dijudicanda.

VII. Quid sibi vult illa phrasis, *in angustia dilatasti mihi*?

Resp. Est proverbiale genus loquendi, actum illum notans quo pressus & in actum coactus alterius ope expeditur.

VIII. Quare toties repetit hanc unam petitionem?

Resp. Vt & gravitatem rei de qua agitur, & precationis ardorem indicaret.

D O C U M E N T A.

I. Oratio Deo grata & prævalens debet esse fidens, frequens, fervens & constans: conditiones istæ omnes exprimuntur in modo deprecandi quo utitur David. v. 2. fiducia ex eo quod Deum appellat *justitiæ suæ Deum*: frequentia, quod toties iterat petitionem & sæpius etiam alias inculcatam fuisse innuit, cum audicionem toties exposcit: fervor, quod tantos affectus exprimit ingeminando sua vota: constantia, quod non satis habet sæpius à Deo rogasse opem, sed redit ad ipsum denuo & instat ut responsum gratiosum tandem accipiat. Fiducia exigitur Jac. 1. 6. frequentia, 1. Theff. 5. 17. fervor, Jac. 5. 16. constantia, Luc. 28. 1.

Ratio. Quia oratio pia debet ex toto corde & tota anima provenire.

Uusus 1. *Institutionis* rem non levem aut facilem esse recte Deum invocare. 2. *Reprehensionis* adversus eos qui negligenter & perfunctorie solent suas preces transigere. 3. *Exhortationis*, ut exerceamus nosmet ipsos ad ire precandum.

II. Magna est Dei gratia quod preces

preces nostras exaudit, *gratiosus esto & audi.*

Ratio. 1. Quia in precibus nihil est dignitatis, sunt enim imperfectæ. 2. Quia peccata nostra merentur contrarium. 3. Quia tanta est Dei majestas, ut quasi dimittere semet videatur, cum ad preces nostras descendit.

usus 1. *Institutionis*, ut gratiæ Dei omnia tribuamus circa preces nostras, neque aliud quidquam ante oculos habeamus cum precamur, ex gratia est quod oratio fit medium ordinatum quo benedictionum Dei participes fiamus; ex gratia est quod intelligimus quid aut quomodo debemus precari; ex gratia est quod Spiritus in nobis excitat affectus illos pios qui sunt ad preces necessarii, ex gratia est quod permanent isti affectus, & non statim evanescunt, ex gratia est denique, quod preces nostræ quamvis maxime piæ coram Deo acceptantur.

2. *Exhortationis*, ut prosequamur semper preces nostras, aliis precibus istis reflexis, quibus preces ipsas

Dei gratiæ commendemus.

III. Ut preces nostræ sint Deo gratæ requiritur justitia conscientiæ bonæ, *o Deus justitiæ meæ*, Hebr. 10, 22.. P. ov. 28. 9.

Ratio 1. Quia sine istiusmodi conscientia, preces non possunt esse piæ, quia cor adhærens peccato, non potest sincere movere sese versus Deum, quæ tamen est natura precum. 2. Quia Deus alias vocatur quasi in participationem & communionem peccati, quæ est abominatio maxima coram illo. 3. Quia conscientia mala est quasi realis oratio reclamans precibus nostris verbalibus, vindictam, non gratiam expolcens.

Usus 1. *Est condemnationis* adversus eos qui nihil curant vitam & conscientiam, & tamen audent Deum invocare, Jes. 1. 15. 2. *Est exhortationis*, ut quotidie magis magisque purgare corda nostra studeamus, ut apti possimus esse ad Deum recte invocandum, Psal. 26. 6.

IV. Fiducia in precibus confirmatur experientia antegressa. De hac observatione actum est Psalm. 3.

Verse 3. *Filii virorum, quousque gloria mea ignominia futura est? dilecturi estis inanitatem? procuraturi mendacium summe?*

4. *At agnoscite separatim asseruisse Jehovam sibi eum, quem benigne accipit, Jehovam exauditurum, quum inclamaverit ipsum.*

5. *Commovemini & ne peccetis: cogitate cum animo vestro, in cubili vestro, & quiescite ut qui maxime.*

6. *Sacrificate sacrificia justitiæ: & fiduciam habete in Jehova.*

ANALYSIS.

Hæc versiculis instructio continetur, qua utitur propheta erga suos hostes: cujus duæ sunt partes, quarum prima est admonitio ut desistant à malo, v. 3, 4, & 5. sicut apparet è postrema quinti versiculi particula, ubi adversariis suis ex-

presse consulit ut *sileant*, vel *quiescant*, id est, ut desistant à verbis, consiliis & machinationibus improbis adversus eum ineundis, secunda est adhortatio ad sequendum illud quod bonum est, v. 6.

In admonitione 1, Descriptio personarum

Personarum habetur, quas præcipue alloquitur : *filii virorum*. 2. Descriptio est peccati cuius rei fuerunt, partim à fine, studio scilicet violandi decus & gloriam Davidis : *quousq; gloria mea ignomine futura est?* partim à mediis, libidine scilicet mendacii comminiscendi, *quousq; dilecturi estis inanitatem? procuraturi mendacium summe?* 3. Adjiciuntur rationes duæ, quibus commoveri possint ad propositum suum relinquendum. 4. Quarum prima petitur à causa illius gloriæ quam illi oppugnabant, decreto nempe Dei, quo fuit hæc dignitas in Davidem collata : *at agnoscite seperatim asseruisse Iehovam sibi cum, quem benigne accipit* : secunda vero petitur à singulari effectu illius causæ, auxilio nempe Dei, quod præsens futurum esset : *agnoscite Iehovam exauditorium, cum inclamavero ipsum*. 5. Media & viæ illæ commonstrantur, quibus comparare semetipsos debent ad peccati illius cui assueverant, correctionem. v. 5. primum autem medium est metus & apprehensio pœnæ quæ talibus peccatis debetur & præparatur : *commovemini & ne peccetis* : secundum est examinatio conscientiae, ut videre possint se reos esse peccati illius quod maximam pœnam meretur : *cogitate cum animo vestro* : cuius examinationis modus, quod debet esse seria, & privatim instituta, explicatur per circumstantiam loci & temporis : *in cubili vestro*.

Adhortatio ad sequendum illud quod bonum est, continetur v. 6. ubi synecdochice, religio vel cultus Dei ponitur pro omni officio bono; cultus autem Dei exprimitur per distributionem, duabus partibus, quarum una est, cultus institutus in

oblatione sacrificii puri ac illibati, *sacrificate sacrificia iustitiæ*; altera est essentialis, in fiducia erga Deum, *fiduciam habete in Iehova*.

Q U E S T I O N E S.

I. Quare David filios virorum adversarios suos appellat?

Resp. Filii virorum distinguuntur à filiis hominum, ut nobiles à plebeiis, Psal. 49. 3. Cur autem hoc in loco titulus iste usurpetur, duplex reddi potest ratio. 1. Quia istoc titulo continetur illud quod occasio est multis ad insaniam usque peccatis indulgendi : qui scilicet eam de nobilitate, potentia & opibus suis conceperunt opinionem, ut omnia sibi licere putent. 2. Quia aliquid etiam continetur istoc titulo quod tales homines officii sui jure possit monere : quia nobiles id est, bene natos, educatos ac institutos, minime omnium decet a deo rudes esse & furiosos, ac isti homines erant.

II. Quid intelligit David per suam gloriam?

Resp. Dignitatem regiam singulari Dei gratia ac beneficio ipsi tributam, & certam illam expectationem quam conceperat de plena ejusdem possessione.

III. Quomodo fuit hæc gloria ignominia?

Resp. Quatenus adversarii eam & aliis odiosam, & ipsi pudendam reddere conabantur.

IV. Quare vanitatem & mendacium ipsis objicit?

Resp. Non tantum quia mendacibus & falsis accusationibus eum onerabant, sed etiam ut ostenderet eorum machinationes in nihilum plane abituras, Job 4. 8.

V. Cur

V. Cur interrogationis illa formula hæc omnia proponuntur, *quousque?*

Resp. 1. Ut assiduitas adversariorum in sua nequitia, & indefessa eorum pervicacia notetur. 2. Ut jam tempus esse moneat istiusmodi injuriis supersedendi.

VI. Quo sensu appellat sese David **דָּוִד** dilectum?

Resp. Primo & præcipue passive, ut significet illum qui gratiam consecutus est apud Deum, ut apparet Act. 13. 35. ex Psalme 16. 10. Quod enim quibusdam non probatur versio Tremelii & Junii, qui vocem hanc passim reddunt passive, ut significantem eum qui beneficio affectus est, & volunt ut semper active capiatur pro iis qui beneficentiam exercent, hoc minus videtur consentaneum. 1. Quia titulus iste à Propheta sibi metipso hic & sæpiissime alias tribuitur, idque simpliciter, sine respectu alicujus facti aut causæ particularis, Dei igitur gratiam potius quam hominis virtutem notat. 2. Quia rationem & causam primariam continet beneficentiæ vel beneficiæ separationis unius hominis potius quam alterius, ut hoc in loco: hujus autem ratio non est petenda ex hominum virtute, sed ex Dei gratia, Deut. 9. 5. 3. Quia hoc in loco respicitur mirifica separatio. qualis illa fuit, Exod. 9. 4. *Discrimen ponet Iehova inter pecus Israelitarum, & pecus Egyptiorum;* ubi eadem vox Hebraica usurpatur quæ hoc in loco. 4. Quia benignitas & beneficentia quæ istoc titulo notatur expresse refertur sæpe ad ipsum Deum, Psal. 16. 10. *beneficium tuum* Idem igitur significat **דָּוִד** *καταπαύσας* Luc. 1. 28. *gratia*

dilecta, id est, ut explicatur, v. 30 *invenisti gratiam apud Deum.*

VII. Quomodo usurpata sunt verba illa v. 5. ad Eph. 4. 6. *Irasmini & ne peccate*, cum in istoc versu non respicitur ira, sed commotio illa animi quæ pavorem & terrorem comitatur?

Resp. 1. Apostolus eo in loco, phrasin & sententiam piis notam usurpavit: sed non produxit quasi testimonium propheticum: quamvis ad hunc locum, quoad phrasin, videatur quasi respectum habere latentem. 2. Commotio animi est generale quid complectens & affectum pavoris & iræ quamvis igitur pavorem designet, hoc in loco merito tamen ad iram alibi applicatur. 3. Ira illa qua homines adversus semetipsos commoventur, maximam conjunctionem habet cum illa commotione quæ in animi consternatione propter peccata reperitur; & hoc sensu possunt accipi verba illa Apostoli; qui etiam optime convenit huic loco: ira ut utraque significatio & pavoris & iræ jungatur, in hanc sententiam, *Monendi estis & filii virorum, ut quam animi commotionem ex ira & odio vano ac mendaci admisistis, eam totam ad religiosum pavorem Dei transferatis, & vobismetipsis potius quam mihi irascamini.*

VIII. Quid intelligitur per sacrificia justitiæ? v. 6.

Resp. Cultus ille Dei qui & procedit ab animo omni justitiæ dedito per fidem ac respicientiam, & profert etiam fructus justitiæ in vita & conversatione externa.

DOCUMENTA.

I. Officium piorum est etiam inimicos suos diligere; colligitur ex

eo quod David hic studet benefacere suis osoribus, Matth. 5. 44. Rom. 12. 20. Prov. 25. 21, 22. Exod. 23. 4, 5. Ubi obliervandum est, quod hoc officium non sit consilium pefectionis, quod suadetur, non imperatur, ne quoad speciales quidem charitatis actus, ut pontificii docent, neque præceptum proprium Evangelii, aut à Christo primo traditum, ut Sociniani contendunt, sed morale Dei mandatum, & perpetui juris; non quod omnia sunt impiis osoribus præstanda, quæ piis fratribus debentur: sed omnia illa quæ sunt essentialia officia charitatis, ac nobis possibilia, vere spectant ad eorum bonum. Exemplum habemus in Christo, Luc. 19. 42. & 23. 34. in Stephano, Act. 7. 60. in Paulo, Act. 26. 29.

Ratio. 1. Quia inimicitia non impedit quin sit noster proximus atque adeo ex præcepto diligendus. 2. Quia alias vinceremur à malo, Rom. 12. v. ult.

Usus est reprehensionis, adversus eos qui tam proclives sunt ad privatam vindictam, Prov. 24. 29.

II. Præcipuum officium charitatis, est querere spirituale bonum proximorum, sive sint inimici, sive non sint; colligitur ex eo quod David hic instituit adversarios suos in iis quæ pertinebant ad eorum ædificationem spirituales Lev. 19. 17. 1 Sam. 12. 25.

Ratio. Quia hæc officia directe tendunt ad eorum summum bonum, & beatitudinem æternam.

Usus est admonitionis, ut animos applicare velimus ad huiusmodi officia, non tantum publicè, sed etiam privatim.

III. Quo major est fiducia no-

stra in Deum, eo promptiores erimus ad huiusmodi officia; colligitur ex eo quod David hoc in loco hac ratione quasi fructu gemino, & argumento certissimo firmitatem fiduciæ suæ in Deum ostendit, 1 Pet. 3. 14, 15.

Ratio. Quia fiducia hæc spiritualis sedat carnales omnes affectus; & avertit animum ab hominibus & eorum meritis spectandis, ad Deum & officium illud quod ipse nobis imposuit considerandum.

Usus 1. *Est institutionis,* ut recte judicemus de fortitudine vera; fortior est qui se quamquæ fortissima vincit; melior est longanimis robusto: & qui dominatur in animam suam, eo qui capit civitatem, Prov. 16. 32. 2. *Exhortationis,* ut fiduciam nostram in Deum præcipue confirmemus, quoniam fundamentum præcipuum est officiorum illorum, quæ etiam hominibus debent præstari.

IV. Primum illud quod optare & querere debemus malis, est ut per veram resipiscentiam desistere velint à malo, colligitur ex eo quod David hic primo in loco suos hostes admonet ut desistant à malo, suo proposito, Psal. 34. 15.

Ratio. Quia conversio hominis est spiritualis quidam motus: atque adeo terminus à quo prius est relinquendus, quam pervenire possit ad terminum ad quem tendit aut vocatur.

Usus admonitionis, ne decipiamus nosmetipsos cogitando, posse nos illud quod bonum est assequi, quamvis nunquam serio discedimus à malo per veram resipiscentiam.

V. Efficax est & unica ratio ad animum à prava consuetudine aver-

tendum,

tendum, cogitare ſerio de ejus turpitudine & vanitate, colligitur ex illa ratione quam Propheta hic adfert v. 3. cum mendacii ac vanitatis arguit ſuos hoſtes, Rom. 6. 19, 21.

Ratio. Quia hæc via contraria eſt plane illis rationibus quibus Diabolus inducit homines in tentationem; turpitudinem enim ſemper occultat, & egregium aliquem fructum promittit: ut videre eſt in primorum parentum tentatione.

Uſus admonitionis, ut ſæpe nobiſcum de iſtis rebus cogitemus.

VI. Turpitudine & vanitas peccati manifeſta ſit ex vera cognitione voluntatis Dei, colligitur ex agnoſcite Jehovam, Ephes. 4. 21.

Ratio. Quia voluntatem Dei impugnare nihil aliud eſt, quam contra ſtimulos calcitrare, Act. 9. 5.

Uſus admonitionis, ut probemus quæ ſit voluntas Dei, bona illa, placens ac perfecta, Rom. 12. 2.

VII. Voluntas eſt Dei certiffima, Eccleſiam ſuam & omnia ejus vera membra potenter ad ſalutem conſervare; colligitur ex v. 4. Mat. 16, 18.

Ratio. Quia conſilium Jehovah ſurget, Prov. 19. 21.

Uſus 1. Admonitionis erga omnes, ne quis opponat ſeſe Eccleſiæ Dei, aut conetur impedire ejus progreſſum; iſtiusmodi enim conatibus omnibus nihil aliud agitur quam ut cum Deo bellum geratur. 2.

Conſolationis erga fideles, qui non debent terreri minis & machinationibus hoſtium, ſed fidenter à Deo pendere.

VIII. Si quid commiſimus contra Dei voluntatem revelatam, debemus in nobiſmetiſſis commoveri conſcientia peccati & metu iræ

Dei; ex illo verbo *commovemini*, 2 Cor. 7. 10, 11.

Ratio. Quia ſeria diſplicentia & converſio cordis à peccato ad Deum, neceſſario inferit iſtiusmodi affectus.

Uſus 1. Condemnationis, adverſus eorum ſecuritatem, qui ſibi metiſſis ſunt ſatis conſcii, quam nefarie agunt ac vivunt, & tamen non commoventur, Rom. 2. 5. 2. *Admonitionis*, ut conſcientiam teneram ſemper conſervemus, quæ afficiatur peccatis noſtris, & comminationibus Dei, 2 Reg. 22. 19.

IX. Commotio illi animi de peccatis præteritis, eſt genuina & Deo grata, quæ in futurum avertit plane animum à peccatis; ex eo, *commovemini, & ne peccetis*, 2 Cor. 7. 10.

Ratio 1. Quia perturbatio animi & dolor non habent rationem boni, niſi qua tendunt in iſtum finem, 2 Cor. 7, 10. 2. Quia finis hic eſt omnium comminationum ac judiciorum Dei, Deut. 13. 11. imo totius doctrinæ ſacræ, 1 Joh. 2. 1. 3. Quia horror quidam conſcientiæ reperitur etiam in maxime impiis, Pſal. 14, 5.

Uſus admonitionis, ne acquieſcamus unquam in ullo dolore evanido & inefficaci, qui peccata ſinit manere ac vigere.

X. Seria meditatio legis Dei, & viarum noſtrarum conſideratio eſt efficax ratio avertendi animum à peccatis; colligitur ex illis verbis, *dicite cum animo veſtro ſuper cubili veſtro*, Eccleſ. 4. 4. Iſa. 44. 14.

Ratio. Quia in iſta meditatione animus alloquitur ſemetiſſum, & imperat ſibi ut à peccato diſcedat.

Uſus admonitionis, ut frequentes eſſe velimus in huiusmodi exercitio ſpirituali.

XI. Non

XI. Non satis est à peccatis aliquo modo desistere, nisi etiam applicemus nosmetipsos ad Deum vere colendum, ex v. 6. *sacrificate*. Psal. 34. 15. Jud. 6. 25, 26. Eph. 4. 22, 24.

Ratio. Quia religio non consistit proprie in negatione aut privatione, sed in habitu & actu.

Usus admonitionis, ne satis esse judicemus, quod immunes sumus ab hæresibus, & à pravioribus quibusdam criminibus, nisi animos etiam habeamus vero Dei cultui plane adiectos.

XII. Externus cultus non est Deo gratus, nisi conjungatur cum fiducia & iustitia, ex v. 6. Ioh. 4. 24.

Ratio. Quia externus cultus sine interno est cadaver tantum cultus, Rom. 12. 1. Mal. 1. 8.

Usus admonitionis, ut primariam curam habeamus cordis nostri in Deo colendo.

XIII. Fiducia vera in Deum iustitiam producit erga homines, colligitur ex eo quod David hic ut ad iustitiam suos hostes perducatur, fiduciam in Deum ipsis commendat; si enim fiducia ista consistere posset cum iniustitiæ studio, tum David confirmasset suos hostes adversus semetipsum, Iac. 1. 27, Act. 10. 35, & 15. 9.

Ratio. Quia fiducia vera devincit animam Deo, & ejus voluntati in omnibus.

Usus est institutionis, ut ad istam normam exigamus & probemus fiduciam nostram in Deum.

Verse 7. *Multi dicunt, ô quis dabit ut videamus bonum? attolle super nos lumen faciei tuæ Iehova.*

8. *Indideris lætitiā animo meo; majorem quam temporis quo frumentum istorum & mustum istorum percipiuntur ab ipsis copiose.*

9. *In pace simul cubabo & dormiam: cum tu Iehova solus facias ut secure habitem.*

A N A L Y S I S.

Postquam Propheta suam fiduciam ostenderat. 1. Deprecatione illa qua Deo se totum tradebat, & 2. Institutione suorum hostium, qua non tam de sua quam de ipsorum salute sollicitum se esse testatur; jam tertio in loco fiduciam suam aperte proficitur, eamque per comparationem illustrat.

Professio fiduciæ sub precatōnis formula continetur iis verbis, *attolle super nos lumen faciei tuæ Iehova*; quibus Jehovam à se tanti fieri proficitur, ut ab ipso totus pendeat, & in illius favore collocet summum suum bonum. Illustratio hujus

professionis duplex est; primo a comparatione dissimilis, voti scilicet hominum carnalium, *multi dicunt, ô quis dabit ut videamus bonum?* ubi dissimilitudo triplex innuitur. 1. Est in objecto, quod carnales homines ad verum & solidum bonum non contendunt, sed potius ut v. 8. subindicatur, ad frumentum & vinum, id est, ad commoda & voluptates carnales aut mundanas: sed pii omnes cum Propheta in Deo solo acquiescunt. 2. Dissimilitudo est in affecto, quod carnales homines vago & incerto cursu huc illuc feruntur, ad bonum optatum adi-

adipiscendum, ut illis verbis indicatur, *ô si quis daret ut videamus bonum?* id est, qualibet inani specie boni capiuntur, quod in communi tantum & incerto petunt: sed pii constanter quærent faciem Jhovæ. 3. Dissimilitudo est in voti objecto, à quo tanquam authore felicità pendetur: carnales enim homines neminem habent à quo certo possint expectare quod optant, *quis dabit?* sed pii Deum omnissufficientem habent sibi propitium, & paratum ad votum suum explendum, *attolle Iehova.*

Secunda illustratio est per comparisonem imparium v. 8. quod nempe pii etiam in ista vita multo præstantiora sentiunt effecta suæ fiduciæ in Deum, quam carnales homines possunt percipere ex commodis ac voluptatibus mundanis; hoc enim est quod intelligitur per comparisonem lætitiæ illius quam Propheta sentiebat in Deo, cum lætitia copiosæ vel abundantis messis ac vindemiæ, v. 8.

Secunda ista comparatio confirmatur à ratione & causa illius lætitiæ, securitate nempe adversus omnem metum & periculum, *cubabo & dormiam in pace*; hæc autem securitas illustratur à causa ejus efficiente, protectione nempe Dei, *nam tu Jehova solus efficis ut secure habitem.* Ubi observandum est, quod isto etiam ultimo versiculo, quia confirmat ac illustrat comparisonem antecedentem, tacita continetur comparatio dissimilium; quod scilicet carnales homines non possunt vera & solida securitate frui, præsertim cum in periculo aliquo versantur: quia non acquiescunt in protectione Dei, sicut pii omnes faciunt.

QVÆSTIONES.

I. Quid sibi velit phrasis ista *videre bonum?*

Resp. Videre varie accipitur in Scripturis, & explicari debet pro ratione objecti circa quod occupatur, vel ad quod refertur; hoc autem in loco & in aliis similibus cum simpliciter refertur ad bonum fruendum, nihil aliud notat quam fruitionem, Psal. 50. 23. Psal. 34. 13. 1 Petr. 3. 10. sicut ex adverso cum refertur ad malum, tum perpeffionem ejus realem solet notare, Psal. 49. 10. 90. 15. fruitio ista boni per alios etiam sensus externus metaphorice exprimitur, præcipue per gustum, Psalm. 34. 9. 1 Pet. 2. 3. sed præcipue per *visionem*. 1. Quia per visum plura bona participamus quam per alium aliquem sensum: & 2. Quia visus inter omnes sensus externos proxime accedit & aptissime repræsentat spirituales sensum animi.

Hic autem generalis illa regula est observanda, verba sensus & notitiæ, in Scripturis includunt affectus & motus illos qui tales sensus aut notitias ex earum natura consequuntur; *videre igitur bonum* includit etiam participationem illam omnem quæ est in voluntate affectibus, & ipso etiam corpore.

Hac eadem ratione explicari debet illa phrasis quæ in Scripturis habetur de visione Dei, aut de visione beatifica; non spectat enim ad oculos corporis, neque ita ad mentem ipsam, quasi per illam essentiam Dei perciperent beati, sed ad fruitionem divinæ præsentia, & communionis illius cum Deo, quæ secum adfert summam felicitàtem.

II. Qui-

II. Quinam intelliguntur per multos?

Resp. Multi vox est comparationis, & proprie significat magnum numerum; quia vero gradus inveniuntur in numero majore, ita ut omnes sint multi, & plures etiam, quamvis non omnes sint etiam multi, hinc *multi* idem sonat aliquando quod omnes, Rom. 5. 19. aliquando vero plerisque tantum, non omnes, Mat. 7. 13. hoc autem in loco plerisque proprie notat, non omnes, quia comparatio & oppositio quædam instituitur inter multos & pijs.

III. Quid significatur per lumen faciei Dei?

Resp. Favor & gratia Dei, Dan. 9. 17, 20. Psal. 31. 17. & 44. 4. ratio metaphoræ est, quia interni affectus maxime apparere solent in vultu vel facie hominis: atque adeo serenus ac lætus vultus favorem notat, etiam in hominibus; sed hoc est discrimen, quod affectus humani aliquando sunt simulati, & quamvis sint maxime synceri, sunt tamen per se inefficaces: sed voluntas Dei integra semper est & summæ efficacæ: atque adeo plura multo denotantur in Deo per lucem faciei ejus, quam possint in homine per ullam proportionem; atque hinc est quod tam gloriosi effectus tribuuntur huic luci faciei Domini, tum alibi, tum etiam in isthoc textu.

Quare fit mentio hic frumenti & multi?

Resp. 1. Quia omnis annonæ materia & quicquid pertinet ad vitam præsentem istis duabus præcipuis partibus per synecdochen denotat 2. Quia colentibus terram, maxima semper est lætitia ac celebritas tempore vindemiæ ac messis,

cum foeliciter succedunt, Jud. 9. 27. Jes. 9. 3. Jer. 49. 41. Numb. 23. 9.

V. Quid significatur hic per illam phrasin, *cubabo atque obdormiam*?

Resp. Per metonymiam effecti pro causa, securitas maxima denotatur, qui enim vacui sunt curis, solent ut dicitur in utramque aurem dormire, Psalm. 3. 6.

DOCUMENTA.

I. Nemo mortalium est qui non in votis habet ut fruatur bono. Colligitur ex eo; quod hoc impijs vulgo tribuitur, hoc in loco: *multi dicunt*, &c.

Ratio. Quia hoc est naturale, & omnium creaturarum commune, tendere in aliquem finem, sub aliqua ratione boni; finis enim & bonum convertuntur; homini autem maxime convenit, quia præditus est intellectu, quo finem apprehendit, sibi proponit, & ad illum per media contendit.

Usus admonitionis, ne in eo acquiescamus, aut nobismetipsis placeamus, quod velimus esse beati, hec enim est etiam perditissimorum hominum desiderium.

II. Frustraneum & evanidum est hoc desiderium in multis; *multi dicunt*.

Ratio. Quia non quærunt vere bonum: vel undique potius quam a Deo quærunt: vel denique non recta ratione quærunt a Deo.

Usus admonitionis, ne sequamur vulgus aut multitudinem in foelicitate quærenda.

III. Vnica ratio foelicitatem æternam consequendi, est fiducia in Deum, Jer. 17. 7.

Ratio. Quia Deus est summum bonum, & est author ac fons omnis boni,

boni, quod creaturis communicatur, Jac. 1. 17.

Ufus exhortationis, ut in Deo solo toto corde acquiescamus, ut in ipso & per ipsum beati simus.

IV. A Deo accipient omnia bona, qui favoris & gratiæ ejus sunt participes, *attolle super nos lumen faciei*.

Ratio. Quia favor & gratia Dei est velle alicui bonum : Dei autem velle est perficere, quia potenter efficit illud quod vult.

Ufus exhortationis, ut imprimis, & supra cætera omnia quæramus faciem ac favorem Dei, Psal. 105. 4.

V. Ex sensu favoris divini, lætiores ac beatiores sunt pii, etiam in hac vita, quam impii sunt ex bonis ac voluptatibus mundanis, etiamsi maxime ipsis abundant, Psal. 36. 8.

Ratio. Quia majora multo sunt illa bona spiritualia quæ cum piis

communicantur, quam temporaria illa quæ impiis conceduntur.

Ufus exhortationis, ut spiritualia ista bona quæramus, & fortiter spernamus impiorum carnalem felicitatem.

VI. Qui certi sunt de favore Dei, possunt esse securi ; securus est qui est sine cura ; cura vero duplex est, una, qua quis de officio suo sollicitus est, ne in eo peccet : altera vero, qua quis de eventu & successu rerum est anxius. Primam illam curam ac studium nunquam debemus abjicere, 2 Pet. 1. 5. Sed altera de eventu est abjicienda, Psalm. 37. 5.

Ratio. Quia Deus convertet omnia in bonum, Rom. 8. 28.

Ufus exhortationis, ut quæramus regnum Dei & justitiam ejus.

PSALMUS QUINTUS.

M Agistro symphonie ad pneumatica instrumenta, Psalmus Davidis.

2. *Dicta mea auribus percipe, Jehova ; considera meditationem meam.*

3. *Attende voci clamoris mei, rex mi & Deus mi ; nam apud te orationem habeo.*

4. *Jehova, mane auditurus es vocem meam : mane disserturus sum, coram te, & specularurus.*

ANALYSIS.

IN Psalmi hujus titulo non est quod immoremur, quia certi nihil de eo statui potest, præterquam quod in priore fuit observatum.

Scopus aut propositum ad quod totus Psalmus præcipue spectat, est imploratio opis divinæ, ut per illam ipse à gravissimo periculo, cui fuit obiectus, possit liberari per subversionem hostium in suis impiis consiliis & machinationibus impiis, ita ut quaestio & conclusio Psalmi hæc

verbis summatim comprehendendi possit. Libera me, ô Jehova, ab hostibus meis, eosque in suis impiis consiliis subverte. Proponitur autem ista petitio & urgetur, primo generaliter v. 1, 3, & 4. & tum specialiter, à v. 5. ad finem usque Psalmi : expressè autem v. 9, & 11. sed quod ibi specialiter exprimitur, generaliter innuitur & intelligi debet prioribus tribus versiculis, quibus agit Propheta de audientia sibi apud Deum concilianda,

non

non enim humano more ad oratorum exemplum agitur in Psalmis, per proemia generalia & a causa præsentem remota: sed idem desiderium generaliter proponitur, quod postea speciatim explicatur. Generalis igitur illa petitio, quæ tribus versiculis comprehenditur, est, ut Deus exaudire vellet illam petitionem quam jam habuit in animo, satis Deo notam, & statim esset verbis apud ipsum explicaturus. Hæc autem petitio non simpliciter ac nude proponitur, sed 1. Illustratur quasi descriptione, & 2. Rationibus confirmatur ac urgetur, ut eo magis possit prævalere.

Descriptione illustratur. 1. Davidis votum nomine *verborum, meditationis, vocis, & vocis clamoris*. 2. Dei acceptatio, quam ad illud votum accedere cupit, nomine *perceptionis, considerationis, & attentionis*. In istis vero non est inanis congeries verborum idem plane significantium, sed illustris descriptio & actus Davidis postulantis, & actus Dei postulati. Actus vel oratio Davidis describitur. 1. A modo ejus externo, quod scilicet verbis idoneis esset comprehensa & expressa. 2. A modo ejus interno, quod scilicet ad eam Domino exhibendam non sine seria cordis meditatione accesserit. 3. A gradu ejus tum interno, tum etiam externo, quod scilicet magnam animi & vocis contentionem adhibuit in illa fundenda. Actus vel exauditio Dei, quæ à Davide postulatur, describitur per gradus illos quibus apud homines tale quid perfici solet; primus gradus est *perceptio*, qua intelligitur quid sibi velint supplicantis verba: secundus est *consideratio*, qua perpen-

ditur æquitas postulati: tertius est *attentio*, qua eo propenditur ut supplicationi satisfiat.

Apte etiam inter se referuntur descriptionum harum partes ad mutuam earum explicationem, *perceptio* Dei ad *verba* Davidis: *consideratio* Dei, ad *meditationem* Davidis: *attentio* Dei, ad *vocem ac clamorem* Davidis.

Argumenta quibus hæc petitio generaliter urgetur, duo sunt. *Primum* petitur a relatione illa quæ intercedebat inter Deum & Davidem, quod scilicet Jehova fuit rex ac Deus Davidis, & David subditus ipsius ac unus è populo ipsius electo; ubi consequentiæ ratio est quod regis ac Dei munus est succurrere suis cum in periculis ad ipsum confugiunt. 1 Sam. 8, 5, 20.

Secundum argumentum petitur ab actu Davidis, quod scilicet Jehovam invocabat in die afflictionis. Ratio consequentiæ est promissio à Deo facta iis, qui eum invocant. Psalm. 50. 15.

Secundum hoc argumentum repetitur ac illustratur v. 4. 1. Ab adjuncto temporis, *mane* invocabo. 2. Ab adjunctis modis, *ordinatione* nempe & *vigilantia*.

QUESTIONES.

I. Quare idem postulatum tam varie & frequenter inculcat propheta?

Resp. Ut ostenderet. 1. Magnitudinem periculi in quo versabatur. 2. Flagrans desiderium, quo tenebatur consequendæ liberationis. 3. Fiduciam suam invictam, qua liberationem illam expectabat. 4. Perseverantiam orationis, qua eandem quærebat.

II. Quare

II. Quare & verba, & meditationem, & vocem suam Deo proponit?

Resp. Ut ostenderet in istis omnibus nihil vanum aut simulatum esse, sed verba esse ex rebus nata, & ex animo profecta, id quod vel vox ipsa arguebat, non ex lusu aut simulatione, sed ex vero profecta.

III. Quid sibi vult quod *mane* dicit se oraturum, & à Deo exaudiendum?

Resp. Ut profiteretur, & suam sollicitudinem ac diligentiam, qui nulla mora interposita primam captabat occasionem Deum querendi: & expectationem quam habuit de liberatione oportuna quamprimum à Deo consequenda; sic Psalm. 82. 14. & 90. 14. & 92. 3. & 143. 8. & alibi passim.

IV. Quod sibi vult illud v. 4. *ordine instituiam coram te?*

Resp. Exprimere voluit hac phrasi anxiam illam curam & studium, quo coram Deo causam suam agebat, animo scilicet & oculis perpetuo in illum intentis.

V. Quid est quod spondet, cum dicit se specularurum. v. 4. in fine?

Resp. Profitetur suam vigilantiam, qua diligenter attentus erat benignum Dei responsum.

DOCUMENTA.

1. Eadem multoties, & multis modis à Deo sunt petenda; colligitur ex eo quod hic primo generaliter, & tum specialiter idem petitur: & generaliter etiam idem sæpius inculcatur. 2 Corinth. 12. 8. Matth. 26. 39. 42. 44.

Ratio. Quia effectus precantium debent & constantes esse, atque etiam cum abundantia quadam invalescere; si affectus huiusmodi obli-

tum eorumdem verborum repetitio, nihil aliud est quam βασιλογία vana. Mat. 6. 7.

Usus est exhortationis, ut languorem ac tepiditatem amoventes cum omni fervore & constantia etiam atque etiam instemus apud Deum in precibus nostris.

II. Ad preces pias multiplex requiritur attentio & cura. Colligitur ex eo, quod propheta, & *dicta*, & *meditationem*, & *vocem*, & *clamorem* suum commemorat & Deo proponit consideranda: quod non fecisset, nisi eadem ipse bene considerasset. Rom. 8. 26.

Ratio. 1. Quia in precibus illæ omnes virtutes exerceri debent quibus communionem habemus cum Deo. 2. Quia totum hominem Deo subicere ac tradere debent. 3. Quia et per se Deo debent esse gratæ, et valere etiam apud ipsum ad alia bona procuranda.

Usus 1. Est institutionis, ut recte judicemus de precibus: quod scilicet non sint res leviculæ, & quasi per lulum transigendæ, sed laboris, industriæ & contentionis non parvæ. Rom. 15. 30. Verum est illud antiquum dictum: precationem opus esse difficillimum: & multæ sunt causæ, quia multa simul cogitanda sunt: quem Deum invoces, an, & cur nos exaudiat; hæc intentio est labor. Deinde fides est labor major, accedere ad Deum, cum nos deterrent peccata, & expectare auxilium, cum destituimur visibilibus præsiidiis; accedit & consideratio nostræ necessitatis, & alienæ, in tantam varietatem objectorum apimum intendere, & simul angi, & lenire dolorem fide; hæc omnia difficilia esse ostendit experientia; sed cum invocat

invocat pius in aliquo vero dolore, hæc omnia concurrunt, & talis oratio est efficax. 2. Est refutationis & increpationis, tum adversus prolixas & canonicas Pontificiorum preces, quæ nullum omnino laborem habent nisi laborum. aut forsitan laterum etiam si cantentur; tum etiam adversus pessimam illam consuetudinem quæ apud multos etiam nostrorum invaluit, ut nunquam fere Deum privatim invocent, nisi forsitan in lecto, ad somnum compositi, semisomnes, & non raro etiam semipoti. 3. Est exhortationis, ut cum omni cura, attentione, & intentione animi preces nostras etiam quotidianas instituamus.

III. Precum nostrarum acceptatio coram Deo, est præcipue in precibus quærenda. Colligitur ex eo, quod tam solícite hoc urgetur hic à propheta; *percipe, considera, attende.* 1. Joh. 3, 22. & 5, 14.

Ratio. 1. Quia hic est proprius ac immediatus finis omnium piarum precum. 2. Quia continet in se virtualiter omnia illa quæ recte accipie desideramus.

Vsus est increpationis, adversus eos, qui satis habent recitasse formulam aliquam precum, de Dei acceptatione parum aut nihil interim cogitantes.

IV. De precum nostrarum acceptatione & exauditione, certam possumus habere fiduciam, si torpendeamus à Deo. Colligitur ex illis verbis, *rex mi, & Deus mi.* Psalm. 37. 5.

Ratio. 1. Quia hoc est quasi munus Deo incumbens ratione fœderis. 2. Quia maxime pertinet ad Dei gloriam.

Vsus 1. *Est exhortationis,* ut toto

corde fiduciam nostram in Deo collocemus. 2. Consolationis erga eos qui per veram fidem Deo se & sua committunt.

V. Preces ipsæ nostræ augment istam fiduciam. Colligitur ex illa ratione, *nam apud te orationem habeo.*

Ratio. Quia preces non tantum sunt media impetrandi bona, sed etiam opus bonum, & utraque ratione promovent causam nostram coram Deo.

Vsus exhortationis, ut magni faciamus precandi officium, & sæpius illi vacemus.

VI. Occasiones & opportunitates precandi sunt observandæ & capiendæ. Colligitur ex illa voce, *mane.*

Ratio. Quia hæc est natura serii ac solidi desiderii.

Vsus est increpationis, adversus eorum vel tepiditatem vel torporem, qui totos dies transigunt sine precibus, & optimas accisiones perire sinunt.

VII. Precibus debet vigilantia conjungi, ex illo verbo, *speculaturus.* Matth. 46. 41. Eph. 6. 18. Col. 4. 2. 1. Pet. 4. 7. Psalm. 130. 5, 6, 7.

Ratio. Quia vigilantia hæc est necessaria & ante preces, ut simus ad illas parati: & in precibus ut recte præstemus: & post preces, ut quid responsi accipimus percipiamus.

Vsus est increpationis, adversus eos, qui susque deque habent quid fiat de suis precibus: maxime vero adversus eos, qui tantum absunt à spiritali vigilantia, ut ne à corporali quidem somno possint abstinere, dum preces habentur.

Verf. 5. *Nam non est Deus fortis qui delectetur improbitate : non est commoraturum apud te malum.*

6. *Non consistunt insani è regione oculorum tuorum : odisti omnes qui operam dant iniquitati.*

7. *Perditurus es loquentes mendacium ; virum sanguinarium & dolosum abominatur Jehova.*

8. *Ego autem instructus amplitudine benignitatis tuæ ingrediar domum tuam : incurvabo me versus templum sanctitatis tuæ cum reverentia tui.*

9. *Jehova, deduc me, in justitia tua propter observatores meos : complana coram me viam tuam.*

10. *Nam non est in ore illius rectum, intimum illorum ærumna ; sepulcrum apertum guttur illorum ; lingua sua dolose blandiuntur..*

11. *Rēos fac istos ; o Deus, decidant de consiliis suis : amplitudine defectuum istorum depelle istos, quia rebellant in te.*

12. *Et lætabuntur omnes se recipientes ad te, in seculum canent quos protecturus es : & exultabunt in te amantes nominis tui.*

13. *Quia tu benedicis justo, Jehova : facis ut benevolentia tanquam umbra circumtegat eum.*

A N A L Y S I S.

Post generalem supplicationem propositam, sequitur specialis ejusdem explicatio à v. 5. ad finem Psalmi. specialis autem petitio duas habet partes, quarum una est de liberatione ac salute Prophetæ v. 9. & altera de hostibus defendendis ac subvertendis v. 11. sunt istæ partes inter se conjunctæ, ita ut singula argumenta quæ adferuntur confirmant utramque partem ; sed ratione inter sese differunt, ita ut quædam argumenta magis proprie spectent ad unam partem, & quædam ad alteram ; quæ oppositio causæ rationem habet ad eorum subversionem.

Primum argumentum quo ista petitio confirmatur, petitur ab oppositione illa quæ inter Deum sanctissimum ac justissimum & hostes prophetæ intercedebat. v. 5, 6, 7. ac si dixisset Prophetæ : Tu Jehova

istiusmodi homines odio summo prosequeris : non est igitur dubitandum, quin me sis ab illis liberaturus & ipsos juste perditurus. Hoc argumentum præcipue spectat ad secundam partem petitionis institutæ, quæ est de hostium subversione. In hujus autem argumenti explicatione, proponitur primo negatio consensionis omnis inter Deum & istiusmodi homines v. 5. & in principio sexti & secundo affirmatio maximæ inter illos dissensionis vel repugantiæ : in fine ver. 6. & in 7. Causæ etiam hujus oppositionis indicantur per descriptionem hostium ; constat ex enumeratione earum qualitatum quæ ipsis conveniebant, ac Deo sunt maxime invisæ ac inimicæ ; qualitates istæ sunt, improbitas, malitia, insania, studium peccati, mendacitas crudelitas, & dolus.

D

Secundum

Secundum argumentum petitur ab effectu hujus gratiæ concessæ. v. 8. ac si dixisset, postquam ab hostibus fuero liberatus, acceptæ liberationis gratiam ad nominis tui gloriam celebrabō ; sed hoc argumentum introducit in forma enunciati discreti, *ego autem* : ut diversum ac dissimilem se ostenderet propheta à suis hostibus : quod scilicet ipse non fuit alienus à Deo ut ipsi, sed totus illi deditus cum omni animi consensu & proposito plane firmato : nec non ut certam suam spem indicaret, qua lætum exitum vexationis hujus expectabat ; illustratur etiam hoc argumentum per descriptionem officii præstandi ab adjunctis ejus externis, *ingrediar domum tuam, & internis, cum reverentia tui.*

Hoc argumentum maxime proprie spectat ad priorem partem petitionis institutæ, quæ est de liberatione Prophetæ.

Tertium argumentum petitur à proprietate vel munere Dei, qui ex justitia sua has partes sibi assumpsit & quasi proprias fecit, ut piosteretur, & impios puniret. vers. 9. in principio.

Quartum argumentum petitur ab eventu, qui ex hac petitione neglecta certo erat consecuturus, quod scilicet hostes in sua impietate confirmati maxime exultarent v. 9. illis verbis, *propter observatores meos*, id est, propter illos qui ex mea miseria quærunt ansam triumphandi & blasphemandi.

Illustratur hoc argumentum 1. à descriptione illorum hostium v. 10. qua flagitiosi eorum conatus congerie quadam enumerantur. quæ scilicet ore, corde, gutture, & *lingua* tendebant in malum. & 2. à

singulari illa relatione quam isti cenatus habuerunt ad Deum ipsum. v. 11. in fine. *rebellarunt in te.*

Quintum & ultimum argumentum quo instituta petitiō suadetur, petitur ab optatissimo effectu, quod ex hujus petitionis concessione esset consecuturum, glorificatione scilicet nominis Divini ab omnibus piis : quæ illustratur v. 12. & per descriptionem personarum quæ hoc essent facturæ, qui describuntur à fide, spe, & charitate, *recipientes se ad te quos protecturus es, amantes nominis tui* : & per descriptionem officii præstandi, partim ab effectu interno, *letabuntur*, & partim à professione externa, *canent exultabunt*, una, cum adjuncto durationis, *in seculum.*

Confirmatur vers. 13. ubi ratio redditur hujus rei ; quia nempe ex hoc exemplo illustre habebunt argumentum & quasi testimonium, quod benedictio & protectio Dei erit ipsis parata & omnisufficiens.

QUESTIONES.

I. Quare improbitas in abstracto ponitur v. 5. cum in reliqua sententia v. 6. & 7. *insani operatores iniquitatis, mendaces, & dolosi*, in concreto usurpantur ?

Resp. 1. Quia hoc solemne est in Scripturis, abstractum ponere pro concreto. Psalm. 36. 12. Prov. 12. 27. Rom. 2. 26. 2. Quia causa hoc pacto magis indicatur quare impii sunt Deo invisi ; videlicet. propter eorum improbitatem. 3. Quia hac ratione excessus improbitatis, qui in istiusmodi hominibus reperitur, optime explicatur, quod scilicet quasi conflati sint ex improbitate, & nihil aliud fere in sese habeant observandum.

II. Quid

II. Quid est hoc in loco commorari apud Deum, & consistere è regione oculorum ejus?

Resp. Participare favorem ac benevolentiam Dei intima illa ac stabili ratione, quæ propria est piorum.

III. Quare improbi hic vocantur insani?

Resp. Insanorum nomen ex more Scripturæ impiis tribuitur. 1. Quia veræ sapientiæ sunt inanes, id est, intelligentiæ illius quæ dirigit ad verum bonum. 2. Quia vanissimis rebus afficiuntur ac ducuntur, quasi in ipsis felicitas esset collocata. 3. Quia quasi rabie mentis agitati ad omnem impietatem feruntur. 4. Quia sibi metipsis applaudunt in sua miseria.

IV. Quinam proprie sunt operatores iniquitatis?

Resp. Non omnes qui peccant, sed qui cum studio & pertinacia dedunt sese impietati, tanquam occupationi vitæ suæ. Matth. 7. 23. Luc. 13. 27. 1 Joh. 3. 8, 9, 10. Joh. 8. 44.

V. Quid intelligitur v. 8. per incurvationem versus templum?

Resp. Cultus ille Dei, quo secundum ipsius Dei præscriptum appropinquamus ipsi; hæc enim incurvatio versus templum Dei, ex Dei instituto fuit tum temporis externa representatio hujus cultus.

VI. Quid est deduci in justitia, & complanatam habere viam?

Resp. Unum ac idem aliquando significant in Psalmis; ut Psalm. 23. 3. sed hoc in loco justitia refertur potest ad viam rectitudinis ac veritatis, in qua Deus ipse incedit versus pios: & complanatio viæ, ad viam illam in qua homo incedere debet coram Deo, & cui Deus successum adspirat. Psalm. 25. 4.

VII. Qua ratione verba illa v. 10. sepulcrum apertum est guttur eorum, accommodantur ab Apostolo Paulo. Rom. 3. 13. ad universalem hominum corruptionem.

Resp. 1. Quia eadem est communis corruptio quoad originem & fontem in omnibus. 2. Quia finis & scopus Spiritus sancti in istiusmodi descriptionibus fuit ut usum & applicationem suam habeant per justam analogiam apud omnes generationes. 3. Quia sicut David fuit & Christi & Ecclesiæ Christi typus; sic hostes isti Davidis quasi typi fuerunt & exempla totius mundi, qui ponitur in malo.

VIII. Quid est quod David imprecatur suis hostibus? v. 11.

Resp. Non peccatum aut peccati multiplicatio, sed pœna; reus enim est obligatio ad pœnam, & per metonymiam effecti denotat condemnationem illam quam infert; amplitudo autem peccatorum non est terminus voti, sed ratio & causa.

DOCUMENTA.

I. In periculis & angustis omnibus illa debet esse prima nostra cura, ut via recta & complanata deducamur à Deo. ex v. 9. Psalm. 25. 4, 5. Jes. 26. 8.

Ratio. 1. Quia prior apud nos & antiquior semper debet esse affectus honesti ac justii, quam commodi, præsertim temporarii. 2. Quia via recta est unica via qua certo ac tuto inceditur ad liberationem salutarem; qui enim rectam viam tenet, habet semper quasi saluum conductum justitiæ divinæ, cujus fiducia tuto potest iter facere. 3. Quia fiducia vera in Deum, necessario hæc inducit, ut illam viam sequen-

dam eligamus, quam ipse suadet ut rectam: alias enim non fidimus aut credimus ipsi.

Uſus 1. *Eſt redargutionis*, adverſus eos, qui in tempore vexationis alicujus putant ſe veniam ſaltem mereri, ſi perturbatis affectibus ſuis indulgeant, idque verbis, ac factis, impatientiæ ac vindictæ plenis oſtendant. 2. *Eſt exhortationis*, ut certo animi propoſito noſmetipſos ita comparemus, ut in angultiis omnibus Deo nos totos ducendos ac dirigendos tradamus.

Quæſt. Quomodo ducit Deus illos qui ab ipſo pendent?

Reſp. Triplici ratione. 1. Verbo. Pſalm. 19. 105. 2. Spiritu ſancto. Pſalm. 143. 10. Jeſ. 30. 21. & 3. Providentia. Nehem. 2. 18.

I I. Licitum eſt etiam optare ſubverſionem quorundam improborum hoſtium ex v. 12. Gal. 5. 12. Hoc autem ſic eſt intelligendum. 1. Ut votum iſtud non proveniat ex privata cupiditate vindictæ. 2. Supponatur ſemper perſevacia & pertinacia eorum in malo. 3. Ut gloria Dei & Eccleſiæ bonum poſtulet illam eorum ſubverſionem, quam nos optamus: conditiones iſtæ omnes colligi poſſunt ex iſtoc uno loco.

Ratio. Quia res ipſa hoc poſtulat. Apocal. 6. 9.

Uſus institutionis, ut recte dirigamus ac temperare vota noſtra diſcamus reſpectu illorum qui ſunt improbi Eccleſiæ hoſtes.

III. Oppoſitio hominum ad Dei voluntatem, inferit ipſis perditionem certiſſimam. verſ. 6, & 7. Prov. 8. 36.

Ratio. 1. Quia ſeparat ipſos à Deo, qui eſt ſalus ac vita hominum. Pſalm. 36. v. 10. Joh. 2. 8.

2. Quia facit ut Deus ſit contra ipſos. 1 Cor. 10. v. 22.

Uſus admonitionis, ut fugiamus tanquam mortem, illa omnia quæ à Deo diſſentiunt.

I V. Qui Deo non ſunt oppoſiti ſed conjuncti, libenter & cum ſumma cura, in ejus cultu ſe exercent: ex v. 8.

Ratio. 1. Quia in cultu eſt communio illa ſpiritualis & intima, quam habemus cum Deo: hic autem eſt præcipuus finis fidelium, quærere communionem cum Deo.

Uſus eſt. 1. *Increpationis*, adverſus eos, qui cultum Dei ſuique æque habent. 2. *Exhortationis*, ut animos noſtros ita comparare ſtudeamus, ut rite ferantur in Deum & ejus cultum.

V. Exempla divinarum liberationum, quas præſtitit quibuſdam ſuorum, debent fiduciam & conſolationem omnium piorum confirmare, ex v. 12, 13. Rom. 15. 4.

Ratio. Quia ſingula talia exempla ſunt totidem teſtimonia divini bonitatis ergo ſuos omnes.

Uſus 1. *Admonitionis*, ne ſinamus huiusmodi exempla nobis perire. 2. *Conſolationis maximæ*, uſque ad exultationem animorum, ſicut eſt in textu, cum tantam nubem teſtium habemus confirmantium: Dei erga nos favorem; quotquot enim ab initio mundi miſericordiam conſecuti ſunt apud Deum, & vel in Scripturis memorantur, vel alias nobis noti, tot teſtes habemus divini erga nos favoris.

VI. Iſta conſolatio ad illos tantum pertinet, qui per fidem ac ſpem, cum charitate pendent ex Deo, ex v. 12. 1 Tim. 1. 16.

Ratio. Quia tota ratio ac vis exempli

empli alicujus singularis, prout refertur ad aliud singulare, ponitur in illa similitudine, qua alterum alterum refert.

Ufus Admonitionis, ne quisquam fibimetipſi imponat, conſolationem quaerens ex privilegiis piorum, cum ipſe non ſtudet ipſorum ſimilis eſſe in pietate.

VII. Pii ſunt undequaque tuti, & quali circumvallati adverſus omnia pericula: ex v. ult. Zach. 2. 5. Jeſ. 52. 12.

Ratio. Quia Deus eſt univerſale bonum, & univerſalis deſenſio.

Ufus. 1. *Conſolationis* maximæ er-

ga fideles. 2. Exhortationis, ut Deum faciamus receptum ac propugnaculum noſtrum, *Psalm.* 91. verſ. 2. &c.

VIII. Benevolentia ipſa & benedictio Dei ſufficit ad omnimodam iſtam ſalutem, ex v. ult. Jeſ. 26. 1.

Ratio. Quia Dei bene velle, ac bene dicere, eſt benefacere.

Ufus 1. *Eſt conſolationis* maximæ, erga omnes pios. 2. *Admonitionis*, ne abjiciamus fiduciam, aut animos deſpondeamus cum media nobis deſunt: quia ipſa benevolentia & benedictio Dei eſt per ſe ſufficiens.

PSALMUS SEXTUS.

M Agiſtro ſymphoniæ fidium, ad gravem ſymphoniam; *Psalmus Davidis.*

2. *Jehova*, ne in ira tua reprehendas me; neque in excanſcencia tua caſtiges me.

3. *Gratiſus* eſto mihi *Jehova*, quia langufactus ſum: cura me *Jehova*, quia conturbata ſunt oſſa mea.

4. Et anima mea conturbata eſt valde: tu ergo *Jehova* quouſque?

5. *Revertere* *Jehova*, expedi animam meam: ſalvum fac me propter benignitatem tuam.

6. Nam non eſt in ipſa morte recordatio tui: in ſepulcro quis celebraret te?

7. *Defatigatus* ſum in gemitu meo, feci ut natet totam noctem lectus meus: lachrymis meis ſpondam meam liqueſeci.

8. *Depaſtus* eſt ab indignatione oculus meus; conſenuit inter omnes oppreſſores meos.

9. *Decedite à me* omnes qui datis operam iniquitati: nam audit *Jehova* vocem fletus mei:

10. *Audit* *Jehova* deprecationem meam: *Jehova* orationem meam acceptam habet.

11. *Erubescant & conturbentur* valde omnes inimici mei: revertantur, erubescant momento.

ANALYSIS.

Inſtituitur hoc *Psalmo* deprecatione qua calimitate preſſus utebatur apud Deum: apparet hoc ex v. 5. 6.

Deprecatio ipsa eo spectat ut ab acerbitate & periculo hujus calamitatis possit liberari, v. 2, 3, 4. 5.

Suadetur ista petitio, ad versum usque 9. & postea illustratur ultimis tribus versiculis.

Primum argumentum, quo suadetur, est à quantitate vel gradu hujus calamitatis quam maximam fuisse ostenditur ab effectis, languore scilicet & enervatione omnium virium v. 3. in principio; quod per enumerationem partium explicatur; ossium nempe vel corporis v. 3. in fine: & animæ, v. 4. in principio.

Secundum argumentum petitur ab adjuncto durationis v. 4. in fine.

Tertium argumentum petitur ab effectu hujus calamitatis nisi in tempore depellatur v. 6. quod scilicet tolleretur facultatem & opportunitatem celebrandi Dei nomen inter vivos; confirmatur istud hujusmodi ratione.

Qui mortui sunt, iis nomen tuum celebrandi inter vivos opportunitas non datur, v. 6. Sed si calamitatem istam non depuleris in tempore, ego proculdubio moriar v. 7. & 8. ergo nisi calamitatem istam tempestive à me depuleris, non dabitur mihi opportunitas nomen tuum inter vivos celebrandi.

Assumptionem confirmat & illustiat v. 7. & 8. tribus symptomatis vel indiciis mortis jam instantis.

Primum indicium est gemitum & suspiriorum gravitas, v. 7. in principio.

Secundum indicium est doloris exuperantia, ad omnem usque corporis humiditatem exhauriendam, v. 7. in fine.

Tertium indicium est oculorum caligo & senium immaturum, v. 8.

Haftenus fuit persuasio petitionis; illustratur eadem tribus ultimis versiculis ab effectu, certa nempe exauditione, quæ fide jam quasi præsens fuit Davidi, atque adeo ter commemoratur v. 9. & 10. & illustratur duplici effectu, gaudio nempe & exultatione Davidis & pudore vel confusione omnium inimicorum ipsius, v. 9. & 11.

QVÆSTIONES.

I. Quid est in ira reprehendere, & in exandescencia castigare?

Resp. Intelligitur proprie talis afflictio. 1. Quæ à severitate justitiæ procedit, & non ab amore, Rev. 3. 19. 2. Quæ vehemens est & modum correctionis paternæ excedit, Jer. 10. 24. 3. Quæ favoris & gratiæ communicationem excludit, v. 3. 1 Cor. 10. 13.

II. Quid intelligitur per Dei reditum ad Davidem? v. 5.

Resp. Restitutio consolationis, cujus antea per Dei gratiam participans fuerat; Deus enim accedere ad homines, & ab iis recedere dicitur, prout præsentia suæ signa vel apparere facit vel disparere; si vero præsentia illa fuerit ad castigationem, tum recessus Dei est levatio, Job 9, 34. & 13. 20. & reditus est pressura; si vero præsentia fuerit gratiæ & favoris, tum recessus Dei est afflictio, & reditus est liberatio, ut hic & ubique in Psalmis.

III. Quæ fuit ratio cur David tantopere deprecatus est mortem? ex v. 6.

Resp. 1. Quia mors est sua natura terribile malum, *ποβερότατον κακόν*. 2. Quia ratio vitæ futuræ non tam revelata & perfecta fuit sub veteri testamento, atque jam est sub novo.

novo. 3. Quia vita ista præsens cum ejus commodis, fuit tunc temporis ex ordine instituto quasi pignus vitæ ac felicitatis futuræ.

4. Singulare hoc fuit in Davide, & in Hezekia, Jes. 38. 18, 19. quod religionem & cultum verum, quem illi cõperant vindicare & constituere, ex eorum discessu collapsurum videbant rursus, ex aliorum improbitate.

IV. Quare suos inimicos recedere jubet cum pudore, v. 9, 11?

Resp. Quia inhiabant quasi ipsius exitio, & animo saltem ipsi præsentes, summa spe & aviditate mortem ejus expectabant: jam vero spes eorum fuit plane delusa: consentaneum igitur fuit ut cum pudore desinant stulte sperare, quod improbe optabant.

DOCUMENTA.

I. Nulla calamitas est externa vel corporalis, cui non sunt obnoxii fideles; ex v. 3, 4, 5. Eccles. 9. 3, 4, 5. 1 Cor. 10. 13.

Ratio 1. Quia fideles eandem naturam communem habent cum aliis; natura autem ista mortalis est, & subicitur morti. 2. Quia peccata etiam habent cum aliis communia, peccatum autem inducit mortem. 3. Quia portionem & felicitarem suam non habent aut expectant in ista vita.

Quest. Nihilne igitur discriminis est inter afflictiones fidelium & aliorum calamitates?

Resp. Multum per omnem modum. *Præmarium* enim est in principio à quo proveniunt; afflictiones enim piis immittuntur ex amore paterno, Hebr. 12. 6. impiis vero ex odio & justitia vindicante.

Secundum discrimen est in fine & exitu, piis enim cedunt in bonum. Rom. 8. 28. 1 Cor. 11, 32. impiis autem in exitium.

Tertium est in modo, piis enim eo modo contingunt ut aculeo mortis & maledictionis destituantur 1 Cor. 15. 55, 56. & consolatione spiritali mitigentur: impiis autem initium sunt ipsius maledictionis æternæ.

Ufus 1. *Admonitionis*, ne percellamur afflictionibus quasi peregrinum aut novum quid nobis accideret, 1 Pet. 4. 12. 2. *Exhortationis*, ut aspera quæque in ista vita expectantes, præparemus nosmet ipsos ad eadem rite perferenda.

II. Fidelium piorum proprium est in omnibus afflictionibus & calamitatibus confugere per preces ad misericordiam & opem Dei, ex v. 2. & seqq.

Ratio 1. Quia Dei providentia sciunt afflictiones immitti & auferri Job 5, 6. Hos. 6. 1. 2. Deum habent pro receptu, Psal. 18. 3. 3. Hic finis est afflictionum, quæ fidelibus immittuntur, Hos. 5. 15. 4. Hoc etiam est Dei præceptum, Psalm. 50. 5.

Ufus Exhortationis, 1. Ut in angustiis perpetuo confugiamus ad Deum. 2. Ut etiam tempore pacis & quietis, vel istoc nomine exerceamus nos ad preces quotidianas coram Deo, ut paratiores inde simus ad istud faciendum cum adversis urge-mur. Qui enim cum pax est, non invocant Deum, non solent id recto corde facere cum gravissimis afflictionibus premuntur.

III. Liberationem à malis eo animo & fine præcipue petere debemus, ut Dei nomen liberius celebremus, ex v. 6.

Ratio 1. Quia non tam nos ipsos quam Deum & ejus gloriam querere debemus in omnibus nostris precibus, alias non sunt cultus Dei. 2. Quia hic ipse est finis liberationis à Deo præstitæ, Psal. 50. 15. 3. Quia sine istoc proposito, non sumus præparati aut recte dispositi ad liberationem sancte recipiendam.

Vsus 1. *Redargutionis*, adversus eos, qui cum clamant ad Deum, nihil spectant nisi suum proprium commodum. 2. *Exhortationis*, ut hanc dispositionem erga Dei gloriam foveamus perpetuo in cordibus nostris.

IV. Istiusmodi preces exaudiri à

Deo, fideles etiam dum precantur sæpe sentiunt, ex v. 9, 10, 11. Dan. 9. 21, 23.

Ratio. Quia hæc est vis fiduciæ vivæ quæ in hujusmodi precibus exercetur, 1 Joh. 5. 14. 2. Spiritus ille Dei, qui preces istas excitat, Rom. 8. 26. facit ut sciamus quæ Deus nobis gratificatur, 1 Cor. 6. 12. duplici enim ratione Deus exaudire dicitur preces fidelium. 1. Per spiritum, cum certiores illos facit, quod preces eorum gratas & ratas habet. 2. Cum re ipsa & opere facit quod petunt.

Vsus 1. *Exhortationis*, ad preces, & 2. *Consolationis*, in malis.

PSALMUS SEPTIMUS.

O De mixta Davidis : quam cecinit Jehovæ ad verba Cuschi Beniaminitæ. 2. Jehova Deus mi, ad te recipio me : salvum me fac ab omnibus persequentibus me, & libera me :

3. Ne abrijat tanquam leo animam meam ; dilaceret, nemine liberante.

4. Jehova Deus mi, si feci istud : si est iniquitas ista in manibus meis :

5. Si intuli malum colenti pacem mecum, qui expedire solitus sum quemque opprimentem me immerito :

6. Persequatur inimicus animam meam, & assequatur, conculcetque in terra auferens vitam meam : & faciat ut gloria mea in pulvere habitet ut qui maxime.

7. Surge Jehova in ira tua, extolle te gravissimo furore percitus in eos qui me oppriment : & invigilans attende ad me ; judicium præcepisti.

8. Ergo cæcis nationum circumdet te ; & supra hunc in altum revertere.

9. Jehova jus dicit populis : judica me Jehova ; secundum justitiam meam & secundum integritatem meam pronuncia pro me.

10. Deficiat quæso malum improborum, & stabilito justum : prout explorator es animarum & renum, Deus juste.

11. Clypeus meus est in Deo, qui dat salutem rectis corde.

12. Deo vindice justis, & Deo forti detestante quotidie.

13. Si non convertatur improbus, gladium suum acuet ; arcum suum adduxit & sagittam aptavit ei :

14. Denique in eum aptavit arma lethifera : sagittas suas, in fervidos occupaturus est.

15. *Ecce parturiet vanitatem; ut concepit laborem, - ita mendacium pariet.*

16. *Cisternam fodit & excavavit eam: deiecit eo se, in fovea operaturus opus suum.*

17. *Redibit labor ejus in caput ejus: & super verticem eius injuria ejus descensura est.*

18. *Celebrabo Jehovah secundum justitiam ejus; & psallam nomini Jehovah excelsi.*

A N A L Y S I S.

SCOPUS hujus Psalmi indicatur primo in ejus titulo vel inscriptione, quod scilicet compositus fuit ex occasione gravissimi cujusdam criminis Davidi intentati à Cuscho Benjaminita; crimen autem quod intendebatur fuit conjurationis initæ adversus vitam Saulis ex affectatione regni, 1 Sam. 25. 10.

Hac occasione petitionem instituit David apud Deum, ut liberari possit à suis inimicis.

Primarium hoc hujus Psalmi propositum simpliciter proponitur v. 2. & cum ornatu accommodatissimæ similitudinis, à solemni forma publici inter homines judicii desumptæ, repetitur & declaratur, v. 7, 8, 9, & 10.

Postulatum hoc Davidis per reliquum Psalmum partim suadetur ad versum usque 11. & partim illustratur inde ad finem.

Primum argumentum quo suadetur, petitur à causa principali, fœdere & promissione Dei v. 2. Qui recipiunt se ad Deum, salutem & liberationem consequentur; sed ego recipio me ad Deum; Ergo.

Secundum argumentum petitur ab effectu vel eventu liberationis negatæ v. 3. si à Deo non fuero liberatus immaniter dilacerabor ab hostibus, v. 3. quod similitudine declaratur leonis in oviculam irruentis.

Tertium argumentum petitur à causa quasi impellente, & promovenente liberationis optatæ, innocentia nempe Davidis v. 4, 5, 6. quæ confirmatur. 1. Quasi juramento, atque adeo testimonio Dei ipsius & imprecatione apud ipsum instituta si aliter se res habeat; & 2. Comparatione dissimilium, (vitæ nempe Davidis & criminis objecti) quæ prorsus improbabilis redditur accusatio illa quæ Davidis innocentia impugnabatur, v. 5.

Quartum argumentum petitur ab adjuncto officio Dei, qui invocatur tanquam justus judex totius terræ, v. 9 in principio, & v. 10. in fine; hætenus fuit suasio petitionis institutæ: sequitur ejusdem illustratio, quæ est ab effectis. Effecta hujus petitionis duo proponuntur. 1. Certa persuasio quæ David habuit de sua liberatione, & hostium suorum, si in conatibus peristerent, interitu, à v. 11. ad 18. & 2. Propositum firmum celebrandi neminis divini utriusque beneficii nomine, versu 18.

Persuasio de liberatione illustratur. 1. A causa, justitia nempe Dei, quæ pios tueri & improbos punire solet, v. 11, & 12. 2. Respectu improborum, à similitudine militaris apparatus ad eorum perniciem spectantis, v. 13, 14. & 3. Ab eventu vel effectu istius apparatus, interitu

interitu nempe improborum, cuius iustitia declaratur triplici comparatione parium metaphorice explicata v. 15, 16, 17.

QUESTIONES.

I. Quis aut qualis fuit iste Cush, qui in titulo dicitur huic Psalmo præbuisse causam?

Resp. 1. Non fuit Shimeius ille, qui convitiis oneravit Davidem fugientem ab Absalone (ut quidam autumant;) quia 1. Ipsius verba contumeliam solam adferebant Davidi, periculum vero nullum, sed proprio potius capiti suo. 2. Quia neque Absalon excitatus fuit illis verbis Shimeii adversus Davidem, sed ejus potius verba conspiratione Absalonis: neque conspirationi Absalonis quadrant illa omnia quæ in istoc Psalmo reperiuntur. 2. Non fuit Saulus ipse (ut multi judicant,) quia 1. De Sauli factis potius quam verbis conqueri solebat David, & de aliorum verbis ipsum irritantibus. 1 Sam. 24. 10. 2. Nulla iusta datur causa, quare nomen Sauli dissimularetur, si Saulus ipse intelligeretur. 3. Fuit Benjaminita aliquis ejusdem tribus cum ipso Saule, potens in aula, princeps factionis illius quæ Davidem impugnabat: qua ratione fit, ut occasione verborum ipsius, David opem Dei implorat non tantum adversus ipsum, sed etiam Saulem, & omnes suos persecutores. v. 2.

II. Ex v. 4, 5, 6. Qua ratione iuramentum adhibetur hic à Davide?

Resp. 1. Ut innocentiam suam & conscientiae fiduciam quam maxime testatam redderet apud Deum. 2. Ut inimicos etiam si fieri possit

ad rectum de se judicandum per-moveret.

III. Ex v. 6. Quare inter jurandum male sibi metipsum precatur?

Resp. Imprecatio in omni iuramento continetur; quia Deus à jurante semper invocatur ut testis veritatis, aut vindex falsitatis; vindicta vero adversus falsitatem, per imprecationem explicatur.

IV. Ex eodem v. quid interest inter *animam, vitam, & gloriam*?

Resp. Anima denotat personam per synecdochē membri; *vita* est persistētia illius personæ in statu viventium; *gloria* est ejusdem personæ decus & dignitas, quæ permanere sæpe solet post vitæ hujus finem.

V. Qualis gradatio verbis istis inest?

Resp. Grave est ut aliquis in persona sua ullo modo opprimatur: gravius si vita ipsa tollatur: illud autem gravissimum, si simul cum vita omnis gloria & dignitas extinguatur, præsertim cum gloria illa præcipue pendet ex promissione Dei, & illius fide, qualis fuit Davidis gloria. Psalm. 22. 9.

VI. Ex v. 7. quo sensu dicitur Deus iudicium præcepisse?

Resp. Sensus est, Deus promisit innocentibus ad opem ipsius confugientibus, vindicationem ob omnem injuriam. Præceptionis vero nomine promissio hæc designatur, ut ostendatur firmitas & efficacia illius promissionis; quod, enim Deus efficitur vult efficere, id in scripturis dicitur præcipere. Psalm. 33. 9. & 78. 23. & 147. 15, 18.

VII. Ex v. 10. quare vocatur Deus scrutator cordium & renum?

Resp. Ut ostendatur eum scire omnia

omnia quæ sunt in homine, etiam illa quæ sunt maxime occulta & quasi recondita in intimis ejus recessibus, atque adeo maxime ac solum idoneum esse ad testimonium ac judicium verum ferendum de omnibus iis quæ pertinent ad hominem.

DOCUMENTA.

I. Injuriz quæ inferuntur nobis ab hominibus debent nos ad Deum ferre; colligitur ex titulo Psalmi, 1. Pet. 4. 19.

Ratio. 1. Quia sine providentia Dei neque inferuntur, neque auferuntur. 2. Quia alias pium & religiosum usum istiusmodi rerum non habemus. 3. Quia alias non vincimus malum, sed vincimur à malo. Rom. 12. ult.

Usus Reprehensionis, adversus eos qui injuria ab hominibus affecti, de Deo & ejus providentia nihil cogitant, sed feruntur toti ad homines ipsos ulciscendos.

II. In gravissimis injuris & periculis ad deum recipere nos debemus, tanquam sufficientem nostrum liberatorem. ex v. 2.

Ratio. 1. Quia salus omnis est Jehovæ. Psal. 3. 10. 2. Quia hæc est natura veræ fidei ac fiduciæ 3. Quia illi, qui ad alios vel alia primario confugiunt, rei sunt idololatriz. Eph. 5. 5.

Usus 1. *Admonitionis*, ut caveamus nobis sedulo ab infidelitate & fiducia carnis. 2. *Exhortationis*, ut quotidie exerceamus nosmetipsos ad istam fiduciam spiritualementem.

III. Quo magis instans est periculum, eo magis precibus instare debemus apud Deum. ex v. 3.

Ratio. 1. Quia preces oriundæ à necessitatibus nostris, intendi de-

bent, sicut ipsæ necessitates intenduntur vel augentur. 2. Quia hunc in finem differt suam opem Deus, & periculum finit augeri, ut eo ardentius ipsum inclamemus. Matth. 20. 31.

Usus reprehensionis, adversus eos, qui segnescunt aut fatiscunt in precibus, cum pericula ingravescent.

IV. In istiusmodi precibus conscientia bona sustentari debet fiducia. ex v. 4.

Ratio. 1. Quia mala conscientia Deum offendit, quem propitium habere cupimus. 2. Inquinat preces ipsas. 3. Quia bonæ conscientiz factæ sunt promissiones Dei.

Usus damnationis, adversus eos, qui Deum inclamare solent, sine ullo examine vel cura suarum conscientiarum.

V. Conscientia illa sola bona est, quæ consistere potest coram Dei judicio. ex v. 4, 5. & 6. 10. Act. 23. 1. & 24. 16.

Ratio. 1. Quia solus Deus novit conscientiam. 2. Quia conscientia non respicit aliud tribunal, quam Dei solius.

Usus Admonitionis, ne unquam in eo acquiescamus, quod ab hominibus non possimus alicujus criminis convinci.

VI. Conscientia bona non sufficit ad animum sustentandum, nisi etiam in Dei promissiones per veram fidem recumbamus. ex v. 7. Psal. 119. 92.

Ratio. 1. Quia hac ratione sola sanctificatur Deus in cordibus nostris. 1 Pet. 3. 15. 2. Non tam ab innocentia conscientiarum nostrarum, quam à promissionibus Dei pender ac provenit salus nostra.

Usus 1. *Reprehensionis*, adversus illos,

illos, qui suis bonis intentionibus nituntur solis. 2. *Exhortationis*, ut promissiones Dei copiose in nobis habitare curemus.

VII. Fiduciae in promissiones Dei magnum firmamentum est fides providentiae illius divinae, quae iudicium exercet in tota terra, ex v. 8. & 9. 1 Pet. 3. 12.

Ratio, Quia promissiones non possunt impleri aut praestari, nisi per huiusmodi providentiam.

Usus Exhortationis, ut quotidie fidem nostram aedificemus & confirmemus circa Dei providentiam.

VIII. In precibus ac meditationibus eo solent assurgere pii, ut illud fide apprehendant, quasi praesens ac factum, quod ut fiat cupiunt ac orant. ex v. 11. Psal. 6. 9, 10.

Ratio. 1. Quia fides ac fiducia istiusmodi exercitiis alitur & crescit, usquedum pervenerit eo, quo tendit, id est, ad plenam persuasionem. 2. Quia preces ipsae pia sunt certum argumentum, quo fides confirmatur, in certa expectatione eorum, quae petuntur.

3. Quia Deus arcana quadam sui Spiritus operatione, ostendere solet suis, quam gratas habet eorum preces.

Usus 1. *Exhortationis*, Ut alacriter igitur exerceamus nos in precibus: quia frustra non precabimur. 2. Ut in precibus nostris ascendere conemur animis a fide ad fidem, usquedum perceperimus Deum in cordibus nostris annuentem votis.

IX. Nullum est Dei attributum, quin si recte perpendatur, ita ut ejus apprehensio cum fide misceatur, faciat ad fiduciae confirmationem, & consolationis incrementum ex v. 12.

Ratio. 1. Quia quicquid revelatum est de Deo, in istum finem est revelatum. Rom. 15. 4. 2. Quia cum Deus ipse est Deus fidelium ad salutem, necesse est, ut omnia illa, quae sunt in Deo, faciant aliquo modo ad eorum salutem promovendam.

Usus 2. *Est consolationis*, quod tot argumenta certissima habemus quibus animi nostri possint confirmari. 2. *Exhortationis*, ut frequenter igitur de Deo & ejus attributis pie ac practice ad aedificationem nostram meditemur.

X. Deus omnia semper habet parata, & est quasi in procinctu, ad pios adjuvandos, & impios impetentes perdendos. ex vers. 13, 14.

Ratio. 1. Quia Deus est in sese omnissufficiens ad omnia perficienda quae vult, etiam in momento. 2. Quia etiam est omnipraesens, ita ut providentiam ejus nihil effugiat.

Usus 1. *Admonitionis*, erga peccatores, ne protrahant tempus suae conversionis, sed redeant ad Deum, dum dicitur, *hodie*. 2. *Consolationis*, erga fideles, ut confirmant animos in Deo, qui non propter defectum aliquem, sed certo & divino consilio differt aliquando eorum liberationem.

XI. Impii saepe perduntur suis propriis consiliis & conatibus. ex v. 15, 16, 17.

Ratio. 1. Quia peccatum ex natura sua secum infert miseriam. 2. Quia iustissima hac Dei gubernatione manifestum fit illos auctores esse suae propriae perditionis.

Usus 1. *Admonitionis*, ne quisquam sibi met placeat in impiis ullis cogitationum suarum astutiis.

2. *Consolationis* erga fideles, quia nulla

nulla est causa cur nimis turbentur astutis consiliis & machinationibus impiorum suorum hostium, quæ cedent tandem in authorum perniciem.

XII. Cum vera fiducia misericordiae Dei, conjungitur semper firmum propositum nomen ejus celebrandi. ex v. ult.

Ratio. 1. Quoniam nemo est pa-

ratus & aptus ad Dei misericordiam participandam, donec animus habet gloriae Dei studiosissimum. 2. Quia gloria Dei præcipuus finis est, propter quem beneficia peti solent à piis.

Usus Exhortationis, ut istum affectum foveamus & excitemus in cordibus nostris magis magisque.

PSALMVS OCTAVVS.

M Agistro Symphoniae ad Stationem Githaam, Psalmus Davidis.

2. Jehova Domine noster, quam magnificum est nomen tuum in universa terra: cui exponis semper caelestem decorem tuum!

3. Ab ore infantium & lactantium fundatam disposuisti laudem; propter hostes tuos, ad compescendum inimicum & ultorem sui.

4. Num respicio caelos tuos, opus digitorum tuorum; lunam & stellas quas statuisti:

5. Quid est mortalis, quod memor sis ejus? aut filius hominis, quod visites eum?

6. Minorem quidem fecisti eum paulisper Angelis: sed gloria & majestate coronasti eum;

7. Praefecisti eum operibus manuum tuarum: omnia posuisti sub pedibus ejus:

8. Greges & armenta quotquot sunt etiamque bestias agrestes;

9. Aves caeli & pisces maris: quicquid permeat semitas marium.

10. Jehova Domine noster, quam magnificum est nomen tuum in universa terra!

ANALYSIS.

T HESIS in istoc Psalmo breviter illustrata, est nomen Jehovæ esse per universum orbem admirabiliter gloriosum ac magnificum.

Proponitur ista thesis in principio & fine Psalmi v. 2. & 10. quia quaestio est & conclusio totius Psalmi. Hoc enim plerumque observandum est in Psalmis, quod illa sententia quæ sæpius repetitur in eodem Psalmo, præcipuum scopum

totius Psalmi complectatur. ut Psal. 80. 4. 8. 20. & Psal. 107. 1. 8. 15. 21. 31.

Thesis hæc v. 2. non simpliciter tantum proponitur sed & comparatione minorum illustratur, dum gloria nominis Dei superare dicitur caelos ipsos.

Thesin istam antequam explicet Propheta, rationem reddit sui officii in istoc onere suscipiendo. v. 3. per occupationem tacitæ cujusda objectionis

objectionis; objici enim potuit, si Dei gloria tanta sit, ut omnem cogitationem superet, unde hæc audacia, quod tu prædicationem ejus aggredi non formidas?

Responsio est v. 3. quod Deus hoc efficit & approbat, ut ab infirmis prædicetur ejus gloria; cujus rei ratio redditur à fine, qui est confusio hostium Dei; ita ut v. 3. cum. 2. connecti debeat per conjunctionem discretam, hunc in modum: quamvis Dei gloria superet omnem laudem ac prædicationem humanam, non deterreo tamen ego ab illa pro virili celebranda, quia Deus vult suas laudes ab infirmis celebrari, ad confusionem hostium superbientium.

Argumentum quo demonstrat Propheta admirandam Dei gloriam, est admiranda ejus benignitas erga hominem. v. 9.

Benignitas hæc illustratur 1. A causa beneficiorum, quæ in hominem conferuntur, quæ nulla alia est quam gratuita Dei benevolentia. v. 5. quod ostenditur à diversis, vel à conditione illa hominis, quæ aliena prorsus videtur ab ista dignitate, ut scilicet Deo sit curæ ipsum exornare. v. 5. hoc autem illustratur per comparisonem vilitatis humanæ naturæ, & majestatis illius divinæ, quæ in operibus ejus elucet v. 4. ubi vilitas humana iis titulis describitur, qui abjectam & ærumnosam denotant conditionem.

Illustratur. 2. Benignitas ista erga hominem per comparisonem majoris dignitatis, nempe illius, quæ in Angelis maxima reperitur, & tamen non multo superior illa quæ confertur in homines. v. 6.

Illustratur. 3. Benignitas ista

erga hominem, per singulare ejus effectum, quod est adjunctum dignitatis in hominem collatæ, dominium nempe in reliquas creaturas. v. 7. quod confirmatur & amplificatur per inductionem partium v. 8. & 9.

Q U E S T I O N E S.

I. Quid intelligitur per nomen Dei? v. 1.

Resp. Deus ipse quatenus semetipsum patefecit aut notum reddidit operibus ac verbo, sicut homines dignosci solent nominibus suis. Plal. 20. 2.

II. Quo sensu dicitur nomen Dei magnificum?

Resp. Quoniam excellit robore, virtute, decore, amplitudine, præcipue autem hoc in loco ratione beneficentiæ.

III. Qua ratione applicantur verba. v. tertii, ad pueros Christo acclamantes? Matth. 21. 16.

Resp. Certa & evidenti consequentia à genere ad speciem: atque adeo eadem plane argumentandi forma, qua David hic ad semetipsum generalem illam sententiam applicavit, prout in analysi fuit explicatum.

IV. Quid est, fundatam disponere laudem? v. 3.

Resp. Nihil aliud quam solidissime statuere, vel firmiter & immobiler.

V. Quinam intelliguntur hic per hostes Dei?

Resp. Illi omnes, qui de Deo aliter sentiunt ac docent, quam divina majestate dignum est.

VI. Quare iidem etiam appellantur ultores?

Resp. Quia illi, qui de divina majestate

jestate & providentia non recte sentiunt, non solent à Deo pendere, sed sibimetipsis & aliis rationibus iniquis, & crudeli vindicta prospicere, Psal. 44. 17.

VII. Quomodo compescuntur superbi homines ab infirmis?

Resp. Cooperante Spiritu sancto, turbantur, & pudore afficiuntur, Act. 6. 10. 1 Cor. 1. 27, 28.

VIII. Quid est *visitatio* Dei? v. 5.

Resp. Visitare est appropinquare, vel prope accedere, vel in manifestatione iræ, vel in manifestatione gratiæ. Hoc autem in loco intelligitur illa accessio, quæ est ex gratia, ut Luc. 1. 67.

IX. Quomodo accommodantur verba illa, quæ sunt v. 5, 6, 7. ad personam Christi? Heb. 2. 6, 7, 8, &c.

Resp. Accommodatio est facilis, si interpretes non vellent esse nimis ingeniosi. Cum enim homo creatus primo fuit ad istam dignitatem de qua hic agitur, & post lapsum etiam aliquas reliquias ejus retinuit, plenitudo ejusdem in Christo homine restituitur, & per Christum in eos omnes derivabitur, qui sunt Christi, Heb. 2. 9. 10.

Quod igitur hic dictum est de homine, ibi perfici ostenditur in Christo & per Christum, in iis omnibus, qui sunt Christi.

DOCUMENTA.

I. Ad Deum rite laudandum & glorificandum requiritur admiratio perfectionis illius, qua semetipsum nobis patefacit ex v. 2. & 10.

Ratio 1. Quoniam admiratio est affectio illa intellectus, qua moveatur, cum superari se percipit ab eo, quod contemplatur; aliquando igitur

tur ex eo oritur, quod aliquid accidit præter omnem opinionem & expectationem, id est, cum actus intelligendi à re superatur: aliquando vero ex eo, quod aliquid post inquisitionem non potest comprehendere, id est, non tantum actus, sed facultas ipsa intellectus à re intelligenda superatur. Hoc autem duplici ratione præcipue contingit, vel cum rem ipsam satis percipimus, sed causam ejus investigare non possumus: vel cum rei ipsius gradum aut modum non possumus assequi cogitando. Jam vero in iis, quæ pertinent ad Deum & ejus laudem ac gloriam, talia sunt omnia, ut non tantum intellectus nostri actum, sed & ipsam facultatem superent, non tantum ratione causarum & mediorum, sed etiam ratione modi ac mensuræ, Eph. 3. 19. 2. Quia laudatio illa Dei, quæ est sine admiratione, non est cultus religiosus, quia non deferret Deo honorem illum, qui supremo nupini debetur; qui enim non admiratur Dei vias, deprimit illam majestatem, & à se illas vel satis comprehendere putat, vel posse saltem comprehendere, Rom. 11. 33, 34. 3. Sine admiratione sancta, affectus non moventur, nisi vulgari modo, quod in Deo, laudando est maxime indignum & indecorum, Matth. 22. 37. 4. Quia Angeli ipsi cum admiratione versantur coram Deo, Jes. 6. 2.

Ufus 1. *Refutationis*, adversus profanos quosdam homines, qui vel Philosophiæ scientia tumidi, cujus tamen nullam solidam ac perfectam perceptionem habent, vel ingenii vanitate elati, primariam æstimant sapientiæ partem, nihil admirari, hinc adeo sapientes in judicio suo, ur

ut Deum revereri non possint, Prov. 3. 7. qui in desperata magis sunt conditione, quam fatui, Proverb. 26. 12.

2. *Increpationis*, adversus tepidos illos homines, qui nunquam excitant semetipsos ad admirationem in contemplatione rerum divinarum, speciem quandam habent, & nonnunquam etiam laudem affectant nescio cujus moderationis, & animi sedati: sed vera causa est, quod curvos in terram habent animos, qui ad cœlum & res cœlestes attollere sese nesciunt.

3. *Exhortationis*, ut in vulgari divinarum rerum apprehensione non acquiescamus, aut affectibus illis circa res istas, quibus in aliis communibus versamur, sed exerceamus nos hic ad admirationem usque, & ad affectus admirationi congruos, Psal. 119, 18, 129. Paulus de rebus divinis, illis præsertim, quæ Christum & salutem spectant, semper fere loquitur cum admiratione, Eph. 1. 9, 7, 8, 9, 19. & 2, 4, 7. & 3, 8, 10, 18, 19.

II. Qui admirabilem Dei perfectionem & gloriam perpendunt, quamvis animo sint maxime parati ad eum laudandum, se tamen plane impares agnoscunt ad hoc ita faciendum, prout dignum est Deo, ex connexionem v. 2, & 5. Gen. 32, 10. 1 Chron. 29. 14. Nehem. 9. 5.

Ratio 1. Quia cum intellectus non potest capere Dei gloriam, & ceteræ facultates non totum illud præstant, quod intellectus percipit esse præstandum, fieri non potest, quin illud quod præstatur sit longe infra dignitatem illam, quæ in Deo refulget. 2. Quia hæc una est

causa admirationis, quod gloria Dei superat omnes nostras facultates.

3. Quia admiratio ista sic accendit in fidelibus affectus pios erga Deum, ut plus velint quam possint, 2 Cor. 8. 3.

Uusus 1. *Refutationis*, adversus eos, qui de semetipsis & suis officiis erga Deum, ac meritis gloriantur; ostendunt enim se Deum & ejus majestatem plane ignorare.

2. *Admonitionis*, ut cum omni humilitate Deum colamus, pusillum est enim quod possumus præstare. 3. *Admonitionis*, ut eo magis caveamus nobismetipsis, ne pravis nostris affectibus & moribus, cultus noster, qui semper est imperfectus reddatur etiam abominabilis, Prov. 28, v. 9. & cap. 21. v. 27.

III. Tenuitas hæc & imperfectio non debet quenquam abstertere ab officio suo erga Deum præstando, ex v. 3. Locis ante citatis.

Ratio 1. Quia Deus ad se vocat infirmos & egenos, 1 Cor. 1. 27. 2. Quia Deo grata est voluntas & conatus; secundum illud quod adest, 2 Cor. 8. 12. 3. Quia in istiusmodi officiis non debemus viribus nostris fidere, sed potentie Dei, Phil. 4. 13. 4. Potentie Dei supereminetia manifestatur in hominum infirmitate, 2 Corinthians c. 4. v. 7.

Uusus 1. *Refutationis*, adversus eos, qui sub humilitatis nescio quali prætextu erga Deum sunt sacrilegi; dicunt enim se infirmitatis suæ conscientia detineri, quo minus Ecclesie se adjungant, & Deo deferant debitum honorem. 2. *Admonitionis*, ne locum demus istiusmodi tentationibus omnes

omnes enim cogitationes, quæ eo spectant, ut averrant homines à Deo quærendo, quacunque specie commendantur, habendæ sunt inter tentationes diaboli. 3. *Exhortationis*, ut in omnibus nostris officiis erga Deum præstandis ab ipso pendeamus toti, tanquàm infantes, 2 Cor. 3. 5.

IV. Quo majorem habemus apprehensionem majestatis Dei, & propriæ nostræ vilitatis, eo pluris facimus Dei erga nos benignitatem, ex v. 4, & 5. *Jes. 66. 1, 2. 1 Reg. 8. 27.*

Ratio. 1. Quia ex considerationibus istis benignitas Dei magis gratuita apparet. 2. Quia magis apparet inexpectata. 3. Quia eo magis exsuperat omnem gratiam, quæ potest à nobis Deo referri.

Ufus 1. Admonitionis, ut non tantum attendamus ad beneficia Dei, quæ nobis communicantur, sed simul etiam serio, sæpèque cogitemus, quis & qualis ille sit à quo ista beneficia procedunt, & quales nos ipsi sumus in quos conferuntur. 2. *Exhortationis*, ut magis indies proficere studeamus in cognitione Dei & nostrum ipsorum; alias enim neque beneficia, neque judicia Dei recte interpretabimur; qui enim Deum & semetipsos non recte cognoscunt, ii vel & beneficia, & judicia Dei plane negligunt, vel beneficia tribuunt suis meritis, Deut. 9. 4. *Ne loquator cum animo tuo, quum expulerit Jehova Deus tuus eos à facie tua, dicendo, propter justitiam meam introduxit me Jehova ab hæditario jure possidendum terram hanc, & propter improbitatem gentium istarum Jehova expellit eas à facie tua.* Et judicia tribuunt iniquæ crudelitati, Ezechiel 18. v. 2. *Patres comederunt omphacen, & den-*

tes filiorum obstupescunt, & vers. 25. Quod autem dicitis, non aqua via Domini. Audite jam, o domus Israel, an via mea non esset aqua? &c.

V. Dei majestatem colligere debemus ex operibus ejus, & nostram vilitatem ex miseria & morte cui sumus obnoxii, ex iisdem versiculis.

Ratio 1. Quia Deum qualis est in sese, non possumus intelligere: & quales nosmetipsi sumus, nolumus intelligere, nisi convicti istiusmodi argumentis, quæ in sensum ipsum incurrunt. 2. Quia istum finem & opera sua, & nostram miseriam nobis proposuit Deus contemplandam, ut Dei majestatem & nostram vilitatem recte perspectam habeamus

Ufus 1. Increpationis, adversus eos, qui toti sunt in aliarum rerum contemplatione; ita ut nunquam vel respiciant opera Dei, quæ talia sunt, vel reflectant animos in semetipsos & mortalitatem suam, *Jes. 5. 12. Opus autem Ichovæ non intuentur, & opus manuum ejus non considerant.* 2. *Exhortationis*, ut meditationibus nostris omnem perfectionem Deo semper tribuamus, & omnem imperfectionem nobismetipsis, Daniel 9. 7. *Penes te, o Domine est justitia ipsa ac penes nos pudor faciei, &c.*

VI. Magna Dei erga homines benignitas in eo apparet, quod præfecit eos omnibus operibus manuum suarum, Gen. 1. 25, 28. & 9, 2.

Ratio 1. Pars est imaginis Dei, & perfectionis hominis. 2. In isthoc ordine sapientia Dei eleucet. 3. Omnes creaturæ hoc pacto redeunt ad creatorem suum per honorem.

Quæst. An hoc intelligendum sit de omni creatura simpliciter, sine exceptione?

Resp. Intelligi debet de omni creatura, quæ non est ad imaginem Dei facta; angeli enim in textu excipiuntur.

Object. At angeli etiam ministrant in bonum hominum, Heb. 1. 14.

Resp. Ministerii munere funguntur in bonum electorum, sed tanquam Dei ministri, non tanquam hominum servi, quemadmodum proceres regni ministerii munere funguntur aliquando erga humiliores, sed jussu regis, ut ipsius servi, sicut Haman erga Mordechaium jussu Assueri, Esth. 6. actiones Angelorum, non subsunt arbitrio aut voluntati hominis.

Object. Sunt etiam aliæ creaturæ, quæ non subjiciuntur hominibus, non moventur cum volumus: neque vento, mari, & similibus possumus imperare.

Resp. Dicuntur tamen subijci hominibus, non absolute & simpliciter, sed quodammodo; quia in sua natura per creationem, media sunt usibus hominum inservientia, 1 Cor. 3. 21, 22. quædam creaturæ subjiciuntur hominis arbitrio, quædam operationes, & ipsam substantiam: quædam tantum quo ad usum ipsi inserviunt.

Object. Hoc sensu Christus ipse dici possit subijci hominibus.

Resp. Christus ipse respectu humiliationis dicitur serville hominibus, Marc. 10. 45. sed tamen cum Christus primario & immediate sit propter Deum, ut in ipso summa illa Dei gloria splendeat, quæ potest creaturæ communicari, & secundario propter homines, idcirco Christus

nōn dicitur noster, sed Dei, & nos dicimur Christi, 1 Cor. 3. 22. Christus dicitur noster Servator, sicut etiam Deus ipse noster patet, sed non simpliciter noster, sicut ceteræ creaturæ.

Object. Post lapsum multæ creaturæ homini, & ejus perfectioni repugnant.

Resp. Creaturæ ita subjiciuntur homini, ut magis sint subditæ Deo; cum igitur homo separavit se à Deo, creaturæ separarunt sese ab homine, ut Deo possint adhærere, manet tamen ex parte ordo subjectionis inter homines & ceteras creaturas.

Uusus 1. *Exhortationis*, ut omnem gloriam & majestatem tribuamus Deo, qui nos in istum finem gloria & majestate coronavit; comparentur v. 6, & 10. hoc autem præcipue & realiter præstat, cum utimur creaturis in ipsius gloriam. 1 Cor. 10. 31. *Et si ego per gratiam cibum participo, cur ob id impius judicor, pro quo gratias ago?* 2. *Admonitionis*, ne redigi nos patiamur sub ullius creaturæ potestatem, 1 Cor. 12. cum autem sub creaturæ potestatem redigimur, cum eius usui ita sumus dediti, ut non velimus abstinere, quamvis peccatum & scandalum inde sequatur, uti cum non expedit, & in potestatem redigi confunduntur, ibidem. 3. *Admonitionis*, ut in ipsas creaturas, quæ subjiciuntur nostræ potestati non simus tyranni, sed domini; illud legitime exerceamus, quod est à Deo nobis concessum, Proverb. 12. 9. *Curat justus vitam jumenti sui.* Roman. 8. 20, 21. *Nam vanitati omnis creatura subiecta est non sua sponte, sed propter eum, qui subiecit eam*

eam isti vanitati. Sub spe quod & ipsa creatura liberabitur ex servitute corruptionis, &c.

VII. Dominium illud in creaturas, quod per peccatum amisimus, per Christum habemus restitutum. Hebræor. 2. v. 6, 7, 8. Testatur est autem quidam alicubi dicens: Quid est homo, ut memor sis ejus: aut filius hominis ut eum respicias? Fecisti eum paulisper inferiorem Angelis: gloria & honore coronasti eum, & constituisti eum super opera manuum tuarum. Omnia subjecisti sub pedibus ejus, &c.

Ratio 1. Quia Christus liberans nos à peccato, liberat nos etiam à pœna & effectis peccati. 2. Quia non tantum pristina illa dignitas quam habuimus ante lapsum, restituitur in Christo, sed augetur etiam & augustior efficitur.

Ufus exhortationis, ut igitur in Christo & per Christum accipiamus fide à Deo etiam communia ista beneficia, Col. 2. 20. Itaque si mortui cum Christo, liberi estis ab elementis mundi: quid ut viventes in mundo, vitiis oneremini, Ne ederis, neque gustaris, &c. & 3. 17. Et quicquid feceritis sermone, aut factis, in nomine Domini Iesu id facite, gratias agentes, &c.

Quæst. Quo jure possunt infideles, qui sunt extra Christum, uti creaturis quarum dominio exciderunt per peccatum, neque restitutum habent in Christo?

Resp. Non jure donationis hujus supernaturalis, quæ propria est fidelium qui sunt in Christo: neque naturalis illius donationis, quæ fuit in creatione, qua indignos sese reddiderunt: sed jure permissionis, qua Deus omnibus iis concedit necessaria ad vitam, quibus vitam ipsam concedit, qui vitam concedit, concedit simul omnia illa quæ vitæ debentur.

Qui criminis læsæ majestatis damnantur ad mortem & exciderunt suis omnibus bonis, permissione tamen Principis possunt ii vitam suam in carcere vel alibi sustentare, usque dum sententia lata fuerit executioni mandata, aut tota culpa condonata, sic se res habet in isto negotio, quamvis igitur peccent infideles in eo, quod suo merito semetipsos destituerint & manent destituti jure donationis, atque adeo non illo ita utantur sicut oportet; in eo tamen quod simpliciter utuntur, non peccant.

PSALMUS NONUS.

M Agistro symphonie acutæ ad medianam, Psalmus Davidis.

2. Celebrabo, Jehova, ex corde integro meo; enarrabo omnia mirabilia tua opera.

3. Letabor & exultabo in te; psallam nomini tuo excelsæ:

4. Revertentes inimicos meos retrorsum, corruere & perire à facie tua.

5. Nam exercuisti jus meum & causam meam, sedisti in solio, & vindest justitiæ.

6. Increpasti gentes, perdidisti improbum, nomen istorum delevisi in secula sempiterna.

7. O inimici, consummate sunt vastitates in æternum, & civitates extirpasti, scilicet,

scilicet : istorum , istorum inquam memoria perit.

8. At Iehova in seculum sedebit, comparans ad iudicium solium suum :

9. Et ipse iudicaturus orbem iuste; ius dicturus nationibus rectissime.

10. Eritque Iehova edita arx tenui ; edita arx temporibus quibus est in angustia.

11. Itaque fiduciam habebunt in te, qui noverunt nomen tuum : quia non derelinquis quærentes te Iehova :

12. Psallite Iehovæ qui sedet Tzïone : nunciate in populos res gestas ejus.

13. Eum qui reposcit sanguinem cæde fustum, horum recordari ; non oblivisci clamoris pauperum afflictorum ;

14. Clamantium, gratiam fac mihi Iehova, respice afflictionem meam illatam ab osoribus meis ; exaltans me è portis mortis :

15. Ut enarrem universam laudem tuam in portis filie Tzïonis : exultem in salute tua dicens ;

16. Demersæ sunt gentes in foveam, quam fecerant ; ad retc. quod absconderant captus est pes earum.

17. Notum se fecit Iehova iudicio quod exercuit, quum suo ipsius facto illaqueatus est improbus : rem meditandam summe.

18. Retroagentur improbi ad sepulcrum usque ; omnes gentes oblita Dei.

19. Non enim oblivioni unquam tradendus est egens ; expectatio pauperum non peritura est in perpetuum.

20. Surge Iehova, ne robores se mortalis : iudicium subeant gentes coram facie tua.

21. Incute Iehova timorem eis : vehementissime agnoscant gentes se mortales esse.

A N A L Y S I S.

SCOPUM huius Psalmi non opus est ut anxie quæramus : expresse enim proponitur, vers. 2. ubi affirmatur celebrationem nominis divini præcipue spectari toto Psalmo. Hæc autem celebratio Iehovæ 1. describitur v. 2. & 3. & 11. causis aut fundamentis suis arguitur v. 4. ad Psalmi finem. Descriptio ostendit. 1. Principium huius gratissimæ celebrationis propositæ, cor nempe integrum v. 2. in principio. 2. Quantitatem aut mensuram ejus, ratione objecti, quod scilicet, celebrabit non quædam, sed omnia mirabilia Dei opera v. 2. in fine. 3. Modum tam internum quod fiet cum lætitia maxima v. 3. in

principio, quam externum, quod fiet illa professione & significatione externa, quæ rei naturæ maxime convenit, *Psallam nomini tuo*, v. 3. in fine.

Causæ celebrationis fuerunt beneficia Dei maxima erga Davidem : eaque vel præterita ad v. 14. vel futura à v. 14. ad finem Psalmi.

De præteritis celebrationem istam præstat. 1. Ipse Propheta ad v. 12. & tum cohortatur alios ad eandem simili modo præstandam, v. 12. & 13.

Præstat ipse hanc celebrationem agnoscendo & commemorando liberationem illam quam acceperat à Domino, in perditione suorum inimicorum, v. 4.

Liberatio autem ista describitur & illustratur. 1. A causa, quæ fuit regia & judicialis administratio Dei in vindicatione justitiæ, quæ metaphorice exponitur v. 5. 2. A modo & gradu hujus judicii exequendi. v. 6. 3. Ab ejus eventu, qui est interitus hostium. v. 7. qui amplificatur per oppositi eventus expectationem vanam eorum ironice explicatam. ibid. 4. Ab adjuncto constantiæ, qua tota hæc administratio Dei pollet, v. 8. ubi tacita comparatio dissimilium continetur inter statum hostium perditorum, & fidelium à Deo, tam constante vindice, liberatorum. Hæc autem administratio Dei describitur. 1. A subjecto, exercebitur in omnibus nationibus, per orbem universum. v. 9. 2. Ab adjuncto rectitudinis & æquitatis. ibid. 3. A præcipua ejus parte, liberatione scilicet & conservatione oppressorum, qua significatur etiam synechdochice pars altera, animadversio nempe in opprimentes. v. 10. 4. Ab effectu, fiducia scilicet piorum in Deo collocata; ubi describuntur pii duabus pietatis partibus, & piorum proprietatibus, agnitione scilicet & invocatione nominis divini v. 11.

In cohortatione aliorum ad Dei gloriam prædicandam 1. Deus ipse, qui celebrari solus debet, describitur per illam relationem quam habuit ad populum Israelis, & habet semper ad Ecclesiam. v. 12. 2. Ipsa celebratio ejus una describitur. ibidem. 3. Causa ad hoc officium præstandam invitans & impellens ostenditur, bonitas nempe administrationis Dei, quæ effectu primario illustratur, quod scilicet vindicabit injurias quæ suis inferuntur. v. 13.

Hactenus de præteritis beneficiis: futura explicantur in petitionis & supplicationis forma. Petitio est liberationis continuandæ & perficiendæ, v. 14. & repressiois hostium. v. 20.

Liberatio suadetur à fine, laudatione nominis Dei. v. 15. quæ describitur. 1. A subjecto loco, in *Tzïone*. ibid. 2. Ab adjuncto modo alacritatis, *exultabo*. ibid. 3. A mensura & gradu ratione objecti, *universam laudem*. ibidem. 4. Exemplo expresso istiusmodi laudationis v. 16, 17, 18, & 19. ubi subversio impiorum hostium commemoratur, & similitudinibus illustratur. v. 16. explicatur à fine. v. 17. & confirmatur testimonio. v. 18, 19.

Repressio hostium. 1. Describitur per manifestationem divinæ præsentiae ad eorum terrorem. v. 20. in fine. & v. 21. in principio urgetur. 2. Ab eventu hujus coercionis omisæ, insolentia nempe impiorum. v. 20. in principio 3. Ab effectu ejusdem coercionis exercitæ, humiliatione scilicet impiorum v. 21. in fine.

In isthoc Psalmo, paucissima sunt quæ magnopere postulant explanationem, præter illa quæ in antecedentibus fuerunt explicata.

QVÆSTIONES.

I. Quo sensu profitetur David, v. 2. se enarraturum *omnia* mirabilia opera Dei, quum hoc fieri nequit?

Resp. Hyperbole est, & flagrantis animi indicium, non enim quod potuit, sed quod cupiebat, & conabatur, pollicetur.

II. Quid est lætari & exultare in Deo? ex v. 3.

Resp. Est ita lætari, ut Deus constitutur

stituat^r totius lætitiæ principium & finis. v. 15.

III. Quid significatur illo titulo, quum Deus vocatur excelsus? ibid.

Resp. Exprimitur supereminens Dei potentia & gloria. Hoc vero in loco idcirco adhibetur, quia Deus re ipsa ostenderat istiusmodi potentiam & gloriam, dum Davidem superiorem fecit omnibus suis hostibus, Primo reperitur in Scripturis. Genes. 14. 19. 20, ubi etiam ex simili plane occasione à Melchisedech usurpatur.

IV. Quid est noscere nomen Dei? v. 11.

Resp. Est cognoscere Deum sicut semetipsum & verbo & operibus suis patefecit; quælibet autem notitia Dei non intelligitur, sed illa quæ cum fide conjungitur; complectitur enim omnia illa quæ pariunt fiduciam, sicut apparet in ipso textu. & Psalm. 91. 14.

V. Quid est querere Deum? ibid.

Resp. Querere Deum significat proprie cupere & conari perceptionem aliquam habere Dei; quia vero cognitio voluntatis Dei primum locum obtinet in ista perceptione, idcirco querere Deum idem sæpe est quod consulere Deum. Exod. 33. 7. Ies. 58. 2. & quia ultimus conatus noster, qui directe tendit ad perceptionem operationis ipsius Dei, est invocatio; idcirco querere Deum idem sæpe est quod Deum invocare aut implorare ejus opem. Ies. 55. 6. sed per synecdochē, phrasis ista designat integrum cultum Dei, vel religionem totam, id est omne illud officium quod ab homine præstari Deo debet, vel cūctum conatum

qui facit ad communionem nostram cum Deo promovendam. 2 Chron. 14. 4. & 26. 5. & 34. 3. ratio est, non tantum quia magna pars hujus officii in Dei voluntatem inquirendo, & opem ejus invocando consistit, sed etiam quia reliqua omnia quæ pertinent ad religionem aptissime notantur ista phrasi. Indicatur enim 1. Objectum & finem Theologiæ vel religionis totius esse Deum, vel vivere Deo; quod partibus suis explicatur. Matth. 6. 33. ubi querere regnum Dei & ejus justitiam jubemur; regnum enim Dei est fides vel status ille quem per fidem adipiscimur; & justitia ejus, est observantia vel obedientia illa quæ Deo & ejus regno convenit. 2. Ostenditur etiam eadem phrasi modum debitum in religione versandi esse, 1. Cum sensu & agnitione nostræ indigentia; nemo enim querit quod habet, quatenus habet, sed quatenus aliquo modo caret; nos autem in ista vita semper caremus aliqua Dei gratia, aut aliquo ejus gradu; atque adeo semper debemus querere; hæc vita est tempus querendi: futura est tempus inveniendi & fruendi perfecte. 2. Ostenditur simul debere nos in hisce rebus versari cum omni collato studio & sollicitudine. Matth. 6. 31, 32.

VI. Quare dicitur Deus Tzionē sedere? v. 12.

Resp. Phrasis ista hanc vim habet, ut inde doceamur. 1. De Jehovah distinctione ab impiarum gentium idolis. 2. De Jehova erga eum quem elegit populum amore admirabili, quo ipsis perpetuo adesse voluit, sicut homo in domicilio suo versatur. 3. De beneficiis ex ista

ista præsentia Dei in populum illum redundantibus; quod scilicet iis consilii, gratiæ, & subsidii sui copiam facit. 4. De judiciis quæ constanter exercenda essent in eorum hostes, quoniam sedebat ibi Deus tanquam in solio totius mundi iudex ac vindex Israelis.

VII. Quid sit reposcere sanguinem? v. 13.

Resp. Est inquirere de injuriis omnibus, & præsertim de cæde perpetrata, ut author ligari, prehendi, & ad supplicium rapi possit. Gen. 9. 6. & 4. 10.

VIII. Quomodo petitio illa quæ habetur à v. 14. pertinere potest ad celebrationem nominis divini?

Resp. Petitio quæ provenit à certa fiducia, nititur experientia gratiæ ac bonitatis summæ, & eo etiam spectat, ut occasio suppeditetur Deum amplius laudandi; illa inquam petitio vim habet celebrationis.

IX. Quid significatur per portæ mortis? v. 14.

Resp. Portæ aliquando significant consilia, machinationes, & potestatem. Matthæi 16. 18. alias autem proximum vestibulum & aditum; hoc autem in loco posteriore sensu usurpatur, ad periculum imminens denotandum, ut ex verbo appposito satis liquet, *exaltans me è portis mortis.*

X. Cur titulus filia Tzionis tribuitur Hierosolymæ? v. 15.

Resp. Non propter generationem aliquam spirituales, (quamvis illa ratione convenire etiam possit) legimus enim similiter de filia Tyri, Psalm. 45. 13. & de filia Babelis, Psal. 137. 8. sed propter elegantiam, ornatum, & amabilem ejus conditionem.

XI. Quare mentio fit portarum Tzionis?

Resp. Quia in portis urbium antiquitus conveniebant magistratus ac populus ad consilia & judicia, ita ut portæ fuerint maxime publica & celeberrima loca, atque adeo cæus publicos & maxime frequentes designent.

XII. Quid sibi vult illa clausula *היגיאון סלה* Higgaion Sela? v. 17.

Resp. Est acclamatio vel epiphonema, continens admonitionem de officio nostro circa mirabilia Dei opera; quod scilicet singulari affectu & summo studio debemus illa meditari; tantum hic reperitur, & Psalm. 92. 4. ubi etiam agitur de mirabilibus Dei operibus.

DOCUMENTA.

I. Officium & mos est piorum, qui beneficiis Dei afficiuntur, nomen ejus de illis celebrare, id est, ita illa beneficia meminisse & commemorare, ut ad Deum laudandum & ipsi & alii possint excitari. v. 2. Psal. 40. 10, 11. Exod. 15. 2. Deut. 10. 21.

Ratio. 1. Quia gloria Dei finis est omnium ejus operum. 2. Quia gloriæ hujus agnitio & prædicatio pertinet ad homines, sed præcipue ad eos quos illa opera singulariter attingunt; illi enim quasi nominatim excitantur ad hoc officium præstandum. 3. Quia hæc est præcipua pars gratitudinis quam possumus Deo præstare. 4. Quia ipsa beneficia non rite sed quasi furtim à Deo recipiuntur, si hæc celebratio desit; est enim vectigal à Deo impositum suis omnibus beneficiis, quo non soluto, læditur ipsius majestas & beneficia ejus

jus inſuſte uſurpantur.

Uſus 1. Reprhenſionis, adverſus torporem noſtrum, quod non magis afficimur Dei beneficiis, vel corporalibus, vel ſpiritualibus 2. *Exhortationis*, ut iſtiusmodi propoſito, quale David hic proſitetur, ſubinde renovato, conſtringamus noſmetipſos ad huius officii curam.

II. In celebratione nominis divini, celebrandi modus non minus debet ſpectari, quam celebratio ipſa. v. 2. & 3.

Ratio. 1. Quia modus eſt quaſi forma & præcipua pars actionis piæ; nihil agitur à piis quin idem etiam aliquo modo ab impiis præſtari poſſit ac ſoleat: ſed pii ſuo modo, id eſt, pie faciunt, & impii ſuo, id eſt, impie. 2. Quia gratitudo proprie eſt in cordis affectu, qui pertinet ad modum actionis. 3. Quia Deus non tam reſpicit externam actionem quam internam diſpoſitionem.

Uſus Admonitionis, ut in huiusmodi officiis pietatis, nunquam acquieſcamus in opere (ut loquuntur) operato.

III. Facit ad nominis Dei majorem celebrationem, ſi apprehendatur ſub illis titulis qui in beneficiis ejus maxime elucent, ex v. 3. *exceſſe*. 2 Cor. 1. 3. 4.

Ratio. 1. Quia Deus hoc pacto magis diſtincte cognoscitur in ſuis beneficiis. 2. Quia fides magis confirmatur. 3. Quia officium noſtrum magis urgetur, & quaſi inculcatur.

Uſus 1. Admonitionis, ut Dei titulis & attributis magis diſtincte cognoscendis diligentem operam demus. 2. *Exhortationis*, ut per meditationem divinæ perfectionis, quæ

in operibus ejus apparet, excitemus noſmetipſos ad eum rite laudandum.

IV. Plurimum juvat in Deo laudando, illa ratione contenti plari Dei beneficia, qua maxime illuſtria poſſint apparere & quaſi ad vivum expreſſa; huc ſpectat descriptio illa judicialis proceſſus Dei adverſus hoſtes Davidis. v. 4, 5, 6, 7. Ubi Deus ita deſcribitur quaſi pro tribunali ſedens, hoſtes Prophetæ citans ut coram ſe compareant in iudicio, & cauſa tota cognita, iſque convictis immaniſſimi flagitii, ſententiam ſeveram in ipſos pronuncians, & executioni e veſtigio mandans.

Ratio. Quia quo clarius percipitur glorioſa Dei operatio, eo magis afficit animum.

Uſus Admonitionis, ut non ſatis habeamus perfunctorie aſpicere Dei beneficia, ſed ut quantum poſſumus, attentis oculis in illa etiam introſpiciamus, & quam efficaciſſime nobiſmetipſis repræſentemus.

V. Ad Deum digne laudandum neceſſaria eſt illa fides, qua apprehenditur ut conſtanter omnia gubernans, & juſtitiam recte exercens. ex v. 8, 9, 10. Pſal. 29. 10.

Ratio. 1. Quia ex conſtantia Dei in imperio & gubernatione ſua pendet omnis conſolatio fidelium adverſus mala futura. 2. Quia conſtantia gaudii noſtri fluit ex conſtantia Divinæ bonitatis fide apprehenſæ.

Uſus 1. Eſt iſtutionis, ut cum cæteris Dei attributis jungamus ſemper in meditationibus noſtris conſtantix & æternitatis ejus conſiderationem. 2. *Exhortationis*, ut fidem iſtam oſtendamus conſtanter

stanter & firmiter à Deo pendentes.

VI. Geminus fructus hujus fidei est firma in Deum fiducia, v. 11.

Ratio 1. Quia fides ista illam sufficientiam & efficientiam apprehendit in Deo, quæ veram fiduciam procreat, conservat, & auget, Psal. 33. 21.

Usus 1. Admonitionis, ne fidem illam veram & vivam esse putemus quæ à fiducia vera separatur. 2. *Exhortationis,* 1. Ut ædificemus nosmetipsos in fide, fiduciam velimus in Deo collocare, 2. Ut fiducia vera crescere studeamus si fidem in nobis perfecimus velimus.

VII. Ad istam fiduciam necessaria est notitia nominis Dei, v. 11. Rom. 10. 14.

Ratio 1. Quia cæca fiducia est idololatria, Act. 17. 23. 2. Quia nominis Dei ignarus causam nullam percipere potest, cur magis in Deo fiduciam habeat quam in creaturis.

Usus admonitionis, ut fugiamus ignorantiam, & quæramus cognitionem Dei, Hebr. 8. 11.

VIII. Solida notitia Dei cum fiducia excitat homines ad Deum quærendum, v. 11.

Ratio 1. Quia insitum hoc est & innatum non hominibus tantum, sed & brutis animalibus, ut in periculis eo confugiant, ubi maximum præsidium sibi paratum esse vident. 2. Quia illi qui norunt Deum, norunt etiam Deum velle ab hominibus quæri, eosque ad ita faciendum multis promissis excitare: & qui fiduciam habent in Deo, fiduciam etiam habent in illis promissis.

Usus 1. Admonitionis, ne notitiam aut fiduciam illam Christianam esse putemus, quæ est ociosa, non exerens sese in precibus & invocatione.

2. *Exhortationis,* ut in Deo sedulo quærendo exerceamus notitiam & fiduciam nostram.

IX. Qui Deum ex toto animo laudat, is alios etiam ad idem faciendum incitabit, v. 12, 13.

Ratio 1. Quia illa est natura veræ lætitiæ, ut aliorum consortium, & in eodem affectu consensum quærat, Luc. 15. 6, 9. 2. Quia gratitudine pia eo feruntur animi fidelium, ut majorem laudem Deo exoptent quam illi soli possunt præstare, Nehem. 9. 5. 3. Quia hac ratione gloria Dei magis extenditur & amplificatur, 2 Corinth. 1. 11.

Usus exhortationis, ut omnem occasionem captemus alii alicui horrandi ad istiusmodi officia pietatis.

X. Qui Deum rite laudat de gratia sibi facta, petet etiam ampliorem gratiam sibi fieri, ex v. 14, Phil. 4. 6, 7.

Ratio 1. Quia nemo in ista vita tantæ gratiæ particeps fit, quin opus adhuc habeat ampliore, Phil. 3. 12. Eph. 4. 13. *Ratio 2.* Quia amplior materia Deum laudandi quærenda semper est in futurum, v. 15. 3. Quia delectatio quæ percipitur ex Dei gratia jam communicata, non satiat sed excitat & exacuit appetitum, 1 Pet. 2. 2, 3.

Usus Reprehensionis, ad multorum Pharisaicam præsumptionem arguendam, qui videntur sibi nullius fere gratiæ egere, Luc. 18. 11. 1 Cor. 4. 8. Apoc. 3. 17.

XI. Qui Deum serio vult laudatum, celebrabit eum in cælibus magnis ex v. 15. Psalm. 40. 10. 11.

Ratio 1. Quia confidentia sancta hæc modo apparet, Psal. 119. 46. 2. Quia laus ac gloria Dei hoc pacto optime propagatur, Psalm. 34. 4. 3. Quia

3. Quia una cum pietate erga Deum simul etiam charitas erga proximum exercetur, 1 Tim. 1. 16.

Usus 1. Reprehensionis, adversus eos qui beneficia Dei ita regunt, quasi furto nacti fuissent, Marc. 5. 30.

2. Adhortationis, ut frequentemus diligenter sacros Ecclesiæ cœtus.

XII. Illa est certitudo fidelium de futuris Dei beneficiis in pios, & judiciis in impios, ut illa quali præsentia contemplantur, ex v. 16. Psal. 6. 9, 10, 11.

Ratio 1. Quia hæc est natura fidei Hebræ. 11. 1. 2. Quia Deo, cui fides incumbit, omnia sunt præsentia, 2 Pet. 3. 8. 3. Quia initium hujus successus est in eo quod certiores redduntur pii de hac bona Dei voluntate, Apoc. 18, cum 22. 6.

Usus exhortationis, ut excitemus fidem nostram ad illam usque intentionem qua omnia Dei promissa quasi præsentia possint à nobis spectari.

XIII. Deus illis judiciis quæ prædixit implis superventura, magis magisque innotescit mundo, ex v. 17. Ezech. 25. 17. *Experienturque me esse Iehovam, quoniam edidero ultionem meam in eos.*

Ratio 1. Quia opera Dei sunt ejus testimonia, Act. 14. 17. *Quantum non passus est se esse expertem testimonii, bona tribuendo, dans nobis celitus pluvias, &c.* 2. Quia beneficiis non moventur homines impii, Jes. 26. 10. *Cum gratia sit improbo, non discit justitiam.* 3. Quia judicia Dei illud ipsum Dei proprie notum facit quod singulariter pertinet ad impios qua sunt tales, Rom. 2. 8, 9.

Usus admonitionis, ut ex judiciis Dei discamus justitiam, Jes. 26. 9.

XIV. Ita innotescit sæpe Dei justitia in suis judiciis, ut prudentes

intelligere possint quænam sunt illa peccata, quæ singularia quædam Dei judicia accersunt, ex v. 16, 17. Prov. 5. 22.

Ratio. Quia judicia Dei sunt medicinalia, atque adeo proportionem illam habent ad morbos, ut intelligi possit cui morbo singularia emplastra sint aptanda.

Quæst. Quibus indiciis potest hoc deprehendi?

Resp. 1. Si singulare aliquod judicium singulari peccato in Scripturis denunciatur. 2. Si peccatum illud sua natura quasi efficienter producat tale effectum. 3. Si conscientia peccatoris ex occasione judicii, arguat eum singularis alicujus peccati. 4. Si peccator à judicio ipso deprehendatur quasi in flagranti delicto. 5. Si ratio talionis appareat in comparatione peccati & ejus poenæ, quæ reperitur 1. In ipso actu Psal. 18. 27. *Cum puro purum re præbebis: at cum perverso perverteris.* Prov. 28. 9. *Qui averrit aurem suam ab audienda lege, etiam oratio ejus abominationi est.* 2. In mediis. Hoi. 2. 9, 10. *Recipiam frumentum meum tempore suo, & mustum meum tempestate sua; eripiamque lanam meam & linum meum testurum nuditatem ipsius: Et nunc retegam fœditatem ejus in oculis amatorum ejus, Jer. 8. 2. Expendent ea (nempe ossa Regum, Principum, Sacerdotum & Prophetarum Jehudæ) Soli & Lunæ totique exercitui calorum quæ diligunt, & quæ colunt, & quæ sequuntur, & quæ consulunt, &c.* 3. In generis communione, Matthæi 26. 52. *Quicumque enim acceperint gladium, gladio peribunt.* 4. In similitudine. Jer. 5. 19. *Quemadmodum de reliquistis me, & servistis Diis alienigenarum*

genarum in terra non vestra, Num. 14.

34. Pro numero dierum quibus explorastis terram, quadraginta dierum, unoquoque die in annum verso, feretis pœnam iniquitatum vestrarum quadraginta annos : ut cognoscatis abruptionem.

Usus admonitionis, ut prudentes esse discamus in iudiciis Dei interpretandis.

XV. Iudiciis huiusmodi terrenur & humiliantur illi qui sunt maxime impii, ex v. 20, 21.

Ratio. Quia conscientia hoc pacto excitatur ad officium suum faciendum in accusando & condemnando.

QUESTIONES.

An non timor igitur Dei & coram

ipso humiliatio propriæ sunt piorum ?

Resp. Reverentialis timor qui conjungitur cum fiducia & amore, sicut etiam humiliatio illa quæ resipiscenciam efficit, cujus nunquam pœniteat, propria est fidelium : sed horror coactus cum stupore & fuga Dei conjunctus, sicut & humiliatio violenta potius quam voluntaria in improbis nonnunquam reperitur, Psal. 78, 34, 35, 36, 37. 1 Reg. 27. 28, 29.

Usus Admonitionis, ut nos igitur multo magis afficiamur, cum Deus iram suam ullo modo de cœlo revelat, idque animo recte & proposito efficaci.

PSALMUS DECIMUS.

Quare Jehova absistis in longinquo ? quare te occultas temporibus quibus sumus in angustia ?

2. Superbia sua improbus fervide persequitur pauperem afflictum : deprehendantur in cogitationibus quas comminiscuntur.

3. Nam laudat improbus animam suam in desiderio ipsius : & quantum facienti benedicit, irritat Jehovam.

4. Improbi in elatione vultus sui, non inquirere ; nullum esse Deum, hæ sunt omnes cogitationes ejus.

5. Munita sunt viæ ejus quocunque tempore, altissime absunt judicia tua à conspectu ejus : quicunque sunt hostes ejus, in eos favilla incendium facit.

6. Dicit cum animo suo, non dimovebor ; ulla ætate se non fore in malo.

7. Execratione os ejus plenum est, fraudibusque & dolo ; subest lingua ejus molestia & vanitas.

8. Desidet in specu villarum, in latebris, occisurus innocentem : oculi ejus contra defectum viribus delitescunt.

9. Insidiatur in latibulo, sicut leo in tugurio suo, insidiatur ad rapiendum pauperem afflictum ; rapturus pauperem afflictum, trahendo eum in rete suam.

10. Aterit se, incurvat se ; & procidit membris robustis suis, tanquam si essent defecta viribus.

11. Dicit cum animo suo, oblitus est Deus fortis ; abscondit faciem suam, non respicit unquam.

12. Surge Jehova, Deus fortis attolle manum tuam : ne obliviscaris pauperum afflictorum.

13. *Quam ob rem irritat improbus Deum? dicit cum animo suo te non repositurum esse?*

14. *Vision est tibi, quon tu molestiam & indignationem intueris, reponere manu tua: tua fidei committis se defectus viribus; pupilli tu es adjutor.*

15. *Frangere brachium improbi, & mali: inquire in improbitatem ejus, donec non invenias amplius.*

16. *Iehova rex sempiternus est, perierunt gentes è terra ipsius.*

17. *Desiderium mansuetorum exaudivisti Iehova: confirma animum horum, adverte aurem tuam;*

18. *Vindicando pupillum & attritum; ut non pergat amplius eum violenter exagitare mortalis è terra.*

A N A L Y S I S.

PROPOSITUM Davidis in istoc Psalmo, haud aliud est quam petitio in hanc sententiam concepta, *Perde improbos Ecclesiae hostes ac oppressores (ò Iehova) & populum tuum serva.*

Prius membrum hujus petitionis, quod est de hostibus perdendis exprimitur, vers. 2. in fine, vers. 15. alterum autem membrum, quod est de Dei liberatione, exprimitur, v. 12. 17, 18.

Hujus autem petitionis occasio & causa 1. proponitur v. 1. sub forma querelæ & sanctæ cujusdam expositulationis, quod scilicet Ecclesia destituta jam videbatur in suo gravissimo tempore, omni ope divina; cujus querelæ hæc vis & mens est, *non potest consistere cum tua gloria & salute tuorum, ò Iehova, ut diutius te à populo tuo disjungas, quasi nullam ejus rationem habens, orandus igitur & exorandus es: ut hisce jam in tempore prospicere velis.* 2. Eiusdem petitionis persuasio urgetur duobus præcipuis argumentis ad finem usque Psalmi.

Primum argumentum petitur à causa perditionis illius quæ hostibus vovetur, eorū nempe monstruosa impietate, quæ talis fuit, ut maturum & severum Dei judicium quasi magno clamore flagitasse videatur, v. 1. & v. 14.

Hæc autem impietas proluxa descriptione per gradus concatenatos in istis versiculis explicatur.

Primus gradus est *superbia*, quæ causa est cæterorum omnium scelestorum, v. 2. 2. Est fervor animi in persecutionem bonorum, ibid. 3. Est securitas, quæ sibi metipsi & sui similibus benedicit quod illustratur ab effectu, irritatione nempe Dei, vers. 3. 4. Est superbus Dei contemptus & abnegatio, blasphemia, v. 4. & 11. & 13. 5. Est confirmatio animi in impietate sua, per omnis metus Dei & hominum amolitionem, v. 5. cujus effectum est persuasio vel somnium de perpetuitate suæ conditionis optatæ, v. 6. 6. Est verborum fœditas, v. 7. 7. Est factorum rabies, v. 8. 9. 10.

Secundum argumentum petitur à causa liberationis, ac salutis fidelium, & principali, quæ est efficax & constans providentia, in malis coercendis & piistituendis, & etiam media vel ministrante, quæ est fides & fiducia piorum, quæ in illam providentiam tanquam fulcrum suum firmum recumbunt, v. 14, 16, 17.

Q U E S T I O N E S.

I. Quomodo consistere potest cum

cum pictate expostulare cum Deo, id est, postulare causam facti, quod nihil aliud videtur esse quam accusare? ex v. 1.

Resp. In istiusmodi expostulationibus aliquando includitur accusatio Dei, quasi absque causa irascentis, Jes. 58. 3. sed alias vim habet gravissimæ querelæ & lamentationis, Lam. 2. 1, 2. &c. ubi culpa quidem & meritum agnoscitur, sed gravitas tamen miseræ sub ista forma quasi admirationis, exaggeratur: nonnunquam etiam fervida petitio in istiusmodi quæstione continetur, Psalm. 42. 10. quæstio enim vel interrogatio, cum sententiæ affirmatæ adjungitur, vim sæpe habet negationis, aut dissuasionis, Marc. 5. 35. cum Luc. 8. 49.

II. Quid est deprehendi in cogitationibus?

Resp. v. 2. Nihil aliud est quam ut cogitationes illæ, quibus moluntur perniciem aliorum, recidant in capita auctorum, id est, ut sint ipsis causa ruinæ, Psalm. 9. 16, 17.

III. Quid est illud non inquiri?

Resp. Nihil omnino curat, utrum cogitationes & actiones suæ licitæ sint an illicitæ, Jes. 8. 19.

Quomodo possit in animum homini veniri non esse Deum? Rom. 11. 9. ex v. 4.

Resp. 1. Quamvis quis hoc apud se non plane judicaverit, dicitur tamen ita cogitare, quum illud statuit aut agit, quod manifeste secum infert talem conclusionem, hoc est, quod dicitur, *interpretative* hoc aut illud dicere vel cogitare. 2. Communis illa impiorum cogitatio quæ in scripturis habetur pro abnegatione Dei, est quod putent se rationem actæ vi-

æ nunquam reddituros, verf. 13. 3. Non desunt etiam qui ut viam faciant huic illusioni, comantur in animos suos inducere atheismum, sunt studiosi atheismi, Psalm. 14. 1.

V. Quomodo improborum viæ dici possint *munitæ*, cum peccatum reddit homines nudos, & omni munimento destitutos? Exod. 32. 25. ex v. 5.

Resp. Muniri sunt viæ impiorum non re ipsa, sed opinione & imaginatione sua, eodem igitur sensu à multis hic legitur, *prosperantur viæ ejus*, quia prosperum successum sibi met pollicentur improbi, utriusque hujus interpretationis auctores referunt hoc verbum ad radicem *קָיָה* strenue agere sed eodem etiam redit, si referatur ad radicem *קָיָה* parturire, quia spes illa prosperi successus ita munit animum ut vires conferat pariendi.

VI. Quo sensu dicantur improbi favilla incendium facere in hostes, ex v. 5.

Resp. Rectius vertitur *sufflat in eos* *קָיָה* per contemptum scilicet, quasi putet se vel spiritu uno posse ipsos dissipare, sed quia flatu excitatur incendium, idcirco idem verbum significat aliquando inflammare, quam significationem sequuti sunt Tremellius & Junius hoc in loco, sensu non multum discrepante.

VII. Qua ratione verba illa v. 7. *execratione os ejus plenum est*, Rom. 3. 14. eo accommodantur ab Apostolo, ut inde probet omnium hominū naturalem conditionem esse maxime depravatam, cum à specie ad genus non sequitur argumentatio generalis?

Resp. 1. Quia scopus Apostoli in isthoc & similibus locis adducendis, fuit probare Iudæos æque ac gentes, obnoxios

obnoxios esse huic pesti, apparet hoc ex illius capitis v. 19. 2. Quia omnium hominum naturalis conditio est una & eadem, quoad spiritualia: ita ut nullum unquam peccatum cuiquam fuerit dominatum quin ejusdem principium ad semen in omnibus reperiatur. 3. Quia sicut in Davidis persona proponitur nobis fidelium exemplar, sic in adversariorum ejus persona impiorum omnium imaginem habemus expressam, Verfic. 10. acurarius vertitur à Piscatore quam à Junio. *Ruit robustus suis membris super inopes.*

VIII. Quomodo Deus surgere dicitur, & attollere manum suam? vers. 12.

Resp. Surgere dicitur cum accingit semetipsum ad opus aliquod igne præstandum, & attollere manum suam, cum documentum aliquod exhibet sufficientiæ & efficientiæ suæ in illo opere perficiendo.

IX. Quid est frangere brachium improbi? v. 15.

Resp. Nihil aliud est, quam adimere improbo vim & facultatem nocendi; idem est quod confringere dentes; Psalm. 3. 8. & 58. 7.

X. Quomodo efficitur ut improbitas impiorum amplius non inveniat? v. 15.

Resp. Per misericordiam Dei fit ut peccata fidelium non appareant amplius, ne quidem coram ipso Deo, Jer. 50. 20. sed per judicia Dei fit, ut infidelium peccata non appareant amplius coram hominibus ad alios vel inficiendos, vel infestandos Ezech. 23, 48.

DOCUMENTA.

I. Pii homines in suis angustiis maxime quærentur de absentia Dei

à se, ex v. 1. Psalm. 12, 2, 3.

Ratio 1. Quia in omnibus quæ ipsis contingunt, Deum & ejus providentiam præcipue spectandam esse norunt, Eccles. 7. 13, 14. 2. Quia Dei absentia conturbationis causa est omnibus creaturis, Psalm. 104. 29. 3. Quia Dei præsentia sufficientem consolationem adfert adversus omnia mala, Rom. 8. 31. Psal. 27, 1.

Ufus Informationis, 1. Ut animos nostros exploremus, utrum similiter sint affecti necne. 2. Ut magis magisque nosmetipsos exerceamus ad Dei, vel præsentiam, vel absentiam in omnibus cum affectu congruo contemplandam.

II. Ad præsens Dei auxilium conciliandum fidelibus, plurimum valet impietas hostium, ex v. 2. & c. Deut. 32. 27.

Ratio 1. Quia hæc impietas hostium interitum ipsis adfert: & cum illorum interitu conjuncta est piorum liberatio, Proverb. 11. 8. 2. Quia Dei ipsius nomen aliquid patitur, dum illi, super quos nomen Dei vocatur, ab impiis hominibus opprimuntur, Jes. 48. 11. Psal. 8. 3, 17.

Ufus Informationis, ut impietate eorum qui sunt Ecclesiæ hostes, non nimis conturbemur, sed eo magis quasi exerto capite observantes, liberationem Ecclesiæ per fidem expectemus, Genes. 15. 14, 15, 16.

III. Superbia impiorum est caput illius impietatis, quæ judicia Dei accelerare solet, Prov. 16, 18. 29, 23. Jes. 10. 12, 13.

Ratio 1. Quia superbia hominis impii in sua impietate, est consummatio peccati, Prov. 2. 14. Phil. 3. 19. 2. Quia Dei gloriæ maxime adversatur, Jer. 50. 29, 30, 31, 32. Hab. 1.

Hab. 1. 15, 16. 3. Quia impietatem & crudelitatem profecquitur, ita ut non saturetur. Hab. 2. 5. & in textu.

Ufus admonitionis, ut superbiam omnem fugiamus; 1 Pet. 5. 5.

IV. Nulla re magis exaggeretur impietas superbiorum, quam quod libi netipsis & sui similibus plaudere solent in improbitate, ex verf. 3. Deut. 29. 19, 20. Rom. 1. 32.

Ratio 1. Quia non tantum lex ipsa Dei, sed & sanctio ipsa legis hoc pacto contemnitur & irridetur, Deut. 29. 19. 2. Quia ebrietatem peccati addit siti; id est, viam facit ad inundationem omnis peccati Deut. 29. 19. Eph. 4. 19. 3. Quia contemptus est & irrisio quædam Dei ipsius, Gal. 6. 7. in textu hoc.

Ufus admonitionis, ne vel minimum quidem gradum hujus insanie in cordibus nostris admittamus, Gal. 6. 7. Eph. 5. 6.

V. Talis impietatis certissimum signum est *non inquirere*, nihil curare fas & nefas, ex v. 4. Psalm. 119. 139, 153. Hof. 8. 12.

Ratio. Quia signum est reprobæ mentis, Rom. 1. 28.

Ufus 1. *Admonitionis*, ne locum demus securitati carnali. 2. *Exhortationis*, ut de lege Dei meditemur perpetuo, ad vias nostras recte dirigendas, Psal. 119. 5, 6, 9, 11, 24, 59. &c.

VI. Qui non inquirunt in sua propria consilia secundum voluntatem Dei, ii Deum ipsum aliquo modo regant, ex v. 4, 11, 13. Psal. 14. 2. Job 21. 14.

Ratio 1. Quia vivunt sine Deo, Eph. 2. 12. 2. Quia istæ duæ impietates sunt inter se mutuo causæ & effectum; qui non inquit in voluntatem Dei, libenter optaret non

esse Deum, qui inquireret in ipsius vitam; & qui sibimetipsi aliquo modo persuasit, vel Deum non esse, vel non talem Deum, qui repositurus est rationem vitæ, ille facile abjicit omnem curam inquirendi in voluntatem Dei.

Ufus admonitionis, ut caveamus nobis à prophanis istis moribus, ne simul impiis diaboli suggestionibus implicemur, & habeamur pro hostibus Dei, Luc. 19. 27.

VII. Securitas illa, qua, dum peccatis indulgetur, omnis mali metus amovetur, & perpetua prosperitas expectatur, est nota hominis profani, ex v. 5. 6. Psalm. 14. 4. 1 Thef. 5. 3, 6.

Ratio. Quia nullus est timor Dei in tali homine, Psalm. 36. 2.

Ufus admonitionis, ne indormiamus unquam peccatis nostris ex securitate carnali.

VIII. In impiorum hominum verbis maxima impietas exercetur, ex v. 7. Jac. 3. 6.

Ratio 1. Quia expromitur lingua tota malitia cordis, Matth. 12. 34. 2. Quia nullum genus peccati est, quin ex parte saltem lingua soleat exerceri, Jac. 3. 8. 3. Quia lingua magis promptum est instrumentum ad exercendam nequitiam quam reliqua corporis membra, Jacob. 3. 5. adulter suam nequitiam non potest exercere, nisi consortem invenerit, neque homicida, sine telo: & sic in cæteris: sed maledico semper adest instrumentum, neque diu abesse potest occasio. 4. Quia duplicem habet malitiam; inflammatur, enim & inflammat, Jac. 3. 6. 5. Quia difficillime potest coerceri, Jac. 3. 8. 6. Quia maxime penetrat, Prov. 12. 18. & 18. 8. & 26.

& 26, 22. Psalm. 120. 3, 4. & 140. 2, 3. 7. Quia linguæ malitia ac morsus nullum admittunt remedium, Jac. 3. 8. Prov. 30. 14.

Uſus admonitionis, ut imprimis caveamus linguæ, Psalm. 39. 2. Jac. 3, 2. neque imponamus nobismet ipsis, quasi leve quid eſſet quod in verbis peccatur, aut quasi cor bonum conſervari poſſit, quamvis lingua ſit mala.

IX. In impugnatione bonorum, præcipue exercetur tota illa malitia quæ vel in cordibus impiorum ſoler latere, vel in verbis eorum apparere ex v. 8, 9, 10.

Ratio. Quia inimicitia iſta impiorum advertus pios, eſt ipsis maxime naturalis, Gen. 3. 15.

Uſus 1. Informationis, ne animis nimis conturbemur, quaſi peregrinum aliquid eſſet, quum in pios videmus in filios Dei furentes.

2. *Admonitionis*, ne quidquam commune habeamus cum illis in iſta perſecutione.

X. Conſtans Dei providentia fide apprehenſa, & precibus implorata, ſufficiens eſt ad confirmandos animos piorum adverſus omnes impiorum nefarios conatus ex verſ. 12, 14, 15, 16.

Ratio. Quia Deus omnia gubernat in bonum eorum qui diligunt ipſum, Roman. 8. 28.

Uſus exhortationis, ut magis magisque ædificemus noſmetipſos in iſta fide, & exerceamus nos etiam in huiusmodi precibus.

XI. In Dei providentia apprehendere debemus fide non tantum opatum reſponſum precibus noſtris reddendum, ſed etiam præparationem & confirmationem cordium ad preces pias habendas, ex v. 17. Rom. 8. 26.

Ratio. Quia alias conſolationem firmam non poſſumus habere, Phil. 1. 6.

Uſus Reſutationis, adverſus eos, qui perſeverantiam fidelium dubiam conſtituunt & incertam.

PSALMUS VNDECIMUS.

M Agiſtro ſymphonia, Ode Davidis: Ad Jehovam me recipio, quomodo dicitis anima, emigra è monte veſtro avicula?

2. Nam ecce iſti improbi adducunt arcum, aptant ſagittam ſuam nervo; ad jaculandum in caligine contra homines rectos corde.

3. Quum fundamenta ipſa deſtruentur, quid fuerit operatus juſtus?

4. Jehova in templo ſanctitatis ſuæ, Jehova, cujus ſolium eſt in calis; cuius oculi vident, cujus palpebra explorant filios hominum:

5. Jehova iuſtum explorat, improbum vero & amantem violentiæ odit animus ipſius.

6. Depluet ſuper improbos prunas, ignem & ſulphur: ventusque procelloſiſſimus portio calicis eorum futurus eſt.

7. Nam juſtus Jehova quæ juſta ſunt, diligit; rectum aſpicit vultus ipſius.

A N A L Y S I S.

S C O P U S Davidis in iſto Pfalmo, eſt profiteri conſolationem

illam quam habuit & magis magisque habere ſtudiit, adverſus omnes tentationes

tentationes illas, quibus unde quaque percellabatur.

Summa tentationum fuit desperationis persuasio v. 1. *quomodo dicis anima, &c.* Ita ut hæc sit quaestio in toto Psalmo disceptata, An David in suis cedere debuerit desperationi? Hujus quaestionis partem affirmativam urgebant adversarii; negativam autem David constanter defendit. Argumenta quibus illi desperationem suadebant, duo fuerunt. 1. Periculi magnitudo similitudine illustrata verf. 2. & 2. Subsidiis vel auxilii destitutio. v. 3. Istam sententiam & suasionem ejus refutat David ad firmam sui animi consolationem, unico argumento quod petitur ab adversis, à ipse sua & fiducia firma in Deo collocata: Si in Jehova & ejus promissis confido, tum nulla est causa quare cum desperatione istis malis succumbam, sed in Jehova & ejus promissis confido, Ergo, proponitur hoc argumentum v. 1. & confirmatur v. 4, 5, 6, 7.

In confirmatione tractatur tantum propositionis consequentia (si in Jehova confido, tum nulla subest causa desperationis) quia assumptio, (ego confido in Jehova) in ipso actu fidei ac ipei consistit, cujusmodi actum sufficit fideli in corde suo sentire; quamvis aliis non possit demonstrare.

Confirmatur autem propositionis consequentia à sufficientia & efficientia Dei, (in quibus formalis ratio veræ fiduciæ consistit) in hanc sententiam: Si Deus sit omni majestare & potentia gloriosus, atque etiam efficaciter & iuste omnia providentia sua gubernat, tum utcumque mihi imminet maximum periculum, & ego etiam sum omni humano

auxilio destitutus; nulla tamen subest desperandi causa, dum in Jehova confido, sed verum prius; Ergo.

Assumptio de sufficientia & efficientia Dei primo universaliter v. 4. sufficientia in prima parte versiculi, & efficientia in altera, deinde in partibus explicatur: & piorum respectu & etiam impiorum, partes istæ primo conjunctim & generalius notantur v. 5. ubi Deus dicitur pios explorare vel amare: impios autem odio habere: & postea separatiim & particularius describuntur. Primo de impiis, quod poenæ gravissimæ illis destinantur, tanquam odii divini effecta, verf. 6. & secundo de piis, quod certissima conservatio ipsis paratur, tanquam dilectionis Dei effectum v. 7.

Q U E S T I O N E S.

I. Utrum legendum sit v. 1. *emigra è monte, vel migra in montem*, cum alterutrum admittunt voces Hebrææ?

Resp. Non multum interest quoad sententiam ipsam: quia utraque phrasi notatur trepida quædam vagatio sed magis est consentaneum ut legatur, *in montem*. 1. Quia aves trepidantes in montes solent se conferre tanquam in tutiora loca. 2. Quia *mons* in Scripturis sepe fere perfugii locum solet notare, non illum ex quo fugitur. 3. Quia David ipse expresse affirmat se in montes fugisse tanquam aviculam, & ibi etiam quaesitum fuisse ab hoste, 1 Sam. 26. 20. *Procedit rex ad querendum pulicem unum, ac si persequeretur perdicem in montibus.*

II. Quare migrationis vagæ sit mentio?

Resp. Quia crebro hoc accidit Davidi, postquam enim Saulis furorē coactus est fuga declinare, duo-decies ad minimum locum fugæ mutavit. j. ad Achiscum venit regem Gath, 1 Sam. 21. 11. ij. Proripuit se in speluncam Aullami. cap. 22. 1. iij. In Mispam Moabitaram, ibid. v. 3. iv. In silvam Cherethæ, ibid. v. 5. v. Kehilam petiit, c. 24. 5. vj. In propugnacula deserti, & vij. in montem quendam, qui fuit in deserto Ziphic. 23. 14. viij. In desertum Mahonis, ibid. v. 25. ix. Ad propugnacula Hen-Gedin, cap. 24. 1. x. In desertum Paran c. 25. 1. xj. In collem Cacilæ, c. 26. 1. xij. Ad Achiscum regem, Gath. c. 27. 2.

III. Cum v. 2. & 3. adversarii Davidis introducuntur loquentes, quomodo congruit, ut vocentur illi improbi, & Davidi cum suis tribuatur innocentia?

Resp. 1. In Scripturis introduci solent impii loquentes, non plane, ut sentiunt ac loqui solent, sed ut res ipsa fert quam faciunt, sic Prov. 1. 11. se insidias innocenti structuros: cum tamen non solent cogitare de innocentia eorum quibus insidiantur: ne dum ut innocentie mentionem faciant, cum alios pellicere student in facinoris consortium. 2. Tentatio ista videtur ab iis esse profecta, qui fuerunt amici Davidis, sed diuturnitate malorum fracti, & in diffidentiam inclinantes, iis autem maxime convenit hostes improbos appellare, & Davidem innocentem.

IV. Quid per fundamentorum destructionem intelligitur? v. 3.

Resp. Phrasis est metaphorica, quia significatur, media rem bene gerendi ut in proposito persistendi causam,

ac spem successus funditus esse destructam & everfam.

V. Illa phrasis, qui fuerit operatus justus, quem sensum habet?

Resp. Plerique omnes accipiunt pro vehementi innocentie protestatione: quid feci? quid commerui? sed cum versus iste tertius æque ac secundus incipit à causali particula, & reddit rationem consilii dati, v. 1. sicut in analysi monstravi; maxime consentaneum est, ut hæc interrogatio accipiat pro voce desperationis, sicut homines ad incitas redacti solent exclamare, quid agam? quid me vertam? &c.

VI. Quænam est ratio phræseos illius, v. 6. depluet prunas, ignem & sulphur?

Resp. Ingens vis ultionis maxime dixæ hac phrasi indicatur; solempne enim est in Scripturis Sodomæ & Gomorræ destructionem, quasi exemplar ponere gravissimarum peccatorum infligendarum, Jer. 13. 19. Jer. 49. 18. Am. 4. 11. Zeph. 2. 9.

VII. Quid significatur ibidem per portionem calicis?

Resp. Significat in genere partem statutam, atque adeo hic & alibi sæpe, pœnas à Deo peccatoribus constitutas, ac præparatas, Jer. 25. 15. Apoc. 14. 9.

DOCUMENTA.

I. Tentatio illa, quæ tendit ad desperationem, est omnium gravissima, colligitur ex vers. 1. ubi 1. Penetrantem esse hanc tentationem, usque ad animam ostendit. 2. Eandem etiam abominatur, ut nefandam, quomodo dicitur? Psal. 71. 11. & 22. 8.

Ratio I. Quia immediate petit vitam

vitam ipſam hominis fidelis, Pl. 27. 13. 2. Quia galeam nobis ſcripit, qua munire nos debemus adverſus tentationes, atque adeo nudos & inermes nos reddit, 1 Theſ. 5. 8. 3. Quia non ad peccatum tantum tendit, ſed ad graviffimum peccatum quod reddit homines plane deploratos, Jer. 18. 12.

Uſus admonitionis, ut caveamus nobis maxime ab iſta tentatione.

II. In magnis periculis, & perturbatione omnium rerum, optimi Dei ſervi aliquando huiusmodi tentatione percelluntur, Pſalme 77. 1 Sam. 27. 1.

Ratio 1. Quia aliquid infidelitatis manet etiam in fidelibus, dum iſtic vivunt. 2. Quia Diabolus illam gratiam imprimis ſolet impugnare, in qua vis ac robur fidei maxime conſiſtit, ut Philiſtæi fecerunt cum Samſone, Jud. 16. 5. 3. Quia Deus ipſe tentat ſuos maxime in eorum fide & ſpe, ſicut in Abrahamo videre eſt, Heb. 11. 17.

Uſus admonitionis, ne unquam ſecuri evadamus, quaſi plane immunes eſſemus ab iſtis periculis.

III. Unica ratio huiusmodi tentationem repellendi, eſt ad Deum confugere per fidem, ex v. 1. Eph. 6. 16.

Ratio 1. Actio ipſa confugiendi ad Deum eſt directe contraria huic tentationi. 2. Quia gratia illa, quæ impugnatur, maxime hoc pacto confirmatur. 3. Quia Deus hoc pacto maxime glorificatur, cum contra ſpem ſub ipſe credimus, Rom. 5. 18, 20.

Uſus Exhortationis, ut quotidie noſmetipſos exerceamus in apprehenſione Dei: neque deſinamus hoc facere propter ullam tentationem,

ſed eo magis adhærete ipſi omnibus viribus nitamur, Jer. 8. 17. Hoſ. 12. 7.

IV. Fides hæc ſummopere confirmatur per meditationem majeſtatis & perfectionis divinx, ex v. 4. 2 Tim. 1. 12. Rom. 4. 21. Jer. 32. 17, &c. 27. hinc eſt quod ubi agitur de maximis Dei promiſſionibus, ibi ſæpius repetitur & inculcatur, ſic ait *Jehova, verbum Jehovæ, ſic ait Dominus Jehovi*, vigecies tere reperitur iſta præſatio in uno & eodem cap. ut Jer. 31. Ezech. 36. neque hæc eſt otioſa repetitio, ſed efficaci ratio ad fidem populi confirmandam in iis, quæ à tali Deo proponebantur credenda.

Ratio 1. Quia omniſufficientia Dei eſt fidei noſtræ fundamentum, Gen. 17. 1. 28. 3. 2. Quia ſuper hoc fundamentum magis magisque ædificatur fides per ejus meditationem, ibid, 1 Tim. 4. 15.

Uſus eſt Exhortationis, ut ſæpe multumque de iis meditemur, quæ Dei perfectionem declarant.

V. Providentiæ divinx agnitio & conſideratio neceſſario conjungenda eſt cum majeſtatis eius contemplatione ad fiduciam noſtram confirmandam, ex v. 45.

Ratio. Quia fiducia noſtra non reſpicit rem expectatam, ut poſſibilem tantum, ſed etiam ut futuram ſicut autem ſufficientia Dei oſtendit omnia ipſi eſſe poſſibilia, ſic efficacia ejus providentiæ omnia illa futura declarat, quæ propoſuit nobis expectanda.

Uſus exhortationis, ut ædificemus noſmetipſos in providentiæ divinx apprehenſione.

VI. Tam ſufficiens Dei perfectio quam efficiens ejus providentia tota

tendit ad impiorum confusionem, & ad salutem piorum, ex vers. 5, 6, & 7.

Ratio 1. Quia operatio Dei est secundum sanctitatem ejus naturæ, v. 5. à qua alieni sunt improbi; pii autem ad imaginem & participati-

onem ejus renovantur. 2. Quia fœdus & fides ejus illud postulat.

3. Quia hæc est illa singularis cura quam habet Deus circa homines, Prov. 5. 21. & 15. 3.

Ufus est terroris, in impios, & consolationis erga pios.

PSALMUS DUODECIMUS.

M Agistro symphonia ad gravem symphoniam, Psalmus Davidis.

2. Da salutem, Jehova, nam defuit beneficus nam defecerunt veraces ex filiis hominum.

3. Vanum loquuntur alter cum altero; labio blanditiarum artifice, duplici corde loquuntur.

4. Excinder Jehova omnia labia blanda: linguam grandiloquam:

5. Eos, qui dicunt, lingua nostra jus obtinebimus, labia nostra pence nos sunt: quis esset Dominus nobis?

6. A vastatione pauperum afflictorum, ab exclamatione egentium jam exsurgam, dicit Jehova: locabo in salute illum in quem favilla incendium improbus fecerit.

7. Dicta Jehova dicta pura sunt; argentum purgation in catino lectissimo terræ, defæcatum septies.

8. Tu Jehova servato eos: custodito eorum quomque à generatione ista in seculum;

9. In qua circumquaque improbi obambulant; quam extollitur res vilis inter filios hominum.

ANALYSIS.

S Copus hujus Psalmi proponitur, v. 2. & 8. est enim petitio, ut Deus velit servare Davidem cum aliis bonis ab iniquis machinationibus improborum.

Primum argumentum, quo ista petitio suadetur, petitur ab ejus necessitate v. 2, 3. necessitas autem hæc ostenditur. 1. Ex paucitate vel defectu bonorum, qui velint opem ferre v. 2. & 2. Ex multitudine improborum, qui omni vi impugnant, vers. 3.

Ubi boni illi, qui desiderantur ex duplici adjuncto describuntur,

beneficentia & veracitate, v. 2. & improbi ex adverso denotantur ex verborum fallacio, & corde malo v. 3.

Isthoc argumento concludit Propheta, Deum saluti bonorum prospecturum exitium improbis adferendo, v. 4. cui conclusioni alia ratio subjicitur, ab eorum superbia desumpta, v. 4. quæ superbia per prosopopeiam explicatur v. 5. ex licentia quam sibi arrogabant, & successu quem sibi metipsis promittebant, vers. 5.

Secundum suasionis argumentum principale petitur à testimonio vel pro-

promissione Dei, v. 6, 7. ubi talis formatur syllogismus, quicquid Deus promissit id certo præstabit, sed piorum conservationem ab impiorum oppressione Deus promissit, ergo conservabit, propositio ponitur, v. 7. ab excellenti & certissima veritate promissionum & eloquiorum omnium Dei: quæ illustratur per similitudinem argenti purissimi.

Assumptio habetur v. 6. ubi etiam amplificatur illa promissio. 1. A causis ejus quasi impellentibus, vastatione nempe & gemitu afflictorum: & 2. Ab adjuncta temporis circumstantia, *jam*, id est, mature & opportune.

Conclusio est v. 8. ubi salus Dei illustratur & amplificatur, à magnitudine periculi *generationis* titulo indicata, & ab adjuncta duratione ipsius conservationis *in seculum*. Periculi autem magnitudo, quæ in conclusione notatur, explicatur vers. 9. ab ejus causa, insolentia nempe impiorum passim bacchantium: cuius rei etiam ratio redditur ab exaltatione hominum vilissimorum.

QUESTIONES.

I. Quanam est ratio cur simulatores in Scripturis explicantur à duplici corde? ex v. 3.

Resp. Quia veracitas hominis in eo consistit, quod verba ejus externa consentiunt cum interna animi sententia: & prava simulatio in eo, quod aliud sentit & aliud loquitur; quia vero ille, qui contra quam sentit loquitur, duas habet intentiones inter se oppositas, unam faciendi, & alteram loquendi, quod facere non intendit, idcirco aptissime dicitur habere cor & cor, id est, duplex, varium & versutum animum;

similis est phrasis illa, Deut. 25. 13, 14. sicut enim homines dolosi, pondus aut mensuram unam habent qua sibi consulunt, & aliam qua aliis imponunt, sic etiam simulator unam intentionem habet sibi sapiendi, & alia proximum fallendi.

II. Quare verbum Dei comparatur argento sapius desecato? v. 7.

Resp. Non tantum propter excellentem veritatis puritatem, qua pollet, sed etiam propter variam probationem & experientiam, qua manifesta facta est ista veritas, in singulis enim Ecclesiæ & fidelium Dei servorum gravioribus angustiis, promissiones Dei transiunt quasi per ignem, veritatem ac firmitatem suam retinentes.

III. Qua ratione dicuntur improbi circumquaque ambulare? v. 9.

Resp. Partim, quia omnia occupant & ubique occurrunt, magis magisque invalescentes: & partim, quia magnifice sese jactant in improbitate sua.

IV. Vtrum res vilis, an personæ viles dicuntur extolli? v. 9.

Resp. Ista duo simul necessario conjunguntur, sed tamen personæ hominum maxime proprie designantur hoc in loco. 1. Quia per totum Psalmum agitur de elatione improborum, ut vers. 5. 2. Quia vilium exaltatio dicitur hic proprie esse in, aut supra filios hominum.

DOCUMENTA.

I. Quo magis deficiunt boni, & redundant mali, eo magis debent pii recipere se ad Deum, ex v. 2, 3.

Ratio 1. Quia Dei salus tum est maxime propinqua piis, Jes. 59. 25, 16. 2. Quia tum, in rebus quasi dubiis & incertis, maxime probatur

des. & fidelitas piorum, Gen. 6. 9. Jos. 24. 15. 3. Quia tunc vocantur pii ad singularem professionem, Marc. 8. v. 38. 4. Quia nisi hoc faciunt, sunt in periculo defectionis, Matth. 24. 12.

Ufus 1. Reprehensionis, adversus eos, qui à paucitate bonorum, & multitudine improborum, suam tepiditatem excusant. 2. *Exhortationis*, ut in istis miseris temporibus excitemus nosmetipsos ad majorem zelo Deum querendum.

II. Simulationis exercitatio est nota certissima malitiae redundantis, ex v. 3. Prov. 26. 25.

Ratio 1. Quia simulatio contraria est veracitati, quae pars est imaginis Dei, v. 2. 2. Quia simulator semper peccat adversus conscientiam. 3. Quia hominibus est maxime periculosa: dum iis nocere studens, cavendi, curam adiungit, Prov. 26. 24, 26. 4. Quia Deum irritat, ipsius omniscientiam vel negando, vel contemnendo, unde etiam est quod Deus dicitur edisse linguam fallacem, Prov. 6. 17. & exitium ipsi parare, hic v. 4.

Ufus admonitionis, ut fugiamus igitur & simulationem & simulatores.

III. Sic ut alia peccata, sic etiam simulatio perficitur in superbia, v. 5.

Ratio 1. Quia presumptionem & manum elatam in peccando ostendit, Numer. 15. vers. 30, 31. 2. Quia abjicit omnem timorem & curam Dei. 3. Quia resipisceniam excludit.

Ufus admonitionis, ut fugiamus superbiam.

IV. Unica ratio consolationis fidelium adversus huiusmodi impietates prevalentes ad oppressionem eorum, est in promissionibus Dei cum vera fiducia apprehendendis, v. 6. Psalm. 119. 50, 92. Jes. 38. 45.

Ratio 1. Quia salus est Jehova, Psal. 3. 9. 2. Quia robur etiam animi fidelium est Jehova solus, Psalm. 73. 25, 26. 3. Quia in istum finem permittitur improbis ad tempus vexare fideles, ut magis vivida fiducia adhæreant Deo, Psal. 57. 2. 2 Cor. 1. 9.

Ufus exhortationis, ut ædificemus nosmetipsos in sancta nostra fiducia.

V. Ad consolationem istam confirmandam, necessaria est meditatio frequens excellentissimæ veritatis verbi Dei, v. 7.

PSALMUS DECIMUSTERTIUS.

M Agistro symphonie, Psalmus Davidis.

2. Quousque Iehova? oblivisceris mei in æternum? quousque abscondes faciem tuam à me.

3. Quousque repositurus sum consilia in animo meo, merorem in corde meo de die? quousque attollet se inimicus meus contra me?

4. Invoca, exaudi me Iehova Deus mi: illustra oculos meos: ut non dormiam dormitione mortis.

5. Ut non dicat inimicus meus, prevalui ei: hostes mei exultent, quam diu motus fuero.

6. Ego enim in benignitate tua fiduciam habeo, exultet animus meus in salute tua: cantabo Iehova, quoniam bono affeceris me.

ANALYSIS.

SCopus hujus Psalmi est petitio liberationis ab urgentibus malis vers. 4. liberatio autem petita tribus quasi gradibus describitur & illustratur, ibidem.

Primus gradus est respectus Dei ad conditionem illam in qua fuit Propheta, *intuere*. Secundus est attentio ejus ad supplicationem quam de illa conditione proponebat, *exaudi me*. Tertius est miseriæ sublevatio, *illustra oculos meos*.

Argumenta, quibus ista petitio suaderetur, sunt sex. Primum petitur à gravitate mali quod urgebat, v. 2, 3. ubi sub quærelæ aut expostulationis forma gravitas mali explicatur. 1. Ab auxilii & opis divinæ defectu vel dilatione, v. 2. 2. Ab effectu consequente in ipso Propheta & mœrore nempe, ægitudine animi gravi, v. 3. in principio. & 3. Ab effectu consequente in ejus inimicis, superbia nempe & insultatione inimicorum, in fine: quarum omnium rationum amplificatio petitur ab adjuncto temporis vel à duratione omnium horum malorum, *quousque, quousque, quousque, quotidie in æternum*.

Secundum argumentum petitum à causâ principali aut fundamento liberationis quæsitæ, id est, à relatione illa quæ inter Deum & Davidem intercedebat, v. 4. *Jehova Deus mi*.

Tertium argumentum petitur ab eventu acerbißimo, qui petitionis repulsam aut liberationis diuturniorem dilationem insequeretur, v. 4. in fine, *ut non dormiam dormitione mortis*.

Quartum petitur ab effectis quæ interitum Davidis sequutura erant in

impiis ejus inimicis, v. 5. gloriatio nempe & insultatio, adversus piorum expectationem, & Dei ipsius gloriam.

Quintum petitur à conditione illa præscita quæ preces efficaces comitari, & liberationem antecedere debet ex fœdere Dei, v. 6. in principio: *ego in benignitate tua fiduciam habeo*.

Sextum & ultimum argumentum petitur ab effectu quod liberationem erat consequuturum, gratitudo nempe debita v. 6. in fine, *cantabo Ichovæ, quum bono affecerit me*.

QUESTIONES.

I. Quomodo Deus dicitur oblivisci hominum, & abscondere faciem ab iis? v. 2.

Resp. Metaphorice per similitudinem effectorum, in divinæ bonitatis cohibitione, & hominum negligentia, aut desertione eorum qui indigent eorum ope.

II. Quâ ratione dicitur David posuisse consilia in animo suo, & mœrorem in corde? v. 3.

Resp. Quia omni mentis agitatione satagebat invenire quemadmodum declinare aut depellere possit suas ærumnas: sed ex illa deliberatione varia nihil aliud est assequutus quam fatigationem & excruciationem animi.

III. Quo sensu conqueritur se de die sensisse mœrorem? ibidem.

Resp. Non quia gravis est de die vexari quam de nocte (ut quidam volunt) sed quia perpetuis & cunctis diebus conflictabatur cum animi doloribus.

IV. Quid intelligitur per illustrationem oculorum? v. 4.

Resp. Non proprie spectatur hic spiritualis mentis illustratio, (ut multis aliis in locis, ubi similis phrasis adhibetur) sed recreatio tam animi quam corporis, quia sicut debilitatio naturæ & animi tristitia statim apparet in oculorum caligantione; lic virium & animi reparatio vivacitate quadam oculorum solet indicari, Prov. 15. 30. 1 Sam. 14. 27, 29. Ezek. 9. 8.

DOCUMENTA.

I. Inter omnes afflictiones piorum nulla est gravior, quam cum videtur sibi negligi à Deo, ex v. 2.

Ratio 1. Quia beatitudo fidelium ponitur in communione quam habent cum Deo, Psal. 4. 7. 2. Quia hujus communionis sensus, eorum consolatio est unica adversus quolibet afflictiones, Psal. 27. v. 1. atque adeo privatio ejus consolationem excludit 3. Quia Dei bonitate cohibita omnia alia consilia & media quæcunque sunt imparia nostris miseriis cavendis aut propulsandis, v. 3.

Ufus 1. *Exhortationis*, ut ædificemus nosmetipsos in apprehensione divinæ circa nos curæ. 2. *Admonitionis*, ut caveamus à peccatis quæ separant inter nos & Deum, ac abscondunt faciem ejus à nobis, Jes. 59. 2.

II. Hujusmodi desertionibus ad tempus etiam longinquum obnoxii sunt optimi Dei servi, v. 2.

Ratio 1. Quia peccatis gravibus sunt obnoxii. 2. Quia Deus vult ipsos hoc modo temere. 3. Quia non satis æstimant benignitatis Dei sensum, nisi ex privationis ejus sensu.

Ufus 1. *Institutionis*, ne temere quemquam judicemus propter hu-

jusmodi desertiones. 2. *Admonitionis*, ne immunitatem ab iisdem perpetuam nosmetipsis polliceamur: sed caute ambulemus, & fide semper vivamus, siue sensus adsit, siue aliquandiu absit.

III. Pii cum deserj videntur à Deo, Deum tamen non deserunt, sed ad eum eo magis confugiunt, ex v. 4. Job 13. 15.

Ratio 1. Quia fides & fiducia piorum non pendet ex eorum sensu, sed ex Dei promissione. 2. Quia fides eorum hujusmodi tentationibus probatur, & redditur magis pretiosa, 1 Pet. 1. 7. Quia Deus ideo deserit ad tempus ut eo magis ad ipsum confugiamus, Hos. 5. 15.

Ufus exhortationis, ut in omnibus angustiis Deo per fidem adhareamus.

IV. Primarium fundamentum Deo adhærendi, & consolationem in ipso apprehendendi est fœderis gratiæ recordatio, ex v. 4. *Deus mi.*

Ratio 1. Quia omnia bona communicantur nobis virtute hujus fœderis.

Ufus exhortationis, ut ædificemus nosmetipsos in hujus fœderis apprehensione.

V. Gravitas ipsa periculi in quo versamur, & acuire nos debet ad Dei opem implorandam, & spem etiam erigere ad eandem expectandam, Jon. 1. Psalm. 130. 1. & 69. 2. &c.

Ratio 1. Quia in extremis periculis, nisi fides exciteretur desperatio necessario sequetur. 2. Quia tum temporis momentum ipsum quasi indicatur, in quo Deus succurrere nobis debet ut fœdus ejus constet, Jes. 49. 8. 3. Quia maxime

maxime gloriosum est Deo, in maximis nostris infirmitatibus suam potentiam manifestare, 2 Cor. 7.6. & 12.9. 4 Quia sic Deus solet agere cum suis.

Usus Admonitionis, ne despondeamus animos in ullis periculis.

VI. Ex impiorum ipsorum protervia in miseriis piorum insultando, confirmatur spes liberationis divinæ, ex verf. 5.

Ratio 1. Quia hoc Deus in se suscepit compescere impiorum insolentiam. 2. Quia non possunt impii de piis triumphare in causa bona, quin simul etiam triumphent de ipso Deo.

Usus est consolationis, adversus jaçantiam hostium Ecclesiæ.

De iis quæ sunt in verf. 6. sæpius actum est, & postea etiam erit agendi locus.

PSALMUS DECIMUSQUARTUS.

MAgistro symphonie, Ode Davidis : Dicit stultus cum animo suo, non est Deus ; corrumpunt, abominandam quamque actionem perpetrant, non est qui facit bonum :

2. Iehova è calis prospectat super filios hominum ; ut videat an sit ullus qui intelligat, qui exquirat Deum.

3. Unusquisque recessit, omnes simul putidi facti sunt ; non est qui faciat bonum, non est vel unus.

4. An non sibi sunt conscii omnes qui operam dant iniquitati, quod exedentes populum meum edunt pavem, Iehovam non invocant ?

5. Ibi expavescent pavore : quia Deus adest generationi iusta, dicens,

6. Consilium pauperis afflicti pudes facietis scilicet, quia Iehova est receptus ejus.

7. O si quis det è Trione salutem Israelis : reducente Iehova reducem turbam populi sui ; exultabit Iahakob, latabitur Israel.

A N A L Y S I S.

SCopus hujus Psalmi est petere à Deo liberationem Ecclesiæ à tyrannica oppressione improborum, verf. 7.

Argumenta principalia, quibus hæc petitio suadetur, duo sunt, quorum Primum petitur ab detestanda nequitia improborum Dei gloriam lædente, sex primis versiculis : Secundum à pia illa affectione & promptitudine animi quæ fuit in Ecclesiâ, ad Dei gloriam celebrandam, verf. 7.

Summa improborum nequitia

primo describitur, verf. 1. & postea demonstratur sequentibus quinque. Describitur primo ab interna prophanitate cogitationum, dicit in corde.

2. Ab externa corruptione & abominatione actionum, corruperunt, abominandam quamque actionem perpetrarunt, quæ illustratur etiam ab universali negatione bonitatis, Non est qui faciat bonum.

Demonstratur hæc nequitia testimonio ipsius Dei, ubi primo descriptio testis habetur v. 2. & tum ipsum testimonium declaratur sequent.

Descriptio

Descriptio testis talis est ut ostendat Deum non nudum & simplicem testem esse, sed simul etiam iudicem accurate omnia observantem, quod ostenditur. 1. A loco unde omnia possit intueri, *de caelis*. 2. A modo intuenti cum omni scilicet diligentia prospecta. 3. Ab objecto huius diligentis intuitus: *super omnes filios hominum*. 4. A fine, inquisitione nempe in ipsorum religionem, ut videat an sit ullus qui intelligat, qui exquirat Deum.

Testimonium ipsi sunt. 1. Generaliter proponitur, v. 3. ubi omnes conuincuntur universalis apostasie, & corruptionis. & 2. Specialiter illustratur & partium inductione, & circumstantiarum notatione.

Partes nequitie sunt iniustitia erga homines, & impietas erga Deum, iniustitia explicatur ex sceleribus quos exercebant erga populum Dei: *exedunt populum meum*, impietas ex reiectione omnis invocationis Dei: *sehebam non invocant*.

Circumstantie quibus amplificatur hec nequitia, sunt duae. 1. Quod non ex ignorantia aut infirmitate peccabant, sed malitiose contra conscientiam: *an non sibi sunt consilii?* 2. Quod cum omni aviditate faicebant: *sicut edunt panem*.

Prior autem circumstantia, quod contra conscientiam agebant, arguitur ex effectu, conscientie nempe terrore, v. 5. qui illustratur etiam, 1. a causa: ibid. & 2. a dissimilitudine illorum consilio & proposito, qui ridebant simplicem fidelium pietatem, spem suam in Deo collocatum, v. 6.

QUESTIONES.

I. Quare ratione vocetur impius stultus? v. 1.

Resp. Stultus dicitur & privative & positive.

Privative, non quia destituitur facultate ingenii & prudentie naturalis.

Sed 1. Quia deesse solet ipsi divinæ voluntatis cognitio, 2 Cor. 2. 14. 2. Quia illorum quæ cognoscit, efficax illa approbatio, qua sapienter ipsi spiritualia, deest. Rom. 8. 5. 3. Quia deest illi subjectionis & obedientie affectus, etiam in his quæ aliquo modo probat, Rom. 8. 7. 4. Quia non cavet sibi à periculis maximis, Pro. 7. 7. & 22, 23. c. 14. v. 15, 16. 5. Quia non tantum destitutus est sapientia vera, sed ejus etiam incapax est, Pro. 17. 10, 16, 27, 22.

Positive 1. Quia pravis & perversis opinionibus est imbutus, non enim abrasa tabula est mens ejus, sed quasi atramento omnium errorum obducta, Pro. 24. 9. 2. Quia hac sui conditione delectatur, & in illa sibi met placet, Prov. 1. 20, 8, 5, 9. 6, 12, 15. 3. Quia oblatam sapientiam repellit & odit, Prov. 13. 19. 4. Quia exercitiis stultitiae delectatur, Pro. 10. 23. 5. Quia stultitiam suam spargere & aliis communicare amat, Prov. 12. 23. & 13, 16. 6. Quia contemnit & opponit sese mediis instructionis, Prov. 15. 5. 7. Mediis illis quæ maxime faciunt ad sapientiam abutitur, Prov. 26. 9. 8. Omnes suas facultates applicat ad nequitiam exercendam & manifestandam, Prov. 6; 22, 13, 14.

II. Quid est corrumpere? v. 1.

Resp. Corruptio in physicis opponitur generationi, sicut igitur in generatione forma & perfectio rei ingeneratur, sic in corruptione, eadem

dem forma & perfectio deperditur, forma autem & perfectio hominis, quæ mortalis est & ſpiritalis, conſiſtit in conformitate debita ad imaginem & voluntatem Dei, ad quam in creatione prima fuimus generati, & in vocatione ſumus regenerati, mutatio igitur ab iſthac perfectione ad peccati deformitatem & conſuſionem, recte ac proprie dicitur corruptio, Gen. 6. 12. Exod. 32. 7. Deut. 32. 29. & 32. 4. Jeſ. 1. 4.

III. Quare abominatio conjungitur cum corruptione? ibidem.

Reſp. Quia ſicut ex corruptione humani corporis aut animalis alicujus putredo illa ſequi ſolet, quæ ſenſus humanos maxime offendit; ſic ex corruptione iſta morali maxime offenditur Deus, 1 Reg. 21. 26.

IV. Quare putridi vel putidi facti dicuntur ex iſta corruptione abominanda? v. 3.

Reſp. Quia impuritas & depravatio ita eos occupavit, ut ſiant inutiles vel inepti ad officia illa pietatis & juſtitiae, quæ ex Dei mandato iſtis incumbunt, Rom. 3. 11. Job 15. 16.

V. Qua ratione citantur verba hujus Pſalmi ab Apoſtolo, Rom. 3. 10, 11, 12. ad communem Judæorum ſicut & aliorum corruptionem naturalem arguendam?

Reſp. Quia Pſalmiſta hic omnes expreſſe arguit corruptionis abominandæ, qui ſunt irrogeniti, licet in Eccleſiam viſibilem cooptentur, compara cum v. 5.

VI. Quare ſalus Eccleſiæ optatur è Tzione? v. 7.

Reſp. Quia Tzion fuit quaſi habitaculum Dei, idem eſt igitur è

Tzione provenire ſalutem præſentia Dei. 2. Quia Tzion fuit typus Eccleſiæ: omnis autem ſalus expectari debet virtute ſcederis promiſſionis Eccleſiæ Dei factæ: & illa ratione dicitur ex Eccleſia ipſa provenire. 3. Quia Chriſtus Salvator ac Redemptor ex Tzione expectabatur, Rom. 11. 26.

VII. Quomodo conveniat Tzionis nominatio temporibus Saulis, cum arca ſcederis non fuit in Tzione collocata, niſi poſt Saulis mortem?

Reſp. Quamvis præſentia hæc inſtituta fuit ex occasione oppreſſionis illius quæ fuit ſub Saule, videtur tamen à Davide poſtea ſolemniter conſignata in uſum poſterorum.

VIII. Qualis eſt captivitas cujus mentio fit, v. 7?

Reſp. 1. Captivitas oppreſſionis ac tyrannidis cuiuſcunque externæ, ex occasione enim oppreſſionis piorum ſub Saule, inſtruxit Eccleſiam Prophetæ in ſimiles quaſlibet occaſiones. 2. Captivitas ſub peccato, Sarana, & morte, à qua liberamur per Chriſtum, Luc. 4. 18. Eph. 4. 8. hujus enim præcedentes omnes fuerunt umbræ.

DOCUMENTA.

Docum. I. Infans quædam prophætitas occupare ſolet animos improborum, ex v. 1. Gen. 6. 5.

Ratio 1. Quia homines irrogeniti alieni ſunt & averſi à Deo, Rom. 1. 30. Eph. 2. 12. & Rom. 3. 13. 2. Quia alienatio hæc à Deo creſcit & augetur ex ſtultitia.

Uſus 1. Admonitionis, ut abhorreamus igitur ab improborum ſtatu ac moribus. 2. Admonitionis, ut ſtudeamus ſedulo mortificationi reliquiarum omnium impietatis in noſtris

nostris cordibus remanentium.

II. Infana ista prophanitas cordis apparere solet in abominatione actionum, ex v. 1.

Ratio 1. Quia effectum etiam est huiusmodi actionum: dum remouet causam prohibentem, timorem scilicet Dei. 2. Quia effectum etiam est huiusmodi improbitatis vitæ. 3. Quia improbitas non potest esse secunda, nisi prophanitas animi accedat, 2 Pet. 3. 3. 2. Quia Deus hoc modo arcano sub iudicio improbitatem hominum vindicat, dum tradit ipsos in reprobum sensum, Rom. 1. 28.

Ufus 1. *Informationis*, ne quisquam putet se posse moribus improbis indulgere, salva pietate & religione. 2. *Admonitionis*, ut si nolumus esse plane prophani, caveamus nobis ab improbitate vitæ.

III. Deus est testis & iudex omnis prophanitatis cordis & improbitatis vitæ, ex v. 2.

Ratio est, scientia & providentia Dei ad vias hominum singulariter attenta, Proverb. 5. 21. & 15. 3. Psalm. 33. 13, 14, 15.

Ufus *Admonitionis*, ne peccatum nullum latere possit aut occultari putemus, Psalm. 139. 12, 13.

IV. Qui illam non habent intelligentiam, qua mouentur ad Deum querendum, ii coram Deo habentur prophani, ex v. 3. cum primo comparatur.

Ratio. Quia convictio illa mentis quæ voluntatis inclinationem non habet coniunctam, non minuit sed auget peccatum.

Ufus *Admonitionis*, ne quisquam imminuere se esse putet à crimine prophanitatis, propter opinionem aut professionem aliquam, nisi ap-

plicet se ad praxin religionis.

V. Qui Deum non querunt, sunt inutiles & putidi homines, nihil boni facientes, v. 3.

Ratio. Quia omnis boni fons & author est Deus.

Ufus *Exhortationis*, ut eo magis applicemus nosmetipsos ad Deum querendum.

VI. In gravioribus flagitiis, conscientia hominum, etiam impiorum adversus ipsos testantur; v. 4. Interrogatio enim illa negativa vim habet vehementis affirmationis.

Ratio 1. Quia conscientia quasi iudex pedaneus constituitur in pectore hominis: & quamvis de omnibus peccatis propter cæcitatem suam non semper arguit, de gravioribus tamen sceleribus nature luminis adversantibus, non nihil subinde monet, etiam in maxime profligatis, Rom. 2. 15. *Ut qui ostendant opus legis scriptum in cordibus suis, una testimonium reddente ipsorum conscientia cogitationibus sese mutuo accusantibus, aut etiam defendentibus.*

2. Quia Deus vult omnes homines peccatores esse ita convictos, ut sint confessi, & inexcusabiles, Rom. 1. 20. & 2. 1. & 3. 19.

Ufus *Institutionis*, 1. Ut hinc intelligamus quale & quantum sit dominium peccati in hominibus improbis, Rom. 1. 32. *Qui Dei iure agnito, tamen non solum ea faciunt, sed etiam facientibus consentiunt ultro.* 2. Ut simul etiam intelligamus quam grave iudicium Dei sit ipsis expectandum, 1 Ioh. 3. 20.

VII. Conscientia testimonium negligere proprium est hominum impiorum, ex eodem versiculo, cum enim querit an non sibi sint confessi, innuit conscientia illam apud ipsos

ipſos plurimum valituram ad huiusmodi peccata prohibenda, ſi non eſſent plane perſiti, ut 1 Cor. 6. 9.

An ignoratis injuſtos non eſſe Dei hereditatem poſſeſſuros? Alioqui ex eorum numero cenſendi, de quibus Apoſt. 1 Tim. 4. 2. Quorum conſcientia cauterio reſecta eſt.

Ratio. Quia conſcientiam negligere aut contemnere, eſt iudicium Dei negligere & contemnere: conſcientia enim iudicat loco Dei.

Uſus admonitionis, ut bonam & teneram conſcientiam ſedulo ſtudeamus conſervare.

VIII. Terror conſcientiæ ſequitur conſcientiæ neglectum, ex v. 5.

Ratio 1. Quia conſcientia & monet officii & minatur pœnam officii neglecti, neglecta igitur conſcientiæ admonitione naturaliter ſequitur terror ex apprehenſione pœnæ, quam eadem conſcientia comminabatur. 2. Quia nihil magis

exaggerat peccatum, & ejus reatum, quam conſcientiæ admonitio præcedens.

Uſus admonitionis, ut ſi infernales conſcientiæ crucians cupiamus vitare, caveamus diligenter ne conſcientiam admonentem contemnamus.

IX. Conſcientiæ impiorum maxime ſolent agitari ex iis peccatis quæ maxime Deum attingunt, ex v. 5, 6.

Ratio. Quia conſcientia Deum ſolum reſpicit ut iudicem & vindicem.

Uſus admonitionis, ut maxime igitur caveamus ab illis peccatis quibus religio violatur.

X. Una cum impiorum hoſtium exagitatione expectanda eſt piis Eccleſiæ ſalus, ex verſ. 7.

Ratio. Quia reſpreſſio impiorum eſt principium huius ſalutis.

Uſus conſolationis, ut cum certa ſpe ſalutem iſtam expectemus.

PSALMUS DECIMUS QUINTUS.

Pſalmus Davidis: *Jeſhova quis commoraturus eſt in ſentorio tuo? quis habiturus in monte ſanctitatis tue?*

2. *Qui ambulat integre, exercetque juſtitiam: ac loquitur veritatem ex animo ſuo:*

3. *Non obtreſcat lingua ſua, non afficit proximum ſuum malo; & opprobrium non efferit in propinquum ſuum:*

4. *In cujus oculis contemptus eſt reprobus; timens vero Iehovæ honorat: iuratus in damnum ſuum, non tamen mutat.*

5. *Pecuniam ſuam non exponit ſcœnori, & munus contra innocentem non accipit; qui facit iſta, nunquam dimovebitur.*

A N A L Y S I S.

Scopus huius Pſalmi eſt excitare homines ad bene vivendum. Argumentum quo ſuadetur bene vivendi ſtudium petitur ab adjuncta beatitate quæ talem vitam conſequetur, v. 1. & 5. in fine,

Beatitas autem ſumma 1. metaphorice definitur per eſſentialem ejus cauſam, quæ eſt in ſpiritali & conſtanti communione cum Deo, verſ. 1. & poſtea probatur ad eos omnes & ſoles pertinere qui bene

bene vivunt, reliquo Psalmo. Probationis argumentum petitur a testimonio Dei, qui a Propheta hac de re consultur v. 1. & responsum dat in reliquis versiculis.

In responso autem & testimonio Dei, de gravissima ista questione; non simplex & nuda proponitur ejus affirmatio, sed simul etiam cavetur ut recte possit res tota intelligi. Insignis igitur descriptio proponitur hominis bene viventis, ex qua omnes possint percipere, quid sit bene vivere, ne sibi met ipsis imponant, dum se bene vivere, & ad beatitudinem tendere falso judicarent.

Describitur vero bene vivens ab ejus effectis. 1. Generaliter v. 2. & postea specialiter, in sequentibus. Generalis descriptio est a sinceritate vitæ, qui *ambulat integre*, quæ sinceritas explicatur per distributionem, in factorum justitiam & sermonis veritatem, *exerct justitiam, ac loquitur veritatem*.

In speciali descriptione vitia illa de bene vivente negantur quæ virtutibus illis generalibus opponuntur; & in impiorum vulgo maxime solent grassari, & virtutes contrariæ tacite affirmantur: sunt autem præcipue vitia illa quatuor. 1. In fama aliorum lædenda, v. 3. 2. In personis aliorum indigne æstimandis, v. 4. in principio. 3. In promissionibus ac juramentis violandis, v. 4. in fine. 4. In turpi lucri cupiditate, v. 5.

QUESTIONES.

I. Quid intelligitur per commorationem in tentorio, & habitationem in monte Dei? ex v. 1.

Resp. Plerique his phrasibus explicari dicunt statum fidelium, qui membra sunt primo Ecclesiæ præ-

sentis aut militantis tentorio adambant, & postea triumphantis aut sempiternæ, montis nomine designantur; neque rejicienda plane est hæc interpretatio, sed præter statum ipsum felicitas aut beatitudo eorum quisque in illo statu significatur his phrasibus ex commoratione illa quam habent cum Deo; sicut apparet ex Psalm. 23. 6. & 26. 8. & 27. 4, 5, 6. & 65. 5.

II. Quare eadem ista felicitas explicatur in fine Psalmi, per *dimotionis* negationem ex v. 5.

Resp. Quia completa ratio hujus felicitatis est in ejus perpetua duratione, in æternum sine expiratione aut intermissione, Joh. 4. 14. & 6. 27.

III. Quare describitur hæres beatitudinis hujus per officia erga proximum? v. 3, 4, 5.

Resp. Quia præsupponitur hic professio fidei ac religionis veræ, & cultus externi observatio, veritas autem hujusmodi professionis maxime apparet in iis fructibus qui spectant ad charitatem erga proximum, Jac. 1. 27. & 2. 18.

IV. Quare hæc officia fere omnia per negationes designantur?

Resp. 1. Quia Propheta voluit hoc pacto sceleratis hypocritis indicare quam procul abessent a regno Dei. 2. Quia generalis negatio vitiorum oppositorum, perfectionem majorem notare solet quam simplex affirmatio officii præstiti.

DOCUMENTA.

Quæstio est omnium gravissima & de qua omnes homines debent esse maxime solliciti, quales illi sint qui cum Deo vivunt in æternum, ex vers. 1.

Ratio 1.

Ratio 1. Quia hujus questionis solutio est omnibus hominibus maxime necessaria. *2.* Quia ceteræ omnes quæstiones, nisi ad istam aliquo modo faciant, sunt inutiles & vanæ. *3.* Quia maxime controversæ circa istam quæstionem agitantur, idque cum maximo periculo humanæ salutis. *4.* Quia studium ipsum & cura seria, circa hujus quæstionis determinationem rectam, indicium est alicujus gratiæ ac vitæ ipsius, de qua agitur, aliquo modo participatæ.

Usus increpationis, adversus eos, qui circa alias multas quæstiones & controversias insaniant: sed de ista una sunt securi.

II. Deus solus de ista quæstione potest respondere, ex v. 1.

Ratio 1. Quia pendet ex Dei voluntate, quam nemo novit nisi ipse Deus, & quibus ipse revelat. *2.* Quia homines sibi metipsis in erroribus & vitiis blandiuntur. *3.* Quia præter Deum nemo potest mentes nostras illustrare ad hujus quæstionis veram solutionem intelligendam, & recipiendam.

Usus 1. Condemnationis, adversus eos, qui consuetudines & exempla aliorum, vel suas proprias imaginationes de isthoc negotio consulere solent. *2. Exhortationis*, ut in sacris scripturis Dei voluntatem de ista quæstione diligenter quæramus.

III. Tertium argumentum aut medium unicum quo quis possit quæstionem istam dirimere ad suam consolationem, est *integritas vitæ*, ex v. 2. Gen. 17. 1.

Ratio 1. Quia integritas ista complectitur in sese universalem obedientiam, obedientia autem est fructus & signum fidei, in qua vita spiritualis

consistit. *2.* Quia præter substantiam obedientiæ, ejus etiam modum illum denotat, qui maxime gratus est Deo.

Usus 1. Exhortationis, ut integritati studeamus. *2. Consolationis*, adversus multas nostras infirmitates, si studium integritatis adsit.

IV. *Integritas vitæ*, non in eo tantum consistit, si quod bonum est faciamus, aut si quod malum est fugiamus, sed in utroque conjunctim, ex v. 2, 3, & sequent. Psalm. 34. 13. Jcf. 1. 16, 17. 1 Pet. 3. 11.

Ratio 1. Quia integritas vitæ consistit in vera conversione à malo ad bonum. *2.* Quia duo hæc sunt inter se necessario conjuncta, si sint sincera, sicut lucis præsentia & tenebrarum depulsio, Eph. 5. 8, 11.

Usus Redargutionis, adversus eos, qui in specie vel umbra quadam alterutrius horum acquiescunt.

V. In malorum fuga in eo præcipue integritas elucet, si ab illis peccatis abstinemus, quæ vulgo solent grassari, ex v. 3, 4, 5. Rom. 12. 2. 1 Pet. 3. 4.

Ratio 1. Quia ad ista peccata plura sunt illicia & incitamenta quam ad alia. *2.* Quia nihil est quod ab istis peccatis homines revocare possit, præter syncerum Dei timorem. *3.* Quia in abstinendo ab istis peccatis, mundum ipsum abnegamus.

Usus 1. Increpationis, adversus eos, qui in multis vitiis tanquam pecudes gregem antecedentium sequuntur. *2. Informationis*, in nobilioribus & integritate nostra exploranda secundum istam regulam.

VI. Lingux petulantia est vitium maxime vulgare & quasi epidemicum, excludens a regno Dei,

Dei, vers. 3. Jacob. 3. 2.

Ratio 1. Quia maxime prompta & universalis est peccandi ratio.

2. Quia verba minus nocere videntur, quam facta. 3. Quia simulatas excusationes magis admittit, quam alia multa peccata.

Usus Admonitionis, ad coercendam linguam iustitiæ & charitatis repagulis, Jac. 3.

VII. Acceptio personarum est aliud vitium nimis vulgare, excludens etiam à regno Dei, ex vers. 4. in principio, Jac. 2. 1, 2, &c.

Ratio Quia externis & sensibilibus rebus magis affici solent homines, quam spiritualibus.

3. *Usus admonitionis*, ut caveamus nobis sedulo, ne vel peccatum ulla ratione foveamus, propter peccatorum personam, vel propter piorum personam pietatem ipsam lædamus.

VIII. Avaritia est etiam commune peccatum, excludens à regno Dei, ex v. 4, & 5. 1 Tim. 6. 9, 10.

Ratio 1. Quia quicquid fere cupiditatum est in aliis peccatis, id aliquo modo in avaritia continetur, quatenus omnia fere externa comparari possunt pecunia. 2. Quia maxime convenit cum illa *φιλαυτία*, quæ omnibus est maxime naturalis.

Usus Admonitionis, ut maxime caveamus nobis ab isto morbo.

Dux hic nobiles & arduæ quæstiones occurrunt breviter perstringendæ: quarum prima est de juramento facto in damnum, v. 4. in fine: altera vero de scœnore, vers. 5.

Ad primam quod attinet, quæritur. An fides data latroni sub jurisjurandi præsertim religione de redemptionis pretio ipsi solvendo sit præstanda, necne. Variant hic doctissimi viri: negant nonnulli, quia hoc esset com-

mune humani generis hostem, non sine publica perniciæ sumptibus suis alere. Affirmant autem alii, propter sanctissimam juramenti religionem, quæ & in aliis locis Scripturæ, & in hisce Psalmistæ verbis indicatur; vera autem solutio paucis thesibus explicari posse videtur.

1. Fides juramento licito confirmata, iisdem circumstantiis manentibus, debet semper servari; si enim illicitum sit præstare quod fuit promissum, tum illicitum fuit etiam ipsum promissum, si eadem circumstantiæ tum temporis notæ fuerunt promittenti. 2. Nefas est ullo modo ludere juramenti, per simulationem, aut nomen Dei propter nostra commoda, aut vitam ipsam prophannare. 3. Res est in se se licita jacturam facere pecuniæ, ad vitæ redemptionem, possumus enim rem corporalem ex occasione relinquere sine peccato. 4. A redemptionis igitur pretio solvendo damnum ipsum aut jactura non debet quenuquam impedire. 5. Neque ex ipsa solutione in se se læditur respublica: quia solvens pecuniam in eo facto paritur tantum, non facit illud quod bono publico repugnat. 6. Si vero præter solutionem pretii, silentium etiam (ut fere fit) promittatur, quod scilicet nemini latronem illum sit proditurus is quem ad pretium promissum adferendum dimisit, hæc silentii promissio (nisi certa spes fuerit latronem illum ulterius latrocinium non exercitutum) neque potest licite fieri, neque si facta sit, licite potest præstari; hoc enim esset silentio suo prodere aliorum salutem, qui postea iter facerent per locum illum à latrone obsessum. 7. Quia igitur ubi magistratus facit officium

cium, solutio ipsa semper fere pendet ex silentii fide, nō est magnoperemendandum, ne ad latrones ex religione fidei datæ de solutione, si silentii fides ab illa, sicut dictum est, separetur.

Quæstio altera sequitur, ex v. 5. an peccatum sit pecuniam exponere usuræ, quomocumque illud fiat?

Resp. Ut planius res explicetur, assertiones quasdam proponemus, controversiam hanc totam perspicue & breviter expedites.

1. Si sit hoc peccatum, debet necessario incurre in præceptum aliquod tabulæ secundæ: immediate enim non spectat Deum, sed proximum, quod in hujusmodi contractibus patrat.

2. In secundam tabulam non peccatur, nisi quum vel justitia, vel charitas erga proximum violatur.

3. Nihil est in ipsius pecuniæ natura, quod impedit, quo minus (justitia & charitate salva) possit ex ejus usu fructus aliquis percipi, quemadmodum ex aliarum rerum usu quæ pertinent ad hujus vitæ subsidium: pecunia & cibaria omnia conjunguntur, tanquam hoc respectu paria. Levit. 25. 37. cibariis etiam aliæ res omnes homogeniæ adjunguntur. Deutro. 23. 19.

4. Rationes quæ in contrarium ex natura pecuniæ adferuntur, sunt nullius momenti. Usus pecuniæ dicunt esse ipsam absumptionem, atque adeo non posse vendi aut elocari: sed experientia ostendit ex recto usu pecuniæ magnas utilitates comparari, atque adeo usum pecuniæ non consistere proprie in distractione vel expensa, sed in utilitate rerum quæ inde comparantur vel acquiruntur. Usus rei non tam est in *motu*, quam in *re motu facta*; distractio autem

est motus: res ex illa disparatione comparata vel facta, est res motu facta: pecunia igitur quatenus est bonum possessoris, non consumitur usu, sed augetur. Solent etiam obijcere, pecuniam non parere aut generare pecuniam, id est, non esse rem fructificantem, sicut ager, & animalia sunt. Quamvis autem pecunia per se & immediate sit infrugifera, mediante tamen hominis industria, manifestum est fructum asserre, vacua etiam domus non magis est utilis quam pecunia vacua: accedente autem utentis industria, pecunia omnes illos fructus parit, qui ex rebus illis oriuntur quæ pecunia possunt acquiri. Addunt denique pecuniam non esse inventam ut sit merx, sed ut sit medium acquisitionis vel pretium. Sed ista duo non pugnant inter sese, ut una & eadem res sit aliquando merx, aliquando pretium mercis: nam antequam pecunia fuit inventa, pretii loco, pecudibus & aliis rebus emptiones peragi solebant, & adhuc sæpe peraguntur, quas tamen merces esse nemo negabit: præterea non venditur hic pecunia tanquam merx, sed realis ejus utilitas, quæ creditori abest, & debitori adest, sicut in locatione domus. Quum igitur nulla ratione possit ostendi, omnem usuram pecuniæ (ex sese & sua natura) pugnare cum justitia, charitate, vel speciali aliqui virtuti in decalogo præceptæ adversari, fieri non potest ut ex intrinseca sua natura, sit morale peccatum.

5. Dantur etiam casus varii, in quibus manifesto apparet usuram pecuniæ, ejusdem plane rationis esse cum aliarum rerum elocatione: exempli gratia: Titius mediocris fortunæ homo, libenter

vellet agrum aliquem conducere, quem possessor elocare non vult, sed vendere paratus est : Titius igitur petit à Cajo, homine bene nummatō, ut vel emeret ille hunc agrum & sibi certo pretio annuo addiceret, vel ut mutuam sibi daret pecuniam, unde agrum sibi met comparare possit, idem illud pretium annuum solvens ipsi, donec pecuniam suam ipsi redderet. Eadem hic iustitia, eadem charitas exercetur, siue Cajus fundum emerit siue Titius pecunia Caji. 6. Omnis usura pecuniæ non simpliciter damnatur, Luc. 6. 34, 35. Quia 1. non agitur ibi magis de pecunia, quam de domo, jumento, aut alia re quacunque cum aliis communicabili. 2. Non agitur ibi de contractibus illis qui pertinent ad iustitiam, sed de gratuitis officiis ex charitate fluentibus. 3. Non usuræ tantum & accessionis, sed & sortis ipsius restituendæ expectatio aliquando repugnat illi charitati. 4. Gratuitum illud officium mutuo dandi, non est omnium hominum, neque in omnibus rebus & contractibus, neque denique locum habet erga omnes homines : ut ex eo ipso textu apparet, v. 34. similis est præceptio de conviviis, Luc. 14. 12. 7. Quod prohibetur Exod. 22. 2. Levit. 25. 35. respicit solummodo pauperes & attenuatos. 8. Lex illa quæ statuitur Deur. 23. 19. expresse restringitur (ut pollicica) ad Israëlitas, illa igitur non tenentur Christiani ultra quam iustitia &

charitas ferat. Quamvis enim conjunctio nostra spiritualis non minus arcta sit, quam illa fuit inter Israëlitas, in civili tamen conjunctione magnum reperitur discrimen. Quum vero extraneo ideo licebat in usuram dare, quia negotiationis & commercii causa, non propter egestatem, contrahebat; sequitur necessario usuram aliquam esse licitam, si eadem conditio sit contrahentium. Ezechielis verba cap. 18. 13, 17. & 22. 12. secundum legis mentem sunt explicanda : quia Prophetarum sermones nihil aliud sunt quam legis interpretamenta. 9. Summa est, usuram mordentem, rodentem aut gravantem esse illicitam : usuram autem adjuvantem & sublevantem, iustitiæ & charitati consentientem, nusquam nobis prohiberi. Illa autem est mordens & rodens usura, cum lucrum quæritur ex alterius damno : & contra adjuvans est, quum lucrum paratur ex alterius lucro. 10. Hæc autem æquitas non potest aliter observari, nisi per societatem aliquam, aut communicationem damni sine culpa contracti æque ac lucri. 11. Talis autem moderatio charitatis si teneatur, cum æquitate Christiana magis consentit usuræ stipulatio, quam vel inter-usurium aut interesse, id est, lucri cessantis aut emergentis damni compensatio : vel emptio annui redditus : quæ tamen apud omnes recipiuntur & approbantur.

P S A L M U S D E C I M U S S E X T U S.

In signis Ode Davidis: *serua me Deus fortis; nam in te confido:*

2. *Dixit Iehova, Dominus meus es: bonum mecum non es conditurus penes te:*

3. *Sauetis qui in terra sunt & magnificis collaturus es; iis in quibus est tota oblectatio mea.*

4. *Horum multiplicant dolores, qui alium dotant: non sum libaturus libamina istorum ex sanguine, neque assumpturus nomina eorum in labiis meis.*

5. *Iehova portio gradii mei, & poculi mei; tu sustentas sortem meam.*

6. *Funiculi acciderunt mihi in locis amoenissimis, etiam possessio est elegantissima, quæ obtigit mihi.*

7. *Benedicam Iehovæ qui dedit consilium mihi: quo auctore etiam per noctes erudiunt me reues mei.*

8. *Propeno mihi Iehovam jugiter: quia à dextera mea est, non dimovebor.*

9. *Id circo lætatur animus meus, & exultat gloria mea: etiam caro mea habitat scure.*

10. *Quia non es derelicturus animam meam in sepulcro: neque expositurus eum quem benignitate prosequeris ut videat corruptionem.*

11. *Notam facis mihi semitam vitæ? satietatem gaudiorum in conspectu tuo amoenissimorum: dextera tua, in æternitatem.*

A N A L Y S I S.

Psalmi huius insignis vel aurei (sic in titulo vocatur propter mirificam ejus excellentiam) scopus exprimitur, verbis ejus primis, petitio videlicet solidæ salutis, *serua me Deus fortis.*

Petitionis huius suasio argumento uno primario perficitur, quod petitur à fiducia in Deum collocata v. 1. *in te confido*, cujus consequentia nititur fovere & promissione Dei omnibus iis facta qui in eum confidunt.

Repetitur autem & explicatur idem argumentum vers. 2. *Dominus meus es*; quibus verbis comprehenditur professio fiduciæ in Deum repositæ, & relationis illius quæ ex tali fiducia exsurgit inter Deum & hominem, quasi inter Dominum & servum.

Cum ista repetitione illius argumenti conjungitur. 1. Ejus confirmatio per testimonium exhibitum ab anima & conscientia Prophetæ, ibidem: *dixit Iehovæ ô anima mea.* 2. Adjicitur etiam ejus illustratio ab effecto, quod est studium omnis boni quod ab homine provenire potest Deo ut Domino suo deferendi.

Ratio autem boni omnis deferendi explicatur primo v. 2, 3. & deinde illustratur, v. 4. & postea amplificatur ad finem usque Psalmi.

Explicatio actionis est per diversa ejus subiecta, Deum scilicet ad quem ut in sese existit fructus benignitatis humanæ non potest pervenire v. 2. in fine: & Dei cultores ad quos perveniet v. 3. ubi pars ista posterius declaratur. 1. Descriptione cultos

cultorum Dei ab adjunctis titulis quibus merito ornantur cum *sancti & magnifici* appellantur. 2. commemoratione causæ qua inductus fuit Propheta ad iis beneficiendum, quia nempe fuerunt ipsi in amoribus & deliciis, in iis *oblectatio mea* est.

Illustratur hoc studium Davidis erga Dei cultores à contrario affectu odii quo omnes idololatrias prosequeretur: quibuscum se nullam societatem aut communionem admittiturum profiteretur, v. 4. quæ alienatio animi illustratur ab effectu, idololatriæ dolore scilicet & angore, ibidem.

Amplificatur hoc studium erga Deum & Dei cultores, ab ejus causa primaria, maxima nempe Dei erga Prophetam beneficentia, quæ declaratur. 1. Generaliter v. 5. & 6. 2. Specialiter per enumerationem benedictionum in ipsum à Deo collatarum, quæ sunt:

1. Illuminatio mentis ad intelligendum ea quæ recta sunt v. 7. in principio. 2. Sanctificatio cordis, ibidem in fine. 3. Confirmatio & protectio in omni bono, v. 8. 4. Resuscitatio à mortuis v. 10. quæ illustratur per ejus causam, resurrectionem scilicet Christi, ibidem. 5. Vita gloriosa v. 11. ubi etiam ejus illustratio adhibetur. 1. Ab adjuncta quantitate, *satiatus*. 2. A qualitate, *gaudia, amenitates*. 3. A duratione, *in æternum*. 4. Ab efficiente causa, *conspectus & dextra Dei*, ibid.

Istæ autem benedictiones illustrantur per effectum earum aut fructum qui Deo earum nomine debetur, affectum scilicet benedicendi Deo cum omni lætitia, exultatione, & placida quiete, vers. 7. & 9.

QUESTIONES.

I. Vtrum David sit qui in toto hoc Psalmo loquitur, an Christus?

Resp. Christo non possunt omnia incommode tribui quæ in Psalmo dicuntur. Quia 1. beneficentia Christi non ad sanctos tantum spectat (quod hic affirmatur v. 3.) sed primo & præcipue ad peccatores. Luc. 19. 10. Mar. 9. 13. & 18. 11. 2. Renunciatio Idololatriæ, & communionis cum idololatriis, prout exprimitur vers. 4. non convenit Christo, qui positus fuit semper extra omne periculum hujusmodi contagionis. 3. Eruditio illa vel castigatio renum, cuius mentio fit, v. 7. imperfectior est institutio quam ut illi tribuatur qui Spiritum acceperat sine mensura. 4. Phrasis illa *notam faciendi semitam vitæ* quæ v. 11. habetur, non satis congruit Christo, qui neque præcipue suam propriam vitam quærebat, neque semitam ejus unquam ignoravit.

Davidi non possunt omnia plene & accurate tribui, sicut de iis quæ habentur v. 10. sicut Petrus testatur & ad oculum demonstrat, Act. 2. 29, 30, 31. & Paulus etiam Act. 13. 35, 36, 37.

Concedendum igitur Davidem in sua persona loqui per totum Psalmum: sed simul etiam, & præcipue & maxime proprie de Christo v. 10.

Obj. Qui loquitur v. 10. idem loquitur per totum Psalmum. Atqui Christus loquitur, v. 10. Act. 2. 31. ergo idem loquitur per totum Psalmum.

Sol. Assumptio manifeste negatur, Act. 2. 31. unde petitur ejus probatio, *Propheta David præscius loquutus est de resurrectione Christi.*

Obj. Qui ibi loquitur, loquitur de se.

Sol.

Sol. Hæc duo optime simul consistunt, ut David loquatur ibi de semetipso, ut de typo Christi, & simul etiam de Christo, idque illa forma sermonis, quæ acurate non convenit, nisi soli Christo, ratio redditur à Petro, Act. 2. quia Christus in Davide non tantum ut in typo figurabatur, sed etiam in ipso, ut in radice continebatur, utpote qui ex fructu lumbi ipsius erat suscitandus, v. 30. similis est loquendi phrasis de Abrahamo Gen. 11. 35. & 18. 18.

II. Quo sensu accipienda sit illa phrasis de Christo, v. 19. *derelicturus animam meam in sepulchro?*

Resp. Per animam intelligitur persona quatenus fuit animata, id est, quoad naturam humanam, per synecdochen membri, sic enim frequenter in Scripturis anima ponitur pro persona, Actor 7. 14. 1 Pet. 3. 3. Per sepulchrum etiam eodem tropo intelligitur totus status & dominium mortis, Actor. 2. 24. sed quia mors ipsa præcipue occupaverat & affecerat corpus, & resurrectio maxime proprie convenit corpori, idcirco maxime proprius horum verborum sensus est, ut resurrectionem corporis designent.

DOCUMENTA.

I. Salus omnimoda à Deo est petenda, ex v. 1.

Ratio 1. Quia Iehovæ est salus, Psal. 3. 10. 2. Quia petentibus paratur & promittitur, Rom. 10. 13. 3. Quia ipsa petitio salutis à Deo, si sit animi sincere ad Deum confugientis, principium & pars est salutis, Psal. 20. 7.

Ufus 1. *Condemnationis*, adversus eos, qui salutem non petunt. 2. *Refutationis*, & *Correctionis*, adversus

Pontificios, qui non à Deo solo, sed ab Angelis & sanctis petunt salutem. 3. *Consolationis*, erga pios, qui dum salutem petunt à Deo, ne hinc scire possint sese illam salutis, viam sequi, quæ à Deo probatur, & ad eam certo ducet.

II. Ut recte quis petat salutem à Deo, necessarium est, ut ad eum se totum recipiat cum fiducia, tanquam ad Dominum suum ex v. 1. & 2.

Ratio, 1. Quia solida & vera salus Dei pertinet proprie ad fideles, 1 Tim. 4. 10. 2. Quia fiducia est petitionis legitimæ fons & forma, Rom. 10. 14. Jac. 1. 6. 3. Quia fiducia in Deum tanquam in Dominum, protectionem illius Domini suis servis reddit certam, Psalm. 116. 16.

Ufus exhortationis, ut magis magisque studeamus in Deo fiduciam nostram collocare, & ab eo plane pendere tanquam à Domino nostro.

III. Fiducia illa quæ consolationem adfert in expectatione salutis, testimonium debet habere animæ & conscientie propriæ, ex v. 3. 2 Tim. 1. 12.

Ratio 1. Quia nulla est vera fiducia, nisi totius animæ & cordis, Rom. 10. 9, 10. 2. Quia consolatio pendet ex sensu, vel perceptione hujus fiduciæ in anima. 1 Ioh. 3. 19, 20, 21, 22, 23. 3. Conscientia bona ad petitionem validam & consolationem est necessaria, Heb. 10. 22, 23.

Ufus 1. *Condemnationis*, adversus eos, qui in externa professione & aliorum hominum testimoniis acquiescunt. 2. *Exhortationis*, ut conscientias excutiamus diligenter, neque unquam ab ista cura delistamus, antequam certum conscientie testimonium percipiamus de solida nostra fiducia in Deum.

IV, Fiducia vera fructus est se-
rum studium omnis boni ad Deum
referendi, ex v. 2.

Ratio 1. Quia per fiduciam nos
totos & totum illud quod nostrum
est Deo dedimus. 2 Cor. 8. 5. 2.
Quia gratitudo illa, quæ fiduciam
comitatur hoc effectum producit. Ps.
116. 12. 3. Quia non agnoscitur
Deus pro absoluto nostro Domino,
nisi omnia nostra ipsi deferantur, 1
Cor. 6. 19, 20.

Usus 1. Institutionis, ut nosmetipsos
& fiduciam nostram exploremus ad
istam regulam. 2. *Exhortationis*, ut
studium istud in nobismetipsis exci-
temus & foveamus.

V. Bonum nullum nostrum ad
Deum ipsam in se se pertingere po-
test, ex v. 2. Iob 22. 2. & 35. 7. Ps.
59. 10. Rom. 11. 35.

Ratio 1. Quia Deus in seipso & à
seipso perfecte beatus est. 2. Quia ni-
hil habemus Deo dignum. 3. Quia
lucem inhabitat inaccessibilem.

Usus 1. Refutationis, adversus ar-
rogantiam illam, quæ est in doctrina
Pontificiorum de suis meritis. 2. *In-
stitutionis*, ut eo nomine Deo maxime
benedicamus, quod à nobis accipere
dignatur, quod offerimus ipsi animo
bono, secundum ejus voluntatem. 1
Cro. 29. 10, 11, 12, 13, 14, 15, &c.

VI. Quicquid boni habemus cum
omni delectatione communicari de-
bet cum fidelibus Dei servis; ex v. 3.

Ratio 1. Quia in ipsis aliquo mo-
do cum Deo ipso communicatur;
Pro. 14. 31. & 19. 17. Matth. 25. 40.
Heb. 6. 10. 2. Quia digni sunt ipsi
omni-benevolentia & beneficentia;
sunt enim sancti & magnifici, ut est in
textu. 3. Quia ista communicatio
pars est illius communionis, quam
omnes sancti colere debent cum san-

ctis. Galath. 6. 10. Ephes. 1. 15.
Colos. 1. 4. Ies. 23. 18.

Usus 1. Exhortationis, ut ad istud
officium ex conscientia erga Deum
nos serio dilatemus. Heb. 13. 16. 2.
Consolationis, erga pauperes fideles,
quod Deo tantæ sunt curæ, ut omni-
bus suis eos commendaverit, & di-
gnos etiam pronunciaverit, qui ab
omnibus juvantur.

VII. Cum impiis idololatriis in
sua idololatria, & superstitione, nullo
modo debemus communicare, ex
vers. 4.

Ratio 1. Hoc enim ex natura sua
est renunciare communioni cum
Deo & consortium inire cum diabo-
lo. Iob 3. 28. 1 Cor. 10. 20, 21. 2.
Hoc est fideles quantum in nobis est
perdere, & infideles obdurare. 1 Cor.
8. 10, 11. 3. Hoc est multiplicare
nobis dolores, ut est in textu, id est,
tanquam thesaurum recondere iram
in diem iræ, & revelationis justii ju-
dicii Dei. Rom. 2. 5. Psal. 73. 27.

Usus 1. Admonitionis, ut fugiamus
igitur vel minimam speciem idolola-
triæ, qualis hæc est cujus mentio fit
in textu, *assumere nomina idolorum in
labiis nostris*. Exod. 23. 13. Ios. 23. 7.

VIII. Præcipuum argumentum
quo excitantur fideles ad pium stu-
dium erga Deum, & Dei cultores
cum zelo, est Dei amoris erga se per-
ceptio, ex v. 5, 6. 2 Cor. 5. 14. Rom.
12. 1.

Ratio 1. Quia charitas Dei effusa
in cordibus fidelium, imbuunt illa cha-
ritate. Rom. 5. 5. Gal. 2. 20. 1 Ioh.
4. 10, 11. 2. Quia eadem charitas
quæ negligentes & alienos primo est
complexa, studentibus Dei gloriæ,
amplam spondet mercedem. Rom. 5.
10. 3. Quia studium illud quo fi-
deles erga Deum feruntur, est filio-
rum,

rum, non mercenariorum. Gal. 4. 6, 7, 9.

Vsus 1. Condamnationis, adversus eos, qui amore & benignitate Dei non afficiuntur. Rom. 2. 5. 2. *Exhortationis*, ut studeamus assequi plarie percipere, & perpetuo contemplari charitatem istam Dei. Ephe. 3. 18, 19.

IX. Charitas ista tum demum percipitur cum in Deo solo acquiescimus ad omnem felicitatem, ex v. 5, 6. Gen. 15. 1. *Ne timeas Abram*, ego clypeus sicut tibi, merces tua ampla valde. Pla. 37. 4. & 73. 26. & 119. 57. Lam. 3. 24. Porro mea Deus est.

Ratio 1. Quia Deus non apprehenditur, ut Deus noster, nisi apprehendatur ut summum nostrum bonum. 2. Quia Deus solus est sufficiens, & solus vult agnosci. Deut. 32. 12. Psal. 73. 25. 3. Quia ad alia respicere, est a Deo discedere. Ierem. 17. 5.

Vsus 1. Admonitionis, ut caveamus nobis sedulo ne fiduciam colloceamus in ulla creatura. 2. *Exhortationis*, ut magis magisque adherere Deo studeamus, & in eo nosmetipsos delectare.

X. Charitatis Dei, & felicitatis nostræ perceptio, præcipue pendet ex interno sensu spiritualium Dei benedictionum, illuminatione, sanctificatione & corroboratione spirituali, ex v. 7, 8. 1. Iohn. 4. 13. *Per hoc cognoscimus nos in eo habitare*, & ipsum in nobis, quod de spiritu suo dedit nobis. &c. 5. 20. *Scimus filium Dei venisse*, & de hisse nobis mentem, ut cognoscamus verum illum, &c. Ephe. 1. 3. *Benedictus esto Deus*, & Pater Domini nostri Iesu Christi, qui benedixit nobis omni benedictione spirituali, &c. & ca. 3. 16, 18. It. m. c. 5. v. 25, 26. *Christus dilexit Ecclesiam*, & semetipsum expo-

suit pro ea: *Ut eam sanctificaret*, ab eo purificatam lavacro aquæ per verbum.

Ratio 1. Quia benedictiones huiusmodi spirituales sunt fructus electionis illius ad salutem, quæ fuit ab æterno. Rom. 8. 30. *Quos prædestinavit*, eos etiam vocavit; & quos vocavit, eos etiam iustificavit: quos autem iustificavit, eos etiam glorificavit. Ephe. 1. 4. *Sicut elegit nos in ipso ante factum mundi fundamentum*, ut simus sancti & inculpati, &c. 2. Quia non communicantur nisi salvandis. Act. 13. 48. *Et crediderunt quotquot erant ordinati ad vitam æternam*. 1. Pet. 2. 3, 4, 5.

3. Quia sunt primitiæ aut inchoatio ipsius felicitatis. Rom. 8. 23. & plenitudinis ipsius arrhæ. Ephe. 1. 14.

Vsus Exhortationis, ut omni collato studio excitemus, & provehamus in nobismetipsis opus istud gratiæ.

XI. Ex spiritualibus istis benedictionibus, quarum participes sumus in hac vita, firmam, lætam ac vivam spem concipere & alere debemus, de resurrectione beata ad vitam æternam, ex verf. 9. & 11. 1. Pet. 3. 4, 5, 6.

Ratio 1. Quia perfectio harum benedictionum in resurrectione datur, Philip. 1. 5. 2. Quia per istas obsignamur in diem redemptionis. Ephe. 1. 14. & 3. 30. 3. Quia spes ista præcipua pars est harum benedictionum, Roman. 8. 24.

Vsus Consolationis, erga fideles, qui suo iure gloriari possunt ac debent sub spe gloriæ. Rom. 5. 2.

XII. Fundamentum totius huius consolationis & spei, est in Christo, ex v. 10.

Ratio 1. Quia Christi resurrectio est exemplar nostræ. Romanor. 6. 2. Quia Christi resurrectionem ap-

prehendentes, nostram simul apprehendimus, Col. 2. 12. *Per quam etiam cum eo suscitati estis per fidem efficacis illius virtutis Dei, qui suscitavit eum ex mortuis.* 3. Quia per spiritum Christi perficietur nostra resurrectio, Rom. 8. 11. *Si spiritus ejus, qui suscitavit Iesum ex mortuis habitas in vobis: is qui excitavit Christum ex mortuis, vivificabit etiam mortalia vestra corpora per inhabitant-*

tem ipsius spiritum in vobis. 4. Quia vita nostra in Christo est abscondita, & cum ipso fiet manifesta, Col. 3. 3, 4.

Usus Institutionis, ut in consolatione nostra querendâ, mentis oculos & cordis affectum in Christo semper figamus.

XIII. Perfectio felicitatis nostræ, est in perfecta communione cum Deo, ex v. 11.

PSALMUS DECIMUSSEPTIMUS.

O Ratio Davidis: Exaudi Iehova justitiam, attende ad clamorem meum; aurem prebe orationi meæ, quam habeo absque labijs dolosis.

2. A facie tua jus meum prodeat: oculi tui videant quæ recta sunt.

3. Quam exploraveris animum meum, visitaveris de nocte, probaris me, non invenies; quod cogito, non transgreditur os meum.

4. Ad opera humana instituenda; ex verba labiorum tuorum, ego observo semitas effractoris.

5. Contine gressus meos in orbitis tuis; ne dimoveantur pedes mei.

6. Ego invoco te, quia exaudis me Deus fortis: inclina aurem tuam ad me, misculata sermonem meum:

7. Sepera benignitates tuas, o qui servas recipientes se ad dextram tuam ab insurgentibus.

8. Serva me tanquam nigrum pupillæ oculi: umbrâ alarum tuarum absconde me.

9. Propter improbos, qui vastant me; inimicos meos capitales, qui cingunt me.

10. Adipem suum obesant; ore suo loquuntur superbe:

11. Gressum nostrum nunc circumdant nobis: oculos suos adjiciunt declinando in terram.

12. Similitudo cujusque est tanquam leonis appetentis rapere, & velut juvenis leonis residentis in latibulis.

13. Surge Iehova anticipa faciem ejus; posterne cum, eripe animam meam gladio tuo ab improbo:

14. Ab hominibus eripe manu tua, Iehova, ab hominibus è mundo quorum portio est in hac vita, quorum ventrem impleas recondito thesauro tuo: satiantur filii, & relinquunt excellentiam suam infantibus suis.

15. Ego in justitia videbo vultum tuum: satiabor quum expergiscar similitudine tua.

ANALYSIS.

Proposuit Davidis hæc in Psalmo, est petere à Deo, ut servare eum velit à suis inimicis. Generaliter hoc indicatur in titulo, oratio Davidis.

Pro-

Proponitur etiam generaliter v. 1. *Exaudi Iehova iustitiam: attende ad clamorem meum: aurem prebe orationi mee;* & v. 6. *Inclina aurem tuam ad me: ausculta sermonem meum.* Specialiter aurem explicatur, v. v. 9, 13, 14.

Argumenta quibus generalis illa petitio suadetur & urgetur, petit David. 1. Ab adjuncto causæ suæ, quia fuit iusta & æqua, v. 1. *exaudi iustitiam*, cui argumento congruenter subiungitur ipsa petitio sub forma pro-vocationis, aut appellationis, ab hominibus iniustis, ad iustitiæ divinæ tribunal. v. 2. 2. Ab adjuncto orationis, quia fuit ab omni fraude & simulatione remota, *absque labiis dolosis*. 3. Ab adjuncto personæ suæ, innocentia nempe sua, quæ primo confirmatur testimonio ipsius Dei, v. 3. & postea per distributionem explicatur & distinguitur in innocentiam cordis, v. 3. in principio: oris, eodem versiculo, in fine, operum, seu vitæ institutæ, v. 4. cuius continuandæ propositum singulari voto illustratur, v. 5. 4. Ab adjuncta consuetudine in precibus ejus exaudiendis.

Specialis petitio suadetur. 1. A fructu petitionis concessæ, magna scilicet accessione gloriæ benignitatis, ad nomen Dei: v. 7. in principio, *mirificas*, vel *admirabiles reddit benignitates tuas*, quæ etiam gloria explicatur honorificæ appellationis titulo ibidem in fine: *o qui servas dextram tuam, recipientes se ad te, ab insurgentibus adversus se.* 2. A necessitate opis à Deo ferendæ, idque cum omni studio & vigilantia, qualem homo adhibere solet in oculi pupillæ, & gallina in pullis suis conservandis, v. 8. ostenditur autem hæc necessitas ex descriptione hostium, & pe-

riculi quod sibi inferebant. Hæc autem descriptio est. 1. Ab effectis, quod *vastabant* eum v. 9. id est, spoliabant omnibus vitæ subsidiis. 2. A fine quem sibi propositum habebant, eripere scilicet animam aut vitam ipsam, ibidem, *inimici in animam* vel *capitales*. 3. Ab adjuncto sermonis eorum fastu, nempe & superbia, cuius occasio ostenditur esse ipsorum opulentia & potentia, v. 10. 4. A consiliis eorum insidiosis & crudelibus, v. 11. quæ illustrantur per comparisonem leonum, v. 12. 5. Ab adjuncta illa felicitàte mundana cui assueti erant, in omnibus suis conatibus, tam in semetipsis, quam in suis posteris, v. 14. ex cuius felicitatis contemplatione, quia gravis tentatio oriebatur Davidi, idcirco opponit illi Propheta ut dissimilem, sed majoris multo ponderis, & dignitatis, veram illam felicitatem, quam in via iustitiæ certo expectabat à Deo suo tempore communicandam, v. 15.

DOCUMENTA.

I. Fidelium hæc proprium est cum ab hominibus iniustis opprimuntur, ad Deum per preces confugere & quasi appellare, ex titulo Psalmi, & ex v. 2. Jerem. 11. 20. & 18. 28. 2 Chron. 24. 22.

Ratio 1. Quia fides, sicut hominem Deo conjungit, sic in omnibus periculis ab ipso pendere facit. 2. Quia promissionem singularem de protectione Dei apprehendit, Psalm. 85. 8. & 91. 9. & 94. 21, 22. 3. Quia oratio pia est hujus fiduciæ actus & exercitium, quod à Deo etiam in istum finem postulatur, Psalm. 50. 15.

Uusus 1. *Increpationis*, adversus eos, qui

qui appellationis hujus beneficio non utuntur. 2. *Exhortationis*, ut exerceamus nosmetipsos ad istam praxin.

II. Ad efficaciam precum requiritur, ut & causa sit justa quæ Deo commendatur, & sincerus affectus quo commendatur, ex v. 1.

Ratio 1. Quia si causa sit injusta, Deus contumelia magna afficitur, dum sic invocatur quasi esset injustitiæ patronus, Psalm. 94. 20. 2. Quia causa si justa efficaciter Deum inclinat adversus reos, & obruit eorum preces, Gen. 4. 10. Prov. 28. 9. Psalm. 66. 18. 3. Quia justa causa cum sinceritate animi coram Deo representata, vim habet petitionis efficaciæ, 2. Chron. 20. 12.

usus admonitionis, ut non satis habemus Deum temere invocare, sed & cause de qua agimus, & animi nostri justam rationem habeamus.

III. Illa sola justitia vel innocentia fiduciam solidam adfert quæ Dei ipsius testimonio comprobatur, ex v. 3. 4.

Ratio 1. Quia justitiæ forma in eo consistit, ut ut voluntati Dei conformis. 2. Quia conscientia ex sua natura Deum respicit judicantem. 3. Quia in appellatione ad Deum, judicium ejus quaeritur singulari quadam ratione. 4. Quia omnia alia judicia & falli & fallere possunt, Deus autem verum se ipse fert iudicium.

Usus admonitionis, ne in hominum sententiis acquiescamus, sed Deo nos approbare semper studeamus.

IV. Justitia illa quæ Deo probatur, est universalis quoad cogitata, dicta & facta, & est constans quoad propositum saltem & votum, ex v. 3. 4. 5.

Ratio 1. Quia alias non est totius hominis. 2. Non est sincera, sine dolo. 3. Non reddit conscientiam bonam & lætam.

usus admonitionis, ne in fucata & manca justitia nobismetipsis placeamus.

V. Qui hunc in modum Deo probantur, *mirificas* experientur ejus benignitates, ex v. 7. Psalm. 31. 19. & 85. 6.

Ratio 1. Quia majores sunt benignitates, Dei erga suos, quam ut possint à nobis comprehendi, 1. Cor. 2. 9. Eph. 3. 20. 2. Quia tanta sunt pericula piorum, ut non possint servari nisi per mirificam benignitatem in textu. 3. Quia quo magis mirifica est Dei benignitas erga suos, eo majorem habet gloriam dum excitantur homines ad eum quaerendum, Psalm. 36. 8.

usus consolationis, adversus omnes terrores illos, qui oriri possint ex magnitudine periculorum in quibus versamur.

VI. Ex mirifica ista Dei benignitate tam certam spem concipiunt fideles de salute & felicità æterna, ut illa sustententur adversus omnes tentationes hujus mundi, ex v. 15. cum antecedentibus collato.

Ratio 1. Quia salus illa est præcipuus fructus mirificæ Dei benignitatis, Tit. 2. 11. 2. Quia facile superat omnia illa vel bona, vel mala, quibus afficiuntur homines in mundo, Rom. 8. 18. Heb. 10. 34.

usus 1. Exhortationis, ut ædificemus nosmetipsos in sanctissima ista spe, 1. Peter. 1. 13. 2. *Consolationis*, adversus omne genus tentationum.

PSALMUS DECIMUS OCTAVUS.

M Agistro symphonia, servi Jehova, Davidi : qui eloquutus est Jehova verba canticum hujus, qua die eripuerat Jehova eum e manu omnium inimicorum ipsius, ut e manu Schaulis :

2. Et dixit : ex intimis visceribus diligam te, Jehova firmitas mea.
3. Jehova, petra mea, & propugnaculum meum, & liberator meus, Deus fortis meus, ripes mea, ad quem me recipiam ; clypeus meus, & cornu salutis meae, edictus locus meus.
4. Laudatum invoco Jehovah, & ab inimicis meis servor.
5. Circumdantibus me doloribus mortis ; & torrentibus hominum nequam perterritibus me :
6. Doloribus sepulcri circumcinctibus me : occurrentibus mihi tendentibus mortis :
7. In ipsa angustia mea invoco Jehovah, & ad Deum meum vociferor : exaudivit e templo suo vocem meam, & vociferatio mea coram eo pervenit ad aures ejus :
8. Et concutitur ac movetur terra, fundamenta quoque montium commoventur ; concutuntur autem, quum ira accenditur ei.
9. Ascendit fumus per nasum ejus, & ignis ex ore ejus confonens ; pruna ardentes ab eo sunt :
10. Et demittens calhem descendit, cum caligine sub pedibus suis :
11. Et insidens Cerubinis volat, volitatque super alas venti :
12. Disponit tenebras latibulum suum, circa se tugurium suum ; tenebrosas aquas, densitates superiorum nubium.
13. A splendore qui est antecum nubes ejus densa transeunt ; grando & pruina ignea.
14. Tonante in calis Jehova, & excelsa edente vocem suam ; grando & pruina ignea :
15. Ita emittens sagittas suas, dispergit illos ; & fulgura jaculans fundit illos.
16. Conspiciuntur etiam imi alvei aquarum, & revelantur fundamenta orbis habitabilis ; increpatione tua Jehova, flatu spiritus nasi tui.
17. Mittens ex edito assumit me, extrahis me ex aquis multis :
18. Erigit me ab inimico meo valentiore, & ab osoribus meis, quam robustiores sunt me.
19. Quum inturrunt mihi in tempore calamitatis meae, tum est Jehova pro seipione mihi.
20. Et educit me in latum ; liberat me, quia delectatur me.
21. Tribuit mihi Jehova secundum justitiam meam ; secundum puritatem manuum mearum restituit mihi.
22. Quum obsecro vias Jehovae, neque improbe averto me a Deo meo ;
23. Quum omnia judicia ejus in conspectu meo sunt ; & statuta ejus non amoveo a me.

24. Denique quum sum integer coram eo ; & caveo mihi ne inique agam :
25. Restituit Iehova mihi secundum iustitiam meam ; secundum puritatem manuum mearum coram oculis suis.
26. Cum benigno benignum te exhibes ; cum viro integro integram te exhibes ;
27. Cum puro purum te præbes : at cum perverso eluctaris.
28. Quia tu populum afflictum servas ; oculos vero elatos dejicki :
29. Quia tu illustras lucernam meam ; Iehova Deus meus splendentes efficit tenebras meas.
30. Per enim transcurro turmam ; & per Deum meum transilio murum.
31. Hujus Dei fortis integra est via, sermo Iehovæ purgatissimus est : clypeus est omnibus qui se recipiunt ad eum.
32. Nam quis est Deus præter Iehovam ? & quis rupes præterquam Deum noster ?
33. Hic Deus fortis est qui accingit me robore, & reddit integram viam meam :
34. Disponens pedes meos tanquam cervarum ; ut in excelsis meis statuat me :
35. Docens manus meas prælium ; adeo ut frangatur arcus calybeus brachii mei.
36. Non das mihi clypeum salutis tuæ, dexteraque tua sustentat me ; & mansuetudo tua adaugere me.
37. Dilatas gressui meo locum meum ; neque vacillant malleoli pedum meorum.
38. Persequor inimicos meos, & assequor eos : neque revertor donec consumpsero eos.
39. Frango eos adeo ut non possint exsurgere ; cadentes sub pedibus meis.
40. Accingis enim me robore ad bellum ; prosternis insurgentes in me sub me.
41. Et inimicorum meorum exponis mihi cervicem ; ut os res meos excindam.
42. Vociferantur, sed non est qui servet, ad Iehovam, sed non exaudit eos.
43. Itaque contundo eos tanquam pulverem coram vento ; ut lutum platearum frigio eas.
44. Liberas me à contentionibus populi, disponis me in caput gentium, populus quem non noveram serviunt mihi :
45. Ad auditionem auris obediunt mihi, alienigenæ mendaciter se dedunt mihi :
46. Alienigenæ decidunt, & horrescunt à conclavibus suis.
47. Vivit Iehova, & benedicta rupes mea : quapropter exaltetur Deus salutis meæ,
48. Deus ille fortis qui præstat ultiones mihi ; & adducit populos subter me.
49. Liberans me ab inimicis meis : etiam supra insurgentes in me exaltasti me ; à viro violenta eripuisti me.
50. Idcirco celebrabo te in gentibus, Iehova ; & nomini tuo psallam :

§ 1. Magnificam præstare salutem omnimodam regi suo: & exercere benignitatem erga unctum suum; erga Davidem & erga semen ejus usque in seculum.

A N A L Y S I S.

Author hujus Psalmi, *David servus Jehova*; objectum, *Jehova*; tempus, *quia die eripuerat eum Jehova è manu inimicorum*: & simul etiam causa, ipsa nempe ereptio vel liberatio cum ejus annexis, in inscriptione, Psalmi v. 1. explicantur.

Finis & scopus Psalmi est celebrare nomen Jehovæ v. 50. vel exaltare eum v. 47. id est, tribuere Deo honorem & gloriam illam quæ ipsi debetur.

Ratio, argumentum & causa hujus celebrationis, fuit salutaris Dei beneficentia Davidi præstita, v. 47. *rupes salutis mea*.

Hujus autem beneficentiæ duæ sunt partes, liberatio Davidis è manu hostium, & supra ipsos exaltatio v. 48, 49.

Celebrandi modus ponitur in professione & publicatione beneficentiæ Dei in ejus gloriam, tum apud Judæos, tum apud Gentes, v. 50, 51.

Hoc autem modo, celebratio hæc præstatur, 1. Generaliter v. 2, 3, 4. 2. Specialiter à v. 5. ad 47. 3. Generaliter denuo, à v. 47. ad finem.

In generali illa celebratione quæ v. 2, 3, & 4. habetur, beneficentia Dei & simpliciter commemoratur, v. 2. quod Jehova fuit *firmitas* vel fortitudo ejus v. 3. quod fuit *liberator ejus, Deus fortis ejus* v. 4. quod *ab inimicis eum servavit*: & variorum similium comparationibus illustratur, *petræ, propugnaculi, clypei, cornu, & ediri per fugii loci*: v. 3. tum beneficentiæ hujus communicatæ medium notatur, *invocatio* nempe Dei v. 4. & effecta congrua spon-

dentur, *dilectio* scilicet Dei, ex *intimo cordis affectu*. v. 2. & spei in ipso perpetua collocatio, v. 3.

1. In speciali celebratione exponitur primo periculi magnitudo in quo David versatus fuerat, tanquam objectum liberationis divinæ, v. 5. & 6. ubi hostium nefarii conatus & impetus describuntur triplici similitum collatione, funium aut dolorum lethalium; torrentium rapiditate sua omnia obvia auferentium, & tendicularum implicantium aut impredientium conatus omnes eluctandi.

2. Ostenditur secundo in loco quomodo David se gesserit in istis periculis, *Jehovam enim Deum suum invocabat & inclamabat*, v. 7. Quæ invocatio quoniam fuit (ut antea dictum est instrumentum beneficentiæ à Deo consequendæ, idcirco per benignam Dei exauditionem illustratur, ibid. 3. Terribilis ille apparatus describitur, quo Deus præsentiam suam testificabatur & accingebat semetipsum ad liberandum Davidem; à v. 8. ad 17. ubi terror adventus Dei irati describitur per tempestatem horrendam, cujus. 1. Excitatio proponitur in formidabili terræ concussione v. 8. crassarum & ignitarum nubium collectione, ac depressione versus hostes, v. 9, 10. ventorum concitatio ad celeritatem rei conficiendæ notandam, v. 11. Eiusdem tempestatis & apparatus terribilis postea quasi in aciem productio describitur, ubi primo tenebræ disponuntur quasi ad tabernaculū militare, v. 12. splendor summæ majestatis pro satellitio adhibetur, v. 13. cui adjungitur formidabilis

audabile tonitru, quasi pro classico, & auspicio praelii incundi v. 14. & tandem permiscetur omnia grandine, flammis, & fulminibus, tanquam telis & sagittis Dei adversus hostes pugnantis; v. 13, 14, 15. hujus etiam terro-
 ris vis explicatur per effectum ejus in totius orbis concussione horrenda v. 16. 4. Liberatio ipsa à Deo præstita Davidi explicatur à v. 17. ad 29. quæ non simpliciter tantum declaratur illis verbis, *assumpsit, eripit, educit, liberat me*, v. 17. 18. & 20. sed etiam variis modis amplificatur. 1. Ab ejus causa principali, quæ non fuit virtus aliqua creaturæ, sed sublimis Dei potentia & efficax voluntas, *vixens ex edito* v. 17. 2. A magnitudine periculi ex quo fuit liberatus, atque adeo ipsius liberationis, hæc autem periculi gravitas simpliciter indicatur. v. 18. & comparationibus illustratur *aquarum obruentium*, v. 17. & *hostium irruentium*, v. 19. 3. A causa impellente principali, quæ fuit gratuita Dei benevolentia, *quia dolebat me*, v. 20. 4. Ab ejusdem causa administrante, innocentis nempe Davidis, v. 21. & 25. quæ medio suo illustratur, vigilantis scilicet & constanti attentione ad suas actiones instituendas secundum legem Dei, v. 22, 23, 24. Hujus autem dispensationis divinæ quæ ipsemet liberatus fuit à Deo, habitacione suæ innocentis, non singularem aliquam & sibi propriam, sed generalem esse naturam & omnium communem declarat v. 26, 27, 28. ubi per collationem contrariarum specierum, omnes homines à Deo pro ratione operum suorum mercedem accepturos ostendit. 5. Liberationis adjuncta & ornamenta quibus lib-
 erati Davidis condicio, ex benignitate

Dei, redditur magis illustris, generaliter. 1. Celebrantur v. 29. & specialiter commemorantur, victoriæ scilicet v. 30. ad 44. & imperii propagatio, quæ ex illis consequebatur, v. 44, 45, 46.

Victoriæ Davidis variis modis amplificatur. 1. Ab oppositis impedimentis quæ superavit, vers. 30. 2. A singulari illa virtute qua fuit instructus ad victoriam consequendam, v. 33. ubi animi magnitudo balteo militari comparatur, sicut & v. 40. v. 34, 35. ubi eadem virtus indicatur per celeritatem etiam ardua quæque perficiendi, scientiam rei militaris, & incredibiles vires obeundi munera belli. 3. A salva illa custodia qua illæsus pergebat in praelio, v. 36. 4. A successu praelii, libera potestas & alacritas cedentes hostes ex voto persequendi, v. 37. 5. A victoriæ gradu, quod fuit perfecta v. 38, 39, 41, 43. quæ etiam perfectio victoriæ illustratur per desperatam hostium conditionem, qui prorsus orbatifuerunt omni subsidio, tam divino, quam humano, v. 42.

Horum autem omnium author & largitor agnoscitur Deus: quod ad nominis ejus gloriam singulis fere verbis prædicatur, specialiter etiam declaratur gloriam illam Dei singularem, quæ istis beneficiis elucet, esse gloriam fidelitatis, & potentis, v. 31, 32.

Propagatio imperii Davidis describitur. 1. A subiecto, populo alieno & ignoto, v. 44, 45, 46. 2. causa, & principali efficacieque Dei decreto, v. 44. in medio: & administrante pavore magno hominum animos invadente, v. 46. 3. A modo subjectionis, qui ponitur in captivitate & simulatione, v. 45.

A. versu

A versu 47, ad finem in unam summam brevem & generalem colligitur totius Psalmi argumentum: sicut in principio fuit observatum.

QUESTIONES.

I. Qua ratione titulum hunc sibi deligit David in isthoc Psalmo? & Psal. 36.

Resp. 1. Ut profiteretur se non ex ambitione aut inani confidentia certamen hoc arduum inivisse contra tot ac tantos hostes, sed ex fide & obedientia erga Deum, prout servum ejus decebat. Ut agnosceret tutelam ac protectionem sibi præstitam à Deo, illam esse quam à cœli & terræ Domino omnes ejus servi possint expectare. 3. Ut simul etiam testaretur se istis beneficiis quasi nova quadam obligatione obstrictum esse ad Deo fideliter servendum.

II. Quare tot Metaphorarum congeries adhibetur ad defensionem à Deo præstitam indicandam, v. 3.

Resp. Quia nulla una comparatione, vel satis possit res ipsa declarari, utpote quæ superat omne quod dici potest aut cogitari, vel pius Davidis affectus, quo in illam ferebatur, satis explicari.

III. Quare vocatur Jehova laudatus? v. 4.

Resp. Quia dignus est omni laude ac honore: & solet etiam à pijs omnibus in Ecclesia unice laudari, Psalm. 48. 2.

IV. Quid significatur per Belial, vers. 5?

Resp. Belial ab Apostolo opponitur Christo, 2 Cor. 6. 15. proprie igitur notat personam aliquam, nullam autem aliam personam potest notare quam diaboli, quatenus

est Deus hujus seculi, 2 Cor. 4. 4. & efficaciter agit in filiis inobedientiz, Eph. 2. 2. unde etiam fit quod perditur & scelerati homines vocantur in veteri Testamento, filii Belial, Deut. 13. 13. 1 Sam. 1. 1. 16 & 25. 25. sicut in novo testamento filii diaboli, Ioh. 8. 44. 1 Jch. 3. 8. & aliquando simpliciter Belial, 2 Sam. 23. 6. Nah. 1. 15. sicut spiritus mali in novo testamento vocantur spirituales improbitates, Eph. 6. 12.

V. Utrum historice, vel allegorice intelligi debeat formidabilis illa tempestas, quæ describitur à v. 8. ad 17?

Resp. Allegorice hoc in loco debet necessario capi, quia (præterquam quod hæc Davidi evenisse in Scripturis non legitur) non agit hic Propheta de singulari aliqua liberatione seorsim, sed per aggregationem aut collectionem, de omnibus liberationibus à manu omnium inimicorum suorum, v. 1. certo autem certius est, hujusmodi miracula non tam frequentia fuisse ac fuerunt Davidis liberationes, allegoria tamen ista non est mere ficta, sed ex historia vera desumpta, quia Deus cum præsentiam suam magnifice & gloriose vult declarare, solet istiusmodi procellas excitare, sic fecit in legis promulgatione, Exod. 19. in primi regis electione, 1 Sam. 12. in Christi morte, Mar. 27. 51. in missione Spiritus, Act. 2.

VI. Quomodo dicitur Deus cum puro pure agere, & cum perverso perversè? v. 26. 27.

Resp. Quatenus in dispensatione sua sanctissima rationem habet & proportionem observat inclinationis & vix cujusque, sicut apparet ex v. 21.

VII. Quomodo accommodantur verba

verſa illa v. 50. ad vocationem gentium; Rom. 15. 9.

Reſp. Quatenus ſub iſta voti nuncupatione continetur promiſſio de gentibus colligendis ad nomen Dei invocandum, & laudandum, & officium gentilium explicatur, ſicut ibi Apoſtolus docet.

DOCUMENTA.

I. Celebrandus eſt Deus de ſuis beneficiis, & in genere, & in ſpecie conſideratis, ex v. 1.

Ratio 1. Quia beneficiorum Dei amplitudo ſuperat omnem benedictionem ac laudem, Nehe. 9. 5. 2. Quia in generali gratiarum actione per ſe habita animi noſtri non adeo afficiuntur atque in ſpeciali: & in ſpeciali omnia Dei beneficia non poſſunt commemorari. 3. Quia quædam eſt Dei benignitas quæ communiter exercetur in omnibus ejus beneficiis, & alia propria ſingulorum.

Uſus Exhortationis, ut exerceamus noſmetipſos ad iſtam ſpiritualem copiam & varietatem in Deo laudando.

II. Principium omnis celebrationis Dei ponitur in ſincera nominis ejus dilectione, ex v. 2.

Ratio 1. Quia proprius affectus ille qui in animis noſtris per bonitatem Dei excitatur, eſt dilectio Dei. 2. Quia actus Dei celebrandi, qui verſatur in honore & gloria ipſi tribuenda, ſtuit ex illo affectu, quo nos totos Deo tradimus; & volumus, atque conamur, ut omnia bona ipſi deſerantur: talis autem affectus eſt dilectio. 3. Quia amor eſt cauſa omnium operationum quas cum lætitia & gaudio exercemus. 4. Quia benedictiones Dei proveniunt ex ip-

ſius amore, v. 20. cui noſter amor debet reſpondere.

Uſus Admonitionis, ne ad verba & formulas gratiarum actionis ita ſimus attenti, atque ad intimum cordis affectum.

III. Qui diligunt Deum, id omnimodo agunt ut beneficentiam ejus illuſtrent & admirabilem ſibi reddant, ex verſ. 3.

Ratio 1. Quia paſcitur præcipue, & promovetur dilectio hujusmodi contemplatione objecti illius circa quod verſatur. 2. Quia ſimul etiam exercetur dilectio in iſta celebratione. 3. Quia celebratio ſummi boni & authoris ejus, eſt in ſumma apprehenſione & commemorati-
one bonitatis ejus, in qua cum pius animus non poſſit ſibimet ſatisfacere, facit quod poteſt, laudes maximas accumulando, & poſtea quieſcit in admiratione.

Uſus Admonitionis, ut ſegnitiem illam animi excutiamus, quæ frigidos nos reddit & reſtriſtos in celebratione nominis Dei.

VI. Neque diligere, neque celebrare Deum poſſumus, prout oportet, niſi magnitudine malorum, ex quibus liberati ſumus, bene conſiderata, ex verſ. 4, 5, 6. Eph. 2. 1, 2, 3. *Et vos una vi viſcavit, quum eſſetis mortui in lapſibus & peccatis: In quibus olim ambulaviſtis, ut eſt vita mundi hujus, ſecundum Principem cui poteſtas eſt aeris, & ſpiritus nunc agentis in hominibus contumacibus: Inter quos & nos omnes converſati ſumus olim in cupiditatibus carnis, &c.* 1 Tim. 1. 13. *Qui prius eram blaſphemus, & perſecutor, & contumeliuſus: ſed mei miſerſus eſt.*

Ratio 1. Quia bona non recte percipiuntur, niſi ex comparatione ma-

malorum. 2. Quia lætitia de bonis, nulla ratione magis excitatur, quam recordatione doloris antecedentium, & metus impendentium malorum.

Ufus directionis, ut præterita mala sæpe memoria recolamus atque ita nolipsos præparemus ad laudandum Deum de beneficiis ejus variis, quibus ab illis malis sumus liberati.

V. Ipsa liberatio ex malis, quamvis maxima fuerint, non reddit homines gratos, nisi piis precibus fuerit impetrata, ex v. 7. Psalm. 50. 15. *Invoca me tempore angustiae, eripiam te*, &c.

Ratio 1. Quia hæc sola ratione, Deo in solidum tribuitur liberatio, non causis secundis, casui, aut fortunæ. 2. Quia sic Deo tribuitur ex speciali erga nos gratia, precibus implorata. 3. Quia sic ex Dei manu rite fuit recepta.

Ufus exhortationis, ut & piis precibus in omnibus angustiis invigilemus, & diligenter etiam observemus quomodo preces nostræ sunt à Deo exaudiri.

VI. Liberationes Dei, & cætera ejus beneficia in nos collata, amplissime à nobis concipi debent, per omnium partium & circumstantiarum considerationem deducta, ex v. 8. ad 21.

Ratio 1. Quia hujusmodi representatio in operibus Dei, non potest esse hyperbolica, ut superet rei veritatem: sed attollit animum ad illud aliquo modo comprehendendum, quod perfecte non potest comprehendendi, Eph. 3. 19. 20. 2. Quia læta descriptio bonitatis Dei plurimum facit ad cor nostrum dilatandum in amore & gratitudine erga Deum.

Ufus 1. *Increpationis*, quod tam aridi & jejuni sumus in beneficiis

Dei vel aliis repræsentandis. 2. *Exhortationis*, ut exerceamus nos in hujus generis inventione, hæc est dialectica vere divina, quæ singularem etiam eloquentiam gignit in iis qui ita sese exercent.

VII. In omnibus Dei operibus singulariter observari debet respectus quem habet ad nostræ vitæ rationem, ex v. 21. ad 29.

Ratio 1. Quia opera Dei eatenus nobis sunt salutaria, quatenus iis promovemur in studio bene vivendi. 2. Quia in istis operibus dispensantur Dei beneficia, & judicia, secundum illud quod agimus, v. 21. 26, 27.

Ufus Admonitionis, ne unquam nos pie Dei opera contemplatos esse putemus, nisi ex iis proficiamus in studio pietatis.

VIII. Non tamen nostræ dignitati aut meritis quidquam tribuere debemus, sed bonitati ac fidelitati Dei, ex verf. 31, 32.

Ratio 1. Quia opera nostra non ex dignitate sua, sed ex misericordia & benignitate Dei coronantur. 2. Quia alias Deo gloriam debitam non tribueremus sed nobismetipsis indebitam arrogaremus.

Ufus informationis, ad cogitationes nostras ita dirigendas, ut in beneficentia Dei & expectatione, & recordatione, benignas Dei promissiones, & earum fideles præstationes, ut solitariam causam semper intueamur.

IX. Tanta est bonitas Dei erga suos, ut ampliora sæpe ipsis largiatur, quam illi rogant, à v. 29. ad 47. compara cum v. 7. Eph. 3. 20. *Qui summa cum exuperantia potest omnia facere supra ea quæ petimus, aut cogitamus, pro illa vi agente in nobis.*

Ratio 1. Quia mensura beneficiæ Dei non est nostra, sed ipsius voluntas. 2. Quia hac ratione maxime constringuntur pii ad nomen Dei celebrandum.

Usus Exhortationis, ut corda nostra maxime dilatemus in bonitate Dei tam expectanda, quam celebranda.

X. In huiusmodi illustribus Dei actionibus quibus bene facit iis qui sperant in eum, & hostes eorum confundit, vita Dei clara manifestatur, v. 47. *vivit Iehova.*

Ratio. Quia Deus dicitur vivere, quatenus ex se se perfecte operatur, unde fit quod Deus, ut vivens, opponitur idolis nihil facientibus, Jer. 10. 6. *Ex eo quod nullus est par tibi, & Iehova, quod maximus es, & maximum nomen tuum potentiâ, & v. 10. Iehova vero Deus verus est, Deus vivens, & Rex sempiternus: à cuius fervore commovetur terra, neque sustinere possunt gentes indignationem ejus.* Præcipue autem operationes Dei circa homines manifestatæ, sunt fideles servare, & impios coercere.

Usus 1. Consolationis, erga omnes vere fideles, quod Deus ille in quem sperant, vivit in æternum, atque adeo semper paratus erit virtutem omnem exercere, ad eorum salutem.

2. *Admonitionis*, ut vitam nostram sic instituamus, quemadmodum docet eos qui Deum vivum bona ac mala omnia potenter dispensantem agnoscunt & colunt. Jer. 5. 23. *Quoniam vivit Iehova, dicunt; hoc pacto falso iurant. O Iehova, oculi tui annon spectarent ad fidem?*

XI. Vita ista Dei ab omnibus piis supra alia omnia maxime debet exaltari, ex v. 47.

Ratio. Quia omnem vigorem suum profert in eorum salutem, ibidem, & supra omnes inimicos, ipsos exaltat, v. 49.

Usus Exhortationis, ut non verbis tantum, sed & factis etiam hoc annitamus, pius animus non committet, ut fœcordia sua, Dei gloria jaceat quasi humi strata: sed omnibus modis eam extollet, ut ab aliis etiam cum admiratione agnoscatur.

XII. Deus tum maxime exaltatur, cum laudes ejus quam latissime divulgantur, ex v. 50.

Ratio. Quia hac ratione sic elevatur Dei nomen ut quamplurimis reddatur spectabile, tanquam omnium rerum maxime sublime.

Usus exhortationis, ut paremus nosmetipsos, cum omni alacritate aliis communicare notitiam illam quam habemus de Deo.

PSALMUS DECIMUS NONUS.

M Agistro symphonie, Psalmus Davidis.

2. Cæli enarrant gloriam Dei fortis, & opus manuum ejus indicat expansionem eorum.
3. Dies ad diem eructat sermonem; & nox ad noctem ostendit scientiam.
4. Non est sermo, neque verba eis; & sine his intelligitur vox eorum.
5. In totam terram prodeunte delineatione eorum simul prodierunt in extremitatem orbis habitabilis sermones eorum; ex quo Soli disposuit tentorium in eis.

6. Nam

6. Nam est tanquam sponsus prodiens e thalamo suo; letatur tanquam robustus decursurus viam.

7. Ab extremitate calorū exortus ejus, & revolutio ejus ad extremitates eorum est: nec est quod abscondatur e calore ejus.

8. Doctrina Jehovæ integra est, restituens animam: testimonium Jehovæ verax sapientiam afferens imperito.

9. Mandata Jehovæ sunt recta, lætificans animam: præceptum Jehovæ purum illustrans oculos.

10. Reverentia Jehovæ munda, consistens in sempiternum: judicia Jehovæ sunt ipsa veritas, iusta sunt pariter.

11. Desideratissima, desiderabiliora auro, & quidem auro purgatissimo, ac dulciora melle, & quidem cocto melle.

12. Tunc me servum tuum commonesactum istis; in horum observatione esse emolumentum magnum.

13. (Nam errores quis intelligat?) me, inquam, ab occultis absolvet.

14. Tunc à contumaciis subtrahes servum tuum, ne dominentur in me, tunc & insons ero à defectione magna.

15. Sint accepti sermones oris mei, & meditatio animi mei coram te: Jehova rupes mea & redemptor mi.

A N A L Y S I S.

SCopus Prophetæ in isthoc Psalmo, est petere liberationem à suis peccatis, v. 13, 14, 15. hæc autem petitio arguitur primo ut necessaria & sincera, ab initio Psalmi ad v. 13. & tum explicatur suis partibus v. 13. & 14. & ultimo in loco cum instantia urgetur, v. 15.

Necessitas & sinceritas hujus petitionis arguitur. 1. A gloria Dei quæ in cælis elucet ad v. 8. 2. Ab illa gloria vel perfectione quæ in verbo ejus revelatur, à v. 8. ad 13.

Istis autem argumentis ostenditur. 1. Necessitas liberationis à peccatis admissis petendæ, quia tanta est gloria Dei, & perfectio voluntatis ejus revelatæ, quæ peccatis hominum violatur. Ostenditur etiam. 2. Eiusdem petitionis sinceritas eisdem plane argumentis, quatenus illa gloria, & perfectio voluntatis Dei qui peccatis ostenditur, cum omni humilitate agnoscitur à Propheta.

Gloria vero Dei quæ in cælis elucet, in communi declaratur. 1. A præsentia illius artificii quod in cælesti machina apparens Dei, ut efficientis causæ omnimodam perfectionem ostendit, v. 2.

Declaratur 2. A cælestium corporum constanti usu in statibus, ac distinctis inferioris mundi tempestatibus præfectura sua constituendis, vers. 3.

In isthoc autem cælestis machinæ artificio & usu gloriam Dei ita manifestari docet, quasi clara voce prædicaretur, v. 3. quod amplificatur, 1. A diversis, quod quavis sermone ac verbis non utantur cæli, gloriam tamen Dei ita promulgaunt, ut ab omnibus hominibus intelligi possint & exaudiri, v. 4. 2. A subiecto loco, quod istam promulgationem per omnes partes orbis transmittunt, v. 5.

Eadem gloria Dei quæ antea ex

cœlis communiter elucere dicebatur, ostenditur postea ex eorum præcipua parte, *sôle*, qui describitur allegorice. 1. A subjecto loco in quo collocatur v. 5. in fine. 2. Ab adjuncta dignitate vel ornatu v. 6. in principio. 3. Ab effecto cursu & calefactione, quæ amplificatur ab adjuncta celeritate, indefatigatione, & universalitate, v. 6, 7.

Hactenus de gloria Dei in cœlis clucente. Verbi divini perfectio partim impliciter indicatur titulis illis quibus insignitur: & partim adjunctis virtutibus & earum effectis explicatur, idque copulate singulari quadam convenientia aut proportionem observatâ inter singulos titulos, adjuncta, & effecta.

In istum finem copulantur. 1. Doctrina, integritas, & restitutio animæ v. 8. in principio, quia verbum Dei voluntatem ejus docet, absolute ac integre, ita ut idoneum sit ad animum errantis perfectioni suæ restituendum.

Copulantur 2. Testimonium, veritas & institutio imperiti ad sapientiam, v. 8. in fine, quia vere testatur. 1. Quænam sit voluntas Dei bona illa placens ac perfecta, Rom. 12. 2. & 2. Per applicationem ad nostra facta instar testis in conscientiis nostris vel accusat, vel excusat, Rom. 2. 15. atque adeo instruit nos ad sapienter vel bene Deo vivendum, Psal. 90. 12.

Copulantur 3. Mandatum, restructio, & lætificatio animi, v. 9. quia communicat nobis rectissimam illam formandæ vitæ normam, quæ si observetur, conscientias nostras lætas reddit ac pacatas.

Copulantur 4. Præceptum, puritas, & illustratio oculorum, v. 9.

quia tam simpliciter quod bonum est jubet, & malum prohibet, ut non possit operiri, nisi iis qui pereunt, in quibus Deus hujus sæculi excavavit mentes, nempe infidelibus, ne irradiet eos illustratio Evangelii gloriæ Christi, 2 Cor. 4. 3, 4.

Copulantur 5. Reverentia, mundities, consistentia æterna, v. 10. quia cultum Dei præscribit, sine mixtura, aut mutatione.

Copulantur 6. Judicia veritas, & justitia v. 10. quia Dei administrationem secundum suas promissiones & comminationes, veram & justam esse declarat.

Perfectio ista verbi Dei, quæ prius fuit explicata, illustratur postea & amplificatur, partim comparatione imparium v. 11. & partim experientie ac observationis propriæ testimonio, v. 12. ubi etiam eadem perfectio suo effecto & usu notatur, vers. 12.

Petitio ipsa a contemplatione gloriæ Dei & perfectionis verbi ipsius oriunda duabus partibus constat, quarum prima spectat ad justificationem in remissione peccatorum postulanda, v. 13. cujus precationis generalis ratio excusatur per proleptin, à privatione accuratæ scientiæ delictorum, quæ obstitit quominus omnia peccata specialiter confiteretur.

Secunda pars ad sanctificationem spectat, v. 14. ubi per dominatum peccati, synechdochicos, totius iniquationis amolitio petitur: quæ primo urgetur à relatione illa servi quam habuit Propheta erga Deum: & postea etiam illustratur a fine, testimonio scilicet conscientie bonæ, prout antecedente sermone fuit proposita, & illustri meditatione gloriæ

gloriæ Dei, ac perfectionis verbi ipsius exornata, ibidem.

Hæc autem petitio tota repetitur & inculcatur generalibus verbis, v. 15. ubi etiam generali urgetur argumento, quod petitur à fœdere Dei, *rupes mea, & redemptor mi.*

QUESTIONES.

I. Quomodo cæli dicantur sermonibus enarrare gloriam Dei ? ex v. 2, 3. & 5.

Resp. Non quia proprie loquuntur, sed quia tam clare & efficaciter hanc gloriam *inducunt & ostendunt*, v. 2, 3. id est, arguunt, ut eam non minus notam faciant hominibus attendentibus, quam si verbis ipsi testimonium præberent.

II. Qua ratione verba illa quæ v. 5. habentur de cœlorum prædicatione, ad prædicationem Apostolorum applicantur, Rom. 10. 18?

Resp. 1. Si Apostolus ibi phrasin tantum usurpaverit Psalmistæ, quamvis eam ad alium sensum accommodaverit; nihil in eo fecit quod vel à ratione, vel ab usu communi abhorret. 2. Si simpliciter accipiantur hæc verba apud ipsum Apostolum, sicut in Psalmo videntur sonare de prædicatione illa quæ per creaturas habetur, tum non plenam arguunt prædicationem eorum quæ necessaria sunt ad salutem, sed illam cujus rejectio inexcusabiles homines reddit, & indignos, perfectiore informatione. 3. Secutus est Apostolus Davidis institutum, sicut enim David comparat inter sese prædicationem operum Dei, & Verbi; sic Apostolus per extensionem illius prædicationis quam opera præstant, extensionem illustrat operæ ab Apostolus præsti-

tæ in Evangelio prædicando.

Object. Sed Evangelium tum temporis ad paucos tantum pervenerat.

Resp. Pervenerat ad Judæos Hierosolymam ascendentes ex omninatione eorum qui sub cœlo sunt, Act. 2. 5.

DOCUMENTA.

I. Gloria Dei mirifice elucet in opificio cœlorum, ex v. 2. &c ad 8. Rom. 1. 20.

Ratio 1. Quia vis & perfectio causæ omnipotentis apparet in effectu quod à nulla re finita potuit produci. 2. Quia bonitas & benignitas divina in eo elucet, quod tales creaturæ inserviunt usui & commodo humano. 3. Quia sapientia divina in eo ostenditur, quod tam aptam habent structuram, constitutionem & ordinem, ad usus illos quibus assignantur. 4. Quia constantia & firmitas divinæ voluntatis in eo ostenditur, quod perstant hodie sicut ab initio, Psal. 119. 90, 91. 5. Quia in istis omnibus conjunctim gradum suum obtinent cœli supra cæteras creaturas, ita ut aliqua ex parte repræsentent nobis perfectionem ipsam Dei.

usus 1. *Informationis*, quomodo versari debemus in contemplatione operum Dei, & præcipue cœlorum, ita scilicet quasi Deum ipsum audiremus de suâ potentiâ, bonitate, & sapientia clara voce loquentem. 2. *Admonitionis*, ne nos de istis rebus taceamus, de quibus creaturæ mutæ suo modo loquuntur. 3. *Exhortationis*, ut similiter nos etiam nostro modo virtutes Dei ostendere conemur.

II. Verbi Dei propria est illa

H 3 Præro-

prærogativa, quod perfectam habet docendi rationem, quæ animos hominum ad salutarem Dei cognitionem convertit, v. 8. in principio.

Ratio 1. Quia operum Dei institutio per se non ulterius valet, quam ut reddat homines inexcusabiles, Actor. 14. 16, 17. Rom. 1. 20. 1 Cor. 1. 21. 2. Quia eadem est ratio doctrinæ illius Ethicæ, & Metaphysicæ, quæ in humanis Philosophorum, & legumlatorum scriptis continetur: quoniam alia non est quam quæ ex operibus Dei colligebatur, idque observatione imperfecta. 3. Quia nullibi docetur peccatorum natura & vis, neque eorum tollendorum ratio ad salutem consequendam, nisi in verbo Dei.

Usus 1. *Informationis*, non graduum tantum differentiam esse inter Philosophiam gentium, & Theologiam Christianam, sed & in ipsarum natura & essentia. 2. *Institutionis*, verbum Dei, aliis plane generis æstimatione & amore prosequendum esse, quam scientias aut leges humanas: illique soli adherendum in toto negotio salutis.

III. Verbum Dei salutem nostram operatur, quatenus firmum testimonium præbet veritati illi, quæ sapientes reddit simplices homines ad salutem, ibid. 2 Tim. 3. 15. Joh. 5. 39.

Ratio 1. Quia fidei illius quæ fiduciam salutarem parit, objectum proprium est veritas testimonio divino confirmata, de iis quæ pertinent ad salutem consequendam. 2. Quia ista veritas ita confirmata, facit ut homines alias ignari & errantes, tanquam pecus quæ perit, intelligant & eligant veram viam salutis. 3. Quia ita revelata est ista veri-

tas, ut non tantum doctis & ingeniosis prodesse possit, sed etiam rudibus.

Usus informationis, & exhortationis, ut ab istoc testimonio in omnibus pendeamus toti, tanquam maxime firmo, Johan. 21. 24.

IV. Veritas illa quam verbum Dei ostendit, rectitudine sua, sinceram ac solidam lætitiā animis fidelium adfert ex v. 9.

Ratio 1. Quia ignorantia tenebræ sua natura perturbationem creantes luce hac sola discutuntur. 2. Quia verbi solius ope certa illa beatitudinis via invenitur quæ ab omnibus quæritur: summa autem lætitia est in illius boni inventionē, quod quis magno studio quærit.

Usus 1. *Refutationis*, adversus illos, qui homines pios omni lætitia & voluptate destitutos esse putant. 2. *Exhortationis*, ut in statutis Dei nos ipsos oblectemus, Psalm. 119. 16, 24, 35, 47, 54, 77, 92, 103, 162, 174.

V. Rectitudo illa quæ in verbo præcipitur, tam puram habet naturam, ut vel homines cæcos reddat videntes, ibidem, Psalm. 119. 140.

Ratio 1. Quia lux est spiritualis, Psalm. 119. 105. 2. Quia spiritum habet comitantem, ad oculos nostros aperiendos, Psalm. 119. 18.

Usus Exhortationis, ut ex verbo Dei petamus collyrium ad oculos mentis nostræ curandos, Apoc. 3. 18.

Purus ille modus Deum colendi in scripturis traditur, qui consistet in æternum, ex vers. 10. Psalm. 119, 89.

Ratio 1. Quia nihil humanum aut mundanum, quod abolendum est, admittit, 1 Cor. 3. 15. 2. Quia ducit ad felicitatem æternam, Psalm. 119, 111, 144.

Uſus Exhortationis, ut ad finem uſque verbo Dei adhæreamus, *Psalm.* 119. 44.

VII. Promiſſiones & comminationes, quibus verbum Dei ſancitur, veritate & juſtitia excellunt, *ibidem*, *Psalm.* 119. 86, 160.

Ratio 1. Quia Deus eſt veritas, cujus autoritate firmantur. Quia ita adminiſtrantur, ut proportionem certam & juſtam habeant ad vias humanas.

Uſus admonitionis, ne aliud quidquam expectemus quam quod in iſtis continetur: ſed ex illis toti pendamus.

VIII. Perfectio verbi Dei illum in finem eſt contemplanda, ut à nobis maximo deſiderio expetatur ex v. 11. 1 *Pet.* 2. 1, 2.

Ratio 1. Quia hæc eſt natura boni, ut alliciat appetitum eorum quibus eſt bonum, bonum eſt quod omnia appetunt. 2. Quia eo nomine commendatur verbum Dei, non ut Deo poſſit placere, ſed nobis. 3. Quia non efficaciter cuiquam prodeſt, niſi ſitienti & appetenti.

Uſus 1. *Informationis*, ut intelligamus Theologiam totam non eſſe ſpeculativam, ſed practicam.

2. *Admonitionis*, ne in ulla cognitione verbi Dei acquieſcamus niſi corda noſtra ejus deſiderio ſimul accendantur.

IX. Deſiderandum eſt verbum Dei, ut utilitate, & ſuavitate omnes res mundanas excellens, ex v. 11. *Prov.* 3. 14. & 8. 11. 19. *Psalm.* 119. 7, 2, 127, 103. *Job* 28. 15.

Ratio 1. Quia utile eſt ad omnia, promiſſionem afferens vitæ præſentis ac futuræ, 1 *Tim.* 4. 8. 2. Quia intime, ſpiritualiter, ſolide, & conſtanter delectat. 3. Quia niſi omni-

bus rebus mundanis præferatur, non recipitur cum ullo fructu, *Matth.* 10. 37. & 13. 44. 46. 4. Quia mundania omnia quatenus ſunt neceſſaria ſimul etiam aſſequemur, ſi verbum rite quaeramus, *Matth.* 6. 33.

Uſus 1. *Institutionis*, ad examen iſtituendum de æſtimatione illa, qua non habemus de verbo Dei, & affectu quo illud proſequimur. 2. *Exhortationis*, ut omnia mundana verbo Dei poſthabeamus.

X. Emolumentum magnum ex verbo redundat, ſed non percipitur niſi per ejus obſervationem, v. 12. Ideo *Ps.* 119. v. 1, 2. *Beati*, inquit, *integri via, qui ambulant in lege Iehovæ: Beati cuſtodientes teſtimonia ejus, ex toto animo quaerentes eum, &c.* v. 14. *De via teſtimoniorum tuorum gaudeo, & ſuperiorum omnibus opibus, &c.* & v. 56, 57. *Hæc conſolatio eſt mihi, me mandata tua cuſtodire. Portio mea eſt Iehova, dico, ut obſervem verba tua.* Et Dominus noſter *Jch.* 13. 17. *Si hæc noveritis, beati eritis ſi ea feceritis.*

Ratio 1. Quia nobis non poteſt prodeſſe, niſi per obſervationem nobis applicetur & inferatur, *Jac.* 1. 21. 2. Quia verbum eſt pactum aut fœdus Dei, quo merces aut fructus noſtro obſequio ex benignitate Dei addicitur.

Uſus 1. *Exhortationis*, ut verbum ſemper nobis proponamus tanquam rem obſervandam. 2. *Conſolationis* erga pios, quia operam in pietate nequaquam ludunt, ſed amplam mercedem conſequentur.

XI. De iſtis rebus nemo ſerio diſſerere, aut recte judicare poteſt, niſi qui ſuo proprio experimento eas habet aliquo modo perceptas, ex v. 12.

Ratio 1. Quia non recte percipitur vis verbi, nisi operatio ejus in corde sentiatur. 2. Quia sine hac experientia, omnis cogitatio & sermo de verbo Dei destituitur affectu, atque adeo languet.

Ufus admonitionis, ut nosmetipsos à verbo doceri primo curemus, & postea alios doceamus, Rom. 2. 21.

XII. Religiosa consideratio gloriæ Dei, & perfectionis verbi ipsius, deducit hominem ad seriam agnitionem suorum peccatorum, ex v. 13. prout à præcedentibus dependet. Hinc Deus Jobo respondens, Job 40. 4. *An Brachium ut Dei fortis, est tibi? & voce ut ipse insonabis?*

Ratio 1. Quia ex comparatione viarum nostrarum, cum iis quæ gloria Dei & perfectio legis requirit, defectuum nostrorum & qualitas & quantitas statim apparet. 2. Quia humilitas & synceritas illa, quæ in confessione peccatorum postulat, ex contemplatione gloriæ Dei, & perfectionis verbi emanat.

Ufus Institutionis, ut isthinc dignoscamus, utrum gloriam Dei & perfectionem verbi ejus recte & religiose percipimus necne.

XIII. Pluribus peccatis implicamur, quam ut illa omnia scire possimus, nedum enumerare, ex v. 13. in principio, ubi delictorum suorum multitudine obrui sese faterur David, Psal. 38. 5. *Iniquitates meæ transcendunt caput meum; ut onus grave, graviores sunt quam perferre queam, & 40. 13. Circumdantia invadunt me mala innumerabilia: assequuntur me iniquitates meæ; adeo ut nequeam dispicere, numerosiores sunt capillis capitis mei. Inter vanitates & afflictiones spiritus numeratur: Eccles. 1. 15. Defectuum non posse in numerum venire.*

Ratio 1. Quia transgressores sumus singularum partium legis, lex autem perfectior est, quam ut à nobis intelligatur, 2. Quia in omnibus quæ agimus, dicimus, cogitamus, adest semper peccati inquinatio: hæc autem nos non possumus numerare. 3. Quia stupore magno laboramus, quo fit ut sæpe non attendamus ad illa quæ sunt manifesta.

Ufus 1. Refutationis, adversus hypocrisim illam qua dementantur Papistæ, dum omnia sua peccata enumerare sese putant, in confessione illa, quam auricularem appellant. 2. *Institutionis*, ut humiliemus nosmetipsos coram Deo, non tantum ratione peccatorum illorum quorum nobismet conscii sumus, sed etiam respectu occultorum, & eorum etiam condonationem suppliciter à Deo precamur.

XIV. Non tantum pro impetranda venia peccatorum præteritorum orare debemus, sed etiam pro Dei opè ac virtute communicanda, quo peccati dominium in posterum prohibeatur, ex v. 14. oratione Dominica, 1 Pet. 5. 6.

Ratio 1. Quia serio non petitur venia, nisi ipsa peccata odio prosequamur, atque adeo à nobis velimus amoveri. 2. Quia veniam à Deo petere, quum eum insuper offendere non curamus, nihil aliud est quam Deum irridere. 3. Quia tanta est proclivitas nostra ad peccandum, ut, nisi Deus nos custodiat & retrahat, præcipientes in omnes transgressionem feramur.

Ufus 1. Condemnationis, adversus eos, qui disjungunt hæc duo a Deo conjuncta: remissionem suorum peccatorum aliquando suo modo petunt, sed ut ab iis sanctificentur &

con-

conseruentur non quærent. 2. *Exhortationis*, ut pari cura sanctificationi ac justificationi nostræ studeamus.

XV. Quamvis immunes esse non possimus ab omni peccato, apertis tamen sceleribus & contumaciis servi Dei non manciantur, ex v. 14.

Ratio 1. Quia liberantur fideles à dominio peccati, Ro. 6. 2. Quia talia flagitia non consistunt cum ti-

more Dei.

Ufus *Condemnationis*, adversus eos, qui in istiusmodi peccatis vivunt, & eo etiam nomine sese excusant, quod omnes homines peccant.

XVI. Istæ petitiones de remissione peccatorum, & ab iisdem conservatione, sunt etiam atque etiam vehementer urgendæ, & inculcandæ, ex v. 15.

PSALMUS VIGESIMUS.

M Agistro symphonie, Psalmus Davidis.

2. Exaudiat te Iehova tempore angustia; te in edito collocet nomen Dei Iahakobi.

3. Mittat auxilium tuum è sancto & è Tzijone fulciat te.

4. Oderetur omnia munera tua, & holocaustum tuum in cinerem redigat; ut quem maxime.

5. Det tibi ex animo tuo & totum tuum consilium impleat.

6. Canamus de salute tua, & in nomine Dei nostri vexillis utamur: impleat Iehova omnes petitiones tuas.

7. Jam agnosco Iehovam servare unctum suum, exaudire eum de cælis sanctitatis sue; ex summa fortitudine salute dextera sue.

8. Hi currum, & illi equorum; nos vero nominis Iehovæ Dei nostri recordamur.

9. Illi incurvant se & cadunt: nos vero surgimus & consistimus.

10. Iehova serva; rex ipse exaudiat nos quo tempore invocabimus.

ANALYSIS.

IN isthoc Psalmo continetur precatio à Davide dictata, ut à populo usurpetur, pro salute regis in bellum proficiscentis.

Scopus precationis hujus est, ut Deus velit regem, & in ipso totum populum conservare ac prosperare.

Petitio ista duplici forma proponitur: Primo enim ad Davidis personam dirigitur, per formam acclamationis, ut certior ipse fiat, quid populus à Deo illius nomine optabat & vovebat exaudiat te Iehova &c. ad v. 10. & postea ad Deum ipsum dirigitur ad modum solitum simpli-

cis precationis v. 10. Iehova serva.

In acclamatione generaliter primo proponitur petitio, v. 2. exaudiat te Iehova tempore angustia, & res ipsa quæ petitur duplici similitudine exornatur, ibid. nam & ipsam salutem exoptatam illustrat Propheta, similitudine editi loci vel arcis excelsæ, aut propugnaculi muniti: te in edito collocet; & modum ipsum salutem istam conferendi illustrat etiam & confirmat à simili exemplo protectionis Dei erga Jacobum, nomen dei Iacobi.

Secundo eadem petitio repetitur

v. 3. & simul etiam explicatur & urgetur à circumstantia loci, unde expectabatur ejus auditio, *è sancto, & è Tzione.*

Tertio in loco, testificatio vel demonstratio hujus benignitatis præstandæ petitur v. 4. ubi duo signa specialia ponuntur ad generalem illam testificationem, quæ petitur, illustrandam. *Odoretur omnia munera tua, & holocaustum tuum in cinerem redigat.*

Post generalem istam aut implicitam petitionem, expressa ejus explicatio proponitur, v. 5.

Petitio hunc in modum proposita unico argumento suadetur, quod petitur ab effectu consequunturo, celebratione scilicet nominis Dei propter istas preces auditas, & regem cum populo conservatum, v. 6. ubi celebrandi modus indicatur & communis, qui in cantu consistit, & proprius militum de victoria triumphantium, qui est in vexillis cum magnificentia quadam erigendis & explicandis.

Prioris modi, id est, cantici vel prædicationis gloriolæ exemplum proponitur v. 7, 8, 9. ubi. 1. Salutis præstitæ tota laus tribuitur Deo & de illa triumphatur, v. 7. 2. Triumphatur etiam de fiducia in Deo solo collocata, cujus rei illustratio petitur à dissimili, fiducia impiorum v. 8. & harum etiam fiduciarum dissimili successu, v. 9.

Ad Deum simpliciter dirigitur petitio v. 10. ubi breviter etiam explicatur, salutem scil. ita regi optari, ut per ipsum in populum totum derivetur.

QUESTIONES.

I. Quare invocatur Deus in hoc

Psalmo sub nomine Dei Jacobi? vers. 2.

Resp. 1. Quia Jacobus olim in iisdem fuit angustiis ratione Esawi, quibus David jam premebatur à suis hostibus, Genes. 32. 6, 7. 2. Quia petitio illa quæ hic usurpatur, exprimitur verbis Jacobi, Gen. 35. 3. *exaudiat me in die angustia mea.* 3. Quia Iacob suis precibus ita luctatus est, ut prævaluerit apud Deum Hof. 12. v. 5. 4. Quia Deus Jacobi idem sonat, quod Deus Israelis.

II. Quare petitur auxilium è sancto, & è Tzione? v. 3.

Resp. 1. Quia in sanctuario illustis fuit representatio præsentis Dei, ita ut insidere diceretur Cherubinis in Sancto sanctorum 1 Reg. 8. 13. Psal. 80. 2. 2. Quia preces tum temporis dirigebantur versus illum locum, 1 Reg. 8. 30, &c. Dan. 6. 11. 3. Quia sanctuarium fuit typus cæli, v. 7. 4. Quia hac ratione Deus verus ab idolis distinguebatur. 5. Quia fræderis Dei erga populum Israelis sacramentum fuit in isto sanctuario, 1 Reg. 8. 21. atque adeo precum audiendarum pignus.

III. Quorsum petitur ut holocaustum regis in cinerem redigatur? v. 4.

Resp. Quia ignis cælitus remissus ad consumendum holocaustum fuit extraordinarium signum acceptionis & approbationis divinæ, Lev. 9. 24. 1 Reg. 18. 24, 38.

DOCUMENTA.

I. Piorum omnium officium est, & pro semetipsis Deum precari, & pro aliis; atque etiam aliorum preces pro se habitas magni æstimare

mare, ex verf. 2. Rom. 15. 30.

Ratio 1. Quia fides ac fiducia vis & vita maxime apparet in studio precum. 2. Quia quo plures fideles sint, qui in precibus conveniunt, eo plus est interpellationis Spiritus sancti. 3. Quia plus etiam gloriæ tribuitur Deo, 2 Cor. 1. 11.

Ufus increpationis, adversus frigiditatem hominum in omni parte huius curæ.

II. In precibus fiduciam colligere debemus ex nomine Dei, pro ut semetipsum nobis patefecit, ibid.

Ratio Quia illum in finem nomen Dei Ecclesiæ est patefactum.

Ufus directionis, in precibus nostris instituendis.

III. Responsum Dei ad preces nostras expectare debemus ex visceribus Dei v. 3.

Ratio. Quia promissiones omnes Dei in fœdere continentur.

Ufus Exhortationis, ut de fœdere Dei perpetuo meditemur.

IV. Magni facere debemus illa signa quibus Deus ostendit se preces nostras acceptas habere, v. 4.

Ratio. Quia testimonium continent gratiæ ac benignitatis divinæ, securum nostra vota.

Ufus admonitionis, ut huiusmodi signis invigilemus.

V. Ita debemus de beneficiis Dei gaudere, ut nosmetipsos ædificemus in fiducia erga Deum, v. 6, 7, 8.

Ratio. Quia sic vera gloria Deo tribuitur : & beneficia ejus corporalia convertuntur aliquo modo in spiritualia.

Ufus Institutionis, ut omnem nostram lætitiā istuc dirigamus.

PSALMUS VIGESIMUS PRIMUS.

Magistro symphonie, Psalmus Davidis.

2. *Iehova de robore tuo lætatur rex ; & de salute tua quam exultat valde !*

3. *Desiderium animi ejus das ei, pronuntiation labiorum ejus non avertens, maxime.*

4. *Quin prævenis eum benedictionibus boni, imponis capiti ejus coronam auri purgatissimi.*

5. *Vitam petiit abs te, dedisti ei ; etiam longitudinem dierum in seculum & sempiternum.*

6. *Magna est gloria ejus per salutem tuam ; decus & majestatem posuisti in eo.*

7. *Nam disposuisti illi benedictiones in sempiternum, exhilaravisti eum lætitiā à facie tua.*

8. *Quoniam ipse rex confidit Iehova, ideo fretus benignitate excelsi non dimovebitur.*

9. *Assequeris manu tua omnes inimicos tuos, dextera tua assequeris ofores tuos.*

10. *Disponis eos, ut fornacem ignis tempore faciei irate tue, Iehova ira sua absorbet eos, quasi consumat eos ignis.*

11. *Fructum eorum è terra perdis, & semen eorum è filiis hominum :*

12. *Quoniam intenderunt tibi malum, commenti sunt cogitationem, non possunt perficere.*

13. *Nam ponis eos velut tumultum; nervis tuas aptatas sagittas jacularis contra faciem eorum.*

14. *Exaltare Iehova robore tuo; cantabimus & psallemus fortitudinem tuam.*

A N A L Y S I S.

Psalms iste, ut antecedens, est populi nomine conscriptus. Scopus ejus est, celebrare nomen Dei propter salutem illam regi concessam, quam precibus ipsi voverant Psalmo priore.

Celebratio ipsa duplici forma explicatur. 1. Per professionem affectus illius, quo Rex ipse cum piis omnibus in præsentia Deum laudabant. 2. Per professionem voti quod in futurum conceperant de Deo laudando, v. 14.

Præsens affectus fuit lætitia & exultatio, id est, gaudium summum, v. 2. quod declaratur & exornatur per objectum ejus proximum, *salute tua*, & per ejus causam efficientem, quæ etiam objecti rationem subit in isthoc gaudio, *de robore tuo*.

Votum in futurum fuit partim in optatione, ut Dei gloria magis magisque fiat manifesta, *exaltare Iehova robore tuo*: & partim in promissione ejusdem gloriæ omni conatu promovendæ: *cantabimus, & psallemus fortitudinem tuam*.

Celebrationis hujus objectum & ratio explicatur, 1. Per bonitatem illam quam Deus exercuerat erga regem in sese. 2. Per illius bonitatis medium, in hostibus ejus perdendis v. 9 & sequentibus ad 14.

Bonitatis divinæ explicatio duobus gradibus demonstratur. 1. Quod concessit regi omnia bona quæ petit, v. 3. 2. Quod illis etiam eum cumulavit, quæ non petit, v. 4. *quin prævenis eum benedictionibus boni.*

Posterioris hujus generis bona specialium inductione indicantur. Quæ sunt 1. Accessio imperii v. 4. 2. Vitæ immortalitas, v. 5. 3. Summa gloria & majestas, v. 6.

Gloriæ hujus ratio & causa redditur à copiosa illa benedictione, quam Deus in regem effuderat, ita ut ipse sit aliis benedictio in sempiternum, ubi etiam ejusdem benedictionis & gloriæ effectum notatur, incredibilis nempe lætitia regis ex favoris Dei apprehensione. *Exhilaravisti eum lætitia à facie tua*. Tum totius hujus bonitatis duratio & constantia arguitur à causa ejus administrante, fiducia scilicet regis in Deo firmiter collocata.

Hactenus de bonitate exercita erga regem in sese, sequitur hostium ejus perditio, quæ describitur, & exquisita fuisse demonstratur. Describitur, 1. Ab efficiente causa, manu dextra vel potentia Dei, v. 9. 2. A certitudine ejus, *invenies vel assequeris*, ibidem. 3. A facili & plena executione, quæ similitudine illustratur, v. 10. 4. Ab ejusdem universalitate, quod etiam ad posteros extendetur, v. 11. 5. Ab ejus ordinata procuracione ex destinato consilio & certa providentia, quæ similitudine illustratur, v. 13.

Æquitas autem totius hujus judicii ex eo ostenditur, quod tam impii fuerunt isti homines, ut Deum ipsum odio sint prosequuti, & cum ipso bellum gesserint, v. 9, & 12.

DOCUMENTA.

1. In Deo laudando de ejus beneficiis æque diligentes esse debemus atque in iisdem petendis, ex connexionione hujus Psalmi cum præcedente, Psal. 50. 15.

Ratio 1. Quia beneficia sunt eadem accepta & accipienda. 2. Quia Dei honor magis directe respicitur in gratiarum actione, quam in petitione; petimus enim nobis à Deo, sed gratias agimus Deo pro nobis.

3. Quia synceritas petitionis apparet in gratiarum actione, & sine illa consistere non potest.

Ufus increpationis, adversus eos, qui multa petunt, ex amore semetipsum, sed non revertuntur ad gratias agendas, Luc. 17. 17, 18.

II. Laudatio Dei consistit in eo, ut gaudeamus in Domino, optemus ipsi omnem gloriam, eamque promovere sedulo studeamus, ex v. 2. & 14.

Ratio 1. Quia nihil ultra facere possumus, quod aliquo modo cedat in Dei bonum. 2. Quia in istis maxime exercetur charitas erga Deum. 3. Quia synceritas & integritas cordis erga Deum in istis consistit.

Ufus admonitionis, ne satis habeamus verbis Deum laudare.

III. Laudandus est Deus, de de-

sideriis nostris impletis, ex v. 3.

Ratio. Quia cum fieri non potest, quin desiderium impletum adferat nobis gaudium, nisi gaudium illud ad Deum referatur; Deus non agnoscitur in toto illo negotio.

Ufus 1. *Increpationis*, adversus eos, qui gaudio aut lætitia exultant cum vótorum compotes sunt, sed non in Domino. 2. *Admonitionis*, ut caveamus nobismet ipsis, ne quidquam desideremus, de quo Deum laudare non possumus.

IV. Laudandus etiam est Deus & in genere, & in specie, de iis bonis, quæ nunquam ab ipso petivimus, ex v. 4.

Ratio 1. Quia non minora sunt beneficia quam reliqua, sed aliquo modo majora. 2. Quia ista beneficia non recipiuntur per fidem ex manu Dei, antequam ipsum de iis laudamus.

Ufus Increpationis, adversus egestatem & sterilitatem nostram in Deo laudando.

V. Laudare Deum debemus non tantum de bonis illis quibus nos beat, sed etiam de conservatione à malis, & malorum authoribus repressis, ex v. 9, 10. &c.

Rat. Quia amovere illud, quod nocet, est perfectissima ratio juvandi.

Ufus Admonitionis, ne oblivioni ista tradamus.

PSALMUS VIGESIMUS SECUNDUS.

M Agistro symphonie ad primam auroram, Psalmus Davidis.

2. Deus fortis, mi Deus fortis, quare dereliquisti me; longinquum à salute mea, à verbis rugitus mei?

3. Deus mi, quare invocantem me interdum non exaudis? & noctu invocanti non est silentium mihi?

4. Atqui sanctus es, permansens, perfecta laus Israelis:

5. Tibi confisi sunt Majores nostri: confisi sunt; & liberaisti eos.

6. Ad te clamaverunt, & erepti sunt; tibi confisi sunt, nec puduit eos.

7. At

7. At ego sum *vermis*, ac non vir; opprobrium hominum, & contemptus populi.

8. Omnes videntes me subsannant me; diducunt labium, movent caput.

9. Devolvit se ad *Iehovam*, (inquiunt) liberet eum: eripiat eum, quandoquidem delectatur eo.

10. Cum tu sis, qui eduxisti me ex utero: faciens ut securus agerem ad ubera matris meae;

11. In te rejectus sum ex vulva, inde ab utero matris meae Deus fortis meus sis.

12. Ne procul absis à me, dum angustia propinqua est, dum nemo est adiutor.

13. Circumdant me juveni multi; robusti juveni *Baschanis* cingunt me.

14. Dilatant contra me os suum, tanquam leo rapiens & rugiens.

15. Sicut aqua effundor & dissipant se omnia ossa mea: est cor meum simile *aera*, liquescit in visceribus meis.

16. Arescit ut testa vis mea, & lingua mea adhaeret faucibus meis; & in pulvere leibali collocas me.

17. Nam circumdederunt me canes, cætas maleficorum circumvenerunt me; foderunt manus meas & pedes meos.

18. Enumerare possem omnia ossa mea; ipsi intuentur, respiciunt in me.

19. Partuntur vestimenta mea inter se, & pro indumento meo proficiunt sortem.

20. Tu ergo *Iehova*, ne procul absis: virtus mea, ad auxilium meum festina.

21. Eripe à gladio animam meam, à cane unicam meam.

22. Serva me ab ore leonis; & à cornibus inimicorum, exaudiens me.

23. Enarrabo nomen tuum fratribus meis; in media congregatione laudabo te:

24. Dicens, timentes *Iehovæ* laudate eum, totum semen *Iahakobi* honorate eum: & timeate ab eo totum semen *Israëlis*.

25. Quia non spernit, neque abominatur afflictionem afflicti, neque abscondit faciem suam ab eo; sed quum vociferatur ad ipsum, exaudit.

26. De bonis obviaturis à te futura est laus mea in congregatione multa: vota mea persolvam coram revocantibus eum.

27. Comedent mansueti, & saturabuntur; laudabunt *Iehovam* quærentes eum: vivet animus vester in sempiternum.

28. Recordabuntur & convertentur ad *Iehovam* omnes fines terræ; & incurvabunt se coram te honorem exhibentes omnes familiae gentium.

29. Quoniam *Iehova* est regnum ipsum, & dominium habet in gentes.

30. Comedentes incurvabunt sese omnes pingues terræ, coram eo procumbent quicumque descendunt in pulverem; qui animam suam in vita non conservaverit.

31. Horum semen colet eum, accensebitur Domino in quaque ætate.

31. Advenientes annuntiabunt iustitiam ejus populo nascituro, ipsum exercere eam.

ANALYSIS.

HVius Psalmi subjectum nihil aliud est quam petitio Deo exhibita à Davide, personam Christi sustinente. Scopus petitionis institutæ est, ne in illis angustiis quibus premebatur, deferretur à Deo, sed tempestive liberaretur & salvaretur, v. 2, 12, 20, 21, 22.

Argumenta ad suasionem propositæ petitionis allata, tria sunt. *Primum* petitur à causa liberationis flagitatæ, quod scilicet ex fiducia nomen Dei invocabat, opem ejus implorans, v. 3. ad 7.

Secundum petitur à necessitate urgente ejusdem liberationis maturationem, quia scilicet in extremâ miseria versabatur, v. 7. ad 23.

Tertium petitur ab liberationis jam concessæ effectu & fructu, professione scilicet gratissimæ voluntatis, & nominis Dei gloriosa celebratione.

1. Fiducialis Dei invocatio, 1. Amplificatur ab adjuncta ejus vehementi instantia, & fervore, qui declaratur, 1. Per geminationem verborum in Dei nomine invocando, *mi Deus fortis, Deus mi, Deus mi.* v. 2. & 3. 2. A comparatione clamoris sui cum rugitu leonis, ver. 2. in fine. 3. A circumstantia temporis, *die & nocte*, v. 3. 4. Ab adjuncta querela irriti in clamando successus, v. 2. & 3.

2. Consequentia hujus argumenti, ab invocatione fidei, ad liberationem, declaratur. 1. A fœdere Dei *tu sanctus es habitator laudum Israelis.* 2. Ab exemplis paribus, v. 5. & 6.

2. Miseriæ suæ extremitatem de-

clarat per partes quæ sunt, 1. Opprobria & ludibria. 2. Passiones apprehensionis & condemnationis. 3. Passiones crucifixionis, & ex illa oritur.

Opprobria sunt. 1. In contemptu & vilissima æstimatione. v. 7. 2. In ludibriis & sannis tam voce quam gestu expressis. v. 8. 3. In exprobratione fiduciæ quam habuit in Deo, v. 9. cujus exprobrationis refutatio, & fiduciæ confirmatio subjicitur ab experientia antegressa petita, v. 10. & 11.

Apprehensio & Condemnatio describitur ab efficientibus causis, & earum adjunctis: comparantur enim multitudine & viribus cum juvenis ac tauris Baschanis, v. 13. & truculentia ac feritate cum leone rapiente & lugente, v. 14.

Crucifixio ipsa describitur, v. 17. & 19. calamitates inde consequentes declarantur, v. 15, 16, 18.

3. Professio nomen Dei celebrandi & illustrandi declaratur. 1. A proprio ejus objecto, quod hoc facturum sit apud electos fideles & pios, v. 23, 24, 26. 2. A circumstantia loci, *in media congregatione*, v. 23. & 26. 3. A modo celebrandi, qui consistit in cohortatione ad Deum laudandum, cujus rationes duæ sunt. 1. Quod Deus liberat suos ab omni malo, cum opem ejus implorant, v. 25. 2. Quod eos etiam omnibus bonis donat. ver. 27.

Declaratur 2. Eadem celebratio per extensionem aut latitudinem, quam haberet in effectu suo, quod pertingeret scilicet ad omnium gentium conversionem, v. 28. cujus rei causa

causa & ratio redditur, v. 29. Ipsæque gentes convertendæ per distributionem amplificantur, v. 30. & 31. & conversionis effectum declaratur. v. 32.

QVÆSTIONES.

I. De quo intelligendus est iste Psalmus?

Resp. De Christo necessario intelligendum esse evincit. 1. Novi Testamenti autoritas, ubi partes quædam ejus de Christo explicantur expressè. Mat. 27. 35. Ich. 19. 24. vers. 19. Heb. 2. 12. vers. 23. 2. Historia Christi, ubi alias partes hujus Psalmi ab ipso Christo sibiimet applicatas legimus. Mat. 28. 46. v. 2. & alias ab hostibus Christi usurpatas. Matth. 28. 43. 3. Res ipsæ in Psalmo contentæ, quæ ad Davidem nullo modo possunt, ut sonant, accommodari, sed aptissime ad Christum, ut illud de crucifixione, v. 17.

Non ita tamen spectat ad Christum, quin David etiam, ut typus Christi, suas partes in eos habeat, quod enim dicitur, v. 3. de precibus diu continuatis sine responso, de fœdere inito cum Israël, v. 4. de exemplo majorum, v. 5. de educatione ex utero, & educatione paterna, v. 10. & 11. non tam proprie & apte videntur Christo convenire atque Davidi.

Object. Series sermonis postulat, ut si una aliqua particula hujus Psalmi Davidi tanquam typo accommodetur, reliquæ omnes eidem accommodentur, quod veritas historiz non patitur.

Sol. Nihil est in Psalmo quin metaphorice per proportionem quandam possit Davidi accommodari; sed solemne hoc est, quum in typo a-

liquid significatur, & de utroque simul verba habentur; ut quædam dicantur, quæ proprie & plene vel soli typo, vel soli rei significatæ conveniant, quamvis omnia aliquo modo utrique possint accommodari.

II. Quare dicitur hic Psalmus in titulo factus ad primam auroram, aut ad virtutem auroræ?

Resp. Probabilis admodum est sententia Iunii, Psalmum istum traditum fuisse ut singulo quoque mane in templo caneretur, sicut vespere cantare solebant, Psalmum 136. sicut colligitur ex 1 Chro. 16. 41.

III. Quomodo fuit Christus à Deo desertus?

Resp. 1. Non intelligitur desertio absoluta & ad actum completum perducta, sed aliquo modo inchoata. 2. Non intelligitur desertio realis, sed quoad sensum & apprehensionem. 3. Non absuit apprehensio fiduciæ, sicut apparet in titulo Deo tributo, *mi Deus fortis, mi Deus fortis, Deus mi:* sed sensus illius consolationis quæ ex hac fiducia solet oriri. 4. Querela ista sic est intelligenda, ac si disertis verbis à Deo contendisset ne desereretur ab eo. Psal. 10. 1. & 42. 10. & 43. 2.

IV. Quo sensu dicitur Deus sanctus habitator laudum Israël? ver. 4.

Resp. Habitator dicitur laudum per metonymiam adjuncti, quia habitator fuit sanctuarii, in quo ita le Israëlitis ex fœdere inito manifestabat, ut materiam semper habuerint nomen ejus laudandi, & de salute ipsius gloriandi; sic Deut. 10. 21. Jerem. 17. 14. Sanctus autem dicitur, quia nihil est in ipso ullis deficientiæ aut imperfectionis sordibus inquinatum.

D O C U M E N T A.

I. Dilectissimi Dei filii privantur aliquando sensu favoris ejus, ex vers. 2.

Ratio. In Christo hoc factum est in pœnam peccatorum nostrorum, Jel. 53. 10. In aliis fit partim in castigationem, partim in explorationem aut probationem fidei.

Ufus 1. admonitionis, Ne secus æstimemus eos qui hunc in modum deferuntur. Jel. 53. 4. 2. Ne ex sensu sed ex fide vivamus.

II. Sensus iste favoris Dei instanter est querendus ibidem.

Ratio. Quia magna pars communionis nostræ cum Deo, atque adeo beatitudinis nostræ in eo consistit, Rom. 5. 5.

Ufus 1. Incepcionis, adversus eos qui secure pergunt, eodem modo animati, siue sentiant, siue non sentiant Dei erga se favorem.

III. Sensus iste maxime percipi solet in orationis exercitio, v. 3.

Ratio 1. Quia in oratione cor hominis erga Deum directe movetur & elevatur, ita ut vel gratiose detur accessus, vel ex ira repulsam ferat.

Ufus institutionis, ut in precibus nostris diligenter observemus cordium nostrorum sensum.

IV. In defectu hujus sensus invocatio Dei non est intermittenda, sed ex ipsa invocatione fides est sublevanda, ibidem.

Ratio 1. Quia idcirco abscondit sese Deus ad tempus, ut diligentius queratur, Hos. 5. 15.

Ufus increpationis, adversus eos qui facile animum despondunt, & à precibus desistunt, Luc. 18. 1. &c.

V. In hac invocatione sustentan-

da est fides, præcipue fœderis De recordatione, v. 4.

Ratio 1. Quia in fœdere tota benignitas & fidelitas Dei nobis explicatur & confirmatur.

Ufus institutionis, ut semper ob oculos habeamus fœdus istud Dei.

VI. Sustentatur etiam fides exemplis fidelium qui ante vixerunt, & nunquam Deum frustra invocant, v. 5, 6.

Ratio 1. Quia quod de illis scriptum est, in nostram consolationem est scriptum, Rom. 15. 4. Jac. 5. 17.

Ufus Admonitionis, ne historias fidelium in Scripturis præsertim commemoratas ut res alienas negligamus, sed tanquam exempla nobis à Deo propòsita intueamur.

VII. Qui maximo in pretio sunt coram Deo, maxime contemni solent in mundo, v. 7. 1 Cor. 4. 9, 10, 13.

Ratio. Quia maxime discrepantia sunt judicia Dei & mundi, Luc. 16. 15.

Ufus admonitionis, ne mundi contemptum vel novum, vel intolerabile malum esse putemus filiis Dei.

VIII. Contemptus iste ludibriis & opprobriis declaratur, v. 8. Luc. 22. 63.

Ratio. Quia in istis consistit insultatio, qua omnis æstimatio alicui detrahitur.

Ufus admonitionis, ut animos nostros confirmemus adversus hujusmodi contumelias.

IX. Nulla est magis impia contumelia, aut piorum animos magis penetrans, quam cum ipsa pietas ludificatur, v. 9, Psalm. 42. 4.

Ratio. Quia vitæ principium tangit, & Deum ipsum lædit.

Ufus condemnationis, adversus eos qui

qui istiusmodi opprobriis pios homines vexant.

X. Quo magis premimur huiusmodi tentationibus, eo magis fiduciam nostram confirmare debemus, & orationes ingeminare, vers. 10. 11, 12.

Ratio. Quia hac sola ratione tentationes omnes vincuntur.

Vsus admonitionis, ne fiduciam nostram & orandi studium in hora tentationis remittamus, sed intendamus.

XI. A contemptu & contumeliis, ad omnia extrema pergunt impii in piorum persecutione, ubi Deus hoc ipsis permittit. v. 13. 14. &c.

Ratio. Crudelitas impiorum, & odium quo lucem prosequuntur.

Vsus admonitionis, ut ad extrema ferenda nos præparemus.

XII. Preces fidelium in opportuno tempore exaudiuntur. v. 20. & 21. tum enim Deus dicitur festinare ad auxilium, cum in tempore adest.

Ratio. Quia tum audiuntur, cum maxime id facit ad gloriam Dei, & fidelium salutem.

Vsus admonitionis, ne vel ex desperatione, vel ex præcipiti festinatione preces nostras corrumpamus.

XIII. De precibus auditis nomen Dei est celebrandum. vers. 23. Psalmo 50. 15.

Ratio. Quia gratitudinem nostram alia ratione non possumus testari.

Vsus exhortationis, ut istam animi dispositionem in nobismetipsis perpetuo conservare studeamus.

XIV. Nomen Dei non rite celebratur, nisi alii etiam ad idem faciendum excitentur. v. 24.

Ratio. Quia alias gloria Dei non

promovetur, sed tegitur. Psal. 40. 10. 11.

Vsus admonitionis, ne satis habeamus privatim Deum laudare, sed curemus etiam, quantum in nobis est, ut idem ab aliis fiat, 2 Cor. 1. 11.

XV. In singulis Dei beneficiis privatim huic aut illi fidei concessis, communis materia Deum laudandi omnibus consensu suppeditatur, vers. 25.

Ratio. Quia exemplum omnibus proponitur, quo animari possint ad similem gratiam expectandam.

Vsus Institutionis, ut proficere discamus ex beneficiis Dei in alios collatis.

XVI. Materia Deum laudandi, fidelibus est instar cibi suavissimi. v. 27.

Ratio. Quia pascit & auget eorum fidem, atque etiam summam delectationem adfert. Joh. 4. 32, 34.

Vsus Exhortationis, ut & ex isthoc cibo comedamus, ad vitam animarum, sicut est in textu.

XVII. Fructus gratiæ hujus divini ad omne genus hominum spectat. v. 28. 30.

Ratio. Quia Deus est rex & dominus omnium, v. 29.

Vsus Admonitionis, ne respectum personarum ullum habeamus in communionem Sanctorum.

XVIII. Duratio & continuatio hujus fructus, est maxime expectanda, v. 31. 32.

Ratio. Quia ut misericordia Dei manet in æternum, sic etiam gloria ejus debet manere.

Vsus Exhortationis, ut istam continuationem sæculo queramus.

P S A L M U S V I G E S I M U S T E R T I U S.

Psalms Davidis : Jehova pastor meus est, non possum egere.

2. In caulis herbidis facit ut recubem, secundum aquas lenes deducit me :

3. Animam meam quietam efficit, ducit me per orbitas justitia, propter nomen suum.

4. Etiam quem ambulare per vallem lethalis umbra, non timerem malum, quia tu mecum es ; virga tua & pedum tuum ipsa consolantur me.

5. Insuper coram me mensam è regione hostium meorum : delibunt reddis unguento caput meum, poculum meum exuberans.

6. Nihil nisi bonum & benignitas prosequuntur me omnibus diebus vita mea : & quietus ero in domo Jehovæ, quamdiu longa erunt tempora.

A N A L Y S I S.

SCopus hujus Psalmi est docere, quam felix sit eorum conditio, qui fiduciam suam habent in Deo collocatam ; felicitas eorum in eo ponitur, quod omnium bonorum affluentia fruuntur, idque non ad breve aliquod temporis spacium, sed in perpetuum, v. 1. & 6.

Demonstratur ista felicitas. 1. A causa ejus principali, cura nempe & providentia Dei benigna, invigilante ipsis in bonum : & 2. A causa administrante, domo scilicet Dei, id est, sanctis Dei institutis, quibus illa benigna cura significatur & confirmatur, v. 6.

Benigna cura & providentia Dei explicatur & illustratur duplici comparatione. 1. Curæ illius quam pastor bonus habet suarum ovium, v. 1. ad 5. Benignitatis illius quam benevolus & magnificus hospes exercet erga suos convivas. In utraque autem comparatione effectorum proportio per inductionem declaratur. Sub allegoria pastoris declaratur 1. Procuratio omnium necessariorum, ut pabuli, potus, & quietis commodæ, v. 2. quibus directionis

& pacis communicatio significatur, v. 3. quæ ab impellente causa amplificatur ; ibidem propter nomen suum.

2. Securitas & consolatio quæ præstatur adversus omnem periculi metum per eandem directionem v. 4.

Sub allegoria magnifici hospitii declaratur suppeditatio copiosa, non tantum eorum quæ necessarii sunt usus, sed & eorum quæ ad ornatum & splendorem spectant, v. 5.

D O C U M E N T A.

I. Benedicti sunt illi qui fiduciam habent in Jehova, ex v. 1. & 6. Jerem. 17. 7. *Benedictus vir ille qui fiduciam habet in Jehova, & cujus confidentia est Jehova.*

Ratio. Quia Deum habent pro se, si autem Deus pro nobis, quis contra nos ? Rom. 8. 31.

Usus exhortationis, ut ædificemus nosmetipsos in pretiosa ista fiducia, Jud. 20. *Vos autem dilecti sanctissimæ vestræ fidei superstruentes vos ipsos, per spiritum sanctum orantes.*

II. Benedictio ista communicatur fidelibus in isthac vita, per benignam illam curam & providentiam

Dei qua invigilat ipsis in bonum ut
pastor suis ovibus, ex v. 1.

Ratio. Quia fideles sunt tanquam
oves, variis periculis obnoxie, quæ
sibi metipsis prospicere aut consulere
nullo modo possint.

Uusus 1. Exhortationis, Ut fidem no-
stram ædificemus in apprehensione
providentiæ Dei nobis invigilantis.

2. Ut omnem viam nostram devolvamus
in Jehovam, Psalm. 37. 5. *Devolve super Jehovam viam tuam, &
confide in eo; nam ipse efficiet,* 1 Pet.
5. 7. *Omni sollicitudine vestra in eum
conjecta: nam illi cura est de vobis.*

III. Talis est cura & providentia
Dei erga fideles, ut prospiciat ipsis
de omnibus quæ necessaria sunt ad
vitam, ex v. 2. & 3. Psalm. 22. 27.
*Comedent mansueti & saturabuntur;
laudabunt Jehovam quærentes eum.*

Ratio. Quia elegit & vocavit ip-
sos ad vitam.

Uusus Exhortationis, ut in manus
Dei & animas & vitam nostram to-
tam commendemus.

IV. Præstat hoc Deus, cum ducit
fideles per orbitas justitiæ, ex v. 3.

Ratio. Quia & verbo & spiritu
pascit & confirmat eos ut per illas or-
bitas perveniant ad vitam æternam.

Uusus admonitionis, ne vitam aliter
expectemus, nisi ductum & directi-
onem Dei sequentes.

V. Non propter merita hominum
hæc præstat Deus, sed propter no-
men suum, ex v. 3. in fine.

Ratio. Quia nihil est in homine
boni quod non provenit ab ista di-
rectione Dei.

Uusus institutionis, ut omnem glo-
riam salutis nostræ Deo in solidum
tribuamus.

VI. Propter idem nomen suum
& per eandem directionem tutos
conservat fideles cum in maximis
periculis versantur, v. 4. Joh. 10.
28. *Ego vitam æternam do cõs, nec
peribunt in æternum, neque rapiet eas
quisquam è manu mea.*

Ratio. Quia omnem potestatem
habet in cœlo & in terra.

Uusus 1. Informationis, quod fideles
virtutis Dei præsidio custodientur,
ut perseverent ad salutem, 1 Pet. 1. 5.
*Qui virtutis Dei præsidio custodimini
per fidem, ad salutem paratam revelari
præstituto tempore ultimo.* 2. *Con-
solationis,* adversus omne genus ter-
rorum.

VII. Fideles ex benignitate hæc
Dei non tantum accipiunt necessa-
riam sustentationem & conserva-
tionem, sed etiam abundantiam con-
solationis, vers. 5. 1 Pet. 1. 8. *Ex-
ultatis gaudio ineffabili & glorioso.*

Ratio. Quia Deus illis delectatur,
Apoc. 3. 20.

Uusus exhortationis, ut in gratia cre-
scendo, copiosam istam consolatio-
nem quæramus, 2 Pet. 1. 8. 11.

VIII. Tota hæc benignitas Dei
in sanctis ejus institutis nobis ex-
hibetur, v. 6.

Ratio. Quia in illis Deus efficacem
suam præsentiam Ecclesiæ manife-
stat.

Uusus admonitionis, ne (in fraudem
animarum nostrarum) separemus
ista quæ Deus conjunxit.

PSALMUS VIGESIMUS QUARTUS.

*Davidis Psalmus, Jehovæ est terra & quod implet eam, orbis habitabilis, &
habitantes in eo.*

2. Nam ipse super maria fundavit illam, & super flumina stabilivit illam.
3. Quis accensurus est in montem Iehova, & quis staturus in loco sanctitatis eius?
4. Innocens manibus & purus animo; qui non effert ad vanitatem animam suam, neque jurat ad fraudem.
5. Is reportat benedictionem à Iehova, & justitiam à Deo salutis suæ.
6. Hæc est generatio requirentium eum; quærentium faciem tuam, generatio Iabakobi summe quærentium.
7. Attollite portæ capita vestra, & attollite vos ostia seculi; ut ingrediatur rex gloriæ.
8. Quis est iste rex gloriæ? Iehova robustissimus & potentissimus; Iehova potentissimus bellator.
9. Attollite portæ capita vestra, attollite inquam ostia seculi, ut ingrediatur rex gloriæ.
10. Quis est iste rex gloriæ? Iehova excertium; is est rex gloriæ summe.

ANALYSIS.

SCopus huius Psalmi est excitare homines ad Deum ipsis appropinquantem digne recipiendum, quod sub typo templi à Solomone ædificandi & portarum ejus proponitur & concluditur v. 7. & 9.

In istum finem argumenta quædam adferuntur, quæ suadent Deum sic esse recipiendum: & dignus ille modus qui in hoc officio requiritur distincte explicatur.

Argumentum primarium est à maiestate gloriæ recipiendæ, quæ & titulis indicatur, *rex gloriæ*, v. 8. & 10. & dialogismo exornatur v. 7, 8, 9, 10. & probatur etiam v. 1. à dominio & potestate quam habet Deus in totam terram, cujus domini ratio redditur ab efficientiâ Dei in terra fundanda & stabilienda v. 2.

In isthoc autem argumento à maiestate & potestate Dei petito, continetur amplificatio favoris Dei erga Ecclesiam, quod dignatus sit tantæ maiestatis Deus eligere istum cœtum pro populo ac peculio suo, Exod. 19. 5. Deut. 10. 14, 15. ita ut una cum maiestate Dei, singularis etiam

benignitas & dilectio Dei. pro argumento hic proponatur consideranda.

Tertium etiam argumentum obiter additur v. 5. ab effectu, vel fructu illo, qui redundat ex Christo recepto: quod scilicet æternam benedictionem consequentur qui Deum rite recipiunt.

Modum huius receptionis complectitur Psalmista descriptione hominis pii: quæ partim est ab adiunctis, integritate nempe vitæ animi, cogitationum & sermonum v. 4. & partim ab effectis, professione scilicet & studio sanctæ communionis cum Deo colendæ, v. 6. Hic autem modus recipiendi Deum suadetur promissione beatitudinis æternæ v. 3. & 5. ubi talis est reciprocatio inter descriptionem & personas descriptas, ut beatitudo personis addicta impellat ad pietatis curam, & pietatis cura certam & firmam adferat beatitudinis expectationem.

QUESTIONES.

Quæst. 1. Qua ratione prima verba

verba hujus Psalmi accommodantur ab Apostolo, 1 Cor. 10. 26, 28. ad idolotryta edenda & non edenda?

Resp. Quia Deus, cujus omnia sunt, concessit nobis usum omnium ciborum, sed ita tamen ut in eorum usu ratio semper habeatur voluntatis & gloriæ Dei, possumus igitur libere iis uti, ut dicitur v. 26. sed sine scandalo dato, ut adjicitur v. 28.

II. Quid est ascendere in montem Jehovah? v. 3.

Resp. Nihil aliud quam reportare benedictionem à Deo v. 3. Quia ex tabernaculo & templo benedicebat populo Deus, ut per sacerdotes, etiam declaravit, Num. 6. 26.

III. Unde est quod fideles, qui quæruunt faciem Dei & benedictionem assequuntur, vocantur generatio Jacobi? v. 6.

Resp. Quia Jacob singulari modo vidit faciem Dei in Peniele, & singlarem etiam benedictionem accepit Gen. 32. 29, 30.

IV. Quæ nam sunt portæ illæ per quas ingressus dicitur rex gloriæ, v. 7, & 9.

Resp. Sub ratione typi, fuerunt portæ templi, 1 Reg. 8. 6, 11. Re ipsa vero, sunt fidelium corda, Jes. 67. 1. 1. 1 Cor. 3. 16, 17. Apoc. 3. 10.

V. Quare dicuntur ostia seculi?

Resp. I. Quia templum fuit constructum ut esset stata & perpetua habitatio Dei, usque ad adventum Christi, cum tabernaculum antea fuit ambulatorium, & mutabile. 1 Reg. 6. 13. & 9. 3. Psal. 132, 13, 14. 1 Chron. 17. 5. 2. Quia fidelium animæ naturæ sunt æternæ, & communionem æternam habituræ sint cum Deo in gloria.

VI. Quare vocatur Deus, Jehovah exercituum? v. 10.

Resp. I. Quia omnes creaturæ pendent ab ejus imperio vers. 1. 1 Reg. 22. 19. 2. Quia vel per istum exercitum creaturarum, vel sine illo, robustissimus & potentissimus est bellator, v. 8.

VII. Quare retinetur hæc vox Hebraica *Tzebaoth*? Rom. 3. 29. Iac. 5. 4.

Resp. Quia Judæis erat in usu frequenti, & facile potuit ab aliis intelligi, sicut & *haleluja* retinetur Apoc. 19. 1, 3.

DOCUMENTA.

I. Deus exhibet sese iis quæ vocat, ut ipsius præsentia fruantur, ex v. 7. & 9.

Ratio. Quia offert ipsis gratiam & salutem.

Ufus Institutionis, ut magni faciamus vocationem omnem Dei, Heb. 12. 7.

II. Præcipua nostra cura debet esse ut rite nos comparemus ad excipiendum Deum nobis appropinquantem, ex v. 7. & 9. Jes. 55. 6.

Ratio. Quia beatitudo nostra consistit in communione illa quam habemus cum Deo in Christo.

Ufus exhortationis, ut non secure dormitantes expectemus quid Deus efficere velit, sed excitemus nosmet ipsos ad apprehendendum Deum, Jes. 64. 11.

III. Gloriam, majestatem & potentiam Dei in istum finem debemus semper in oculis ferre, ex v. 8. & 10.

Ratio. Quia hæc maxime facit ad terrendos eos qui Deo adversantur, & consolandos & confirmandos eos qui illum recipiunt pro suo Deo.

Ufus increpationis, in terrestrem illam animi dispositionem, quæ ad gloriam hanc Dei contemplandam, non finit nos assurgere.

IV. Gloria

IV. Gloria hæc Dei elucet in creatione, sustentatione, & gubernatione mundi, ex v. 1. & 2.

Ratio. Quia potestatis & dominii immenſi eſt, totum mundum habere a ſe dependentem.

Uſus Inſtitutionis, quod per reli-
giolaſſimam hanc operum Dei contem-
plationem, ad Deum ipſum aſcen-
dere diſcamus.

V. Cognitioni & contemplationi
divinæ gloriæ adſicere debemus
ſerium ſtudium juſtitiae & pietatis,
ex v. 4. & 6.

Ratio. Quia hæc ſunt viæ Dei, in

quibus vult à nobis inveniri; hæc
ſunt diſpoſitiones illæ, quibus animi
noſtri præparantur ad Deum reci-
piendum.

Uſus damnationis, adverſus eos qui
proſtiter ſe Deum quærere, ſed
juſtitiam & pietatem nihil curant.

VI. Omnis benediſſio certo com-
municabitur iis qui hunc in modum
Deum quærunt, ex v. 3. & 5.

Ratio. Quia hoc eſt fœdus Dei.

Uſus Conſolationis, erga omnes
pios, quia ſupra ſenſum & contra
ſenſum poſſint ac debeant iſtam be-
nediſſionem expectare.

PSALMUS VIGESIMUS QUINTUS.

O De Davidis, ad te, Iehova animam meam attollo.

2. Deus mi in te confido, ne erubeſcam: ne exſultent inimici mei de me.

3. Etiam ulli expectantes te, ne erubeſcant: erubeſcant qui perfide
agunt immerito.

4. Vias tuas, Iehova, notas fac mihi; ſemitas tuas doce me.

5. Fac ut incedam per veritatem tuam, & doce me; nam tu es Deus ſalutis
meæ, te expecſto totum diem.

6. Recordare miſerationum tuarum, Iehova, & benignitatum tuarum; eas
à ſeculo eſſe.

7. Peccatorum pueritiæ meæ & deſectionum mearum ne recorderis: pro be-
nignitate tua recordare mei tu, propter bonitatem tuam Iehova:

8. Bonus & reſtus Iehova eſt: idcirco docet peccatores viam:

9. Facit ut incedant manſueti ex jure, & docet manſuetos viam ſuam:

10. Omnes ſemitæ Iehovæ benignitas & fides ſunt, cuſtodientibus fœdus ejus
& teſtimonia ejus.

11. Propter nomen tuum, Iehova, condonabis igitur iniquitatem meam: nam
magna eſt.

12. Qualis futurus eſt vir ille qui reveretur Iehovam, docentem ipſum quam
viam eligit?

13. Anima ejus in bano pernoſtabit, & ſemen ejus hæreditario jure poſſide-
bit terram:

14. Arcanum Iehovæ adest reverentibus ipſum, & fœdus ejus, ut experi-
mento teſtetur eis.

15. Oculi mei jugiter ad Iehovam reſpiciunt; quia ipſe educit è reti pe-
des meos.

16. Reſpice ad me, & gratiam fac mihi; quia ſolitarius & pauper ſum.

17. Oppreſſiones animi mei diſtillant ſe; ab anguſtiis meis deduc me:

18. *Aspice afflictionem meam & laborem meum, & condona omnia peccata mea.*

19. *Aspice inimicos meos, quia potentiores sunt; & odio violento oderunt me.*

20. *Serva animam meam, & eripe me, ne erubescam, quia recipio me ad te.*

21. *Integritas & rectum custodiant me; quia exspecto te.*

22. *Redime, Deus, Israël ab omnibus oppressiōibus ejus.*

A N A L Y S I S.

In Salmi hujus scopus, est petere à

Deo liberationem ex illis angustiis quibus ab inimicis David premebatur, proponitur generaliter v. 2. & v. 16. & specialiter v. 17. & 20.

Argumentum *primum* quo hæc petitio suaderetur, petitur à conditione & administrante causa liberationis impetrandæ, quæ est fiducia & spes viva in Deo collocata, v. 1. & 2.

Secundum argumentum petitur ab eventu vel effecto liberationis hujus vel denegatæ vel concessæ, in quo de gloria Dei agebatur, Davide enim non liberato, exultarent improbi inimici, & pudefierent pii, eo autem in tempore liberato, pudefierent impii, & exultarent pii, v. 2. & 3. 2. Modus hujus liberationis, aut via ad illam ducens v. 4. & 5. ubi petit Propheta ut instrueretur à Deo quomodo se gerere debet in istis angustiis, cui petitioni ratio subjicitur v. 5. quæ petitur ab illa expectatione qua illa Deo totus pendebat. 3. Deprecatur iram illam Dei adversus peccata sua, quæ impedimento esse possint, quo minus directio & liberatio illa concedatur, v. 6, & 7. ubi peccata sua particulariter confitetur, & condonationis eorum spem qua in causa collocatam habet ostendit, id est, in miserationibus, benignitate & bonitate Dei.

Hujus autem spei suæ corrobora-

ntem causam explicat, gratiam Dei Evangelii declaratam erga peccatores humiles resipiscentes, v. 8, 9, 10. ubi & gratia Dei explicatur per suum effectum, docendi scilicet, & dirigendi in via recta, & resipiscentia per suum conatum, scilicet custodiendi fœdus Dei.

Ex istis autem conjunctim ad semetipsum accommodatis, cum certa fiducia petit & concludit gratiam in suis maximis peccatis condonandis, v. 11. tum postea ad suam & aliorum consolationem, eandem illam gratiam Dei erga resipiscentes illustrat, & dialogitice exornat, ab inductione vel enumeratione beneficiorum Dei in tales homines collatorum: directionis nempe v. 12. copiosæ suppeditationis eorum quæ spectant ad felicitatem, v. 13. & interioris admissionis ad arcanam Dei gratiam experiendo participandam, v. 14.

His autem ad fiduciam confirmandam præmissis, petitionem suam de liberatione repetit & urget Propheta. 1. A fiducia sua, (ut antea in initio Psalmi) v. 15. 2. A gravitate angustiarum, in quibus omni ope humana destitutus versabatur, v. 16, 17, & 18. 3. A potentia & crudelitate hostium, v. 19. 4. Ab innocentia & sinceritate sua, vers. 21. 5. A relatione quam habuit ad Ecclesiam, gratiosæ liberationis Dei proprium

prium subjectum, quæ relatio fuit partis non infimæ ad totum, cujus foelicitas aliquo modo ab istius partis conditione pendeat.

QUESTIONES.

I. Quare in initio versiculorum huius Psalmi observatur ordo alphabeti Hebraici?

Resp. Ut propter singularem quandam excellentiam & usum quem habet, facilius possit memoriæ mandari, eadem est ratio, Psal. 34, 37, 111, 112, 119, & 145.

II. Quid est attollere animam?

v. 1.

Resp. Attollere animam, aliquando est superbire, ut Psalm. 131. 1. aliquando est audere, ut 2 Chron. 17. 6. ubi tamen alia est vox Hebraica quam hic, videlicet **אָנָה**. sed cum objecto appposito, attollere animam ad hoc vel illud, significat ardens desiderium & spem, Deut. 24. 15. Psalm. 86. 5. Jer. 22. 27. & 44. 14. sic hoc in loco, ut apparet ex v. 2, 3, 15. 20, & 21. Eadem est ratio in illa phrasi de attollendis oculis, ut Psalm. 123. 1, cum Psalm. 132. 1, 2.

III. Quænam est ratio illius phræseos, *ne erubescam, ne crubeant?* v. 2. & 3.

Resp. Ex eo derivatur, quod cum spes valida, de qua quis etiam gloratus est, subito evanescit, tum naturaliter pudore quodam afficitur ille qui superaverat, tanquam sibi conscius turpis cuiusdam stultitiæ aut temeritatis, in tali spe concipienda, Job 6. 20. Jer. 14. 13.

IV. Quid intelligitur per vias, & semitas Dei? v. 4.

Resp. Viæ Dei aliquando notant vias illas in quibus Deus incedit erga

homines, ut v. 10. sed hic significantur illæ viæ quibus homines incedere debent erga Deum, secundum voluntatem ejus revelatam, Jes. 2. 3. ut apparet ex v. 5. ubi etiam per veritatem Dei intelligitur non fidelitas Dei, sed verum illud verbum, quo via hæc nobis demonstratur, ut Joh. 17. 27. 3 Joh. 3.

V. Qualis est ratio illa, *condonabis iniquitatem meam, nam magna est?*

Resp. Non est proprie ratio quare condonaretur, sed quare tam instantè petebat condonationem, posita tamen resipiscentia, aliquam vim rationis habet quare condonaretur, quia gloria gratiæ ac misericordiæ Dei eo magis manifestatur, Rom. 5. 20.

DOCUMENTA.

I. Vera & viva fiducia in Deum, certum est & unicū fundamētum veræ consolationis, ex v. 1. & 2. Hebr. 6. 16.

Ratio 1. Quia per fiduciam Deum apprehendimus ut Deum nostrum, v. 2. 2. Quia identibus in Deum omnis benedictio premititur, Jer. 7. 7. 3. Quia per fiduciam cum omni certitudine acquiescit animus in Deo & ejus promissionibus, Psalm. 37. 5. & 7.

Uusus exhortationis, ut præcipue studeamus fiduciam istam in nobismetipsis firmam retinere, Heb. 3. 6.

II. Ad fiduciam istam acquirendam & confirmandam, requiritur magnus conatus in elevatione cordis erga Deum, v. 1.

Ratio. Quia gravia habemus corda, & vel in terram vel in desperationem vergentia, id est, animi nostri premuntur incredulitate, cui ut resistamus omnis opera est navanda.

Uſus admonitionis, ne ſecure indormiamus præſumptioni vanæ quæ ſine luſta retinetur, & ſui ſimilis manet.

III. Fiducia vera in Deum nunquam pudeſcit, ex v. 2. & 3. Ro. 5. 5.

Ratio. Quia recte dirigitur, & finem ſuum aſſequitur: ipſe autem cum perficitur, vertitur in gaudium, Prov. 10. 28.

Uſus 1. Conſolationis, erga omnes fideles. 2. *Exhortationis*, ut majore cum alacritate ſtudeamus fiduciam noſtram confirmare.

IV. Impiorum omnium fiducia definit in pudore & confuſione, ex v. 3. Prov. 10. 24, 28. & 11. 23.

Ratio. Quia cum ſpes eorum male collocatur, neceſſe eſt ut vana & irrita tandem appareat: talis autem exitus ipei aut fiduciæ & arguit eos ſtultitiæ, & relinquit in miſeria.

Uſus admonitionis, ne ulla ſpe aut fiducia nitamur unquã, quæ cum impietate & iniuſtitia conſiſtere poteſt.

V. Vera fiducia in Deum, non ſalutem tantum, ſed & directionem vitæ à Deo quærit, ex v. 4. & 5. Pſalm. 32. 7. & 8.

Ratio 1. Quia non finem tantum, ſed & media ad finem expectat à Deo. 2. Quia non minima pars eſt ſalutis & beatitudinis noſtræ, ut dirigamur à Deo in via recta, v. 5. 3. Quia ille qui confidit in Deo, non de ſua tantum ſalute ſollicitus eſt, ſed etiam de gloria Dei.

Uſus admonitionis, ne iſta duo unquam ſeparemus, ut mos eſt vulgi.

VI. Neque ſalutem, neque directionem vitæ à Deo poſſumus expectare, niſi peccatis noſtris condonatis, ex v. 7. Jer. 31, 32. Heb. 8.

Ratio 1. Quia peccata ſunt quali paries interjectus inter nos & Deum Jer. 59. 2. 2. Quia ſalutem & di-

rectionem non promiſit Deus, niſi reconciliatis.

Uſus admonitionis, ne in Deo quærendo prætervolemus peccata noſtra: ſed imprimis curemus in illa è medio tollantur.

VII. Unica ratio qua Deus condonat hominum peccata, eſt propria ipſius miſericordia, ex v. 6, 7. & 11. Pſalm. 51. 3. & 103. 4. 8. 11.

Ratio. Quia cum peccatis noſtris Deus offenditur, offenſam illam nihil poteſt amovere, niſi gratia & miſericordia ipſius.

Uſus institutionis, ut ad miſericordiam Dei in Chriſto toti confugiamus, nullam fiduciam in nobiſmet- ipſis collocantes.

VIII. Ut miſericordiæ & condonationis compotes ſiamus, peccata noſtra tam vetera quam recentia ſunt humiliter coram Deo conſitenda, ex v. 7. Pſalm. 32. 3, 5. Prov. 28. 13. Job 13. 26.

Ratio 1. Quia reſipiſcentia eſt neceſſaria: confeſſio autem humilis eſt reſipiſcentiæ explicatio. 2. Quia ſine hac humili confeſſione non tribuitur Deo gloria juſta miſericordiæ ſuæ, in peccatis condonandis.

Uſus admonitionis, ne in tranſcurſu, & perfunctorie conſiteamur peccata noſtra, ſed eadem cura, qua cupimus illa nobis remitti.

IX. Ex benignitate Dei erga peccatores humiles, omnes humiliter ſua peccata conſitentes, cum reſipiſcentia vera poſſint certo concludere ſua peccata eſſe condonata, ex v. 8. 9, 10, 11.

Ratio. Quia hoc eſt immutabile Dei ſœdus, Pſalm. 103. 17, 18.

Uſus conſolationis, erga omnes vere poenitentes.

X. Reſipiſcentes, una cum remiſſione

missione suorum peccatorum, consequuntur etiam singularem experientiam felicitatis illius quæ fuit ex communione cum Deo, ex v. 12, 13, 14.

Ratio. Quia sunt domestici Dei, & vasa misericordiae & benignitatis ejus.

Ufus exhortationis. ut hujus veritatis pia & frequenti contemplatione, ædificemus nosmetipsos in fide & reliquâ sententia.

XI. Ex meditatione & apprehensione misericordiae Dei in communi, augetur fiducia de particulâ beneficiis consequendis, v. 15. ubi idem dicitur quod v. 1. sed cum majori confidentia, ut apparet in voce *jugiter*, & ratione etiam addita, quasi re optata jam præstita, *quia ipse educit è recti pedes meos.* Hæc autem fiduciae corroboratio ex præcedente meditatione effloriscit.

Rat. Quia cum misericordia Dei sit unica causa nostræ salutis, quo magis eam meditando apprehendimus, eo magis in cordibus nostris crescit fiducia omnis boni consequendi.

Ufus directionis, ut in fiduciae deliquio, aut imbecillitate, animos nostros figamus in contemplatione misericordiae & benignitatis Dei.

XII. Neque mediorum nobis fauentium defectu, neque malorum abundantia cedere debemus, sed eo magis fiduciam nostram in Deum erigere & exercere, v. 17, 18.

Ratio. Quia ista non aliò à Deo diriguntur, quam ad fiduciam nostram explorandam, Jac. 1. 3. 1 Pet. 1. 7.

Ufus admonitionis, ne pendeamus unquam ab externis rebus, sed fide, non sensu vivamus.

XIII. Quo majores sunt angustiae nostræ, eo propior est salus Dei, v. 18.

Ratio. Quia cum tentatio pervenit ad ultimum nostri posse tum saltem Deus promittit se exitum daturum, 1 Cor. 10. 13.

Ufus consolationis, erga fideles in gravissimis afflictionibus: quoniam ex ipsa gravitate earum aliqua spes exoritur.

XIV. Ipsa crudelitas & furor hostium nostrorum spem nostram confirmare debet, v. 19.

Ratio. Quia non tantum misericordia Dei erga nos, sed & justitia ejus adversus hostes nititur spes nostræ salutis, Deut 9. 5.

Ufus admonitionis, ne turbemur nimis animis propter improborum hominum furorem.

XV. Præcipue tamen ad confirmandos animos valet ipsa fidei & causæ integritas, v. 20, 21.

Ratio. Quia hæc sinceritas & promissionem Dei habet, & nos idoneos reddit ad quamlibet Dei gratiam participandam.

Ufus admonitionis, ut ad istam imprimis attendamus.

XVI. Quo magis conjuncta est nostra salus cum Ecclesiæ bono, eo est certior, vers. ult.

Ratio. Quia Ecclesia est maximæ curæ Deo.

Ufus admonitionis, ut animi saltem voto studeamus semper Ecclesiæ ædificationi.

PSALMUS VIGESIMUSSEXTUS.

O De Davidis, Judicem meum age Jehova, quoniam ego in integritate mea ambulo; & Jehova confido, me non vacillaturum.

2. Proba me Jehova & tenta me; examina renes meos & animum meum:
3. Nam benignitas tua coram oculis meis est, & indefinenter ambulo in veritate tua:
4. Non sedeo cum hominibus vanis, & cum improbis non convenio:
5. Odi congregationem maleficorum, & cum improbis non sedeo.
6. Lavo in innocentia manus meas, & circumdabo altare tuum, Jehova.
7. Personando vocem gratiarum actionis, & enarrando omnia mirabilia tua.
8. Jehova, diligo habitaculum domus tue; & locum, tabernaculum gloriæ tuæ.
- 9 Ne aggredes penes peccatores animam meam, & penes viros sanguinarios vitam meam:
10. Quorum in manibus scelus, quorum dextra plena est corruptionis muneribus.
11. At ego in integritate mea ambulo: redime me, & gratiam fac mihi.
12. Pedes meos consistente in plano, in congregationibus benedicam Jehova.

A N A L Y S I S.

S C O P U S Prophetæ in isthoc Psalmo est, petere vindicationem nominis, & vitæ suæ, ab hostium suorum impugnatione. Hæc petitio metaphoricè explicatur v. 1. quoad modum vindicationis. v. 9. & 12. quoad rem ipsam: & v. 11. quoad ejus causam, gratiam scilicet & misericordiam Dei.

Argumentum Primum & principale, quo hæc petitio suaderetur, petitur a causa duplici huic vindicationi aut liberationi administranti, innocentia scilicet & fiducia sua v. 1, & 11.

Innocentiam suam 1. declarat testimonio & judicio ipsius Dei. v. 2. ubi etiam & conscientie suæ testimonium inquit, quæ ad Deum provocare non verebatur: & hostium suorum testimonio elevat, dum opponit ipsis testimonium Dei. 2. Innocentiam & integritatē suam pluribus illustrat. 1. Ab efficiente ejus causæ, quæ fuit contemplatio bonitatis

Dei. v. 3. 2. Ab inductione partium hujus integritatis, quæ sunt justitia erga homines, & religio erga Deum.

Justitia ejus erga homines declaratur v. 4, & 5. Per oppositionem quam habuit ad homines improbos: ubi averlutionis hujus duo gradus notantur, Declinatio societatis & Odium.

Inductionis pars altera, pietas erga Deum declaratur. 1. Per effectum ejus, sedulitatem nempe in Dei cultu celebrando v. 6. in fine: quæ illustratur & adjuncto suo modo ad causam præsentem intime spectante, innocentia scil. & integritate conscientie. v. 6. in principio, & fine, a petitione liberationis quam urget, non alieno, grata nempe celebratione magnorum operum Dei. 2. Eadem pietas declaratur per causam illius effecti, quæ pars est essentiae religionis, dilectionem scilicet Dei & institutorum ejus, v. 8.

Secundum

Secundum argumentum, quo petitio suadetur, petitur à contraria nocentia & improbitate suorum hostium, v. 9. & 10. quæ & absolute considerata exigit vindictam, & cum innocentia Davidis per dissimilitudinem collata, ipsius vindicationem suadet à talium hominum oppressione.

Tertium argumentum petitur ab effectu liberationem consecuturo, celebratione scilicet nominis Dei v. 12.

Q U Æ S T I O N E S.

I. Quare petit David à Deo, ut velit eum judicare? v. 1.

Resp. 1. Quia provocare voluit à iudiciis hominum iniquorum ad justum iudicium Dei. 1 Cor. 4. 3. 4. 5. 2. Quia Dei ut iudicis totius orbis est exercere jus. Gen. 18, 25. atque adeo vindicare innocentem ab oppressione improborum.

II. Quare postulat ut renes sui examinentur? v. 2.

Resp. Quia renes metaphorice notant quicquid in corde est reconditum & abstrusum.

III. Quare improbi vocantur vani & dissimulati? v. 4.

Resp. Vani dicuntur, partim quia vacui sunt metu Dei: partim quia dediti sunt consiliis illis, ex quibus nullum solidum fructum unquam consequuntur. Job 11, 11. Rom. 6, 21. Dicuntur autem dissimulati, quia vanas illas & improbas machinationes simulandi & dissimulandi artificio regunt.

IV. Quid est cum istiusmodi hominibus sedere? ibid.

Resp. Societatem cum ipsis colere in consiliis capiendis, & actionibus obeundis. Jer. 15. 17.

V. Quid est circumire altare? v. 6.

Resp. Cultum præscriptum diligenter & alacriter celebrare. Populo enim non licebat attingere altare, sed spatio quodam interposito contemplari, quæ ibi agebantur: qui autem maximo cum zelo hoc agebant, ut possent omnia quæ ibi fiebant diligentius observare, non stabant ab una parte, sed circumcirca movebant sese ut suis oculis eo plenius usurparent illa quibus tantopere afficiebantur: simile quid significatur cum eo quod David fecit in deportatione Arcæ. 2 Sam. 6. 14.

VI. Quorsum mentionem facit lavationis manuum? ibid.

Resp. Quia hoc fuit cæremoniale institutum, quoad sacerdotes. Ex. 40. 32. & significabat puritatem illam conscientiæ bonæ, quæ ab omnibus requiritur ad Deum rite colendum. 1 Tim. 2. 8.

D O C U M E N T A.

I. Vera fides ac fiducia avertit animos piorum cum immerito ab hominibus vexantur, ab hominum iniustitia, ad justum iudicium Dei. ex v. 1. 1 Sam. 24, 16.

Ratio 1. Quia Deus est iudex & vindex oppressorum. Psalm. 43. 1. & 146. 7. 2. Quia nulla quies est animæ, usque dum attoliarur supra omnes perturbationes huius mundi, ad tribunal illud, ubi iustitia stabilis est & firma.

3. Quia fiducia sua natura omnem salutem, atque adeo omne iudicii auxilium à Deo expectat.

Ufus 1. *Admonitionis*, ne nimis vexemus nosmetipsos iniustis hominum iudiciis. 2. *Directionis*, ut ad istam vexationem vitandam, fiduciam nostram de iusto iudicio Dei, sedulo confirmemus, & excitemus.

II. Ad

II. Ad consolationem habendam in expectatione iudicii Dei, necessaria est integritas vitæ, v. 1.

Ratio 1. Quia Deus in iudicio suo non favet improbis. Psal. 1. 5. & 5. 5, 6. 2. Quia ipsa fiducia non potest consistere sine integritate. Pro. 10. 9. 3. Quia promissio defensionis & vindicationis data est integritati. Gen. 15. 1. & 17. 1. Psal. 7. 9.

Ufus 1. *Condemnationis*, adversus eos, qui liberationem quærent, sed integritatem nihil curant. 2. *Exhortationis*, ut vitæ integritati eadem cura studeamus, qua consolationem & liberationem desideramus.

III. Integritas alia non sufficit, nisi talis sit, ut Dei ipsius examen possit ferre, ex v. 2. Iob 31. 6.

Ratio 1. Quia Deus simul est Iudex causæ & integritatis nostræ. 2. Quia conscientia ipsa iudicat secundum iudicium Dei: atque adeo non potest esse bona & læta, nisi ex sententia ipsius Dei.

Ufus 1. *Condemnationis*, adversus eos, qui hominum iudicia tantum spectant; atque adeo quiescunt in externa specie integritatis. Mat. 6. 1. & 23. 25. 2. *Admonitionis*, ut studeamus conscientiam inoffensam habere & apud homines, & etiam apud Deum. Actor. 24. 16.

VI. Benignitatis Dei religiosa contemplatio est efficax causa integritatis vitæ, ex v. 3.

Ratio 1. Quia est causa impellens ad studium integritatis. Rom. 12. 1. 2 Cor. 5. 14. 2. Quia est causa retinens ab iis consiliis, quæ integritati adversantur. Psal. 37. 1. Psal. 37. 37.

Ufus 1. *Refutationis*, adversus eos, qui dicunt certam apprehensionem gratiæ & misericordiæ Dei causam esse securitatis carnalis. 2. *Condem-*

nationis, adversus eos, qui ex benignitate Dei occasionem capiunt indulgendi peccatis. 3. *Exhortationis*, ut assidue meditemur de benignitate & misericordia Dei, idque eo modo, ut inde proficiamus in omni integritate.

V. Benignitas ista Dei tum demum est efficax in nobis ad integritatis curam, si declinare nos faciat societatem improborum. v. 4.

Ratio. Quia vocat nos ab omni communione cum regno tenebrarum.

Ufus Condemnationis adversus eos, qui cum Loti uxore, non possunt deferere Sodomam.

VI. Hæc declinatio procedere debet ab odio improbitatis, v. 5.

Ratio. Quia declinatio aut averfatio mali, si integro & toto corde exerceatur, in ejus odio consistit.

Ufus Admonitionis, ne satis habeamus iracundi aliquando vitiis, aut litigium cum iis habere: sed persequamur illa vero odio, usque ad integrum divortium.

VII. Cum averfatione mali coniungendum est studium pietatis & cultus divini, v. 6.

Ratio. Quia non vocamur tantum à malo, sed etiam ad bonum, & præcipue ad communionem cum Deo quærendam.

Ufus Condemnationis, adversus eos, qui cultum Dei negligunt, & *Exhortationis* ad zelum ejus.

VIII. In cultu Dei obeundo, cura habenda est modi, ut fiat ex corde puro: & finis, ut Deo honorem debitum deferamus, v. 6, 7.

Ratio. Quia animus colentis in istis maxime apparet. Deus autem non tam opus operatum exigit quam cor operantis.

Ufus admonitionis, ne in externo opere cultus unquam acquiescamus.

IX. Hæc omnia provenire debent ex dilectione, v. 8.

Ratio. Quia sicut declinatio ma-

li consistit in odio, sic persecutio boni in amore.

Ufus exhortationis, ut istum amorem in cordibus nostris magis magisque accendere studeamus.

PSALMUS VIGESIMUS SEPTIMUS.

O De Davidis. Iehova lux mea & salus mea est, à quo timerem? Iehova robur vitæ meæ est, à quo expavescerem?

2. Belligerantibus contra me maleficis ad exedendum carnem meam, hostibus meis & inimicis meis in me; ipsi corrumpunt & concidunt.

3. Si metarentur contra me castra; non timeret animus meus: si inurgeret contra me bellum, hæc ego securus essem.

4. Unum petii à Iehova, id ipsum requiro; ut confideam in domo Iehovæ & omnibus diebus vitæ meæ, ad videndum amœnitatem Iehovæ, & inquirendum in templo ejus.

5. Nam abscondit me in tugurio suo, tempore adversitatis; abdit me in abditio tentorii sui, in rupem attollit me:

6. Jam vero extollitur caput meum supra inimicos meos, circumstantes me: ut sacrificem in tentorio ejus sacrificia clangoris, canam & psallam Iehovæ.

7. Audi Iehova me voce mea clamantem: gratiamque fac mihi, & exaudi me.

8. Tuum illud, requirite faciem meam, cogitat animus meus: faciem tuam, Iehova, requiro.

9. Ne abscondas faciem tuam à me, ne avertas in ira servum tuum: auxilium meum fuisti, ne deferas me, neque derelinquas me, Deus salutis meæ.

10. Nam pater meus & mater mea derelinquunt me, sed Iehova recipiet me.

11. Doce me, Iehova, viam tuam, & deduc me per semitam planam propter observantes me.

12. Ne tradas me desiderio hostium meorum: nam consistunt contra me testes mendaces, & qui spirant violentiam:

13. Abrepturi me, nisi crederem me fruiturum bonitate Iehovæ in terra viventium.

14. Expecta Iehovam; confirmare, & fortificabit animum tuum: itaque expecta Iehovam.

ANALYSIS.

SCOPUS Davidis in hoc Psalmo Dei adversus hostium violentiam. Proponitur generaliter verf. 7. illustratur

illustratur per contrariæ desertionis deprecationem v. 9. modus ejus declaratur v. 11. & illustratur per contrariæ desertionis effectum. v. 12.

Hujus petitionis proponitur primo suasio apud Deum tredecim primis versiculis, & tum postea ejus imitatio omnibus fidelibus commendatur. v. 14.

Suasionis argumentum *Primum* petitur ab ejus ministrante causa, fiducia scil. in Deo collocata. v. 1. 2. & 3. quæ illustratur. 1. Per negationem oppositi timoris, *à quo time-rem?* 2. A formali suo objecto, *Deus est lux, salus, robur.* 3. Ab experientie suæ testimonio. v. 2. in qua exemplum & instantia continetur fiduciam illam confirmans. 4. A comparatione majorum fictorum aut suppositorum, v. 3.

Secundum argumentum petitur ab alia causa ministrante, ex priore pendente oratione scil. qua Deo cum fiducia supplicabat pro ejus gratia, v. 4, 5, 6. ubi oratio ista declaratur, 1. Ab ejus præcipuo argumento, vel materia subjecta, *ut habitem in domo Iehovæ &c.* 2. Ab ejus adjuncta vehementia & constantia: *unum petij: idipsum requiro.* 3. Ab ejus impellente causa secundaria, experientia nempe bonitatis Dei communicata, v. 5. & certitudine ejusdem ad perfectionem usque communicandæ, v. 6. 4. Ab ejus impellente causa primaria, mandato scil. Dei de ipsius ope imploranda in rebus adversis. v. 8.

Tertium argumentum petitur ab adjuncta sua orbitate, & destitutione. v. 10. quæ Dei singulare auxilium, ut singulariter necessarium, arguebat.

Quartum argumentum petitur ab insidiis, fraudibus, & violentia ho-

stium. v. 11. & 12. in fine, quibus etiam necessitas opitulationis divinæ arguitur. Hæc autem amplificantur simul & mitigantur, per oppositionem fiduciæ de bonitate Dei conceptæ. v. 13. quia tantum terrorem & discrimen afferbant, ut hac sola fiducia potuerint superari.

Hinc exhortatio sequitur quasi usus ex omnibus antecedentibus deductus. qua David & semetipsum & alios excitat ad fiduciam similem in Deo collocandam. v. 14. quæ ab effecto suo suadetur.

DOCUMENTA.

I. Fidei natura & fideles hominis officium est & præmunire & confirmare sese adversus omnes oppositos terrores. ex v. 1. *à quo time-rem? à quo expavescerem?*

Ratio. 1. Quia fides vel fiducia dum optatum bonum certo apprehendit, timorem mali excludit & tollit. 2. Quia luctatur semper adversus infidelitatem, quæ timorem & anxietatem parit. 3. Quia in ista lucta superior evadit fides & est victoria fidelium. 1 Joh. 5. 4.

Usus 1. *Refutationis*, ad vanam eorum fidem arguendam, qui nullos, unquam timores & terrores sentiunt, adversus quos luctentur.

2. *Admonitionis*, ut præmuniamus nosmetipsos vera fide adversus omne genus terrorum.

II. Unica ratio fiduciæ nostræ confirmandæ adversus terrores oppressuros, est intuendo apprehendere omni-sufficientiam Dei pro nobis facientis, ex v. 1. *Iehovæ est lux mea, salus mea, robur vitæ meæ.*

Ratio 1. Quia timor non tollitur, nisi plus virium nobiscum esse videamus, quam contra nos, 2 Reg. 6. 16. hoc autem tum demum perci-

percipitur, cum Deus apprehenditur nobiscum esse, Rom. 1. 31. 2. Quia Deus sub hac ratione est fidei ac fiducia nostræ objectum: atque adeo quo magis apprehenditur ut talis, eo firmitior est fides nostra.

Ufus 1. admonitionis, ut à nobismet ipsis, & à toto mundo oculos nostros avertentes, Deum semper statuamus nobis à dextra. 2. *Consolationis*, erga omnes fideles, quod Deum habent sibi in omni periculo sufficientem.

III. Experientia illa quam Deus nobis dedit suæ gratiæ, in periculis præteritis, confirmare nos debet adversus metum furorum, 1 Sam. 17. 37.

Ratio 1. Constantia Dei, Jes. 50. 2. & 51. 9, 10. 2. Testimonii vis quæ in illa experientia continetur, 2 Tim. 4. 17, 18. 3. Gratitude, quam Deo debemus pro liberatione accepta, quæ postulat ut nomen ejus sanctificemus intrepidam fiduciam in eo figentes, 1 Pet. 3. 14, 15.

Ufus admonitionis, ne oblivioni tradamus quidquam eorum quæ Deus pro nobis fecit.

IV. In Deo confirmare nosmet ipsos debemus non tantum adversus illa pericula quæ videmus nobis imminere, sed etiam adversus majora, quæcunque scilicet nobis accidere possint, ex v. 3. Psalm. 23. 4. & 46. 3, 4.

Ratio 1. Quia pericula illa si ex inopinato nos occuparent, de quibus nunquam cogitavimus, magis multo premerent, quam si præmunitos aggrediantur. 2. Quia si fides valeat adversus majora, facilius valebit adversus minora. 3. Quia hæc est gloria fidei & Dei fide apprehensi, quod adversus maxima mala sufficiat, Rom. 8. in fine.

Ufus directionis, quomodo præfulcire animos nostros debemus meditationibus spiritualibus, adversus omne genus tentationum, ne ab iis præoccupemur.

Quæst. An licitum & consultum sit imaginatione, vel cogitatione repræsentare nobismet ipsis hujusmodi typotheses, quæ fidem aut obedientiam nostram possint labefactare?

Resp. 1. Duplex est ratio conditionalium istiusmodi cogitationum, vel incipimus à fide & firmo animi proposito ad officium prosequendum, ut ejus vi ad superandas omnes difficultates nos præparemus: vel incipimus difficultatum apprehensione, ut earum vi fidem & propositum nostrum exploremus. Priore ordine recte possumus præmunire nosmet ipsos adversus tentationes: sed si alteram ratione sequamur, hoc nihil aliud est, quam nosmet ipsos tentare. 2. Alia est ratio illecebrarum, & alia terriorum. Illecebræ ad peccatum inducentes vix possunt animo distincte repræsentari, quæ tales sunt, sine iniquatione: sed terrores dum absunt non adeo solent afficere, tutius est igitur terribilia nobismet ipsis cogitando objicere, quam inescantia. Consultius est, ut quis imagineretur sibi tentationem Petri, quam Iosephi. 3. Differentia est in tempore, secundum dispositionem illam quam in nobismet ipsis sentimus, si enim langueat fides, & animi alacritas non adsit, non est adeo consultum istiusmodi cogitationibus indulgere: si vero fides & gratia sit in vigore suo, tum cum fructu possumus quasi laceßere pericula & terrores adversos.

V. Ubi per veram fiduciam recumbit animus in Deum, hoc invocatione

Dei declaratur, v. 4. cum antecedenti.

Ratio 1. Quia invocatio est actus fiducia, Rom. 10. 14. 2. Quia medium etiam est consequendi illa quæ per fiduciam apprehenduntur & expectantur, Ro. 10. 13, 14. 3. Quia fiduciam ipsam alit ac fovet oratio pia, in textu.

Ufus 1. *Redargutionis*, adversus eos qui fiduciam jactant, & invocationem interim negligunt. 2. *Exhortationis*, ut magis magisque applicemus animos ad Deum tam privatim quam publice invocandum.

VI. Præcipuum argumentum invocationis nostræ debet in iis versari, quæ pertinent ad animarum nostrarum salutem, ibidem, ut *consideam in domo Iehovæ*.

Ratio 1. Quia hæc sunt maxime bona, & maximè nobis necessaria. 2. Quia sunt maxime propria fiducia nostræ objecta. 3. Quia ex istis omnia alia pendent, Matth. 6. 33. 4. Quia in istis petendis, honor in solidum magis tribuitur Deo, quam cum illa quærentur quæ sunt huius vitæ.

Ufus 1. *Redargutionis*, adversus terrestria hominum desideria. 2. *Exhortationis*, ut operemur cibo qui non perit, Ioh. 6. 27.

VII. Vehementia & constantia requiritur in ista petitione, *unum petii, id ipsum requiro*.

Ratio 1. Quia sinceritas interni affectus istis elucet. 2. Quia efficacia precum ex istis aliquo modo dependet, Jac. 5. 16, 17. Luc. 11. 8, 9. 3. Quia dignitas rerum spiritualium hoc requirit.

Ufus admonitionis, ut caveamus nobis à tepiditate, & languore.

VIII. Experientia bonitatis Dei rite perceptæ accendit animum ad

huiusmodi preces effundendas coram Deo, ex v. 5.

Rat. 1. Quia gustus bonitatis excitat ei appetitum, 1 Pet. 2. 3. 2. Quia experientia parit spem, Rom. 5. 4. 3. Quia gratitudo erga Deum, pro bonitate communicata, postulat ut magni eam faciamus, & magno affectu ampliorem ejus communicationem quæramus.

Ufus 1. *Increpationis*, adversus oscitantiam & negligentiam nostram, qua sæpe fit ut experientia nostra nihil nobis prosit. 2. *Exhortationis*, ut istum in modum superædificemus nosmetipsos in religione.

IX. Invocationis perfectio, est certitudo, quod petitur, impetrandi, ex v. 6. Psalm. 6. 10.

Ratio 1. Quia hæc est perfectio fiducia, Rom. 4. 20, 21. 2. Quia proprius & proximus finis est petitionis, 1 Joh. 5. 14, 15. 3. Quia orationem ipsam perficit, 2 Sam. 7. 27.

Ufus 1. *Refutationis*, adversus eos qui certitudinem salutis, præsumptionem noxiam esse contendunt. 2. *Exhortationis*, ut ad istam perfectionem, quantum fieri possit, aspiremus.

X. Certitudo illa gratiæ est à Deo, quæ reddit homines ad omnia officia pietatis promptiores, ibid. ut *sacrificem*, 2 Cor. 7. 1. Heb. 12. 28. 1 Joh. 3. 3.

Rat. 1. Quia Spiritus & gratia Dei semper ducit ad Deum. Quod Deum habet pro principio, Deum etiam habet pro fine. 2. Quia charitas illa Dei cum diffunditur in corde, constringit hominem ut ejus gloriæ se totum addicat, 2 Cor. 5. 14. Gal. 2. 20. 3. Quia certitudo ipsa non potest consistere, sine hac animi dispositione, 1 Joh. 3. 10.

Ufus 1. *Refutationis & damnationis*, adversus

adversus eos, qui certitudinem quandam gratiæ præ se ferunt, & occasionem inde arripiunt carnalis securitatis, Gal. 5. 13. Rom. 6. 1. 15. 2. *Admonitionis*, ut caveamus nobis ab omni suggestione, quæ certitudinem aliquo modo detorqueret ad curam officii ulla ex parte imminuendam. 3. *Exhortationis*, ut exerceamus nos ad istum stimulum in virtute ejus recipiendum, æqualiter studentes certitudini gratiæ, & curæ pietatis.

XI. Mandatum Dei, cum promissione annexa, fundamentum est certitudinis illius quæ acquiritur invocatione Dei, ex v. 8.

Ratio 1. Quia in illis consistit fœdus Dei. 2. Quia orationes nostræ dignitatem nullam habent in sese. 3. Quia vis impetrandi, quam habet oratio, pendet ex illis.

Uſus directionis, ut ante preces, & inter precandum, & postea etiam serio cogitemus de mandato & promissione Dei, ad animi omnimodam confirmationem.

XII. Cum summa certitudine gratiæ Dei, optime consistit & consentit deprecatio iræ & desertionis Dei, v. 9. cum antecedenti.

Ratio 1. Quia certitudo illa non tollit conscientiam peccati abjectionem merentis, sed consolationis rationem ostendit per hujusmodi deprecationem à conscientia percipiendam & applicandam. 2. Quia precatio gratiæ certo apprehensæ per istiusmodi deprecationem iræ perficitur. 3. Quia est ultio quædam iræ quæ sæpe urget peccatores, etiam cum Deus ipsorum est misertus, Ps. 99. 8.

Uſus admonitionis, ne unquam ita securi simus de irâ Dei, quin diligenter eam cum omni humiliatione deprecemur.

XIII. Destitutio illa, quam ab hominibus patiuntur fideles, non arguit eos deserti à Deo: sed eo magis facit eos satagere, ut à Deo recipiantur, v. 10. Psalm. 25. v. 16.

Ratio 1. Quia Dei viæ non sunt ut viæ hominum, Jcf. 55. 8. 2. Quia in istiusmodi orbitate, auxilium Dei magis necessarium apparet. 3. Quia in extremis periculis solet Deus suam potentiam manifestare, Jcf. 59. 16. Psal. 119. 126. & 102. 14.

Uſus consolationis, adversus hominum perfidiam.

XIV. Deus non deserit suos, dum eos docet ac ducit, ex v. 11.

Ratio 1. Quia institutio & ductus Dei, est certum signum & effectum gratiæ Dei, Psalm. 25. 8, 9. 2. Quia tecum etiam trahit salutem & gloriam tanquam suum finem, Psalm. 73. 24. 3. Quia interea temporis consolationem suppeditat adversus omnia mala, Psalm. 23. 4.

Uſus directionis, ut primo & præcipue hanc institutionem & ductum Dei quæramus, Psal. 5. 9. & 25. 4, 5. &c. & 86. 11.

XV. Infidiæ, fraudes, & violentiæ improborum optime superantur per observantiam viæ Dei, & fiduciam in eo collocatam, v. 12, 13.

Ratio. Quia hæc sola ratione in Domino superantur.

Uſus admonitionis, ne vinci nos sinamus à malo, sed hac ratione malum vincamus bono.

XVI. Ad istam fiduciam stabilendam, necessaria est frequens excitatio animi, sæpius inculcata.

Ratio. Quia magna est hujus rei difficultas: & magna tarditas animi mortui nostrorum.

Ufus exhortationis, ut imitemur | metipfos, quam alios, Psalm. 42. 12, Davidem in ista cura, tam erga nos- & 43. 5.

PSALMUS VIGESIMUS OCTAVUS.

O De Davidis. Te, Iehova, inclamo, rupes mea, ne surdum agas averfus à me : ut non, si mutus eris & averfus à me, confimilis fiam descendentibus in sepulchrum.

2. Audi vocem deprecationum mearum, dum vociferor ad te : dum attollo manus meas ad adytum sanctitatis tuæ.

3. Ne trahas me penes improbos, & penes operarios iniquitatis ; loquentes pacem cum proximis suis, malitia obtinente in corde eorum.

4. Da istis secundum opus ipsorum, & secundum malignitatem actionum ipsorum : secundum opus manuum ipsorum da eis, redde retributionem suam eis.

5. Quia non animadvertunt ad opera Iehovæ, & ad factum manuum ejus : destructurus est eos, non autem exstructurus eos.

6. Benedictus sit Iehova, quia exaudivit vocem deprecationum mearum ;

7. Iehova robur meum & scutum meum, cui confidente animo meo, adjuvor : idcirco exultat animus meus, ut cantico meo celebrem eum.

8. Iehova robur istis, & robur maxime salutare est Christus illius.

9. Serva populum tuum ; & benedic possessioni tuæ pascēque eos, ac extolle eos usque in seculum.

A N A L Y S I S.

SCopus hujus Psalmi est impetrare à Deo liberationem ab hostibus suis à quibus gravissime premebatur.

Hæc autem precatio primo generaliter proponitur v. 1. & 2. deinde specialiter explicatur, v. 3, 4, & 5. & ultimo in loco illustratur per exauditionem adjunctam, & ejus effecta, v. 6, 7, 8, & 9.

Generalis petitio est exauditionis & responsionis, quæ primo per oppositam surditatem & silentium metaphorice declarantur v. 1. *ne surdum agas & mutum* : & postea simpliciter explicatur vers. 2. *deprecationum mearum*.

Argumenta quibus hæc generalis precatio urgetur sunt duo ; quorum primum petitur à descriptione ipsius precationis adhibita, & secundum ab eventu qui rejectionem ejus

necessario consequeretur. Precatio describitur talis esse, qualem Deus solet audire, fuit enim. 1. Ardens & vehemens : *inclamo, vociferor*. 2. Fuit cum fiducia in Deo collocata, tanquam in unico perfugio vel receptu : *rupes mea*. 3. Fuit etiam directa secundum Dei voluntatem revelatam, & institutum, *attollo manus meas ad adytum sanctitatis tuæ*.

Eventus petitionis rejectæ est confusio similis interitus aut mortis, *ne confimilis fiam descendentibus in sepulchrum*.

Specialis petitio non tantum est pro salute, sed etiam pro exitio hostium, v. 3. & 4. *ne trahas me penes illos* : *da istis secundum opus ipsorum*, id est, ne tradas me in potestatem eorum, sed justam tuam potestatem in ipsos exercere.

Argumenta

Argumenta quibus hæc petitio urgetur, comprehenduntur in descriptione hostium tum generali, dum improbi, & operarii iniquitatis vocantur: tum etiam speciali, dum simulata eorum malitia notatur, ex qua descriptione poena ipsis debita concluditur & inferitur secum idum proportionem meritorum, *da istis secundum opus ipsorum*, hæc autem consequentia poenæ ex peccatis confirmatur y. 5. ex eo, quod à respicientia fuerunt alieni, & emendationis media oblata despiciebant, & proculcabant, v. 5. *non animadvertunt* &c.

Exauditio hujus precationis exornatur suis effectis: quæ sunt. 1. Testificatio gratitudinis suæ erga Deum in nomine ejus celebrando, v. 6. 7, 8. 2. Testificatio studii sui erga Ecclesiam, quam in sua liberatione à Deo spectatam agnoscit v. 8. atque adeo salutem ejus imprimis optare se & vovere proficitur, v. 9.

DOCUMENTA.

I. Cum petitione hujus aut illius rei specialis conjungi debet petitio generalis de precibus ipsis audiendis, ex v. 1. & 2. ubi præmittitur ista generalis petitio tanquam præparatio ad specialem: sicut alibi subjungitur speciali, tanquam ejus perfectio, Psalm. 19. ult. Dan. 9. 19.

Ratio 1. Quia fiducia auditionis, est fundamentum petitionis, 1. Ioh. 5. 15. Marth. 7. 7, 8. 2. Quia auditio ipsa est proprius finis & scopus petentis, ibidem. 3. Quia ad istum finem attingit precatio nostra, non ex sua dignitate, sed ex gratia & misericordia Dei, quæ ideo simul est hoc respectu imploranda.

Ufus 1. Inreparationis, adversus eos, qui preces suas effundere satis ha-

bent, nihil interim solliciti de earum acceptatione & exauditione. 2. *Directionis*, & *exhortationis*, ut hujus voti memores simus tum in initio, tum in fine precum.

II. Preces à Deo audiendæ debent esse fervidæ, fideles, & voluntati Dei congruentes, ex v. 1. & 2. Jac. 5. 16. Marth. 21. 22. 1. Ioh. 5. 15.

Ratio Quia nisi fervor adsit, desiderium idoneum deest: nisi fiducia adsit, desiderium illud est vagum & inefficax: & nisi respectus habeatur voluntatis Dei, obtinendi via negligitur, & fiducia non potest esse firma.

Ufus admonitionis, ne satis habeamus precari, sed & tales preces Deo studeamus offerre, quales ille acceptas habere solet, id est, hisce virtutibus ornatas.

III. Precationis fervor accenditur consideratione miseriæ quæ refectionem ejus comitatur, ex v. 1. *ne consimilis fiam descendantibus in sepulcrum*.

Ratio. Quia inde apparet quanta sit indigentia nostra, & necessitas opis divinæ. Hinc est quod sæpe in summas angustias deduci suos patitur Deus, ut eo ardentius ipsius opem implorent, Psalm. 143. 6, 7. Hos. 5. 15.

Ufus directionis, ut istiusmodi considerationes frequenter adhibeamus ad animos nostros inter precandum exacuendos.

IV. Fiducia precationis, quoad liberationem ab iniuriis improborum, confirmatur aliquo modo consideratione ipsius improbitatis quæ ab illis exercetur, ex v. 3, 4.

Ratio. Quia non tantum misericordia Dei spondet piis liberationem à talibus, sed etiam justitia Dei exigit ut exitium eorum maturetur.

Ufus consolationis, adversus illas per-

perturbationes quas malitia mundi possit nobis adferre.

V. Improbitas illa est maxime deplorata, & exitii prænuntia, quæ contemnit aut rejicit media illa quibus possit ad resipiscenciam perducere, ex v. 5. Jer. 5. 12. & 26. 10, 11.

Ratio, Quia unicum remedium excludit.

Uusus admonitionis, ut supra omnia caveamus nobis ab ista duritie cordis.

VI. Precationis perfectio est exauditionis apprehensio certa, ex v. 6. Dan. 9. 23. Acto. 10. 4. Psalm. 6. 9, 10. & 20. 2, 4.

Ratio 1. Quia proximus est & immediatus ejus finis. 2. Quia desiderio in precibus explicato quietem & satisfactionem adfert. 3. Quia rei ipsius desideratæ præstationem, quæ ultimo in precatione respicitur, certam reddit precanti.

Uusus 1. *directionis*, ut in omnibus nostris precibus ad istam apprehensionem aspiremus. 2. *Consolationis*, adversus omnes alias angustias, si modo ista apprehensio adit.

VII. Benedicendum est nomen Domini propter hanc ipsam exauditionem, ex v. 6, 7. Benedictio autem sicut cum à Deo in hominem proficiscitur, omnem affluentiam bonorum, & perfectionem status designat, sic ab homine in Deum proficiscens, omnem accumulationem lætitiæ, laudis, gratiarum actionis, & glorificationis notat, Psalm. 145. 10.

Ratio 1. Quia magna est gratia Domini, quæ dignatur hunc in modum appropinquare nobis, dum nos ipsi precibus tantum, illique imperfectis admodum ipsi appropinquamus, Jac. 4. 8. 2. Quia magna est consolatio quæ inde in nos redun-

dat. 3. Quia in ipsis precibus hoc semper vel expresse, vel implicite vovetur.

Uusus exhortationis, ad istam ansam arripiendam Dei nomen celebrandi, etiam antequam rem ipsam quam quærimus, plane sumus consequuti.

VIII. Ad istam benedictionem Dei, impellit propriæ fiduciæ adimpletæ consideratio reflexa, v. 7.

Ratio 1. Quia exauditiō precum consistit in fiduciæ complemento.

2. Quia bonum concessum non adeo afficit animum, nisi desiderio & fiducia quæsitum. 3. Quia hac consideratione fiducia ipsa confirmatur & augetur in posterum.

Uusus directionis, ut tam in gratiarum actione, quam in petitione, fiduciam nostram exerceamus.

IX. Non nostro tantum nomine gaudere debemus de beneficiis à Deo nobis concessis, sed etiam Ecclesiæ nomine, v. 8.

Ratio 1. Quia hæc est communio sanctorum, ut neque petant, neque accipiant quidquam sibi solum, sed & aliis. 2. Quia pertinet hoc ad gloriam Dei, ut ejus beneficia quamplurimis communicentur.

Uusus increpationis, adversus eos qui sibi solum vivunt.

X. Ecclesiæ bonum omnimodo quærendum & opera & oratione, ex vers. 9.

Ratio. Quia parum est quod opera nostra præstare potest: & oratio tamen ab opera & conatu justo derelicta, non potest esse sincera.

Uusus Exhortationis, ut utraque manu Ecclesiam juvare nitamur, opera & oratione

PSALMUS VIGESIMUS NONUS.

Psalms Davidis. Cedite Iehovæ, filii fortium; cedite Iehovæ gloriam & laudem.

2. Cedite Iehovæ gloriam nominis ejus, incurvate vos honorem exhibentes Iehovæ in decoro sanctitatis.

3. Vox Iehovæ supra aquas, vox Dei fortis gloriosi intonat, vox Iehovæ supra aquas multas:

4. Vox Iehovæ potenter, vox Iehovæ docere.

5. Vox Iehovæ confringit cedros, perfringit etiam Iehovæ cedros Libani;

6. Et facit ut exsiliant sicut vitulus, Libanus & Schirion, ut pullus unicornium.

7. Vox Iehovæ cedit flammæ ignis.

8. Vox Iehovæ dolore afficit desertum, dolore afficit Iehovæ desertum Kadeschi.

9. Vox Iehovæ facit ut pariant cervæ, & denudat silvas: verum in templo suo eloquitur totam gloriam suam.

10. Iehovæ in diluvio sedebat: & sedet Iehovæ rex in seculum.

11. Iehovæ robur populo suo dat, Iehovæ benedicit populo suo cum pace.

ANALYSIS.

Scopus hujus Psalmi est excitare homines ad Deum honorandum.

Hæc autem hortatio illustratur primo, v. 1. ac 2. & postea persua- detur in reliquo Psalmo.

Illustratur 1. A subjectis personis ad quas dirigitur, *filii fortium*, id est, Magnates & Principes, non quasi ad illos solos spectaret, sed quia illi maxime ab hoc officio solent esse alieni, & cum illis hoc nomenclatum indicitur, nemo potest quasi exemptionem aliquam somnians, a se in alios hanc exhortationem trajicere. 2. A qualitate & quantitate honoris Deo deferendi, quod scilicet debet esse gloriosus, & Divinæ majestati conveniens, *gloriam nominis ejus*. 3. A specie ejus principali honoris debiti, quæ est adoratio vel cultus ab ipso institutus, *incurvate vos in decoro sanctitatis*, hac autem specie per synecdochien omnis honor Deo debitus designatur,

Argumentum quo excitantur homines ad Deum glorificandum, petitur à formali hujus actus objecto, videlicet à gloria illa Dei qua exhibet sese agnoscendum & glorificandum.

Hæc autem gloriæ manifestatio per distributionem è subjectis declaratur, quia partim elucet in operibus naturæ à v. 3. ad medium 9. & partim in operibus gratiæ, à medio 9. ad finem Psalmi.

In priore genere tonitru ut singularis species gloriöse operationis proponitur ad reliqua naturæ opera synecdochice significandum. Describitur autem tonitru. 1. A natura & essentia ejus, quod sit *vox Iehovæ*, id est, cælestis & divina. 2. A subjecto, quod sunt nubes, vel *aquæ multæ*. 3. Ab adjunctis, quod sit præpotens & magnificum vers. 4. 4. Ab effectis, quæ per inductionem à subjectis potentissima esse declarantur. 1. In arboribus

ribus robustissimis, v. 5. 2. In montibus firmissimis, v. 6. 3. In aëre, quem quasi in ignem convertit v. 7. 4. In animalibus omnis generis, etiam illis quæ in desertis vagantur, aut in sylvis delitecunt, atque adeo ab hominibus solent esse secura, v. 8. & 9.

Secunda gloriæ Dei manifestatio per opera gratiæ, declaratur, Per comparisonem imparium & dissimilium, respectu operum naturæ: quod scilicet in operibus gratiæ magis distincte manifestatur hæc gloria Dei, *verum eloquitur*, & magis etiam perfecte vel complete, *totam gloriam*. 2. Per subjectum ejus proprium, id est, *templum*, vel Ecclesiam. 3. Per operis ipsius gratiæ, descriptionem brevem, quod Deus ex gratia communicat omnes benedictiones cum Ecclesia sua, vers. 11. cujus communicationis firmitas & stabilitas arguitur à regia & æterna rerum omnium gubernatione, quam Deus etiam in maximis difficultatibus ex consilio voluntatis suæ exercet, v. 10.

DOCUMENTA.

I. Primarium hominis officium est, Deum glorificare, ex v. 1. Phil. 1. 20.

Ratio 1. Quia hic finis est creationis, redemptionis, & omnium beneficiorum Dei in nos collatorum, 1 Cor. 6. 20. Psalm. 50. 15. 2. Quia continet in se virtualiter cætera omnia officia religionis & justitiæ, sicut primum præceptum reliqua secum infert. 3. Quia gloriam expectamus à Deo, 1 Sam. 2. 30.

Usus 1. *Exhortationis*, ut totum vitæ cursum, & actiones nostras omnes sic instituamus, ut cedant

in gloriam Dei, 1 Cor. 10. 31. 2. *Admonitionis*, ut caveamus nobis sedulo ab iis quæ avertere nos possint ab hujus officii cura: ut ab omni fastu, & propriæ excellentiæ opinione, quam Dei glorificationi maximo esse impedimento in textu declaratur, dum hortatio ista singulariter dirigitur ad Principes & magnates, & iis non semel, sed bis, ter, quater stimulus iste, prout necessitas eorum postulat, exhibetur, *cedite, cedite, cedite, incurvate*.

II. Glorificandus est Deus eo modo & gradu, qui convenit gloriæ ejus majestati, ex v. 2. 1 Chron. 16. 28, 29. Psalm. 66. 2.

Ratio. 1. Quia Deus verus alias non glorificatur, sed idolum à nobis imaginatione conceptum Act. 7. 42.

2. Quia honor ineptus est contumelia & contempnus, Ies. 1. 11. 12, 13, 14.

Questi. Quis est modus conveniens Deum glorificandi, vel honor nominis ejus, ut in textu vocatur?

Resp. Quando talis agnoscitur qualem se in verbo suo revelavit: & secundum illam agnitionem tam affectus nostri interni, quam externæ actiones ordinantur, hoc est Deum sanctificare, 1 Pet. 3. 15. Psalm. 96. 6.

Usus admonitionis, ut caveamus nobis à sacrificiis cæcis, claudis, & ægrotis offerendis, Mal. 1. 8.

III. Ex contemplatione operum naturæ proficere debemus in gratia, & studio Deum glorificandi, ex v. 3. &c.

Rat. Quia in istis gloria Dei manifestatur, Psalm. 8. & 19. 1. & 75. 2.

Usus exhortationis, ut exerceamus nosmetipsos ad religiosam naturalium rerum contemplationem. Illa autem contemplatio harum rerum est

est religiosa, qua Deum agnoscimus eatum effectorem ac gubernatorem: *vox Dei, vox Dei*: & postea gloriosam Dei virtutem in illis effectis elucemtem agnoscamus, & congruenter erga ipsum afficiamur: *potenter & decore*.

I V. Inter opera naturæ, illis maxime affici debemus, quæ singulariter comparata sunt ad potentiam & maiestatem declarandam, ut tonitru, fulgure & similiter, v. 3. &c.

Ratio. 1. Quoniam in istis non tantum vestigium, ut in cæteris, sed quasi imago quadam apparet maiestatis & potentiae & præstantiae divinæ. Psal. 18. 13, 14. 2. Quia huiusmodi operum causæ sunt tam occultæ, ut immediate, proxime, & quasi ex tempore, à Deo fieri videantur, neque creatam ullam habere causam. Job 38. 22. 28. 19. Psal. 135. 7.

3. Quia naturaliter hoc efficere solent in ipsis brutis animalibus, sicut est in textu, & in hominibus plerisque omnibus qui non sunt brutis ipsis stupidiore.

Uusus 1. Inreparationis, adversus Philosophastro quosdam, & eorum sectatores, qui gloriam quandam ex eo afficiant, quod in hisce naturæ inotibus, neque aliquid admiratione dignum, neque Dei proprium agnoscunt.

2. **Directronis**, ut in istis omnibus terrificis non ad fortunam, aut causas secundas, sed ad Deum præcipue respiciamus, & in eo acquiescamus.

V. Magis adhuc affici debemus verbo Dei, & sanctis ejus institutis, quam tonitru, fulgure, & mirabilibus naturæ, ex v. 9. in fine.

Ratio 1. Quia plus Dei & gloriæ ejus in istis apparet: *totam gloriam*.

2. Quia magis distincte, & intelligenter in istis manifestatur: *eloquitur*. 3. Quia magis penetrant ista ad internum spiritum hominis.

Uusus 1. Inreparationis, adversus tepiditatem & torporem eorum qui in sacris istis vel sine affectu, vel vulgari tantum solent versari.

2. **Exhortationis**, ut elevemus animos & oculos nostros ad gloriam illam Dei in verbo, & aliis ejus institutis contemplandam, quæ possit nos hunc in modum commovere.

Quæst. An peccati arguendus sit qui minus commovetur verbo Dei, quam tonitru, terræ motu, &c.

Resp. Distinguendum hic inter spirituales motus, & sensuales: sensus corporei solent etiam in piis magis affici huiusmodi externis & sensibilibus objectis: sed spiritualiter magis afficiuntur pii verbo & institutis Dei sacris.

VI. Ut recte afficiamur sacris Dei institutis, opus est fide, qua beatitudinem in illis nobis exhiberi credamus, ex vers. 11.

Ratio 1. Quia sunt media salutis æternæ. 2. Quia si non ita recipiantur, cedunt in occasionem mortis. 2 Corinth. 2. 16.

Uusus Admonitionis, ne circa sacra Dei instituta ita versemur ac si essent res leves, sed ut circa illa, in quibus vertitur vita & mors nostra æterna. Deuter. 32. 47. Hos. 8. 12.

VII. Ad istam fidem sustentandam plurimum facit consideratio potentis regni Dei, ex vers. 10.

Ratio. Sufficientia & efficientia Dei in illo evidenter elucet.

Uusus. Ut istiusmodi meditationibus foveamus in cordibus nostris fidem veram.

PSALMUS TRIGESIMUS.

Psalms Davidis, canticum dedicationis domus illius.

2. Extollam te Iehova, quoniam exexisti, neque latitia affecisti inimicos meos de me.

3. Iehova Deus mi vociferantem ad te, curasti me :

4. Iehova, eduxisti e sepulcro animam meam; conservas me vivum; ne descenderem in sepulchrum.

5. Psallite Iehovæ, quos ipse benignitate prosequitur, & celebrate ad memoriam sanctitatis ejus.

6. Quon momento fuit in ira sua, vita adest benevolentia ejus: vestere si diversetur fletus, mane adest cantus.

7. Nam ego dicebam in tranquillitate mea, non dimovebor in seculum.

8. Iehova benevolentia tua constitucas in monte meo robur, te abscondente faciem tuam, fui conturbatus.

9. Ad te Iehova, clamavi; & Iehovam deprecatus sum, dicens:

10. Quid lueri erit in sanguine meo; quom descendam in foveam; an celebrabit te pulvis? nunciabuntne veritatem tuam?

11. Audi Iehova, & gratiam fac mihi, Iehova esto adjutor mihi:

12. Convertisti planctum meum in choream mihi; solvisti cilicium meum; & accinxisti me latitia:

13. Ut psallat tibi gloria, non conticescat Iehova, Deus mi, in seculum celebrabo te.

ANALYSIS.

AUTHOR, tempus, & occasio hujus Psalmi in titulo ejus indicatur, v. 1.

Scopus ejus est celebrare nomen Dei, propter conspirationem Absalonis foeliciter suppressam, v. 2. & 13. in fine.

Hoc autem præstat David 1. Professione sua propria, vers. 2, 3, 4. & 2. Cohortatione aliorum ad idem præstandum, v. 5. &c.

In professione sua propria officii votum nuncupat, extollam te Iehova: & causam ejus reddit, beneficium scilicet liberationis maximæ a Deo concessum, quod illustratur 1. Comparatione hominis ex aquarum abyssu subvecti, exexisti me. 2. Oppositione contrarii effecti maxime

odiosi, hoc pacto anticipati, neque latitia affecisti inimicos meos de me. 3. Notatione causæ administrantis, quæ fuit oratio fervens Davidis, vociferantem ad te. 4. Comparatione liberationis a morbo, curasti me, & a morbo, ut in comparatione continuata ostenditur, gravissimo, ac plane lethali, certo ducente in sepulchrum, v. 4.

In cohortatione aliorum, similiter exponit & officium præstandum, psallite Iehovæ, quod illustratur a fine, ad memoriam sanctitatis ejus; & causam ejus ostendit: excellentem scilicet Dei benevolentiam, quæ primo generaliter ab opposita ira illustratur, per comparationem earum ut dissimilium effecto & imparium duratione

duratione, v. 6. secundo specialiter talis esse demonstratur exemplo vel instantia desumpta à Davidis persona, v. 7. &c.

In hac speciali instantia, declaratur primo ira Dei adversus Davidem accensa justa & necessaria de causa, id est, propter securitatem ejus carnalem, qua Dei benignitate fuerat abusus, v. 7. & 8. secundo eadem ira sic accersita gravis fuisse declaratur per ejus effectum, v. 8. in fine. *Te abscondente faciem tuam, fui conturbatus.*

Tum benevolentia aut misericordia Dei declaratur ipsi prompta & parata fuisse per causam administrantem, invocationem nempe solam: in qua gratiam Dei implorat & celebrationem ejus vovet, v. 10. & 11.

Eadem etiam benevolentia amplissima fuisse declaratur, & ira longe superior, per effectum ejus, quod opposito iræ effecto illustratur v. 12. & fine suo amplificatur, v. 13. qui idem ille fuit, cui opera datur in toto Psalmo, & cujus nomine alii compellati fuerunt in exhortatione præcedente.

QVÆSTIONES.

Quæst. 1. Qualis fuit dedicatio illa domus Davidis, quæ in titulo hujus Psalmi commemoratur?

Resp. 1. Dedicatio alicujus rei, significat in Scripturis, destinationem, præparationem, & solemnem applicationem ejus ad legitimum usum. 2. Quia vero usus rerum legitimus, est vel sacer, vel communis, idcirco hæc etiam dedicatio duplex est, vel enim sacro usui, singulari aliquo ritu proprio, & religioso consecratur; vel ad usum communem, communibus officiis religiose peractis, dirigitur, prioris exemplum est in domo

Dei, 2 Chron. 7. 5. & in altari, Num. 7. 84. & Neh. 12. 27. Posterioris, in domo Davidis hoc in loco, sicut & Deut. 20. 5. Cujus generis etiam est dedicatio vel institutio juventutis, Prov. 22. 6. Gen. 14. 14. 3. In priore dedicatione sacra, cæremoniæ sacræ solebant adhiberi: sed in posteriore nihil tale apparet, non debent ista confundi.

Quæst. 2. Qua ratione factum est, ut hujusmodi dedicationes adhiberentur, & in primo usu rerum, & in usu earum repetendo, ut in isthoc loco?

Resp. 1. Idem debet (quoad summam rei) perpetuo præstari: sed quia talis est infirmitas nostra, ut oblivio & negligentia istiusmodi rerum facile nobis obrepant, idcirco statim istis temporibus ut voluntatem & propositum nostrum solemniter testatum faciamus, communis religionis instinctus docet. Sic etiam est in precibus quotidianis, mane ac vespere adhibendis. 2. In initio aut principio, convenit ista professio beneficio à Deo donato: post intermissionem, convenit ejusdem beneficii restitutioni, ac renovationi.

III. Qualis propria est ratio hujus dedicationis, quoad ædeis?

Resp. Decet nos hac ratione profiteri, Deum esse Dominum ædium nostrarum, nos vero ejus inquilinos ac feudatarios esse, atque adeo debere ipsi quasi annum redditum habitationis concessæ, qui consistit in pia conversatione per totum illud tempus quo ædes illas inhabitamus.

IV. An jam sub Evangelio dedicationes istæ sint retinendæ?

Resp. Dedicationes sacræ, certis ritibus & cæremoniis peragendæ non debent ab hominibus tentari, sine

sine singulari institutione Dei. Sed communis rerum sanctificatio per verbum & preces, non debet omit-
ti. 1. Tim. 4. 5.

DOCUMENTA.

I. Ad fidelium officium pertinet, nomen Dei in honoris locum efferre v. 2. *extollam te*, id est, omni conatu tam verbis, quam factis, eniti, ut Deus agnoscat qualis est, supra omnia excelsus, & omni honore colendus. Ge. 14. 19. Ex 15. 2. Ps. 57. 6. 12.

Ratio 1. Quia magnum est & reverendum. Psal. 99. 3. 2. Quia ab impio mundo deprimitur quasi in terram, & quasi conculcatur. 3. Quia super fideles ponitur & invocatur nomen Dei, ita ut sanctificatio, vel profanatio ejus, pendeat aliquo modo ab ipsis.

Vsus Exhortationis, ut pium hoc votum & suscipiamus, & omni occasione renovemus. *Extollam te Ichova*. Hac enim promissione non tantum res ipsa præstatur, sed & ejusdem conatus constantia spondetur, & simul etiam ad ulteriorem gradum hujus officij adspiratur.

II. Illi soli qui sentiunt se à Deo ex profunda miseria fuisse evectos, serio student nomini Dei efferendo, ex v. 2, 3, 4.

Ratio. Quia illi soli quasi gustu percipiunt bonitatem Dei.

Vsus Admonitionis, ne ex animis nostris effluere sinamus miseras illas ex quibus Deus nos liberavit, sed habeamus eas in perpetua recordatione.

III. Qui vere nomen Dei extollunt, omnem operam dabunt ut idem etiam ab aliis fiat: ex v. 5.

Ratio. 1. Quia hæc est natura gaudii & exultationis, ut sese dila-

tet, & communionem quærat. Luc. 15. 6. 9. *Gratulamini mihi: nam inveni quod perdideram*. 2. Quia dum alios vocamus ad hoc faciendum, illud & præstare nos pro viribus profitemur, & supra vires nostras velle ut fiat, atque adeo aliorum opem in illum finem implorare.

Vsus Increpationis, adversus eos, qui quomodo alii sint erga Deum animari, fusque deque habent.

2. *Exhortationis*, ut non exemplo tantum, sed & omni genere invitationis provocemus alios ad studium pietatis.

IV. Benevolentiae & benignitatis Dei declaratio, est efficacissima ratio ad istud studium persuadendum ex v. 6.

Ratio. Quia in bonitatem Dei fides, spes, charitas, feruntur, & per ejus declarationem confirmantur.

Vsus Directionis, ut gratiam Dei in Christo revelatam præcipue semper in oculis gæstemus.

V. Afflictiones piorum, si rectum judicium de illis feratur, non obscurant, sed illustrant bonitatem illam Dei. ex v. 7, 8. &c.

Ratio. 1. Quia solent adhiberi tanquam medicina contra securum abusum bonitatis Dei v. 7, 8.

2. Quia excitant pios ad eandem bonitatem ardentius & sincerius apprehendendam, & prosequendam. v. 9, 10, 11. 3. Quia in illis tollendis bonitas Dei clarissime & quasi ante oculos hominum manifestatur. v. 12, 13.

Vsus Admonitionis, ut neque contemnamus castigationes Domini, neque propter illas animis frangamur, sed bonitatem Dei in illis contemplari discamus. Heb. 12. 5, 6. &c.

PSALMUS TRIGESIMUS PRIMUS.

M Agistro symphoniz, Psalmus Davidis.

2. Ad te, Iehova me recipio, ne erubescam in seculum : iustitia tua libera me.

3. Inclina ad me aurem tuam, cito eripe me : esto mihi rupes robusta, locus manitissimus ad servandum me.

4. Nam petra mea & munitio mea es ; itaque propter nomen tuum agito me & deducito me.

5. Educito me è reti quod absonderunt adversum me : quia tu robur meum es.

6. In manum tuam depono spiritum meum : redemisti me, Iehova Deus fortis, verax.

7. Odi eos qui observant vanitates vanissimas : nam ego in Iehova confido.

8. Me exsultaturum & letaturum benignitate tua, quando aspexeris afflictionem meam, agnoveris angustias animæ meæ.

9. Ac non tradideris me in manum inimici ; sed statueris in lato pedes meos.

10. Gratiâ fac mihi, Iehova, nam angustia est mihi, contabescit præ indignatione oculus meus, anima mea, & venter meus.

11. Nam deficit mœrore vita mea, & anni mei gemitu : labefactatur pœna iniquitatis quam patior : virtus mea, & ossa mea contabescunt.

12. Apud omnes hostes meos sum probro, & apud vicinos meos valde, pavoreque votis meis, aspicientes me foris evagantur à me.

13. Oblivione seclior ab animo, ut mortuus : sum ut instrumentum perditum.

14. Nam audio infamiam à multis, metum circumquaque, consultando simul adversus me è manu inimicorum meorum, & à persequentibus me.

15. Ego vero in te confido, Iehova, dicens, Deus meus es.

16. In manu tua tempora mea sunt, eripe me è manu inimicorum meorum, & à persequentibus me.

17. Fac ut luceat facies tua supra servum tuum, serva me benignitate tua.

18. Iehova, ne erubescam, quandoquidem invoco te : erubescant improbi, excindantur descensuri in sepulcrum.

19. Muta reddantur labia mendacia : quæ loquuntur contra justum duriter, cum elatione & contemptu.

20. Quam multa est bonitas tua, quam recondis reverentibus te ! operaris erga eos qui se recipiunt ad te, coram filiis hominum !

21. Abdis eos in abdito præsentia tua, ab elationibus virorum : abscondis eos in tugurio à contentione linguarum.

22. Benedictus sit Iehova, quia mirificam reddit benignitatem suam erga me, ut in civitate munita collocans me.

23. Ego quidem dixeram in festinatione mea, excisus sum à conspectu oculorum tuorum : Verumtamen audisti vocem deprecationum mearum, quum vociferarer ad te.

24. Diligite Iehovam omnes quos benignitate prosequitur, fideles custodientem Iehovam, & rependentem excellentissime, facientem res magnificas.

25. Con-

25. *Confirmamini, & fortificabit animum vestrum; omnes qui speratis in eam.*

ANALYSIS.

SCOPVS hujus Pſalmi est petere liberationem ex gravissima calamitate, qua ab inimicis premebatur.

Hæc petitio proponitur, suaderetur, illustratur. Proponitur 1. Simpliciter, cum notatione *causæ unius*, v. 2. in fine. 2. Cum declaratione, à tempore & modo adjuncto liberationis petitiæ, v. 3. 4. 3. In loco cum descriptione calamitatis à qua voluit liberari, v. 5. quæ repetitur vers. 16. 4. Cum notatione causæ primariæ ex qua pendebat ista liberatio. v. 10. in principio; quæ repetitur denuo, vers. 17. 5. Cum comparatione liberationis concessæ & negatæ, respectu effectorum oppositorum quæ inde erant secutura. v. 18. & 19.

Suasio hujus petitionis petitur, 1. A conditionis illius representatione, cui Deus liberationem promissit, id est, à fiducia in Deo collocata, & jam actu ad istam causam applicata, v. 2. & 6. cujus argumenti vis illustratur ibi ab eventu liberationis negatæ: *ne erubescam in seculum*. 2. Ab adjuncta firmitate ipsius fiduciæ, quæ proportionem quadam respondebat liberationi petitiæ, ita ut nominis Dei interfuerit, petitionem illam concedi, v. 3, 4, & 5. 3. A causâ ejus confirmante, *experientia* scilicet antea acta, v. 6. in fine. 4. A causâ conservante, integritate scilicet conscientiæ, quæ declaratur per effecta, aversionem ab improbis idololatris, v. 7. & per promptitudinem illam animi, qua paratus fuit Deum celebrare pro liberatione concessâ, v. 8. & 9.

Ad eandem petitionem suadendam, urgens ejus necessitas explica-

tur, per descriptionem calamitatis in qua versabatur. Illa vero amplificatur, 1. Ab internis effectis quæ in anima & corpore ejus pariebat, ver. 10. & 11. 2. Ab externis effectis quæ apud hostes & amicos ejus producebat, v. 12. & 13. Quorum effectuum causa notatur, v. 14. periculum scilicet, quod circumquaque ipsi imminebat. Hoc autem periculum & anxietatem, ut eo magis valere possit in petitione suadenda, conjungit cum illa fiducia quam antea fuerat professus, & applicat ad ejus maximam illustrationem per discretionem & separationem desperationis aut diffidentię, à tanta calamitate, v. 15, 16.

Illustratur ultimo in loco hæc petitio liberationis ab ejus effecto, quod positum quidem fuit in petitionis auditione, & liberationis præstatione; sed declaratur per suum etiam effectum aut fructum, gratitudinem scilicet Davidis tantum beneficium condigno modo celebrantis.

Hæc autem gratitudo duplici effecto explicatur; 1. Per mirificæ bonitatis Dei agnitionem & celebrationem, v. 20. ad 24. 2. Per excitationem aliorum ad eandem bonitatem recte agnoscendam, à v. 24. ad finem usq; Pſalmi.

Agnitio & celebratio illa bonitatis Dei quæ ab ipso Davidē adhibetur, respicit 1. Communem illam dispensationem bonitatis quam Deus exercet erga omnes pios, v. 20, 21. quæ & gradu dicitur *multa* & modo *recondita*, vel firma ac certa, quoad

destinationem, & aperta vel manifesta quoad effectum ipsum: *coram filiis hominum*, v. 20. quæ etiam declarantur & modo executionis, arcano quidem, sed tuto. *Abdis eos in abdito, abscondis eos in tugurio*: & oppositione maximorum periculorum à quibus eo modo conservantur, ab elationibus virorum, à contentionibus linguarum.

Eadem celebratione, secundo in loco, commemoratur singularis illa bonitas quam Deus exercuerat erga ipsum Davidem, v. 22, 23. quæ similitudine *munitissimæ civitatis* illustratur, v. 22. & à magnitudine periculi, in quo versatus fuerat, una cum desperatione ad quam illa ratione sollicitatus fuerat, amplificatur v. 23.

Excitatio vel hortatio aliorum fidelium, ad istam bonitatem recte agnoscendam, duos complectitur affectus hujus bonitatis contemplatione excitandos; quorum prior est, summa æstimatio & dilectio Dei propter bonitatem illam, quam erga suos extendit, v. 24. Posterior est, confirmatio animi ex fide & fiducia in illa bonitate collocata, ad illa omnia officia fortiter & constanter suscipienda, & peragenda, quæ spectant ad Dei voluntatem perficiendam, & honorem ejus promovendam, v. 25.

QUESTIONES.

I. Frequens illa iteratio unius & ejusdem petitionis, quæ in istoc Psalmo adhibetur, quomodo consistere possit cum regula illa Servatoris, quæ habetur Matth. 6, 7?

Resp. 1. Repetitio ejusdem rei in precibus aliquando est ab inopia interni affectus: aliquando autem ex abundantia cordis. Prioris generis repetitio damnatur à Servatore,

Matth. 6. 7. Posterior autem & in sanctis aliis approbatur, & ab ipso Salvatore usurpatur, Matth. 26. 44.

2. Magnus est usus hujus repetitionis ab effectu ebulliente proficiscens: sicut enim in repetitione ejusdem rei à Deo erga nos adhibitæ certitudo, & celeritas significatur. Gen. 41. 32. sic etiam in repetitione ejusdem petitionis erga Deum, fideles aspirant & contendunt eo, ut certitudinem ejus majorem consequantur, & optatum responsum possint accelerare.

II. Quomodo consistere possit, ut in uno & eodem Psalmo, tam tristes affectus, & perturbationes gravi querela exprimantur, quales à vers. 10. ad 15. continentur: & simul tamen lætissimi affectus gaudii & gratulationis ostendantur; quales illa gratiarum actio declarat, quæ à vers. 20. ad finem usque Psalmi explicatur.

Resp. 1. Fundamentum hujus conjunctionis affectuum plane oppositorum in precibus poni solet, quando firma fiducia superatur omnis anxietas & dubitatio, ita ut ipsa liberatio quæ expetitur, apprehendatur quasi præsens. 2. Cum tamen solemnitas hujusmodi laus de liberatione concessa distincte in aliquo Psalmo opponitur gravi querelæ, tum ille Psalmus quamvis magna ex parte, & quoad summam rei orationem illam exprimat, quam David conceperat cum in periculis versabatur, complete tamen formatus & editus videtur, postquam illa pericula evasit: unde affectus præteritos, & præsentis simul repræsentat, quamvis simul ipsi non adfuerint. Apparet hoc ex v. 23. ubi tempora ista distinguuntur,

DOCUMENTA.

I. Servi Dei liberationem ac salutem expectare possint ab ejus justitia v. 2. in fine; sic Psal. 5. 9. & 35. 25. & 71. 1, 2.

Justitia vero non intelligitur illa, qua merito tribuitur merces; sed æquitatis justitia quoad causam de qua agitur, & fidelitatis in promissionibus omnibus certo & constanter præstandis: quæ justitia optime consistit cum gratia, & misericordia, sicut apparet ex v. 10, 17, 20.

Ratio 1. Quia Deus non minus accurate præstat fidem suis datam, quam summa justitia quidquam potest præstare, ubi accuratissime observatur. 2. Quia recta & justa Dei natura, quam ille non potest abnegare, hoc ipsum postulat & spondet.

Usus 1. Admonitionis, ne aliis causis nos immisceamus, quam iis de quibus Dei justitiam possimus fidenter implorare. 2. *Consolationis*, erga omnes pios in causis bonis, quia ipsa justitia & natura Dei jubet ipsos bene sperare.

II. Ex eadem justitia possunt fideles celerem, fortem, & providam liberationem expectare, ex v. 3, 4, 5.

Celeritas autem intelligi debet non à nobis definita, sed à Deo constituta: fortitudo ac robur, non quod in causis secundis appareat, sed quod nititur Dei manu omnipotentis: providentia etiam non carnalis, quam ratio nostra opraret, sed divinæ sapientie congruens.

Ratio 1. Quia hæc omnia sunt à Deo promissa. 2. Justitia Dei hæc omnia postulat etiam ab hominibus illis, quorum tutelæ suos commisit, multo magis à seipso.

Usus Consolationis, quod omnis Dei perfectio, id est, sufficientia & effi-

cientia ejus, facit ad salutem nostram perficiendam.

III. Certissimum argumentum liberationis ac salutis optatæ consequendæ est vera & viva fiducia in Deo collocata, ex v. 2.

Ratio 1. Quia primaria conditio est fœderis, quò Deus omnia nobis promittit. Ier. 17. 7, 8. 2. Quia medium est primarium, quo bona omnia promissa consequimur & facimus nostra, Heb. 11. 33. 3. Quia talis est natura hujus fiduciæ, ut si frustra esset, necessario puderet pios & suimet, & aliquo modo Dei, de quo tanta sibi polliciti fuerant cum gloriæ ejus obscuratione. *Ne erubescerem*, v. 2. *propter nomen tuum*, v. 4. sic Pl. 22. 6. & 25. 2. & 71. 1.

Object. Fidelibus non semper accidit secundum eorum fiduciam.

Sol. Quamvis non semper fiat, quod fidentes expectant quoad modum, semper tamen fit, quod fiducia expectat quoad essentiam & summam rei. Si non succedat ad voluntatem, semper tamen succedit ad salutem.

Usus Exhortationis, ut præcipua nostra cura sit, ut fiduciam in Deo rectâ firmam & vividam conservemus.

IV. Fiducia ista nititur omnipotentia Dei, v. 3, 4, 5. *rupes, petra, munus, robur.*

Rat. 1. Quia nemo potest alicui fidere, nisi persuasum habeat eum, quod promissit, posse etiam efficere. Ro. 4. 21. 2. Quia tantæ difficultates exoriuntur piis, ut eas nulla ratione possint superare, nisi confugiendo ad omnipotentiam Dei. Ro. 4. 19. 3. Quia gloria hæc Deo est tribuenda, ib. v. 20.

Usus directionis, ut assidua contemplatione divinæ omnipotentie fiduciam nostram in eo confirmemus.

V. Na-

V. Natura & essentia fiduciae est in eo sita, ut animas nostras, nosque ipsos totos, tanquam depositum Deo tradamus conservandum, ex v. 6. Luc. 23. 46. 2 Tim. 1. 12. 1 Pet. 4. ult.

Ratio 1. Quia fiducia in Deo collocata praequirat confessionem insufficientiae nostrae aut creaturae cuiuscunque ad nos servandos.

2. Quia pendet à Deo, pro omnimoda salute. 3. Quia fiducia vera sic pendet à Deo, ut promptos nos reddat ad omnia officia & pericula subeunda ex voluntate Dei, sine anxia & sollicita cura de nobismetipsis, hoc autem nemo assequi potest, nisi qui animam suam apud fidelem depositarium in tuto ante collocavit.

Uusus Consolationis, erga fideles, quod animis eorum tam bene sit prospectum. 2. *Admonitionis*, 1. Ut bene agendo sic animas nostras Deo commendemus. 1 Pet. 4. ult. 2. Ut depositum à Deo nobis commendatum religiose servemus. 1 Tim. 1. 18. & 6. 20.

VI. Fiducia piorum experientia firmatur & sustentatur. ex v. 6. in fine. Rom. 5. 4.

Ratio 1. Quia bonum optatum possibile demonstrat, à fuisse ad posse esse: ab eo quod Deus fecit, ad illud quod tacere possit argumentando assurgit. Jes. 59. 1. 2. Quia idem etiam non tantum probabile, sed certo futurum fiducia ostendit: propter immutabilem Dei bonitatem & veracitatem, sicut est in textu. 1 Sam. 17. 36. Phil. 1. 6.

Uusus Directionis, ut diligenter observando, & recordando, quid Deus pro nobis fecit, ædificemus nosmetipsos in consolatione spei, de iis

quæ cupimus insuper ab eo fieri.

VII. Fiduciam huiusmodi vivam, comitantur semper summum odium eorum quæ Deo adversantur, & studium fervidum eorum quæ spectant ad gloriam Dei. ex v. 7. & 8.

Ratio 1. Quia fidei veræ sedes & quasi arca, in qua conservatur, est conscientia bona. 1 Tim. 3. 9.

2. Quia viva apprehensio bonitatis & perfectionis Dei, sua natura parit fastidium & aversionem ab oppositis. Jerem. 16. 19. & propensionem in Deum ipsum adauget. 2 Cor. 5. 14.

Uusus 1 Redargutionis, adversus eos, qui fiduciam quandam præ se ferunt, sine ullo odio impietatis, aut vero zelo Dei. 2. *Exhortationis*, erga fideles, ut excitent suam fidem ad affectus istos pios in cordibus suis accendendos.

VIII. Gravissimæ afflictiones veram fiduciam non extinguunt, sed exercent, exacuunt, & actuosam reddunt. ex v. 10. ad 15.

Ratio 1. Quia urgent & impellunt homines ad querendum opem ejus in quo fiduciam suam collocarunt. 2. Quia argumentum suppeditant in misericordia Dei sperandi, quatenus proprium obiectum ejus repræsentant.

Uusus 1 Dmonitionis, adversus eos, qui in afflictione vel plane deficient. Matth. 13. 21 vel animos despondent. Hebr. 12. 5. 2. *Exhortationis*, 1. Ut ad afflictiones recte ferendas, vera fiducia nos armemus. 2. Ut afflictiones ipsas faciamus nobis occasionem ejusdem fiduciae excitandæ & confirmandæ.

IX. Fiducia in gravibus afflictionibus perdurans, & vires acquirēs, validam consolationem adfert.

ex v. 15. Heb. 6. 18. Psal. 44. 18. est quasi aurum per ignem exploratum. 1. Pet. 1. 7.

Ratio 1. Quia fidei ac fiduciae gloria in eo consistit, si omnes adversas tentationes vincat. Rom. 8. 37. 1. Joh. 5. 4. 2. Quia talis fiducia promissionem Dei habet specialem. Psal. 50. 51. 3. Quia hac ipsa fiduciae conservatione, ab aculeo ipso & vi omni afflictionum externarum, quae sunt vera mala, liberamur. Orationis Dominicae petit. 6.

Vsus Directionis, ut in omni afflictione, prima & praecipua nostra cura ponatur in fiducia vera conservanda & excitanda.

X. Ad fiduciam confirmandam, praesertim in tentatione, requiritur animi contentio in pia & frequenti meditatione eorum, quae alunt fidem. ex v. 15. in fine. *dicens Deus meus es.* Psal. 119. 57.

Ratio 1. Quia huiusmodi cogitationes suffulciunt fiduciam: & objectum ejus commode representando, & actus ejus iterando. 2. Quia hac ratione luctatur Spiritus in nobis, & per nos adversus carnem. 3. Quia cogitationes adversae non possunt alia ratione excludi aut extingui.

Vsus Exhortationis, ut exerceamus nosmetipsos ad huiusmodi soliloquia coram Deo habenda.

XI. Meditatio fiduciam alens versatur circa gratiam, & potentiam Dei. ex v. 15. 16. *Deus meus es: In manu tua tempora mea sunt.*

Tempora enim per meronymiam adjuncti significant conditionis varietatem, quae temporum habet vices: unde quaedam tempora laeta, & quaedam tristitia, gravia, & calamitosa: quorum omnium dispositi-

onem, dum fides apprehendit pendere a Deo nostro, animus hoc pacto vivificatur. Psal. 34. 13. & similis phrasis est 1. Chro. 29. 30. 1. Pet. 3. 10. Psal. 116. 2. & 119. 84. & 137. 7.

Ratio. Quia ex istis duobus pendet omnis nostra salus.

Vsus Exhortationis, ut in istis cogitationes nostras habeamus defixas. Rom. 4. 21.

XII. Fiducia vera, sicut gratiam expetitam persequitur ardentibus precibus, sic etiam eandem gratiam collatam celebrat gratitudine congruente. ex v. 20. & c.

Ratio 1. Quia Deo fidens praecipue & ultimo respicit, non tantum commodum, sed gloriam Dei: & synceritas illius intentionis antecedentis necessario requirit, ut ista gratitudo consequatur. 2. Quia gaudium exsurgens ex desiderio impleto, idem habet objectum cum ipso desiderio: si igitur a Deo syncere aliquid desideremus, necesse est ut in Deo etiam gaudeamus, post desiderium impletum. 3. Quia Deus hoc exigit quasi tributum, aut vestigal, ex suis beneficiis sibi reddendum. Psal. 50. 15.

Vsus damnationis, adversus leprosos Christianos, vel illos qui similes sunt novem leproforum, Luc. 17. 17.

XIII. Magnas Dei benedictiones celebrare debemus cum administratione. ibid. & 23. Psalm. 40. 6. 1. Chron. 29. 14. Luc. 1. 43.

Ratio. Quia bonitas Dei in istis beneficiis elucens, non tantum superat nostra merita, sed & caput nostrum, atque adeo omnem gratiarum actionem quam distincte possumus ipsi offerre. Nehem. 9. 5.

Vfus increpationis, adversus tepiditatem ac torporem nostrum admirabilem, quo fit ut Dei bonitatem non possimus admirari.

XIV. Mirabilis Dei bonitas erga fideles, est partim recondita, & partim aperta. ex v. 20.

Ratio 1. Recondita est quoad fontem. 1. Johan. 3. 1. 2. Col. 3. 3. quoad amplitudinem, vel plenitudinem. 1. Corinth. 2. 9. & quoad oblationem internam. 1. Corinth. 2. 11, 12. Apoc. 2. 17. Prov. 14. 10. 2. Est etiam partim aperta quia palam apparent varia ejus effecta: ita ut possit videri ab omnibus iis qui oculos habent ad videndum. Jesh. 61. 9.

Vfus directionis, ut thesaurum bonitatis Dei æstimare discamus, non ex eo tantum quod apparet, sed ex eo quod promittitur, atque adeo fidelibus certo præparatur.

XV. Apparet maxime mirifica Dei bonitas in mirifica piorum protectione & liberatione, ab illis periculis, quæ videntur plane inevitabilia. ex v. 21. unde etiam pii vocantur *abditæ Dei*. Psalm. 83. 4.

Ratio. Quia mala illa à quibus pii conservantur, magis incutunt in hominum sensus, quam bona quibus ornantur.

Vfus increpationis, adversus eos, qui istis liberationibus parum aut nihil afficiuntur.

XVI. Pii solent imprimis observare & confiteri bonitatem istam Dei sibi particulariter communicatam. ex v. 22.

Ratio. Quia benignitas Dei erga alios observari potest, cum invidia, sine efficacia & fructu. Psalm. 37. & 75. Jerem. 12. sed propriæ & particularis benedictionis sensus gra-

titudinis affectum parit. Psal. 103. 1, 2, 9. &c.

Vfus admonitionis, ne bonitatem Dei nobis communicatam sine agnitione condigna præterire sinamus.

XVII. Infirmitas nostra amplificat & illustrat Dei bonitatem. ex v. 23. Psal. 116. 11. Jon. 2. ver. 4.

Ratio 1. Quia tollit arrogantiam. Deut. 9. 6. 7. 2. Quia bonitatis & gratiæ divitias ostendit, quod in tam indignos fertur. Rom. 5. 8. 20.

Vfus directionis, ut in bonitatis Dei contemplatione, nostras infirmitates, & peccata in memoriam revocemus.

XVIII. Benignitas Dei cum indignitate nostra rite comparata, accendit animos nostros, pio affectu benedicendi Deo. v. 22.

Ratio. Quia sic plenissime apprehenditur benignitas dei: & plenissimus affectus ex tali apprehensione emanans, dicitur proprie benedictio. Deut. 8. 10. Psal. 145. 10. Gratiarum actio, laudatio, magnificatio, & glorificatio Dei continentur in benedictione nostra erga eum: sicut omnia bona continentur in ejus benedictione in nos collata.

Vfus exhortationis, ut hac ratione excitemus animos nostros ad benedicendum Deo.

XIX. Eodem affectu, quo quis Deo sincere benedicit, fertur etiam ad alios vocandos in ejusdem officii participationem. ex ver. 24.

Ratio 1. Quia omnes affectus spirituales tendunt ad communionem Sanctorum. 1. Corinth. 12. 25. 2. Quia lætitiæ & gaudii natura est, ut sit communicativum sui, & societatem quærat. Luc. 15. 6. 9.

3. Quia charitas & zelus erga Dei gloriam, ex quibus benedicendi a-
 -ctus exurgit, hoc necessario infer-
 runt. secum. Joh. 21. 15, 16. 4. Quia
 nulla alia ratione possumus nos
 Deo benedicere, quam agnoscendo
 & declarando ipsius bonitatem.
 Deus nobis benedixit effective &
 realiter: nos ipsi benedicimus de-
 clarative tantum, tanquam testes.
 hoc autem nulla ratione magis per-
 ficitur, quam cum apud quamplu-
 rimos ita testatam facimus bonita-
 tem illam Dei, ut illi excitentur ad
 eum glorificandum.

Vsus Explorationis, an nos synce-
 re afficiamur erga Deum in nomi-
 nie eius benedicendo.

XX. Studium Deo benedicendi
 pendet ex dilectione Dei. ibid.

Ratio 1. Quia bene alicui dice-
 re, aut facere, provenit ex eo quod
 bene ipsi velimus. Bene autem velle
 alicui, est eum diligere. 2. Quia
 proprius fructus bonitatis Dei, rite
 a nobis apprehensus, est dilectio.
 3. Quia Deo adherere in ipsius glo-
 riam, est eum diligere. Joh. 23. 8, 11.

PSALMUS TRIGESIMUS SECUNDUS.

Davidis ode didascalica. Beatus levatus a defensione, cuius testum est
 peccatum.

1. Beatus homo, cui non imputat Jehova iniquitatem, & cuius spiritui
 non inest dolus.

2. Quum flevem, inveterascebant ossa mea; in rugitu meo toto die.

3. Nam interdiu & noctu gravis erat super me manus tua; converteba-
 tur prestantissimus humor meus in siccitates assiduas maxime.

4. Peccatum meum notum faciam tibi, & iniquitatem meam non tegam,
 (i. quibam). Confitebor defensiones meas Jehova, & tu sustulisti penam
 peccati mei maxime.

5. Propter hoc oraturus es te, quemcunque benignitate prosequeris quo
 tempore obveris (in inundatione aquarum multarum, ad eum non pertin-
 gent tantum) dicens:

6. Tu latibulum es mihi, ab angustia custodito me: canticibus liberali-

Vsus Exhortationis, ut inprimi
 curemus corda nostra ad sanctum
 istum affectum circumcidi. Deut.
 30. 6.

XXI. Fides apprehendens illa
 quæ deus fidelibus promisit, est cau-
 sa dilectionis. ibidem in fine.

Ratio 1. Quia sola fide appre-
 henditur & applicatur bonitas Dei.

2. Quia fidei virtute dilectionis
 fructus representatur. 3. Quia per
 illam fidem dilectionis impedi-
 menta tolluntur.

Vsus Directionis, ut fidem inprimi
 curemus, tanquam dilectionis
 & omnis gratiæ fundamentum.

XXII. In fide ac spe debemus
 omnibus argumentis corda nostra
 assidue fortificare. ex vers. 25.

Ratio Propter multiplices infir-
 mitates, & tentationes quibus ob-
 noxi sumus.

Vsus Incarnationis, adversus secu-
 ritatem, præsumptionem, negligentiam,
 & socordiam nostram, quæ fit
 ut fortificationis istius vel nulla,
 vel perexigua cura habeatur.

onis circumdato me maxime.

8. Erudiam te & docebo te qua via ambulaturus sis; consilium habeo, attento in te oculo meo.

9. Ne effote ut equus, ut mulas, expertes intelligentie: cuius os freno & habena constringendum est, ne appropinquet ad te.

10. Magni dolores sunt improbo: qui autem fiduciam habet in Jehova, benignitas circumdat eum.

11. Letamini in Jehova, & exsultate iusti; & cavete omnes recti animo.

ANALYSIS.

SCOPUS hujus Psalmi generaliter indicatur in titulo, quod sit *ode didascalica*: id est, erudiens ac docens, sicut explicatur v. 8. Specialiter autem erudit ac docet homines qua via possint ad beatitudinem veram pervenire. sicut apparet ex principio, *Beatus homo*, Apostolo ipso interprete, Rom. 4. 6, *non per opera*, prædicat vel declarat beatitatem.

In istum finem 1. Describitur hæc beatitudo v. 1, & 2. 2. Confirmatur illa descriptio exemplo & experientia ipsius Davidis. v. 3, 4, & 5. 3. Officium eorum declaratur, quibus ista veritas innotescit. 1. In illa beatitudine applicanda. v. 6, & 7. 2. In doctrina admittenda & consolatione ejus firma retinenda. v. 8, 9, & 10. 4. Fructus beatitudinis hujus ita descriptæ, confirmatæ, applicatæ, & conservatæ, declaratur vers. 11.

Descriptio beatitudinis petitur 1. A causa efficiente, & continente, quæ est remissio peccatorum vel justificatio cum ejus effectis. 2. A causa ejus instrumentali, quæ est fides cum poenitentia non simulata, ex intimo corde petens & apprehendens illam remissionem *sine dolo*.

Confirmatio hujus descriptionis petitur ab exemplo Davidis, in quo

hæc beatitudo illustratur per comparisonem miserie illius, quæ remissionis peccatorum, ac sinceræ poenitentiae defectum comitabatur, cum illa felicitate quam per illas postea consequabatur.

Applicatio hujus beatitudinis ostenditur præcipue consistere in misericordia Dei cum fiducia imploranda.

Admissio doctrinæ in subjectione docilitatis.

Conservatio ejus in obedientia & conscientia bona collocatur.

Fructus est sanctum gaudium in Deo, & nominis ejus glorificatio.

DOCUMENTA.

I. Beatitudo ab omnibus expetitur. ex v. 1. Psalm. 4. 7. Hinc est quod in gravissimis quoque institutione & exhortatione, quæ pertinent ad omne genus hominum, beatitudo primo in loco nominatur, ac promittitur iis qui audent. Psalm. 1. 1. Psalm. 119. 1. Mat. 5. 2. Psalm. 34. 13.

Ratio 1. Quia hoc est naturale, ut omnia appetant suum finem & perfectionem. 2. Quia omnes homines experiantur aliquem defectum, indigentiam, aut privationem felicitatis. 3. Quia Deus voluit in ipsa natura humana corrupta ali-

quam inclinationem remanere, qua teratur ad ipsum aliquo modo querendum. Act. 17. 27.

Obiect. Huiusmodi desiderium in multis non apparet.

Sol. Non apparet in actu distincto, & rite ordinato: apparet tamen confuse & in communi, duplici errore oppressum: quod beatitudo falsa queritur tanquam vera: & vera deseritur ac rejicitur tanquam falsa. Jer. 2. 13.

Vsus exhortationis, ut evigilemus tandem, & excitemus nosmetipsos ad seriam curam beatitudinis nostræ, quæ etiam ab ipsa natura nobis commendatur.

II. Decipiuntur omnes, qui beatitudinem alibi querunt, quam in Deo. ex v. 2. *Beatus homo cui leborva.* Deut. 33. ult. Psal. 16. 11.

Ratio 1. Quia nihil præter Deum sufficiens est ad satisfaciendum desideriis omnibus naturæ nostræ. 2. Nihil præter Deum absolutum est ac independens, ita ut in eo tanquam ultimo bono acquiescere possimus. 3. Nihil præter Deum est prorsus immutabile, & æternum. 4. Nihil præter deum homine ipso perfectius, quod potest ab homine possideri. 5. Nihil præter Deum, quod possit à nobis omnem miseriam, & miseræ causas amovere, & prohibere.

Vsus admonitionis, ut caveamus nobis, ne perniciosum istum errorem cum mundo erremus.

III. A beatitudine in Deo consequenda peccatis nostris impedimur. Jer. 59. 1. Rom 3. 23.

Ratio 1. Quia reatus peccati in conscientia nostris, onus est ingens, quo deprimimur, quo minus ad Deum assurgamus. in textu.

Matth. 11. 28. 2. Quia impuritas & pollutio peccati abominabiles nos reddit coram oculis Dei. Hab. 1. 13. 3. Offensio peccati tanta est, ut non possimus pro illa satisfacere. 4. Non tantum privat nos his rationibus beatitudine à Deo communicanda, sed maledictione Dei nos involvit. *Maledictus qui non manserit in omnibus.*

Vsus directionis, quomodo affici nos decet erga peccata, odio & horrore; erga peccatores, conmuneratione; erga nosmetipsos, sollicitudine maxima de liberatione à peccatis.

IV. Nemo mortalium immunis est ab iis peccatis, quæ ex sese beatitudinis inferunt privationem. Ex eo colligitur, quod nulla spes beatitudinis sit cuiquam, nisi per abolitionem peccatorum. Psal. 130. 3. & 143. 2. 1 Joh. 1. 8, 10.

Ratio 1. Quia omnes in Adamo peccarunt, & in peccato nascuntur, atque adeo sunt filii iræ. 2. Quia tentationibus tam multis sumus obnoxii, & infirmitates nostræ tantæ sunt, ut actualia peccata ab illo insito inhabitante peccato pullulare non cessent. 3. Quia propter illam repugnantiam ad legem Dei, quam habemus nobis insitâ, optimi nostri conatus variis defectibus inticiuntur.

Vsus 1. Refutationis, adversus Pontificiorum errores, quibus statuunt peccata varia venialia: & legem à multis perfecte servari. 2. *Directionis*, ut primum principium beatitudinis querendæ, in humiliatione de peccatis nostris collocemus.

V. Beatitudo nostra ita dependet à peccatorum remissione, ut in illa quasi consistat. v. 1, & 2.

Ratio. Quia remissio hæc & remouet impedimenta, & est propria

pria causa, certissime & efficaciter produciens beatitudinem æternam, tanquam suum effectum. Beatitudo sæpe in Scripturis tribuitur virtutibus, & officiis variis, Ps. 1. 1. & 119. 1. Mat. 5. 1. &c. tanquam mediis adjunctis, & signis: sed huic soli gratiæ, remissioni peccatorum, & Christo, in quo remittuntur, tribuitur, tanquam causæ, Rom. 4. 6.

Vsus 1. Refutationis, adversus Pontificios, & alios, qui beatitudinem quærunr ex sua propria justitia, & operibus bonis.

Vsus 2. Directionis, ut hanc unicam viam consecretur beatitudinis consequendæ.

V 4. Magna est Dei gratia, qua peccata nostra remittuntur. ibidem. hoc eo ipso innuitur, quod tam emphatica repetitione, & quasi congerie verborum, declaratur: quia rei tantæ nulla sufficit orationis forma.

Ratio 1. Quia peccata nostra sunt multifaria; *defectio, peccatum, iniquitas.* 2. Quia maximum periculum nobis creant. sunt onera *levanda*, *forditates tegende*, & debita *non imputanda*, nisi cum perditione nostra. 3. Quia gratia Dei abundans est ad omnia tollenda, *levat, tegit, & non imputat.*

Vsus 1. Refutationis, adversus Pontificios, qui gratiam hanc Dei extenuant, dum penas peccati post remissionem docent manere, per satisfactiones nostras amovendas. 2. *Consolationis*, erga omnes fideles, adversus peccati reatum, & conscientie terrores. 3. *Exhortationis*, ut omni collato studio istam gratiam apprehendere conemur, & gloriam ejus Deo tribuere.

V 11. Gratiam ac felicitatem istam nemini participat, nisi qui syn-

cere, & sine dolo, à suis peccatis resipiscunt, & ad Dei misericordiam se recipiunt, ex v. 2. in fine, Act. 8. 22.

Ratio 1. Quia alii non sunt capaces hujus gratiæ, quia non possunt eam gustare vel rite æstimare. 2. Quia remissio talibus indulta, esset confirmatio in peccatis, vel quasi concessio veniæ peccandi. 3. Quia tales homines ad finem & fructum remissionis, qui in Deo honorando ponitur, sunt prorsus inepti.

Vsus admonitionis, ut imprimis curemus sincere, & sine fraude, cum Deo agere, de omnibus nostris peccatis quibus eum offendimus.

VIII. Ista omnia, quæ spectant ad gratiam Dei, felicitatem eorum qui sincere Dei misericordiam quærunr, pertinent ad experientiam omnium piorum, ver. 3. 1. Pet. 2. 3. 1. Tim. 1. 2. 15.

Ratio 1. Quia hac via transferuntur ex statu peccati, in statum gratiæ. 2. Quia subinde & jam, cum temptationibus exercentur, eadem via emergunt.

Vsus Redargutionis, adversus eos, qui pietatem profitentes, de istis tamen nihil præter auditum habent.

IX. Piorum experientia docet, dolum cordis difficulter excuti, sed cum magno nostro malo toveri, ex v. 3. & 4. Job. 33. 19. & 36. 9. Lam. 3. 39.

Ratio. Quia omnes favent ac parcunt sibi metipsis, nec facile semetipsos judicant & condemnant. Hinc peccati abnegatio, occultatio, excusatio, imitigatio, & indulgentiæ præsumptio. Psalm. 36. 2.

Vsus admonitionis, ut eo magis caveamus nobis ab isto dolo, ne locum habeat in cordibus nostris.

X. Dolus iste deponitur, & remissio simul ex misericordia Dei obtinetur, solummodo per confessionem ingenuam. v. 5. Pro. 28. 13. 1 Joh. 1. 9, 10. Jer. 3. 13. 1 Cor. 11. 31. Jon. 4. 16.

Ratio 1. Quia sincera confessio in sese complectitur humiliationem, poenitentiam, & spem. in textu. v. 5. 2. Quia gloriam justitiae tribuit Deo. Psalm. 51. v. 6. 3. Quia gloriam etiam gratiae Dei illustrat, & ad genuinam ejus receptionem disponit: misericordia enim non habet locum, vel quoad rem ipsam, vel quoad perceptionem, nisi miseria praesente.

Vsus 1. Exhortationis, ut animos nostros comparemus ad seriam peccatorum nostrorum confessionem. Psalm. 38. 18, 19. 2. *Consolationis*, erga eos qui ita sunt comparati. Psalm. 119. 26. Iesai. 65. 24.

XI. Misericordia ista Dei, qua peccatoribus peccata sua humiliter consentientibus reconciliari dignatur, cum exemplis elucescit, excitat omnes pios in suis periculis, ad nomen Dei cum fiducia invocandum, ex v. 6. 1 Tim. 1. 16.

Ratio 1. Quia misericordia Dei suis effectis elucens, spem piorum confirmat: dum rem speratam, non tantum ut possibilem, aut probabilem, sed etiam ut certam, propter immutabiles Dei vias, repraesentat. 2. Quia pietatis talis est indoles, ut qualibet invitatione exciteretur, imo occasiones omnes caperet appropinquandi Deo. Prov. 9. 9.

Vsus exhortationis, ut istiusmodi exempla adhibeamus ad fidem ac spem nostram suffulcendam in vera invocatione Dei, sicut Aaron & Hur sustentabant manus Moysis. Exod. 17. 12.

XII. Fiducia vera, inter orandum, apprehendit firmiter misericordes Dei promissiones. ex v. 6. & 7. Jac. 1. 5.

Ratio. Quia sunt fidei ac spei objectum, orationis fundamentum, & desideriorum piorum complementum.

Vsus directionis, ut inter orandum oculos fidei defixos habeamus in promissionibus Dei.

XIII. Certus fructus orationis fidelis, est copiosa benedictio Dei, propter gratiam communicatam, ex v. 7. in fine. 2 Corinth. 1. 11.

Ratio 1. Quia Deus audit orationes, ut glorificetur. Psalm. 50. 15. 2. Quia religio aequae disponit ad gratiarum actionem de gratia concessa, ac ad petitionem ejusdem concedendae.

Vsus admonitionis, ne ista duobus modo separemus, quae Deus & ipsorum natura conjunxit.

XIV. Benedictio & glorificatio Dei, praecipue consistit in obedientiae cura. v. 8. 1 Corinth. 6. 20. *Glorificate igitur Deum in corpore vestro, & in spiritu vestro quae sunt Dei.*

Ratio 1. Quia hac ratione offerimus nosmetipsos totos Deo, tanquam sacrificium laudis. Secundum illud Apostoli ad Rom. c. 12. v. 1, 2. *Adhortor vos, fratres, per miserationes Dei, ut sistatis corpora vestra hostiam vivam, sanctam, placentem Deo, rationalem illum cultum vestrum: Et ne vos configurate saeculo ipsi, sed transformati vos, &c.*

2. Quia simul etiam praedicamus virtutes Dei, 1 Pet. 2. 9. *Ut virtutes praedicetis illius qui vos vocavit.* 3. Quia alios etiam invitamus & excitamus ad Deum glorificandum. Mat. 5. 16, 1 Pet. 2. 12.

Vsus

Vsus exhortationis, ut maxime omnium in obedientiæ studium incumbamus.

XV. Obedientiam erga Deum promovere debent omnes pro modo suo, etiam docendo. ex v. 8. Luc. 8. 39. *Revertere domum tuam, & narra quanta tibi præstiterit Deus.* Heb. 3. 13. *Exhortamini alii alios quotidie, quoad appetatur dies benedictus: ne quis ex vobis induatur seductione peccati.*

Ratio 1. Quia hæc pars est magna communionis Sanctorum
2. Quia ælus gloriæ Dei & charitas erga proximos hoc requirit.

Vsus exhortationis, ut de lumine quod accepimus, lumen aliis accendere studeamus.

XVI. Qui ab eruditione recipienda sunt alieni, similiores sunt brutis, quam sapientibus. verf. 9. Prov. 26. 3. *Ut flagellum adhibetur equo, frænum asino; ita virga tergo stolidorum.* & 27. 22. *Si contunderis stultum in mortario cum mola pisti-*

lo, non recederet ab eo stultitia ejus.
Ratio Quia rationem rectam non sequuntur, sed beluinos appetunt.
2 Pet. 2. 12.

Vsus admonitionis, ut caveamus, nobis, ne ulla in re indociles fiamus. Prov. 8. 33. &c.

XVII. Ille multum profecit in eruditione pietatis, qui impios maledictionem, & pios benedictionem certam à Deo manere, certo sibi persuasum habet. ex v. 10.

Ratio. Quia hoc principium est, ex quo etiam studium sequitur omnis eruditionis ad pietatem ducentis.

Vsus directionis, ut hoc in primis in animis nostris defigi curemus.

XVIII. Qui sincere accipiunt hanc eruditionem, illi possunt ac debent exultare in Domino, gaudia ineffabili, ac gloriosa. v. 11. 1 Pet. 1. 8.

Ratio. Quia spem habent certam summi boni consequendi.

Vsus consolationis, adversus hujus vitæ misérias.

PSALMUS TRIGESIMUSTERTIUS.

Cantate justi in Jehova, rectos decet laudatio.
2. Celebrate Jehovam cithara; nablio & decachordo psallite ei.
3. Canite ei canticum novum, optime pulsate cum clangore.
4. Quia rectum est verbum Jehova, & omne opus ejus constans:
5. Amat justitiam & judicium: benignitate Jehova plena est terra.
6. Verbo Jehova celi facti sunt, & spiritu oris ejus totus exercitus eorum:

7. Congerit quasi cumulum aquarum maris, disponit in thesauris abyssus.
8. Timeant à Jehova omnes incolæ terræ: ab ipso metuant omnes habitatores orbis.

9. Nam ipso dicente est quicquid est: ipso præcipiente existit.
10. Jehova irritum facit consilium gentium, infringit cogitationes populorum:

11. Consilium vero Jehova in seculum consistit; cogitationes animi ejus in ætates singulas.

12. Beata gens illa, cujus Jehova Deus est: populus quem elegit in possessionem sibi.

13. *E caelis intuetur Iehova, videt omnes filios hominis :*
 14. *E loco habitationis sue, prospicit in omnes habitatores terra :*
 15. *Formator pariter cordis eorum, animadvertit ad omnia opera eorum.*
 16. *Non est rex qui servetur multitudinem copiarum, potens non eripitur*
multitudine virium.
 17. *Mendax est equus ad salutem, & multitudine roboris sui non libe-*
rat scilicet se.
 18. *Ecce oculus Iehova attendit ad timentes sui : ad expectantes benig-*
nitatem eius.
 19. *Ut eripiat à morte animam eorum, & vivos conservet eos in fame.*
 20. *Anima nostra praestolatur Iehovam : auxilium nostrum & scutum*
nostrum est.
 21. *Nam in eo latatur animus noster, quia nomini sancta eius confi-*
dimus.
 22. *Sit benignitas tua, Iehova, super nos ; prout expectamus te.*

A N A L Y S I S.

SCOPUS Psalmi est, excitare
 pios, ad Dei nomen celebra-
 dum : quæ adhortatio 1. proponi-
 tur. v. 1, 2, 3. postea suadetur &
 premitur argumentis ad v. 20. &
 ultimo in loco praxi ipsa vel e-
 xemplo piæ celebrationis Dei il-
 lustratur. v. 20, 21, 22. In horta-
 tionis propositione officii modus
 1. declaratur, quod debet esse cum
 optimo affectu, & zelo. v. 1, 2, 3. 2. ad
 quos proprie pertinet hoc officio
 ungi : videlicet ad *justos & rectos.*
 vers. 1.

Suasionis argumenta propo-
 nuntur. Primum generaliter. v. 4,
 & 5. quod Deus sit *rectus, constans,*
justus, & benignus, tam *verbis,* quàm
operibus suis.

Secundo in loco eadem perfe-
 ctio Dei celebranda demonstra-
 tur particulariter. 1. A sufficien-
 tia ipsius ad omnia ad vers. 12. 2.
 Ab efficientia ejus erga Ecclesiam
 ad ver. 20.

Sufficiencia Dei 1. Ostenditur
 absolute, ab effectis ejus : quod sci-
 licet verbo aut voluntate sua sola

mundum creavit & gubernat. v.
 6, 7, 9. Et 2. In comparatione
 ad omnes gentes, quæ timere ma-
 jestatem ejus debent. v. 8. quæ po-
 testati ipsius resistere non possunt.
 v. 10, 11.

Efficientia Dei erga Ecclesiam
 declaratur ex eo, quod accumu-
 lat in ipsam omnia bona : v. 12. &
 liberat ipsam omni malo. vers. 19.
 quod confirmatur à providenti e-
 jus administratione, tum generali,
 vers. 13, 14, 15. tum speciali, v. 18.
 & illustratur ab insufficientia me-
 diorum omnium ad boni quidquam
 efficiendum sine Deo. v. 16, 17.

Celebrationis exemplum est in
 professione fidei, spei, gloria-
 tionis, & invocationis piæ. v. 20,
 21, 22.

D O C U M E N T A.

1. Rite Deum celebrare, officium
 est grave, & curæ magnæ, ex ver. 1,
 2, 3. ubi exhortatio iterum atque
 iterum ingeminatur.

Ratio 1. Quia requirit puram
 & ferventem zelum Dei. 2. Quia
 ram

tam internum quam externum hominem requirit. 3. Quia summa cum alacritate debet præstari, ita ut canticum hujus generis semper sit novum, & ex omni occasione renovatum. Psalm. 40. 4. & 96. 1 Joh. 2. 7, 8.

Vsus Admonitionis, ne negligenter aut perfunctorie transigamus quidquam eorum quæ huc spectant.

II. Officium istud proprie pertinet ad fideles & pios. ex v. 1.

Ratio 1. Quia illi soli sunt idonei. Psalm. 50. 16. 2. Quia illi semper sunt parati. Psalm. 118. 4. 3. Quia ab illis solis cum decore & gratia præstatur. Psalm. 93. 5. & 117. 1.

Vsus 1. Exhortationis, ut pietati studeamus, quia sine illa non possumus Deum rite laudare. 2. Ut pietatem nostram hoc ejus effectu declaremus.

III. Tot ac tanta sunt indicia perfectionis, & benignitatis Dei, ut piis animis nunquam deesse possit occasio nomen ejus celebrandi. ex v. 4, 5. sic Psalm. 119. 64.

Ratio 1. Quia author & largitor est omnis boni. 2. Quia ille conservator est ab omni malo. 3. Quia quod in utroque genere promittit & præstat: maxime spectat ad pios, & ab iis solis rite observatur.

Vsus 1. Inreparationis, adversus sterilitatem, frigiditatem & torporem nostrum in Deo laudando. 2. *Directionis*, ut in contemplatione verbi & operum Dei diligenter nos exerceamus.

VII. Fides & confessio omnipotentiae divinae, primaria pars est celebrationis Dei. ex v. 6, 7. &c. ad 12. Apocal. 4. 11. & 5. 12, 13. 1 Chron. 29. 11.

Ratio 1. Quia potentia Dei est inter primarias ejus perfectiones & attributa, quorum nomine celebratur. Gen. 35. 11. 2. Quia potentia Dei validas & efficaces reddit ceteras ejus perfectiones, bonitatem, misericordiam, justitiam, ad consolationem fidelium. Ephes. 3. 20. 3. Quia fides in operatione sua respicit potentiam Dei, ut primum fulcrum & columnam. Rom. 4. 21.

Vsus Directionis, ut ædificemus nosmetipsos in isthac fide omnipotentiae divinae.

V. Omnipotentia Dei singulariter elucet in creatione & gubernatione mundi. Rom. 1. 20. Apoc. 4. 11. & 5. 13.

Ratio 1. Quia solo nutu & imperio suæ voluntatis, sine subsidio, & labore, fecit omnia quæ tacta sunt in textu. verbum enim, per metonymiam adjuncti, significat imperium illud quod verbo solet significari ac declarari. 2. Quia nulla creatura vel instrumenti locum sustinere potest in hujusmodi operatione.

3. Quia cum aliae etiam perfectiones, ut bonitas & sapientia in eodem opere creationis emicuerunt, potentia tamen eminenter appareret: bonitas enim & sapientia eatenus tantum apparent in creatione, quatenus in rebus creatis existunt; sed potentia declaratur plane infinita: quoniam ex nihilo nihil potest produci per potentiam aliquo modo finitam.

Vsus Directionis, ut ex meditatione operum creationis & gubernationis mundi fidem nostram de omnipotentia divina confirmemus.

VI. Omnipotentiae divinae consideratio deducit homines ad timorem Dei. ex v. 8. Job. 37. 23. Jerem.

Jer. 5. 21. **Ratio.** Quia potestas vitæ ac necis est propria & formalis ratio timoris. *Luc. 12. 5.*

Vsus Admonitionis, ne acquiescamus unquam in otiosa contemplatione potentie Dei, sed serio applicemus eam ad timorem Dei in cordibus nostris excitandum.

VII. Omnipotentia Dei omnia illa consilia hominum evertuntur, quæ timori & consilio ipsius adversantur, ipsius autem consilium stabilitur. *ex. v. 10. 11. Pro. 19. 21. Jes. 14. 24. 27. & 46. 10. 2 Sam. 15. 3. 1 Act. 4. 29.*

Ratio. Quia omnipotentie nihil resistere potest. potentia superabilis, non est omnipotentia.

Vsus 1. admonitionis, ut caveamus nobis ab omnibus consiliis quæ Deo adversantur. 2. **Consolationis,** ut cum omni fiducia pendamus à Dei consilio nobis revelato.

VIII. Omnipotentia tota Dei facit ad Ecclesiam beatificandam. *ex vers. 12. cum antecedentibus. Gen. 17. 1. 35. 5. 11.*

Ratio 1. Quia Deus ipse est merces fidelium atque adeo tota omnipotentia vel omnisufficiencia Dei. *Gen. 15. 1. & 17. 7.* 2. Quia si Deus sit nobiscum, nihil quidquam adversus nos valere potest. *Rom. 8. 31.*

Vsus Directionis, ut omnipotentiam apprehendere studeamus, non absolute tantum, sed in fœdere ordinatam ac determinatam ad nostram felicitatem procurandam.

IX. Efficacia potentie divinæ ad beatificandos fideles, exercitur & elucet in providentia illa quæ mundum totum administrat. *ex vers. 13. & c. Psalm. 145. 15. 16.*

Ratio 1. Quia sufficientia Dei in efficientia ejus declaratur. efficientia autem ejus, est creatio & providentia. 2. Quia ex providentia illa communi, quam Deus habet circa mundum, & homines mundanos, promptum est colligere, singularem providentiam circa fideles. *1 Tim. 4. 10.* 3. Quia illa etiam providentia communis, quæ circa res & homines mundanos exercetur, tendit ad felicitatem Ecclesiæ. *1 Cor. 3. 22.*

Vsus Directionis, ut ex omni contemplatione providentiæ Divinæ, ædificemus nosmetipsos in fiducia felicitatis nostræ.

X. Providentia illa Dei quæ circa homines versatur, cordi & operibus eorum conformis est, non viribus & copiis. *ex vers. 15, 16, 17.*

Ratio 1. Quia ista gubernatio est moralis, docendo, & implendo. *Mich. 6. 8.* 2. Quia virium & mediocorum gubernatio pendet ex illa providentia Dei, quæ respicit vias hominum. *Prov. 16. 7.* 3. Quia Dei providentia non minus efficax est sine mediis, aut contra media, quam cum illis.

Vsus 1. admonitionis, ut præcipuam curam habeamus cordis & vitæ nostræ. 2. **Consolationis,** adversus copias & vires hostium Ecclesiæ.

XI. Providentia Dei singulariter invigilat piis in bonum. *ex vers. 18, 19. Neh. 2. 8. Rom. 8. 28.*

Ratio. Quia hoc est promissio & fœdus Dei erga fideles.

Vsus Consolationis, adversus omnia pericula & terrores.

XII. Hujus providentiæ Dei apprehensio viva, excitat in cordibus fidelium, spem, lætitiā, & fiduciam gloriosam, una cum invocatione con-

congruente, ex v. 20, 21, 22.

Ratio. Quia argumenta suppeditat efficacissima, quibus isti gratie aluntur, sustentantur, fortificantur, & augentur.

Ufus admonitionis, ne acquiescamus unquam in ulla contemplatione providentiae Divinae, atque istos fructus inde percipiamus.

PSALMUS TRIGESIMUS QUARTUS.

O De Davidis, quam mutasset speciem suam coram Abimeleco, & ipse ipsum expellente, abiisset.

2. Benedicam Iehova omni tempore; jugiter laus ejus erit in ore meo.
3. In Iehova jacevit se anima mea; audient mansueti, & letabuntur.
4. Dicam, magnificavit Iehovum mecum, & extollamus nomen ejus pariter.
5. Quasi Iehovam, & exaudivit me; ac ex omnibus pavoribus meis eripuit me.
6. Qui insumentur in eum & conflunt; vultus eorum ne erubescant, sed dicant:
7. Iste pauper invocavit, & Iehova exaudivit; ac ab omnibus angustis ejus servavit eum.
8. Castra metantur angeli Iehovae circa timentes ejus; & eripit eos.
9. Gustate & videte bonum esse Iehovam: beatus vir, qui se recipit ad eum.
10. Time Iehovam sancti ejus: quia non est penuria timentibus eum.
11. Iuvenes leones pauperantur atque esuriunt: quarentes autem Iehovam, non indigent ullo bono.
12. Agite filii, anscultate mihi, reverentiam Iehovae docebo vos.
13. Quis est vir ille, qui delectatur vita, amat dies, amat frui bona?
14. Custodi linguam tuam a malo, & labia tua ne loquantur fraudem.
15. Recede a malo, & fac bonum: require pacem, & sectare eam.
16. Oculi Iehovae ad justos, & aures ejus ad vociferationem eorum attendunt.
17. Iras vero facies Iehovae ad facientes malum, ut excindat e terra memoriam eorum.
18. Clamantes illos Iehova audis, & ex omnibus angustis ipsorum eripit illos.
19. Propinquus est Iehova fractis animo: & contritos spiritu servat.
20. Multae sunt afflictiones iusti, sed ex omnibus istis eripit eum Iehova.
21. Servans omnia officia; unum ex illis non frangitur.
22. At morte efficit improbum afflictio; & qui oderunt justum disperduntur.
23. Redimit Iehova animam fervorum suorum; neque disperduntur ulli recipientes se ad eum.

ANALYSIS

ANALYSIS.

OCCASIO hujus Psalmi fuit liberatio Davidis à presentissimo periculo quod imminebat ipsi à Philistæis, & eorum Rege, Abimilecho. v. 1.

Scopus ejus est celebrare nomen Dei liberatoris.

Celebratio ista constat ex duabus partibus: quarum prior est directa professio gratitudinis suæ erga Deum. v. 2, 3.

Secunda est aliorum provocatio ad idem faciendum. à v. 3. ad finem Psalmi.

Professio gratitudinis ex duobus actibus consistit: *benedictione* Jehovah, & *gloriatione* in ipso: qui illustratur. 1. Ab adjuncto temporis, *juxta*. 2. A causa eorum, tam instrumentali, *ore*, quam principali, *anima*: Et 3. Ab effectu, *letitia* piorum, qui istam professionem essent audituri: *audient mansueti, & letabuntur*.

Provocatio vel exhortatio aliorum ad Deum celebrandum 1. Proponitur. v. 4. 2. Urgetur. 1. A singulari exemplo bonitatis Dei erga Davidem, ad v. 5. 2. A communi illa bonitate, quam omnes pii possint experiri. à v. 9. ad finem.

Exemplum Davidis proponitur, v. 5. & describitur per causam & effectum, & tum convertitur in argumentationem piis consolatoriam, & Deo gloriosam: cujus conclusio proponitur v. 6. medium vel tertium argumentum, v. 7. & conclusionis illustratio adjicitur à causis administrantibus. v. 8.

Communis experientia bonitatis Dei proponitur & generaliter suadetur à bonitatis illius effectu, bea-

titudine scilicet fidelium, v. 9. quæ à contrario comparative declaratur, v. 10, 11. tum illustratur à generali modo vel medio ad experientiam illam perveniendi, v. 10. per reverentiam scilicet Dei, hæc autem reverentia magis distincte explicanda vel describenda proponitur, v. 12. & describitur ab effectis negantibus, & affirmantibus, v. 14. & 15. sub forma suasionis, cui inservit beatitudinis inde consecutura commemoratio, v. 13.

Consequentia hujus suasionis, vel connexio inter beatitudinem & reverentiam Dei, probatur, ab efficaci providentia Dei, piis in bonum invigilanti, v. 16. quæ illustratur causa ministrante, invocatione, v. 18. & modo operandi paratissimo, v. 19. & efficacissimo, ad quælibet mala perfecte removenda, v. 20, 21, 23. & amplificatur ab opposita providentia impiis piorum hostibus in malum invigilante, v. 17. & 22.

QVÆSTIONES.

I. An dissimulatio ista Davidis fuerit licita, necne?

Resp. Non potest ab omni peccato excusari. 1. Quia proveniebat à nimio timore, & dissidentia, promissionibus Dei, & fidei veræ adversa. 2. Mendacii naturam participavit, quamvis enim in omni stratagemate, quo aliud prætenditur quam intenditur, mendacium non reperitur, quia signa omnia non sunt certo determinata ad unum; illa tamen signa quæ pertinent ad rationis usum indicandum, sunt à natura ipsa determinata, atque a deo eorum dissimulatio seria non potest

potest à mendacii vitio excusari. 3. Dehonestatio fuit imaginis Dei, ad quam fuit creata. 4. Scandalum præbebat illis infidelibus, quos hunc in modum fallebat. Neh. 6. 11. Ezech. 8. 22.

II. An Deus laudandus fuerit de liberatione quam consecutus est David illicita simulatione?

Resp. Resipiscencia de peccato præmissa vel maxime debuit laudari. 1. Quia liberatio ipsa non à peccato, sed à gratiosa Dei providentia proveniebat. 2. Quia mirabilis Dei gubernatio in humanis rebus moderandis apparebat ex eo, quod etià peccata noverit in bonum convertere, actionibus malis bene utendo. 3. Quia gratia illa ex eo abundantior apparuit, quod peccato illo non fuit retardata. non enim supra meritum tantum, sed & contra meritum fuit efficax: non imperfectioni conatus boni, sed conatus & voluntati malæ benedicere dignabatur.

Hinc autem duo sequuntur, in usum nostrum observanda. 1. Pontificios male argumentari, cum inde superstitiones multas probare nobis conantur, quod Deus, vel per illas, vel cum illis, singulariter aliquando est operatus. Non illis, sed bonitati suæ attestabatur Deus. 2. Non igitur usurpanda esse media illicita: quia hoc esset gratia & misericordia Dei abuti, atque adeo iram ejus provocare.

DOCUMENTA.

I. Benedictio Deo debetur, quum ex periculis nos liberavit, ex verf. 2.

Benedictio autem ista in sese continet, non simplicem laudem,

aut gratiarum actionem, sed plenitudinem laudis, & gratitudinis perfectionem. sicut enim status beatitudinis, vel benedictionis in affluentia omnium bonorum consistit; sic benedictio absolute considerata, ad affluentiam boni & perfectionem semper spectat. Quum igitur Deus homini absolute benedicit, communicat ipsi omnia bona quæ ad perfectionem ejus requiruntur: & cum homo Deo benedicit, agnoscit & prædicat summam ejus perfectionem, idque perfectissimo quo potest modo & gradu. Hinc est, quod hæc actio, præ cæteris cognatis, proprie tribuitur sanctis. Psal. 145. 10.

Ratio 1. Quia Deus liberando, & servando nos realiter nobis benedicit, id est, bene facit, nam sicut dicere Dei, est facere, *dixit & facta sunt*, sic etiam benedicere Dei, est bene, & benigne facere. æquum est igitur, ut nos illam bonitatem Dei agnoscamus, quod nostrum est benedicere respectu Dei. 2. Quia ex ista benedictione debemus quasi repleti ejus bonitate, eandem prædicatione nostra ipsi quasi per reflectionem reddere, & acceptam referre. Deut. 8. 10. 3. Quia hæc est proprietas Dei ex omni occasione agnoscenda. Mar. 14. 61. Rom. 9. 5.

Ufus Exhortationis, ut omni studio comparemus nobis illum sensum bonitatis Dei, & illam cordis dilatationem, qua apti reddamur ad istud officium præstandum.

II. Illi Deo rite benedicamus, requiritur simul ut in ipso gloriemur, ex v. 3.

In gloriatione autem duplex est relatio singularis: quarum prima respicit bonum communicatum, quod

quod tale sit ut excellentiam quamdam habeat supra vulgaria bona, ita ut dignitatem quandam adferat possessori. secunda autem respicit auctorem illius boni, quod ejus favor sit maximi faciendus, & cum gaudio recolendus.

Ratio 1. Quia sine ista gloriatione non potest esse gaudium Deo dignum, quale est fidelium. 1. Pet. 1. 8. 2. Quia ista gloriatio est proprius honor Dei. Jer. 9. 23, 24. 1 Cor. 1. 31.

Vsus 1. admonitionis, ne in aliis rebus gloriemur: & minime omnium in superbia peccati.

2. *Exhortationis*, ut exitemur in nobismetipsis.

III. Tanto, quam anima, benedicendus est deus. ex v. 2. & 3.

Ratio 1. Quia hoc officium pertinet ad hominem totum. Psal. 103. 1. 2. Quia laus illa quæ in ore nascitur, non est nisi umbra benedictionis: anima autem benedictione & gloriatione repleta, non potest non effundere sese ore. 3. Quia hac sola ratione benedictio tam nobis, quam aliis prodest: nobis in anima, aliis in ore.

Vsus admonitionis, ne ista duæ quæ Deus conjunxit, à nobis unquam separantur.

IV. Officium istud benedicendi Deo, omni tempore debet continuari. ex v. 2.

Continuo autem & jugiter dicimur istiusmodi officia præstare, 1. Quando ab eorum exercitio non discedimus, nisi cum animo revertendi. 2. Quando justam omnem occasionem captamus idem frequentandi. 3. Quando sine ulla intermissione dispositionem ad illa congruentem in animis nostris conservamus.

Ratio Quia major est gratia Dei, quam ut omni nostro tempore possit satis prædicari.

Vsus increpationis adversus temporarios nostros affectus, & infrequentiam in istiusmodi officiis præstandis.

V. Alii sunt invitandi ad benedicendum Deo nobiscum. ex vers. 4. Psalmo 22. 33. & 66. 16.

Ratio 1. Quia affectus ipse gaudii est sui communicativus. Luc. 15. 6. 9. 2. Quia pertinet ad honorem Dei, ne ejus beneficia abscondantur, atque adeo hæc communicatio à charitate erga ipsum imperatur. Psal. 40. 10. 3. Quia intime pertinet ad ædificationem & salutem proximi: & ideo elicitur ab ista charitate. Psal. 35. 27.

Vsus 1. Exhortationis, ad alios exhortandos. 2. Ut exemplo aliis præeamus in iis ad quæ ipsos exhortamur.

VI. Qui afflictionum experientia sunt quasi domiti & mansuefacti, illi sunt maxime idonei ad benedicendum Deo de ejus bonitate. ex v. 3. in fine.

Ratio 1. Quia illi fere soli sentiunt suam indigentiam, & miseriam, ex qua liberantur per bonitatem Dei. 2. Quia soli genuinum gustum habent bonitatis Dei, ex siti ejus antecedente. 3. Quia ad tales proprie pertinet bonitas Dei singularis. Jac. 4. 6. 1. Pet. 5. 5. 2. Cor. 7. 6.

Vsus 1. Directionis, ut ex visitationibus Dei hunc in modum proficere studeamus.

VII. Qui ita intuentur Dei bonitatem, ut ad eam cum fiducia confugiant, illi magnificant & extollunt nomen Dei. ex v. 4. & 6.

Ratio 1. Quia non demum dicimur

cimur Deum magnificare, & ex-
collere, cum re ipsa ex fructibus
ostendimus, nos vere credere in
ejus misericordiam, & veritatem.

Deuter. 32. 3. 2. Quia adduci-
mur eo per intuitum bonitatis Dei.
Ephes. 1. 18. 3. Quia intuitus
iste Dei non est efficax, nisi faciat
nos cum imperu confugere ad De-
um. Cantic. 1. 3, 4. Jesh. 2. 2. & 60. 5.
Jer. 31. 12.

Ufus Exhortationis, ut in istam
contemplationem Dei sedulo in-
cumbamus.

VIII. In contemplatione di-
vinæ bonitatis tria ista sunt præci-
pue consideranda: personæ erga
quas manifestatur: medium per
quod ad eum pervenitur: & mo-
dus ac mensura, qua manifestatur.
ex v. 5. & 7.

Ratio 1. Quia omnimoda pau-
pertas, vel egestas eorum circa
quos exercetur, munit nos adver-
sus desperationem. 2. Quia in-
vocationis necessitas liberat nos
à præsumptione. 3. Quia am-
plitudo beneficentie ipsius spem
& fiduciam nostram reddit perfe-
ctam.

Ufus Directionis, ut in omnibus
exemplis benignitatis Dei, ad hæc
præcipue attendamus.

IX. Bonitas Dei erga pios in
Angelorum ministerio singulariter
elucet. ex v. 8.

Ratio 1. Quia Angeli emittun-
tur ut ministrent in eorum bonum.
Hebr. 1. 14. 2. Quia omnibus
illis facultatibus instruuntur, sci-
entia, potentia, & celeritas, quæ
faciunt ad ministerium istud im-
plendum. Ezech. 1. 3. Quia fa-
cilis participamus bonitatem Dei,
prout per hujusmodi instrumen-

ta exercitur, quam ut in ipso Deo
coninetur.

Ufus Directionis, ut fiduciam no-
stram ista meditatione confirme-
mus.

X. Ut bonitas ista Dei sit in
cordibus nostris efficax, requiri-
tur ejusdem gustus. ex v. 9. Gusta-
re autem spiritualiter, est intime
sentire saporem & naturam ali-
cujus rei: ita ut proprie notet ex-
perimentalem ejus perceptionem.
Mat. 16. 28.

Ratio 1. Quia gustus privatio,
ex ordine naturæ est indicium
mortis appropinquantis. 2. Sam.
19. 35. 2. Quia sine gustu non
intelligitur, quam suavis sit boni-
tas Dei. 1 Pet. 2. 3. Rom. 12. 7.
3. Quia gustus proprie facit ad
cibum & alimentum commodè
recipiendum: & ideo bonitatem
Dei in pabulum animarum no-
strarum convertit. Psalmo. 22. 26.
4. Quia bonitate Dei non ali-
tantum, sed & saluari debe-
mus: saturitas autem & appeti-
tum, & gustum præsupponit. Psal.
65. 4.

Ufus 1. Damnationis, adversus eos
qui gustum bonitatis neque ha-
bent, neque curant habere.

2. *Exhortationis*, ut ad gustum istum
nobis comparandum omni studio
annitamur.

XI. Timor Dei bonitatis ejus
gustum semper comitatur. ex v. 10.
Psal. 130. 4.

Ratio 1. Quia separationis me-
tus provenit ab amore bonitatis.
2. Quia tali metu fructus bonita-
tis conservatur, & continuatur,
dum eaventur illa quæ eidem ad-
versantur, & quæ eo faciunt, quæ-
runtur. 3. Quia bonitas Dei

ex ejus ordinatione, & promissione, connectitur cum ejus timore.

Vsus I Refutationis, adversus eos, qui certam bonitatis Dei apprehensionem timori Dei putant adversari. 2. *Admonitionis*, ut caveamus nobis ab illis imaginatibus, quibus bonitas Dei ab ejus timore separatur.

XII. Ex timore Dei nihil damni patitur quisquam: sed ab illis malis liberatur, quibus mundani & leonini homines subjiuntur, ex v. 10, & 11. Mal. 3. 10.

Ratio 1. Quia promissiones habet vitæ præsentis ac futuræ. 1 Tim. 4. 8. 2. Quia ex bono nil nisi bonum sequitur per se. si autem mali aliquid per accidens consequatur, convertitur illud in occasionem & medium boni, malum illud superantis, & exhaustientis.

Vsus Exhortationis, ut cum omni alacritate in timore Dei nosmetipsos conservemus.

XIII. Timor Dei verus, ex verbo ejus, cum omni humilitate & disci debet, & doceri, ex v. 12.

Ratio 1. Quia non est subitanea, violenta, confusa passio, aut perturbatio animi, ut ceteri timores vulgares: sed certo consilio dirigitur, distinctum habet objectum, circa quod sponte & libere versatur. 2. Quia caput est sapientiæ. Prov. 1. 7. 3. Quia totam pietatem in sese virtualiter continet. Eccles. 12. 13.

Vsus 1. Refutationis, adversus Pontificios, & alios ex vulgo, qui timorem quendam Dei habent, in quo sibimetipsis placent, quam tamen ex verbo Dei nunquam didi-

cerunt. 2. *Exhortationis*, ut istum finem nobis proponamus, in lectione, auditione, & meditatione verbi.

XIV. Ex timore Dei solo omne bonum est expectandum, ex v. 13. Prov. 3. 7, 8. & 23. 17, 18. Jcl. 33. 6.

Ratio 1. Quia timor iste, est via illa, quam Deus præparavit, & præscripsit, ut in illa ambulemus, ad felicitatem æternam. 2. Quia facit ut vitemus illa, quæ felicitati adversantur. Prov. 3. 7. & 14. 16. 3. Quia facit etiam, ut adhæreamus Deo, in quo felicitas nostra consistit. Jer. 32. 40.

Vsus 1. Refutationis, adversus eos, qui felicitatem quarunt vel in iis quæ timori Dei adversantur, vel ab ipso separantur. 2. *Exhortationis*, ut cum omni confidentia timorem Dei in omnibus angustiis foveamus, & retineamus.

XV. Verus timor Dei ostendit semetipsum, in fuga omnis mali, & persecutione omnis boni, ex v. 14, 15.

Ratio 1. Quia Deus, qui timeatur, odio prosequitur malum, & delectatur eo quod bonum est. 2. Quia verbum Dei observat, quo malum damnatur, & bonum approbatur. 3. Quia ex sua natura repugnantiam habet ad malum, & cum bono consentit.

Vsus Admonitionis, ne in alio ullo timore Dei acquiescamus, præterquam in illo, qui ambobus istis effectis sese constanter declarat. non satis est, à malo abstinere, nisi etiam quod bonum est faciamus.

XVI. Syncera fuga mali & persecutio boni, pendet ex fide providentiæ Dei, bonis & malis invigilantis.

lantis. ex v. 16, 17. Jer. 17. 10.

Ratio 1. Quia pendet ex fide inspectionis & iudicii Divini. 2 Tim. 2. 4. 2. Quia pendet ex fide mercedis à Deo retribuendæ. Heb. 11. 6. 3. Quia pendet ex fide præsentis, assistentis ac protectionis Divinæ. Matth. 18. 20.

Vsus Refutationis & Redargutionis, adversus eos, qui videri volunt fideles, & tamen officia fidelium negligunt, ex metu incommodorum inde secutorum. Mal. 3. 14. 2. *Exhortationis*, ut fidem nostram præcipue confirmemus & excitemus circa providentiam istam Dei. Ad singulos pietatis gressus, felicitatem debemus ex isthac fide applicare. Mat. 5. 1, 2, 3. &c.

XVII. Tota Dei providentia facit pro pijs, & adversus impios. v. 16, 17.

Providentia Dei metaphorice per oculos, aures, & faciem Dei significatur. Oculus autem Dei est aut simplicis intuitus, & observationis, quæ est omnium hominum communis. Proverb. 15. 3. Job 34. 21. aut cum affectu singularis curæ, & approbationis, quæ est propria piorum. Jer. 24. 6. vel singularis detestationis & vindictæ. Hab. 1. 13. Psalm. 10. 14. Eodem plane sensu, & auris & facies tribuitur Deo. Psalm. 4. 7. Exod. 3. 7, 9. Heb. 17. 20. & 20. 6.

Ratio 1. Quia providentia Dei conformis est voluntati ejus revelatæ: quæ tota favet pijs, & impijs adversatur. 2. Quia prospicit gloriæ Dei, quæ alia ratione non potest procurari. 3. Quia perficit & implet consilia & decreta Dei de salute piorum, & impiorum justa perditione.

Vsus 1. Consolationis, adversus omnes calamitates & angustias, quæ nobis contingere possunt pietatis causa. Cum nemo hominum vel causam nostram vel querelas respicit, Dei oculus attentus, & auris attendens, sufficere nobis debet. 2. *Admonitionis*, adversus omnes, ut caveant sibi ab impietate.

XVIII. Bona Dei providentia erga pios præcipue apparet in eorum precibus audiendis. v. 18.

Ratio 1. Quia precibus maxime distinguuntur pii ab impijs. Jer. 10. 25. Psalm. 79. 6. 2. Quia una & eadem res cum precibus pijs obtinetur, plus multo suavitatis, & bonitatis perceptæ in sese habet, quam cum sine precibus communicatur. 3. Quia in precibus audiendis bonitatem suam ostendit sæpe Deus pijs animis, cum res illas quas cupiunt non largitur.

Vsus Exhortationis, ut preces, & earum auditionem in maximo pretio habeamus.

XIX. In hac providentia propinquus est Deus omnibus eum invocantibus. v. 19.

Ratio 1. Quia habitat cum populo suo. Jerem. 14. 9. 2. Quia semper paratus est eorum preces audire. Psalm. 145. 18. 3. Quia auxilium ejus est in promptu. Psal. 119. 151.

Vsus 1. Consolationis. Rom. 10. 6. 2. *Exhortationis*. 1. Ad nomen Dei glorificandum. 2. Ad appropinquandum Deo. Jac. 4. 8.

XX. Per istam providentiam efficitur, ut quamvis multæ sint afflictiones piorum, non tamen sint

ipfis, ut improbis, lethales: v. 20, 21, 22. 2 Pet. 2, 9.

Ratio 1. Quia bona Dei voluntas illas omnes moderatur. Mat. 10, 29. 1 Corinth. 10, 13. 2. Quia aculeus & maledictio iis aufertur, respectu piorum. 1. Cor. 13, 56, 57. 3. Quia convertuntur in bonum. Rom. 8, 28.

Vsus Consolationis & Exhortationis ad patientiam. Hebr. 12, 5. non frangent ossa. v. 21. non debent igitur animos frangere.

XXI. Totius hujus consolationis applicatio, preceptio, & sensus, pendet ex nostra fiducia in Deo collocata, & fidelibus precibus expressa. v. 11. & 23.

Ratio. Quia neque alia ratione disponimur ad bonitatem Dei participandam, neque possumus intelligere eam ad nos pertinere.

Vsus Admonitionis, ut fiduciam veram, & precandi studium, ut vitam nostram, conservemus.

PSALMUS TRIGESIMUSQUINTUS.

ODe Davidis. *Contende Jehova, adversus, contendentes mecum; impugna impugnantes me.*

2. *Prehende scutum aut clypeum; ac surge in auxilium meum.*

3. *Et exere hastam, & perclude persequentibus me: dic animæ meæ, salus tua sum.*

4. *Puæfiant & rubore perfundantur, quærentes animam meam: agantur retrorsum, erubescant machinantes malum meum.*

5. *Sint sicut gluma coram vento, angulo Jehovæ impellente:*

6. *Sit via eorum tenebrosa & lubricissima, & angelus Jehovæ persequatur eos.*

7. *Quandoquidem immerito abscondunt mihi in fovea rete suum, immerito fodiunt foveam contra animam meam.*

8. *Eveniat ei vastatio nescienti, ut rete ipsius quod abscondit, capiat eum: ad vastationem decidat in illam.*

9. *Sic anima mea exsultet in Jehovæ; gaudeat in salute ejus.*

10. *Omnia ossa mea dicant; Jehovæ; quis est par tibi? eripiens pauperem à valentiore eo; pauperem, inquam, & egenam à diripiente eum?*

11. *Insurgunt testes injurii, quorum non sum conscius ea repetunt à me.*

12. *Rependunt mihi malum pro bono, orbitatem animæ meæ:*

13. *Quamvis ego, egrotantibus illis; utens pro veste mea cilicio; affigerem jejuniò animam meam, & oratio mea in snum meum rearet:*

14. *Tamquam ad proximum, tamquam ad fratrem mihi indefinenter itarem, tamquam lugens matrem atratus curvarem me.*

15. *Quum vero laudico, latantur congregantes se: congregant se apud melioripes, ut non animadvertam; lacerant, ac non silent.*

16. *Inter hypocritas facetos sannionis saceli; frendentes contra me dentibus suis.*

17. Domine, quandiu aspicias ? reduc animam meam à vastationibus eorum, à juvenibus leonibus unicam meam :

18. Celebrabo te in congregatione multa, in populo frequenti laudabo te.

19. Ne latentur de me, qui mihi sunt inimici falsis de causis : qui oderunt me immerito, ne nictent oculo :

20. Non enim pacem loquuntur : sed contra quietos terre res fraudulentissimas excogitant :

21. Et dilatant contra me os suum ; dicentes, euge, euge, videt oculus noster.

22. Vides Iehova, ne fileas ; Domine, ne longe absis à me.

23. Evigila & expergiscere ad iudisium meum ; Deus mi ; & Domine mi, ad contentionem meam :

24. Iudica me secundum justitiam tuam, Iehova, Deus mi ; & ne latentur de me.

25. Ne dicant cum animo suo, euge, anima nostra ; ne dicant absorbimus eum.

26. Pudefiant & erubescant simul, gaudentes de malo meo : induantur pudore & ignomina, qui magnificant se contra me,

27. Cantabunt & latabuntur, qui dilectatur justitia mea ; dicentque jugiter ; magnificetur Iehova ; qui delectantur pace servi sui.

28. Et lingua mea enuntiabit justitiam tuam, toto die laudem tuam.

ANALYSIS.

SCOPIUS Prophetæ in hoc Psalmo est, petere liberationem à suis persecutionibus, & in illum finem, eorum confusionem.

Hæc petitio primo proponitur. Primo ab initio, ad v. 11. Et secundo repetitur, à v. 17. ad finem : cujus necessitas declaratur gravissima interposita querela : à v. 11. ad 17. & rationes multæ promiscue ac sparsim adferuntur.

In prima petitionis propositione duo declarat. 1. Generaliter quid velit à Deo agi, tam quoad rem, quam quoad modum rei. ad v. 4. 2. Quia æquum sit hostes pari. ad v. 9.

In ejusdem petitionis repetitione specialius explicat, & liberationem quam optabat. v. 17, 23, 24.

& confusionem hostium inde secuturam v. 26.

In querela ostendit quanto in periculo fuerit, ex hostium iniquitate, v. 11. ingratitude, v. 12, 13, 14. & perfidiosa simulatione. vers. 16, 17.

Rationes, quibus petitio suadetur sunt 1. Justitia causæ, quæ à Dei justitia debet sublevari. ver. 7. 24.

2. Gratitude animi, quæ fieret ut liberatio à Deo concessa cederet in ejus gloriam. vers. 9, 10, 18.

3. Summa hostium improbitas, quæ Dei vindictam exposcebat, in querela tota, à ver. 11, ad 17. & ver. 20.

4. Gravissimum incommodum gloriationis impiorum in sua impietate, quod ex petitione negata consequeretur. versibus 19, 24.

25. quod experientia, & scientia Dei testimonio confirmatur. v. 21,

22. 5. Optatus fructus celebrationis Dei secuturus ex petitione concessa, tam apud alios pios, quam apud ipsum Davidem. v. 27, 28.

DOCUMENTA.

I. Deus pro piis & iustis contendit, & expugnat. ex v. 1. Jer. 51. 36. Psalm. 115. 154. 1 Sam. 25. 39. Jes. 49. 25.

Ratio 1. Quia causa piorum & iustorum, qua sunt tales, est causa Dei. 2. Quia hoc est sœdus Dei, quod communes hostes cum piis habebit. Gen. 11. 35. 12. 3. Quia pii causam suam Deo commendant. Psal. 37. 5.

Vsus 1. *Consolationis*. Rom. 8. 31.

2. *Admonitionis*, erga pios, ne pro semetipsis immodice contendant: Judæ 9. aut unquam pugnent, nisi Imperatoris jussu. Exod. 14. 13, 14. 3. *Admonitionis*, erga alios, ne lædant pios. Prov. 23. 11.

II. Dei contentio & pugna, quam suscipit pro piis, sufficiens est & gloriosa. ex v. 2, & 3. ubi armis defensivis, & offensivis, iisque cum dignitate tractatis, efficacia providentiæ ejus declaratur. Deut. 32. 41. Jes. 41. 13.

Ratio 1. Quia omnia opera Dei sunt perfecta. Deut. 32. 4. 2. Quia illa Dei opera singularem perfectionem requirunt, quæ oppositionem habent magnam.

Vsus 1. *Admonitionis*, ne quidquam alienum ex nostro adjiciamus operationi huic divinæ: id est, ne illicitis mediis perficere tentemus, quod Deus promissit se perfecturum. 2. *Exhortationis*, ut

precibus, & omni studio id agamus, ut oculi nostri aperiuntur, ad hæc in Deo ita videnda, ut gloriam debitam ipsi tribuamus. 2 Reg. 6. 17. Jes. 8. 13. 1 Pet. 3. 15.

III. Hujus defensionis, arcana quadam ratione, certiores fiunt fideles in animis suis, per Spiritum Dei. ex v. 3. in fine. Psal. 85. 9. & 133. 3.

Ratio 1. Quia Spiritus datur, ut sciamus, quæ Deus nobis gratificatur. 1 Corinth. 2. 12. 2. Quia hac ratione preces piorum audiuntur, & eorum fiducia confirmatur.

Vsus Exhortationis, ut istam certificationem quæramus, expectemus, & in eadem acquiescamus.

IV. Propugnationis hujus effectum respectu hostium, est eorum confusio & destructio certissima. ex v. 4, 5, 6, 8.

Ratio 1. Quia Deus & angeli Dei cum toto exercitu, ipsi adversatur. v. 5, & 6. 2. Quia ipsi non magis possunt ira Dei resistere, aut vim & impetum ejus ferre, quam gluma venti. v. 5. 3. Quia propriæ ipsorum viæ, quibus consilia sua persequuntur, erunt ipsis causa ruinæ. v. 6.

Vsus Admonitionis, ut illud supra omnia caveamus, ne Deum habeamus nobis adversarium, sed propitium, & faventem.

V. Innocentia eorum, qui ab improbis opprimuntur, certiore & celeriore reddit improborum destructionem. ex v. 7.

Ratio 1. Quia multo magis improbum est, immerito alium lædere, quam ex aliqua causa. 2. Quia immerito patiens injurias,

rias, magis potest Dei auxilium expectare, quam qui aliquo modo meretur. 1 Pet. 4. 14.

Vsus Admonitionis, ut innocentiam in omnibus conservemus, quia ex illa pendet consolatio nostra.

VI. Ad gloriosam istam Dei liberationem condigne celebrandam, omnibus viribus nostris ferri debemus. ex v. 9, & 10.

Ratio 1. Quia omnes vires nostras conservatas accipimus à Deo quasi de novo, in istiusmodi liberatione. Job 31. 20. Psalm. 51. 10.

2. Quia omnes vires nostras libenter intenderemus ad liberationem talem consequendam: par igitur & æquum est, ut eandem intendamus ad eum laudandum, qui nos gratis liberavit.

3. Quia gaudium & exultatio magna naturaliter sequitur ex tali liberatione, ut autem pia sit, necessario debet referri ad Deum liberatorem. Jer. 9. 23, 24.

Vsus Redargutionis, adversus tepiditatem & torporem nostrum in Dei nomine celebrando.

VII. Liberationem Dei accelerat iniquitas, ingratitude, & perfida simulatio improborum hostium coram Deo piè representata. v. 11. ad 17.

Ratio 1. Quia ex istis apparet. 1. Innocentia piorum, in tempore protegenda. 2. Improbis hostium, in tempore coercenda. 3. Extrema necessitas Deum inclamandi, & auxilium ejus implorandi. 4. Affectus ipsi desiderii vehementis, & spei firmæ, quibus preces efficaces redduntur.

Vsus 1. Consolationis, adversus impiorum malignitatem. 2. *Diractionis*, ut coram Deo illam re-

presentemus. Jes. 37. 14.

VIII. Perpetua Dei inspectio eandem liberationem certam reddit. v. 17, & 22.

Ratio 1. Quia Deus non potest iniquitatem improborum intueri sine detestatione illa, quæ infert vindictam. Habac. 1. 13. 2. Quia non potest oppressionem piorum intueri sine misericordia. Exod. 36. 7. 3. Quia inspectio Dei non est otiosa, sed cum efficaci providentia conjuncta.

Vsus 1. Consolationis, adversus omne genus calamitatum: propter omniscientiam & omnipresenciam Dei. 2. *Exhortationis*, ut ædificemus nosmetipsos, in hujus providentiæ fide.

IX. Ut gloriatio improborum, per maturam piorum liberationem, convertatur in eorum confusione, interest gloriæ Dei. ver. 19, 21, 25, 26.

Ratio 1. Quia certamen hic certatur inter Deum & hominem, cujus verbum & voluntas prævalebit. Jerem. 44. 28.

2. Quia hæc est maxima tentatio piorum, cum vident improbos in sua improbitate exultantes. Psalm. 73. 10, 11. 3. Quia justitia Dei hoc postulat, 2 Thess. 1. 6.

Vsus Consolationis, & confirmationis animi, adversus omnes improborum insultationes.

X. Celebrandum est nomen Dei, de liberatione præstita, non tantum nobis, sed & aliis piis. v. 18. 27, 28.

Ratio 1. Quia hic est proprius finis, & genuinus fructus Divinæ liberationis. Psalm. 50. 15.

2. Quia bonitas Dei, piis his aut

illis communicata; spectat ad omnes, tam communionis, quam exempli ratione. 1 Corinth. 12. 16. Romanor. 15. 3. Quia fides viva bonitatem Dei apprehendens non potest eam non cele-

brare.

Vsu Exhortationis, ut animos nostros comparare studeamus, ad istud officium ex omni occasione præstandum.

PSALMUS TRIGESIMUS SEXTUS,

M Agistro symphonie: Ode servi Jehova, Davidis.

2. *Dictum defectionis ad improbum, in intimo cordis mei est, coram oculis ejus non esse pavorem Dei.*

3. *Blandiri eum sibi in oculis suis, quum assequitur iniquitatem suam, quæ odio habenda esset.*

4. *Verba oris ejus vana & dolosa sunt, desinit adhibere intelligentiam ad benefaciendum.*

5. *Vanitatem cogitat in cubili suo; sistit sese in via non bona: malum non spernit.*

6. *Jehova, in cælis est benignitas tua, fides tua usque ad superiores nubes:*

7. *Iustitia tua instar montium maximorum; judicia tua instar abyssi magnæ: homines & jumenta conservas, Jehova.*

8. *Quam pretiosa est benignitas tua, Deus; quum filii hominum ad umbram alarum tuarum sese recipiunt.*

9. *Uberrimè expleantur pinguedine domus tuæ, & de torrente deliciarum tuarum bibendum das eis.*

10. *Quandoquidem penes te est fons vitæ, in luce tua fruamur luce.*

11. *Protende benignitatem tuam erga cognoscentes te, & justitiam tuam erga rectos animo.*

12. *Ne aggrediatur me pes superbi, & manus improborum ne inducat me ad aberrandum eo:*

13. *Ubi cadunt operarii iniquitatis, ita impelluntur ut non possint surgere.*

ANALYSIS.

S COPUS Davidis in isthoc Psalm. est implorare benignitatem Dei, ut adesset piis, & singulariter sibi, adversus omnia illa pericula, quæ imminere videbat à malignitate improborum. v. 11, 12, 13. quæ petitio illustratur descriptione piorum. v. 11. & improborum. v. 12. & 13.

Tempus & occasio hujus Psalmi, una cum authore, breviter subindicatur in titulo: Ode servi Jehovæ Davidis, cum enim iste titulus nullibi præterea occurrat, nisi Psalm. 18. & ille Psalmus administrationem regni jam peractam spectabat; 2 Sam. 22. probabile est, hunc Psalmum eandem regni ad-

ministra-

ministrationem spectasse, non peractam, sed peragendam : & proinde huc fuisse Psalmum ejus initialem, sicut ille fuit quasi finalis : hic regnum aggredientis, ille idem resignantis.

Hujus petitionis necessitas, & fiducia declaratur in reliquo Psal.

Necessitas indicatur ex perniciosis moribus improborum : qui describuntur gradatim, ad v. 6.

1. Ex vacuitate timoris Dei, vel religionis, quæ testimonio conscientiae Davidis confirmatur. v. 1.

2. Ex adjuncto gloriationis in malitia consummata : quæ contrario adjuncto detestationis illustratur. v. 3.

3. Ex administrante causa astutiae & simulationis verborum, qua illam studet consummare : quæ contraria sapientia benefaciendi illustratur. ver. 4.

4. Ex effecto interno, cogitationum perversa machinatione : quæ adjuncto vanitatis vel frustrationis illustratur. verf. 5. in princ.

5. Ex effecto externo, improbo vitae instituto. v. 5. in medio.

6. Ex hujus effecti extentione, qua completitur facinora scædissima, & maxime horrenda. v. 5. in fine.

Fiducia petitionis explicatur per ejus causam, gubernationem scil. Dei, in oppositione quadam ad perversitatem, & machinationes improborum, quæ 1. consideratur absolute. v. 6, & 7. 2. in relatione ad fideles v. 8, 9, 10.

Absolute declaratur gubernatio Dei. 1. Per ejus adjuncta, benignitatem, fidem, ac justitiam : quæ etiam adjuncta sua perfectione illustrantur per comparationes tres. Et 2. Per ejus effectum, conservationem hominum &

jumentorum.

In relatione ad fideles. 1. Generaliter declaratur per comparationem ejus bonitatem, quod sit omnium rerum preciosissima, quæ correlatæ fidei descriptione illustratur. v. 8. 2. Specialiter per ejus effecta, omnia illa, quæ pertinent ad bene beateque vivendum. v. 9. quæ sua causa, sufficientia, & efficientia Dei illustrantur. v. 10.

DOCUMENTA.

I. Fideles non tantum in communibus officiis pietatis, sed etiam in singularibus illis muneribus quibus funguntur, sunt servi Dei. ex v. 1. sic Moyses fuit Dei servus in populo Dei regendo. Johan. 1. 2. & non tantum Apostoli, ac ministri, sunt servi. Rom. 1. 1. sed & Reges, si fideles sunt voluntaria obedientia. Actor. 13. 26. si infideles, arcana quadam gubernatione. Jer. 25. 9. Jel. 10. 7. hic autem professio fit voluntariæ servitutis.

Ratio 1. Quia Dei mandata habent pro primaria sua directione. 2. Quia Dei gloriam habent pro primario suo fine. 3. Quia primariam etiam mercedem expectabant à Deo. Ephes. 6. 6, 7, 8.

Vsus Directionis, ut relationem istam nostrorum munerum in oculis gestantes, alacriores, fortiores, & fideliores fiamus.

II. Ad servitium istud rite exequendum requiritur spiritualis communio cum ipso Deo. ex titulo, simul & toto Psalmo.

Ratio 1. Quia Deo debemus nosmetipsos offerre in hoc servitio. Rom. 12. 1. 2. Quia gratiam à Deo accipere debemus ad officia

officia nostra præstanda. Hebræ. 12. ult. 3. Quia protectione, auxilio & benedictione Dei perpetuo indigemus, ut illa officia effectum suum optatum consequantur. 1 Cor. 3. 6.

Usus Exhortationis, ut comparemus animos nostros ad istam communionem frequenter & religiose exercendam.

III. Qui addicti sunt servitio Dei, gravissime afficiuntur peccatis improborum. ex v. 2. *Dictum defectionis, in intimo cordis mei.* Psal. 119. 139, 158.

Ratio 1. Quia gloriæ Dei (cui illi maxime student) adversantur. 2. Quia impediunt servitium quod illi perficere cupiunt. 3. Quia alios removeant ab ejusdem servitii participatione.

Usus Redargutionis, adversus eos, qui neque aliorum, neque suis propriis peccatis afficiuntur.

IV. Improbilas vitæ manifeste arguit timoris Dei vacuitatem. ex vers. 2.

Ratio 1. Quia timor Dei est quasi habena, vel retinaculum, quo homines avertuntur ab omni improbitate. Proverb. 14. 26, 27. Levit. 19. 14. 2. Quia timor Dei, prout religionem totam metonymice designat, est habitus ille cujus privatio est improbitas. Gen. 18. 42. & 20. 11. 3. Quia improbi, ex conscientia sui reatus, amovere à se conantur omnem timorem judicii Dei, cui propter improbitatem suam subjiçantur. 2 Per. 3. 4.

Usus 1. *Admonitionis*, ut caveamus nobis ab improbitate, quia timori Dei adversatur. 2. *Exhortationis*, ut timorem Dei conserve-

mus, quia improbitati adversatur.

V. Gloriatio in improbitate est summus gradus impietatis. ex v. 3. Prov. 2. 14.

Ratio 1. Quia hæc gloriatio est perfectissimus consensus, & approbatio. 2. Quia maxime adversatur illi resipiscentiæ, qua per displicentiam & dolorem de peccato, convertitur ad Deum peccator. 3. Quia hæc gloriatio est insultatio quædam, in justitiam, & veritatem Dei, tanquam devictam & superatam. Mal. 3. 15.

Usus Admonitionis, ut caveamus nobis imprimis ab ista gloriatione, & conservemus in nobismetipsis detestationem peccati, sicut est in textu.

VI. Verba dolosa, ad peccati consummationem tendentia, sunt gravissimæ hujus impietatis signa. ex. v. 4.

Ratio 1. Quia ostendunt intelligentiam à voluntate ad nequitiam plane applicatam, atque adeo cor totum eo ferri. in textu. 2. Quia dolus in machinatione mali, ab æstimatione pravi consilii provenit tanquam à causa, & ad gloriationem de felici ejus successu tendit, tanquam ad effectum. 3. Quia spes occultationis, quæ in dolo continetur, Dei neglectum declarat, & impii propositi confirmationem parit.

Usus Admonitionis, ut caveamus nobis ab isthoc dolo, in nobismetipsis, & ab ejus insidiis, in aliis. Rom. 16. 18, 19. Prov. 26. 25.

VII. Consummatio ipsa peccati consistit in cogitationibus pravis, in malam viam incumbentibus, cum securitate desperata. ex v. 5.

Ratio

Ratio 1. Quia machinatio mali deliberata, est actus & fructus cordis dediti peccato. Prov. 14. 22. & 22. 8. 2. Quia machinatio mali est malæ viæ ingressus, & secum etiam infert progressum. Prov. 4. 14, 15, 16. Mich. 2. 1. 3. Quia consuetudo hujus progressus in peccando tollit sensum peccati. Ephes. 4. 18, 19.

Vsus Admonitionis, ut quamvis peccatum nobis obrepserit, caveamus nobis tamen, ne hunc in modum perficiatur. Prov. 30. 32.

VIII. Ex contemplatione improbitatis hominum, attollere animos debemus ad incomprehensibilem benignitatem, fidem, & justitiam Dei apprehendendam. v. 6. 7.

Ratio 1. Quia benignitas Dei in impletatis hujus toleratione apparet. 1. Pet. 3. 9, 15. Rom. 9. 23. 2. Quia fides & justitia Dei sustentat animos nostros adversus omnes tentationes quæ ex improbitate illa possint nobis oriri. Psal. 37. 1. 3. Quia scilicet exitus omnium periculorum, quæ nobis ab improbis creantur, pendet ex istis. 1. Cor. 10. 13.

Vsus Directionis, ut in omni angustia, oculos nostros ab hominibus ad Deum convertamus.

IX. Consideratione bonitatis Dei, quæ extenditur ad omnes creaturas, confirmare fidem nostram debemus, de gratia ejus speciali erga nosmetipsos. v. 7. in fine.

Ratio 1. Quia magnitudo & latitudo benignitatis Dei in eo apparet. 2. Quia consolatio inde sequitur à minore ad majus. Matth. 6. 30.

Vsus Admonitionis, ut caveamus

nobis à spiritu invidiæ perversæ, qua occasio sæpe arripitur dubitandi de speciali Dei gratia & fide, propter bonitatem illam, quam ad impios extendit.

X. Pretium & excellentia gratiæ Dei erga fideles non potest à nobis satis æstimari. ex v. 8. Psal. 31. 19. Jes. 64. 4. 1. Corinth. 2. 9.

Ratio 1. Quia quoad rem ipsam, superat omnem comparisonem qua possit illustrari. Ephes. 3. 18. 2. Quia superabundat ista gratia ubi peccatum maxime abundavit. Rom. 5. 20. 3. Quia quoad modum dispensationis, intime applicatur ad cor ipsum. Ephes. 5. 5.

Vsus Exhortationis. 1. Ad istam gratiam cum admiratione digna scrutandam, intuendam, & confitendam. Ephes. 3. 18. Neh. 9. 2. Ad eam omnibus vitæ studio anteponendam: sicut per illam omnibus anteponimur. Jer. 43. 3.

XI. Pertinet ista gratia ad illos solos, qui fiduciam suam totam collocant in Deo, ibidem.

Ratio 1. Quia allicit omnes illos, à quibus percipitur, ad fiduciam sui. 2. Quia sola fiducia applicatur. 3. Quia fiduciam illi denegantes, indignos semetipsos reddunt omni gratia.

Vsus 1. Exhortationis, ut in hæc fiducia nosmetipsos ædificemus. 2. *Consolationis*, ut in hac fiducia pia quadam securitate acquiescamus.

XII. Qui confidunt in ista gratia Dei, protectionem incertam habent ab omni malo, & copiosam omnis boni communicationem. v. 8, 9. Jer. 17. 7. Jes. 55. v. 1, 2.

Ratio. Quia Deus est fons omnis vitæ & lucis, id est, omnis boni. v. 10. Jerem. 2. 13. & 17. 13. & 18. 14. Joh. 4. 14.

Vsus Directionis, ut ex istoc fonte cum gaudio hauriamus. Jerem. 12. 3.

XIII. Religiosa contemplatio gratiæ Dei impellit homines ad eam precibus implorandam. v. 11.

Vsus Redargutionis, adversus terrestres hominum animos, in concionibus de gratia audiendis.

XIV. Præces nostræ sustentantur illa consideratione, quod gratia hæc extenditur ad omnes sincere fideles. v. 11.

Vsus admonitionis, ut sinceritati studeamus. 2. *Consolationis,* adversus imperfectiones.

XV. Ex promissionibus gratiæ, quæ generaliter sunt, particularem & firmam consolationem hauriunt fideles in suis privatis necessitatibus. vers. 12, 13.

PSALMUS TRIGESIMUS SEPTIMUS.

O De Davidis. Ne accendaris irâ propter maleficos; ne invid eas facientibus iniquitatem:

2. Nam sicut scærum cito succidentur, & sicut viriditas teneræ herbe decident.

3. Confide in Jehova & fac bonum: inhabita terram & pascere fide.

4. Et oblecta te in Jehova; qui dabit tibi petitiones animi tui.

5. Devolve super Jehovam viam tuam, & confide in eo nam ipse efficiet:

6. Proferens tanquam lucem justitiam tuam, & jus tuum tanquam meridiem.

7. Acquiesce Jehova, & indefinenter expecta eum: ne accendaris ira propter prosperantem via sua, propter viram efficientem cogitata.

8. Absiste ab ira, & derelinque exardescentiam; ne accendaris ira; saltem ad malefaciendum.

9. Nam malefici exheredentur; expectantes vero Iehovam; ipsi hereditario jure possidebunt terram.

10. Et adhuc paululum, plane non erit improbus: quod si consideraveris locum ejus, non exabit.

11. Mansueti vero hereditario jure possidebunt terram, & oblectabunt se in multitudine pacis.

12. Cogitante improbo contra justum, & frendente adversus eum dentibus suis.

13. Dominus videt eum; quia videt advenire diem suum.

14. Gladium eduxerint improbi, & adduxerint arcum suum, ad dejicendum pauperem & egentem, ad massandum rectos via:

15. Gladius eorum intrabit in cor eorum, & arcus eorum confringentur.

16. Bonum est parum cuique iusto, plus quam copia sua improbis multi.

17. Nam

17. Nam brachia improborum confringuntur; sustinet autem justos Iehova.

18. Agnoscit Iehova tempora integrorum; adeo ut possessio eorum in seculum futura sit.

19. Non erubescant tempore malo, sed diebus famis saturentur:

20. Dum improbi percuti & inimici Iehovæ, ut quæ pretiosa sunt in ignis: ut hæc consumuntur in fumum abeuntia, consumuntur isti.

21. Mutuo accipit improbus, sed non potest reddere: justus vero gratiam facit & donat:

22. Quia benedicti ab illo, hereditario jure possident terram: maledicti vero ab illo, excindantur.

23. A Iehova gressus viri statuuntur, cujus delectatur via.

24. Quum cadit, non desicitur; quia Iehova sustentat manum ejus.

25. Puer fui, etiam consensui; sed non vidi justum ita derelictum, ut semen ejus quereretur panem.

26. Toto die gratiam facit, & mutat, & semen ejus in benedictione est.

27. Recede à malo; & fac bonum: sic habita in seculum.

28. Nam Iehova amat jus, neque derelinquit quos benevolentia persequitur: in seculum conservatur, semen vero improborum excinditur.

29. Iusti hereditario jure possidebant terram; & habitabant in æternum super eam.

30. Iusti cujus os meditatur sapientiam, cujus lingua loquitur jus.

31. In cujus animo est lex Dei sui, pes ejus non labascit gressibus suis.

32. Speculante improbo adversus justum, & querente morte illi afficere.

33. Iehova non derelinquit illum in manu istius; neque fuit cum condemnari, quum judicaretur.

34. Attende ad Iehovam, & observa viam ejus: tum extollet te ad possidendum terram jure hereditario, excidium improborum videbis.

35. Vidi improbum magna vi erumpentem; & sese explicantem, tanquam arbor indigena vivens.

36. Deinde præterit, & ecce non erat amplius: nam quæstio eum, sed non invenit est.

37. Observa integrum, & aspici rectum; finem istius viri esse pacem;

38. Defectores re operari pariter, finem improborum excindi;

39. Nam salus iustorum a Iehova est, robur eorum tempore angustie.

40. Et adjuvat eos Iehova, ac liberat eos: liberat eos ab improbis ac servat eos, quia recipiunt se ad ipsam.

ANALYSIS.

SCOPUS hujus Psalmi est dirigere pios, quomodo se gerere debeant, respectu impiorum & prosperitatis ipsorum. Hunc in finem. 1. Officium, quod piis hoc

respectu incumbit, indicatur. 2. Idem officium variis argumentis suaderetur.

Officium est duplex. 1. Ut caveant sibi ab illis tentationibus & pertur-

perturbationibus, quæ hac occasione solent etiam in piorum animis suboriri, id est, ab ira & invidia. v. 1, 7, 8. quæ effecto suo maleficientiæ declarantur. vers. 8, 2. Ut ex adverso, contra istas tentationes, arment & muniant semet ipsos fide ac spe. vers. 3, 5, 6, 34. quæ suis fructibus illustrantur, 1. Studioboni. v. 3. 2. Oblectatione in Deo. ver. 4. 3. Integritate vitæ. v. 27. quæ per distributionem à subjectis, ore, corde, & gressibus, vel dictis, cogitatis, & factis, illustratur. ver. 30, 31.

Rationes, quibus exhortationes illæ suadentur. 1. Generaliter proponuntur. 1. Comminatione erga impios. 2. Erga pios promissione inhabitationis terræ promissæ & passionis. vers. 2. 3. desideriorum expletionis. ver. 4. in fine pietatis claræ remunerationis. ver. 6. 2. Specialiter magis. 1. A fine & exitu utriusque conditionis, piorum scilicet & impiorum, qui inter sese committuntur. tandem enim bonis bene, & malis male erit. ver. 9, 10, 11. 2. A causa huius exitus eventuri, quæ est efficax Dei providentia. ver. 12. ad 25. quæ suis effectis illustratur. 1. Confusione improborum in suis consiliis. ver. 12, 13, 14, 15. 2. Benedictione modici, quod habet pius, supra abundantiam impiorum. vers. 16, 17, 18, 19, 21, 22. 3. Protectione, & liberatione piorum ab iis malis in quibus impii plane demerguntur. ver. 20, 23, 24. 3. Confirmatur hæc providentia testimonio & experientia Davidis. ver. 25, 26. 4. Eadem providentia Dei repetitur & illustratur. v. 28, 29, 32, 33, 39, 40, & ejusdem con-

firmanio ab experientia Davidis, repetitur etiam vers. 35, 36. cui annexitur observatio & experientia similis, quam omnes pii possint ac debeant sibi met comparare, ad eandem veritatem confirmandam. ver. 37, 38.

DOCUMENTA.

I. Omni seculo inveniuntur homines impii, externa felicitate & eminentia gaudentes. ver. 1. & toto Psalmo habetur hoc pro concessio. Ecclesiast. 8. 10.

Ratio 1. Ut Dei patientia in illis declaratur. 2. Ut judicia Dei per ipsos perficiantur. 3. Ut filii Dei hoc pacto explorentur.

Uusus admonitionis, ne mirum aut novum quid videatur nobis, si hoc idem experiamur.

II. Status iste impiorum piis multis solet esse scandalo & tentationi. ibidem. Psalmo 73. Job. 21. Ies. 63. 17. Jerem. 12. 1. Hab. 1. 12.

Ratio 1. Quia non satis intelligunt, vel non satis acquiescunt in sapienti Dei dispensatione, & gubernatione, & nimium tribuunt suæ rationi. 2. Quia in rebus externis nimis inhærent. 3. Quia ex infirmitate festinant nimis, & finem non expectant.

Uusus admonitionis, ut infirmitatem nostram serio ad animum revocantes caveamus nobis ab ista tentatione.

III. Præcipua tentatio, quæ oritur ex apparente felicitate impiorum, in ira & invidia consistit. ibid. Proy. 24. 19.

Ratio 1. Quia felicitas illa externa

terna conferri videtur indignis, & dignis negari; quæ est ira vel indignationis causa. 2. Quia hoc videtur cedere in opprobrium & contumeliam pietatis; quæ est causa æmulationis perversæ. 3. Quia pii ex infirmitate dolent sibi deesse quod impiis vident concedi: unde sequitur invidia proprie dicta.

Quest. Annon dolere & aliquo modo irasci liceat, cum impii exaltantur?

Resp. Licet & decet, respectu impietatis hac ratione auctæ vel confirmatæ. Proverbio. 29. 2. sed non licet prosperitate eorum conturbari, quasi vel feliciores essent pii, vel Deum accusarem iniquæ rerum dispensationis: cujus exemplum habemus in Jona.

I V. Adversus istam tentationem corda nostra munire debemus, fide, & spe firma & viva. v. 3, 5, 6, 34.

Ratio 1. Quia illa tentatio directe tendit ad fidem & spem nostram infirmendam. ejus enim conclusio prima est: frustra pendetur à Deo. Mal. 3. 14. Psalm. 37. 13. & inde deducitur secunda: sequendas esse vias improborum. Proverbior. 3. 31. & 24. 8.

2. Quia fides, & spes, instar scuti & galeæ, defendunt nos ab omnibus Diaboli jaculis, ignitis. Ephes. 6. 16, 17. 1 Thess. 5. 8.

3. Quia hujus tentationis victoria singulariter consistit in fidei ac spei corroboratione. 1 Johann. 5.

4. nullum enim locum habet, ubi fides ac spes valent & vigent.

Vsus Admonitionis, ut semper ca-

veamus nobis à primis moribus infidelitatis; & ex ipsis occasionem capiamus, in fide, ac spe, nosmetipsos magis confirmandi, & exadificandi.

V. Res est magnæ difficultatis, fiduciam in Deo solide & constanter collocare, ex hujus exhortationis inculcatione tam sæpe repetita.

Ratio 1. Quia fidei nostræ fundamenta sunt invisibilia, & à sensibus remota. 2. Quia tentationes fidem impugnantes, sunt visibiles, & in sensum nostrum incurrentes, ac sese ingerentes.

3. Quia conscii nobismetipsis sumus multiplicis reatus, quo fides nostra possit infirmari.

Vsus 1. Redargutionis, adversus eos, quibus facile videtur fidem & fiduciam æque firmam perpetuo retinere, talis fides vix potest esse vera. 2. *Admonitionis*, ut magna cura & conatu huc incumbamus, ad omnes difficultates istas per gratiam Dei superandas.

VI. Sincera fides est efficax & operativa in faciendo bono, ex verf. 3.

Ratio 1. Quia removet illas tentationes quæ impediunt homines à faciendo bono, & ad malum faciendum impellunt. 2. Quia bonitatem Dei apprehendit, atque adeo animam facit participem boni. 3. Quia ducit ad Deum, & proinde ad viam illam bonam, quæ tendit ad Deum. 4. Quia bene faciendo, fides & spes alantur, & confirmantur.

Vsus 1. Directionis, ut ex operibus de fide judicemus. 2. *Exhortationis*.

horta-

horrationis, ut operibus bonis ex fide studeamus.

VII. Ex fide efficaci, & operante, sequitur oblectatio in Deo. vers. 4.

Ratio 1. Quia oblectatio est quies in boni congruentis fructione. haec autem omnia in fide & spe modo perfectissimo reperiuntur. 2. Quia delectatio est desideriorum satisfactio & quies. hoc autem in fide & spe efficitur, sine fastidio, & satietate eliciente. Psalm. 103. 5. Ies. 55. 2. 3. Quia pertinet ad beatitudinem: quam per fidem ac spem adipiscimur in fructione Dei. 1. Pet. 1. 8. Heb. 3. 6.

Vsus Admonitionis, ut delectationibus sensualibus spreis, spirituales istam & solidam conlectemur.

Notæ hujus delectationis sunt huiusmodi. 1. In Dei lege cum summa voluptate versatur. Psalm. 119. 16. delectatio enim perficit operationem, quatenus signum est operationis aliquo modo perfectæ; & quatenus excitat ad operationem illam exercendam & frequentandam. 2. Instituta Dei maxime facit. Ies. 58. 13. quia ista sunt media communionis cum Deo habenda. 3. In sanctis Dei delectatur. Psalm. 16. 3. quia imago quadam Dei in illis apparet.

VIII. Qui credunt in Deum, & in eo se oblectant, devolvunt super eum vias suas, v. 5. Proverb. 16. 3. Psalm. 55. 22. 1. Pet. 5. 7.

Ratio. Quia devolvere vias nostras super Deum, nihil aliud est, quam vias nostras ad eum dirigere, cum certa expectatione felicitis eventus, hoc autem includit

vera fides & oblectatio in Deo sincere collocata. fides enim in Deum tendit, promissionem apprehendens: & oblectatio allicit & trahit ad Deum.

Vsus 1. *Redargutionis*, adversus eorum impietatem, in quorum viis Deus non spectatur. 2. *Consolationis*, erga pios, qui Deum quarunt in via bona: qua possint omnem curam suam devolvere in Deum.

IX. Patienter silere in difficultatibus magnis, propter Deum, fructus est spei insignis. vers. 7. 1. Thess. 1. 3. Lament. 3. 25, 26. Psalm. 39. 10. & 26. 1, 5. & 131. 2.

Ratio. Quia spes est patiens expectatio: obmurmuratio autem est impatiens perturbatio.

Vsus Admonitionis, ut sancto huic silentio studeamus.

X. Singulare fulcrum fidei nostræ adversus tentationes illas quæ ex prosperitate impiorum, & piorum afflictione oriuntur, est finem & exitum harum rerum spectare. ex v. 9. &c.

Ratio 1. Quia ex fine & fructu omnia sunt estimanda. 2. Quia rerum differentie ex initiis & principiis non possunt sæpe dignosci, sed ex progressu & fine. 3. Quia in eo differt impiorum & piorum status, quod impii à meliore conditione in peiorem ruunt; pii vero ad meliora semper tendunt & ascendant. Bonum vinum iis primo apponitur, sed istis ultimo in loco, secundum distinctionem arthitriclini. Joh. 2. 10. Luc. 16. 25. 4. Quia sicut inter cetera animalia, & hominem, hoc interest, quod homo solus futura cogitat, illis presentia tantum

tum inveniuntur: sic etiam spirituales homines, ab hominibus animalibus, stultis, & brutis in eo differunt, quod cum illi toti sint in iis quæ aliquo modo vel in se, vel in conjectura sunt sensui præsentia, isti spectant futura, sensui nullo modo apparentia.

5. Quia fides & spes natura sua feruntur in bona futura, non apparentia.

Ufus Directionis, ut qualiacunque sint præsentia, nos de fine semper cogitemus, & ad eum vias nostras dirigamus. Deut. 32. 29.

XI. De fine rerum iudicium certum ferri potest solummodo ex promissionibus & comminationibus Dei. ex verf. 9, 10, 11, &c.

Ratio 1. Quia omnes aliæ regulæ sunt incertæ & fallaces: ex iis enim nulla necessaria consequentia potest finis hic aut ille concludi, quæ superioris potestatis dispositioni subjiciuntur. 2. Quia promissiones & comminationes Dei, sunt testimonia ejus, qui omnia novit, ordinat, disponit, & (quoad finem ultimum) facit.

Ufus Admonitionis, ne ex mediis apparentibus, ex sensu & imaginatione nostra, vel opinione vulgi judicemus de fine; sed ex Dei voluntate revelata pendeamus toti.

XII. Finis hujus manifestatio paululum tantum differtur. v. 10. *adhuc paululum.*

Ratio 1. Quia dilatio ejus non est ex tarditate, sed ex longanimitate, & bonitate. Heb. 10. 37. 2 Pet. 3. 9. 2. Quia tempore constituto perficietur. 1 Sam. 26. 10. Ezech. 24. 25. 29. Jerem. 50. 27. Psalm. 137. 7.

Ufus Admonitionis, ut in patientia animas nostras possideamus. Heb. 10. 36.

XIII. Potens & efficax Dei providentia finem suum assequitur invitis implis, idque per ipsorum propria consilia, & conatus. ex v. 12, 13, 14, 15. Psalm. 31. 16.

Exempla habemus in Pharaone, Hamane, Judæis, &c. spiritualiter hoc semper fit, & sæpe visibiliter.

Ratio 1. Quia impii ipsi subjiciuntur Dei providentiæ, tanquam ferræ, baculi virgæ in ejus manu.

2. Quia gloria potentiæ & justitiæ Dei magis elucet, quando consilia improborum in sua capita retorquet, quam si aliis mediis ipsos puniret. 3. Quia hac ratione consilia illa improba in quibus maxime sibi placent, redduntur fatua, authoribus pœnitenda, & aliis fugienda.

Ufus 1. Admonitionis, ne quis in consiliis improbis fiduciam ullam collocet. 2. *Consolationis* erga pios, qui consiliis improbis impugnantur.

XIV. In hac ipsa vita providentia ista aliquo modo apparet. ex versculis 16, 17.

Ratio. Quia quamvis non semper carnalibus oculis, spiritualiter tamen differentia magna inter pios & impios potest observari.

Ufus Admonitionis, ne ex sensu pendeamus, sed ex fide spirituale iudicium feramus de viis Dei.

XV. In eo magna pars hujus differentię consistit, quod melius parum cuique iusto, quam abundantia magna improbis multis. ex v. 16. Prov. 15. 16 & 16. 18. 1 Tim. 6. 6.

Ratio 1. Quia meliore jure possident & fruuntur. 2. Quia majore

majorem in illo habent contentationem. 3. Quia majorem inde percipiunt consolationem. accipiunt enim quod habent, tanquam pignus benevolentiae Divinae. 4. Quia benedictionem Dei singularem habent conjunctam. omnia siquidem piis ex amore communicantur, & co-operantur in bonum, ex usu etiam illo, quem gratia docet, auxilium accedit, qui (si comparatio instituitur cum improborum quorundam abusu) proportionem habet ad multiplicationem olei viduae Sareptae. I Reg. 17.

Usus Exhortationis, ad contentationem in maxima rerum tenuitate. I Tim. 6, 8.

XVI. Pii ex portiuncula sua parva sunt benefici, cum impii ex sua copia sint malefici. v. 21, 22.

Ratio 1. Quia aliqua pars benedictionis & maledictionis, in hac differentia consistit. 2. Quia pietas & impietas tanquam dispositiones internae varietatem hanc faciunt in dispensatione donorum Dei sibi concreditorum. I Pet. 4. 10.

Usus Exhortationis, ad illa quae habemus quantulacunque fuerint recte collocanda.

XVII. Benedictio ista potest obscurari, sed non extinguui. v. 24.

Ratio Immutabilis Dei assistentia. ibid.

Usus Consolationis, adversus quassibet angustias, quibus pii possint premi.

XVIII. Sapientibus haec providentia per experientiam confirmatur. ex v. 25, 26.

Ratio 1. Quia sapientes distin-

guunt inter casum, & dejectionem vel abjectionem, sic enim v. 25. interpretationem habet ex vers. 24.

2. Quia sapientes non judicant ex iis quae praesentia sua incurrunt in sensus, sed finem patienter expectant. sic interpretandus est iste versiculus ex v. 10, 11. sicut apparet ex continuatione illa miseriae justii & seminis ejus, quae istis verbis diserte negatur. 3. Quia sapientes distinguunt inter maledictionem & castigationem vel explorationem paupertatis.

4. Quia sapientes norunt externam prosperitatem eatenus promitti, quatenus Deus eam viderit expedire. 5. Quia sapientes intelligunt defectum terrenae prosperitatis, non minus compensari & exhausti foelicitate caelesti, quam lucernae alicujus defectus a praesentia solis absorbetur.

Usus Directionis, ut sapienti observatione experientiam illam nobis comparemus, qua fiducia nostra de bona Dei providentia confirmatur.

XIX. Tota ista consolatio ad illos solos pertinet, quorum gressus in via illa statuuntur, qua Deus delectatur. ex v. 23.

Ratio 1. Quia solidae benedictionis Dei principium & fundamentum est gratia. 2. Quia via gratiae sua natura ducit ad omnem benedictionem: habet enim promissiones vitae hujus & futurae. 3. Quia sicut peccatum benedictiones convertit in maledictiones, sic ex adverso gratia in gravissimis afflictionibus benedictionem apprehendit.

Usus Admonitionis, ut prima nostra cura sit de gratia Dei ad gressus

sus nostros recte dirigendos: reliqua enim adjicientur. Matth. 6.

33.

X X. Omnes exhortationes, promissiones, & comminationes divinæ tendunt ad obedientiam persuadendam, ex v. 27. &c. cum antecedentibus, 1 Johan. 2. 1.

Ratio 1. Quia hic est finis & perfectio Theologiæ, vel doctrinæ sacræ, ut Deo vivamus. 1 Pet. 4. 2. Tit. 2. 12. 2. Quia exhortationes, promissiones & comminationes sunt signa voluntatis Dei à nobis implendæ: illa autem voluntas obedientia sola potest à nobis impleri. 3. Quia exhortationes pleræque omnes tanquam obedientiæ præcepta finem istum expresse designant: promissiones autem & comminationes nihil aliud sunt quam sanctiones præceptis illis ad eorum confirmationem adjunctæ.

Vsus Directionis, ut ex omni verbo Dei in obedientia nova perficere discamus.

X X I. Prima pars obedientiæ est recedere à malo. ex v. 27.

Ratio 1. Quia resipiscencia consistit in conversione, cujus terminus à quo, est malum deferendum & deponendum. 2. Quia quod bonum est non potest cuiquam serio placere, cui malum contrarium non prius incipit displicere.

3. Quia nulla est communi tenebris cum luce, malo cum bono, in deliberata voluntatis electione & intentione.

Vsus Redargutionis, adversus eos qui videri volunt boni, & non abhorrent interim à malo.

X X I I. Non satis est à malo recedere, nisi etiam quod bonum est persequamur, ibid.

Ratio 1. Quia vocamur proprie ad bonum; si ab omni malo essemus immunes, vocatio tamen invitaret ad bonum. 2. Quia perfectio nostra consistit proprie in bene vivendo; non in eo, si minus male vivamus. 3. Quia fieri non potest ut solide recedamus à malo, nisi bonum faciendo. privatio enim non tollitur, nisi habitu superveniente: tenebræ non remouentur, nisi per præsentiam lucis.

Vsus 1. Redargutionis, adversus eos quorum pietas omnis in negationibus consistit. 2. *Exhortationis*, ut studio boni, pietatem & obedientiam non privativam sed positivam consecutemur.

X X I I I. Amor Dei erga jus, debet in nobis excitare amorem juste vivendi, ex v. 28. Psalm. 35. 5.

Ratio 1. Quia similes debemus esse Patri nostro cælesti. Matth. 5. 48. quæ ille amat amantes, & odio prosequentes quæ ille odio habet. Apoc. 2. 6. 2. Quia amor juris in Deo intert necessario amorem juste viventium. 3. Quia iste amor Dei erga jus & justos certam reddit justis mercedis promissæ expectationem. 2 Tim. 4. 8.

Vsus Directionis, ut istiusmodi meditationibus fidem ac spem nostram confirmemus, ad animas nostras Deo commendandas bene agendo. 1 Pet. 4. 18.

X X I V. Vir justus singulariter dignoscitur ex sermone sapiente & justo, ex verf. 30. Proverb. 10. 20. & 12. 13. & 15. 2, 4.

Ratio 1. Quia citius, facilius, &

ſapius bene loquuntur homines pii, quam bene possint operari.

2. Quia pii multi affectus, qui opere externo non possunt executioni mandari, possunt tamen sermone significari. 3. Quia sermo magis perfecte exprimit quo animo bona opera fiunt, quam opera ipsa per se.

Vsus Admonitionis, ut magnam curam habeamus sermonis nostri. Ephes. 4. 29. Jacob. 1. 16.

XXV. Præcipua tamen pietas & iustitia hominis in eo consistit, quod legem Dei habet in corde. ex v. 31. Deut. 6. 6. Psalm. 40. 9. Ies. 51. 7. Jer. 31. 33. & 32. 40. Heb. 8. 10.

Ratio 1. Quia Deus præcipue requirit cor. Prov. 3. 1. & 4. 4. 21. 23. & 6. 21. & 7. 3. & 23. 26. 2. Quia Deus etiam est cordis scrutator, & iudicat ex corde. Prov. 21. 2. & 24. 12. 3. Quia cordis & voluntatis actus est proprie actus humanus, & hominis totius. Rom. 7. 20. 4. Quia secundum cordis inclinationem, tam sermo, quam actiones omnes externæ exercentur & diriguntur. Prov. 16. 23. 5. Quia verba & opera nihil bonitatis in sese habent si à corde separentur: ex corde enim solo obedientiæ & inobedientiæ ratio in omnes actus emanat. Prov. 4. 23.

Vsus Admonitionis, ut supra omnia custodiamus corda nostra. ibid.

XXVI. Pietatis & iustitiæ perfectio pendet ex patientia & constantia spei. ex v. 34.

Ratio 1. Quia spes mercedis obedientiam alit. idcirco enim cum alacritate Dei mandatis obtemperamus, quia in promissionibus ejus speramus. 1 Cor. 15. 58.

2. Quia spes eadem sustentat obedientiæ studium ad tentationes omnes adversas contemnendas. Heb. 12. 2. 3. Quia patientia spei obedientiam reddit constantem. Heb. 10. 35, 36.

Vsus Directionis, ut in vera & viva spe nosmetipsos magis magisque exædificemus.

XXVII. Observatio & experientia religiosa spem istam confirmat. ex v. 35, 36, 37, 38. Rom. 5. 4.

Ratio 1. Quia promissio illa, qua spes nixitur, vias Dei religiose observantibus, ex parte impleta demonstratur. 2. Quia ex istis primitiis integrum promissionum complementum sequuturum indicatur, propter immutabilem constantiam promittentis.

Vsus Exhortationis, ad observationem non vulgarem, sed seriam, gravem, & religiosam in istis rebus adhibendam.

XXVIII. Observatio religiosa respicit finem prout à Deo ordinatur. ex v. 37. ad finem.

Ratio 1. Quia rerum omnium perfectio in fine consistit. 2. Quia secundum finem omnes actiones nostras, tanquam media, dirigere debemus. 3. Quia cum Deus ipse sit aliquo modo finis piorum; qui respicit finem, respicit Deum ipsam.

Vsus Directionis, ut in omnibus de fine semper cogitemus.

PSALMUS TRIGESIMUS OCTAVVS.

Psalms Davidis ad recordandum.

2. Iehovah, ne in fervente ira tua arguas me, aut in exandescencia tua castiges me.

3. Nam sagitte tue altæ infixæ sunt in me, & dimisisti super me manum tuam.

4. Non est integritas in carne mea, propter detestationem tuam: non est pax in ossibus meis propter peccatum meum.

5. Nam iniquitates meæ transcendunt caput meum; ut onus grave, graviores sunt quam perferre queam.

6. Putruerunt, contabuerunt tumices mei, propter sultitiam meam.

7. Distorqueor, incurvor pervalde; tota die atratus pergo.

8. Quia ilia mea plena sunt vilitate, adeo ut non sit ulla integritas in carne mea.

9. Debilitatus & attritus sum pervalde, rugio præ fremitu animi mei.

10. Domin', coram te est totum desiderium meum; & suspirium meum à te non est absconditum.

11. Cor meum palpitât, derelinquit me virtus mea; & lux oculorum meorum, etiam ipsi non sunt penes me.

12. Amici mei & proximi mei è regione plage meæ subsistunt, & propinqui mei è longinquo absistunt.

13. Tendunt vero laqueos, qui querunt animam meam: & qui requirunt malum meum, loquuntur æumnas, & dolos toto dei meditantur.

14. Quos ego tanquam surdus non audio, & tanquam mutus non aperiens os suum;

15. Sed sum tanquam is qui non audit, & in cuius ore non sunt argumenta.

16. Quia te Iehova expecto, ut tu exaudias, Domine Deus mi:

17. Quia dico, videndum ut non letentur de me; nucante pede meo, contra me magnificent se;

18. Si ego ad claudicationem comparatus fuero; & dolor meus fuerit coram me jugiter.

19. Quandoquidem iniquitatem meam iudico, sollicitus sum de peccato meo:

20. Inimici autem mei vivi roborantur, & multiplicantur qui oderunt me falsis de causis.

21. Et reddentes malum pro bono, adversantur mihi; eo quod sector bonum.

22. Ne derelinquas me, Iehova: Deus mi, ne longe absis à me.

23. Festina ad auxilium meum, Domine salus mea.

ANALYSIS.

SCOPVS hujus Psalmi est misericordiam Dei implorare respectu prementium afflictionum. Indicatur iste scopus in titulo, *ad recordandum*: qui Psalm. 70. ex simili occasione adhibetur. recordatio autem intelligitur miserie ex misericordia. Psalm. 132. Jes. 62. 6. & 63. 7. Idem scopus petitione distincta explicatur in principio tanquam questio v. 1. & in fine, tanquam conclusio Psalmi. v. 22, 23. Suadetur hæc petitio. 1. A gravitate afflictionum quatenus à Deo irato procedebant. à v. 1. ad 12. 2. Ab eorum iniquitate & acerbitate, quatenus ab hominibus proficiscebantur. vers. 12, 13. 3. Ab obedientia sua in iisdem afflictionibus tolerandis. v. 14. ad 21.

Gravitas afflictionis à Dei immixta declaratur. 1. Ab intentione earum, quatenus ad intima viscera tanquam sagittæ penetrabant. v. 3. 2. A causa, quæ fuerunt peccata, quæ Deo erant detestationi. v. 4. 3. Ab earum extensione, quatenus undequaque obruebant Davidem quasi aquis multis demersum, & pressum onere gravissimo. v. 5. 4. A partibus, quarum inductione amplificatur. v. 6, 7, 8, 12. 5. Ab effectis. v. 10, 11.

Iniquitas & acerbitas earundem afflictionum ratione hominum ostenditur tam in amicis, à quibus deserebatur. v. 12. quam in inimicis, qui insidias exitiales illi struebant. v. 13.

Patientia Davidis. 1. Describitur tanta fuisse, ut hominibus insensibilis aut insensibilitas stupida potuerit videri. v. 14, 15. 2. Ea-

dem patientia illustratur à propria ejus causa, spe scilicet & fiducia in Deo collocata. v. 16. 3. Spes ista declaratur per proprium ejus effectum, preces coram Deo effusas. v. 17, 18. 4. Harum precum consolatio declaratur ab effecto earum, quod certo expectabat. v. 16. in fine. 5. Hujus expectationis confirmatio additur, ab humiliatione sua, & superbia ac malitia inimicorum. v. 19, 20, 21.

DOCUMENTA.

I. Afflictiones in piis eliciunt preces recordationis. v. 1.

Ratio 1. Quia excitant pios ad omnis officii curam. hoc autem est commune officium piorum: Levit. 22. 9. 1 Chron. 16. 4. Jes. 66. 3. Nehem. 13. 14. Act. 10. 4. 2. Quia hoc officium maxime convenit afflictis, quorum Deus videtur sæpe quasi oblitus, quia illi in peccando obliuierant Dei. 3. Quia Deus quando constituit suorum recordari, Spiritum suum emittit, qui præparat eos ad istam recordationem querendam.

Vsus Admonitionis, ut semper Dei memores ab ipso in memoria haberi queramus, sed præcipue in afflictionibus nostris.

II. Adversus afflictiones non solent pii simpliciter precari. v. 2.

Ratio 1. Quia hæc est disciplina qua Deus utitur erga suos. Heb. 12. 6. 2. Quia cedunt in bonum. ibid. v. 10, 11. Psalm. 119. 71. 3. Quia crux nobis à Deo imposita libenter & prompte ferri debet. Matth. 10. 38.

Vsus Admonitionis, ne immunitatem istam expectemus.

III. Contra ferventem iram & excandescantiam Dei precantur. v. 2. Jer. 10. 24.

Ratio 1. Quia illas afflictiones fugiunt quæ consolationem tollunt. 2. Quia desertionem Dei fugiunt. v. 22. 3. Quia tentari metuunt supra suas vires.

Vsus Directionis, ut in afflictionibus nostris præcipuam rationem habeamus iræ Dei peccatis nostris provocatæ.

IV. Dei manum sentiunt & agnoscunt. v. 3.

Ratio 1. Quia providentiam ejus efficacem esse norunt in afflictionibus ordinandis ac dirigendis.

2. Quia impii & duri cordis est, manum Dei in afflictionibus non curare. Jes. 26. 11. & 9. 13. 3. Quia sensus visitationis Dei est principium humiliationis illius, qua liberatio ita queritur ut obtineatur.

Vsus Admonitionis, ne in casum, aut causas secundas afflictiones nostras rejiciamus, sed manum Dei semper intueamur.

V. Peccatorum suorum merita in omnibus suis afflictionibus agnoscunt. v. 4, 5.

Ratio 1. Quia peccatum est propria causa mortis, & culpa pænæ. Rom. 5. 2. Quia illæ utique afflictiones, quæ vel probationis, vel exempli causa, piis immituntur, fundamentum suum habent in peccato. 3. Quia nisi hominis mala patientis peccatum agnoscat, justitia Dei eadem infligentis non potest agnosci.

Vsus Directionis, ut in omnibus pressuris oculos nostros ad peccata imprimis convertamus.

VI. Suspiria sua coram Deo effundunt cum spe. v. 10. Lam. 3. 41.

Ratio 1. Quia iram Dei ut fugiant, confugiunt ad gratiam & misericordiam Dei. 2. Quia peccatis iram illam provocantibus non possunt liberari, nisi per conversionem ad Deum in vera fide & spe. 3. Quia afflictionum finis est afflictum excitare ad affligentem querendum.

Vsus Directionis, ut isthoc effecto, humiliationem piam, à dejectione desperata discernamus.

VII. Ab hominibus nullum sæpe levamen habent, sed miseræ potius exacerbationem. v. 12, 13.

Ratio 1. Quia impii homines insultant piis, quos vident afflictos. hoc singulariter expertus est Christus, & David tanquam typus ejus. 2. Quia pii sæpe non prudenter se gerunt erga attritos. Psalm. 41. 2.

3. Quia Deus hac ratione evidenter facit apparere, suum auxilium per se sufficiens esse suis.

Vsus Admonitionis, ne ab hominibus pendeamus, sed à Deo solo.

VIII. Consolatio & robur eorum est in silentio, & spe. v. 14, 15, 16. Jes. 30. 15. Silentium non intelligitur stupidum, sed prudens & patiens. Deo enim humiliter loquuntur. v. 19. & hominibus etiam loquuntur vita eorum v. 21. sed abstinere à murmuratione adversus Deum, & ab inutili cum hominibus litigatione.

Ratio 1. Quia consciis sunt sibi suorum demeritorum coram Deo. 2. Quia cum Deo magis quam cum hominibus intelligunt se negotium habere. 3. Quia spes vera patientiam parit.

Vsus Admonitionis, ne afflictionis tempore perturbationibus indolgeamus.

PSALMUS TRIGESIMUS NONUS.

M Agistro symphonie ieduthuni; Psalmus Davidis.

2. *Dixeram; observabo vias meas, ne peccem lingua mea; servabo circa os meum capistrum, tunc spero dum improbus erit coram me.*

3. *Obmutui et taciturnus, silebam etiam a bono; sed dolor meus increbescit.*

4. *Incalescente vero animo meo in me, in meditatione mea exardescit ignis; loquutus sum lingua mea, dicens;*

5. *Fac ut experiar, Iehova, finem meum, mensura dierum meorum quid sit; experiar, quam durabilis sum.*

6. *Ecce, palmares disposuisti dies meos; & tempus meum ut nihil est coram te: profecto omnimoda vanitas omnis homo est, quantumvis constitutus maxime.*

7. *Profecto per imaginem praeerit vir, profecto in vanum perstreperunt: congregat quisquam, sed nescit quis recepturus sit ea.*

8. *Sed iam quid exspecto Domine? spes mea in te est.*

9. *Affrō omnibus defensionibus meis eripe me, probo stultus ne exponas me.*

10. *Obmutesco, non aperio os meum: quia tu secessi.*

11. *Remove a me plagam tuam, a conspectu manus tuae ego d' scio.*

12. *Si reprehensionibus pro iniquitate castigares quempiam, dissolveres sicut lineam quod inest ei desiderabile: profecto vanitas est omnis homo maxime.*

13. *Audi orationem meam, Iehova, & clamorem meum; aurem adverte ad lacrymas meas, ne surdum agas: quia peregrinus sum coram te, inquietus ut omnes maiores mei.*

14. *Desiste a me, ut recedam me; quum nondum abeo, ut non amplius sum.*

ANALYSIS.

PROPOSITUM Davidis in isthoc Psalmo est, petere liberationem a gravi calamitate, qua propter sua peccata fuit a Deo, per improbos homines, in conspiratione Absaloni (ut maxime verisimile est) affectus. Istam petitionem proponit vers. 9. cum confessione suorum peccatorum, & stultitiae vel improbitatis persecutorum suorum accusatione. Eandem repetit vers. 11. cum agnitione iustae visitationis & castigationis Dei. Triplicem etiam istam considerationem calamitatis suae coniungens eandem illam petitionem generalibus verbis in-

culcat. v. 13. & 14.

Hanc petitionem suam illustrat per oppositionem confessionis suae infirmitatis, qua praeter officium hominis pii, & ex Deo pendentis, impatienter optaverat mortem, & de conditione tam sua, quam hominum omnium in communi, sicut homines in desperatione positi solent, accusatorie fuerat conquestus. vers. 4, 5, 6, 7. Hanc tamen obmurmurationem, ex infirmitate, non ex impietate profectam esse declarat per diversum propositum contrafaciendi. vers. 2. & eiusdem ad tempus observationem, vers. 3. atque etiam per vehementiam tentationis,

ex

ex qua violatio huius propositi in perturbatione contraria sequebatur. v. 3. in fine. & v. 4.

Petitionem hoc modo illustratam confirmat ac suadet. 1. A professione suæ spei, & expectationis priori desperationi opposita. vers. 8. quæ spes ita causa est petitionis, ut exauditionis etiam & certitudinis ejus per gratiam Dei, sit causa administrans. 2. Eandem petitionem confirmat à professione patientiæ suæ, priori obmurmurationi opposita, quæ silentio tanquam effecto, & providentia Dei, tanquam causa procreante ac impellente declaratur. vers. 10. Hæc autem patientia subiungitur spei tanquam fructus ejus, & una cum illa medium exauditionis vel liberationis consequendæ. 3. Petitionis exauditionem urget ab eventu ex ejus negatione aut dilatione secuturo. v. 11. in fine. *ego deficio.* & vers. 14. in fine. quem eventum quatenus particulariter ad ipsum spectabat, illustrat à pari conditione omnium hominum quorum excellentiam coram ira Dei similem esse tinea agnoscit: cujus causam notat (cum pathetica exclamatione) in generali vanitate hominum residere. ver. 12. 4. Ad petitionem urgendam, addit etiam confessionem suæ egestatis, quæ tanquam causa prolicetur auxilium Dei. quæ egestas simili hominis peregrini, & pari conditione patrum illustratur. v. 13. in fine.

DOCUMENTA.

I. In omni vexatione, primaria nostra cura debet esse, ne peccemus. ix v. 2.

Ratio 1. Quia omnis afflictionis præcipuum malum, & aculeus, est

peccatum. 1. Corinth. 13. 36. 2. Quia hic est Satanæ præcipuus scopus, ut per afflictionum vexationes induceret nos in tentationem. Job 1. 11. & 2. 5. 3. Quia Deus nos in afflictionibus probat, quomodo illas terre valeamus, in melius, non in pejus ex iis proficientes. 4. Quia peccatum non tollit aut minuit, sed maxime aggravat, auget, & infigit afflictiones.

Usus Directionis, ut in omnibus molestiis, ad peccati periculum imprimis attendamus.

II. Ut abstinemus à peccato, diligens observatio requiritur, tum circa vias nostras omnes, tum circa linguam & verba nostra. ibidem.

Ratio 1. Quia tentatio tot viis obrepit, ut sine diligenti vigilatione non possit vitari. 2. Quia nos tot modis obnoxii sumus peccato, ut custodia diligenti opus habeamus, ne ex aliqua occasione prolabamur. 3. Quia lingua nostra ita parata est quemlibet conceptum pravam parere, & perficere, ut singulariter debeat frænari & coerceri. Jac. 3. 8.

Usus Admonitionis, ne unquam securitati locum demus, sed in specula, & observatione nostra jugiter perstemus.

III. Vis aliquando faciendæ est affectibus nostris, ne prorumpant, ibidem. *servabo circa os meum capistrum.*

Ratio 1. Quia sic conceptio peccati non debet perfici. Jac. 1. 15. Prov. 30. 32. 2. Quia hac ratione peccatum in prima conceptione suffocatur. 3. Quia regnum peccati hoc modo impeditur. Rom. 8. 13. 15.

Vsus Admonitionis, ne molliter nimis cum pravis nostris cupiditatibus agamus, sed fortiter iis resistamus.

IV. In præsentia improborum maxime cavendum est piis ne peccent, ibidem. *Tantis per dum improbus erit coram me.*

Ratio 1. Quia illi confirmarentur in sua improbitate. 2. Quia religionem blasphemarent. 3. Quia hæc esset victoria impietatis.

Vsus Refutationis, adversus eos, qui sua peccata trajiciunt in consortium improborum; cum propter præsentiam improborum magis debeant sibi cavere.

V. Ut caveamus à malo, abstinendum est aliquando ab eo quod bonum est. v. 3. Hoc tamen intelligi debet de bono licito, non de bono necessario & præcepto. David abstinuit ab hostibus pro ipsorum merito accusandis, & à iusta sua coram hominibus defensione. sed non ab humiliatione & oratione coram Deo.

Ratio 1. Quia bonum aliquando speciem habet mali. 2. Quia bonum non bene dictum aut ordinatum, sed ex perturbatione profectum, convertitur in malum. 3. Quia ex infirmitate nostra sæpe accidit, ut licitum & bonum introductio sit ad malum vicinum.

Vsus increpationis, adversus eos, qui in licitis omnibus sibi indulgēt, quamvis nullo modo expediant.

VI. Observatio, cura & vigilantia piorum à valida tentatione ad tempus nonnunquam superatur. ver. 4.

Ratio 1. Quia sæpe remittitur cura nostra tentatione invalescen-

te, & animum ad alia avocante. 2. Quia carnem habemus in nobismetipsis, quæ cum tentatore conspirat ad animas nostras prodendas. 3. Deus ita disponit, ut infirmitatem nostram experi, minus à nobis, & magis ab ipso pendeamus.

Vsus Admonitionis, 1. Ut in observatione & vigilantia magis magisque circumspecti & accuratius studeamus. 2. Ut una cum vigilantia qua nobis cavemus, jungamus orationem jugem ad Deum, ut ille nobis cavere velit. *vigilate, & orate.*

VII. Tentationis prævalentis & animi fatiscantis indicium est, calamitate aliqua premente, mortem eo nomine optare, & de vitæ huius conditione nimis queritari. ex v. 5, 6, 7.

Ratio 1. Consolationem & patientiam labefactatam ostendit. 2. Quia subjectioni erga Dei voluntatem repugnat. 3. Quia murmurationis aliquid habet adversus Deum & providentiam ejus.

Vsus Admonitionis, ut caveamus nobis ab hac impatientia.

VIII. Tentationis victoria pendet ex fidei & spei confirmatione. ex v. 8.

Ratio 1. Quia fides est scutum, & spes galea, quidus ignita Diaboli jacula extinguuntur. Ephes. 6. 16, 17. 1 Joh. 5. 4. 2. Quia fides & spes in plerisque tentationibus impugnantur; prout igitur vel infirmantur, vel confirmantur illa tentationem talem vel vincere, vel vinci necesse est. 3. Quia ex fide atque spe cæteræ omnes virtutes pendunt & una cum ipsis vel infirmantur, vel confirmantur.

Vsus

Vsus Directionis, ut in omnibus tentationibus præcipuam curam in fide ac spe nostra confirmanda & excitanda ponamus.

IX. Fidei ac spei vivæ individuus comes est patientia, in visitatione Dei ferenda. ex v. 10.

Ratio 1. Quia religiosam humiliationem sub manu Dei includunt & supponunt. *tu fecisti.* 2. Quia exitum optatum certum reddunt. 3. Quia patientia expectationis est proprius fructus spei expectantis.

Vsus Exhortationis, ad patientiam istam colendam & in spe viva fundandam, eaque fovendam.

X. Spei patientis effectum proprium est invocatio Dei. v. 9, 11, 13, 14.

Ratio 1. Quia spes & oratio non aliter sese habent quam auxillii expectatio & imploratio. 2. Quia spes est orationis conditio, quæ promissionem habet exauditionis. 3. Quia oratio est spei medium, & manus, ad obtinenda speranda. 1 Joh. 5. 14.

Vsus Admonitionis, ne acquiescamus in ulla fide aut spe, quæ non exerit sese in oratione jugi.

XI. Sensus vanitatis, egestatis & externæ necessitatis nostræ, orationes reddit efficaces. v. 11, 12, 13, 14.

Ratio. Quia & nos excitant ad auxilium quærendum, & coram Deo humiliter explicata valent, ut objecta prolicientia, & argumenta moventia commiserationem.

PSALMUS QUADRAGESIMUS.

Magistro symphoniz, Davidis Psalmus.

2. *Constanter expectavi Iehovam, qui inclinaus ad me audivit vociferationem meam :*

3. *Educens me à lacu tumultuoso, è luto cænofo ; statuit super petram pedes meos, firmavit gressus meos :*

4. *Denique indidit ori meo canticum novum, laudationem Deo nostro : videntes multi reverebuntur, & confident in Iehova, dicentes :*

5. *Beatus est vir ille, qui ponit in Iehova fiduciam suam ; neque respiciis ad superbos aut declinantes ad mendacium.*

6. *Tu multa præstas Iehova, Deus mi, mirabilia tua & cogitationes tuas erga nos : nemo recensendis iis par tibi ; si indicabo & eloquar, numerosiora sunt quam ut enarremus.*

7. *Sacrificio, inquis, & vultu non delectatus es. aures perfodisti mihi : holocaustum & oblationem pro peccato non expetivisti.*

8. *Tum dixi, ecce venio : in volumine libri scriptum est de me :*

9. *Facere voluntatem tuam, Deus mi, delector : & lex tua est in visceribus meis.*

10. *Predico iustitiam in congregatione multa : ecce labia mea non cohibeo ; Iehova, tu nosti.*

11. *Iustitiam tuam non tegeo in animo meo, fidem tuam & salutem tuam dico : non celo benignitatem tuam & veritatem tuam congregationi multæ.*

12. *Tu Iehova, ne cohibeas miserationes tuas à me : benignitas tua & veritas tua jugiter custodiant me.*

13. *Nam circumdantia invadunt me mala innumerabilia : assequun-*

tur me iniquitates meae, adeo ut nequeam dispicere, numerosiores sunt capillis capitis mei; animus etiam meus derelinquit me.

14. Velis, Iehova, eripere me; Iehova ad auxilium meum festina.

15. Pudeant & rubore perfundantur pariter quærentes animam meam ad perdendam eam: agantur retrorsum & ignominia afficiantur, qui delictantur malo meo.

16. Desolentur pro mercede pudoris sui; qui dicunt de me, euge, euge.

17. Gaudeant & latentur in te omnes quærentes te, ac dicant fugiter, magnificetur Iehova, amantes salutis tue.

18. Sum quidem pauper & egens, sed Dominus cogitat de me: auxillum meum & liberator meus es, Deus mi, ne tardes.

ANALYSIS.

PROPOSITUM Davidis in hoc Psalmo, est petere liberationem ex magnis angustiis quibus premebatur. Hæc petitio generaliter proponitur, & declaratur à causis illis principalibus quibus nitebatur, misericordia scilicet benignitate, & veritate Dei. v. 12. deinde particulariter explicatur ex adjuncto festinationis. v. 14 & 18. Præmarium argumentum, quo petitionis huius fiducia confirmatur; petitur ab experientia similis fiduciæ in paribus angustiis, cum felici successu in Deo collocatæ. Angustia metaphorice declarantur. v. 3. fiducia cum successu ejus. v. 2. qui successus effecto suo proprio illustratur, cantico scilicet laudationis & gratiarum actionis: cuius itidem effectum notatur esse multorum ædificatio, in simili fiducia & religione erga Deum. v. 4. Exemplum huius laudationis proponitur. v. 5. ad 12. in quo. 1. Adjuncta beatitudo huius fiduciæ prædicatur, una cum sinceritas ejus nota, in impietatis fuga & detestatione. v. 5. 2. Illa beatitudo declaratur per multitudinem & magnitudinem benedictionum, quibus Deus cumulare solet eos qui in ipso confidunt. v. 6. 3. Præcipuum benedi-

ctionis omnis fundamentum in redemptione per Christum positum esse declaratur: cuius ordinatio indicatur, ac per antithesin illustratur. v. 7. & obedientia ejus singularis describitur. v. 8, 9. & fructus etiam ejusdem in Dei gloria promovenda. v. 10, 11. Quæ Duo posteriora, quia ab omnibus piis pro suo modulo præstari debent, idcirco pertinent etiam ad professionem gratitudinis piorum erga Deum pro beneficiis in Christo acceptis.

Præter primariam istam petitionis confirmationem, ejusdem etiam suasio additur. 1. A multitudine & gravitate malorum quibus premebatur David. v. 13. 2. Ab effecto duplici quod ex liberatione concessa fuit secuturum, confusio scilicet improborum. v. 15, 16. & pium gaudium piorum. v. 17. 3. A fiducia quam habuit de felici hoc eventu. v. 18.

DOCUMENTA.

I. Experientia misericordiæ Dei, fiduciæ nostræ satisfaciens, fiduciam singulariter confirmat. ex v. 2, 3.

Ratio 1. Quia talis experientia testimonii vim habet de fiduciæ effi-

efficacitate. 2. Quia similes causæ similia effecta produciunt. cum igitur misericordia Dei sit sui semper similis. si similem fiduciam adferamus, similem liberationem certo possumus expectare. 3. Quia fiduciæ impletio fiduciæ renovationem gratitudinis loco requirit.

Usus Directionis, ut hujusmodi observationibus spem nostram confirmemus. Gen. 32. 10. Ps. 22. 5.

I I. Ut ista consolatio solida fiat de misericordia in futurum percipienda, requiritur gratitudo pro misericordia antea percepta. ex verf. 4.

Ratio 1. Quia fiducia illa non est genuina, quæ non refertur ad gloriam Dei. 2. Quia misericordia Dei indigne recipitur, si non pariat in animis nostris congruentem gratitudinis affectum. 3. Quia pudor prohibet animum ab illa misericordia expectanda, quam antea concessam ingratis neglexit.

Usus admonitionis, ne Dei beneficia ingratitude nostra corrumpamus.

I I I. Gratitudo erga Deum parit studium homines ad Deum adducendi. ex v. 4. in fine.

Ratio 1. Quia maxime pertinet ad gloriam Dei, quam pia gratitudo unice querit. 2. Quia gaudium gratitudinis est sui communicativum. 3. Quia charitas erga homines est proprius fructus charitatis & gratitudinis erga Deum.

Usus Exhortationis, ad zelum istum in cordibus nostris excitandum.

I V. Adducuntur homines ad Deum, quando reverentur Deum

& in eo confidunt. ibid.

Ratio 1. Quia reverentia Dei religionem notat, & fiducia est primarius ejus actus. 2. Quia

istis duobus, duo illa extrema caventur, quibus homines à Deo alienantur, securitas & desperatio.

3. Quia reverentia hominem subicit Deo, & fiducia Deum homini unit.

V. Fiduciæ in Deo vero collocandæ. & reverentiæ debita ipsi exhibendæ causa efficax est fides beatitudinis, hæc facientium propriæ. ex v. 5.

Ratio 1. Quia beatitudinem appetunt omnes: & idcirco promissiones beatitudinis annexas voluit Deus fiduciæ & obedientiæ, ut essent omnibus efficacia earum incitamenta. 2. Quia fides hujus connexionis, fiduciæ & obedientiæ eodem desiderio studere nos facit, quo beatitudinem ipsam prosequimur. 3. Quia fides beatitudinem cum religione connectens, religionis officia suavia reddit & plena delectationis.

Usus Directionis, ut ista fide tanquam in fundamento religionis, magis magisque nosmetipsos exadificemus.

VI. In hac fide directe exadificamur seria observatione & admiratione benedictionum Dei in Ecclesiam collatarum. ex v. 6.

Ratio 1. Quia benedictiones istæ sunt vel partes, vel causæ, vel signa beatitudinis æternæ. 2. Quia earum observatio fidem confirmat de tota beatitudine promissa.

3. Quia admiratio earum continet in sese illam æstimationem, quæ animum attollit ad ardentius desiderium, & majorem expectationem

tionem complementi ipsarum.

Usus directionis, ut applicemus animos ad benedictiones Dei hunc in modum intuendas.

VII. Præcipua benedictio Dei erga Ecclesiam est redemptio per Christum. ex v. 6. &c. cum. Heb. 10. 5.

Ratio 1. Quia dilectionis Dei, & Christi erga Ecclesiam illustris effectum ne cogitatione quidem potest comprehendere. 2. Quia in hac redemptione per Christum cæterarum omnium benedictionum fundamentum collocatur.

3. Quia cæteræ omnes ad salutem necessariæ, ex hac una certo sequuntur.

Usus Directionis, ut in Christi redemptione oculos nostros præcipue semper teneamus defixos.

VIII. In obedientia Christi perfectum exemplar habemus omnis gratitudinis *Officii* erga Deum præstandi.

Offic. 1. Obedientiæ firmum propositum. v. 6. *au. es perfodisti mihi.*

2. Promptitudo in eadem perficienda. v. 8. *ecce venio.*

3. Verbi scripti observatio, in volumine libri scriptum est de me.

4. Delectatio cordis in illa observatione. vers. 9.

5. Publica professio & communicatio bonitatis Dei. vers. 10, 11.

Usus Directionis, ut secundum istud exemplar studeamus nos Deo probare.

IX. Promptitudo nostra ad bonitatem Dei glorificandam, certum est argumentum promptitudinis ejusdem bonitatis uberius porro nobis exhibendæ. ex v. 12. cum 10. *labia mea non cohibeo: in lehoua non cohibeas miserationes tuas*

à me.

Ratio 1. Quia hæc est illa dispositio & præparatio animi, quam Deus requirit ad suæ bonitatis participationem. 2. Quia ex hac dispositione sequitur fructus ille gloriæ divinæ, qui Deo ex omnibus suis beneficiis debetur. 3. Quia ex isthoc fructu, perfectio beneficiorum Dei tam nostro, quam ipsius respectu pender.

Usus Directionis, ut in omnibus quæ optamus à Deo, hanc animi dispositionem imprimis optemus, eique sedulo studeamus.

X. Nihil tamen quod in nobis est, sed miseratio, benignitas, & veritas Dei est fiduciæ nostræ fundamentum. vers. 12.

Ratio 1. Quia quicquid boni nos offerimus, est debitum, imperfectum, inquinatum, & gratiæ Dei effectum. 2. Quia sola miseratio, benignitas, & veritas Dei tollere potest peccata nostra, & cæteras miseriarum causas, ac salutis nostræ impedimenta. 3. Quia integra gloria totius nostræ salutis, Deo soli, & in solidum debetur.

Usus Directionis, ut quamvis confirmationi fiduciæ pils omnibus officiis nostris operam demus, ex Dei tamen gratia unice semper pendeamus.

XI. Multitudo, & gravitas, vel calamitatum, vel etiam peccatorum, non remouet gratiam Dei ab iis, qui eam in fide & resipiscencia quaerunt. v. 13.

Ratio 1. Quia magna est misericordia Dei, & superat miseriam omnem. 2. Quia abundantia miseriarum materiam præbet abundantiae gratiæ. 3. Quia extremitas miseriarum excitat nostrum desiderium, &

& accelerat salutem Dei.

Usus Consolationis, fidelium & resipiscentiū, adversus maxima mala.

XII. Declaratio gratiæ Dei erga fideles cedit in confusionem impiorum, & piorum omnium consolationem. ex v. 15, 16, 17.

Ratio 1. Quia impiorum expectationi adversatur, piorum autem

implet vota.

2. Quia testimonium est divinum de infelici malorum & felicissimo bonorum fine.

Usus Admonitionis, ut caveamus nobis, ne ulla gratiæ Dei manifestatio sit vel nobis confusioni, vel aliis bonis per nos, sed genuinum suum habeat fructum.

PSALMUS QUADRAGESIMUS PRIMUS

M Agistro symphonie, Psalmus Davidis.

2. Beatus qui attendit ad attentatum; dicens, tempore mali liberabit eum Iehova.

3. Iehova servabit eum & vita restituet eum, beatus reddetur in terra; item, ne tradas eum desiderio inimicorum ejus:

4. Iehova sustentet eum, decumbentem in sponda languoris: totum cubatum ejus ex morbo ejus mutaveris.

5. Me dicente, Iehova gratiam fac mihi, sana animam; quia peccavi tibi:

6. Inimici mei dicebant malum de me, quando morietur, & perierit nomen ejus?

7. Quod si quis veniebat ut inviseret, mendacium loquebatur animus ejus, congregabat iniquitatem sibi: egressus foras, eloquebatur.

8. Simul contra me mussitabant omnes osiores mei; contra me cogitabant quod esset malo mihi dicentes:

9. Res nequissima tenaciter inhaeret ei; & quod decumbit, non amplius exsurget.

10. Etiam vir colens pacem mecum, in quo confidebam, comedens cibum meum; sustulit adversum me calcem.

11. At tu Iehova, gratiam fac mihi, & exsuscita me, ut rependam illis:

12. Hac re expertus fuero quod delectaris me, quum non clanger inimicus meus de me;

13. Sed me, me inquam sustentabis in integritate mea; & restitues me coram te in seculum.

14. Benedictus Iehova Deus Israelis, a seculo usque in seculum; amen, iterum amen.

ANALYSIS.

SCOPUS hujus Psalmi est, homines instituere, quomodo se gerere debeant erga pios in tempore mali. Hoc autem officium,

1. Generaliter describitur à causa, judicio scilicet recto de eorum conditione, & laudatur ac suadetur, à beatitudine quam habet ad-
jun-

justitiam, tanquam officium singulariter Deo gratum. v. 2. in principio. 3. Specialiter declaratur per suas partes, quæ sunt spes & desiderium liberationis divinæ, in consolationem hominis afflicti. ver. 2, 3, & 4. sive enim his verbis beatitudo illius describitur qui recte sese gerit erga afflictum, ut quidam volunt, sive indicetur quomodo quis recte se gerere possit, quæ est aliorum sententia, eodem fere res redit. priore enim sensu, indirecte hoc officium declaratur in praxi Davidis, & posteriore idem officium omnibus directe præscribitur, & explicatur. 3. Illustratur hoc officium ab opposita iniquitate, quam David ipse in sua calamitate fuerat expertus. vers. 5. ad 11. ubi pietatem suam declarat per preces quas ad Deum fuderat in tempore mali. vers. 5. & cum injurias varias exponit, quibus (illa pietate non obstante) ab hominibus fuerat affectus & vexatus. Istæ autem injuriæ distribuuntur à causis efficientibus, inimicis nois. v. 6, 7, 8, 9. & amico simulato. v. 10. Inimicorum injuriæ fuerunt. 1. Exoptatio & expectatio mortis & interitus Davidis & extinctionis etiam nominis ipsius. v. 6. 2. Simulatio benevolentix, quæ vim habuit irrisionis. v. 7. 3. Consultatio & machinatio mali adversus ipsum. v. 8. 4. Calumniosa censura de causa calamitatis ejus, una cum ominatione desperati eventus, qua machinatio eorum nitebatur. v. 9. Amici injuria fuit perfida ingratitude, quæ metaphoricè explicatur per equi protervi recalcitrationem; & amplificatur per dissentanciam

ejus professionem erga Davidem & merita Davidis erga ipsum. v. 10. 5. Iniquitas ista hominum erga Davidem refutatur, & contrarium officium confirmatur ex judicio & testimonio Dei opposito ut qui integritati, Davidis gratia, liberatione sua est attestatus; quod efficaciter explicatur partim in forma fidelis precationis. v. 11, 12, 13. & partim gratæ benedictionis. v. ult.

DOCUMENTA.

I. Rari sunt qui officium suum faciunt erga afflictos. ex v. 2.

Ratio 1. Quia plerique personas & species hominum externas respiciunt, & illa ratione judices evadunt de afflictis male disceptantes. Jac. 2. 4. 2. Quia de causa afflictionum non recte judicant homines. Job. 9. 2, 3. Luc. 13. 2, 4. Intelligunt enim aliquo modo mortem à peccato suam originem habere, quod est legis: sed non percipiunt eandem mortem à Deo in bonum fidelium dirigi & ordinari, quod est gratiæ in Evangelio revelatæ. 3. Quia afflictorum conditio non promittit retributionem, cujus expectatione excitantur multi ad bene de aliis merendum. Luc. 14. 14. 4. Quia spiritus est in homine, qui fertur ad invidendum aliorum felicitati, & miseriæ eorum insultandum. Jacob. 4. 5.

Usus Admonitionis, ut animos nostros ad istud officium religiosa cura præparemus.

II. Officium nostrum erga fideles in afflictione, est omnia bona ipsis tam sperare, quam optare, & quantum in nobis est, procurare. v. 3, 4.

Ratio

Ratio 1. Quia hoc stralila nobis fieri vellemus in tempore mali.

2. Quia hoc est officium charitatis, quod fratribus omnibus debemus.

3. Quia Dei benignitas hoc ipsum suadet iis qui gustarunt quam bonus sit & misericors erga peccatores.

Vsus Exhortationis, ad Christianam compassionem erga afflictos.

III. Fideles afflicti ad gratiam Dei confugiunt, peccata sua humiliter confitentes. ex v. 5.

Ratio 1. Quia Dei providentiam in omnibus agnoscunt. Job. 5. 6, 8.

2. Quia causam justam afflictionum in semetipsis habere agnoscunt. Lament. 3. 39.

3. Quia rescipiscentia, cui Deus promisit gratiam, incipit à seria confessione peccatorum.

Vsus Directionis, ut hac via queramus omnium molestiarum levamen.

IV. Homines maligni male nihilominus de fidelibus censent in tempore mali. ex v. 6.

Ratio 1. Quia gratiam Dei nesciunt, ex qua fideles pendent.

2. Quia ex invidia, & odio, male illis volunt & cupiunt.

Vsus Admonitionis, ut caveamus nobis, ne istiusmodi quidquam in nobis reperiatur.

V. Malignorum istorum sermones saepe sunt mendaces. ex v. 7, 8, 9.

Ratio 1. Quia sunt hypocritae. Prov. 26. 24.

Vsus Admonitionis, ne talibus fidamus. Prov. 26. 25, 26.

VI. Ista malignitas in multis non potest ullis beneficiis vinci. ex vers. 10.

Ratio. Quia altiores radices agit malignitas in animis malorum quam beneficii alicujus sensus.

Vsus Directionis, ut animos nostros comparemus ad perfidiosos hominum injurias patienter ferendas.

VII. Malignitas hominum non debet minuere, sed excitare fiduciam illam quam in gratia Dei habemus. ex vers. 11. &c.

Ratio. Quia ab hominibus dum male habemur, eo ex natura rei indigemus, ut unicam nostram consolationem in Deo queramus.

Vsus Directionis, ut hac ratione ex hominum perfidia, in vera fiducia proficere discamus.

VIII. Hæc fiducia in petitione & gratiarum actione sese ostendit. ex v. 11. & 14.

Ratio. Quia hi sunt actus fiducia.

Vsus Admonitionis, ne in alia fiducia nobis complacemur.

PSALMUS QUADRAGESIMUS SECUNDUS.

Magistro symphonie in posteris Korachii, ode diastolica.

1. Sicut serpens gloriatur aspirans ad alveos aquarum, sic anima mea gloriatur aspirans ad te Deus.

3. Sicut est anima mea Dei, Dei fortis viventis, dicens: quando accedam, ut appaream in conspectu Dei?

4. Sicut mihi labryma mea cibo interdum & noctu; dum dicitur mihi quotidie, ubi est Deus tuus?

5. Hæc recordans effundo in me animam meam: me fuisse ira sisturum.

in turba, gressurum cum illis ad domum usque Dei cum voce cantus & laudationis, multitudine feriente.

6. Quid deficiis te anima mea & perstrepsis in me? spera in Deo; nam adhuc celebraturus sum cum, & salutem animi modam faciei ejus.

7. Deus mi in me anima mea defecit, sed propterea recordor tui & terra Iordanis, & Chermouitarum, & monte exiguus.

8. Abyssus abyssum inelamat ad sonum emissariorum tuorum, omnes inluxpentes fluctus tui & unda tua super me transeant;

9. Interdum tamen amandaturus es iherova benignitatem suam & noctu canicum suum ad me; oratione mea ad Deum fortem vita mea perstabo.

10. Dicam Deo forti petra mea, quare oblivisceris mei? quare atratus incedo propter oppressionem inimici?

11. Sicā invadunt ossa mea, probo afficientes me hostes mei; dum dicunt: mibi quotidie, ubi est Deus tuus?

12. Quid deficiis te, anima mea, & quid perstrepsis in me? spera in Deo; nam adhuc celebraturus sum cum, omnimodam salutem faciei mee, & Deum meum.

ANALYSIS.

PROPOSITUM Davidis in isthoc Plalmo est consolari semetipsum, contra dejectionem animi, quam subinde sentiebat oriri ex illis malis quæ in exilio patiebatur. vers. 6. & 12. Hæc autem consolatio, quia fuit cum luctu, & in tempore gravis tentationis, congruenter igitur declaratur per inctreptionem vel correctionem diffidentie, & excitationem ac confirmationem fidei ac spei. Diffidentia autem metaphorice describitur per suum effectum, dejectionem & tumultuationem: fides autem vel spes, per suum objectum primarium Deum, & secundarium salutem Dei, una cum effectu celebrationis Dei.

Consolatorix hujus luctus quia dux sunt partes, dejectionis amoligio, & erectio spei, idcirco dejectione animi primo declaratur, & postea erectio. Dejectio 1. declaratur per desiderium vehemens

& pium, ex indigentia & privatione oriundum, quod similitudine explicatur. vers. 2. & 3. 2. Per inanitatem illius desiderii, quod non nisi lachrymis satiabatur, quæ illo respectu vocantur cibus vel panis. v. 4. in principio. 3. Per doloris hujus exacerbationem, partim ab exprobrationibus impiorum illatam, ibidem in fine. & partim à recordatione sceleris illius, cujus privationem jam patiebatur & ejusdem comparatione cum mileria præsentis. v. 5.

Erectio animi (quæ altera pars est luctus, consolationem quæsitam complectens.) Declaratur. 1. Per causam ejus administrantem, fidem scilicet recordationem Dei, quæ illustratur ab opposita dejectione, & à diverso, distantia scilicet locorum à visibili præsentia Dei. ver. 7. 2. Per causam principalem, benignitatem nempe Dei. v. 9. quæ describitur per efficaciam,

caciam, *mandato* quicquid velit procurantem: & per constantiam, qua *interdium* & *noctu* consolationem adfert: & illustratur per gravitatem periculi ex quo liberaret, v. 8. 3. Per aliam causam administrationem, fidelem scilicet invocationem benignitatis illius Dei, v. 9. in fine. cuius invocationis quædam summa exponitur. v. 10, & 11: constans ex fiducia in Deo, & querimonia gravissima, de desertione Dei, quæ declaratur ex consequente oppressione, & vexatione non ferenda.

DOCUMENTA.

I. Desiderium efficax, pietati congruens, certissima est nota hominis pii. ex v. 2, 3.

Congruit autem pietati desiderium illud quod fertur in verum bonum, non tantum, qua nobis est commodum, sed etiam qua rectum est, & Deo placens.

Ratio 1. Implicat cognitionem boni aliquo modo experimentalem. 1. Pet. 2. 3. 2. Implicat etiam aliquam dilectionem. Affectus enim unionis, qui simpliciter consideratus est amor vel dilectio, respectu boni absentis est desiderium. 3. Implicat etiam odium, & tadium oppositi, in qua aversione animi resipiscencia continetur. 4. Desiderium hoc est præparatio vel dispositio ad boni desiderati fruitionem. 5. Acceptatur sæpe coram Deo desiderium, aliquid faciendi pro ipso factum. 2. Corinth. 8. 12. 6. Promissionem habet satisfactionis. Iesaiæ 55. 1. Iohan. 7. 13. 7. Apoc. 22. 17.

Vsus Consolationis, erga Christianos, qui infirmitatibus & tentatio-

nibus nonnunquam pressi ac vexati, nihil in semetipsos saluti affine sentire possunt præter desideria pia.

II. Desiderium pium primo & præcipue fertur in deum, ibidem.

Ratio 1. Quia Deus, est summum bonum. 2. Quia Deus verus est Deus vivens, & fons aquarum viventium, quibus omnia desideria pia saturantur. Jer. 2. 13. & 17. 13. 3. Quia præter Deum nihil est, quod possit animum satiare. Ies. 55. 2.

Vsus Exhortationis, ut animos nostros indies magis magisque ab omnibus rebus mundanis avertentes, in Deum toti feramur.

III. Desiderium quod recte fertur in Deum, simul complectitur sancta ejus instituta. ex v. 3. in fine.

Ratio 1. Quia signa sunt singularis præsentis Dei, & quasi facies Dei. 2. Quia media sunt efficacia, per quæ Deus queri vult & inveniri. 3. Quia in istius vitæ via, non sumus capaces visionis Dei, nisi per speculum institutorum ejus. 1. Cor. 13. 12.

Vsus Condemnationis, adversus eos qui prohtentur se Deum amare, & tamen sanctissima ejus instituta parum aut nihil curant.

IV. Desideria hujusmodi maxime pia diu sæpe differuntur antequam impleantur. ex vers. 4. in principio.

Ratio 1. Quia desideria pia semper debent adesse: sed eorum impletio certa habent momenta temporis à Deo definita. 2. Quia

patiens expectatio fidelium non minus facit ad Dei gloriam quam

ipsa expletio desideriorum.

3. Quia dilatio desiderii facit saepe ad amorem rei desideratae, & gratitudinem de ejus concessione augendam.

Vsus Admonitionis, ne frangamur animis, si piis nostris desideriis non statim satisfiat.

V. Insultatio impiorum de vanitate spei fidelium, magis est ipsis molesta, quam spei protractio, ex v. 4. in fine.

Ratio 1. Quia talis irrisio est gravis tentatio. 2. Quia in illa triumphat aliquo modo Diabolus cum suis de fide & spe piorum. 3. Quia directe lædit nomen & gloriam Dei.

Vsus Directionis, ut muniamus nos adversus istud malum, non affectum istum deponendo, sed animo confirmando.

VI. Istiusmodi malorum experientia auget æstimationem bonorum, quibus privamur; & illa æstimatio auget mœrorem de tali privatione. v. 5.

Ratio. Quia contraria juxta se posita magis elucescunt.

Vsus Directionis, ut hujusmodi experientiam convertamus ad pia desideria magis acuenda.

VII. Quando protractione desideriorum, & malis inde consequentibus turbari nos aliquo modo sentimus, unica animos nostros erigendi ratio est, resistere diffidentiae, & fiduciam in Deo confirmare, ex v. 6, & 12.

Ratio 1. Quia fidei ac spei fiducia est scutum, & galea, qua sola muniiri possimus adversus Diaboli tentationes. Ephes. 6. 16, 17.

2. Quia dejectio animi oritur ex metu, metus ex diffidentia; &

erectio animi fluit ex gaudio, gaudium autem ex fiducia fidei ac spei. Heb. 3. 6. 1 Per. 1. 8.

Vsus Directionis, ne, quando laboramus hujusmodi infirmitate, vel despondeamus animos, vel in symptomate curando hæreamus, sed hunc in modum causæ mali occurramus.

VIII. In ista lucta plurimum juvat, animas nostras quasi alloquendo, iterum atque iterum increpare earum diffidentiam, & fiduciam ipsis imperare. ibidem.

Ratio 1. Quia reflexo & practico hoc actu directe curantur, & maxime afficiuntur animæ nostræ. 2. Quia dum sic agimus, confitemur ac damnamus nostram infirmitatem, & contrarium officium suscipimus, eoque adspiramus. 3. Quia perveritas, & pravitas animarum nostrarum postulat, ut hujusmodi calcaria sæpius illis admoveantur.

Vsus Directionis, ut exerceamus nosmetipsos in ista ratione meditando & cum animis nostris efficaciter agendi. Psalmo 77. 4, 7.

IX. Diffidentia maxime proprie minuitur, & excitatur fiducia, recordatione Dei, & benignitatis ac misericordiae ejus religiola meditatione. ex vers. 7, 8, & 9.

Ratio 1. Quia Dei benignitas & misericordia est fidei ac fiduciae nostrae proprium objectum.

2. Quia est etiam efficacissimum argumentum, vel causa movens & alliciendo impellens ad fiduciam sui. 2. Quia finis est & scopus ad quem fiducia collimar.

Vsus directionis, non sufficit de verbo

verbo Dei meditari, sed cum prudentia debemus hoc facere, ad excutiendam securitatem, de severitate Dei meditantes, & benignitatis ejus recordantes ad consolationem acquirendam.

X. Cum religiosa meditatione conjungenda semper fervens oratio, ex v. 9, 10, 11.

Ratio 1. Quia meditatio talis tendit ad orationem, meditando enim discernimus, quid sit querendum, & præparamus nos ad idem profe-

quendum, querimus autem precipue, orando. 2. Meditatio sine oratione, vel neglectum, vel presumptionem habet conjunctam; sed oratio ex meditatione emanans, & sollicitudinem indicat consequendi boni quod apprehendimus, & humilitatem religiosam, quia nostris viribus diffidentes, querimus illud à Deo solo.

Ufus Admonitionis, ne unum horum ab altero separemus.

PSALMUS QUADRAGESIMUSTERTIUS.

VIndica me Deus, & suscipe contentionem meam, à gente non benigna, à viro dolofo & iniquo libera me.

2. Nam tu es Deus roboris mei, quare rejiceres me? quare attritus inde-sinenter irem propter oppressionem inimici?

3. Mitte lucem tuam & veritatem tuam; ipse deducant me: adducant me in montem sanctitatis tue, & in tabernacula tua:

4. Ut accedens ad altare Dei, ad Deum fortem auctorem letissimæ exultationis mee; celebrem te cithara, 6 Deus, Deus mi.

5. Quid de jecis tu, anima mea; & quid perstrepis in me? spera in Deo; nam adhuc celebraturus sum eum, omnimodam salutem faciei mee, & Deum meum.

ANALYSIS.

PSALMUS iste occasionem & scopum eundem habet cum priore: consolationem scilicet adversus oppressionem & exilium, quibus David animum suum vexari, turbari, & graviter tentari sentiebat, vers. 5. vers. 2. in fine, & vers. 3.

Ad consolationem istam acquirendam duplex medium adhibet. 1. Precationem erga Deum, quatuor primis versiculis. 2. Commendationem sui ipsius, v. 5.

In precatione 1. Medium illud unicum ponit, ex quo solida ejus consolatio pondebat, generaliter

v. 1. ut jus sibi à Deo diceretur adversus suos hostes, & specialiter ut liberaretur ab eorum persecutione. vers. 1, 2. ac libere posset solemnem Dei cultum participare. v. 3, 4. qui gradatim explicatur per adjuncta, montem, tabernaculum, & altare Dei. 2. Argumenta proponit quibus hæc petitio urgetur. 1. Justitiam causæ, quæ comparatione iniquitatis hostium illustratur. vers. 1. 2. Fiduciam in Deo collatam, una cum relatione ad Deum inde exurgente; quæ dissensanea Dei desertione illustratur. vers. 2. 3. Perfectiones illa

Dei ex quibus illa fiducia pendebat quæ & omnisufficientes esse innuuntur ad præstandum quod postulatur, & idem certo effecturæ: gratia scilicet & veracitas Dei. vers. 3.
4. Finem & fructus petitionis concessit: celebrationem scilicet nominis Dei.

In commonefactione sui ipsius
1. Corrigit suam dissidentiam quæ inceperat cedere tentationi. 2. Fiduciam suam confirmat de felici exitu, cujus confirmationis rationem petit à relatione quæ inter Deum & ipsum intercedebat. vers. 5.

DOCUMENTA.

I. In causa bona sperare possumus ac debemus. ex v. 1.

Ratio 1. Quia omnis causa bona est causa Dei, quam ille suscipiet, & ager. in textu. 2. Quia Deus ut justus iudex, vindex est & liberator eorum qui in causa bona premuntur. hinc judicare Dei, idem sæpe sonat quod vindicare ac liberare oppressos. 2. Sam. 19. 18, 31. Jud. 3. 10. 2. Quia dispensatio divinae providentiæ requirit, ut causa bona bonum tandem habeat finem.

Vsus 1. Admonitionis, ut in omni contentione primaria nostra cura sit, ut causa quam agimus sit bona. 2. *Consolationis*, adversus omnes difficultates, quæ in tali causa occurrere nobis possint.

II. Causa bona sum bene agitur, quando religiose ad Deum deferatur. ex v. 1.

Ratio 1. Quia hoc est certum signum conscientia bona quod sistat semetipsam coram Deo cum spe. 2. Quia hac ratione Dei

miseriordia, justitia, veritas, & providentia efficaciter agnoscitur, & glorificatur, non in genere tantum, sed in particulari illa causa. 3. Quia Dei memoria prohibet improba omnia consilia in illa causa procuranda.

Vsus Directionis, ut in omnibus difficultatibus Deo animas nostras, bene agendo, commendemus. 1. Pet. 4. 19.

III. Iniquitas hostium coram Deo facit pro oppressis. ex v. 1.

Ratio 1. Quia cogit eos magis instanter Dei opem implorare. 2. Quia iniquitas opprimentium æquiores reddit causam oppressorum. 3. Quia justiciam & vindictam Dei accersit.

Vsus Consolationis, adversus crudelitatem, & impietatem eorum, qui vel nostri sunt hostes particulares vel Ecclesie in communi.

IV. Apprehensio Dei, ut Dei nostri, in omnibus angustiis solidam adfert consolationem. ex v. 2.

Ratio 1. Quia plus boni in Deo habemus, quam possumus mali ab aliis pati. 2. Quia Deus est omnipotens, ita ut jura dicere nobis liceat cum fiducia: si Deus nobiscum, quis contra nos? in textu. 3. Quia misera desertio adeo dissentit à relatione ista erga Deum, ut diu non possit durare. in textu.

Vsus Directionis, ut hoc fundamentum firmum nobis redderentur.

V. Gratia & veritas Dei sufficiunt nobis in omni necessitate. ex v. 3.

Ratio 1. Quia sunt immensa. Psal. 57. 11. 2. Quia facillime efficiunt quæ desideramus; nihil aliud requirit, quam ut mittantur à Deo,

id

id est, ut Deus velit eas extendere erga nos. in textu, & Psalm. 57. 4. 3. Quia tunc etiam sustentat fideles, quando desideria eorum non implent. 2. Cor. 12. 9.

Vsus 1. Directionis, ut ex istis pendeamus. 2. Consolationis, erga eos qui ita faciunt.

V. I. Finis piorum desideriorum, & fructus beneficiorum Dei ipsis communicatorum est celebra-

tio nominis divini. ex v. 4. passim occurrit.

Vsus Directionis, in examine desideriorum nostrorum.

V. II. De istis omnibus non Deo tantum loqui debemus precando, sed nobismet ipsis etiam meditando, admonendo, & in cordibus nostris eadem reprehendo, ex v. 5. Psalmo precedenti.

PSALMUS QUADRAGESIMUS QUARTUS.

M Agistro symphonie in posteris Karachi ode didascalica.

2. O Deus, auribus nostris audivimus; majores nostri narraverunt nobis quod opus operatus sis temporibus eorum, temporibus priscis:

3. Te manu tua gentes expulisse, & plantasse ipsos: malo afflisse nationes & propagasse ipsos.

4. Non enim gladio suo hereditario jure possiderunt terram, & brachium eorum non dedit salutem eis; sed dextera tua brachiumque tuum, & lux faciei tue; quia eras benevolus eis.

5. Tu ipse es rex meus, O Deus: precipi omnimodam salutem Iahakobi.

6. Per te hostes nostros cornu seriemus: & per nomen tuum compulsumus insurgentes in nos.

7. Nam arcui meo non confido, aut gladius meum non est servatorem meum.

8. Quum servaveris nos ab hostibus nostris, & os ore nostras prodefeceris;

9. Deum laudantes toto die, nomen tuum in seculum celebrabimus summe.

10. Atqui rejecisti & ignominia affecisti nos, quod non processeris cum exercitibus nostris.

11. Erucisti ut retro cederemus ab hoste, & os ore nostri diripiunt sibi.

12. Tradidisti nos ut pecudes cibarii, & in gentes sparsisti nos.

13. Vendisti populum tuum pro re vili, & non auxisti rem pretii eorum.

14. Exposuisti nos probro vicini nostri, & ludificationi iherusalem.

15. Posuisti nos parabole argumentum in gentibus, agitationis capitis in nationibus.

16. Toto die ignominia mea obversatur mihi: & pudor faciei meae obregit me.

17. Propter vocem probro afficientis, & blasphemi: propter inimicum & altorem suum.

18. Tonguitat evenit nobis; nec tamen oblitus sumus tui, neque mendaciter agimus contra faciem tuam.

19. Non agitur retrorsum illud noster, aut declinat gressus noster a semina tua.

20. Quamvis contriveris nos coniectos in locum esterum, & obsteris nos letali umbra.

21. Si nobis fuissetis vultus Dei nostri, non expandissemus manus nostras ad Deum fortem extraneum.

22. Numquid Deus perussisset istud? quoniam ipse cognoscat abscondita animi.

23. Sed propter te occidimur quotidie; aestimamur ut pecudes manducanda.

24. Exigila, quare dormires Domine? expergiscere, ne resicias in aeternum.

25. Quare faciem tuam absconderes & oblivisceris afflictionis nostrae, & oppressionis nostrae?

26. Nam defecta est sicut pulverem vultus noster, adheret terra venter noster.

27. Surge ad auxilium nostrum, & redime nos propter benignitatem tuam.

A. N. A. L. Y. S. I. U. S.

I. S. T. E. P. S. A. L. M. non est unius hominis, sed totius populi Israelici.

1. Generaliter proponitur, & illustratur ab adversario modo precipiente, quo omnipotens Dei in ista voce perficiendus ad gloriam ejus & populi consolationem declaratur. v. 5. in fine.

2. Eadem petitio obiter explicatur per suas parvas, liberatorem populi, & hominem consolationem. vers. 6.

3. Illustratur variis comparationibus, quibus per gradus idem votum declaratur & augetur. vers. 24, 25, 27. Petunt enim.

1. Ut Deus velle vigilare, id est, finem imponere illi cessationi, quia ipsorum conditionem negligere videbatur & nihil curare. vers. 24.

2. Ut vellent per benevolentiam iustitiae. v. 25. id est, demonstrare se bene ipsis favere.

3. Ut vellent exurgere ad auxilium. vers. 27. in

principio. id est accingere sese ad opem ferendam.

4. Ut vellent redimere, ibidem in fine. id est, ut salutem ipsam optatam actu perficeret & praeferret.

Argumentum primum & primum, quo haec petitio suaderetur, petitur ab adjuncta conditione fiducia ipsa, cui istiusmodi salutem Deus ex professione generali fecerat promissa. a v. 1. ad 8. Hae fiducia professione generali indicatur v. 5, in principio, & speciali determinatione declaratur. v. 6. & per analogiam impletur fiducia negata v. 7. Illustratur autem & confirmatur haec fiducia in Dei potentia & favore collocata per e-

jusdem potentiae ac favoris effectum. v. 3. quod testimonio majorum confirmatur. v. 1. in principio; & temporis adjuncto. ibidem in fine; & negatione causae oppositae, quae fingi posset, illustratur. v. 4.

In ista autem calumnia natio continetur, quae non habet Deum pro Deo suo, omnimodam salutem accipient

Pient ab ejus potentia & benevolentia.

Sed nos Deum habemus pro Deo nostro. Ergo omnimodam salutem à potentia & benevolentia ejus accipimus.

Propositio non tam exprimitur, quam instantia probatur, v. 2, 3, 4. Assumptio exprimitur v. 5, in principio & v. 7. Conclusio habetur v. 5. in fine, & v. 6.

Secundum argumentum petitur à fine & fructu liberationis petitz. v. 8, 9.

Tertium petitur à gravitate & indignitate malorum, quibus ex ira Dei premebantur: quod scilicet à Deo deseriebantur, v. 10. ab hostibus. 1. Fugabantur. Et 2. Spoliabantur, v. 11. 3. Occidebantur v. 12. 4. In captivitatem ducebantur, v. 13. 5. Exponebantur omnibus prebris quibus ab omni genere hominum omni modo, tam verbis quam factis & gestibus omni tempore indefinenter afficiebantur, usque ad omnimodam confusionem faciei. v. 14, 15, 16, 17. Hæc autem querimonia ut esset efficacior, discretive disponitur cum his quæ antea dicta fuerunt de benevolentia Dei erga suos tanquam oppositum effectum, sicut apparet v. 10. in illa particula, *atque*, quasi dictum fuisset: Quæ à majoribus nostris audivimus de potentia & benevolentia tuæ operibus magnis erga populum tuum, & nomen illud tuum quod super nos vocatur, & à nobis debet celebrari, omnia bona sperare nos jubens, sed tamen in presentiarum & à tempore longo, contrariis malis obrutus, & omni opo destituti jacentis.

Quartum argumentum petitur à modo quo ferebant mala illa tam gravia & indigna: quod scilicet illis non obstantibus, constanter & religiose adharebant Deo. v. 18, 19, 20. cujus constantia tam causa, quam testimonium adfertur, efficax scilicet cognitio & inquisitio, quam Deus exercet in vias humanas & præsertim populi sui. v. 21, 22. Hæc autem constantia in religione vera, ut efficacius Deum moveret, arguitur ab effectu, quod habuit inter hostes, odii scilicet & persecutionis incrementum. v. 23. ita ut illa ratione, non tam de ipsorum, quam de Dei ipsius causa ageretur.

DOCUMENTA.

I. Officium est majorum, alias religiose narrare magnifica Dei facta, ex v. 2. Exod. 12, 26. & 13, 14. Jos. 4, 6, 7.

Ratio 1. Quia magna Dei opera magnum habent usum, neque debent intra terminos unius sæculi contineri. Rom. 15, 4. 2. Quia talium operum spectatores, & omnes qui certam eorum cognitionem habent, eo vocantur, ut sint eorum testes. 1 Joh. 1, 1.

3. Quia Dei gloria, & hominum ædificatio hoc postulat, 1 Cor. 10, 31. 6. Heb. 12, 1.

Ufus 1. Redargutionis, adversus eos, qui omnem institutionem suorum liberorum, & aliorum à se rejiciunt ut alienum quid. 2. Exhortationis, ut religiosam curam habeamus hujus officii, Deut. 6, 7, & 11, 19.

II. Officium est minorum in animis suis reponere, & ad praxim referre, quæ à majoribus audiverunt.

runt de operibus Dei. ex v. 2, &c. Deut. 32. 7. Jud. 2. 10. Psalm. 22. 5.

Ratio 1. Quia præcipua pars est hereditatis quam accipiunt à maioribus. 2. Quia brevitās & incertitudo vitæ nostræ monet, ut ex majorum experientia proficiamus. 3. Quia infirmitas nostra omni genere fulcrorum debet sustentari.

Vsus Redargutionis, adversus eos, qui ad historicam tantum narrationem referunt quæ de istiusmodi rebus audiverunt, non ad fructum pietatis.

I I. Ut ex beneficiis Dei proficiamus, requiritur imprimis, ut illa in solidum tribuamus gratiæ & potentiæ Dei. ex vers 4.

Ratio 1. Quia alias non possumus Deum sicut oportet glorificare.

2. Quia in fiducia pia non possumus alia ratione ædificari.

3. Quia nisi hoc fiat, maximæ Dei benedictiones convertuntur à nobis in superbiæ occasionem. Deut. 7. 7. & 8. 14. & 9. 4.

Vsus Directionis, ut in omnibus bonis corporalibus, & multo magis in spiritualibus totum Deo tribuamus.

I V. Ut solidam consolationem ex gratia & potentia Dei percipiamus; prærequiritur, ut fiducia vera illis innitamur. ex v. 5, 6, 7.

Ratio 1. Quia fiducia est conditio fœderis novi. 2. Quia fiducia sola apprehendit & applicat sufficientiam Dei, ut in nobis efficiantiam habeat specialem.

3. Quia fiducia qua nitimur causa salutis est propria, & unica causa spei & proinde consolationis inde manantis.

Vsus Directionis, ut fiduciæ veræ

comparandæ, conservandæ, & excitandæ, non minus studeamus, quam consolationi & saluti.

V. Fiducia vera conjunctum semper habet studium Dei glorificandi pro beneficiis concessis, ex v. 8, 9.

Ratio 1. Quia in fiducia vera, vera semper est apprehensio benignitatis Dei, & indignitatis nostræ; ex quibus necessario exsurgit gratitudo. 2. Quia fiducia vera fertur in Deum secundum ejus voluntatem. hæc autem est voluntas Dei, ut quæramus gratiam & salutem ejus in ipsius gloriam.

3. Ipsa fiducia tribuit Deo gloriam gratiæ & potentiæ. Rom. 4. 20. gratitudo autem re ipsa idem facit, differentia est in eo, quod fiducia tribuit gloriam gratiæ & potentiæ manifestandæ, & gratitudo tribuat gloriam & fidem gratiæ ac potentiæ manifestatæ.

Vsus Redargutionis, adversus eos, qui fiduciam jactant, dum nihil minus curant quam Deum glorificare.

V I. Studium nominis divini celebrandi retardatur sæpe ad tempus calamitatibus illis gravissimis, quibus fideles premuntur. ex v. 10. &c.

Ratio 1. Quia peccatis suis indignos, & inhabiles sese reddunt ad nomen Dei celebrandum. Rom. 2. 23, 24. Ezech. 20. 31. 2. Quia Deus vult semetipsum honorificare in peccatis eorum castigandis. Lev. 10. 30. 3. Quia hac ratione magis parantur ad nomen Dei rite postea celebrandum. Psalm. 50. 15.

Vsus Admonitionis, ne vel parvi facianus castigationem Domini; vel nimis turbemur, aut frangamur animis, quando arguimur ab eo. Heb. 12. 5.

[VII. Prin-

VII. Principum est omnium miseriarum, id Deo deferri. ex v. 10, &c.

Ratio 1. Quia desertio Dei est in sese privatio veri ac summi boni: quæ magna pars est miseriæ nostræ. 2. Quia cum Deus deserit homines, tum illa protectione destituuntur, qua sola possunt à malis liberari. Psalm. 104. 29.

3. Quia una cum desertione Dei, conjungitur ejus ira, qua vult desertos experiri quid sit Deum habere alienatum. Deut. 28. 47, 48.

Vsus Admonitionis, ut supra omnia caveamus ne Deum deferendo, ab ipso deferi mereamur.

VIII. In maximis miseriis consolatio non deest illis qui manent constantes in vero Dei cultu. ex v. 18, &c.

Ratio 1. Quia tales nunquam penitus deseruntur à Deo, præsertim quoad spiritualem communionem. 2. Quia promissiones habent vitæ præsentis & futuræ. 1 Tim. 4. 8. 3. Quia contra aculeum & maledictionem omnis miseriæ bene armantur.

Vsus Directionis, ut præmuniamus nosmetipsos ad istam constantiam, tam in rebus adversis, quam in secundis.

I X. Constantiæ hujus causa est, fides omniscientis administrationis Dei. ex v. 21, 22.

Ratio 1. Quia hæc fides parit reverentiam Dei, & metum offensæ. Eccles. 12. ult. 1 Pet. 1. 17.

2. Quia hæc fides repræsentat nobis Deum tanquam solum dignum

ut à nobis colatur. Jer. 10. 3, 6, 7.

3. Quia omnes tentationes vincit quibus à vero cultu possimus abduci. 1 Joh. 3. 20. & 3. 4.

Vsus Diverſionis, ut in isthac fide assidue nosmetipsos exædificemus.

X. Certum signum hujus constantiæ est, quando propter Deum libenter patimur gravissima mala. v. 23.

Ratio 1. Quia fortis patientia est constantia omnis virtutis.

2. Quia pro Deo patientes omnia mala, Deum extollimus supra omnia bona. Heb. 11. 35.

3. Quia ex hac patientia insuperabiles nos ostendimus à Deo, & illa ratione victores omnium tentationum. Rom. 8. 35, 36, 37.

Vsus Exhortationis, ut animi præparatione abdicemus perpetuo nosmetipsos, & crucem attollamus. Mat. 16. 24.

XI. Istiusmodi constantia in malis tolerandis, certam spem facit de iisdem in tempore tollendis. v. 24, &c.

Ratio 1. Quia Deus non potest oblivisci afflictionis eorum, qui non obliviscuntur nominis ejus. v. 18. 21. cum 25. 2. Quia ira dispositus rite pender à Deo, & petit liberationem, cum subjectione erga voluntatem ejus, sine festinatione. Heb. 10. 36, &c.

Vsus 1. Consolationis erga illos, qui in religione vera sunt constantes. 2. *Directionis*, ut hujusmodi constantiæ studio spem nostram foveamus.

PSALMUS QUADRAGESIMUS QUINTUS.

M Agistro symphonie in posteris Korachi ad hexachorda, didascalium
canticum animarum.

1. **E**bullit anima mea verbum bonum; diffusus sum ego poemata mea
de rego; lingua mea & stylo, ut scriba promptus.

2. **N**ullo pulebrior effectus ex filiis hominum: infusa est gratia labiis
meis; propterea benedixit tibi Deus in seculum.

3. **A**ccinge gladium tuum super femur, & robustissime; gladium glorie
tuae & decoris tui.

4. **E**t decore tuo prospere equita cum verbo veritatis, & proloquere ju-
stitiam: & ede documenta tua terribilibus gestis dextera tua.

5. **S**agittis tuis atteris, populi sub te procident, ex animo procident, ini-
mici regis.

6. **S**olium tuum, & Deus, in seculum & sempiternum; sceptrum rectum
est sceptrum regni tui.

7. **D**ilexisti iustitiam, & odisti improbitatem, propterea unxit te, & De-
us, Deus tuus oleo candidi prae consortibus tuis.

8. **A**urum & sanctum, & omnia vestimenta tua, prodeuntis e
templis eburneis, praeiis qui letificant te.

9. **F**ilia regum inter charas tuas: collocata est conjux ad dexteram
tuam cum insigni auro Ophirio.

10. **A**udi filia, ac vide, & inclina aurem tuam; obliviscereque populi
tui & domus paternae tuae.

11. **E**t delectabitur rex pulebritudine tua: cumque sis Dominus tuus,
incurva te habens honorent ei.

12. **T**uque filia Tyri cum munere faciem tuam precabuntur divites in
populo.

13. **T**ota honorata filia regis intro, fundis aureis vestita.

14. **C**um phrygiani deportatur ad regem, virgines post eam amicae ejus
adducuntur ad te.

15. **D**eportantur cum summa letitia & exultatione, intrant in palati-
um regis.

16. **L**oco parentum tuorum erunt filii tui: praepones eos principes in
tota terra.

17. **M**emorabo nomen tuum in unaquaque aetate; idcirco populi cele-
brant te in seculo & sempiternum.

ANALYSIS.

SCOPUS hujus Psalmi est, cele-
brare nomen & gloriam Chri-
sti, tanquam regis maxime gloriosi.
v. 3, & 18. De Christo enim agi in
hoc Psalmo, testatur Apostolus

YSAIAS.

HEB. 1. 8, 9. Quamvis autem in
phrasibus allegoricis, quae in toto
fere Psalmo adhibentur, respectus
quidam habeatur ad gloriam Salo-
monis, & ejus nuptias cum filia Pha-
raonis;

raonis; nihil tamen fuit vel in filia Pharaonis, vel in conjugio ejus cum Salmone, quod in hoc mysterio typi rationem sustinere possit.

Celebratio ista Christi generaliter 1. Describitur à genere & causis instrumentalibus v. 1. Deinde illustratur v. 2. 1. A causa procreante, quod proveniebat ex cordis abundantia: *ebullit cor meum*. 2. Ab adjuncta ejus qualitate generali, *verbum bonum*. 3. A causis instrumentalibus: *lingua mea, & stylo*. 4. Ab adjuncto modo alacritatis: *ut scriba promptus*. 5. Illustratur etiam v. ult. à fine, & fructu, celebritate scil. nominis Christi in Ecclesia, per omnes generationes.

In Psalmo ipso celebratur primo præstantia formæ, vel pulchritudo Christi. Collatione imparium, v. 3. in principio. 2. Præstantia sermonis, v. 3. in medio, quæ sua causa declaratur, ibid. in fine. 3. Potentia & majestate ejus, v. 4. 4. Sermonis potentia, & majestatis illius efficacia, tam in subditis suis beandis, veritate & justitia v. 5. quam in hostibus debellandis, v. 6. 5. Efficacie illius opus, effectum, regnum scil. perpetuum, & justum, v. 7. 6. Effecti illius causa proxima, voluntatis & affectuum rectitudo, v. 8. in principio & remota, abundantia scil. gratiæ divinæ, v. 9. 7. Gratiæ istius communicatio, v. 9. 8. Ecclesia cui communicatur, v. 10. quæ 1. Dignitate, honore, & ornatu suo describitur, v. ibidem. 2. Sub admonitionis forma, obsequium ejus explicatur, tam in terrenis cupiditatibus exuendis v. 11. quam

in omni spiritali amore ac honore in Christum conferendo, v. 12. quod officium suadet ab honore consecuturo, tam à Christo, v. 12. quam ab hominibus, v. 13. 3. Celebratur denuo ejus dignitas, v. 14. communio quam habet cum Christo, v. 15, 16. & communionis exoptatus fructus, infelici Ecclesiæ propagatione, v. 17.

DOCUMENTA.

I. Cum ardore, & excitatione animi, Deum colere debemus, ex v. 2. hæc enim est emphasis hujus vocis, sicut colligitur ex Levit. 1. 7. & 7. 9.

Ratio 1. Quia rerum divinarum amplitudo corda nostra tota debet occupare, possidere & in illis dominari. *200 corde tuo*.

2. Quia Spiritus Sanctus corda illa in quibus habitat, spiritualium omnium affectuum zelo accendit; sed præcipue in iis, quæ directè spectant ad Deum ipsum.

3. Quia cordis dispositio est vita & essentia cultus.

Vsus Digressionis, ut seria meditatione & intentione hunc in modum corda nostra præparemus ad Deum colendum.

II. Ad istum ardorem & excitationem animi singulariter facit apprehensio & estimatio justæ præstantiæ & excellentiæ illius, quæ inest rebus divinis, ibidem. *verbum bonum*.

Ratio 1. Quia animus ex ordine naturæ maximo ardore fertur in illud, in quo maximum bonum apprehendit. 2. Quia cum Deus sit summum bonum, non possumus rite versari circa res divinas, nisi sub ratione summi boni.

3. Quia

3. Quia summum bonum, finis, & felicitas naturaliter appetuntur sine mensura vel limitatione, & cetera prout se habent ad illum finem.

Vsus Directionis, ut omni studio conseruemus in nobismetipsis hanc aestimationem rerum divinarum.

I. I. Singulariter affici nos debet in iis, quæ ad Christum spectant. ibid. de Rege.

Ratio 1. Quia gloria Dei maxime resplendet in Christo. Heb. 1. 3.

2. Quia in Christo exhibetur nobis bonitas, gratia, misericordia, & charitas omnis Dei saluifera.

Hinc verbum Evangelii, quia Christum nobis proponit, vocatur verbum veritatis, justitiæ, gratiæ, solatii, salutis ac vitæ æternæ; quæ omnia continentur hoc uno titulo, cum *bonum Dei verbum* appellatur. Heb. 6. 5.

Vsus Exhortationis, ut omni studio excitemus animos nostros ad istiusmodi apprehensionem Christi cum affectu singulariter excitato. Exemplum habemus in Paulo. Ephes. 1. 6. & 2. 4. 7. & 3. 19.

I. V. Affectus pius parit alacritatem & promptitudinem in exercitiis pietatis. ibidem. *ut scriba promptus.*

Ratio 1. Quia perfectio interni huius affectus consistit in inclinatione, qua quis fertur ad Deum glorificandum.

2. Quia ex voluntatis affectu pender exercitium omnium facultatem, quæ sunt in hominis potestate.

3. Quia pro abundantia affectus abundant etiam ex ordine naturæ conformes operationes. Matth. 23. 24.

Vsus Directionis, ut in exercitiis,

quæ pertinent ad pietatem, affectuum piorum excitationem magis curemus, quam linguæ aut verborum expolitionem.

V. Piz animæ in Christo maiorem pulchritudinem vident, quam in ullis aliis rebus possint invenire. ex v. 3.

Ratio 1. Quia in Christo vident, quod maxime ipsis placet, & in quo maxime delectantur.

2. Quia vident in eo, quod maxime ipsæ allicit ad desiderium fruitionis.

3. Quia perfectionem omnem vident, qua Christus & perfectus est in sese, & illos omnes etiam perficit, qui ad ipsam accedunt.

Vsus Exhortationis, ut oculos mentis nostræ ab rebus mundanis ad Christum convertemus, & in illo defixæ teneamus.

VI. Pulchritudo ista Christi præcipue apparet in verbo eius. ib.

Ratio 1. Quia in verbo Evangelii Christi omnia bona explicantur.

2. Quia per idem verbum nobis exhibentur & communicantur.

3. Quia vivam imaginem Christi in verbo habemus depictam. Gal. 3. 1.

Vsus Exhortationis, ut verbum Dei pro oblectamento nostro habeamus, ita ut etiam pedes eorum, qui illud adferunt, sint nobis semper speciosi. Rom. 10. 15.

V. I. Una cum pulchritudine conjungitur in Christo maiestas & potentia summa. ex v. 4. 5.

Ratio 1. Quia hæc pulchritudo est perfectio divina. 2. Quia sine potentia summa, desideria nostra non posset implere, atque adeo non nisi evanidam delectationem nobis adferret.

Vsus Admonitionis, ut cum omni reverentia delectemur nosmetipsos in Christo.

V I I. Efficacia potentis verbi Christi quoad fideles, est in veritate, & iustitia ipsis communicanda. ex v. 5.

Ratio 1. Quia Christus ipse est via, veritas, & vita. Joh. 14. 6.

2. Quia in hunc finem venit Christus, ut communicaret nobis veritatem, & iustitiam. Joh. 18. 37. Rom. 3. 25, 26. 3. Quia in istis consistit salus eorum, qui sunt Christi.

Vsus Directionis, ut istam efficaciam, omnibus votis, cum nobis, tum etiam aliis queramus, sicut est in textu: *prospere equita cum verbo veritatis*. v. 5.

I X. Efficacia Christi quoad infideles est in ipsis vincendis, & subjugandis. ex v. 6. Rev. 6. 2.

Ratio 1. Quia Christus dominari debet in medio inimicorum suorum. Psalm. 110. 1, 2. 2. Quia Ecclesia Christi debet ab istis hostibus asseri & liberari. 1 Cor. 15. 24, 25, 26. 3. Quia iudex mundi debet iustitiam agere. 2 Thess. 1. 5, 6, &c.

Vsus Admonitionis, ne Christo nos ulla in re opponamus. 2. Cor. adversus omnes Ecclesie hostes.

X. Regnum istud Christi est æternum. ex v. 7.

Ratio 1. Quia Rex est æternus.

2. Quia fideles vocantur ad salutem æternam in isthoc regno fruendam. 3. Quia hostibus omnibus potentia Regis devictis, nihil potest felicitatem hujus regni interurbare.

Vsus Consolationis, erga fideles, adversus momentaneas hujus vite molestias.

X I. Administratio hujus regni est cum omni rectitudine. v. 7, 8.

Ratio 1. Quia quoad essentiam est regnum veritatis & iustitiae. Rom. 14. 17. 2. Quia quoad finem, ut omne curvum, obliquum, aut inordinatum corrigatur. Jes. 40. 4. 3. Quia Rex hujus regni, nec potest errare in præcipiendo, neque in judicando, neque etiam in iudicii sententia executioni mandanda.

Vsus Admonitionis, ne perversitate ulla leges hujus regni violantes, indignos nos illo redeamus.

X I I. Felicitas hujus regni est, quod omnis plenitudo gratiae sit in Christo, ut consolatio & gaudium ab eo in fideles consortes ejus derivetur. ex v. 8, 9. Joh. 1. 16. 1 Joh. 2. 20, 27.

Ratio 1. Quia Christus ita rex est gubernando, ut sit etiam caput influendo. Ephes. 4. 15.

2. Quia in ipso ita est omnis plenitudo, ut per illam nos simus etiam completi Coloss. 2. 10.

3. Quia beatitudo nostra consistit in ista perfectione. 1 Cor. 13. 10. & 15. 28.

Vsus Directionis, ut istam felicitatem in Christo queramus.

X I I I. Ecclesia est quasi sponsa Christi. ex v. 10. Apocalyp. 21. 9, 10.

Ratio 1. Propter dilectionem socialem qua illam prosequitur Christus. Ephes. 5. 25. 2. Propter unionem intimam quam habet cum Christo. ibidem 30. 3. Propter communionem omnium bonorum, quæ ex unione illa fluit. ibidem 23, 29.

4. Propter ius & modum gubernationis, quo

Christus

Christus ipsi præest. vers. 23. 5. Propter immutabilitatem fœderis, quo ista omnia rata & firma redduntur. Ezech. 16. 8.

Vsus 1. Consolationis, erga omnes fideles, quia qualescunque mundo videantur, Christo sunt charissimi.

2. *Admonitionis*, ut fœdus cum Christo initum fidei, sancta, & simplici castitate colamus & observemus.

3. Corinth. 11. 2, 3.

XIV. Ecclesia hæc ita honoratur à Christo, ut illa etiam sit ipsi honori. v. 16.

Ratio 1. Quia Christus imponit ipsi maiestatem suam. Ezech. 16. 14. 2. Quia ista maiestas Ecclesie sicut est à Christo ut causa efficiente, sic etiam tendit ad Christum tanquam ad finem. 1. Cor. 3. 23.

Vsus Admonitionis, ut omni studio caveamus ne dedecori simus nomini Christi, sed ita versemur in mundo, sicut dignum est Christo. Colos. 1. 10.

XV. Honor qui Christo debetur ab Ecclesia, est ut omnia carnalia deserens, cultui & obsequio Christi dedat sese totam. ex vers. 11, 12.

Rat. 1. Quia hac ratione proficitur se Christo omnibus præferre, omnia ipsi debere, & ab illo solo pendere. 2. Quia honor hic est spiritualis, ex quo omnia officia sponte sequuntur. Hose. 2. 20. 3. Quia hic est finis gratiæ illius, quæ fiet Ecclesie in isto connubio. Ephes. 5. 24.

Vsus Exhortationis, ut omni studio in hoc officium incumbamus.

XVI. Ecclesia Christum honorans, tam à Christo, quam ab iis qui sunt Christi, in omni gente honoratur. v. 13.

Ratio 1. Quia hæc est æquissima Dei dispensatio, ut honoret eos à quibus honoratur. 1. Sam. 1. 30.

2. Quia Ecclesia Christum honorando allicit ad sese electos Dei, ut idem faciant. Ies. 2. 2, 3. Mat. 5. 16. factum hoc in ipsis Tyris. Mar. 3. 8.

Act. 21. 3, 4, 5. 3. Quia illi qui aggregantur Ecclesie, se & omnia sua dedunt Christo imprimis, sed Ecclesie etiam in Christo. 2. Cor. 8. 5.

Vsus Directionis, ut hac sola via honorem & gloriam quæramus. Rom. 2. 7.

XVII. Præcipuus ornatus Ecclesie est internus, vel in homine interno. v. 14. Secundarius est in multorum conversione.

Ratio 1. Quia essentialis status Ecclesie est spiritualis. Ephes. 3. 16.

2. Quia placere debet illi qui interna cordis intuetur. 3. Quia Christus delectatur etiam accretione numeri fidelium, tanquam ornatu Sponsæ suæ. Ies. 49. 18.

Vsus Admonitionis, ut huic ornatui præ aliis omnibus studeamus. 1. Pet. 3. 4.

XVIII. Felicitas Ecclesie præcipua est in communione quam habet cum Christo. v. 15, 16.

Ratio. Quia Christus est via, veritas, vita. Joh. 14. 6.

Vsus Exhortationis, ut istam communionem secundum ordinationem Christi sedulo quæramus, & colamus. Philip. 3. 7, 8, 9, 10, &c.

XIX. Christi & Ecclesie generatio secunda est & gloriola. vers. 17.

Ratio Quia in Ecclesia ex immortali semine gratiæ & verbi divini generantur filii Deo, & regni ejus hæredes.

Vsus

Vsus Admonitionis, ne acquiescamus in generatione aut statu alio quocunque, sed unice quæramus

testimonium Spiritus, quod nos simus filii Dei. Rom. 8. 16.

PSALMUS QUADRAGESIMUSSEXTUS.

Magistro symphonia in posteris Korachi ad acutam symphoniam, canticum.

2. Deus nobis est receptus & robur; auxilium in angustiis presentissimum.

3. Idcirco non timeremus, si commutaret terra locum; aut si dimoverentur montes depulsi in ima maria:

4. Fremorent, lutosæ fierent aquæ ejusque illorum; commoverentur montes elatione ejus maxime.

5. Flumen, rivi ejus, lætificant civitatem Dei; sanctissimum locum, habitacula exaltati.

6. Deus est in medio illius, non dimovetur illa; adjuvat illam Deus ab appetente matutino.

7. Frementibus gentibus, moventibus se regnâ, edit vocem suam, liquescit terra.

8. Iehova exercituum nobiscum est, locus editus est nobis Deus Iahakobi maxime.

9. Age, videte opera Iehovæ, ut disponat desolationes in terra.

10. Faciens ut cessent bella usque ad extremitatem terræ; arcum perfringat, & truncet hastam; currus comburat igne.

11. Dicens, desistite & agnoscite me esse Deum, me exaltatum iri in gentibus, exaltatum iri in terra.

12. Iehova exercituum nobiscum est, locus editus nobis Deus Iahakobi maxime.

ANALYSIS.

PROPOSITUM Psalmistæ in isto cantico est, nomine populi Judaici, profiteri & prædicare consolationem illam quam percipiebant ex gratiosa Dei protectione, quam ex promissionibus & fœdere ejus vera fide apprehendebant.

Hæc protectio declaratur v. 2, 8, & 12. Illustratur. 1. Ab effectu fiduciæ imperterritæ. v. 4. Cujus fiduciæ constantia & firmas amplificatur ex eo quod opposita validissima superaret, id est, omnia

pericula quæ vel accidere vel fingi possint v. 3. 4. 2. Similitudine huminis, cujus rivi sufficiant ad omnem læticiam. v. 5. Cujus comparationis redditio est quod Dei præsentia sit perennis fons omnis boni, & beneficentiæ ejus opportunâ, omnis consolatio ad populum ejus detiveretur. vers. 6. 3. Ab efficacia Dei, si vel vocem solum edat. v. 7. 4. Ab effectis, quæ sunt hostium omnium profligatio. vers. 9. pacis constitutio. v. 10. & nominis divini exaltatio. v.

11. Quæ omnia declarantur à sine & usu suo, in forma exhortationis, ut scilicet videant hæc omnes, & ab impietate desistentes Deum agnoscant & reverentur. vers. 9, & 11.

DOCUMENTA.

I. Protectio Dei sufficiens est & certa fidelibus. ex vers. 2, 8, & 12. Jer. 4. 4, 5.

Ratio 1. Quia Deus est omnipotens. Hoc respectu vocatur v. 8. & 12. *Dominus exercituum*. 2. Quia suam omnipotentiam fidelium salutis procurandæ ex fovere gratiæ addixit. Hoc respectu dicitur, *Deus Iahakobi nobiscum*. ibid. 3. Quia ubique adest, & efficaci providentia sua omnia & singula administrat. Hac ratione dicitur v. 2. *auxilium presentissimum*, facile inventu, vel quia Deus facile invenitur, vel nos facile Deum & auxilium in eo invenimus.

Usum Directionis, ut fidem nostram erigamus ad istam protectionem cum omni certitudine apprehendendam.

II. Debet fideles de hac protectione Dei gloriari. v. 2, 8, 12. Jer. 9. 24.

Ratio 1. Quia facit hoc plurimum ad gloriam Dei, qui enim gloriatur de Deo, glorificat Deum. 2. Quia facit etiam ad consolationem nostram, nam hac attenta meditatione exsugitur dulcissimus succus promissionum, quo animæ pascuntur. 3. Quia usum & fructum beneficentiæ divinæ reddit hoc ampliorem, spirituales fructus colligit ex beneficio temporali, fructum constantem ac permanentem ex actu transeunte.

Usum Exhortationis, ad frequen-

tem hujus gratiæ meditationem.

III. Protectionis divinæ fiducia superare & expellere debet ex animis nostris oppositum omnem timorem. ex v. 3, 4.

Quæst. Qualis sit ille timor, qui opponitur fiduciæ veræ?

Resp. Neque timor ille naturalis, qui est mera passio, neque ullus timor qui retrahit à peccato, sed ille omnis qui retrahit ab officio. Quum enim spes erigit animum ac dilatat ad beatitudinem in via recta prosequendam; non potest cum illa consistere timor ille mali, qui animum dejicit, & constringit, ita ut faciat hominem resilire ab illa via qua beatitudinem quærere debet, propter difficultates que occurrunt in eadem. Phil. 1. 28. 1 Pet. 3. 14. Timor est diffidentia. Apo. 21. 8.

Ratio 1. Quia fiducia apprehendit bonum illud æternum, quod omnibus hujus vitæ malis oppositum, facit ut res leviculæ nobis videantur. 2 Cor. 4. 17. Rom. 8. 18. 1 Pet. 5. 10. Heb. 12. 2. 2. Quia fiducia divina illo nititur auxilio quo omnia pericula facile superantur. Rom. 8. 31, 37. 1 Cor. 10. vers. 13.

Usum Exhortationis, ut exerceamus nosmetipsos tam ad timorem hujusmodi præsentem excutendum, quam ad illum omnem anteverendum qui possit nobis accidere. Hoc est quod Psalmista facit in hoc textu.

Quæst. An consultum sit, ut fingamus nobismetipsis istiusmodi timores?

Resp. Infirmis, qui faciunt hoc ex quadam inclinatione ad desperandum, non est consultum: quia semet-

metipfos hoc pacto tentant. Quando vero fides & fiducia viget, ad maiorem ejus elevationem & confirmationem plurimum facit, hoc modo quasi sub pedes ejus conterere omnes oppositas difficultates. Psalm. 27. 1, 2, 3.

I V. Beneficia præsentia Dei in Ecclesia, vera fide apprehensa, alie spem, & timorem expellit. v. 5, 6.

Ratio 1. Quia ex ista præsentia Dei percipimus (ex parte) illud ipsum bonum quod speramus. *liferificant.* in textu. 1 Pet. 1. vers. 8. 2. Quia hæc præsentia pignus est & arrha conjunctionis & communionis illius perfectæ quam expectamus. 3. Quia præsentia Dei est præsentia auxilii ad omnia sufficientis. v. 2.

Vsus Exhortationis, ut in fide & communione Ecclesiæ cum religiosa cura nosmetipfos exedificemus.

V. Vox ipsa Dei sufficit ad fe-

rocissimos Ecclesiæ hostes reprimendos. v. 7.

Ratio 1. Quia majestatem divinam habet conjunctam. 2. Quia conscientia impiorum voce judicii terrefacta confusionem ipsis adfert. 3. Quia vox Dei est index voluntatis ejus, qua efficit id quod voce declarat.

Vsus Admonitionis, ne frangamur animis propter mediorum defectum.

VI. Quæ Deus pro Ecclesia & adversus hostes ejus operatur, cum fructu pietatis debent observari. v. 9; 10, 11.

Ratio 1. Quia perfectionem Dei nobis declarant. 2. Quia sua natura invitavit & alliciunt ad illam perfectionem fruendam. 3. Quia in istum finem & fiunt hæc opera, & celebrantur.

Vsus Admonitionis, ne ex ci aut stupidi simus in operibus Dei neglectui habendis.

PSALMUS QUADRAGESIMUS SEPTIMUS.

Magistro symphonia in posteris Korachi, Psalmus.

2. Omnes populi plaudite manu, clangite Deo voce cetera.
3. Iam Iehova excelsus, reverendus, rex magnus est super terram.
4. Cogit in caulam populos in locum nostrum, nationesque in locum pedum nostrorum.
5. Seligit nobis possessionem nostram, excellentiam Iahakobi quem diligit maxime.
6. Ascendit Deus cum clangore, Iehova cum sono buccinae.
7. Psallite Deo, psallite: psallite regi nostro, psallite.
8. Nam rex totius terra est Deus: psallite Psalmo didascalico.
9. Regnat Deus super gentes; Deus insidet solio sanctitatis sue.
10. Voluntarii populorum congregantur, populus Dei Abrahami, quia Dei sunt protectiones terra, valde excelsus est.

ANALYSIS.

PROPOSITUM Prophetæ in isthoc Psalmo est celebrare laudes Dei, ex occasione deductionis Arcæ Dei in templum ipsi præparatum, sicut apparet ex v. 6. Peragitur autem hæc celebratio (sicut aliz multæ) per modum exhortationis, qua omnes populi invitantur ad hoc officium præstandum. v. 2, 7, 8.

In hac vero hortatoria celebratione, officium ipsum describitur primo, & postea suadetur argumentis. Describitur 1. Ab objecto, quod Deus verus sit celebrandus. 2. Ab efficiente causa, quod fieri hoc debeat ab omnibus populis. 3. A modo externo, qui consistit in omnimoda lætitiæ, & gratulationis restitutione, tam manuum plausu, quam vocis cantu, & musicorum organorum concentu. 4. A modo interno, zelo scilicet & perseverantia, quæ vehementi illa repetitione innuuntur. v. 7.

Argumenta, quibus hoc officium suadetur, sunt illa ipsa, in quorum confessione celebratio ipsa consistit: quod scilicet Deus propter summam ejus majestatem, & supremum ac universale dominium, sit ab omnibus reverendus. v. 3, 8, 9. Hæc autem suis effectis in reliquo Psalmo demonstrantur.

Effecta illa sunt 1. Subjectio gentium erga Ecclesiam Dei vers. 4. 2. Ecclesiæ procuratio, quæ fit ut singulariter excellat. v. 5. 3. Aggregatio electorum ex omnibus gentibus ad Ecclesiam. v. 10. Quæ aggregatio illustratur à modo, quod sit voluntaria, & à causa im-

pellente, quia protectio vera est in Deo solo.

DOCUMENTA.

I. Dei gloria cum omni lætitiâ est celebranda. v. 2. Psalm. 97. 12.

Ratio 1. Quia omnes causæ gaudii in Deo reperiuntur: præsentia scilicet summi boni, summe amandi. Psalm. 118. 1. &c. 2. Quia hic finis est, cur Deus semetipsum nobis notum facit. 1 Joh. 1. v. 4. 3. Quia Deus maxime delectatur isthoc honore: nihil enim à nobis proficisci potest, quo magis vel regnum Dei extollamus, vel beatitudine nostra fruamur. Rom. 14. 17. Jer. 33. 11.

Ufus Exhortationis, ut omni studio comparemus nosmetipsos ad istud officium explendum. Phil. 4. vers. 4.

II. Majestas & Dominium Dei singularem causam præbet nominis ejus celebrandi. ex v. 3. Psalm. 95. 1, 3.

Ratio 1. Quia in illis proprie designatur illa excellentia, cui reverentia & honor debetur. Jer. 10. 7. 2. Quia in hac excellentia agnoscenda & prædicanda, celebratio Dei proprie consistit. Jer. 10. 10, 12.

Ufus Directionis, ut in meditationibus nostris singularem respectum habeamus hujus excellentiæ Dei.

III. Subjectio ipsa qua homines Deo & Ecclesiæ subduntur, præbet illis materiam gaudendi. ex v. 4. cum 2.

Quæst. Quomodo intelligatur hoc, quod populi & nationes subditi fuerint Judæis, cum Judæi potius, quando regnum Dei fuit inter gentes

gentes constitutum, servi facti sunt gentium, & alieni à Deo?

Sol. Judæi hic non considerantur ut Judæi, sed ut Ecclesia Dei, quæ manet eadem, quamvis Judæi sint rami defracti, & alii eorum loco inserantur. Rom. 11. 24.

Ratio 1. Quia Dei regnum hoc pacto amplificatur. 2. Quia illa subjectio adfert secum ejusdem gratiæ cum Ecclesia participationem & societatem.

Vsus Admonitionis, ne subjectiōnem spirituales habeamus pro dura servitute, sed pro læta & optanda libertate.

IV. In Ecclesia dilectionis & electionis signa sunt maxime observanda, ex v. 5.

Ratio 1. Quia per illa distinguitur Ecclesia à cæteris omnibus populis. 2. Quia illa proxime & effi-

caciter excitant ad Deum glorificandum. 3. Quia illa invitant & alliciunt homines tam ut aggregent sese Ecclesiæ, quam ut manent eadem.

Vsus Directionis, ut ædificemus nosmetipsos in certitudine electionis nostræ.

V. Perfectio omnis celebrationis gloriæ divinæ est lubenti animo adherere Deo, ejusque Ecclesiæ, & ex protectione ipsius pendere. ex v. 10.

Ratio 1. Quia realis glorificatio Dei est finis omnis verbalis confessionis. 2. Quia hoc est Deo vivere, in quo tota religio consistit. 3. Quia ex hoc omnia officia quibus Deus glorificatur, sua sponte sequuntur.

Vsus Exhortationis, ut omni studio huc incumbamus.

PSALMUS QUADRAGESIMUS OCTAVUS.

Canticum & Psalmus posteris Korachi.

2. Magnus est Jehova; & laudatus valde, in civitate Dei nostri, monte sanctitatis ejus.

3. Ornamento tractus, gaudio totius terræ monte Tzijonis, lateribus Aquilonis, urbe regis magni.

4. Deus in palatiis ejus, agnoscitur pro loco edito.

5. Nam ecce reges convenerunt, progressi sunt pariter.

6. Ipsi viderunt, similiter admirati sunt, conturbati sunt, acceleraverunt abitum.

7. Tremorprehendit eos illic, dolor ut parturientis.

8. Euro perfringis naves Oceani.

9. Quemadmodum audiveramus, ita vidimus in civitate Jehovæ exercitum, in civitate Dei nostri, Deus stabilis eam in seculum usque maxime.

10. Cogitamus o Deus benignitatem tuam in medio templo tuo:

11. Sicut nomen tuum o Deus, sic laudem tuam esse usque ad extremitates terre: Justitiæ plenam esse dexteram tuam.

12. Latetur mons Tzijonis, exsultent filie Jebudæ propter judicia tua.

13. Circuite Tzijonem, & cingite eam; numerate turre ejus:

14. Apponite animum vestrum ad præmunitionem; attollite oculos ad palatia ejus; ut emarretis generationi posteræ.

15. *Nam hic Deus Deus noster est in seculum & sempiternum; hic nos deducetur est ad mortem usque.*

ANALYSIS.

IN TENTIO Prophetæ in isto Psalmo est Dei nomen celebrare de beneficiis in civitatem Hierosolymitanam collatis.

In illum finem 1. Prædicat in genere magnitudinem eorum beneficiorum quæ laudem magnam mererantur. v. 2. non enim quantitate molis, sed virtute dicitur Deus *magnus*; quemadmodum inter homines quidam principes vocantur magni, ut Alexander *magnus*, Carolus *magnus*, &c.

2. Magnitudinem istam beneficiorum Dei erga Hierosolimam declarat ex statu civitatis, tanquam effecto; qui status describitur 1. A relatione quam dignatione Dei habuit ad ipsum, tanquam possessio peculiaris, & sancta. v. 2, & 3. in fine. 2. Ab excellentia quam habuit in comparisonem vicinorum locorum: *ornamento tractus*. v. 3. 3. Ab hujus excellentia & adjuncto, quod in illa gaudebat tota terra. v. 3. 4. A causa hujus gaudii, quæ fuit protectio & salus Dei ibi singulariter manifestata & nota. v. 4.

3. Illustrat istam magnitudinem beneficiorum Dei speciali exemplo defensionis. v. 5, 6, 7, 8, 9. ubi periculi magnitudo 1. Declaratur per multitudinem, potentiam, & machinationes hostium. v. 5. 2. Liberationis magnitudo, per effecta potentis operationis Dei adversus illos hostes; tam in eorum animis percellendis. v. 6, 7. quam in viribus eorum frangendis. v. 8. 3. Ex illa liberatione con-

cluditur, & confirmatur constans protectio Hierosolymæ. v. 9. per comparisonem promissionis, & experientię, simul & similiter eam contestantium. *quemadmodum audiveramus, ita vidimus.*

4. Officium piorum propter ista beneficia præstitum, & præstandum declarat: 1. In seria & solemn meditatione benignitatis Dei. v. 10. 2. In laude ejus diffundenda. v. 11. 3. In lætitia & exultatione de ejus rebus gestis. v. 12. 4. In operum ejus attenta observatione, & propagatione. vers. 13, 14.

5. Tam beneficiorum, quam officiorum causa & ratio redditur: fœdus nempe Dei cum populo suo initum constans, & efficax. v. 15.

DOCUMENTA.

I. Deus est magnus. v. 2. non intelligitur hoc de extensione substantię, (quantvis divinæ omnipræsentię respectu possit eo etiam divino modo applicari 1 Reg. 8. 27. Jesaie ult. 1. Act. 7. 47.) sed de intensione & gradu maximo virtutis.

Ratio 1. Quia tanta est Dei perfectio, ut superet omnem comparisonem. *Quis similis tibi?* Psalm. 89. 7, 9. 2. Quia superat omnem apprehensionem. Psalm. 145. 3, 6. 3. Quia in operatione superat oppositam omnem difficultatem. Deut. 9. 26. 4. Quia superat omnem nostram indigentiam. Rom. 5. 15. Ephes. 1. 8. 19. & 2. 4. & 3. 18, 19, 20.

Ufus Admonitionis, ut caveamus nobis ab omni cogitatione, quæ ali-

quid

quid in Deo parvum & angustum facit.

II. Honor magnus Deo debetur, ibid. Psalm. 76. 21

Ratio 1. Quia non est honor, nisi aliquam habeat proportionem cum dignitate honorati. Psalm. 29.

2. & 99. 3. 2. Quia nomen Dei superat omnem benedictionem & laudem. Nehem. 9. vers. 5.

3. Quia nihil aliud rependere Deo possumus pro beneficiis ejus magnis. Psalm. 116. 12, 13.

Uusus Exhortationis, ut in omni parte religionis eo adnitamur, ut Deum toto corde, tota mente, & omnibus viribus honoremus.

III. Magnitudo Dei nullibi magis apparet, quam in beneficiis ejus erga Ecclesiam. v. 2, 3, 4.

Ratio 1. Quia proveniunt hæc à maximo amore. 2. Quia elevant fideles supra omnem ordinem naturæ. 3. Quia omne bonum complectuntur, & malum omne è medio tollunt.

Uusus Directionis, ut ista beneficia primo & supra cætera omnia quæramus. Matth. 6. 33.

IV. Magnitudo omnis hostium & periculorum, quibus Ecclesia exercetur, inservit magnitudini Dei in Ecclesia illustrandæ, ex v. 5, 6, 7, & 8.

Ratio 1. Quia in ista concertatione comparatio ad oculum exhibetur & representatur, qua magnitudo Dei superior apparens, illustratur per alteram magnitudinem, quæ nobis est notior.

2. Quia magnitudo hostium & periculorum est propria materia vel objectum magnæ virtutis Dei liberantis & vindicantis. 3. Quia liberatio magna est proprium effe-

ctum virtutis magnæ.

Uusus Consolationis, adversus hostes magnos & pericula magna, quibus Ecclesia exercetur.

V. Promissiones istiusmodi liberationis & protectionis, sensu & experientia confirmantur. ex v. 9.

Ratio 1. Quia promissio divina est signum certum voluntatis Dei efficacissimæ, cum igitur sit de rebus sensibilibus, sensui ipsi efficax debet apparere. 2. Quia sensus observatio & experientia hujus efficientiæ, est testimonium reale veritatem promissionum nobis confirmans. 3. Quia fides & spes nostra hac ratione obsigatur.

Uusus Directionis, ut istiusmodi observationibus & collationibus ædificemus nosmetipsos in fiducia vera.

VI. De confirmata ista Dei beniguitate omnes pii religiose meditantur. v. 10.

Ratio 1. Quia in istum finem declaratur, ut à nobis rite agnoscat ac celebretur, quod sine religiosa meditatione fieri non potest. 2. Quia ista meditatio est spiritalis pastio animarum nostrarum. 3. Quia coram Deo, qui cogitationes intuetur, religiosa meditatio operum Dei habetur pro eorum celebratione.

Uusus Exhortationis, ut corda nostra ad vias istas Dei serio & reverenter apponamus.

VII. Qui rite cogitant de beniguitate Dei, vident & agnoscunt, nomen & laudem Dei pariter & ubique celebrandam. ex v. 11.

Ratio 1. Quia quicquid nobis de Deo innotescit, (quod nomen Dei

vocatur) totum illud meretur honorem. 2. Quia cogitationes & vota fidelium erga Dei honorem longe superant angustos terminos hujus mundi.

Vsus 1. Admonitionis, ut de nomine Dei nec loquamur, ne cogitemus sine honore. 2. *Exhortationis*, ut honorem Dei studeamus pro viribus dilatare.

VIII. In Deo celebrando, perfecta iustitia ejus simul cum potentia perfecta est agnoscenda & commemoranda. v. 11. in fine.

Ratio 1. Quia posse & velle iuste in omni efficientia Dei concurrunt. 2. Quia consolatio nostra non pendet ex eo quod Deus possit tantum, aut velit solum nobis succurrere, sed quod simul possit, & velit. 3. Quia perfectio potentiae & iustae voluntatis Dei invitat homines ad eum colendum.

Vsus Directionis, ut ista duo in meditationibus nostris ex omni occasione jungamus.

IX. Lætitiae materia est piis in ipsis judiciis divinis, quæ potenter & iuste exercet. ex v. 12.

Ratio 1. Quia maxima ex parte sunt pro Ecclesia, adversus ejus hostes. 2. Quia cum Ecclesiam exercent cedunt in ejus bonum.

Jes. 26. 9. 3. Quia semper cedunt in gloriam iustitiae & potentiae Dei.

Vsus Consolationis, si enim in judiciis Dei possumus sanctæ lætari, tum multo magis in benedictionibus ejus puris.

X. Judicia & beneficia Dei tam attente sunt ab omnibus piis observanda, ut eadem cum fructu possint aliis enarrare. v. 13. 14.

Ratio 1. Quia sine hac attentione non possunt Deum in operibus suis glorificare. 2. Quia grati non possunt esse sine ista cura.

Vsus Admonitionis, ne quisquam se excusatum putet vel occupationibus aliis, vel eruditionis defectu, ab hoc officio omnium piorum communi.

XI. Principium & finis omnis celebrationis Dei, est constans fiducia in Deo ex tædere ejus collocata. v. 15.

Ratio 1. Quia sine hac fiducia non possumus Deo tribuere gloriam illam quæ ipsi debetur. 2. Quia istius fiduciæ confirmatio est perfectio glorificationis quam Deo in nobismetipsis possumus deferre.

Vsus Directionis, ut hoc sit & in omni officio nostro quod Deo præstamus.

PSALMUS QUADRAGESIMUS NONUS.

Magistro symphonie in posteris Korachi, Psalmus.

1. Audite hæc omnes populi: auribus percipite omnes habitatores mundi.

3. Tum nati plebeio homine, tum nati præstante viro: simul dives & egenus.

4. Os meum loquuturum est variam sapientiam, & meditatio animi mei multiplicem prudentiam.

5. Inclinaus ad parabolam aurem meam, pandam in cithara enigma meum.

6. Cur timerem temporibus male, ut iniquitas vestigiorum meorum circumdet me?

7. Eorum qui confidunt in opulentia sua, & in multitudine divitiarum suarum gloriantur;

8. Fratrem nullo modo redimere potest quisquam, non dare Deo redemptam ejus.

9. (Est enim cara redemptio vite eorum; imo cessat in seculum)

10. Ut vivat adhuc in æternum, non experiasur corruptionem.

11. Nam videt, sapientes mori, pariter stultum & brutum perire, ac relinquere aliis opulentiam suam.

12. Animus fuit illis domos suas in seculum, habitacula sua in quamq; generationem statui: quum ea vocarent de nominibus suis per terras.

13. Neque tamen homo qui in bonore est, commemoratus est, similis fit jumentis quæ intereunt.

14. Hæc quum sit via istorum, expectatio est eis; & posteri eorum os eorum approbant maxime.

15. Tanquam pecudes, in sepulcro dispositos mors depascet eos: donec dominantur eis recti mane, & formam eorum consumat infernus receptam ex habitaculo ejus.

16. Enimvero Deus redempturus est animam meam à sepulcro, quum recepturus me sit potentissime.

17. Ne timeto, quum dives evaserit quispiam; quum aucta fuerit gloria domestica ejus.

18. Non enim in morte sua assumpturus est illius quisquam, non descensura est post eum gloria ejus.

19. Quum anima sua in vita sua benedixerit, atque celebraverint te quod benefacias tibi:

20. Ut perveniat usque ad ætatem majorum ejus, in æternum tamen non sunt fructu luce.

21. Homo qui est in pretio, neque est intelligens; similis fit jumentis quæ intereunt.

ANALYSIS.

SCopus hujus Psalmi est instigare & hortari fideles, ne metu nimio percellantur, vel turbentur animis, ex prosperitate impiorum hostium. vers. 6. ubi metus cavendus objecto suo materiali declaratur. & vers. 17. ubi causa ipsius expresse designatur. Hæc autem exhortatio illustratur primo, & postea confirmatur. Illustratur generaliter. 1. Ab objecto externo, vel personis ad quas spe-

ctat, quæ & totaliter, & per distributionem notantur. vers. 2. & 3. 2. Ab objecto interno, quod in vera sapientia & prudentia consistit. v. 4. 3. A modo præstanti tam rei propositæ, quod sit quasi parabola, vel ænigma, quam actus proponendi quod semetipsum imprimis ad istam exhortationem recipiendam, comparaverit Psaltes, & simul alios vocaverit ad communionem ejusdem officii, & con-

consolationis. v. 5.

Confirmatur eadem exhortatio 1. A vanitate opulentiæ illius qua impii nituntur, & aliis formidabiles apparent. Vanitas ista ex eo apparet, quod non possint istæ divitiæ effectum producere redemptionis à miseria & morte. v. 7, 8, 9, & 10. Ista vanitas confirmatur experientia & sensu communi. v. 11. Quæ illustratur primo opposito studio & conatu eorum, qui se & nomina sua quantum possunt à morte vindicatum eunt, & tamen nihil re ipsa præstant. v. 12. & 13. Illustratur secundo à diversis, fatua scilicet expectatione quam alunt, & approbatione insana, quam apud posteros habent. v. 14, & 15. 2. Confirmatur obiter exhortatio illa à potiore conditione fidelium, quam certa spe debent expectare, & cuius respectu dicuntur impiis dominaturi. v. 15, & 16. 3. Confirmatur etiam ab instabilitate divitiarum, quæ neque à suis possessoribus possunt in morte hinc deferri, neque illis possunt vitæ fructum adferre, aut à morte liberare. v. 18, 19, 20, & 21.

DOCUMENTA.

I. Verbum Dei ab omni genere hominum diligenter est audiendum. ex v. 2, & 3.

Ratio 1. Quia Deus, cuius voluntas in hoc verbo revelatur, est Dominus omnium. 2. Quia finis & usus verbi ex æquo spectat ad omnes. 3. Quia omnium interest ut à Deo audiantur: quod tamen non potest expectari, nisi illi Deum audiant. Prov. 1. 28. & 28. 9.

Usus Condemnationis, adversus

varia genera hominum, qui vel ex superbia, vel abiectione animi, semetipsos eximunt à verbo Dei audiendo. Jer. 5. 4, 5.

II. Verbum Dei est summa sapientia & prudentia. ex v. 4. Jer. 4. 22. & 8. 9.

Ratio 1. Quia tam finem, aut summum bonum, quam media quibus eo pervenitur accurate declarat. 2. Timot. 3. 15. 2. Quia particeps nos facit sapientiæ divinæ. 1. Cor. 1. 24. 3. Quia hæc sapientia fructus profert divinos. Jac. 3. 13, 15. Prov. 3. 13. & 8. 11, 19. & 16. 16.

Usus Exhortationis, ut supra cetera omnia hanc sapientiam nobis comparare studeamus. Prov. 2. 3, 4, 5, 6. & 4. 5, 7.

III. Qui Verbum Dei aliis proponunt audiendum debent semetipsos ad idem audiendum sollicitè comparare. ex v. 5.

Ratio 1. Quia opus Dei facere debent ex toto corde. 2. Quia alix conciones in cerebro natæ aut interdentes, sunt frigidae, mortuæ, & inefficaces. 3. Quia aliter concionantes semetipsos condemnant. Rom. 2. 1.

Usus Redargutionis, adversus illos qui alios docent, & semetipsos non docent.

IV. Qui verbum Dei loquuntur, legitimis omnibus mediis uti debent, ut illud auditoribus sit gratum & acceptum. ex v. 5. *parabola, enigma, ciithara.*

Ratio 1. Quia maiestatem verbi divini tueri debent. 2. Quia hoc maxime facit ad ædificationem auditorum. Ecclesi. 12. 12, 13.

Usus Incepcionis, adversus eos qui verbum Dei vel cauponantur, vel neg-

negligenter tractant. 2 Corinth.

2. 17.

V. Metui illi malo, qui diffidentiam habet conjunctam, fideles omnes fortiter debent resistere. vers. 6.

Ratio 1. Quia talis metus non facit ut fugiamus à malo ad Deum, sed à Deo in malum. Prov. 14. 16. & 29. 15. 2. Quia talis metus proprius est impiorum. Prov. 1. 33. 3. Quia sanctificationi nominis Divini repugnat. 1 Pet. 3. 14, 15.

Usus Admonitionis, ne locum demus istiusmodi tentationibus, sed in vera fiducia animos nostros confirmemus.

VI. Præcipua causa metus huiusmodi est peccatum: sed in fidelibus ne peccatum quidem tale effectum debet habere. ex v. 6.

Ratio 1. Peccatum est præcipua causa huius metus. 1. Quia est aculeus mortis. 1 Corinth. 15. 56. 2. Quia solum peccatum separat à Deo, in quo fiducia est collocanda. Ies. 59. 2.

Hoc tamen effectum non debet habere in fidelibus: quia fide recipimus peccatorum omnium remissionem.

VII. Impii hominis est in opulentia confidere, & in divitiis gloriari. v. 7.

Ratio 1. Quia hæc est idololatria maxime opposita religioni. Ephes. 5. 5. 2. Quia singulariter impedit ingressum in regnum Dei. Marc. 10. 24. 3. Quia multæ perniciosæ cupiditates ex isto fonte dimanant. 1 Tim. 6. 9.

Usus Admonitionis, ut caveamus nobis ab omni participatione & specie huius infantiæ.

VIII. Fiducia ista, & gloriatio in divitiis non magis est impia, quam vana. v. 8, 9, 10.

Ratio 1. Quia divitiæ ipsæ sunt vanitas vanitatum, id est, res vanissimæ. Eccles. 1. 2. Non habent in sese illam vim beatificam, quam præ se ferunt; non producant effecta, quæ sibi met homines ex illis pollicentur: atque adeo fallunt spem & expectationem eorum qui in ipsis confidunt. Job 6. 15, 16, &c. 2. Quia Deus omni confidentiæ maledicit, quæ in creaturis collocatur. Jer. 17. 5.

Usus Admonitionis, ut caveamus nobis, ne temere, frustra, & impie in rebus externis fiduciam nostram collocemus.

IX. Vanitas huius fiduciæ, quamvis experientia ipsa satis sit manifesta, non tamen agnoscitur ab hominibus vanis & mundanis. v. 11, 12, 13.

Ratio 1. Quia cæci sunt, præsentia tantum, non remotiora cernentes. 2 Pet. 1. 9. 2. Quia ex affectu erga res terrenas, semetipsos student magis magisque occæcare. 2 Pet. 3. 5. 3. Quia propter peccata sua iuste eraduntur à Deo in mentem omnis iudicii experitem. Rom. 1. 28.

Usus Admonitionis, ne mundum insanientem ulla ex parte sequamur, sed veritatem Dei studiose in omnibus exquiramus.

X. Istiusmodi insaniam vel verbis, vel factis approbare, est plusquam insanire. v. 14, 15.

Ratio 1. Quia exemplo peccare, est bis peccare. Ezech. 23. 11. Rom. 1. 32. 2. Quia huiusmodi continuatione peccati, mensura ejus impletur. Matth. 23. 32.

Usus

Vsus Admonitionis, ne vel peccatis aliorum patrocinemur, vel aliorum exempli in patrocinium nostrorum peccatorum detorqueamus.

XI. Unica ratio fiduciam istam vanam superandi, est veram fiduciam in Deo collocare, & in ea gloriari. vers. 15. 16.

Ratio 1. Quia nulla tentatio superatur nisi fide & fiducia. Ephes. 6. 16. 2. Quia fiducia vana non deponitur, nisi solidiore assumpta.

2. Tim. 6. 17.

Vsus Directionis, ut in fiducia vera diligenter nos exerceamus.

XII. Fiducia nostra ita debet in Deo collocari, ut nihil timeamus mundanum. ex v. 17, &c.

Ratio Quia Deum non glorificamus, nisi supra mundum eum extollamus.

Vsus Admonitionis, ut hac armatura præviamus nosmetipsos adversus omnes mundanos terrores.

PSALMUS QUINQUAGESIMUS.

Psalmus, Asapho. Deus fortis, Deus Iehova eloquitur & inlclamat terram, ab ortu solis usque ad occasum ejus.

2. E Txyone, perfectissima pulchritudinis loco, Deus illucescit.

3. (Veniat Deus noster, & ne surdum agat) ignis ante ipsum consumit; & circa ipsum procellosus valde.

4. Inclamat celos superne; & terram inclamat, jus populo suo dicitur;

5. Congregate mihi quos benignitate prosequutus sum, qui iterum factus sum cum per sacrificium.

6. Quando indicarunt celi iustitiam ejus, Deum judicem esse sum:

7. Audi popule mi, inquit, & eloquar; Iisraël & contestabor te: Deus tuus sim:

8. Non propter sacrificia tua arguam te, at holocausta tua sint coram me jugiter.

9. Non accipiam e domo tua juvencum, e caulis tuis hircos:

10. Quum mea sit omnis bestia silvestris jumenta in montibus mille.

11. Agnoscam omnes volucres montium, denique animalia agrestia sint penes me.

12. Si esurirem, non dicerem tibi: nam mea est terra habitabilis, & plenitudo ejus.

13. An vescor carne robustorum juvencorum, aut sanguinem hircorum bibo?

14. Sacrifica Deo laudem, & redde extolse vota tua.

15. Atque invoca me tempore angustie; eripiam te ut honore afficias me.

16. Improbo autem dicit Deus; Quid tua ut enarres decreta mea, & assumas factum meum in ore tuo.

17. Cum tu oderis disciplinam; & projeceris verba mea post te?

18. Simulac vides furem, acquiescis ei; & cum adulteris est portio tua:

19. Os

19. *Os tuum adhibes ad malum, & lingua tua concinnas dolum:*
 20. *Sedens fratri tuo obloqueris: in filium matris tuae edis infaniam.*
 21. *Hæc te faciente quia agebam surdum, cogitas me prorsus esse similem tui: arguo te, & dispero in oculis tuis.*
 22. *Animadvertite jam hoc obliuioſi Dei; ne rapiam nec sit qui eripiat.*
 23. *Qui sacrificat laudem, honore afficit me; & qui componit viam, faciam ut fruatur ſalate Dei.*

ANALYSIS.

PROPOSITUM hujus Psalmi est instituere omne genus hominum quomodo debeant Deum honorare. v. 23. Hæc autem institutio primo illustratur, ad v. 7. & postea proponitur vel explicatur ad v. 7. ad finem. Illustratur. 1. Ab autore Deo forti Jehova. v. 1. in principio. 2. A modo instituendi, qui duplex est: unus communis. v. 1. in fine: & alter proprius Ecclesiæ. v. 2. qui Ecclesiæ ipsius testimonio & voto arguitur v. 3. in principio; & declaratur suis adjunctis, antecedente igne, comitante procella. v. 3. in fine; consequente voce efficacissima. v. 4. & 5. ex quibus omnibus majestas institutoris apparebat. v. 6.

Explicatur hæc institutio. 1. generaliter & postea specialiter. Generaliter 1. A sua materia, quæ est audientia vel obedientia. v. 7. in principio. 2. A sua forma, quæ est contestatio efficacissima, ibidem in medio. 3. A causa efficiente impellente, ibidem in fine. Specialis institutio complectitur officium quod à Deo requiritur. v. 8. ad 16. & personas à quibus debet præstari, inde ad v. 22. una cum applicatione. v. 22, & 23:

Officium quod exigitur, explicatur per comparisonem minoris & majoris. minus quod comparative rejicitur & improbat, est

cultus ceremonialis & externus, verf. 8, & 9. cujus necessitas improbat ex dominio; omnipotentia, & cælesti perfectione Dei. v. 10, 11, 12, 13.

Majus officium, quod comparative solum exigitur, est cultus moralis & spiritualis, qui synecdochice declaratur per orationis partes, gratiarum actionem & petitionem. v. 14. 15. & promissione felicitis eventus illustratur v. 15. in fine. Personæ à quibus hoc officium præstari debet negative describuntur, pii & probi, dum improbi omnes amoveantur. v. 16, 17. quorum improbitas per inductionem declaratur, ab interno affectu, externis factis ac verbis, v. 18, 19, 20. una cum adjuncta obduratione cordis, & conscientie evictione. v. 21.

Applicatio hujus institutionis ad improbos fit cum interminatione gravissima. v. 22. & pios, cum promissione & consolatione summa. v. 23.

DOCUMENTA.

I. Verbum Dei cum singulari attentione & reverentia debet audiri, quia est verbum Dei. ex v. 1. *Dens Iehova eloquitur.* 1 Theſſ. 2. 13.

Ratio I. Quia verbum Dei est ver-

verbum Domini dominantium, & Regis Regum, quod sine timore & tremore non potest rite audiri. Amo. 3. 8. Jud. 3. 20. 2. Quia vox, voluntas, & testamentum est patris nostri. Genes. 49. 2. 3. Quia ex isto verbo solo pendet vita nostra aeterna. Deut. 32. 47. Joh. 6. 68.

Vsus Directionis, ut ista consideratione in verbo Dei audiendo, excutiamus nobismetipsis omnem dispositionem perversam, & obedientiae veræ adversam. Jer. 13. 15.

I I. Deus omnes mortales hactenus instituit, ut scire possint Deum esse cum omni observantia honorandum, ex v. 1. in fine.

Ratio 1. Quia opera ipsa creationis hoc docent. Rom. 1. 19, 20, 21. Acto. 17. 27. 2. Quia hoc inscriptum est aliquo modo in cordibus omnium. Rom. 2. 15. 3. Quia Deus etiam extraordinariis suis operibus, eodem solet omne genus hominum invitare.

Vsus Admonitionis, ne excusationem aliquam nobis ex ignorantia putemus relinquere, si Deum honorare negligamus, quum gentes maxime barbaræ inexcusabiles fiant. Rom. 1. 10.

I I I. Præcellens lux institutionis hujus est in Ecclesia, v. 3.

Ratio 1. Quia altera illa per se non sufficit ad salutem. 2. Quia Deus Ecclesie lucem Verbi dedit. Psalm. 119. 105. & 147. 19, 20. 3. Quia in Ecclesia non solum institutio ipsa, sed etiam fructus ejus percipitur in solida consolatione. Psalm. 65. 5.

Vsus Exhortationis, ut qui in Ecclesia sumus, vivamus ut filii hujus lucis.

I V. Ecclesia suis votis promoveret & auctam cupit illam communionem divinæ lucis quam habet, ex v. 3. in principio. Psalm. 132. 8. Rev. 22. 20.

Ratio 1. Quia magnam ex illa consolationem percipit, & majorem expectat. 2. Quia Dei gloria (quæ piis est charissima) promovetur simul cum ista communione. 3. Quia pia vota fidelium sunt media à Deo ordinata ad istam communionem promovendam & perficiendam.

Vsus Exhortationis, ut excitemus nosmetipsos ad istiusmodi preces.

V. Tremenda illa Dei præsentia, quæ impiis est horribilis, piis est optabilis. ex v. 3. in fine. Deut. 4. 24. Heb. 12. 29.

Ratio 1. Quia pii cum Deum apprehendunt ut Deum suum, illa etiam quæ in Deo sunt maxime terrificæ, quamvis contra impios faciant, pro se tamen stare norunt. 2. Quia timor ille & tremor qui incutitur piis ex tremenda Dei præsentia facit ad pietatem promovendam. 3. Quia terror ille qui incutitur impiis, facit ad Dei gloriam, & ipsorum humiliationem & conversionem.

Vsus Consolationis, erga fideles. adversus omnia terrificæ Dei judicia quæ Deus in mundo exercet.

V I. Cælum & terra præsentia & voce Dei afficiuntur. ex v. 4.

Ratio 1. Quia omnes creature pendent ex nutu Dei. 2. Quia testes adhibentur majestatis illius divinæ, cui omnis reverentia debetur. Deut. 32. 28. & 42. 1. Jer. 1. 2. 3. Quia sunt administri præmiorum & poenarum variarum, quæ Deus

Deus inter homines dispensat.
Levit. 26. 19.

Vsus Admonitionis, ne corda nostra obduremus in voce Dei audienda.

VII. Fœdus à nobis cum Deo initum singularem obedientiæ curam debet nobis adferre, ex v. 5.

Ratio 1. Quia singulare implicat beneficium Dei, qui voluit nos pro suis fœderatis præ aliis habere.

2. Quia singularem obligationem in se continet ex fœderis natura.

3. Quia singularem offensam & reatum infert si contemnatur.

Vsus Admonitionis, ne unquam fœderis nostri cum Deo iniri obliviscamur.

VIII. Cæremoniæ externæ per se non placent Deo. ex v. 8, 9, &c.

Ratio 1. Quia cæremonias nudas, quatenus sunt tales, Deus nunquam præcepit, sed tanquam appendices cultus realis. Jerem. 7.

22. Jes. 1. 12. 2. Quia nullum usum bonum habent, neque respectu Dei, cui nullam vel gloriam vel utilitatem adferunt; neque respectu hominum, quibus nulla ratione profunt. in textu. & Mic. 5.

3. Quia cæremoniæ nudæ sunt totidem hypocriseos professiones, quum enim institutæ sint, ut essent protestationes fidei & observantiæ, si à fide & observantia vera separantur, necesse est ut sint coram Deo simulatæ religionis notæ.

Jes. 29. 13. Hoc autem nomine abominationi sunt coram Deo. Jes. 1. 11. ubi decem variis phrasibus, emphasis causa, hoc idem significatur:

Quorsum mihi? satur sum. non delektor. quis quæsit? ne pergitote. abominatione est mihi. non possum ferre. odit anima mea. sunt mihi laborio-

se. defessus sum ferendo.

Vsus Admonitionis, ne fiduciam nostram collocemus in externis observantiis, qualescunque demum fuerint: ne quidem in Baptismo, Cœna Dominica & similibus Dei institutis.

IX. Gratitude sincera & humilis maxime Deo placet. v. 14.

Ratio 1. Quia tribuit Deo laudem bonitatis ipsius. Psalm. 118. 1. & etiam celsitudinis. in textu.

2. Quia hoc maximum est, quod Deo tribuere possumus pro omnibus ejus beneficiis. Psal. 116. 12, 14.

3. Quia gratitudo ista secum trahit omnem obedientiam. *omnia vobis*, sicut est in textu; & nos totos. Rom. 12. 1.

Vsus Exhortationis, ut huic officio magis magisque studeamus.

X. Invocatio etiam Dei in tempore angustiarum, si cum gratitudine conjungatur, summo opere ipsi placet. v. 15.

Ratio 1. Quia fidem & fiduciam arguit in Deo collocatam. Rom. 10. 14. 2. Quia Deo tribuit laudem omnis potentiæ & misericordiæ. Rom. 10. 12. 3. Quia continet in sese votum Dei glorificandi. in textu.

Vsus Exhortationis, ad preces, quia illæ ipsæ preces quas necessitas nobis extorquet, à Deo acceptantur, ut cultus gratissimus.

XI. Ingratum est Deo, ut homo improbus de verbo ipsius loquatur. vers. 16. Levit. 24. 18, 23.

Ratio 1. Quia Deus non tradit verbum suum, nisi populo suo; idque ut in cor ipsum & vitam, vel conversationem imprimis recipiant, non ut sermone solo usurpetur.

petur. Rom. 2. 21. 2. Quia verbum Dei sanctum est, & a sanctis solis debet prædicari. Jes. 52. 11.

3. Quia verbum purum ab impuro ore prolatum, dedecore, & infamia afficitur. 1 Sam. 2. 17.

4. Quia Dei nomen propter istiusmodi verbi præcones ab impiis blasphematur. Rom. 2. 23, 24.

5. Quia dum improbi homines verbum Dei enarrant, improbitas verbo Dei videtur confirmari: quoniam consensio quædam apparet semper inter loquentem & ejus eloquium, tanquam inter causam & effectum, subjectum & adjunctum. 2 Sam. 18. 27.

6. Quia realis impietas efficacior est ad destruendum, quam verbalis pietas ad edificandum. Quid verba audiâ cum facta videam? Mar. 23. 3.

7. Quia hypocritica verbi tractatio hypocritarum gignit maxime abominandam. Matth. 23. 15.

Vsus Admonitionis, ne unquam verbum Dei attingamus sine pio cordis affectu.

XII. Odium institutionis, correctionis, & emendationis vitæ, est nota certissima hominis improbi. v. 17. Prov. 9. 8. & 12. 1. & 13. 1. & 15. 12.

Ratio 1. Quia talis homo alienus est a medio, & via, quæ ducit ad pietatem, atque adeo longè remotus est ab ipsa pietate. 2. Quia odium correctionis idem est cum odio resipiscentiæ, atque adeo est impœnitentia confirmata, vel obduratio cordis. 3. Quia odium correctionis habet in se contemptum verbi divini, quod est inter maxima peccata.

4. Quia contemptus iste verbi viam facit, & secum introducit totius

legis violationem, & omnium seclerum perpetracionem.

Vsus Admonitionis, ut supra omnia alia peccata, caveamus nobis ab isthoc odio correctionis.

XIII. Approbatio peccati in aliis est etiam nota hominis improbi. v. 18. Rom. 1. 32.

Ratio 1. Quia voluntatis ad malum inclinatio mala in isto consensu manifeste apparet. Approbatio enim peccati a voluntatis malitia magis, quam a judicii errore procedere solet. 2. Quia voluntatis hæc inclinatio ad peccatum magis peccans apparet sæpe in alienis peccatis approbandis, quam in propriis patrands. In nostris enim tentatio, & perturbatio transversos nos rapit: sed in alienis magis integrum habemus iudicium, & liberam voluntatem.

3. Quia approbatio peccati ab alio admissa, non solum reatum ejus nostrum facit, sed & impœnitentiam addit in approbante, quatenus ille qui peccavit serio resipuerit.

Vsus Admonitionis, ne communionem ullam habeamus cum infruigeris operibus tenebrarum, sed potius arguamus. Eph. 5. 11.

XIV. Lingua maledica est alia nota improbitatis. v. 19, 20.

Ratio 1. Quia nota est illius, qui deditus est maledictioni, & hæres maledictionis, non benedictionis. 1 Pet. 3. 9. 2. Quia fratri maledicens, maledicit legi Dei, præsertim si vituperat illud, quod a lege probatur. Jacob. 4. 11. 3. Quia maledicentia violat etiam societatem omnem civilem & naturalem. v. 20.

Vsus Admonitionis, ne leviusculum putemus

putemus in isto genere peccare, vel
is nos admisceamus, qui maledicen-
tiæ indulgent. Prov. 20. 9.

XV. Deus aliquando ad tem-
pus, istiusmodi peccata relinquit
impunita. v. 21. *agebam surdum, vel
filebam.*

Ratio 1. Quia vult tolerantiam
& longanimitatem suam declara-
re. 2 Pet. 3. 9. 2. Quia hac ratio-
ne invitatur homines ad resipiscen-
tiam. Rom. 2. 4. 3. Quia sic etiam
viam facit ad sua iudicia perficien-
da. Rom. 9. 22.

Vsus Directionis, ne nos præfesti-
nemus in iudiciis Dei adversus im-
pios exposcendis.

XVI. Summus gradus improbi-
tatis est tolerantia ista Dei abuti ad
obduracionem cordis in peccato.
v. 21. *Cogitas me prorsus esse simi-
lem tui.*

Ratio 1. Quia hoc est omnia pec-
cata impœnitentia continuare, &
obsignare. Eccl. 8. 10. 2. Quia
hac ratione medicamentum ip-
sum, quod Deus animis nostris ex-
hibet adversus peccatum, conver-
titur in alimentum peccati, & ani-
marum venenum. Rom. 2. 4, 5.

3. Quia hoc est contemnere Dei
bonitatem. ib. Jer. 17. 15.

4. Quia hoc est absurdis imagina-
tionibus Deum ipsum (cum mag-
na ejus contumelia) participem &
approbatorem facere peccati, in
textu. *similem tui.*

Vsus Admonitionis, ne peccatum
ullum minoris faciamus, quia poenas
ejus nondum sentimus.

XVII. Tales peccatores cum

summo horrore peccata sua agno-
scere cogentur. v. 21. *Arguam te, &
peccata tua ordine proponam ante
oculos tuos.*

Ratio 1. Quia liber conscientia
certissime tandem in singulis ape-
rietur. Revel. 20. 12. 2. Quia
conscientia ista sero cum despera-
tione accusans, intolerabilem ad-
fert cruciatum, & horrorem, tan-
quam vermis in æternum rodens
cor. Revel. 6. 16. Mar. 9. 44.

3. Quia Deus sic ex ira conscien-
tiis talium peccatorum proponit ip-
sorum peccata, ut simul sibimet ea-
dem proponat vindicanda. Psal. 90.
8. & 109. 15.

Vsus Admonitionis, ne in præsen-
tia locum demus harum rerum ne-
glectui & oblivioni, sed cum timore
& tremore ista præcipue medi-
temur. v. 22. *Animadvertite jam hoc
obliviosi Dei.*

XVIII. Unica est ratio hujus
miseriæ vitandæ, si ex fide vera pie
& juste vivamus. v. 23.

Ratio 1. Quia hac sola ratio-
ne tollitur è medio peccatum, quod
est miseræ hujus causa. Hoc per-
tinet ad conscientia levamen.

2. Quia Deus honoratur ista vi-
vendi ratione, atque nobis fave-
at necesse est. in textu.

3. Quia hæc vivendi ratio pro-
missiones habet omnino salutis, in
textu.

Vsus Exhortationis, ut pietati co-
animo studeamus, quo miseriam
declinare, & salutem consequi de-
sideramus.

PROLEGOMENON IN PSALMUM QUINQUAGESIMUM PRIMUM.

IN titulo hujus Psalmi non author tantum, & tempus quo fuit compositus, sed & causa compositionis indicatur. Conscientia scilicet Davidem accusans maximi reatus. Hujus autem conscientiae causa principalis fuit peccatum gravissimum adulterii cum Uriæ uxore admissi. Causa excitans & impellens fuit peccati illius, & reatus inde contracti accusatoria declaratio per Nathanem Prophetam facta. v. 1. & 2. In istis causis continetur status Davidis, in quem pervenerat peccando. Ex hoc autem statu pendet intelligentia Psalmi. Quia vero suavis Psalmorum concentus spinosis controversiis non est temere perturbandus; quæ hoc in loco expectat forsitan lector, de statu Davidis, & quid inde concludi possit pro Apostasia Sanctorum, quærat in Animadversionibus nostris ad Synodalia Remonstrantium. Artic. 5. capite sexto.

PSALMUS QUINQUAGESIMUS PRIMUS.

Magistro symphonia, Psalmus, Davidis :

2. *Quum venisset ad eum Nathan Propheta, postquam congressus fuisset cum Bath-Scebaba.*

3. *Gratiam fac mihi, & Deus secundum benignitatem tuam; secundum amplitudinem miserationum tuarum, dele defensionem meam.*

4. *Multum ablue me ab iniquitate mea, & à peccato meo munda me:*

5. *Nam defensionem meam ego agnosco, & peccatum meum obversatur mihi jugiter.*

6. *Tibi, tibi soli peccaveram, & quod malum videtur in oculis tuis feceram; agnosco, ut justificeris in sermonibus tuis, purus sis quando te judicas.*

7. *En, in iniquitate formatus sum, & in peccato concepit me mater mea.*

8. *En, veritate delectaris in precordiis: & in occulto sapientiam nostram feceras mihi.*

9. *Expiato me hyssopo, ut mundus sim; abluito me, ut præ nive albescam.*

10. *Facito ut audiam gaudium & letitiam, exsultent ossa, quæ contriveru.*

11. *Abconde iratam faciem tuam à peccatis meis, & omnes iniquitates meas dele.*

12. *Adiuvium meum crea mihi, Deus, & spiritum firmum renova in a me.*

13. *Ne abjicias me à facie tua, Spiritum sanctum tuum ne recipias à me.*
 14. *Redde mihi gaudium salutis tue, & spiritu ingenuitatis sustentato me.*
 15. *Docebo defectores vias tuas, ut peccatores ad te convertantur.*
 16. *Libera me à sanguine, ó Deus, Deus salutis meæ: censes lingua mea justitiam tuam.*
 17. *Domine labia mea aperias, & os meum annuntiabit laudem tuam.*
 18. *Nam non delectaris sacrificio; ut dem: holocaustum non vis.*
 19. *Sacrificia Dei sunt spiritus fractus; animum fractum & contritum, ó Deus, non spernis.*
 20. *Benefac pro bona voluntate tua Tzyoni, ædifica muros Jeruschalaimorum.*
 21. *Tunc delectaberis sacrificiis justitiæ; holocausto, & prorsus consumendo: tunc pii offerent juvencos super altare tuum.*

ANALYSIS.

SCOPUS Davidis in hoc Psalmo est petere abolitionem peccati gravissimi quod admiserat, id est, malorum eorum omnium (quantum fieri potuit) amotionem, quæ ex peccato ipsius consequebantur. Ista vero mala quia & personam ipsius respiciebant, & populum Israeliticum, cum quo ita fuit conjunctus, ut bona & mala omnia majora habuerit cum ipso aliquomodo communia; idcirco primo pro seipso petit ad v. 20. & postea pro populo toto. In semetipso quia duo mala præcipua sensit, reatum scilicet & desertionem spiritualem; idcirco primo in loco petit amolitionem reatus, vel peccati remissionem, usque ad v. 12. & postea restitutionem spiritus, ac renovationem cordis, à v. 12, ad 15. Petitio prima de remissione, quæ est cæterarum fundamentum (sicut in abundantia, cordis affectu vehementi ardentis, fieri solet) etiam atque etiam urgetur, inculcatur, &c.

illustratur. Proponitur igitur primo v. 3, & 4. & simpliciter in petitione gratiæ & figuratè sub metaphoris, *delendi, multum ablundi & mundandi*, ubi simul etiam fundamentum & propria ac principalis causa remissionis, ac petitionis ejus indicatur, gratia scilicet, benignitas, & ampliæ miserationes Dei. Secundo urgetur eadem petitio argumento, quod petitur à causa administrante, pia scilicet & humili confessione: non tantum peccatorum actualium manifestorum, quam occultorum. v. 5, & 6. sed etiam fontis eorum vel peccati innati, & originalis, v. 7. quæ amplificantur etiam per oppositam noticiam voluntatis Dei, quam satis habuit perceptam. v. 8. Hæc etiam confessio finis notatione illustratur. v. 6. in fine: gloria scilicet Dei & judiciorum ejus. Proponitur eadem petitio secundo. v. 9, 10, & 11. & illustratur quoad causam, signo caeremonialis asperfusionis. v. 9. quoad

9. quoad effectum tam per niveam puritatem à reatu, quam per commutationem acerrimi doloris, in maximum gaudium. v. 10. & quoad modum, per aversionem iratæ faciei. v. 11.

Secunda petitio de' communicatione spiritus renovanda, varie inculcatur & illustratur. v. 12, 13, 14. tam quoad rem communicandam, quæ à suis qualitatibus vocatur *animus mundus, spiritus firmus, spiritus sanctus, & spiritus ingenuitatis*; quam quoad modum communicandi, quæ à sua efficacia, dicitur *creatio, renovatio, sustentatio*, opposita *abjectioni à facie Dei & spiritus ablationi*; atque etiam quoad effectum consequens, gaudium scilicet in salute Dei. Duæ istæ petitiones simul urgentur ab effectis, quæ sunt ædificatio Ecclesiæ. v. 15. & Dei laudatio. v. 16, 17. quæ illustratur antithesi vulgarium sacrificiorum, v. 18, 19.

Tertia petitio urgetur & illustratur ab effecto inde consecuturo, cultu scil. Deo grato. v. ult.

DOCUMENTA.

I. Fideles ipsi Deo gratissimi, & à peccato maxime alieni, aliquando inducuntur in gravissima peccata, ex v. 1, & 2. *David congressus cum Bathshebaba.*

Ratio 1. Quia sunt imperfecte tantum in ista vita regeneriti, & habent in sese carnem adversus spiritum perpetuo concupiscentem ac luctantem. Gal. 5. 17.

2. Quia perpetuo incedunt inter laqueos mundi, cupiditatem scil. carnis, libidinem oculorum, & fastum vitæ. 1 Joh. 2. 16. à quibus conservari beneficium est plane di-

vinum, & singulare. 1 Joh. 17. 15.

3. Quia Satanas tales præ cæteris appetit suis tentationibus ventilare, tanquam triticum. Luc. 22. 31.

4. Quia Deus hoc aliquando permittit, & ordinat in gloriam suam, & bonum ipsorum. Sic Petrum plusculum de semetipso præsumentem, ut ad infirmitatis suæ noticiam veniret, permittit Deus ut abnegaret Dominum ex metu mortis. Joh. 13. 37, 38. Sic etiam Davidem jam negligentiores factum permittit in horrendum istud peccatum incidere, ut postea diligentius seipsum observaret; peccatum suum exemplo aliorum desleret; egregium humilitatis, resipiscentiæque specimen & exemplar præstaret; & gloriosius ex peccato resurgeret.

Usus Admonitionis, erga illos, qui stant, ut videant ne cadant. 1 Cor. 10. 12. id est, ut vigilent, & orent, ne introeant in tentationem. Matth. 26. 41.

II. Ad conscientiam prolapsorum peccati sensu rite afficiendam in omni genere hominum necessarium est verbi Dei ministerium, ex v. 2. *Quum venisset ad eum Natban Propheta.*

Ratio 1. Quia hoc est medium à Deo institutum, ad fidem ac resipiscentiam ingenerandam, alendam, fovendam, & renovandam.

2. Quia propria causa peccati est verbi neglectus aut contemptus, qui recto usu verbi renovatur.

3. Quia animus peccato occupatus, neque peccati sui naturam, neque viam inde exsurgendi ex sese efficaciter percipere potest, sed excitari & dirigi debet per applicationem regulæ, quod non aliâ ratione fit ex ordine, quam per

per ministerium verbi divini.

Vsus 1. Exhortationis, erga ministros verbi, ut diligenter & fideliter agant cum omni genere peccatorum, ad resipiscentiam eorum procurandam, sicut Nathan egit cum ipso Davide, qui Rex & Propheta fuit excellens. 2. *Redargutionis*, adversus multorum arrogantiam, qui ministerium verbi rejiciunt tanquam sibi minime necessarium: quum fuit necessarium Davidi.

III. Conscientia rite peccato affecta, instanter quærit consolationem, quamvis noverit omnia certo sibi promissa. ex v. 2, & 3. cum 2 Sam 12. 13.

Ratio 1. Quia istiusmodi oratio est medium, quod intercedere debet inter promissionis exhibitionem & ejus complementum, ad effectum promissum perficiendum. 2. Quia possessio & sensus rei promissæ hac ratione acquiritur gradatim. 3. Quia officii nostri ratio, & gloria Dei postulat à peccatoribus istam submissionem.

Vsus 1. Refutationis, adversus eos, qui certitudinem gratiæ continuandæ matrem esse volunt carnalis securitatis. 2. *Exhortationis*, ut pro ratione peccatorum, conscientiam & curam habeamus istiusmodi exercitiorum pœnitentiæ, sine quibus nulla gratia potest vigere.

I V. Fundamentum omnis consolationis adversus reatum peccati, est amplissima gratia, benignitas, & misericordia Dei. ex v. 3. Tria ista quamvis reipsa unam & eandem Dei bonitatem designent, ratione tamen illa differunt, quæ bonitatem illam summopere illustrat, Gratia enim excludit omne

meritum, & bonitatem notat omni ex parte gratuitam. Benignitas propensitatem insuper Dei declarat, ad illam gratiam abundanter communicandam. Misericordia vero cōmunicationem illam extendit ad miseros peccatores: & amplitudo misericordiæ admittit etiam gravissimos & miserrimos peccatorum.

Ratio 1. Quia Fundamenta nulla consolationis possunt in peccatoribus ipsis, vel in justitia Dei reperiri. Ex istorum enim consideratione, horrenda sequitur expectatio judicii severi. 2. Quia Condonatio offensæ pendet proprie ex gratia, benignitate, & miseratione partis offensæ. 3. Quia hac sola ratione fit, ut consolationis & salutis nostræ gloria Deo in solidum redundet.

Vsus 1. Refutationis, adversus doctrinam Pontificiorum, de satisfactione pro peccatis, ab hominibus Deo præstanda. 2. *Directionis*, ut in consolatione quærenda, in gratia, benignitate & misericordia Dei oculos mentis nostræ figamus, ex illa sola toto corde pendeamus.

V. Gratia, benignitas, & misericordia Dei tam ampla est, ut peccati debitum penitus tollat ab iis, qui eidem cum resipiscentia inniuntur. ex vers. 3. *dele defensionem meam.* Peccata enim, ex tenore legis, sunt quasi totidem nomina aut debita, coram Deo, quasi in libro adscripta, ut pœna justa iis rependatur. Jes. 65. 6, 7. Jer. 17. 1. Sed per gratiam, benignitatem, & misericordiam Dei, ista nomina expunguntur, ita ut quoad vindictam non aliter se habeant, quam si nunquam fuissent admissa.

Jes. 38. 17. Jer. 31. 34. & 50. 20.
Mich. 7. 18, 19.

Ratio 1. Quia gratia Dei erga resipiscentes, est gloriosa, dives, supereminens habens opes, ut superabundet abundanti peccato. Ephes. 1. 6. & 2. 4, 7. Rom. 5. 20.

2. Quia resipiscentium cum Deo reconciliatio, & consolatio inde petenda, plenam abolitionem peccati requirit. Psal. 130. 3. 3. Quia Christus non ex parte, sed plenissime remissionem peccatorum nobis impetravit. Heb. 10. 14.

Usus 1. Refutationis, adversus doctrinam illam Papisticam, quæ partialem remissionem docet: culpæ scilicet, sed non omnis pœnæ.

2. *Consolationis*, erga omnes vere pœnitescentes, & ad gratiam Dei toto corde confugientes.

VI. Magna & multiplex opus est applicatione misericordiæ Dei, ad abolitionem talis, quale fuit Davidis, ex v. 4. *multum ablue me, &c.* Joh. 13. 8, 9, 10.

Ratio 1. Quia summa est turpitudine talis peccati, qualis est lepræ. Levit. 14. 7. &c. Math. 15. 11. Vocari solet *macula, corruptio, inquinatio, deformitas, nuditas, impuritas, & labe*. Ex illa sequitur tam averfatio, abominatio, & detestatio peccatoris coram Deo. Jes. 1. 15. Prov. 3. 32. quam pudor & confusio ejus in semetipso. Gen. 3. 7. Rom. 6. 21.

2. Quia multiplex ablutio & ejusdem continuatio requiritur ad plenam abolitionem peccati. 1. In justificatione, quoad reatum. 2. In sanctificatione, quoad maculam. Et 3. In glorificatione, quoad pœnam. 3. Quia necessarium nobis est propter fidei nostræ multiplicem imbecillita-

tem, & imperfectionem, ut istam liberationem à peccato multoties, multis modis habeamus nobis confirmatam. 4. Quia per gradus varios quædam istorum comparantur. Joh. 13. 8, 9, 10. 5. Quia animus Deo deditus nunquam sic acquiescit in gradu imperfecto, ut non ad summum anhelat.

Usus 1. Redargutionis, adversus securitatem peccatorum illorum, qui peccatum, & ejus abolitionem, parum aut nihil curant.

2. *Directionis*, ut maxima nostra cura perpetuo versetur circa abolitionem nostrorum peccatorum.

VII. Confessio sincera peccatorum est medium necessarium & efficax ad eorum remissionem obtinendam, ex v. 5. *Nam confessiones meas ego agnoscō.*

Ad confessionem autem hujusmodi requiritur. 1. Cognitio peccatorum quantum fieri potest distincta, ex intuitu & comparatione legis Dei. 2. Agnitio eorum ingenua, quoad reatum, turpitudinem, & omnimodam damnationis dignitatem, quam habent in sese.

3. Affectus huic agnitioni congruentes, id est, pudor, dolor, averfatio, & odium. 4. Humiliatio, quia peccator semetipsum submittit iudicio & arbitrio Dei, misericordiam ejus toto corde implorans.

Ratio 1. Quia nemo est rite capax hujus misericordiæ, & sensus ejus, nisi convictus, & confessus.

2. Quia peccatum debet necessario judicari, & condemnari, vel à nobis, vel à Deo. 1 Cor. 11. 31, 32.

3. Quia per confessionem istam, peccata facta, infecta, quantum in nobis est, redduntur, & à nobis remota.

mora. 4. Quia Deo hac ratione exhibetur occasio, & materia misericordiz suæ plurimum glorificandæ. 5. Quia hæc est conditio, cui Deus remissionem promisit. Prov. 28. 13. 1 Joh. 1. 9. 6. Quia in ista confessione virtualiter continetur emendatio vitæ, & gratitudo erga Deum, qui sunt proprii fructus remissionis. Prov. 28. 13. Psalm. 103. vers. 1, 2, 3.

7. Quia ista confessio peccati habet in sese votum Dei laudes confitendi, ac profitendi apud alios, ad nomen ejus glorificandum. 1 Tim. 1. 15, 16.

Uſus Directionis, ut veræ ac synceræ confessioni peccatorum eodem studio incumbamus, quo remissionem eorum desideramus.

VIII. Qui peccata sua ingenue & rite confitetur, eadem habet jugitur sibi obversantia. ex v. 5. *Peccatum meum obversatur mihi jugiter.*

Ratio 1. Quia illa quibus maxime afficimur, maxime hærent in memoria nostra, secundum illud vulgare: *faciam ut hujus diei semper memineris.* sed qui resipiscit, maxime afficitur suis peccatis. 2. Quia conscientia resipiscientis perpetuo quærit reconciliationem & pacem cum Deo, atque adeo sollicita semper est de peccato, quod est unicum pacis impedimentum. Psalm. 38. 3. Quia etiam post reconciliationem & pacem impetratam, utilis & necessaria est perpetua memoria peccatorum. 1. Ad humiliationem. Deut. 9. 6, 7. 2. Ad gratitudinem erga Deum. 1 Tim. 1. 12, 13. 3. Ad cautelam in similibus peccatis vitandis. 1 Cor. 6. 11. 4. Ad lenitatem erga similes pecca-

tores conservandam. Tit. 3. vers. 3.

Uſus Redargutionis, adversus eos qui tam facile deponunt memoriam suorum peccatorum, & sibi met ipsis placent in conscientia insensata.

IX. Ad synceram confessionem requiritur, ut illa peccata imprimis agnoscantur, quæ Deum solum offendunt. ex v. 6. *tibi soli peccaveram.* Hæc verba sic ab interpretibus accipiuntur, quasi declararent, vel Deum solum consciupa fuisse peccati Davidis in negotio Uriæ; vel Deum solum potuisse eum punire; vel Deum solum potuisse condonare; vel denique offensam Dei in peccato Davidis ita superasse omnem injustitiam erga homines, tam in sese, quam in conscientia Davidis, ut illa sola fuerit commemoranda. Sed duæ priores interpretationes sunt falsæ: & posteriores duæ nec possunt ex verbis Davidis elici absque coactione, nec sensum eorum exhaurire videntur. Mens igitur Davidis illa fuisse videtur in istis verbis, ut confiteretur negligentiam, securitatem, & præsumptionem illam, qua Deum ita provocaverat, ut permitteret eum in adulterii & homicidii tentationes induci, 2 Sam. 12. 9.

Ratio 1. Quia ista confessio provenit ex conscientia peccati quæ directe respicit Deum solum, atque adeo directe maxime tendit ac disponit ad reconciliationem cum Deo. 2. Quia in istis peccatis fons est & origo cæterorum omnium peccatorum. 1. Realiter, quatenus remonent impedimenta peccatorum, & januam ipsis aperiant. 2. Meritorie, quatenus

Deum deserendo movemus ipsum ad nos deserendos, & inducendos in tentationem. Utraque idcirco ratione istorum peccatorum confessio sincera continet in sese intimam aliorum omnium peccatorum confessionem. 3. Quia istiusmodi confessio maxime facit ad peccatorum in futurum evitacionem, dum causis & radicibus eorum directe sese opponit.

Vsus Directionis, ut in vita nostra ordinanda, & conscientia excutienda, singularem rationem habeamus eorum peccatorum quæ homines latent, & nota sunt Deo soli.

X. Ista confessio, si sit sincera, tales est ut Dei qualiacunque iudicia immunia faciat ab omni specie iniquitatis, ex v. 6. in fine *Ut iustificeris in sermonibus tuis, puerus sis quando tu iudicas.*

Ratio 1. Quia causam justam in peccatis admittis agnoscit, non tantum iudiciorum eorum quæ à Deo adversus ipsa exercentur, sed & graviorum. Psalm. 119. 75, 137. Neh. 9. 33. Dan. 9. 7. Lam. 3. 22.

2. Quia continet in sese humilem submissionem robustæ Dei manui. 1 Pet. 5. 6. 1 Sam. 3. 18. Ies. 39. 8. 2 Sam. 15. 26. 3. Quia hac ratione gloriam omnem tribuit Deo tam iustitiæ, si velit punire, quam misericordiæ, si velit condonare. Ios. 7. 19.

Vsus Directionis, ut ad istam regulam confessiones nostras exigamus.

XI. Ad humiliationem nostram juvat, in confessione nostra descendere usque ad nativam & originalem nostram corruptionem, ex v. 7. Rom. 7. 14.

Ratio 1. Quia quo planior est &

magis penetrans nostra confessio, eo perfectior & efficacior evadit resipiscencia nostra. 2. Quia nativa ista corruptio est causa omnium actualium peccatorum: effectum autem accurate non cognoscitur nisi in suis causis: sine hujus igitur corruptionis confessione non possumus cognoscere, nedum rite agnoscere peccata nostra actualia. 3. Quia corruptionis hujus confessio maxime facit ad nostrum ipsorum abnegationem, ad gratiæ divinæ implorationem, ad veteris hominis mortificationem, ad vigilantiores observationem cordium nostrorum, atque adeo ad peccatorum in futurum devitacionem.

Vsus 1. Refutationis, adversos illos qui vel plane pernegant, vel saltem quantum possunt minuunt nativam istam corruptionem. 2. *Redargutionis*, adversus illos qui externa sua peccata inde solent extenuare, unde David suum peccatum singulariter amplificavit, id est, à nativa sua pronitate ad peccandum. 3. *Directionis*, 1. Ut exerceamus nosmetipsos ad profundam istam humiliationem quæ oritur ex ingenuitæ corruptionis nostræ efficaci apprehensione. 2. Ne satis habeamus externos quasi ramos actualium peccatorum amputare, sed radicis ipsius extirpationem in regeneratione vera quæramus.

XII. Juvat etiam plurimum ad corda nostra humilianda, ascendere in confessione nostra ad sanctissimam Dei naturam ac voluntatem. ex vers. 8. in principio.

Ratio 1. Quia ex comparatione naturæ Dei, & nostræ, statim liquebit, quantum absumus ab illa similitudine, & imagine Dei ad quam creati

creati fuimus, & jam denuo vocamur. 1 Pet. 1. 15, 16. 2 Quia rectissima Dei voluntas debet esse regula voluntatis nostrae: ita ut odio prosequi debeamus illa quae Deus odit. Apoc. 2. 6. & iis delectari quibus Deus delectatur. Haec autem rectissima regula est optimus iudex nostrae obliquitatis, & haec perfectio pravitati nostrae opposita magis eam elucescere facit.

Vsus Directionis, ut hunc in modum exerceamus nos ad veram nostri cognitionem comparandam ex vera Dei cognitione.

XIII. Grata & pretiosa valde in conspectu Dei est integritas ac sinceritas cordis. ex iisdem verbis. Prov. 11. vers. 20. Huius autem sinceritatis mentionem singularem facit David hoc in loco, quia jam in conscientia sua excutienda non potuit non fateri hypocrisis apud se plus nimio valuisse, tam ante peccatum adulterii commissum, quando soli Deo peccabat, quam postea in illo scelere sceleribus aliis tegendo ut posset occultari.

Ratio 1. Quia sinceritas tribuit Deo gloriam omnipraesentiae, omniscientiae, & maiestatis reverendae. Hoc sensu illi qui sincere agunt proprie dicuntur *ambulare coram Deo*. Ies. 38. 3. 2. Quia haec est perfectio imperfectae illius obedientiae quam in ista vita praestamus: quatenus est ex corde toto, atque adeo hominis totius.

Vsus exhortationis, ut huic sinceritati sincere studeamus.

XIV. Cognitio veritatis, ubi sinceritas obedientiae non responderet, gravius reddit peccatum. ex vers. 8. in fine. Luc. 12. vers. 47.

Joh. 15. vers. 21. Rom. 1. vers. 11. Jac. 4. 17.

Ratio 1. Quia ille qui cognitionem habet majorem, magis participes est legis in cuius transgressione peccatum consistit. 2. Quia peccata eorum qui officium suum cognoscunt, plus habent in se malitiae & praesumptionis. 3. Quia talia peccata resipiscientiae maxime opponuntur, & sua natura ferunt secum obstinataur duritiem cordis.

Vsus admonitionis, ut cum horrore caveamus nobis ab istis peccatis.

XV. Non semel tantum, & frigide, sed etiam atque etiam ac instanter eorumdem peccatorum remissio debet implorari. ex ver. 9. &c. ubi eadem petitio quae antea fuit adhibita denuo repetitur, & inculcatur.

Ratio 1. Quia ista petitio provenire debet ex abundantia affectuum cordis, quae uno simplici sermone non potest satis explicari. Dan. 9. 19.

2. Quia Deus differt saepe responsum, ad instantiam & importunitatem precum nostrarum explorandam & excitandam. Mat. 15. 22. &c. Luc. 11. 8. & 18. 1. 3. Quia certitudo responsi accepti, & gratiae factae, hac ratione tam continuatur, quam augetur.

Vsus Redargutionis, adversus segnitiam ac tepiditatem vulgarium nostrarum precum.

XVI. Fiducia precum nostrarum alenda & confirmanda est gratiosis Dei institutis. ibid. *expiato me byssopo: abluito me.* Horum enim rituum fit mentio a Davide, quia Deus illos instituerat ad remissionis gratiam fidelibus per applicationem sanguinis Christi

Christi adumbrandam, & obligandam. Heb. 9. 13, 14, 19. & 10. 22.

Ratio 1. Quia signa hujusmodi externa sunt lucidissima specula in quibus illustrem Dei misericordiam possumus intueri.

2. Quia signa hujusmodi externa in illum finem sunt instituta, ut per illa sublevetur infirmitas fidei ac fiduciae nostrae.

3. Quia usum suum habent non momentaneum pro tempore illo solo quo tractantur, sed perpetuum, tanquam argumenta gratiae in animis nostris defixa.

Uusus directionis, ut Sacramentis quotidie utamur tanquam fulcris ad infirmitatem nostram sustentandam.

XVII. Eo usque niti debemus fiducia, & precibus, ut perfectissimam abluionem peccatorum nostrorum perfecte apprehendamus in Christo. ibidem. *prae nive albescam.* Eadem perfectio innuitur in ritibus illis aspergendi hyssopo, & aqua pura lavandi: qui adhibebantur ad complementum purgationis ab impunitate. Levit. 14. 6, 7, 8, 9.

Ratio 1. Quia Deus offert, & nos quærere debemus *validam consolationem.* Hebr. 6. 18.

2. Quia pertinet ad gloriam gratiae Dei. Jes. 1. 18.

3. Quia independet gratitudinis nostrae perfectio. Psal. 103. 11, 12.

4. Quia Christi oblatio, ubi rite applicatur, consummat. Heb. 10. 14.

Uusus exhortationis, ut quotidie proficere studeamus in fiducia vera.

XVIII. Ex certa apprehensione remissionis peccatorum, & reconciliationis nostrae cum Deo solidum gaudium emanat. ex v. 10. ubi gaudium & laetitia proponuntur

tanquam effecta propria desideratae abluionis.

Ratio 1. Quia in remissione peccatorum percipitur liberatio à maximo malo. Jes. 44. 22, 23. & maximi boni possessio aliquo modo acquiritur in reconciliatione nostra cum Deo. 1. Pet. 1. vers. 8.

2. Quia tanta est consolatio, quae ex istis rebus oritur, ut superet & absorbeat omnes tristitias, molestias & acerbitates hujus vitae. Rom. 5. 3.

3. Quia hoc gaudium est maxime intimum, in corde & ossibus locum suum habens, sicut est in textu: *ut exultent ossa.*

4. Quia gaudium istud est permanens. Joh. 16. 22. non momentaneum, & sicut hiliaris infania, qua impii homines afficiuntur. Eccles. 7. vers. 8.

Uusus 1. Refutationis, adversus illos qui religionem vel studium pietatis gaudio & laetitia putant adversari. 2. *Directionis*, ut per fidem & resipiscentiam, pacem, gaudium, & laetitiam animis nostris quæramus.

XIX. Gaudium istud non percipitur à nobis, nisi Deus faciat ut illud quasi audiendo percipiamus. ibidem. *facite ut audiam.*

Ratio 1. Quia Deus solus declarat illa quae spectant ad suum favorem, & sic ad nostrum gaudium independens.

2. Quia tamen Deus in verbo suo loquatur nobis pacem & gaudium, à nobis tamen non percipitur, nisi efficaciter aperiat aures cordis nostri ad illud quod loquitur audiendum. Ephes. 1. 17, 18. Act. 16. 14.

3. Quia postquam gustavimus aliquo modo gaudium istud, necessarium est nobis, ut corda nostra à Deo dilatentur, & corroborentur ad solidam & plenam ejus fruitionem. Ephes.

Ephes. 3. 16. Psalm. 119. 32.

Ufus Directionis, ut hæc a Deo assiduis precibus petamus.

XX. Gaudium istud eo magis primo experitur, & postea percipitur, quo magis quis afficitur eo dolore qui secundum Deum est. ex vers. 10. in fine. *exultent ossa que contriveris*. His etenim verbis David ostendit se conscientia peccatorum suorum ita cruciatum fuisse intus in corde suo, ut senserit quasi contritionem ossium suorum. Istius contritionis ut ratio habeatur in gaudii communicatione, instanter petit. Psalm. 28. 4. similis phrasis habetur.

Ratio 1. Quia appetitus tam spiritualis quam naturalis accenditur indigentia sensu. qui in Scripturis vocatur *famis ac sitis*. Psalm. 42:

2. Quia talis semper est proportio inter motum & quietem, ut quo ille fuit intentior, & interior, eo magis intima reddatur ista. Hoc est, quod innuitur in textu. *Ossa que contrita fuerunt, exultent*. Sic Psalm. 73. 26. *Deficiente carne mea & animo meo, rupes animi mei, & portio mea Deus est in seculum*. 3. Quia Deus promisit saturationem esurientibus & sitientibus secundum mensuram famis ac sitis eorum. Luc. 1. 53. Joh. 7. 37. Psalm. 81. 11.

Ufus 1. Directionis, ut per seriam humiliationem de peccatis nostris ad solidum gaudium tendamus. Psalm. 126. 5. Matth. 5. 4.

2. *Consolationis*, erga eos qui contristantur ad resipiscentiam. 2 Cor. 7. 9. &c.

XXI. Gaudium istud tum demum acquiritur, cum irata Dei facies avertitur a nobis, & lux faciei ejus super nos elevatur in Christo.

ex vers. 11. in principio. *Abconde iram faciem tuam a peccatis meis*. Additur enim hæc petitio hoc in loco tanquam medium optati gaudii consequendi. Psalm. 85. 5, 6, 7.

Ratio 1. Quia conscientia dum iram Dei imminentem apprehendit, gaudium non admittit, sed opprimitur horrore. Heb. 10. 27. 2. Quia gaudium spirituale propriis fuit ex conscientia per asperionem vel applicationem sanguinis Christi, a mortuis operibus emundata, & de favore Dei certiorata. Heb. 9. 14. & 10. 22.

Ufus 1. Consolationis, erga illos qui sentiunt aliquando in conscientia sua iratam faciem Dei sibi oppositam: non debent idcirco desperare, quia potest irata illa facies postea removeri, & in lucem faciei converti. 2. *Directionis*, ut in certitudine conscientia nostræ de gratia & favore Dei solidum gaudium quæramus.

XXII. Ubi rite petitur gratia justificationis vel peccatorum remissionis, ibi simul semper adest serium studium gratia sanctificationis & omnimodæ reformationis, vitæ. ex vers. 12. cum antecedentibus. Hæc enim petitio de *animo mundo & spiritu primo*, copulate subjungitur iis quæ antea petebantur de remissione peccatorum, & gaudio inde fluente, tanquam absolute consentaneam & conjunctam cum ipsis habens affectionem. Nam respectu remissionis est effectum, & respectu gaudii est adjuvans causa.

Ratio 1. Quia justificatio & sanctificatio sunt inseparabiliter conjunctæ. 1 Corinth. 1. 30. & 6. 11. 2. Quia justificationis manifestatio

statio & certitudo pendet semper ex sanctificatione tanquam ex proprio signo. Roman. 8. 1. &c.

3. Quia odium illud peccati, quod in respicientia vera continetur, non minus realem quam judicalem ejus abolitionem querit.

4. Quia studium gloriæ Dei magis fert animum adversus culpam & corruptionem peccati, quam adversus ejus reatum. Nam abolitio reatus directe respicit bonum nostrum: sed abolitio corruptionis ad gloriam Dei directe spectat.

5. Quia gratitudo erga Deum pro remissione peccatorum (sine qua indigni sumus gratia) studium emendationis necessario secum adfert.

6. Quia interest maxime nostre ne persistamus in illis peccatis quæ confessi sumus, & quorum petivimus remissionem. Hoc enim esset illudere Deo, & nostrum reatum duplicare.

7. Quia Deus non promisit misericordiam nisi iis qui deserunt peccata sua. Pro 28. 13.

Vsus 1. Condemnationis, adversus eos qui perfunctorie solent peccatorum suorum remissionem optare sine ullo serio proposito emendationis vitæ.

2. *Directionis*, ut hæc duo vota pari semper passu in animis nostris teneamus conjuncta, justificationis nempe & sanctificationis veræ.

XXIII. Caput sanctificationis est cor alienatum à peccato, & deditum pietati. ex ver. 12. *Animum mundum & spiritum firmum*. Per cor mundum enim intelligitur illa purgatio ab iniquatione, macula, turpitudine vel culpa, quæ consistit in abnegatione, desertione, alie-

natione aut aversione à peccato. Per spiritum firmum intelligitur constans voluntas omne bonum prosequendi.

Ratio 1. Quia in istis consistit veteris hominis mortificatio, & vivificatio novi: quæ sunt partes veræ sanctificationis. 2. Quia conscientia bona, & quæ inde sequitur consolatio ex istis duobus pendent.

3. Quia omnis obedientia nova sua sponte fluit ex istis principiis: fuga scilicet mali, ex animo mundo. Psalm. 24. 4. & prosequutio boni ex spiritu firmo. Actor. 11. 23. Colos. sen. 1. 10, 11. 1 Thes. 3. 13. & 2. 17.

Vsus 1. Directionis, ut in studio sanctificationis primariam curam habeamus cordium nostrorum. 2. Ut corda nostra eo semper flectere studeamus, ut magis magisque abhorreant à peccato, & constanter adhæreant Deo.

XXIV. Sanctificatio ista cordis petenda est à Deo. ibidem. *crea mihi Deus.*

Ratio 1. Quia donum est Dei. Jac. 1. 5. 17, 18.

2. Quia singulare opus est Dei. Ephes. 2. 10. 1 Thes. 5. 23.

3. Quia pia cordis elevatio ad Deum in isto desiderio, est exercitium sanctificationis alicujus communicatæ, & medium proprium amplioris communicandæ, & certissimum pignus utriusque.

Vsus Exhortationis, ut precibus fervidis, & constantibus hoc desiderium coram Deo prosequamur.

XXV. Ad istam sanctificationem tum primo communicandam, tum etiam peccato labefactatam restitendam talis efficacia Dei requiritur, qualis in creatione fuit exercita.

exerta, ex vers. 12, *crea mihi Deum*. Similem vim habent phrasæ aliz in Scripturis frequentatæ, *vivificandi, excitandi à mortuis, regenerandi, immutandi, convertendi, inclinandi, trahendi, flestendi, renovandi, circumsidendi, inscribendi, cor, denique animam, hominem, & omnia nova faciendi*.

Ratio 1. Quia sicut creatio, sic & sanctificatio versatur circa nihilum; quoniam nihil est in homine irrogenito quod rationem principii habet ad vitam spiritualem. Ephes. 2. 5.

2. Quia multa sunt in homine quæ huic operi adversantur; qualia impedimenta creationi non fuere objecta. Matthæi 19. 23, 24, 26. 3. Quia vis aut virtus illa qua divinum hoc opus efficiatur, debet esse divina. 2 Cor. 4. 6. 4. Quia renovatio & perfectio hujus operis pendet ex renovatione & continuatione ejusdem efficaciz, qua primo fuit inchoatum. Eph. 1. 19.

Vsus 1. Refutationis, adversus eos qui efficaciam gratiz Dei extenuant & obscurant, dum suspensam eam relinquunt ex hominis arbitrio inefficaci; & vix ullam aliam efficaciam gratiz agnoscunt præter illam quæ est in doctrina, & suasionem; atque adeo hujusmodi phrasæ non vim causæ, sed effectum aut eventum notare volunt. David autem habuit doctrinam, suasionem, promissionem, & voluntatem etiam paratam, & tamen creationem mundi cordis petit à Deo. 2. *Directionis*, ne nos unquam nostris viribus vel minima ex parte nitamur in istis rebus, sed velle posse, facere, principium, progressum, & complementum omnis

boni divinum donum agnoscamus. Phil. 2. 13.

XXVI. Illa mala quæ sanctificationi opponuntur, privatio scilicet communionis cum Deo, per ablationem Spiritus sancti, sunt ex omnibus aliis malis maxime horrenda. ex vers. 13. *Abjectio enim à facie Dei*, significat privationem communionis cum ipso, & consolationis ab ipso. Jer. 7. 15. & 52. 3. & ablatio Spiritus sancti est medium quo illa privatio efficitur, cum illi à quibus Spiritus sanctus aufertur, neque gratiam salutarem habent sibi à Deo communicatam, neque quidquam præstare possunt quod Deo est gratum & acceptum. Non est improbabile, Davidem territum conscientia homicidii, habuisse ante oculos factum & poenam Caini homicidæ, qui eo nomine relegatus fuit à facie Dei. Gen. 4. 14, 16. & simul horruisse proximum exemplum Sauli, cui Deus abstulerat spiritum regium. 1 Sam. 15. 15. deprecationem suam secundum illas cogitationes formasse. Non est necessarium tamen idcirco sic ejus verba accipere, quasi judicia illa singularia spectarent quæ Cain & Saul fuerant experti, & nihil ultra.

Ratio 1. Quia beatitudo nostra consistit in communione cum Deo. Psal. 27. 4 & 65. 5. 2. Quia privatio hujus communionis infert secum miseriam summam. 2 Thes. 1. 9. 3. Quia Spiritus & gratiz modo & gradu singulari communicatæ ablatio, certum est indicium iræ Dei singulariter accensæ. Mat. 25. 29. 30.

Vsus Condemnationis, adversus illos qui communionem cum Deo, præsentiam spiritus, & usum sacro-

rum

rum institutorum Dei parum aut nihil curant.

XXVII. Ex sensu communionis nostræ cum Deo solidum gaudium emanat. ex v. 14. cum anteced. simul dantur & simul redduntur.

Ratio 1. Quia gaudium proprie fuit ex præsentia & fruitione boni amati ac desiderati: talis autem præsentia bona est in communione nostra cum Deo. 2. Quia bonum quo fruimur in ista communione non est leve, ac leviter titillans animum lætitia vana, sed spiritaliale, solidum, ac summum.

3. Quia eo directe facit, ut omnem dolorem ac tristitiam expellat, & elevationem, exultationem, ac dilatationem cordis producat.

Vsus Directionis, ut in ista via quæramus nobis gaudium.

XXVIII. Gaudium hoc spirituale est de salute Dei æterna, tanquam de objecto, & causa. ibid. 1 Pet. 1. 5, 6, 7, 8.

Ratio 1. Quia salus ista summum est bonum. 2. Quia sola servat ab omni malo. 3. Quia sola satisfacit desideriis piis.

Vsus 1. Refutationis, adversus eos qui certitudinem salutis impugnant. inimici sunt gaudii Christianorum. 2. **Exhortationis**, ut certitudinem salutis nobis omni collato studio comparemus.

XXIX. Certitudo salutis conjunctum semper habet spiritum ingenuum, spontaneum, & promptum erga Deum. ibid.

Ratio 1. Quia spiritus adoptionis est causa hujus certitudinis.

2. Quia promptitudo spiritus ad obediendum Deo, est ejusdem certitudinis effectum. Rom. 12. 1.

3. Quia utroque modo certitudo illa conservatur, & magis magisque confirmatur.

Vsus Exhortationis, ut studeamus huic ingenuitati spiritus. Exo. 35. 5, 21. 1 Chron. 29. 6, 13, 14.

XXX. Spiritus ingenuus est nostra sustentatio. ibidem.

Ratio 1. Quia liberat nos à desperatione. 2. Quia liberat nos à tentatione. 3. Quia excitat nos ad omne bonum.

Vsus Exhortationis ejusdem.

XXXI. Spiritus ingenuus ferre solet eos quibus inest ad alios instituendos. ex vers. 15. cum anteced.

Ratio 1. Quia spiritus ingenuus est liberalis & promptus ad largiendum & communicandum bona illa quæ habet. hæc est significatio vocis 272. 2. Quia promptitudo vel zelus animi erga gloriam Dei studium hoc secum adfert. 2 Cor. 4. 15, 16.

3. Quia charitas erga proximos (quæ etiam est pars ingenuitatis) eo ducit. Rom. 9. 3. & 11. 14. 2 Cor. 5. 11. 4. Quia gratiam quam accepimus constitui sumus dispensatores. 1 Pet. 4. 10. 5. Quia hic est finis unus cum omnis cognitionis, tum præcipue illius quam experientia propria edocti sumus. 2 Cor. 1. 4. Luc. 22. 32. Est enim finis ipsius operis gratiæ, quod Deus circa hunc vel illum operatur, ut alii inde instituerentur. 1 Tim. 16. Psalm. 34. 6, 7.

Vsus 1. Directionis, quomodo scilicet ad istam regulam spiritum suum quisque dignoscere possit.

2. **Exhortationis**, ut in hoc officium incurabamus omnes.

XXXII. In-

XXXII. Institutio, præsertim illa, quæ provenit ex sensu remissionis peccatorum, peccatoribus præcipue debetur.

Ratio 1. Quia illi maxime destituuntur luce. 2. Quia in maximo periculo versantur.

3. Quia ille qui expertus misericordiam Dei in suis peccatis tollendis, singulariter edoctus est ad alios dirigendos in simili misericordia quærenda.

Vsus Directionis, ut ad exemplum Christi perditos quæramus.

XXXIII. Instituendi sunt peccatores in viis Dei, ibidem. Per vias autem Dei intelliguntur & illæ rationes agendi in verbo revelatæ, quas Deus observat erga nos in justitia & misericordia: & illæ etiam quas nos observare debemus erga Deum, in fide & obedientia.

Ratio 1. Quia hæc institutio sola dat gloriam Deo, cujus vias docet. 2. Quia sola ducit homines ad Deum, & sic ad felicitatem æternam. 3. Quia miseria peccatorum est, quod alieni sint à viis Dei.

Vsus Directionis, in materia, & modo docendi.

XXXIV. Finis & fructus huius institutionis est conversio, ibidem.

Ratio 1. Quia cognitio viarum quibus Deus ambulat erga nos, invitat ac impellit ad illas vias quibus nos ambulare debemus erga illum: id est, ad resipiscentiam, fidem, & obedientiam. 2. Quia cognitio viarum quibus ambulare debemus, ostendit nobis errores nostros, & pericula fugienda per conversionem ad Deum.

Vsus 1. Exhortationis, ut cum

omni alacritate peccatores instituamus. 2. *Directionis*, quomodo discernere possimus an institutio apud nos efficax fuerit, necne.

XXXV. Ut efficaciter peramus liberationem & sanctificationem à peccatis nostris; non simpliciter apprehendi debent quod sint peccata, sed etiam quam gravia sint & sanguinolenta, ex v. 16. *libera me à sanguinibus*. Sanguis enim significat mortiferum reatum, qualis est ille qui consequitur sanguinis injustam effusionem, Gen. 4. 11. Psalm. 9. 13. & 106. 38. Ezech. 16. 6, 9. David autem sanguinem innocentis Uriæ effuderat, & sanguinolentum aut capile flagitium admisserat cum ejus uxore.

Ratio 1. Ista consideratio humiliationem nostram reddit profundior, ex qua pendet efficacia precum. 2. Quia major sensus reatus addit fervorem ac instantiam & excitat suspiria inenarrabilia, vel clamores cordis in precibus. 3. Quia paratos & promptos nos reddit ad majorem gloriam tribuendam Deo misericordix illius qua delet tanta peccata.

Vsus Redargutionis, adversus eos qui extenuant, & excusant, vel molliter ac leviter tractant sua peccata.

XXXVI. Effusio sanguinis est peccatum maxime horrendum, ibid. Non enim dubitari potest, quin David, quum peccata sua exaggerare hunc in modum voluit, singularem rationem habuerit sanguinis Uriæ & aliorum cum ipso intersectorum suo jussu effusi.

Ratio 1. Quia non tantum charitati Christianæ, sed etiam humanitati, legi & conscientix naturali max.

maxime adversatur: unde etiam fit quod etiam impiis hominibus horrendos terrores soleat adferre.

2. Quia Deus, cujus imaginem homo gerit, singulariter detestatur hoc peccatum. Genes. 9. 6. Unde etiam est, quod coram ipso dicatur clamare. Gen. 4. 10. & polluere terram ipsam. Num. 35. 33. & ab ipso singulariter vindicetur. Gen. 9. 5. Prov. 28. 7. 3. Quia hoc peccato Diaboli imago singulariter repræsentatur. Joh. 8. 40. cum 44.

Ufus condemnationis, adversus illos qui vel vi, vel dolo, vel publice, vel privatim participes se reddunt huius reatus.

XXXVII. Ad consolationem habendam adversus huiusmodi peccata requiritur magna luctatio in apprehensione & particulari applicatione salutis Dei gratiæ. ibid. *O Deus, Deus salutis meæ*. Ingeminatio nominis Dei, dum suam propriam salutem in ipso apprehendere cupit, & conatur, non exiguam contentionem animi in hoc negotio declarat.

Ratio 1. Quia iustitia Dei & merita nostra huic apprehensioni videntur adversari. 2. Quia magnitudo gratiæ huius tanta est, ut sine magno conatu non possit apprehendi. 3. Quia non quiescit animus humiliatus in qualibet ejus apprehensione, sed magis magisque aspirat ad eam plene complectendam.

Ufus Directionis, quomodo descendere à generali ad particularem apprehensionem salutis & in illius comprehensione omnibus viribus laborare debemus.

XXXVIII. Effectum &

proprius fructus omnis gratiæ Dei erga nos, sed præcipue illius quæ peccata nostra tolluntur, est congruens Dei laudatio, & glorificatio, ex vers. 16. in fine, & vers. 17. Psal. 50. 15.

Ratio 1. Quia beneficia Dei non possunt percipi, qualia sunt, nisi dignissima habeantur omni laude. Apocal. 4. 11. & 5. 12.

2. Quia talis æstimatio beneficiorum Dei excitat effectum dilectionis erga Deum propter bonitatem ejus, & ista dilectio cum delectatione & gaudio comitante elicit celebrationem laudum ejus. Psal. 136. in singulis versiculis 26.

3. Quia inter omnia Dei beneficia condonatio peccatorum est maxima: & propter magnitudinem peccatorum, ac miseriæ quem secum trahunt; & propter divitiæ gratiæ quæ in eorum abolitione manifestatur; & propter superabundantiam consolationis, quæ in peccatores inde redundat. Ps. 103. 1, 2, 3.

Ufus increpationis, adversus tepiditatem vulgarem in Deo laudando. David huic officio addidit linguam, labia, os, ad clangorem ex toto corde proferendum. in perfunctoria igitur laudativæ aliquid, cuius formulæ repetitione animus pius non acquiescit.

XXXIX. In Deo laudando est iustitia bonitatis ejus. ex v. 16. in fine. Quamvis enim bonitas, benignitas, & misericordia Dei præcipue simpliciter maxima ex parte proponatur celebranda, aliquoties tamen sub iustitiæ nomine commendatur. quod clarissime patet ex hoc loco.

Ratio 1. Quia in bonitate Dei summa

summa rectitudo ac perfectio virtutis est agnoscenda: illa autem iustitiæ notione recte concipitur & designatur. 2. Quia bonitas Dei laudari debet prout in verbo eius continetur. Psalm. 56. 5, 11. hæc autem est iusta fidelitas aut veracitas Dei in bonitate sua communicanda. 3. Quia prout hæc bonitas Dei ex verbo promissionis producit in actum, & actus ille reflexionem habet ad verbum promissionis, sic ipsa communicatio bonitatis est fidei datæ ac obligatæ iusta liberatio.

Vsus Directionis, ut ad omnes huiusmodi perfectiones, quæ in bonitate Dei elucet, diligenter attendentes, ad Deum laudandum pleniore affectu feramur.

X L. Deus ipse aperit labia suorum ad suas laudes annunciandas. ex v. 17.

Ratio 1. Quia suis beneficiis præbet ipsis abunde materiam laudis. Psalm. 40. 4. 2. Quia removet ab ipsis impedimenta gaudii & professionis eius. Ies. 25. 7, 8. 3. Quia perfundit animos eorum suavi sensu suæ bonitatis, & simul excitat ad eam prædicandam.

Vsus Directionis, ut istam apertionem labiorum à Deo quaramus.

X LI. Cæremoniæ externæ à Deo institutæ quamvis pertineant ad Dei laudem & honorem, neque per se tamen, neque in comparatione ad piam orationem laudis, sunt Deo gratæ. v. 18. Per sacrificium enim & holocaustum intelliguntur externæ cæremoniæ illius temporis, & illæ proprie quæ pertinebant ad laudem: quæritur enim hoc in loco de modo Deum laudandi, utrum in cæremoniis externis, an in oratione pia consistat.

Vovetur autem oratio pia simpliciter. v. 17. cæremoniæ vero rejiciuntur, non absolute, sed 1. Quatenus nude sunt & ab oratione pia separatæ. 2. Quatenus in comparationem veniunt contra talem orationem laudis. maxime igitur consensaneum videtur, ut *quævis & illud dabo non ut dem, neq; nam alioquin darem.* Quævis enim sacrificium non placebat Deo, tamen & sacrificium placebat.

Ratio 1. Quia cæremoniæ sunt signa tantum, quæ, si separentur à re significata, inania & vacua evadunt. 2. Quia quamvis cum re significata conjungantur, sunt tamen appendices tantum accessorix, quæ cum ipsa substantia non sunt comparandæ. 3. Quia naturæ Dei qui est spiritus, nihil adeo convenit ac spiritualis & verus cultus. Joh. 4. 24.

Vsus Directionis, ut quamvis cæremoniæ à Deo institutæ non sint negligendæ, præcipuam tamen curam in reali Dei cultu collocemus: secundum illud Salvatoris. Mat. 23. 23. *Hæc oportuit facere, & illa non omittere.*

X L II. Laudatio illa Dei, quæ provenit ab animo vere humiliato, est Deo maxime accepta. ex v. 19. Nam per spiritum fractum & contritum intelligitur proprie animus vere humiliatus; & metonymice effectum laudationis, quod ex tali animo procedit: agitur enim adhuc de laudatione Dei. Vocatur autem sacrificium, non tantum metaphorice propter similitudinem, sed etiam metonymice, propter typicam relationem quam sacrificia quædam habuerunt ad istiusmodi humiliationem. Sacrificia vocatur

in plurali numero, quia est multo-
rum vel omnium instar: & sacrificia
Dei, quia Deus illud non sper-
nit, sed acceptum habet: sicut
Joh. 6. 28 *opus Dei*. Jes. 57. 15, 19:
& 61. 1. Luc. 4. 18. Rom. 12. 1.

Ratio Quia in ista humiliati-
one continetur 1. Abnegatio &
mortificatio peccati, quod solum
est Deo inuisum ac odiosum.

2. Abnegatio nostrarum virium
ac perfectionum, ut toti pendea-
mus a Deo. 3. Talis agnitio in-
dignitatis nostrae, qua fit ut omnis
gloria Deo in solidum tribuatur.

Ufus Directionis, ut semper stu-
deamus animos hunc in modum
comparatos, vel hanc animi dispo-
sitionem ad Dei cultum adferre.

XLIII. Quamvis Deus per-
petuo orandus est a fidelibus ut
Ecclesiae suae benefaciat & societati
illi qualicumque cujus sunt mem-
bra; hoc tamen singulariter facere
debent post graviolem aliquem
lapsum, ex v. 20. cum superioribus.
Per Ierusalem enim & Jeru-
sahalaima intelligitur Ecclesia
Dei, & ista societas communis, cu-
jus David fuit praecipuum mem-
brum: quia illa civitas fuit metro-
polis tam civilis, quam Ecclesiasti-
ca, totius populi Israelis: & pas-
sim in Scripturis constituitur ty-
pus Ecclesiae Dei. Hanc autem
communem societatem quia David
suis peccatis labe factaverat, ideo
propter istis precibus ejusdem petit
stabilitatem.

Ratio 1. Quia membra semper
debent esse sollicita ut pro aliis
membris particulatim, sic multo
magis pro corpore universo. 1 Cor.
12. 25, 26, 27. 2. Quia multi
alii, & aliquando tota socie-

tas communionem habet cum
peccato unius membri, quatenus
vel verbis, vel factis, vel dissimu-
latione ac negligentia eorum aut
occasio datur illi peccandi, vel in
peccato fovetur. Illi autem qui
communionem habent in pecca-
to, opus habent communionem in
peccati remissione. 3. Quia scan-
dalu[m] unius transire solet in ali-
os, & sicut fermenti paululo to-
ta massa fermentatur. 1 Cor. 5. 6.
Author igitur scandali debet hoc
dama[n]um, quantum potest, re-
sarcire. 4. Quia propter hujus-
modi rationes, unius hominis
scelus graves poenas toti coetui
aliquando accersit. Josh. 7. 11, 25.
& 22. 20. 2 Sam. 24. 17. Author
igitur sceleris omnibus modis id
agere debet, ut periculum istud a
societate avertatur.

Ufus Directionis, ut istiusmodi
meditationibus, & affectibus pre-
ces nostras perficere studeamus.

XLIV. Beneficentia Dei erga
Ecclesiam non nititur ut causa
principali, nisi bona sua voluntate.
ibidem. Ephes. 1. 5, 9, 11. & 2. 4.

Ratio 1. Quia omne bonum
provenit a Dei liberalitate, atque
adeo a libera eius voluntate.

2. Quia Ecclesia colligitur, con-
servatur, defenditur & perficitur,
ex speciali quadam & superabun-
danti bonitate Dei. 3. Quia tam
multa sunt tam interna, quam
externa, quibus Ecclesiae felicitas
impugnatur, ut nulla alia ratione
possum superari, praeterquam bona
Dei voluntate. Psalmi. 124.

Ufus Directionis, ut omnes preces
ac vora nostra huic uni fundamen-
to superstruamus.

XLV. Proprius fructus bene-
ficentiae

ficentiz Dei erga Ecclesiam, est honor & cultus ipso dignus, ex v. 21.

Ratio 1. Quia gloria Dei est finis Ecclesie. Ephes. 1. 6. & 12. & 5. 27. 2. Quia gratitudo illa quæ pro singulis beneficiis divinis debetur, honorem & cultum istum eli-

cit, 1 Cor. 6. 20. 3. Quia maxima pars beneficentiz Dei erga Ecclesiam est, quod det ipsi animum ad suum nomen rite colendum. 1 Joh. 5. 20.

Ufus Exhortationis, ut fructum istum proferre conemur.

PSALMUS QUINQUAGESIMUS SECUNDUS.

M Agistro symphonie, ode didascalica Davidis:

2. *Quum veniens Doëg Adomæus nunciasset Schanli, & dixisset ei, adivit David domum Achimeleci.*

3. *Quid te jactas in malo, ô potens? benignitas Dei sortis omni die perdurat.*

4. *Arumnas excogitatas depromis; lingua tua similis est novacule acutæ, ô artifex doli.*

5. *Diligis malum potius quam bonum, mendacium quam loqui justitiam, diligis vehementissime.*

6. *Dilexisti omnia verba perniciofa, linguam dolosam.*

7. *Etiam Deus sortis demoliturus est te in æternum, abripiet te, & avellet te à tentorio, & radicabitque te à terra viventium vehementissime.*

8. *Quod videntes justî, revereantur, & de isto ridebunt dicentes:*

9. *Ecce virum illum, qui non proposuerat Deum robur suum, sed confidebat amplitudini divitiarum suarum, roborabat se in substantia sua.*

10. *Ego vero ut oliva virens in domo Dei, confido benignitati Dei in seculum & sempiternum.*

11. *Celebrabo te in seculum quod feceris ista: & expectabo nomen tuum, quia bonus es, coram eis quos benignitate prosequeris.*

ANALYSIS.

OCCASIO & argumentum hujus Psalmi declaratur aperte v. 2. Confectus est enim à Davide, quando Doëg Adomæus calumniatus erat ipsum, & Achimelicum sacerdotem apud Saulem. 1 Sam. 22. 9.

Scopus ac propositum Davidis est, excitare, profiteri, & confirmare fiduciam suam adversus illos terrores, quibus ex occasione sceleris Doëgi sentiebat animum suum tentari ac percelli.

1. Tentationem indicat v. 3. in principio fuisse malitiam Doëgi,

& jactationem eidem adjunctam, aut gloriationem de successu quem habuit, & certo sibi spondebat: cujus causa notatur fuisse potentia qua valuit Doëg, tam ratione opum (fuit enim amplissimus pastorum. 1 Sam. 21. 8. & amplitudinem habuit divitiarum ac substantiæ mundanæ. v. 9.) quam ratione favoris, quem adulatione sibi conciliaverat apud Saulem. 2. Fundamentum fiduciæ & consolationis, quam huic tentationi ut superiorem opponit, collocat in constante Dei benignitate v. 3. in fine. 3. Ex isthoc fun-

damento deducit iudicium Dei futurum Doëgum, usque ad v. 10. & beneficentia ipsius fructurum sese. v. 10, 11. 4. Iudicii in Doëgum venturi 1. Causa proponitur dolosa, noxia & perniciofa ejus lingua. v. 4. quæ amplificatur à sua causa, effectu scilicet vel habituali inclinatione ad malum, & aversione à bono. v. 5, 6. 2. Iudicium ipsum lethale describitur, & illustratur similitudine demolitionis arcis in perfugium exstructæ, abreptionis prunæ incendium allaturæ, evulsionis paxilli fixi, & eradicationis arboris robustæ. v. 7. 3. Idem iudicium illustratur ab effectu & fructu quem inde percepturi essent pii, confirmationem scilicet in vero timore Dei, ex contemplatione stultæ ac ridiculæ confidentiæ, quam Doëg non in Deo, sed in suis opibus habuit collocatam. v. 8, 9. 5. Felicitas Davidis, qua ex benignitate fructurus erat, illustratur 1. Similitudine oleæ virentis ac florentis. v. 10. in principio. 2. Describitur. 1. A subiecto continente, *domo Dei*. ibidem. 2. A causa principali, *benignitate Dei*, & administrante, *fiducia sua*, una cum adjuncto durationis, *in seculum & sempiternum*. ibidem. 3. Ab effectu celebrationis, & spei vel expectationis. v. 11.

DOCUMENTA.

I. Impia & perdita insania est eorum qui jactant sese in malo. ex v. 3. in principio. *וַיִּתְּנוּ* insaniam una cum jactatione notat vox ipsa, quum in malam partem accipitur, Jer. 46. 9. & interrogatio illa qua profertur, eandem vim designat. Prov. 2. 13.

Ratio 1. Quia tales peccatores

sunt maxime peccantes, eo quod plenissime consentiunt in peccata. Psalm. 36. 3. Ephes. 4. 19. 2. Quia non tantum voluntati divinæ, sed & naturæ humanæ sese opponunt. lex enim naturæ est, neminem laedere. 3. Quia longissime absunt à resipiscencia, quæ in dolore & humiliatione de malo consistit. locis modo citatis.

Vsus Admonitionis, ut quamvis nequeamus plane immanes esse à malo, sedulo tamen caveamus ne jactemus nos in malo.

I I. Huic insanæ jactationi præcipue obnoxii sunt potentes. ibidem.

Ratio 1. Quia impii potentia armati nec Deum timent, nec homines reverentur. Luc. 18. 2. 2. Quia se ab omnibus metui putant. Joh. 8. 10. 3. Quia successu malitiæ suæ effertur. Deut. 32. 27. Jer. 10. 8, 9, 10, 11.

Vsus Admonitionis, erga illos qui aliqua ratione sunt aliis potentiores, ut caveant sibi ne istam intensionem inducantur.

III. Impiæ jactationi malorum in sua malitia potente, opponere debent pii sanctam gloriationem in benignitate Dei. ibidem in fine. Psalm. 20. 8. Jer. 9. 23, 24.

Ratio. Quia hæc gloriatio fidei metum expellit, & mundum vincit. Psalm. 27. 1. Jer. 8. 10. Rom. 8. 31, 37. I Joh. 5. 4. Nam 1. Malitiæ hominum opponit immensam Dei bonitatem. 2. Potentiæ hominum opponit omnipotentiam Dei. 3. Fraudi hominum opponit omniscientiam Dei. Et 4. Perfidie hominum fidelitatem Dei opponit.

Vsus Directionis, ad consolationem in Deo quærendam.

I V. Inter cætera mala in quibus

improbi sese jactant, primarisi locum habet nequitia linguæ. ex v. 4. & 6.

Ratio 1. Quia inter omnia membra externa lingua est maxime prompta & parata ad cogitata mala promenda & executioni mandanda: unde etiam vers. 4. lingua ipsa dicitur excogitare mala.

2. Quia lingua non est ad unum genus noxæ determinata aut limitata, sed extendit sese ad omnem noxam & peccatum exequendum: unde dicitur excogitare *ærumnas*, non ærumnam. 3. Quia in malo patrando (supra cætera membra) simulatum & dolosum habet agendi modum. 4. Quia variis modis est maxime perniciofaunde & instar novaculæ scindere dicitur, & instar feræ bestię devorare. Sic Psalm. 51. 10. & 57. 5. & 59. 8. & 64. 4. & 120. 2, 3, 4. & 140. 4. Prov. 30. 14. Jer. 9. 3.

Vsus Admonitionis, ne unquam linguæ fræna laxemus.

V. Lingua mala junctum habet cor malum. ex v. 5. & 6. *Diligis malum potius quam bonum.*

Ratio 1. Quia ex redundantia cordis os loquitur. Matth. 12. 34.

2. Quia oris malitia reflexionem habet ad cor & conscientiam magis magisque polluendam. Matth. 15. 18, 19. 3. Quia cor bonum sua vigilantia quasi capistrum imponit ori. Psalm. 39. 2.

Vsus Redargutionis, adversus eos qui linguarum suarum malitiam excusant aut minuunt ex cordium suorum sinceritate.

VI. Qui improbe abutitur sua lingua, gravissima Dei judicia sibi accersit. ex v. 7.

Ratio 1. Quia gravia peccata graves pœnas inherantur. 2. Quia

par est, ut qui amant maledictionem, & querunt aliorum perditionem, eandem etiam experiantur. 3. Quia dolus linguæ singulariter pertinet ad vindictam Dei omniscientis.

Vsus Admonitionis, ne linguæ vitiis indulgeamus ex spei impunitatis.

VII. Ex judiciorum Dei observatione pii proficiunt in timore Dei. ex v. 8. *Videntes justi rev. re-buntur.*

Ratio 1. Quia communis est finis judiciorum, quæ adversus peccata exercentur, ut omnes illi, ad quorum cognitionem perveniunt, cum timore ac tremore caveant sibi ab similibus peccatis. Deut. 13. 11. & 17. 13. & 19. 19, 20. & 21. 18, 21. 2. Quia pii qui expectant semper ut Deus judicia sua exerceat adversus peccata, eorum observatione ædificantur in sua fide, & religione erga Deum. Psalm. 58. 12. 3. Quia causa piorum solet judiciis Dei asserti & vindicari à contemptu impii mundi, in contextu hujus Psalmi.

Vsus Directionis, quomodo cum fructu meditari debemus judicia Dei.

VIII. Lætantur etiam & rident pii de justitia Dei adversus impios manifestata. Psalm. 58. 11.

Ratio 1. Quia pertinet hoc ad gloriam nominis Dei, dum justitia & veritas ejus manifestatur.

2. Quia impietas, quæ piis est maxime invisa, hac ratione coercetur. Prov. 21. 11. cum Eccles. 8. 11.

3. Quia pii ipsi hac ratione liberantur. Psalm. 126. 2, 3.

Vsus Consolationis, erga pios qui etiam ex judiciis Dei causam habent lætandi.

I X. Una cum lætitia de judiciis Dei adversus impios, conjungitur contemptus vanæ fiduciæ ipsorum. ex v. 9.

Ratio 1. Quia hoc eventu apparet vana & contemnenda. Psalm. 49. 6. Luc. 12. 15, &c. 1 Tim. 6. 17.

2. Quia pertinet ad gloriationem piorum in Deo, ut fiduciam impiorum quam maxime contemnant.

3. Quia pertinet etiam ad tentationes illas vincendas, quæ ex jactatione impiorum solent oriri. Psalm. 73. 20, 27.

Vsus Directionis, ut hac ratione & aliis omnibus modis fiduciam impiorum vilem nobis reddere studeamus.

X. Vanæ fiduciæ impiorum opponere debemus veram ac gloriosam fiduciam nostram in benignitate Dei. ex v. 10, 11.

Ratio. Quia sine hac non vincimus tentationes; non pie lætamur, nec Deum glorificamus.

Vsus Directionis, ut hæc sit primaria nostra cura.

PSALMUS QUINQUAGESIMUS TERTIUS.

Magistro symphonie ad pneumaticum instrumentum, ode didascalica Davidis.

2. Dicit sultus cum animo suo, non est Deus: corrumpunt, & abominandam perpetrant iniquitatem; non est qui faciat bonum.

3. Deus è calis prospectat super filios hominum, ut videat an sit ullus qui intelligat, qui requirat Deum.

4. Quicumque est, retrocessit, simul putidi facti sunt: non est qui faciat bonum, non est vel unus.

5. An non sibi sunt conscii, qui dant operam iniquitati, quod exedentes populum meum edunt panem; Deum non invocant?

6. Ibi expavescunt pavore, ubi non est pavor: quia Deus dissipat ossa cujusque castra habentis contra te: pudescit quia Deus spernit eos.

7. O si quis det è Tzijone omnimodam salutem Israelis! reducens Jehovah reducem turbam populi sui, exsultabit Jahakob, letabitur Israel.

Hic Psalmus cum Decimo quarto ferè ad verbum coincidit; ideoque inde Analysis, Quæstiones, & Documenta petenda erunt: superfluum enim pluries repetere, quæ semel dicta sufficere poterant.

PSALMUS QUINQUAGESIMUS QUARTUS.

Magistro symphonie fidium, ode didascalica Davidis:

2. Quum venientes Ziphai dixissent Schauli, an non David latet apud nos.

3. Deus propter nomen tuum serva me, & fortitudine tua causam meam age.

4. Deus audi orationem meam, aurem adverte ad sermones oris mei.

5. Nam exteri insurgunt in me, & violenti quærun vitam meam: non preponunt Deum sibi maxime.

6. Ecce Deus adjuvat me: Dominus effundit eos, qui sepebant vitam meam.

7. Redde

7. Redde istud malum observatoribus meis, per veritatē tuā succide eos.
 8. Liberaliter sacrificabo tibi; celebra nomen tuum Jchova, quia bonum est.
 9. Quia ab omni angustia liberat me, & inimicos meos affixit oculus meus.

ANALYSIS.

DOCUMENTA.

I. In omni periculo salus est à Deo petenda. ex v. 3.

Ratio 1. Quia salus est propria Dei possessio. Psalm. 3. 9. 2. Quia solus Deus omniscius & omnipræsens ubique & semper potest nobis adesse. 3. Quia Deo debemus istum honorem, ut ab ipso solo peteamus.

Vsus Exhortationis, ad preces, & in precibus consolationis.

II. Salus petenda est à Deo propter Dei nomen. ibid. id est, propter illud quod Deus de semetipso notum nobis fecit.

Ratio 1. Quia fundamentum omnis nostræ spei in impetrando, est nomen Dei, vel divinæ misericordiæ nobis manifestatæ. Jes. 37. 35. & 43. 25. 2. Quia finis misericordiæ nobis communicatæ, est ejusdem nominis divini gloria. Ezech. 36. 22, 23. 3. Quia medium quo omnia bona consequimur, est fiducia, & invocatio nominis Dei.

Vsus Directionis, ut in precibus nostris perpetuo figamus oculos mentis nostræ in nomine Dei.

III. In petitione opus divinæ, adversus hominum violentias, causæ bonitatis plurimum valet. ex v. 3. in fine.

Ratio 1. Quia facit ut cum fiducia ac libertate conscientie bonæ coram Deo possumus comparere.

2. Quia facit ut non misericordiam tantum Dei, sed & justitiam ejus implorare possumus: sicut hoc in loco Hebræicè, *judica me*.

R 4

Vsus 1.

OCCASIO hujus Psalmi fuit gravissimum periculum in quod David deductus fuit per prodicionem & insidias Ziphæorum. 1 Sam. 23. 10. & 26. Scopus ejus est, implorare Dei auxilium, ut per eum ab hoc periculo liberaretur.

Hæc petitio 1. Proponitur v. 3. & simpliciter, *Deus serva me*, & cum significatione innocentie suæ in ista causa, *causam meam age*. & illustratur etiam ac suadetur petitione salutis causis, *nomine* & *potentia*, vel sufficientia Dei: id est, ab eo, quod Deus de semetipso notum faceret promissione, quod etiam potens fuit præstare: quod ut perficeretur maxime interfuit gloriæ Dei.

2. Generali instandi modo eadem petitio repetitur & urgetur v. 4. *Deus audi*, &c. 3. Urgetur etiam partim à periculi magnitudine in quo versabatur, *insurgunt, querunt vitam*. & partim ab odiosis moribus eorum à quibus creabatur, *exteri violenti*. v. 5. quorum causa ostenditur fuisse impietas, aut privatio timoris ac religiosi respectus Dei. ibid. in fine. Hanc autem causam fuisse declarat ex eo, quod in Deo illa possent observari, quæ averterent quemlibet à violenta persecutione Davidis: quia scilicet Davidi aperte favebat. v. 6. & hostibus ejus adversabatur. v. 7. Quæ sicut fiducialiter commemorantur cum nota lætitiæ. v. 6. Ecce & in preces convertuntur. v. 7. sic voto pio obsequantur, ac luadentur. v. 8. 9.

Vsus 1. Admonitionis, ne merito nostro molestias nobis accersamus. 2. *Consolationis*, si præter meritum quidquam patiamur.

I V. Qualiscunque fuerit causa nostra, preces tamen etiam atque etiam cum omni instantia sunt ingeminandæ. ex v. 4.

Ratio 1. Quia Deus requirit fervorem & constantiam in precibus. 2. Quia gratia Dei in precibus nostris audiendis non solet apprehendi, nisi animi contentione & vehemente conatu. 3. Quia nostra & precum nostratum indigentia talis est, ut supplicationes ipsæ nostræ cum supplicatione debeant coram Deo representari.

Vsus Directionis, in precibus ex abundantia veri affectus, efficaciter effundendis.

V. Quo magis desperati sunt homines, qui nos persequuntur, eo ardentius ad Deum confugere debemus. ex v. 5.

Ratio 1. Quia Deus ex odio quo persequitur nefariam iniquitatem querelas nostras est recepturus.

2. Quia sicut miseria nostra sit hac ratione major, sic etiam propensior erga nos est misericordia Dei.

3. Quia quando gravamur supra vires, re ipsa monemur & urgemur ut fiduciam firmiter collocemus in Deo solo. 2 Cor. 1. 8, 9, 10.

Vsus Directionis, quomodo malitiam aliorum in nostrum bonum convertere possimus.

VI. Qui pios persequuntur, quamvis professione sint intra Ecclesiam, sunt tamen re ipsa extranei. 1 Joh. 2. 19. Psalm. 58. 4.

Ratio 1. Quia alieni sunt à Deo. Jes. 1. 4. 2. Quia alieni sunt à fratribus. 1 Joh. 3. 15. & 4. 20.

3. Quia opera faciunt Ethnicorum, qui ex professione sunt alieni Ps. 59. 6.

Vsus Admonitionis, ut caveamus nobis ab omni participatione huius peccati, etiam ab illa cujus arguitur Ishmael. Gen. 4. 39.

VII. Omnis impietatis causa est, quod Deum sibi non proponant. ex v. 5. In fine. Psalm. 10. 4. & 36. 1, 2. Gen. 29. 11.

Ratio 1. Quia cogitatio de Deo, prout est iudex & vindex mali, traxum est impietatem omnem coercens. Impietas enim per illam cogitationem fugienda & horrenda indicatur. 2. Quia efficax cogitatio de Deo, prout benignus est benefactorum remunerator, detestabilem reddit impietatem, & ducit ad conatus eidem adversos, id est, ad studium omnis pietatis.

3. Quia cogitatio de Deo, prout est omniscius, omnipræsens, omnipotens, parit vigilantiam tam in malo fugiendo, quam in bono prosequendo.

Vsus Admonitionis, ut sedulo caveamus nobis ab omni participatione huius impietatis, & nunquam deponamus cogitationem de Deo.

VIII. Assistentia Dei fide apprehensa & animo proposita sufficit piis adversus omnes impiorum hostium terrores. ex v. 6.

Ratio 1. Quia major est ille, qui cum piis est, quam qui contra stat. Rom. 8. 31. 2 Reg. 6. 16.

2. Quia Deus pro suo beneplacito etiam impiorum consilia & vias regit: sicut apparet in hoc ipso negotio, de quo agit hoc in loco David. 1 Sam. 23. 27. 3. Quia Deus etiam illa, quæ mala sunt, convertit in bonum suorum. Rom. 8. 28.

Vfus Directionis & Consolationis, secundum illud Psalm. 16. 8. *Propo- no mihi Jehovah jugiter: quia à dextera mea est, non dimovebor.*

I X. Deus sæpe facit, ut illud ipsum malum, quod improbi piis intentant, in eorum capita redeat. ex v. 7. Ps. 7. 15. & 9. 15. & 10. 2. & 57. 6. Esth. 7. 9. & 31. 18. Ies. 43. 3. Prov. 11. 8. & 26. 27. Eccl. 10. 8.

Ratio 1. Quia hoc pacto providentia Dei (qua omnia diriguntur) magis elucet, dum in ipso iudicio, quasi digito monstratur peccatum quod punitur. 2. Quia in hac dispensatione æquitas iudiciorum Dei fit manifesta. Matth. 7. 2. 3. Quia hac ratione conscientia hominum suis peccatis efficacius percelluntur. Gen. 42. 21, 22.

Vfus Consolationis, erga pios, adversus omnes minas impiorum.

X. In expectatione huiusmodi liberationis, pii pendunt ex veritate Dei. ex v. 7. in fine.

Ratio 1. Quia neque in semetipsis neque in fallacibus mediis con-

fidunt, sed in Deo vero. 2. Quia verbum Dei est ipsorum unica consolatio, & ejus vis omnis in veritate Dei consistit. Psalm. 119. 50. 89. 90. 91. 92. 3. Quia ista veritas Dei, quæ manet semper firma & constans, sustentat pios adversus conscientiam suæ infirmitatis, & inconstantia.

Vfus Directionis, ut in sperando, oculos nostros defixos teneamus in veritate Dei.

XI. Pro liberatione præstita grati debemus esse cum liberalitate. ex v. 8. Levit. 7. 16. liberaliter autem offert Deo, qui sponte, cum hilaritate, ac gaudio, & etiam copiose hoc facit. 2 Cor. 9. 6, 7.

Ratio 1. Quia Deus est liberalis & benignus erga nos. 2. Quia ex toto corde debemus Deo esse grati. 3. Quia quum omnia præstitimus, adhuc servi sumus inutiles.

Vfus Increpationis, adversus paritatem hominum in Deo glorificando.

PSALMUS QUINQUAGESIMUS QUINTUS.

Magistro symphonie fidium, ode didascalica Davidis.

2. *Auribus percipe, ô Deus, orationem meam, & ne abscondas te à deprecatione mea:*

3. *Attende ad me, & exaudi me; plango in meditatione mea & perstrepo;*

4. *Propter vocem inimici, propter angorem improbi: quia avertunt in me iniquitatem, & irati intestino odio prosequuntur me.*

5. *Animus meus dolet in me, & terrores mortis accidunt mihi:*

6. *Timor & tremor invadit me, & obtegit me horror:*

7. *Adeo ut dicam, ô si quis daret mihi alam velut columba; evolarem ubi habitare possem.*

8. *Eccè, quam longissime evagarer, commoraturus in deserto, vehementissime.*

9. *Maturarem effugium mihi, à vento rapidissimo, à turbine.*

10. *Perde, Domine, divide linguam eorum; nam video violentiam & contentionem in civitate.*

11. Interdium & nocte circumdant eam versantes in muris ejus; iniquitasque & perversitas in medio ejus sunt:

12. Arcumque sunt in medio ejus & non recedunt à platea ejus fraus & dolus.

13. Non enim inimicus probro afficit me, quod ferrem; non os meum adversum me se attollit, à quo me absconderem:

14. Sed tu mortalis par mihi, dux meus & familiaris meus,

15. Qui pariter dulce habuimus consilium, in domum Dei ibamus cum frequentia.

16. Aget exactorem mors invadens eos, descendent in sepulcrum viri: nam mala sunt in commemoratione ipsorum, in medio ipsorum.

17. Ego Deum inclamabo, & Jehova servabit me.

18. Vespere & mane atque meridie meditabor & perstrepam, donec audierit vocem meam.

19. Redemit vitam meam ne belligerens in me, collocans in pace: quando multis copiis belligerant, fuerunt penes me.

20. Audiet Deus sortem, & contestabitur istos, ut permanet in æternum, vehementissime; quibus non sunt mutationes, neque timent Deum:

21. Quorum quisque extendit manus suas in colentes pacem secum, profanat fœdus suum:

22. Cujus blanda sunt, butyrina verba, dum bellum insidet animo ejus: cujus meliora quidem verba oleo, sed stricti gladii sunt.

23. Rejice in lehovam, quicquid das tibi, & ipse sustentabit te: non permittet unquam iusto ut dimoveatur.

24. Tu itaque Deus, detruas istos in puteum corruptionis: homines sanguinarii & dolosi non perducent ad dimidium dies suos; ego vero confidam tibi.

ANALYSIS.

SCOPUS Davidis in isto Psalmo, est implorare Dei opem adversus conspirationem factam ab Absalone. Petitio proponitur generaliter. v. 2. & 3. & specialiter. v. 10. in principio. & v. 16.

Primum argumentum & præcipuum est à gravitate malorum quibus premebatur. Gravitatem autem suam calamitatis declarat 1. Ab orationis modo, quæ fuit cum gemitu & planctu miserabili. v. 3. in fine, cujus causa collocatur in improbis calumniis, vexationibus, molitionibus, & odiis inimicorum, v. 4. 2. Eiusdem calamitatis gravitatem ostendit ab interno suo affectu, ex quo planctus

& gemitus ejus fluebant, dolore scilicet, terrore, tremore, & horrore, quo animus ejus quasi obrutum se sentiebat, v. 5, 6. Quæ animi dispositio illustratur per suum effectum, vehemens nempe desiderium ab istis malis, quam longissime, si fieri posset effugiedi, v. 7, 8, 9.

Secundum argumentum petitur ab improborum hostium exultatione, cujus indignitas talis esse indicatur, ut in illis improbitas ipsa, cum fraude & dolo civitatem Hierosolymitanam videatur occupasse, muros circumiens instar custodiæ militaris, & omnes partes ejus in potestate sua tenens. v. 10, 11, 12. Hæc autem improbitas

tas illustratur exemplo Achitophelis, qui præcipuus artifex fuit in ista conspiratione promovenda. cujus scelestæ nequitia declaratur per causam prohibentem, conjunctionem videlicet summam, quam antea habuerat cum Davide, quæ ipsum (nisi etiam humanam naturam exuerat) detinere debuerat, ne contra vitam amici sui conspiraret. v. 14, 15. quod etiam amplificatur comparatione insectationis à professo & noto hoste proficiscen- tis, tanquam longe minoris, & magis tolerabilis. v. 13.

Tertium argumentum petitur à constantia Davidis in fiducia, & invocatione Dei. v. 17, 18. cui adjunctam indicat singularem consolationem.

Quartum argumentum petitur ab experientia antegressa. v. 19. cujus consequentæ ratio subjicitur ab immutabilitate Dei. v. 20.

Quintum argumentum à desperata nequitia inimicorum suorum, tam quoad impietatem adversus Deum. verf. 20. in fine; quam quoad inhumanitatem adversus homines. v. 21. quæ ab hypocritica perversitate, qua tecta fuerat, amplificatur. v. 22.

Conclusio denique petitionis ac Psalmi totius est in apprehensione solidæ consolationis in promissione Dei fundatæ, quam hortatorio modo proponit. v. 23. & accommodat ad causam suam præsentem. v. 24.

DOCUMENTA.

I. Improborum hominum injuriæ piis aliquando magnas adferunt animorum perturbationes. ex v. 3, 4, 5, 6.

Ratio 1. Propter pericula, quæ

minantur & sæpe creant. 2. Propter perversitatem eorum qui mala pro bonis rependunt. 3. Propter iniquam suspensionem iniquitatis, quam afflictis aspergunt. v. 4. *avertant in me iniquitatem.* 4. Ex infirmitate piorum, qua sæpe fit ut istiusmodi afflictionibus magis frangantur quam par est. 5. Sæpe etiam ex conscientia peccatorum, propter quæ Deus tales vexationes ipsis immittit: quæ fuit Davidis conditio in conspiratione Absalonis.

Usus Admonitionis, ne novi quid & desperandi causa videatur, si vel nobis, vel aliis bonis tale quid contingat.

I. In istis angustiis pii sic sunt animati, ut easdem omni legitima ratione fugere vellent. ex v. 7, 8, 9.

Ratio 1. Quia naturale hoc est fugere malum. 2. Quia vexatio est animo pio, impietatem videre dominantem. 2 Pet. 2. 7. 8.

3. Quia vita tranquilla per se magis convenit exercitio pietatis. 1 Tim. 2. 2. 1 Pet. 3. 7.

Usus Admonitionis, ut caveamus ne nostra aliqua culpa accersamus nobis hujusmodi vexationes.

II. Querelæ & planctus de istis & omnibus nostris pressuris in preces debent converti. ex v. 3. *Plango in meditatione mea, & perstrepo.* Jer. 38. 14.

Ratio 1. Quia magnam levamen inde sequitur, quando exoneramus animos nostros, & curas deponimus quasi in sinu faventis. 1 Sam. 1. 15. Lam. 2. v. 19.

2. Quia hoc est nobis insitum, ut angustias & sollicitudines nostras ad illum deferamus, in quo fiduciam habemus collocatam. Psalm.

37. 5. & 61. 9. 3. Quia idcirco sæpe immittuntur nobis mala, ut eo magis excitemur ad Deum querendum. Hof. 5. 15. 4. Quia representatio nostræ miseriæ coram Deo, est quasi efficax argumentum ad ejus misericordiam erga nos permovendam.

Vsus Directionis, ne unquam dolori & angori alicui succumbamus, aut ad vana remedia confugiamus, sed in tempore coram Deo effundamus.

I V. In precibus adversus impios Ecclesiæ hostes instituendis, considerare juvat exempla judiciorum Dei adversus tales. ex v. 10. *absorbe, divide linguam eorum*. ubi in priorē phrasi allusisse videtur David ad perditionem Dathanis, & Abiram. Numb. 16. in altera vero manifesta relatio apparet ad divisionem factam inter eos, qui turrim Babelis exstruere volebant. Gen. 11.

Ratio 1. Quia talia exempla declarant quam facile sit Deo suos & nostros hostes coercere. 2. Declarant etiam Deum, quia sui similis manet, idem etiam suo tempore, & secundum sapientiam suam efficere velle. 3. In illum finem edita fuerunt & nobis nota facta hæc exempla, ut ex illis fides nostra ex occasione simili confirmetur.

Vsus Directionis, ut non historice tantum, sed & practice attendamus ad exempla judiciorum Dei, ita ut ex eis fides nostra possit confirmari.

V. Hujusmodi exemplis præcipue confirmare nos debemus, cum iniquitas maxime videtur exultare, & omnia tenere in sua potestate. ex v. 10, 11, 12.

Ratio 1. Quia hæc est maxima tentatio, qua fides nostra impugnatur, atque adeo omnia præsidia requirit, ut possit repelli. 2. Quia hæc exultatio improbitatis gloriæ Dei maxime adversatur, cui fide saltem & piis votis, quantum in nobis est, consulere debemus. 3. Quia illud ipsum est tempus singularium judiciorum Dei, quando iniquitas pervenit quasi ad mensuram plenam.

Vsus Consolationis, adversus terrores iniquitatis ad tempus prævalentis.

VI. Inter omnes iniquitatis injurias nulla magis afficit virum bonum, quam perfidia falsorum animorum. ex v. 13, 14, 15.

Ratio 1. Quia non tantum est præter se etiam contra omnem opinionem & expectationem præconcepam. 2. Quia exprobrat illi, qui decipitur, quasi fatuam credulitatem. 3. Quia penetrat ad illum cordis affectum acerbæ perturbandum, qui antea suaviter acquiescebat in amico.

Vsus Admonitionis, ne temere complectamur illos amicitia, qui cum tempore quasi vento mutantur.

VII: Omnibus injuriis & tentationibus hominum opponere debemus orationem erga Deum. ex v. 17.

Ratio 1. Quia hac ratione illicita vindictæ cupiditas & similes animi perturbationes, quæ ex injuriis oriri solent, vel declinantur, vel coercentur. 2. Quia sic Deo tribuitur gloria tam salutis nostræ, quam vindictæ justæ adversus inimicos nostros. 1 Pet. 4. 19. Rom. 12. 17, 19. 3. Quia hæc est expeditissima

tissima ratio ex omnibus periculis evadendi, sicut est in textu.

Vsus Directionis, ut perpetuo studeamus huic animi dispositioni, quoniam officium est inclinationi naturali maxime adversum.

VIII. Maxime consentaneum est pietati, ut quotidie Deum invocemus statis temporibus, ut vespere, mane, & meridie. ex v. 18. Dan. 6. 11.

Ratio 1. Quia oratio nostra debet esse aliquo modo perpetua.

1 Thess. 5. 17. Sed non potest perpetuo continuari, nisi quotidie in ea nos exerceamus.

2. Quia jubemur quotidie petere panem nostrum quotidianum: & non minor est ratio, cur ceteras etiam Dei benedictiones quotidie petamus, & de eisdem etiam cum laudemus.

3. Quia dies singulæ suam habent vexationem, oratione leniendam. Matth. 6. 34. & sua bona, oratione sanctificanda. 1 Tim. 4. 2.

4. Quia dies singulæ repræsentant nobis quasi vitam nostram totam: neque certi sumus de pluribus diebus postea secururis. Non possumus igitur per diem ullum Deum negligere, nisi etiam per totam vitam sic agere parvi faciamus.

5. Quia tam institutione de sacrificio jugi, cum suffitu, mane & vespere offerendo, quam communi instinctu piorum omnium, qui non sunt in religione tepidi, praxis ista nobis commendatur. Psalmo. 14. 1, 2.

6. Quia quotidie singulares & novas causas habemus tam petitionis, quam gratiarum actionis. 7. Quia nisi quotidie ad Deum per orationem ascendamus, necesse est ut animis descendamus, & ab ipso longius re-

cedamus. 8. Quia Deus quotidie nos inclamat, Operibus, Verbo, & Spiritu suo, ut faciem ipsius quaeramus. 9. Quia fieri vix potest, ut quis agnoscat se in præsentia Dei perpetuo versari, & tamen integrum diem transigat sine ulla religiosa ejus compellatione. inter homines non haberetur filius bonæ indolis, qui sic negligeret patrem suum terrestrem, nugæ agens per totum diem in ejus præsentia, nullam exhibens ipsi reverentiam.

Vsus Redargutionis, adversus profanum neglectum hujus officii etiam in familiis Christianorum.

IX. In precibus fiduciam nostram confirmare debemus recollectione bonitatis Dei, quam antea sumus experti. ex v. 19, 20.

Ratio 1. Quia experientia hæc mixta cum fide est evidens testimonium, quod Deus nobis favet.

2. In hoc testimonio responsum gratiosum accipimus à Deo, etiam quum incipimus precari. 3. Per istam applicationem experientie nostræ ad usum istum, ostendimus bonitatem Dei non frustra nobis fuisse communicatam, atque adeo disponimur ad ampliorem ejus communicationem, eoque Deum quasi innoxiamus. 4. Hac ratione Deo tribuimus gloriam debitam immutabilitatis suæ. v. 20.

Vsus Directionis, ut ad fidem ac spem nostram confirmandam, bene observemus bonitatem omnem Dei, quam erga nos manifestat.

X. In expectatione judicii Dei adversus impios, confirmari possumus, eorum obfirmata impietate, inhumanitate perfida, & perversa, hypocrisis, cum similibus vitiis ex v. 20. in fine 21, 22.

Ratio 1.

Ratio 1. Quia hæc sunt quæ Deus singulariter odit & abominatur.

2. Quia notæ sunt iniquitatis quæ mensuram suam fere implevit.

3. Quia signa vel notæ sunt perditionis.

Vsus Consolationis, adversus vexationem omnem quæ per nequitiam ullorum hominum potest nobis creari.

XI. Fiducia confirmatæ actus est, Deo commendare omnes nostras curas, cum certa expectatione felicitis eventus. ex v. 23, 24.

Psal. 37. 5. Deolve super lebo-
vam tuam. & v. 8. *Atquiesce*
tehovis. Matth. 6. 25. Luc. 12. 22.
Ne essetis solliciti, &c. i Pet. 3. 7. Om-

*ni sollicitudine vestra in eum conje-
cta. nam ipsi cura est de vobis.*

Ratio 1. Quia fiduciam in Deo collocare, nihil aliud est, quam ni-
ti Deo, ut per ipsum à malo libe-
remur, & quod bonum est conse-
quamur. *2.* Quia quo major est
fiducia nostra in Deo, eo mi-
nor est metus noster, & anxietas
de eventu. *3.* Quia ex ipsa fiducia
nostra, si recta sit, certo concludere
possumus Deum secundum pro-
missionem suam daturum, quod ex-
petimus nobis dari.

Vsus 1. Exhortationis, ad istam
fiduciam comparandam. *2. Conso-
lationis,* si per Dei gratiam sit nobis
donata.

PSALMUS QUINQUAGESIMUS SEXTUS.

*Magistro symphoniz, de anima vix pariente à manipulo longinquo-
rum, insignis odc Davidis: quum prebenderent eum Pelisibibai
Gathi:*

1. Gratiam fac mihi, Deus, nam anhelus persequitur me mortalis; toto
die oppugnator opprimit me.

3. Nam anhelant observatores mei toto die, quia multi sunt: è sublimi
propugnatores adsunt mihi.

4. Quia die timebo, ego in te confidam.

5. In Deo laudabo verbum ejus; in Deo confidam, non timebo: quid
faciat caro mihi?

6. Toto die rebus meis dolorem asserunt, contra me omnes cogitationes
eorum ad malum spectant.

7. Conveniunt, desinunt ipsi; vestigia mea observant, ut qui ex-
petant vitam meam.

8. Pro iniquitate patris mei, in ira populos desice Deus.

9. In vagationes meas in numerato habes: pone quamque lacrymam
meam in utre tuo; an non essent in numero tibi?

10. Tunc revertentur latronis mei retrorsum, quia die clamabo; hoc scio:
Deus affore mihi.

11. In Deo laudabo verbum, in lebova laudabo verbum.

12. In Deo confido, non timebo: quid faciat homo mihi?

13. Nec enim erum o Deus, vota tua; persolvam gratiarum actiones
tibi.

14. Nam eripis animam meam à morte, annon pedes meos à lapsu eripe-
res? ut indefaenter ambulem coram Deo in luce hujus vite.

ANALYSIS.

PSALMI hujus occasio fuit apprehensio Davidis à Philistinis Gathi. Quia vero bis eo confugerat, 1 Sam. 21. 10. & 27. 1, 2, 3. & ex occasione prioris conscriptus fuit Psalm. 34. hic Psalmus confectus videtur posteriore vice. Quod etiam inde apparet, quod in hoc Psalmo mentio fiat violentæ ac diuturnæ persequutionis, qualem priore vice David necdum fuerat expertus.

Scopus est petere à Deo protectionem & liberationem ab illis periculis, in quibus versabatur. v. 2, 8, 10. & 14.

1. Argumentum petitur à gravitate periculi, cui sine Dei speciali auxilio impar ipse fuit. Quod tam à vehementi imperu hostium, quam ab eorum pertinacia, & multitudine declaratur. v. 2, 3.

2. Argumentum petitur à fide & fiducia, quam habuit in Deo firmiter collocatam, in medio gravissimorum periculorum. Quæ illustratur 1. Ab effectu opposito, timore scilicet animum percellente. v. 4. *Qua die timebo, ego in te confidam.* 2. A causa ejus propriis, verbo, aut promissione Dei rite apprehensa & æstimata. v. 5. in principio. *in Deo laudabo verbum ejus.* 3. Ab oppositi timoris expulsiōe, ibidem in medio. *non timebo.* Cujus victoriæ propria ratio declaratur per

comparationem inter objecta vel causas fiduciæ ac timoris, *Deum & carnem*, institutam, ibidem. & v. 11, 12. 3. Repetitur Argumentum 1. & explicatur gravitas periculi, ab hostium malitiâ, calliditate, & vigilantia. v. 6, 7. Argumentum 3. petitur à tutelari & paterna Dei

providentia, qua rationem accuratam habet omnium periculorum, dolorum, querelarum & petitionum eorum, qui in ipso confidunt: quod etiam opportuno tempore faciet manifestum, v. 9, 10. 4. Argumentum 4. petitur à fructu gratiæ Dei celebrationis, quantum habuit animo destinatam, & postea esset præstiturus. v. 13. cuius ratio redditur. v. 14. quod finis sit divinæ liberationis.

DOCUMENTA.

1. Pii homines quo magis angustiis premuntur, eo magis confugiunt ad gratiam Dei. ex v. 2, 3.

Ratio 1. Quia necessitas major apparet. 2. Quia securitas & torpor, qui alias obrepere solet, hac ratione excutitur. 3. Quia norunt pii omnes afflictiones à Deo imitti, & gubernari. 4. Quia hæc unica est ratio ex tentatione ac malo afflictionis prementis evadendi.

Vsu Directionis, ut neque parvi faciamus castigationem Domini, neque animis frangamur, quando affligimur. Heb. 12. 5. sed ad Deum revertamur, qui percussit, & obligabit. Hos. 6. 1.

II. Dum confugiunt ad Deum, per fiduciam luctantur adversus metum. ex v. 4.

Ratio 1. Quia communis infirmitas carnis est metuerè, sed spiritus est non metuerè sine fiducia.

2. Quia sine fiducia non possunt Deum efficaciter invocare. 3. Quia fiducia est illud quod in tentatione præcipue impugnatur, & cuius confirmatio imprimis debet quæri.

Vsu 1. *Consolationis*, de sensu timoris animos abjiciamus, quasi sig-

signum esset infidelitatis. 2. *Directionis* ut in omni tentatione fiduciam veram in animis nostris excitare præcipue studeamus.

III. Ad fiduciam confirmandam unice facit condigna æstimatione verbi & promissionis Dei. ex v. 5.

Ratio 1. Quia hoc verbum Dei est fiduciae nostrae regula, & mensura. 2. Est ejusdem fiduciae causa efficiens impellendo, procreans & conservans. 3. Est etiam expectationis fiduciae proprium objectum. 4. Valet adversus sensum, & omnia illa quæ in contrarium apparent, quatenus demonstrat, & facit fidei subsistere quæ non cernuntur. Heb. 11. 1. 5. Quia iuxta verbi æstimatione non potest à fiducia separari. 1 Joh. 5. 10.

Vsus Directionis, ut Indies proficere studeamus in æstimatione & applicatione verbi Dei.

IV. Ad fiduciam ex verbo Dei confirmandam juvat sæpe comparare inter sese Deum & creaturas. ex v. 5. in fine.

Ratio Quia ad vincendum creaturæ metum, directe ac plurimum facit, apprehendere Deum infinite superiorem. vincere enim est superare.

Vsus Directionis, ut in istiusmodi meditationibus religiose nos exercemus.

V. Ut fiduciam & consolationem habeamus in eo, specialis & accurata ejus providentia est fide apprehendenda. ex v. 9.

Ratio 1. Quia in variis & singularibus angustiis, singularis requiritur conservatio. *Vagationes meas in numero habes.* 2. Quia in variis & singularibus querelis, & invocationibus Dei, singularis re-

quiritur exauditionis fides ad animi firmam consolationem. *Pons quæque lacrymarum meam in aëre tuo.*

3. Quia hujus providentiæ fides sustentat animum pium adversus omnes terrores. Mat. 10. 29, 30.

Vsus 1. *Informationis*, Quod providentia Dei sit universalis, & specialis, accurata, certa, omnes & singulas actiones hominum curans, gubernans, & in bonum fidellum convertens. 2. *Directionis*. Quomodo doctrinam de providentia Dei credentes, eandem ad nostram consolationem applicare debemus.

VI. Providentiæ Dei fides ad certam consolationem conjungi debent cum nominis ejus invocatione. ex v. 10. *quò die clamabo.*

Ratio 1. Quia hæc invocatio est agnitio & prædicatio providentiæ divinæ, & nostræ ex eadem per fidem dependentiæ. 2. Quia invocatio est medium sanctissimum, quo providentia Dei utitur ad nostram salutem procurandam.

3. Quia est quasi extensio manus fiduciae nostræ ad providentiæ divinæ dona sancto recipienda.

Vsus Redargutionis, adversus eos qui fiduciam quandam profitentur in providentia Dei, & interim negligunt nominis ejus invocationem.

VII. Pro singularibus beneficiis divina providentia nobis concessis, singularis obligatio gratitudinis nobis incumbit. ex v. 13. *Super me, & Deus, vota tua.*

Ratio 1. Quia Dei beneficia hoc à nobis merentur. 2. Quia fœderis nostri cum Deo iuxta ratio hoc requirit. 3. Quia hic est finis beneficiorum Dei. v. 14.

Vsus Incepcionis, adversus eos qui ingrate devorant quam plurima Dei beneficia. VIII. Gra-

VIII. Gracitudo noſtra debet eſſe realis in vita & factis, non in verbis tantum. ex verſ. 14. *Ut indefinenter ambulem coram Deo.*

Ratio 1. Quia beneficia Dei ſunt realia. 2. Quia ſyncerus cordis affectus totum hominem ſecum

ſemper fert. 3. Quia Deus eſt omnibus viribus noſtris glorificandus, tam externe, quam interne.

Uſus Exhortationis; ad genuinam iſtam gratitudinem Deo exhibendam.

PSALMUS QUINQUAGESIMUSSEPTIMUS.

Magiſtro ſymphoniæ; ne perdas, Davidis ode inſignis: quum fugeret metu Schaulis in ſpeluncam.

2. Gratiā fac mihi Deus, gratiā fac mihi, nam ad te ſe recepit anima mea; & ad umbram alarum me recepturus ſum, donec tranſſuerint ærumnæ.

3. Invocabo Deum excelſum, Deum fortem perficientem erga me.

4. Mitte è calis ut ſervet me afficiens eum probro qui me anhelus perſequitur vehementiſſime: Mittet Deus benignitatem ſuam; & veritatem ſuam.

5. Ego inter immanes leones ſum, jacco inter incendiarios: inter homines, quorum dentes haſta & ſagitte ſunt, & quorum lingua eſt gladius acutus.

6. Exaltare ſupra celos, ô Deus, ſuper totam terram gloria tua.

7. Rete aptaverant gressibus meis, curvaverant animam meam; quam foderant ante me foſſam, cadunt in eam vehementiſſime.

8. Erecto animo meo, ô Deus; erecto animo meo, canam & pſallam, diceus:

9. Evigila gloria mea: evigila nablum & cithara; expergefaciam inde ab aurora;

10. Celebrabo te in populis Domine, pſallam te in nationibus:

11. Magnam eſſe uſque ad celos benignitatem tuam, & ad ſuperiores uſque nubes veritatem tuam.

12. Exaltare ſupra celos, ô Deus; ſuper totam terram gloria tua.

ANALYSIS.

OCCASIO hujus Pſalmi fuit ſingularis perſecutio Saulis, qua David in ſpeluncæ latibulum fuit reſectus. 1 Sam. 24.

Scopus eſt petere liberationem. verſ. 1. *ne perdas*. Petitionis fundamentum præcipuum indicatur in generali modo quo proponitur v. 2. *gratiā fac mihi*. & ejuſdem

inſtans ardor declaratur per illam ingeminationem petitionis: *gratiā fac mihi, Deus, gratiā fac mihi*.

Primum argumentum, quo hæc petitio urgetur, petitur à fiducia tanquam cauſa adminiſtrante, & diſponente ad liberationem, quæ allegorice declaratur ſimilitudine pullorum ſub gallina deliteſcentium

um, ut periculum evadant. v. 2.

Secundum argumentum petitur ab ejusdem fiduciæ constanti exercitio precibus habitis, & insuper habendis. v. 3. *invocabo*. quæ objecti sui ratione formali illustrantur, sufficientia scilicet & efficientia Dei. *Invocabo Deum excelsum, & perfectientem erga me.*

Horum argumentorum conclusio explicatur v. 4. Davidem scilicet conservatum iri hostibus repressis. Quæ conservatio illustratur 1. Suo modo, quod perficietur voluntate ac jussu Dei, auxilium quasi nutu suo mittentis, quod derivatur ex titulo omnisufficientiæ. *Dei excelsi*. v. 3.

Illustratur 2. A causa efficiente, benignitate ac veritate, quarum efficaciam tam certa esse declaratur, ac si essent personæ divinæ visibiliter præsentēs, ac pro Davide pugnantes. ibid in fine. *Mittet Deus benignitatem suam, ac veritatem suam.*

Tertium argumentum petitur ab immanitate periculi quo circumcludebatur David, tanquam à necessaria causa petitionis & objecto invitante Deum ad auxilium contra ferendum. v. 5.

Quartum argumentum petitur à gloria Dei, quæ, per & propter istam liberationem, quasi extolleretur in altum ab angelis & hominibus, cum omni honore spectanda. v. 6. Quæ gloria illustratur 1. A singulari ejus materia, iusta scilicet & proportionata coërtione inimicorum improborum. v. 7.

Illustratur 2. Ab instrumentali ejus causa jam tum ad hoc officium parata, corde scilicet Davidis erecto. v. 8. cujus continuata præparatio primo exprimitur. vers. 9.

secundo extensio operis aut fructus ejus ad populos ac nationes indicatur. v. 10. & tertio in loco, ipsa prædicatio gloriæ Dei representatur, cum in objectiva sua ratione formali, *benignitate, ac veritate*, cum ejusdem quantitate cælos omnes superante v. 11.

DOCUMENTA.

I. Quando homines nos perdere quærunt, tum Deus rogandus est ne ille nos perdere velit. ex v. 1. *ne perdas*. idem est titulus. Psal. 58, 59. & 75.

Ratio 1. Qua hominum consilia & conatus omnes Dei voluntati & providentiæ subjiciuntur; ita ut illi non possint quidquam facere, nisi Deo volente. 2. Quia omnia illa quæ homines faciunt possunt à Deo converti in nostrum bonum.

3. Quia nostrum est in omnibus præcipue respicere Deum & ejus voluntatem, tam in malis ferendis, quam in eisdem depellendis.

Usus Directionis, ne cogitationes nostras in hominibus aut causis aliis secundis deligi sinamus, sed meminerimus semper præcipue nobis negotium esse cum Deo.

II. Ad pericula evadenda, sic debemus ad media confugere, ut præcipue confugiamus ad Deum. ex v. 1. & 2. *David fugiens in speluncam, recepit se ad Deum.*

Ratio 1. Quia media omnia sunt frustranea & vana, nisi Deus per ipsa, & cum ipsis operetur.

2. Quia aliquid est mali in omnibus periculis quod per media externa non potest amoveri, ut malum tentationis. 3. Quia nisi Deus in mediis, & supra media respiciatur, convertuntur media in

in causas principales, atque adeo in Dei loco, tanquam idola, constituantur.

Vsus Directionis, ut neque media negligamus, neque in ipsis acquiescamus, sed utamur ut mediis Dei.

III. Unica ratio confugiendi ad Deum, est constans nominis ejus invocatio. ex v. 3. *invocabo Deum*.

Ratio 1. Quia in precibus elevatur anima ad Deum. 2. Quia in precibus, fiducia illa exercitur qua anima in Deum recumbit.

3. Quia in precibus spes etiam illa declaratur, qua omnia bona à Deo expectantur.

Vsus Exhortationis, ad fervorem & constantiam in Deo invocando.

IV. Invocationis nostræ propria ratio est sufficientia, & efficientia Dei. ex v. 3. *excelsus, perficientem*.

Ratio 1. Quia in istis apprehenditur Deus & potens, & volens nos audire, ac juvare. 2. Quia ex isthac apprehensione spei nostræ consolatio fluit, adversus nostram impotentiam, & aliorum malevolentiam. 3. Quia istarum perfectionum manifestatio in maximam Dei gloriam cedit, quæ præcipue debet in præcibus nostris spectari.

Vsus Directionis. Quomodo possimus corda nostra ad invocationem Dei excitare, & confirmare.

V. Sufficientis efficientiæ Dei pro nobis facientis certitudo pendet ex benignitate & veritate Dei. ex v. 4. *Mittet benignitatem suam, & veritatem suam*.

Ratio 1. Quia fiducia ac spes nostra tota pendet ex promissionibus Dei, quæ constant ex benignitate ac veritate. 2. Quia benignitas ac veritas Dei imme-

diatè spectantur in ejus invocatione, ad promissionum obsignationem & complementum.

Vsus Directionis, ut in precibus nostris intueamur attente benignitatem & veritatem Dei.

VI. Nullius periculi gravitas tanta est, quin à benignitate & veritate Dei superetur. ex v. 5. cum 4. Rom. 8. 35, &c.

Ratio 1. Quia Deus non circumscribitur aut limitatur à rebus externis. Psalm. 78. 41. 2. Quia benignitas Dei longitudinem, latitudinem, & profunditatem habet majorem, quam ut possit comprehendere, nedum superari. Ephes. 3. 18, 19. 3. Quia benignitas Dei maxime solet superabundare, ubi malum abundat. Rom. 5. 20.

Vsus Consolationis, adversus desperationem, etiam si mala, quibus premimur, videri possint ineluctabilia, & plane desperata.

VII. Ex benignitatis & veritatis Dei manifestatione singulariter pendet gloria nominis divini. ex v. 6.

Ratio 1. Quia summa Dei perfectio hac ratione manifestatur.

2. Quia manifestatur in consolationem ac salutem eorum qui confidunt in ipso; atque adeo in aliorum vel conversionem, vel confusionem. 3. Quia ista perfectio maxime celebratur in Ecclesia, cujus felicitatem procurat.

Vsus 1. Directionis, ut istius gloriæ manifestationem in precibus ac votis nostris intendamus.

2. *Exhortationis*, ut ejus nomine perpetuo Deum celebremus.

VIII. Singulariter facit ad gloriam Dei illustrandam, quando

notabilis proportio apparet inter peccatum & poenam ipsorum. ex v. 7.

Ratio. Quia iustitiæ, & providentiæ divinæ accurata ratio magis apparet.

Vsus Directionis, ut diligenter observemus istiusmodi dispensationes Dei, & in eisdem nomen ejus glorificemus.

IX. Ad Deum glorificandum debemus nos totos omni modo præparare, & excitare. ex v. 8, 9.

Ratio I. Quia Deus hoc à nobis ita meretur, ut officium nostrum nunquam satis possimus implere. Nehem. 9. 5. 2. Quia magna laboramus ineptitudine, & tarditate in hoc officio præstando.

3. Quia multa sunt quæ requiruntur ad Deum toto corde, toto animo, & omnibus viribus celebrandum. *Canam & psallam, gloria, natio, cithara.*

Vsus Exhortationis, ut cum omni diligentia & religiosa cura exerceamus nos, tam privatim quam publice, in eis mediis quibus ad hoc officium parari & excitari possimus.

X. Pertinet ad officium nostrum, in Deo glorificando, ut apud quamplurimos ex occasione ipsum celebremus. ex v. 10.

Ratio I. Quia manifestatio gloriæ divinæ hoc pacto fit extensione sua major. 2. Quia hac via excitantur alii ad Deum nobiscum glorificandum. Matth. 5. 16. Psalm. 34. 4.

Vsus Admonitionis, ne pudeat nos hoc facere coram quibusvis, ex occasione iusta.

XI. Ad officium hoc celebrationis Dei rite præstandum necessaria est admiratio magnitudinis, benignitatis & veritatis Dei. ex v. 11.

Ratio I. Quia nulla potest esse proportio inter affectum nostrum & bonitatem Dei; nisi per apprehensionem infinitæ bonitatis, quæ superans apprehensionem, eandem rapit in admirationem.

Vsus Admonitionis, ne acquiescamus in qualibet apprehensione & celebratione bonitatis Dei, sed admirando laudemus eam, & laudando admiremur.

PSALMUS QUINQUAGESIMUS OCTAVVS.

Magistro symphonia, ne perdas; Davidis ode insignis;

2. An re vera, o manipule; iustitiam loquimini? quæ recta sunt iudicatis, filii hominis?

3. Quin etiam ex animo iniquitates operamini; in hac terra violentiam manuum vestrarum appenditis.

4. Ab alienant se improbi inde à vulva, aberrant inde ab utero loquentes mendacium.

5. Venenum est illis simile veneno serpentis, sicuti aspidis surda obturantis aurem suam.

6. Quæ non auscultat vocem iustitiantium; utentis incantationibus pericissimis.

7. O Deus, destrue dentes eorum in ore ipsorum; molares iuvinum lequam demolire Ichora.

8. Lique-

8. *Liquefiant sicut aqua, indefinenter abeant; intentantis sagittas suas, tanquam in spicas abeant sagittæ.*

9. *Sicut limax liquefcens abeat quisque, ut abortus mulieris, ut qui non viderunt solem.*

10. *Quum nondum sentientur spine vestre, spinæ cinobati: tam redivivam, quam adustam procellet quamque.*

11. *Latabitur justus, quum viderit ultionem, pedes suos lavabit in sanguine improbi.*

12. *Dicetque homo, utique est fructus justo; utique est Deus, est iudex in terra.*

ANALYSIS.

SCOPUS Dativis in hoc Psalmo est semetipsum consolari adversus inimicorum suorum iniquas molitiones, ipsosque simul acriter admonere, ad eorum vel emendationem, vel convictionem & terrorem.

In istum finem 1. Inimicos suos arguit maximi reatus peccati. ad v. 7. 2. Denunciat gravissima Dei judicia ipsos apprehensura. v. 11. 3. Declarat usum & fructum eorum judiciorum quoad pios. v. 11, 12. 1. Peccatum ipsorum describitur negative ex privatione officii quod ipsis incumbere, iuste & recte judicandi, ac loquendi. v. 2. 2. Affirmative per gradationem ad majus: quod scilicet non tantum non recte & iuste judicarent, sed ex adverso omnem suam operam injustitiæ navarent. v. 3. *quinetiam iniquitates operamini.* Ubi etiam hæc injustitia exaggeratur. 1. A quantitate, quod non simplex fuerit, sed multiplex & quasi generalis, *iniquitates.* 2. A causa, quod non tam ex metu Saulis, quam ex proprii cordis malitia profluxerit. *ex animo vel corde.* 3. A perfectionis gradu comparative explicato, quod eandem accurationem adhibuerint circa injusti-

tiam, qua justitiam debuerant procurare: *appenditis.* 4. A subjecto loco in quo hæc injustitia exercebatur: *in hac terra.* Denique peccatum ipsorum amplificatur tam ab adjuncta duratione, quod inceptum à prima nativitate v. 4. quam qualitate ejus mortifera, simili veneno aspidis v. 5. & simul à desperatæ obstinationis adjuncto, qua contra omnia commutationis media manebat invictum. v. 6. 2. Judicium Dei (sub imprecationis forma,) 1. Describitur suis partibus, quod potestas & vires, quibus ad nocendum abutebantur, ipsis adimerentur. v. 7. quod ipsi met una cum suis telis quasi in nihilum dissolventur. verf. 8. 2. Tempus opportunum ejusdem judicii notatur, quod opprimit ipsos antequam pii ab ipsis opprimantur. v. 10. 3. Usus & fructus hujus judicii apud pios, est. 1. Lætitia magna. v. 11. 2. Fidei confirmatio, & Dei celebratio. v. 12.

DOCUMENTA.

I. Improbissimi homines præ se ferre solent justitiæ & rectitudinis curam. ex v. 2. *an revera, &c.*

Ratio 1. Quia nonnunquam ita sunt occaecati & perversi, ut malum vocent bonum. *Jes. 5. 20. Joh. 16. 2.* 2. Quia famam magis quam conscientiam aut Deum metuentes, cupiunt videri iusti, quum sint maxime iniusti.

2. Quia maxima ex parte iniustitia habet aliquem prætextum paratum, quo apud imperitos potest palliari, & videri iustum.

Vsus Admonitionis, ut magis queramus esse, quam videri iusti.

II. Improbi maxima ex parte conscii sunt sibi metipsis suæ improbitatis. *ex v. 3. in corde.*

Ratio 1. Quia proposita & intentiones suas norunt, quibus student improbitati. 2. Quia ista proposita cordis dissentiunt plane ab externa ipsorum professione. 3. Quia subinde à cordibus & conscientius suis arguuntur suæ nequitiae.

Vsus Admonitionis, ut corda nostra imprimis curemus recta & integra conservare.

III. Augetur, non minuitur iniustitia simulata specie iusti. *v. 3. appenditis.*

Ratio 1. Quia conscientia mala simulata specie fovetur. 2. Quia iustitia ipsa cogitur aliquo modo iniustitiam fovere, & in ejus participationem transire. 3. Quia nequitia hac ratione armatur, & confirmatur, adversus omnem spem correctionis.

Vsus Condemnationis, adversus eos qui sub specie juris iniustitiam exercent. *Psalm. 94. 20.*

IV. Augetur etiam iniustitia, quando exercetur in terra iustitiae. *ex v. 3, in hac terra. Jes. 26. 20.*

Ratio 1. Quia plus legis violatur, dum plura media bene vivendi contemnuntur. 2. Quia gravius admittitur scandalum.

3. Quia Dei nomen hac occasione blaphematur.

Vsus Admonitionis, erga membra Ecclesiae, ut eo magis sibi met caveant à peccatis, quia sunt tales.

V. Quo diutius improbitas in improbis duravit, eo magis sunt desperati. *ex v. 4.*

Ratio 1. Quia peccati continuatio est aliquo modo ejusdem repetita multiplicatio. 2. Quia per continuationem peccati gignitur habitus peccandi, & sic peccatum fit magis plene peccans.

3. Quia peccatum diu infixum est magis immobilitate. 4. Quia hac ratione cor obduratur, tollitur sensus & extinguatur conscientia peccati. 4. Quia hoc pacto peccator magis abalienatur à Deo, & Deus ab ipso, sicut est in textu.

Vsus Admonitionis, ne differamus resipiscentiam nostram, sed hodie ad Deum revertamur.

VI. Peccatum regnans est plane simile mortiferi veneni. *ex v. 5.*

Ratio 1. Quia peccatori intert mortem. 2. Quia eo etiam tendit, ut aliis lethaliter possit nocere. *Rom. 3. 13.* 3. Quia mala quæ infert, nulla arte humana possunt curari.

Vsus Directionis, ut iudicio, affectu, & omni parte conversationis, sic nos geramus adversus peccatum, sicut adversus pessimum venenum.

VII. Complementum peccati in eo consistit, quod vincat omnia media correctionis. *ex v. 5, 6.*

Ratio.

Ratio Quia hæc est obstinatio in peccato, resipiscentiæ spem excludens.

Vsus Admonitionis, ut caveamus nobis ne emendationis ac salutis mediis obstinate resistamus.

VIII. Adversus istiusmodi Dei & Ecclesiæ hostes optare & sperare possumus ac debemus singularem Dei vindictam. ex v. 7, 8, 9, 10.

Ratio 1. Quia Dei gloria & Ecclesiæ salus hoc requirit.

2. Quia Deus hoc minatus est impiis, Ecclesiæ promisit, & absolute futurum prædixit.

Vsus Directionis, Ne temere utamur imprecationibus adversus hunc aut illum male nobis facien-

tem, sed adversus desperatos Ecclesiæ hostes.

IX. Ex Dei judiciis adversus impios, pii debent in pietate magis ædificari. ex v. 11, 12.

Ratio 1. Quia gloria Dei in iustitia ejus illustratur, qua excitari debent ad majorem honorem ipsi tribuendum. 2. Quia impiorum repressio est piorum liberatio & victoria; cujus nomine Deus est singulariter laudandus. v. 11.

3. Quia experientia ista confirmatur fides de fructu pietatis in æterna felicitate percipiendo. v. 12.

Vsus Directionis, ut tam judicia quam beneficia Dei sint nobis semper, fidei sigilla, & incitamenta pietatis.

PSALMUS QUINQUAGESIMUS NONUS.

Magistro symponiæ, ne perdas, Davidis ode insignis, quum misisset Schaul qui observarunt domum illius, ut morte afficerent illum.

2. Libera me ab inimicis meis, Deus mi; supra erigentes se contra me extolle me.

3. Libera me ab iis qui operam dant iniquitati, & ab hominibus sanguinariis serva me.

4. Nam ecce, insidiantur vitæ meæ, conveniunt contra me robusti; nulla defectione mea nulloque peccato meo, Jehova.

5. Nulla iniquitate mea concurrunt & comparant se: evigila venturus obviam mihi, & respice.

6. Tu ergo Jehova, Deus exercituum, Deus Israël, expergiscere ad visitandum omnes gentes istas: ne gratiam facias ullis perfide agentibus iniquitatem summe.

7. Revertuntur vespere, gannunt ut canis; & circumdant civitatem.

8. Ecce, eructant ore suo, gladios adhibent ad labia sua; nam quis audit? inquiunt.

9. At tu Jehova ridebis eos; subsannabis omnes istas gentes.

10. Robur obtineat illo, te observabo; nam Deus est editus locus meus.

11. Deus benignitatis meæ præveniet me: Deus faciet ut aspiciam observatores meos:

12. Ne occidas eos, ut non obliviscantur populares mei: exagita eos v. 13. & deice eos, clypeus noster Domine.

13. Peccatum oris sui, verbum labiorum suorum, quando fuerint

deprehensum in superbia sua; tum præ execratione, tum præ macie enarrent.

14. *Consume æstu, consume, donec non sint amplius; ut sciant, Deum summe dominari in Jabaqob, usque ad fines terræ.*

15. *Quum revertuntur vespere, ganniant ut canis; & circumdant civitatem.*

16. *Seipso exogitent ad comedendum, quum non fuerint saturati, tum cogantur pernoctare.*

17. *Ego vero canam robur tuum, & cantabo in matutinum quodque benignitatem tuam; te fuisse locum editum mihi & persugium quo die fuit angustia mihi.*

18. *O robur meum, tibi psallam; Deum esse locum editum meum, Deum benignitatis meæ.*

ANALYSIS.

OCCASIO hujus Psalmi fuit insidiatio, obsessio, & vis tentata adversus Davidem in sua propria domo per Saulis ministros. v. 1, 4, 5. cujus rei historia narratur I Sam. 19. 11, &c.

Scopus est à Deo petere protectionem & liberationem. v. 2, 3. & 5. una cum hostium coërtione, tanquam medio necessario ad istam liberationem. v. 6.

Hæc petitio 1. suadetur ab adjunctis qualitatibus hostium, quod fuerint in genere improbi, & in specie crudeles homicidæ. v. 3. & 4. in principio. Hoc autem demonstratur 1. Aqualitate Davidis, qua persecutorum iniquitas aggravatur, quod scilicet innocens fuerit, neque ullam causam dederit huic odio & crudeli insectationi hostium suorum. vers. 4. & 5. 2. Illustratur per similitudinem gentium à populo Dei alienarum. v. 6. 3. Describitur ab effectis. v. 7, 8. Quæ sunt 1. sedulus conatus male faciendi: *revertuntur vespere*. 2. Effertus imperus ad eundem conatum perficiendum: *ganniant ut canis*. 3. Indefessa pertinacia in proposito persequendo: *circumdant civitatem*. 4. Im-

pudens professio & jactatio crudelitatis conceptæ, & opinione sua statim exequendæ: *eruant ore suo gladios*. Quorum omnium effectuum causa procreans & conservans notatur, impia scilicet & carnalis securitas, quod clam & impune facere possint quod volunt: *nam quis audit?*

Huic autem securitati impiorum opponitur ad consolationem & spem certam petitionis obtinendæ 1. Potens & efficax Dei providentia. v. 9. 2. Firma Davidis fiducia in illa providentia fundata. v. 10. 3. Utriusque effecta, in Davidis protectione tempestiva. v. 11. & hostium depressione, sic temperata, ut pii ædificentur. v. 12, 13. ipsimet vel inviti Dei potentiam agnoscant. v. 14. in judiciis ipsius ad eorum scelera proportionatis. v. 15, 16. comp. cum 7, 8. Hæc vero omnia illustrantur & suadentur effecto communi celebrationis nominis divini. v. 17, 18. Sequuntur propria hujus Psalmi.

DOCUMENTA.

I. Impii homines ex mera impietate sunt crudeliter sæpe affecti erga pios. ex v. 2, 3. Gen. 3. 15. Prov. 29. 27.

Ratio I.

Ratio 1. Quia sunt alieni à mundo. Johan. 15. 19. 1 Pet. 4. 4.

2. Quia impii habent naturam ferarum bestiarum, & pii sunt quasi oves. Matth. 10. 16. Luc. 10. 13.

3. Quia mundum arguunt lux impietatis, splendentes ut faces in medio tenebrarum. Joh. 3. 19, 20. cum Ephesi. 5. 11, 13. Phil. 2. 15, 16.

4. Quia Christum odio prosequuntur, cuius imaginem vident in piis. Joh. 15. 18, 19.

Vsus Admonitionis, erga pios, ne mirentur, aut perturbentur, si mundi odium experiantur. 1 Joh. 3. 12, 13.

II. Singularis est consolatio piorum, si nullo peccato causam aut occasionem praeberint odio & insectationi improborum, ex v. 4, & 5.

Ratio 1. Quia conscientia bona sustentat hominem in omni afflictione. Prov. 18. 14. *Spiritus viri sustentat agriitudinem ipsius.*

2. Quia in tali afflictione signum apparet manifestum, Deum à piorum partibus stare, & hostibus ipsorum adversari. 2 Thess. 1. 5, 6. *Indicium est iusti iudicii Dei, ut digni habeamini regno Dei, pro quo etiam ista patimini: Siquidem iustum est apud Deum, vicissim reddere illis, qui affligunt vos, afflictionem.* 3. Quia talis afflictionis perpassio habet promissionem exitus beati. Mat. 5. 11, 12. 1 Pet. 3. 14. *Si perpetiamini propter iustitiam, beati estis.* 4. Quia conscientia bona facit, ut cum fiducia possimus à Deo pendere, & ipsius opem implorare. Psal. 66. 18. *Ad iniquitatem si spectassim animo meo, non exaudivisset Dominus.* Heb. 10.

22. *Accedamus cum vero corde, percerioratam faciem, asperzione purgatis cordibus à conscientia mala.* 1 Pet. 4. 19. *Qui malis afficiuntur ex voluntate Dei, tanquam fideli Conditori commendent animas suas bene agendo.*

Vsus Directionis, ut in conscientiae bonae cura studeamus consolationi adversus odia & insectationes mundi. *Ne quisquam vestrum malo afficiatur ut homicida, aut fur, aut maleficus, alienarum rerum inspector.* &c. 1 Pet. 4. 15, 16, &c.

III. Iudicia Dei adversus impios persecutores ita diriguntur, ut Ecclesia inde maxime possit aedificari, impii convinci de potentia & iustitia Dei, ex v. 12, 13, 14.

Ratio 1. Quia in istis consistit gloria illa Dei, quae ex iudiciis eius emanat. 2. Quia Deus hac ratione iudicans inter pios & impios distribuit utrisque quod convenit ipsis. 3. Quia utrumque horum necessario sequitur ex misericordia, iustitia, potentia, & veritate Dei in suis iudiciis declarata.

Vsus Admonitionis, ne festinemus nimis, aut praescribamus Deo modum iudicandi, sed in ista fide acquiescamus.

IV. Qui more bestiarum peccant, bestiali modo afficiuntur poenis, ex v. 15, 16. comp. cum 7.

Ratio 1. Quia sui sunt similes in agendo, & patiando. 2. Quia Deus proportionem observat saepe manifestam inter peccatum & poenam.

Vsus Admonitionis, ut caveamus nobis à moribus bestialibus.

PSALMUS SEXAGESIMUS.

Magistro symphoniae, in hexachordis testimonii, ode insignis Davidis, ad docendum:

2. *Quum certaret contra Syros Mesopotamienses, & contra Syros Tzabæ; & reversus Joab percussisset Edomæos in valle Salis duodecies mille.*

3. *O Deus, rejeceras nos, disruperas nos, iratus fueras, restitue te nobis.*

4. *Commoveras terram, disfregeras eam; cura fragmenta ejus, nam vacillat.*

5. *Fecerat ut sentiret populus tuus rem duram, dederas bibendum nobis tanquam vinum horrorem.*

6. *Dedisti timentibus te vexillum, quo utantur: propter veritatem potentissime:*

7. *Ut liberentur dilecti tui: serva dextera tua, & exaudi me.*

8. *Deus loquutus est per sanctitatem suam, exultabo: in partem obtineo Schecemum, & convallē Succotharum metior:*

9. *Meus Gilbad, & meus Menasche, Ephraïmque, robur capitis mei; Iehuda legislator meus.*

10. *Mea pollubrum meum; supra Edomæum proficiam calcem meum; contra me, Palestina, clangentem age,*

11. *Quis deduceret me in civitatem munitam? quis duceret me Edomæam usque?*

12. *An non tu, Deus, rejeceras nos; ut non procederes, Deus, inter exercitus nostros?*

13. *Cedo nobis auxilium tuum ab hoste: alioqui vanitas est auxilio humana.*

14. *In Deo faciamus strenue, & ipse conculcabit hostes nostros.*

A N A L Y S I S.

OCCASIO hujus Psalmi fuit bellum quod gessit David cum Syris & Edomæis. v. 2. Scopus est petere à Deo, ut vellet se ducem tutelarem & protectorem præbere in isthoc bello. Quæ petitio cum respectu ad privationem anteced. proponitur. v. 3. in fine. *restitue te nobis.* & cum indicatione effectorū illius privationis. v. 4. *cura fragmenta terre,* cum declaratione modi. v. 7. *serva dextera tua.* & tandem simpliciter explicatur v. 13. *Cedo nobis auxilium tuum ab hoste.*

Arguitur hoc auxilium, quod petitur & illustratur. 1. A privatione ejus, & oppositione adversa, una cum miseria earū effectis. v. 3, 4, 5. *Rejeceras nos, iratus fueras, disruperas, commoveras terrā, disfregeras eam,*

vacillat, feceras sentire rem duram, horrorem.

Arguitur 2. & suadetur ab adjuncto antecedente, sub ratione pariū, singulari nempe signo favoris, & spei bonæ, instar *vexilli*, quod sua causa illustratur, *veritate*, scil. Dei. v. 6.

Arguitur 3. & præcipue suadetur à sua propria causa, promissione scil. Dei juramento confirmata, per fidem apprehensa, & applicata, v. 8. *Deus loquutus est per sanctitatem suam, exultabo.* Hæc autē promissio (tanquam præcipuum spei & consolatiōis in petitione obtinenda fundamentum.) 1. Prolixe describitur v. 8, 9, 10. & quia promissio est imperii & victoriæ, idcirco describitur per inductionem populorum

rum ad quos extenderetur, id est, tam Israelitarum. v. 8, 9. quam hostium ipsorum. v. 10. qui distinguuntur adjunctis modis imperii, quod respectu Israelitarum futurum esset civile & liberale. v. 8, 9. sed respectu hostium severum & grave. v. 10.

Eadem etiam promissio illustratur suo effectu, alacritate scil. Davidis, in expeditione suscipienda cum fiducia magna. v. 11, 12. quæ illustratur oppositæ fiduciæ negatione. v. 13. & exhortatione ad alios cõmilitiones tanquam effectu. v. 14.

DOCUMENTA.

I. Deus populum suum dilectum aliquando deducit ad durissimas & horribiles calamitates. ex v. 3, 4, 5.

Ratio 1. Quia gravia & horribilia committunt peccata.

2. Quia in istis malis discere debent quantum mali sit in peccato.

3. Quia per ista media excitari debent ad Deum quærendum, ipsique fidelius adhærendum.

Usus Admonitionis, ne animis perturbemur, aut fide vacillemus propter Ecclesiæ calamitates.

II. Officium piorum est, tempore publicæ calamitatis precibus apud Deum singulariter instare, ut vellet easdem removere. ex toto Psalmo.

Ratio 1. Quia sic gloria tribuitur Dei potentix, justitiæ, & misericordiæ directæ. 2. Quia preces sunt media à Deo instituta ad omnia beneficia ab ipso impetranda.

3. Quia hac ratione fides excitatur & animæ nostræ in communi one cum Deo detinentur, quæ est ipsarum vita & beatitudo.

Usus Exhortationis, ad assiduas & fervidas preces.

III. Signa spei & consolationis, quæ Deus nobis exhibet, observari & apprehendi debent ad fiduciam confirmandam, & preces accendendas. ex v. 6, 7.

Ratio 1. Quia Deo debetur iste honor & gratitudo. 2. Quia hac sola ratione signa à Deo exhibita suum finem consequuntur.

Usus Admonitionis, ne in ulla calamitate locum demus stupori & desperationi.

IV. In Dei promissionibus debemus per fidem semper exultare. ex v. 8, &c.

Ratio 1. Quia promissio Dei exhibet nobis omnipotentiam & sanctam fidelitatem Dei tanquam pignora felicitis eventus. 2. Quia sic in Deo exultamus & maximum ipsi tribuimus honorem. 3. Quia fidei nostræ perfectio in hac exultatione consistit.

Usus Exhortationis, ad fidem & fiduciam nostram huc usque promovendam.

V. Fiducia vera parit alacritatem singularem in officio præstando, eamque puram. ex v. 11, &c.

Ratio 1. Quia certos nos reddit de felici successu.

Usus Exhortationis, ut fidem & fiduciam nostram ex hac alacritate ostendere studeamus.

PSALMUS SEXAGESIMUS PRIMUS.

Magistro symphonie fidium, Ode Davidis.

2. Audi Deus, clamorem meum; attende orationi meæ.

3. *Ab extremitate terra te inclamo, quum obruitur animus meus: in rupem quæ sit editior me deducito me:*

4. *Nam fuisti receptus mihi, turris robusta adversus inimicum.*

5. *Commorabor in tentorio tuo per secula: recipiam me in occultum alarum tuarum maxime.*

6. *Cum tu, Deus, auscultaveris vocis meæ, dederis hereditatem suam reverentibus nomen tuum:*

7. *Dies diebus regis superaddito, anni ejus finit, ut multarum generationum.*

8. *Maneat in seculum coram Deo; benignitatem & fidem præpara quæ custodiant eum.*

9. *Sic psallam nomini tuo in perpetuum, rependendo vota mea quotidie.*

ANALYSIS.

OCCASIO hujus Psalmi fuit persecutio Davidis, qua pel-
lebat in extremitatem terræ, per
conspirationem (ut videtur) Ab-
shalonis. 2 Sam. 24. 17. & gravis
cordis anxietas inde exorta. v. 3.

Scopus est, in hac extremitate
auxilium Dei implorare. Petitio
hæc 1. Generaliter proponitur v. 2.
2. Specialiter magis describitur
per comparisonem virium sua-
rum, quas impares esse fatetur
illis malis eluctandis. v. 3. in fine.
3. Suadetur 1. Ab experientia si-
milis liberationis à Deo antea con-
cessæ. v. 4. 2. A fructu constantis
adhæssionis ad Deum. v. 5. 3. A
communitate hujus beneficii &
fructus optati, quod scil. pertine-
ret ad omnes pios. v. 6. 4. Ex oc-
casionem piorum nominatorum, &
foelicitatis ipsorum, petitionem su-
am urget, quasi eorum nomine per
prosopopæam, eamque sic amplifi-
cat, ut ad Christum ipsum, cujus
typus fuit, & regnum ejus extendat.
v. 7, 8. Quod effecto suo illustra-

tur. v. 9. celebratione scil. nominis
divini.

DOCUMENTA.

I. In summis extremitatibus,
etiãsi obruatur cor nostrum an-
xietate, in precibus piis invenimus
levamen. ex v. 3 in princ.

II. Quamvis difficultates illæ;
quibus premimur, longe superent
vires nostras, nunquam tamen su-
perant potentiam Dei. v. 3. in fine.

III. Corda nostra in precibus
confirmare debemus recordatione
pia beneficiorum Dei præterito-
rum. ex v. 4.

IV. Proprius fructus beneficio-
rum Dei est, ut constantius & arcti-
us ipsi adhæreamus, secundum ejus
voluntatem. ex v. 5.

V. Spes & consolatio major est in
afflictione, si causa nostra sit com-
munis causa piorum. ex v. 6.

VI. In piorum causa versatur
duratio regni Christi. ex v. 7, 8.

VII. Celebratio nominis Dei
est gloria illius regni. ex v. 9.

PSALMUS SEXAGESIMUS SECUNDUS.

Magistr. symphoniz in Jeduthune, Psalmus Davidis.

2. *Tantummodo in D. O. conquiescit animi mei: ab eo salus mea*

ste.

3. *Taz-*

3. *Tantummodo ipse rupes mea est & salus mea; locus editus meus, non dimovebor motione magna.*

4. *Quousque machinabimini autumnas in vivum? occidimini vos omnes, eritis similes muro pando, materia impulsæ.*

5. *Tantummodo de excellentia ejus consilia inveniunt depellendi eum, delectantur mendacio; ore suo benedicunt, intra se vero maledicunt vehementissime.*

6. *Tantummodo in Deo conquiesce anima mea; nam ab eo est exsultatio mea.*

7. *Tantummodo ipse rupes mea est & salus mea: locus meus editus, non dimovebor.*

8. *In Deo est salus mea & gloria mea; rupes robusta mea receptus meus est in Deo.*

9. *Confidite ei omni tempore, & popule, effundite coram eo animum vestrum: Deus receptui nobis est maxime.*

10. *Tantummodo vanitas sunt nati plebeio homine, mendacium sunt nati prestante vivo: lancibus illi simul impositi, ascensuri essent supra vanitatem.*

11. *Ne confidatis oppressioni, & rapina ne evanescat; opulentia si abundet, ne apponatur animus.*

12. *Semel loquutus est Deus, bis idem audiui; robor esse Dei,*

13. *Et tuam Esse Domine benignitatem, te repensurum cuique secundum opus suum.*

ANALYSIS.

SCOPULS hujus Psalmi est illustrare populum circa fiduciam erga Deum.

In istum finem 1. Proponit suum exemplum, cum suæ fiduciæ professione usque ad v. 9. 2. Exhortatur alios ad idem faciendum à v. 9. ad 12. Et 3. Principium & fundamentum veræ fiduciæ declarat, v. 12, 13.

1. In exemplo suo proponendo. 1. Profiteur, & describit fiduciam suam, v. 2, 3. 2. Eandem illustrat per comparisonem oppositionis inimicorum suorum, qui fiduciam suam impugnatum ibant, vers. 4, 5. 3. Confirmat semetipsum in illa fiducia, v. 6, 7, 8.

Descriptio fiduciæ est 1. Ab objecto, in Deo. 2. A subiecto, anima

mea. 3. Ab effectu, ab eo salus mea. Quorum duorum, objecti scilicet & effecti ratio clarius illustratur, v. 3.

Illustratio hujus fiduciæ per oppositionem innuitur in illa particula bis repetita, *tamen vel tantummodo*, v. 2. & 3. sed clarius proponitur, v. 4. 1. Per modum increpationis tanquam rei vanæ. 2. Prædictionis infausti eventus, tanquam conatus irriti & frustranei. Et 3. Convictionis, tanquam nequitie sceleratæ cum dissimulatione conjunctæ, v. 4, 5.

Confirmatio fiduciæ repræsentatur per meditationem, inculcationem & pleniorē apprehensionem Dei, & salutis ejus, id est, objecti & effecti fiduciæ veræ, v. 6, 7, 8.

Exhortatio erga populum perficitur.

ficatur. 1. Notatione temporis universalis: *omni tempore*. 2. Effecti & actus ejus proprii qui in precibus collocatur: *effundite coram eo animum vestrum*. 3. Singularis ejus sufficientiæ & efficientiæ ad fiduciam sustinendam. v. 9. Quorum ultimum illustratur dissimili & incomparabili vanitate hominum. v. 10. sicut & oppressionis, rapinæ & divitiarum. v. 11.

Principium & fundamentum veræ fiduciæ collocatur in verbo Dei, accuratum & perfectum testimonium præbente potentiæ, benignitati, & providentiæ Dei ad fiduciam nostram stabiliendam. v. 12, 13.

DOCUMENTA.

I. In fiducia vera anima hominis cum silentio acquiescit in Deo. ex v. 2. Exod. 14. 13. Jes. 3. 15. Psalm. 37. 7. & 131. 3. Non autem intelligitur silentium à precibus, & confessione. Psalm. 116. 10. 2 Cor. 4. 13. sed à murmuratione, & impotentibus querelis.

Ratio 1. Quia subicit sese Dei voluntati. Psalm. 39. 10. 2. Quia cavet sibi à peccato. Psalm. 39. 2. 3. Quia bonum exitum patienter expectat. Jac. 5. 7, 8, 10, 11.

Vsus Directionis, ut fiduciam nostram ex isthoc signo exploremus.

II. Ad fiduciam talem necessaria est multa & frequens meditatio ac ruminatio sufficientiæ ac efficientiæ Dei. ex v. 3.

Ratio 1. Quia in illis ratio & causa fiduciæ versatur. 2. Quia per meditationem istam apprehensio Dei redditur firmitior, & sic fiducia alitur & augetur. 3. Quia hæc meditatio per oppositionem

directam vincit tentationes diffidentia, quæ vel ex adversariorum potentia, vel ex infirmitate nostra oriuntur.

Vsus Directionis, & exhortationis, ut meditationibus istis nosmet ipsos totos dedamus.

III. Per istas meditationes eo usque ascendere debemus, ut sancta quadam insultatione improbos nostros hostes increpemus. ex v. 4, 5. Psalm. 27. 1.

Ratio 1. Quia fiducia perfecta optatum eventum postea sequuturum sic apprehendit, ac si jam adesset. 2. Quia fideles per hanc fiduciam in omnibus malis sunt plusquam victores. Rom. 8. 37.

3. Quia per istius fiduciæ professionem Deus maxime à nobis glorificatur, & alii etiam ad eum glorificandum provocantur.

Vsus Exhortationis, ne in qualibet fiducia acquiescamus, sed ad perfectionem istam ascendere nitamur.

IV. Ad fiduciam confirmandam & promovendam, subinde debemus cordibus nostris inculcare illa quæ faciunt ad eandem vehementer excitandam. ex v. 6, 7, 8. Hæc autem inculcatio est actus mentis practicus, quo anima in semetipsam reflectitur, & sibimet dictat quid facere debet.

Ratio 1. Quia perpetuam luctam habemus cum carne, & tentationibus aliis, quibus fiducia oppugnatur. 2. Quia corda nostra sunt nimis tarda ad officia ista spiritualia, atque adeo multis admonitionum calcaribus egent. 3. Quia nunquã talis aut tantã est fiducia nostra, quin opus habeat firmari & adaugeri.

Vsus

Vsus Directionis, ut exerceamus nos ad hæc spiritualia soliloquia. Psal. 39. 11. & 4. 5.

V. Qui vere confidunt in Deum, cupiunt etiā ut alii idē faciāt, ex v. 9. *Confidite ei omni tēpore o popule.*

Ratio 1. Quia charitas erga Deum, & zelus gloriæ ejus eo ducit.

2. Quia charitas erga homines, & salutis eorum zelus hoc requirit.

3. Quia in istis bonis spiritualibus nihil decedit, sed accedit potius aliquid uni, si simul ab aliis quamplurimis possideantur.

Vsus Exhortationis, ad studium aliorum ædificandum.

VI. Qui vere cōfidunt in Deum, seriis precibus eum quærūt, ex v. 9. *Effundite corameo animā vestram.*

Ratio 1. Quia proprius actus fiduciæ ac spei divinæ sunt preces.

2. Quia preces sunt medium à Deo institutū ad illud impetrādum quod per fiduciā expectamus.

3. Quia in precibus maximā cōmunionem habemus cum Deo, in qua specialis fructus fiduciæ nostræ consistit.

Vsus Directionis, ad fiduciā verā ex ista nota discernendam à ficta.

VII. Cavendū diligēter, ne fiduciā nostrā in aliis ullis rebus præterquā in Deo collocemus, ex v. 10, 11.

Ratio 1. Quia omnia alia sunt vana, & inepta ad fiduciā nostram sustentandā, v. 10. atque adeo fiduciā reddunt vanā, & fidētes evanescere, v. 11.

2. Quia hoc est peccatū idolatriæ, qua honor, soli Deo debitus, ad alia transfertur.

Vsus Cendnationis, adversus eos qui vel in sua nequitia, vel in creaturis confidunt.

VIII. Fiducia vera solide fundatur in verbo Dei, ex v. 12, 13.

Ratio 1. Quia ex illo solo discit, qualis sit Deus.

2. Ex illo solo discit, quid à Deo sit expectādum.

3. Quia per hoc verbum Spiritus fidei communicatur.

Vsus 1. Redargutionis, adversus eos qui fiduciā jactant, & verbū non curāt.

2. *Exhortationis*, ut in verbo diligenter quæramus fiduciæ basin.

PSALMUS SEXAGESIMUS TERTIUS.

Psalms Davidis, quum esset in deserto Iebudæ.

2. O Deus, Deus fortis meus es, tempestive requiro te, sitiens est tui anima mea, gressit ad te spectans caro mea, in terra sicca & fessa sine aquis:

3. Ad vidēdum robur tuū & gloriā tuā, sicut in loco sancto vidēbā te:

4. (Nam benignitas tua melior est vita) ut labia mea laudent te.

5. Sic benedicam tibi in vita mea, in nomine tuo attollam manus meas:

6. Quasi adipe & pinguedine saturabitur anima mea, & labiis canoris laudabit te os meum.

7. Quum recorder tui super strata mea, in vigiliis meditor de te:

8. Te fuisse sūmo auxilio mihi, ita ut in umbra alarū tuarū canerem:

9. Quum adhærescens anima mea sequitur te, respiciat me dextera tua.

10. Quamobrem isti qui vastationem quærent anime meæ, perveniunt ad imas partes terre.

11. Faciēt ut diffluet corū quisque per gladiū, portio vulpiū futuri sunt.

12. Rex vero ipse letabitur in Deo, gloriabitur quisquis jurat per eum, quum obturabitur os loquentium mendacium.

ANALYSIS.

SCOPIUS Davidis in hoc Psalmo. Est piis meditationibus coram Deo expositis semeripsum consolari. Fuit enim jam in deserto Judæ desertus exul, & omnis externæ consolationis inops. v. 1.

1. Hujus consolationis fundamentum præcipuum primo proponit, quod Deum habuit pro Deo suo. v. 2. in principio. Secundarium etiam fundamentum à priore pendens eidem subjungit, intensissimum scilicet & ardentissimum suum affectum, vel desiderium Dei, vel solitæ communionis cum Deo exercendæ. Quem affectum comparat cum siti & fame maxima, tanquam similem; ita tamen ut majorem illum ostendat, & omni siti ac fame, quam in desolatissimo deserto patiebatur, superiorem, easque sua viobruentem. v. 2. reliquo.

Hoc desiderium illustrat. 1. A causa impellente vel alliciente, sancta nempe voluptate quam percepserat, & porro percepturus erat ex communiione cum Deo. vers. 3. Cujus voluptatis ratio & causa declaratur per comparisonem imparium inter communionem Dei, & vitam naturalem. v. 4.

Idem desiderium illustratur à fine, qui consistit in celebratione cultus divini, quæ per suas partes amplificatur, laudatione scilicet & invocatione. v. 4. 5. Cujus etiam celebrationis effectum & fructus notatur sancta illa voluptas antea memorata, & comparatione gratissimi & copiosissimi cibi illustratur: sicut etiam effecto plenioris laudationis inde sequitur. v. 6.

2. Ejusdem consolationis tul-

crum alterum proponit, experientiam scilicet opis & protectionis divinæ in periculis antegressis, & religiosam ejus recordationem. ver. 7, 8, 9.

3. Ex istis fundamentis, vel firmissimis argumentis, ad consolationem suam deducit ac concludit. 1. Interitum hostium singularem. ver. 10, 11. suam eversionem ad regnum cum læticia magna. v. 12. in principio. Quæ suis effectis illustrantur, gloriatione scilicet piorum, & impiorum confusione. ibidem.

DOCUMENTA.

I. Primarium fundamentum omnis consolationis solidæ est, quod Deus sit Deus noster. ex v. 2. in principio.

Ratio 1. Quia Deus est objectum fidei, fiduciæ, ac spei, ex quibus consolatio fluit.

2. Quia per Deum solum vincere possumus omnes tentationes, quibus alias opprimeremur. Rom. 8. 37.

3. Quia Deus iis, quos suscipit & agnoscit pro suis, est Deus omnis consolationis, id est, communicat illam gratiam ac salutem, quæ sustentat illos adversus omnes afflictiones. 2 Cor. 1. 3, 4.

Ufus Directionis, ut primaria nostra cura sit, certitudinem hujus rei firmam acquirere, quod Deus sit Deus noster, & super hoc nostram consolationem per meditationes pias edificare, vel haurire aquas cum gaudio ex fonte hujus salutis. Jes. 12. 3.

II. Quamvis optata cum Deo communione non fruamur, consolationis materia tamen est in ipso deside-

desiderio hujus communionis, ex v. 2. reliquo.

Ratio 1. Quia hoc desiderium provenit à singulari gratia Dei, qua dat nobis *velle*. Phil. 2. v. 13.

2. Quia Deus hoc ipsum *velle* acceptum habet ac si perficeretur. 2 Cor. 8. v. 12. 3. Quia Deus tandem perficiet quod incepit. Phil. 1.6.

Uusus Consolationis, erga illos qui præter desideria pia nihil fere habent in sese, quo semetipsos sustentent:

III. Desiderium nostrum ad cultum Dei obeundum debet esse ardentissimum, instar sitis ac famis maximæ. *ibid.*

Ratio 1. Quia hoc est officium primarium à Deo nobis præscriptum. 2. Quia maximum nostrum bonum ex eo pender. v. 4. in principio. 3. Quia gloria quam nos Deo deferre debemus in eo præcipue consistit.

Uusus Redargutionis, adversus torporem & tepiditatem hominum circa Dei cultum.

IV. Cultus Dei consistit potissimum in Dei nomine laudando & invocando. ex v. 4. 5.

Ratio 1. Quia in istis Deo directe tribuitur gloria bonitatis, potentiae, omniscientiae, omnipraesentiae, providentiae, veracitatis & similibus perfectionum. 2. Quia fides, spes, & charitas in istis maxime directe exeruntur. 3. Quia communio spiritalis gratiae à Deo in nos descendens, & à nobis in Deum reflexa, in istis præcipue & maxime directe à nobis celebratur.

Uusus Exhortationis, ut hæc officia (tanquam Deo gratissima) magni faciamus.

V. In istis exercitiis maxima percipitur consolatio, qua excitantur pii ad pleniorum Dei laudationem: ita ut inter Dei laudationem, & nostram consolationem sit quasi circulus perpetuus & infinitus. ex v. 6.

Ratio 1. Quia conscientia officii istis præstitis tranquilla redditur & læta. 2. Quia orationi factæ in Spiritu, Spiritus, qui consolator noster est, plenius conceditur. Luc. 11. 13. hic etiam est circulus divinus. 3. Quia spes nostra istis mediis aucta parit gaudium ineffabile & gloriosum.

Uusus Directionis, ut solidam voluptatem in istis exercitiis queramus.

VI. Ad spiritualem consolationem necessarium est, ut frequentes meditationes de Deo, interdum noctuque habeamus, ex v. 7.

Ratio 1. Quia per istas meditationes detinetur animus in contemplatione causæ omnis consolationis. 2. Quia per easdem ingigitur animis ipsa consolatio, & per multiplices affectuum motus in cordibus nostris diffunditur.

3. Quia contrariæ tentationes quæ subinde in animis nostris oriri solent, meditationibus istis repelluntur.

Uusus Exhortationis, ut in istis meditationibus diligenter nos exerceamus.

VII. In meditationibus nostris de Deo, plurimum facit ad consolationem, si diligenter attendamus ad beneficia ejus quibus nos antea cumulavit. ex v. 8.

Ratio 1. Quia experientia parit spem. Rom. 5. 2. Quia hujus experientiae recordatio parit etiam gratitudinem quæ magnam vim habet, ejusdem gratiæ continuationem impetrandi. in textu.

Vsus Directionis, ut beneficiorum Dei memoriam pie semper excolamus.

VIII. Continens causa nostræ consolationis est, si toto corde adhærescamus Deo tanquam sustentatori nostro. ex v. 9.

Ratio 1. Quia hæc est fides qua vivit justus. 2. Quia hæc fides conscientiam reddit plane tranquillam & lætam. 3. Quia certam & indubitatam spem adfert

læti eventus.

Vsus Directionis, ut omni studio nitamur Deo adhærere, omnibus illis relictis quæ abducunt ab ipso.

IX. Qui Deo adhærent, possunt sibi met spondere illum exitum omnium tentationum, qui cedit in ipsorum lætitiâ, aliorum piorum gloriationem, & impiorum hostium confusionem, ex v. 10, 11, 12.

PSALMUS SEXAGESIMUS QUARTUS.

Magistro Symphonie, Psalmus Davidis.

2. Audi, ô Deus, vocem meam dum meditor, à pavore inimici custodi vitam meam.

3. Absconde me ab arcano consilio maleficorum, à tumultuatione operam danti iniquitati.

4. Qui exacunt sicut gladium linguam suam; intentant ut sagittam suam, verbum amarulentum.

5. Iaculis petendo ex latebris integrum; repente jaculis petunt eum, deque timent:

6. Confirmant sibi rem malam: narrant de abscondendis laqueis; dicunt, Quis videret illos?

7. Persecutantur iniquitates; conficimur in quæ callidissime sunt persequuti: adeo intimum viri & cor profundum.

8. Sed ubi jaculis petieris eos Deus, à sagittis repentina fuerint plagæ eorum.

9. Fecerintque ut ipsa lingua sua in seipsos impingant: vagi se in fugam dabant quisquis videret eos.

10. Quicumque autem homines reverentur, nuntiabunt opus Dei, & factum ejus intelligendum proponent:

11. Lætabitur justus in libere, & recipiet se ad eum, denique gloriabuntur omnes recti animo.

ANALYSIS.

SCOPUS Davidis in hoc Psalmoe est petere à Deo protectionem contra inimicorum suorum persecutionem.

1. Hæc petitio generaliter proponitur v. 2. in principio. *Audi ô Deus, vocem meam* specialius ibidem

in fine: à pavore inimici custodi vitam meam. & specialissime v. 3. ubi & singularis protectio petitur: *absconde me*: & singularis persecutio declaratur per inductionem partium, consilii scilicet malefici, & machinationis iniquæ: à consiliis maleficorum

*scorum, à tumultuatione operam
dantium iniquitati.*

2. Persecutionis illius natura (qua petitionis & necessitas & persuasio continetur) latius describitur. 1. A crudelitate & amarulentia verborum vel criminatio- num. v. 4. 2. Ab illius crudelitatis occultatione, ut ex latebris subito perficiatur. v. 5. quæ illustratur privatione timoris Dei, ubi maxime debuit adesse, id est, persecu- tione hominis integri & iusti. ibi- dem. 3. Ab obduratione in impro- bo proposito, quæ spe occultatio- nis tanquam causa sua illustratur. v. 6. 4. A callida diligentia in me- diis illis excogitandis, quibus cru- delia tua consilia perficerent: quæ consumptione Davidis, tanquam effectu ab ipsis pro certo sperato, & à Davide cum horrore cogita- to, illustratur. v. 7.

3. Petitiõ protectionis adver- sus istam persecutionem illustratur professione spei protectionis à Deo concedendæ v. 8, 9, 10, 11. ubi iudicium Dei adversus impro- bos persecutores illustratur 1. Ab adjuncta validitate, velocitate & repentina invasione per compara- tionem similitudinis, & majoris, ad machinationes eorum adversus Davidem, quæ antea iisdem phra- sibus fuerunt notatæ. v. 8. 2. A speciali modo, quo illa iudicia per- ficerentur, per verba scilicet ipso- rum propria, quibus sibi inv-

cem perniciem essent accersituri. v. 9. in principio. 3. Ab effectis tam spectatorum omnium com- muni- bus, terrore & prædicatione justitiæ Dei, v. 9. in fine. & v. 10. quam fidelium propriis, lætitiâ, fi- duciâ, & gloriati- one. v. 11.

DOCUMENTA.

I. Ad orationem concurrunt me- ditatio, vox, & studium ac fides au- ditionis. ex v. 2.

II. Pia Dei invocatio est medi- um optimum protectionis conse- quendæ adversus quælibet impi- orum persecutorum consilia & machinationes. ex v. 3.

III. Impii suis linguis maxime abutuntur ad persecutionem pi- orum. ex v. 4.

IV. Improbis occultæ indul- gent, quia Deum non timet. ex v. 5.

V. Ex illa occultatione suæ im- probitatis, & Dei neglectu obdu- rantur in propositis malis. ex v. 6.

VI. Calliditati suæ ita confidunt, ut non dubitent de successu. ex v. 7.

VII. Dei iudicia subito ipsos apprehendunt. ex v. 8.

VIII. Iudicio Dei fit ut sæpe suis propriis linguis, magna mala sibi met accersant.

IX. Ex iudiciis istis Dei sicut impii terrentur, & omnes insti- tuuntur, sic pii cum singulari con- solatione & glorificatione ædifi- cantur. ex v. 9, 10, 11.

PSALMUS SEXAGESIMUSQUINTUS.

Magistro symphonia Psalmus, Davidis canticum.

2. Tibi debetur certa laus & Deus, qui es in Trifone; & tibi re- pendendum est votum.

3. O qui exaudis orationem, ad te usque omnis caro ventura est.

4. Res inique prævulnerant mihi, defensiones nostras in expias.

5. Beatus quem eligis, & admove-
T 2

RAMUS

ramur bono domus tue, rebus sanctis templi tui.

6. Res reverendas in iustitia proloqueris nobis, o Deus salutis nostra fiducia omnium extremitatum terræ & maris longinquarum.

7. Stabiliens montes virtute sua, accinctus potentia.

8. Compescens strepitum marium, strepitum fluctuum eorum, & fremitum nationum.

9. Qui facis ut cantant exortus matutinos & vespertinos, incole extremitatum reverentes à signis tuis.

10. Visitas hanc terram & appetis eam: pluvium ditas eam: vivo Dei pleno aqua, paras frumentum illorum, quum ita preparaveris eam.

11. Porcas ejus irrigando, deprimendo liras ejus; imbris dissolvam eam, germini ejus benedicis.

12. Coronas annum bonitatis tue, & orbitæ tue stillant pinguedinem.

13. Stillant in cantas deserti, & exultatione colles accinguntur.

14. Vestiuntur pascua gregibus, & convales obteguntur tritico, clangentes agunt, atque etiam canunt.

ANALYSIS.

SCOPUS hujus Psalmi, est Deum laudare ex toto nomine Ecclesiæ, quæ dicitur Tzizon. v. 2. ubi laus etiam illustratur ab adjuncto filitio, vel admiratione inenarrabili.

Argumentum ducitur à singulari effectu gratiæ, ex quo votum laudis dependet, exauditione scilicet precum, v. 3. quæ altero suo effectu illustratur, id est, excitatione omnium ad Deum invocandum. ibid. Hæc autem exauditione precum, qualis fuerit, specialiter designatur primo. vers. 4. quod nempe magnorum peccatorum remissionem continebat. & fundamento vel causa sua declaratur. v. 5. electione scilicet & vocatione Dei, quæ effectio suo proprio illustrantur, & generaliter, quod efficiant homines beatos, cujus ratio etiam redditur, quod spiritualis omnis communionis (cujus pars primaria est peccatorum remissio) participes eos faciat. ibid. & specialiter, quod augustissimis promissionibus eos confirmet. v. 6.

in principio. Quorum effecta notantur esse, 1. Stabilis regni. v. 7. 2. Repressio hostium. v. 8. quæ suis effectis illustrantur, gentium scilicet institutione ad fiduciam, & lætitiâ piâ in Deo ex timore. v. 6. in fine. & v. 9. & 3. Copiosa benedictio populi sui, cujus effectum fuit fertilitas terræ. Hæc autem illustratur & causa sua tam principali; dilectione Dei; quam instrumentali, commodissima pluvia à Deo immissa. v. 10, 11. & effectio pinguedinis omnium partium. v. 12. cujus fructus per subiecti & effecti distributionem explicantur. v. 13, 14.

DOCUMENTA.

I. Votum ineffabilis laudis Deo semper debetur ab omnibus Ecclesiæ membris, ex v. 2.

II. Eo præcipue nomine debetur, quod Deus orationes exaudiat. ex v. 3.

III. Eo ipso etiam excitari debent omnes ad preces fervidas & fre-

frequentes, quod à Deo exaudiantur. *ibidem*.

IV. In exauditione precum illud præcipue spectandum & celebrandum, quod remissionem peccatorum illis obtineamus. *ex v. 4.*

V. Præcipuum fundamentum hujus consolationis est electio & vocatio Dei. *ex v. 5.*

VI. Ex hac electione & vocatione Dei fluit beatifica communio omnium bonorum. *ibidem*.

VII. Communio hujus certitudo acquiritur ex fide promissionum Dei. *ex v. 6.*

VIII. Promissiones suas tam

fideliter & potenter præstat Deus Ecclesie suæ, ut omnes gentes inde erudiri possint ad pietatem. *ex v. 6, 7, 8. & 9.*

IX. Omnis benedictio, tam externa, quam interna, sic apprehendi ac recipi debet tanquam fructus dilectionis & visitationis Dei erga nos, secundum suas promissiones. *ex v. 10.*

X. Benedictiones istæ quamvis nobis per media vel causas secundas communicentur, Deo tamen omnis laus & gloria earum debetur. *ex v. 11, 12, 13, 14.*

PSALMUS SEXAGESIMUS SEXTUS.

Magistro symphonia, canticum & Psalmus. Clangite Deo, omnes incolæ terre.

2. Psallite gloriam nominis ejus, apponite gloriam laudi ejus:
3. Dicite, Deus, quam reuerendus es factis tuis: propter amplitudinem roboris tui mendaciter se dedunt tibi inimici tui.
4. Omnes incolæ terre incurvant se tibi, & psallant tibi; psallant nomini tuo, ut quum maxime.
5. Venite & videte opera Dei; reuerendus est actio erga filios hominis.
6. Convertit mare in aridam; per flumen transverunt pedes, illic letati sumus in eo.
7. Dominatur potentia sua in seculum, oculi ejus gentes speculantur: qui rebelles sunt ne efferantur apud se ipsos admodum.
8. Benedicite populi Deo nostro; & facite ut resonet vox laudis ejus.
9. Qui restituit animam nostram in vitam, neque permittit dimoveri pedes nostros.
10. Postquam probasti nos Deus, constasti nos ut conflatur argentum.
11. Induxisti nos in rete ipsum, imposuisti cingulum asinarium lumbis nostris:
12. Fecisti ut insideret mortalis in caput nostrum, ingressi sumus per ignem & per aquam; tandem eduxisti nos ad hanc saturitatem.
13. Ingrediens domum tuam cum holocaustis, rependam tibi vota mea.
14. Quæ nuncupaverint aperta labia mea; & eloquutum fuerit os meum in angustia mea.
15. Holocausta pinguum arietum offeram tibi cum suffitu: paraboboves cum hircis potentissime.
16. Agite, audite, quicumque timetis Deum; ut enarrem quæ fecit anime mee.

17. *Eum ore meo inquamavi, & sui elatus pro sermonibus lingue mee:*
 18. *Ad iniquitatem si spectassem animo meo, non exaudivisset Dominus.*
 19. *At certe exaudivit Deus, attendit ad vocem orationis mee.*
 20. *Benedictus est Deus: qui non avertit orationem meam à se, & benignitatem suam à me.*

ANALYSIS.

SCOPUS hujus Psalmi, est Deum laudare post singularem aliquam liberationem.

Hæc laudatio 1. Proponitur per modum exhortationis, qua omnes homines excitantur ad ejus exercitium. v. 1, 2, 3. & 8. ubi & modo suo illustratur, quod debeat esse *gloriosa* v. 2. & causa, quod amplissimum sit Dei robur, cujus effectum est inimicorum adactio ad aliqualem deditioem ex timore. v. 3. 2. Eadem laudatio proponitur per modum voti v. 4. ubi modus ejus gloriosus in religiosa adoratione vel incurvatione collocatur. 3. Causa laudationis diligenter spectanda proponitur 1. In genere, reverenda nempe dispensatio, qua Deus utitur erga filios hominum. v. 5. cujus exemplum speciale commemoratur in translatione Israëlitarum per mare rubrum & fluvium Jordanem, quæ effectolatitæ illustratur. vers. 6. cui subjungitur generalis illius dispersionis, vel gubernationis descriptio. v. 7. à genere, quod sit dominium, ab adjuncto durationis, quod sit æternum, à modo, quod sit cum potentia & accurata providentia conjunctum, ab effectu, quod rebelles ejus vi domentur. 4. Repetitur hortamentum ad laudationem & urgetur tanquam speciali causa, à singulari illa liberatione recens accepta. vers. 8, 9.

Quæ liberatio illustratur tam gravitate malorum, à quibus liberabantur, quæ variis comparationibus aggravantur. vers. 10, 11, 12. quam copia bonorum, ad quorum fruitionem ex liberatione perducebantur. vers. 12. in fine. 5. Eadem laudatio, quæ antea per modum hortationis, & voti, proponebatur, simplici professione & promissione omnis debiti cultus explicatur. vers. 13, 14, 15. Cujus usus & fructus explicatur per modum exhortationis ad omnes pios: qui excitantur primo in genere, ut diligenter observent benignitatem illam Dei, quæ in hoc exemplo elucebat. v. 16. Specialiter autem observandum ipsis proponitur, ad eorum imitationem. 1. Quod administrans causa hujus benignitatis fuit invocatio fervida. v. 17. cum sincero studio pueratis, ut necessario comite conjuncta. v. 18. 2. Quod hujusmodi invocationis certus fructus sit exauditiō & liberatio ex benignitate Dei. 3. Quod cunctis laus & benedictio Deo debeat pro tam benigna precum exauditione v. 20.

DOCUMENTA.

I. Non simplex tantum gratiarum actio, sed omni modo gloriosa Deo debetur. ex v. 1, 2, & c.

II. Omni voto & conatu tam alios quam nosmetipsos excitare de-

debemus ad hanc gloriam Deo deferendam, ex v. 1, 2, 3, 4.

III. Ad accendendum animum hoc studio Dei glorificandi, requiritur diligens & attenta operum ejus contemplatio, ex v. 5.

IV. Opera Dei miraculosa singulariter debent in istum finem considerari, ex v. 6.

V. In operibus Dei præcipue observanda est potentia, & providentia ejus, prout piis favet, & impiis adversatur, ex v. 7.

VI. Potentia & providentia Dei maxime apparet in liberationibus Ecclesie à suis pressuris, ex v. 9.

VII. Pressuræ maximæ Ecclesie sic à Deo ordinantur, ut suas liberationes reddant illustriores, ex v. 10, 11, 12.

VIII. Pro liberationibus nobis concessis (præsertim si sint pub-

licæ) Dei nomen est publice celebrandum, ex v. 13.

IX. Eodem affectu memores esse debemus liberationum divinarum, quo in angustia nostra easdem desideramus, ex v. 14.

X. Affectus iste demonstrari debet secundum Dei instituta, non imaginationes nostras, ex v. 15.

XI. Ex eodem affectu & narrare debemus, & reverenter audire narrantes gratiam Dei suis manifestatam, ex v. 16.

XII. Illud singulariter observandum est in gratiæ Dei dispensatione, quod Deus illas solas exaudiat preces, quæ ex fide & bona conscientia proficiuntur, ex v. 17, 18, 19.

XIII. De hac precum exauditione Deus est præcipue benedicendus, ex v. 20.

PSALMUS SEXAGESIMUS SEPTIMUS.

M Agistro symphonie fidium, Psalmus & canticum.

2. Deus gratiam faciat nobis & benedicat nobis, illustret faciem suam erga nos maxime:

3. Ut agnoscamus in terra viam tuam, & omnibus gentibus salutem tuam.

4. Celebrent te populi Deus, celebrent te populi omnes.

5. Latentur & cantent nationes; quum judicabis populos recte, & nationes ipsas in terra deduces potentissime.

6. Celebrent te populi, Deus; celebrent te populi omnes.

7. Terra dante proventum suum; benedicat nobis Deus, Deus noster.

8. Benedicat nobis Deus, & revereantur eum omnes fines terra.

ANALYSIS.

IN hoc Psalmo proponitur generalis formula voti aut precationis laudativæ, qua omnia bona petuntur à Deo, & omnis gloria ipsi vouetur. Quæ duo ita inter se connectuntur, ut sibi met mutuo sint causæ & effectus. Idcirco enim

petuntur bona, ut illis Deus glorificetur. Idcirco etiam Dei gloria optatur ac vouetur, ut omnium bonorum communicatio procuretur.

Bona quæ petuntur, gradatim declarantur. v. 2. 1. A fonte vel causa primaria, gratia vel favore

Dei:

Dei: gratiam faciat nobis. 2. Ab effecto beatitudinis: *benedicas nobis.*

3. Ab arguendi vi, qua hoc effectum ad illam causam refertur, clara scilicet manifestatione favoris: *illustret faciem suam erga nos maxime.*

Gloria quæ Deo inde voveretur est, 1. Salutaris agnitionis salutis ipsius propagatio ad omnes gentes. v. 3. 2. Celebratio nominis ejus secundum illam cognitionem. v. 4, 6. Quæ illustratur. v. 5. tam adjuncto suo modo, quod fiet cum lætitia & cantu; quam causa propria, rectissima nempe gubernatione Dei. 3. Fructificatio congruens in operibus bonis. v. 7. 4. Omnimoda reverentia nominis ejus. v. 8.

DOCUMENTA.

I. Ex gratia & favore Dei pende-

re semper debemus, ut ex illo fonte omne bonum fide & precibus hauriamus. ex v. 2.

II. Bona quæ proveniunt ex favore Dei, sunt veræ benedictiones. ibid.

III. Significatio ipsa favoris divini est maximum bonum. ibidem.

IV. Primarius fructus benedictionum Dei tam aliis quam nobis optandus, est agnitio viæ salutis. ex v. 3.

V. Qui vere Deum agnoscunt, ii nomen ejus debent ac solent celebrare. ex v. 4, 6.

VI. Ad istam celebrationem requiritur sancta lætitia de recta & justa Dei gubernatione. v. 5.

VII. Hæc celebratio præcipue consistit in fructibus Deo ferendis ex reverentia nominis ejus. ex v. 7, 8.

PSALMUS SEXAGESIMUS OCTAVVS.

M Agistro symphonia, Davidis Psalmus & canticum.

2. Surgente Deo disperguntur inimici ejus; & fugiunt infestiores ejus à conspectu ejus.

3. Quasi impellas fumum, impellis eos; ut liquefit cera ab igne, percuti improbi à conspectu Dei.

4. Justi vero lætantes exsultant coram Deo; & gaudent in lætitia.

5. Canite Deo, psallite nomini ejus; extollite eum qui insides amnitatibus ac nomine ejus fab, ac exsultate coram eo.

6. Pater pupillorum & defensor viduarum est Deus in habitaculo sanctitatis sue.

7. Deus collocat solitarios in familia, educit victos compedibus: at rebelles inhabitant locum a idissimum.

8. O Deus quum procederes coram populo tuo; quum gradereris: per solitudinem excellentissime:

9. Terra movebatur, etiam celi destillabant à presentia Dei; ipse Sinai, à presentia Dei, Dei Israël's.

10. Pluviam liberalissimam stillabas, Deus; possessionem tuam, eamque desessam tu instaurabas.

11. Tui catervatim habitabant in ea; te parante per bonitatem tuam pauperi illi afflicti, Deus.

12. Dominus dabat sermonem; ea quæ annunciabant, exercitu magno dicebant.

13. Reges

13. Reges exercituum fugiunt, fugiunt: & quæ commemoratur domi, par-
titur spolia.

14. Etiam si jacueritis inter duas flues lapideas, eritis similes alie co-
lumbe testæ argento, cujus penna sunt ex fulvo auro effossa.

15. Quum expanderit omnipotens reges in hac terra, nivens erit in
Tzalmone,

16. Monte maximo, monte Baschanis; monte frequente gibbis, monte
Baschanis.

17. Quare dejiceretis vos, montes frequentes gibbis? hæc montana de-
siderat Deus ad sedem suam, etiam Iehova inhabitabit in æternum.

18. Curruum Dei duæ sunt myriades, millia multiplicia; Dominus
cum illis est, Dominus Sinai in sanctuario habitans.

19. Ascendens in sublime; captivam fecisti captivorum multitudinem,
accipiens dedisti dona hominibus; etiam rebiles habitando captivos facis,
Iah Deus.

20. Benedictus Dominus qui quotidie onerat nos donis; Deus ille for-
tis salus nostra excellentissime.

21. Deus ille fortis nobis est Deus fortis, ad salutem omnimodam: &
Iehovi Domino sunt exitus contra ipsam mortem.

22. Tantummodo Deus frangit caput inimicorum suorum, verticem
comatum indefinenter ambulantis in reatibus suis.

23. Dixerat Dominus, ex Baschane reduco, reduco ex profunditati-
bus maris,

24. Ut frangens immergas pedem tuum in sanguine; linguam canum
tuorum, sanguine fluente ab inimicis, ab unoquoque eorum:

25. Quum viderunt incessus tuos, O Deus; incessus Dei fortis mei,
regis mei, qui est in sanctuario;

26. Præcedebant cantores, post fidicines; inter puellas tympana pul-
santes.

27. In congregationibus benedicite Deo Domino, qui estis è scaturigi-
ne Iisrahel.

28. Illic sit Benjamin parvus & dominator eorum, principes Iebuda &
cætus eorum; principes Zebulunis, principes Naphtali.

29. Præcepit Deus tuus robustum esse te; corroborata, O Deus, quod ope-
ratus es in nobis.

30. E templo tuo propter Ieruschalaima: tibi offerent reges dona-
rium.

31. Perde catervam arundiferam, cætum robustorum juvenum cum
vitulis populorum, fingentem subicere secum fragminibus argenti; dissipat
populos qui bellis delectantur.

32. Veniant magnates ex Agypto, Aethiopia celeriter transmittat
manuum suarum donum ad Deum.

33. Regna terra cantate Deo; psallite Domino vehementissime:

34. Insidenti cælis cælorum antiquorum; en edit voce sua vocem ro-
bustam.

35. *Tribuite robur Deo; cujus excellentia est supra Israël, & cujus robur in superioribus nubibus.*

36. *Formidabilis es, Deus, in sanctuariis tuis: Deus fortis in Israël, ipse datus robur & vires huic populo: benedictus sit Deus.*

A N A L Y S I S.

OCCASIO hujus Psalmi fuisse videtur deductio arcæ Dei in civitatem Davidis.

Hinc scopus ejus v. 2. eadem formula proponitur, qua usus est Moses quum eadem arca esset profectura. Numer. 10. 35. Hujus propositi scopi mens est generaliter prædicare magnificentiam Dei hoc signo præsentia suæ significatam. Declaratur autem 1. Effecto suo glorioso, hostium scilicet dispersione. vers. 2. quæ duplici similitudine illustratur. vers. 3. & fructu debitæ laudis. v. 4, 5. Cujus laudis argumenta varia adferuntur. 1. Providentia ejus generalis, qua per is omni ope destitutis succurrit, & impios coërcet. v. 6, 7. 2. Specialis ejus providentia, quam declaraverat in bene faciendo populo suo, tam in deserto. v. 8, 9. quam in terra promissa. v. 10, 11. 3. Victoriæ adversus hostes ex illa providentia concessæ. vers. 12, 13. quæ diversis pressuris & angustiis populi cum liberatione victoriarum collatis illustrantur. v. 14, 15. & propria sua causa declarantur, habitatione scilicet Dei singulari in populo suo electo. vers. 16, 17. Quæ causa, tanquam principalis, illustratur causis administrantibus. v. 18. & gloriosissimo suo modo, qui victoriam Christi in spirituales nostros hostes ad vivum repræsentabat vers. 19. 2. Ex istis omnibus argumentis concluditur laus & benedictio Dei. vers. 20.

quæ denuo similibus argumentis persuadetur: 1. Beneficiis Dei quotidianis. ibidem. 2. Liberationibus admirandis. v. 21. 3. Victoriis in impios hostes. v. 22. quæ experientia testimonio singulari confirmantur. vers. 23, 24, 25, 26. 3. Idem officium laudis ac benedictionis inculcatur omnibus Israëlitis in genere. vers. 27. & per distributionem ornatur. v. 28. ac præcepto Dei, & promissione fidei corroboratur. v. 29. Quæ fides prædictione felicitatis à Deo populo suo concedendæ confirmatur. vers. 30, 31, 32. 4. Idem officium laudis omnibus gentibus commendatur. v. 33. propter ejus majestatem. v. 34. & potentem omnium rerum gubernationem. v. 35. sed præcipue propter gloriosam communionem quam Ecclesie suæ singulariter impertit. v. 36.

D O C U M E N T A.

I. Ad Dei gloriam, & nostram consolationem, apprehendere fide debemus præsentiam Dei ad hostes perdendos, & suos tuendos summe potentem ex v. 1, 2, 3.

II. De ista Dei præsentia fideles omnes exultare debent gaudio magno. ex v. 4.

III. Ex isto gaudio laudare Deum debent, & nomen ejus rite cognitum celebrare. ex vers. 5. Psalm. 99. 3. Exod. 15. 3.

IV. Nomen Dei singulariter illustre celebrandum est in defensione afflictorum & omni ope desti-

rutorum. ex v. 6, 7. Deut. 10. 18.
Prov. 23. 12.

V. Ad istam fidem, & celebrationem nominis divini, plurimum facit recordatio operum Dei, quibus olim sufficientiam & efficientiam suam erga populum suum declaravit. ex v. 8, 9, 10, 11, 12, 13. Psalm. 77, 10, 11.

VI. Ex istis operibus Dei antegressis consolari & confirmare se possunt fideles adversus summas angustias & pressuras. ex v. 14, 15.

VII. Consolationis hujus primum argumentum, & fundamentum est gratiosa Dei presentia & habitatio inter suos. ex v. 16, 17.

VIII. Eandem consolationem auget consideratio multitudinis sanctorum Angelorum ministerii munere fungentium propter salutem fidelium. ex v. 18.

IX. Apex consolationis nostrae est in victoria & triumpho Domi-

ni & Servatoris nostri Jesu Christi. ex v. 19. Ephesi. 4. 8, &c.

X. Prout consolatio haec quotidie continuatur, sic etiam gratitudo nostra debet continuari & abundare. ex v. 20, 21, 22.

XI. Ad istam fidem & gratitudinem confirmandam plurimum facit religiosa consideratio promissionum Dei cum earum complementis. ex v. 23, 24, 25, 26.

XII. Gratitude hujus officium non tantum in genere omnibus, sed & specialiter singulis debet inculcari. ex v. 27, 28.

XIII. Gratitude adjungenda sunt omnis generis preces fideles & constantes. ex v. 29, 30, 31, 32.

XIV. Precibus nostris adjungenda sunt pia vota, & conatus indefessi ad alios quamplurimos eo adducendos, ut Deum nobiscum pariter laudent. ex v. 33. fine.

PSALMUS SEXAGESIMUS NONUS.

M Agistro symphonia ad hexachorda, Davidis ode.

2. *Serva me Deus, quia perveniunt aquae usque ad animam.*

3. *Demergor in caenum profundissimum, ubi non est consistendi locus: ingredior profunditates aquarum, & fluentum inundans abripit me:*

4. *Fatigor clamando, exsiccatur guttur meum, deficiunt oculi mei sperantis in Deum meum.*

5. *Plures sunt quam capilli capitis mei, qui oderunt me immerito, potentiores sunt, qui conantur me succidere, qui mihi sunt inimici injuria; tunc quod non rapui, rependere cogor.*

6. *O Deus, tu novisti stultitiam meam, & reatus mei non sunt celati tibi.*

7. *Ne erubescant de me expectantes te, Domine Iehovi Deus exercituum; ne rubore suffundantur mea causa, qui quaerunt te, Deus Israel.*

8. *Nam propter te sustineo opprobrium, operit ignominia faciem meam.*

9. *Extraneus effectus sum fratribus meis, & alienus filius matri meae.*

10. *Quia zelus domus tuae exedit me, & opprobria probri afficientium te, accidunt mihi.*

11. *Quum fletus affligo jejunio animam meam, tum hoc vertitur in summum probum mihi.*

12. *Quum statuo vestimentum meum cilicium, tunc sum illis in parabolam.*

13. *Confabulantur de me sedentes in porta; & canunt odas lyricas bibentes potum incipientem.*

14. *De me itaque oratio mea ad te est hęc, Iehova, tempus est benevolentie Deus, pro amplitudine benignitatis tue exaudi me, pro fide salutari tua.*

15. *Eripe me è luto, & ne immergar; eripiar ab osoribus meum, & à profunditatibus aquarum:*

16. *Ne inundans abripiat me fluentium aquarum, neque absorbeat me profundum: & ne praecludat mihi putens os suum.*

17. *Exaudi me Iehova, quia bona est benignitas tua: secundum amplitudinem miserationum tuarum respice ad me.*

18. *Et ne abscondas faciem tuam à servo tuo; quia est angustia mihi; festina, exaudi me.*

19. *Appropinqua ad animam meam: vindica eam, propter inimicos meos redime me.*

20. *Tu nosti opprobrium meum, pudoremque meum, & ignominiam meam: coram te sunt omnes hostes mei.*

21. *Opprobrium frangit animum meum, adeo ut afficiar agitudine: quumque expecto qui condoleat, nemo adest; aut consolatores, tamen non invenio:*

22. *Quin potius dant pro alimento meo amarorem; & in siti mea bibendum dant mihi acetum.*

23. *Sit mensa eorum ante eos pro laqueo; & pro retributionibus, pro tendicula ipsis.*

24. *Obtenebrentur oculi eorum, ut non videant: & fac ut lumbi eorum fugiter autent.*

25. *Effunde super eos indignationem tuam, & æstus iræ tuæ assequatur eos.*

26. *Sint castella eorum desolata, in tensoris eorum ne sit habitator:*

27. *Quia quem tu percussisti persequuntur, & secundum dolorem confessorum tuorum narrationes contexunt.*

28. *Appone penam ad penam iniquitatis eorum, & ne veniant in iustitiam tuam.*

29. *Deleantur de libro viventium, & cum iustis ne conscribantur:*

30. *Ego vero pauper & dolens; quum salus tua, Deus, in edito collocaveris me.*

31. *Laudabo nomen Dei cantico, & magnificabo eum gratiarum actione.*

32. *Qua melior videbitur Iehova; bove juvenco, cornuto; aut ungulam scissam habente quoquam.*

33. *Quod ubi viderint mansueti, letabuntur; & reviviscet animus vester, & quærentes Deum:*

34. *Quod*

34. Quod attendat ad egenos Iehova, & viros suos non spernat.
 35. Laudabunt eum caeli & terra, maria, & quicquid repit in eis:
 36. Quia Deus servat Tzyonem, & inhabitat civitates Iehudæ; ut habitent ibi, & hereditario jure possideant eam terram.
 37. Posteris, inquam, servorum ejus possideant eam, & amantes nominis ejus habitent in ea.

ANALYSIS.

SCOPUS Davidis in hoc Psalmo est petere salutem ac liberationem à periculis in quibus versabatur. v. 2.

Primum argumentum petitur à periculis gradu vel gravitate, qua necessitas tam petitionis, quam opis à Deo ferendæ declaratur. v. 2, 3.

Secundum argumentum petitur ab ipsis precibus, tanquam certis mediis vel causis administrantibus, quibus Deus ex gratiosa promissione & scdere salutem tanquam effectum annexit. Quæ preces ardore, constantia, & expectatione tanquam adjunctis & conditionibus perficientibus illustrantur. v. 4.

Tertium argumentum deducitur à periculi causa, hostium scil. numero, potentia & iniquitate magna. v. 5.

Quartum argumentum petitur ab humili confessione peccatorum adversus Deum admisorum, & ipsi notorum: quæ diversa esse notantur à criminationibus adversariorum. v. 6.

Quintum argumentum petitur ab effecto incommodo liberationis negatæ, confusione scil. piorum, v. 7. Cujus arguenti consequentia declaratur, inde ad v. 14. quia ut pius propter Deum persecutionem gravissimam & indignissimam sustinebat.

Ex istis argumentis concluditur petitio salutis initio proposita, & illustratur ab adjuncto temporis, & simul urgetur à benignitate ac fide Dei tanquam principali causa. v. 14.

Illustratur etiam à necessitate. v. 15, 16. eodem plane modo quo antea proponebatur. v. 2, 3.

Conjunctim porro illustratur & urgetur tam à causa quam à necessitate liberationis. v. 17, 18, 19.

Illustratur denique à gravitate mali quod patiebatur. v. 20, 21. & inhumana crudelitate hostium, à quibus inferebatur. v. 22.

Hæc autem crudelitas hostium adjuncta imprecatione omnimodæ pœnæ declaratur à v. 22. ad 30. ubi

Ultimo in loco petitio repetitur. v. 30. & suadetur ab effecto consequuturo, grata scilicet laudatione nominis divini. v. 31, 32. gaudio piorum. 33, 34. glorificatione Dei in toto mundo. v. 35. quæ perpetua Ecclesiæ conservatione tanquam causa primaria declaratur. v. 36, 37.

DOCUMENTA.

I. Quo majores sunt angustie in quibus versamur, eo magis instanter debemus Deum precari. v. 2, 3.

II. Ex instantia & perduratio-
ne nostrarum precum fiduciam
nostram confirmare possumus ad
con-

consolationem spei. ex vers. 4.

III. Multitudo, potentia, & iniquitas omnis inimicorum nostrorum vincitur ista consolatione quam habemus in Deo. ex v. 5.

IV. Consolationem istam peccata nostra precipue impugnant: quæ idcirco vel innocentia, vel humili confessione & deprecatione sunt removenda. ex v. 6.

V. Peccatorum & afflictionum piorum acerbissimum effectum est, aliorum piorum confusio. ex v. 7.

VI. Plurimum facit ad consolationem, si constet nos affligi propter Deum. ex v. 8, 9.

VII. Ex eo imprimis constat nos affligi propter Deum, si causa sit zelus noster pro domo Dei, id est, pro Dei cultu, & religione vera. ex v. 10.

VIII. Constat idem ex eo, si in afflictionibus religiose nos ge-

ramus, quamvis eo nomine impii nos odio & irrisione prosequantur. ex v. 11, 12, 13.

IX. Ex odio & irrisione hominum proficere debemus in studio Deum invocandi ex fide benignitatis & fidelitatis ejus. ex v. 14.

X. In Deo invocando abundantia cordis facit ut eadem sæpius inculcemus. ex v. 15. ad 23.

XI. Pertinet ad spem in invocatione nostra exertam, ut certo expectemus gravissima Dei judicia in desperatos Dei & Ecclesie hostes exercenda. v. 23. ad 30.

XII. Tota hæc Dei dispensatio, quam expectamus, aut expectamus, ad nostram gratitudinem, aliorum ædificationem, & omnimodam Dei glorificationem tanquam ad proprium finem debet referri. à v. 30. ad finem Psalmi.

PSALMUS SEPTUAGESIMUS.

M Agisiro symphonia, ode Davidis ad recordandum.

2. Deum adripiendum me, Iehova, ad auxilium meum festina.
3. Pudeant & rubore perfundantur quærentes animam meam: agantur retrorsum & ignominia afficiantur qui delectantur malo meo.
4. Retrocedant pro mercede pudoris sui, qui dicunt, euge, euge.
5. Gaudeant & letentur in te omnes quærentes te; ac dicant jugiter, magnificetur Deus, amantes salutis tuæ.
6. Ego vero sum pauper & egens, ô Deus, festina mea causa; auxilium meum & liberator meus es, Iehova, ne tardes.

Hic Psalmus cum fine Quadragesimi coincidit, ideoque Lectori cui libet facile erit inde ejus Analysin & Documenta excerpere.

PSALMUS SEPTUAGESIMUS PRIMUS.

A De te, Iehova, me recipio, ne erubescam unquam.

2. Iustitia tua eripe me & libera me, inclina ad me aurem tuam, ac serva me.
3. Et non mihi runes quæ in habitem, quæ veniam jugiter; præceptum posuisti de servando me, quia petra mea & munus meum es.

4. Deus mi, libera me à manu improbi; à manu inique & praeſtante agentis.

5. Nam tu es expectatio mea, Domine Iehovi; fiducia mea à pueritia mea.

6. Tibi innitor inde ab utero; visceribus matris meae tu abripuisti me: in te est laus mea jugiter.

7. Tanquam ostentum fui multis, adeo es mihi receptus robustus.

8. Impletur os meum laude tua, toto die gloria tua.

9. Non abjicias me tempore senectutis: quum deficit virtus mea, ne derelinquas me:

10. Quia loquuntur inimici mei de me, & observantes animam meam consulant simul:

11. Dicendo, Deus dereliquit eum, persequimini & prehendite eum; quia nemo est qui eripiat.

12. Deus, ne longe abesto à me; Deus mi, ad auxilium meum festina.

13. Pudeſcant, deficiant adversantes anima mea; operiantur opprobrio & ignominia quærentes malum meum.

14. Ego vero jugiter in expectatione sum, de tota laude tua; & perreſturnus sum.

15. Os meum narraturum est justitiam tuam, quotidie salutem tuam: quamvis ignorem numeros ejus.

16. Aggrediar omnimodam fortitudinem Domine Iehovi; commemora- bo justitiam tuam solus.

17. Deus; docuisti me à pueritia mea, & hoc usque indicavi mirabilia tua.

18. Quare etiam tantisper dum senex & canus sum Deus, ne derelin- quas me; donec indicavero brachium tuum huic generationi, omni ventu- ra generationi fortitudinem tuam.

19. Nam justitia tua, Deus, in altum usque allurgit: quia facis res magnas; Deus, quis est par tibi?

20. Quia postquam fecisti, ut experirer angustias magnas & malas; rursus vita restituis me, & ex abyſſis terra rursus facis, ut ascendam.

21. Anges magnitudinem meam, & divertens consolaris me.

22. Etiam ego celebraturus sum te instrumento nablii, fidemque tuam Deus mi: psallam tibi cithera, & sancte Iſraëli.

23. Cantabunt labia mea, quando psallam tibi, & anima mea quam re- demeris.

24. Etiam lingua mea quotidie enuntiabit justitiam tuam: quod eru- buerint, quod pudore persus fuerint quærentes malum meum.

ANALYSIS.

SCOPUS Psalmi est petere li-
berationem ab inimicis. v. 2, 3,
4, 12, &c.

Argumentum primum petitur à

causa administrante, fiducia scil.
cujus consequentia declaratur ab
incommodo pudoris alias conse-
cuturo. v. 1.

Argu-

Argumentum *secundum* petitur à causa principali, iustitia Dei. v. 2. qua significatur perfectio æquitatis, bonitatis ac fidelitatis Dei.

Argumentum *tertium* petitur à causa subordinata, verbo scilicet & ordinatione Dei, fide apprehensa. v. 3.

Argumentum *quartum* petitur à comparatione similium, & imparium antegressæ conservationis maximæ, & omni laude dignissimæ, ab infanzia, cum ista liberatione quâ in senectute petit. v. 5, 6, 7, 8, 9.

Argumentum *quintum* petitur ab insultatione inimicorum, quæ Dei gloriæ adversa, vim habuit causæ impellentis, ad liberationem ejus cum eorum confusione impetrandam. v. 10, 11, 12, 13.

Argumentum *sextum* petitur à fine & fructu speratæ liberationis, in laudes Dei pro virili debito modo celebrandæ. v. 14, 15, 16.

Argumentum hoc *ultimum* per commemorationem illustratur.

1. A comparatione anteaactæ celebrationis pro beneficiis antea concessis. v. 17, 18. Quarum causa communis, altitudo nempe iustitiæ Dei notatur v. 19. & modo suo per oppositionem declaratur. v. 20, 21.

2. Eadem celebratio illustratur à suis mediis, distributione comprehensis, instrumentis nempe externalis, corpore, ejusque membris, & animæ, vel spiritu mentis. v. 22, 23, 24.

DOCUMENTA.

I. Precum ex fiducia vera proficiscentium nunquam quenquam pudebit. ex v. 1.

II. Hujus fiduciæ certum fundamentum est iustitia vel perfectio Dei. ex v. 2.

III. Hæc iustitia & perfectio Dei apprehendenda est à nobis in omni verbo promissionis. ex v. 3.

IV. Pia receptio, agnitio, & recordatio beneficiorum præteritorum, plurimum facit ad istam fiduciam in futurum corroborandam. ex v. 5, 6, 7, 8, 9.

V. Impiorum insultatio fiduciam nostram non debet minuere, sed acuere magis & excitare, ex v. 10, 11, 12, 13.

VI. Insultationi impiorum (quæ læditur gloria Dei) opponere debent ipsi summum studium gloriæ Dei promovendi. ex v. 14, 15.

VII. In Deo glorificando, quamvis quod debemus & volumus, non possimus præstare, sedulo tamen aggredi & conari debemus, quod datur nobis posse. ex v. 16.

VIII. Si inchoatio divinæ erga nos beneficentiæ inchoatum in nobis produxit studium ipsum glorificandi, certo possumus sperare quod ejusdem beneficentiæ continuatio & perfectio succederet ad idem studium perficiendum. ex v. 17, 18.

IX. Ad spem nostram sustentandam, id agere debemus, ut omnia Dei opera secundum altitudinem suam intueri possimus. ex v. 19.

X. Singularis quædam altitudo viarum Dei est in eo, quod primo deducit suos in abyssum quandam angustiarum, & inde ascendere illos facit ad maximam consolationem. ex v. 20, 21.

XI. Ut altissimæ Dei bonitati nostra gratitudo aliquo modo respondeat, omnia nostra, tam externa, quam interna in ipsius gloriam debent conspirare. ex v. 22, 23, 24.

PSALMUS SEPTUAGESIMUS SECUNDUS.

PRO Schelomone, & Deus, judicia tua regi da, & justitiam tuam filio regis:

1. Judicet populum tuum iuste, & pauperes tuos iure.
2. Proferant montes pacem populo, & colles propter justitiam.
3. Vindicabit pauperes populi; servabit filios egentis, conteret vero oppressorem.
4. Reverebuntur te quam diu erit sol; & durante luna in generationem eternam.
5. Ut quum descendit pluvia super seccam herbam; quum imbres, irrigatio terræ.
6. Florebit temporibus ejus justus; & amplitudo pacis, donec non sit luna:
7. Et dominabitur à mari uno ad alterum, & à flumine quaquà sunt fines terræ.
8. Coram eo honorem exhibentes incurvabunt se barbari, & inimici ejus pulverem lingent.
9. Reges Oceani accolæ & insulari munus reddent, reges Schebæ & Sebæ donarium offerent.
10. Denique incurvabunt se honorem exhibentes ei omnes reges omnes gentes servient ei.
11. Quoniam eripist egentem vociferantem, & pauperem cui non fuerit adjutor;
12. Parcet attenuato & egenti, animasque egentium servabit;
13. A dolo & à violentia vindicabit animam eorum: adeo pretiosus est sanguis eorum in oculis ejus.
14. Ideo quamdiu vivet, dabit ei de auro Schebæ; & orabit pro eo jugiter, toto die benedicet ei.
15. Ubi fuerit pugillus tritici in terra, in vertice montium, commovebit se, ut Libanus fructus ejus; & florebunt cives ut herba terræ.
16. Erit nomen ejus in seculum, durante sole sobolescet nomen ejus; & benedicentes sibi in eo, omnes gentes beatum prædicabunt eum.
17. Benedictus sit Jehova Deus; Deus Israël; qui facit mirabilia solus:
18. Et benedictum nomen gloriæ ejus in seculum: impleaturque gloria ejus tota terra, amen, iterum amen.
19. Finiuntur orationes Davidis filii Ischai.

ANALYSIS.

CONTIENTUR hoc Psalmus precatio Davidis pro Salomone jam rege Israël constituto ante obitum ipsius Davidis: & si-

mul etiam sub ejus typo pro regno Christi. Utriusque respectu, pro fine & scopo habet descriptionem, votum, prædictionem & prædica-

dicationem florentissimi regni: sed quoad Salomonem, conjunctam habet ejus informationem vel institutionem in officio suo præstando.

1. In hac precatione optatur primo, ut Deus Salomoni largiatur intelligentiam & voluntatem bene regnandi *judicia scilicet & justitiam. v. 1.* Secundo, ut det ipsum agere & perficere. *v. 2.* quod obiecto suo declaratur, tam communi, quam proprio, *populum tuum, pauperes tuos.* Tertio, ut addere velit istis suum proprium fructum, omnimodam scilicet benedictionem & felicitatem. *v. 3.*

2. Huic petitioni, tanquam certo inpetrata & implenda, subjungitur prædictio congruentis eventus. Ubi declarantur 1. Justitiæ executio, tam in oppressorum liberatione, quam in opprimendum coercitione. *v. 4.* cujus effectum notatur esse religionis promotio & propagatio. *v. 5.* 2. Fructus justitiæ. 1. Respectu civium, qui essent justii & florentes: quod similitudine illustratur. *v. 6, 7.* 2. Respectu Regis, cujus regnum esset amplum & latum. *v. 8, 9.* & in magno honore, tam apud Reges ac Principes. *v. 10, 11.* quam apud subditos omnes, & etiam seros posteros. *v. 13, 17.* cujus causa propria in justitia collocatur. *v. 12, 13, 14.* 3. Respectu ipsius terræ, quæ etiam in locis incommodis, ex principiis minutis fructum feriat amplissimum. *v. 16.*

3. Eidem prædictioni, fide apprehensa, tanquam jam impleta, subjungitur glorificatio Dei eo nomine debita, cum omni affectu representata. *v. 18. & 19.*

DOCUMENTA.

I. Piorum parentum officium est, pia institutione & precibus liberorum suorum bonum procurare: maxime vero eorum quibus optime cupiunt & sperant. ex titulo. *pro Salomone.*

II. Officium etiam est eorum qui publicis muneribus funguntur, non tantum pro se, sed & pro successoribus suis sollicite orare. ib.

III. Intelligentia & voluntas recte agendi etiam in rebus politicis, & æconomicis sunt specialia Dei dona, precibus quærenda, etiam eis qui optime fuerunt ab infantia instituti. ex *v. 1.*

IV. Rogandus est Deus, non tantum ut intelligentiam & voluntatem bene agendi largiri velit; sed etiam earum firmam persistentiam ad actum ipsum perficiendum. ex *v. 2.*

V. Quamvis officium sit præstandum erga omnes, singulari tamen cura ejus debetur populo Dei, & præcipue eis qui pauperes sunt in populo Dei. ibidem.

VI. Ex Gubernatorum officii administratione recta pendet omnimoda pax & prosperitas populi. ex *v. 3. & 16.*

VII. Gubernatorum officia duo sunt potentissima, nunquam vel negligenda vel separanda, oppressos liberare, & oppressores coercere. ex *v. 4.*

VIII. Finis quem Gubernatores debent spectare, & quem sperare possint ex officio præstito, est religionis veræ promotio & propagatio. ex *v. 5.*

IX. Ejusdem officii præstiti effectum optatum est prosperitas justorum, non impiorum. ex *v. 6, 7.*

X. Ejus-

X. Ejusdem fructus est potestatis & honoris amplificatio. ex v. 8, 9, 10, 11. & 17.

XI. Ad officium istud pertinet
1. Non expectare dum pauperes litem contestantur, sed quocunque modo clamantibus subvenire. 2. Parcere ipsis quantum jure potest. 3. Jus ipsis dicere ex mera charitate, & ita ut appareat

iplos in justo pretio & honore haberi. ex v. 12, 13, 14.

XII. Talibus Gubernatoribus omnia debita reddere & debent & solent subditi libenter. ex v. 15.

XIII. Istorum omnium bonorum gloria tam à gubernatoribus, quam à subditis Deo in solidum est tribuenda. ex v. 18, 19.

PSALMUS SEPTUAGESIMUSTERTIUS.

Psalms Asaphi. Atqui bonus est Israël Deus, puris animo.

2. Equidem quod ad me, pene declinaverant pedes mei; nihil fere aberat quin effunderetur gressus mei:

3. Quum inviderem insipientibus, prosperitatem improborum afficerem.

4. Num non sunt nexius usque ad mortem eorum, sed pingue est robur eorum.

5. In labore mortalium non sunt, & cum reliquis hominibus non afficiuntur plagis.

6. Idcirco cingit eos torques superbiae, operit velut ornamentum violentia eos.

7. Emicat prae pinguedine uterque osulus eorum, superant cogitationes animi.

8. Tabifici sunt, & loquuntur maligne oppressionem: & è sublimi loquuntur.

9. Opponunt caelis os suum, & lingua eorum pervadit terram.

10. Idenque redit populus ejus buc, quum aquae pleni poculi exprimentur ipsis;

11. Ut dicant, quomodo cognosceret Deus fortis? aut esset noticia in excelsis?

12. Ecce istos improbos, ut tranquilli in seculo augeant vires.

13. Utique inaniter purifico animum meum, & lavo in munditia manus meas:

14. Quum sim plaga affectus quotidie, & castigatio mea praesto sit matutinis singulis.

15. Si dixerim, narrabo talia; ecce generationi filiorum tuorum perfidus fuero.

16. Si cogitem cognoscere hoc, laboriosum visum est in oculis meis.

17. Donec ingressus offensi in sanctuaria Dei fortis, anima avertissem finem istorum.

18. Utique in lubricis ponis eos, dejicis eos in vastitates.

19. Quomodo abeunt in desolationem quasi momento: desunt, consumuntur terroribus?

20. *Tanquam si manu, postquam evigilavit quispiam? Domine, quum expergisceris, imaginem eorum contemnis.*

21. *Quum exacerbabatur animus meus, & in venibus meis meipsum exacuebam,*

22. *Tum eram brutus, qui ignorarem: velut jumenta aeram apud te.*

23. *Itaque ego jugiter futurus sum tecum: prebendisti manum dextram meam.*

24. *Conflio tuo deduc me, ut postmodum in gloriam recipias me.*

25. *Quis eliet mihi in calis præter te? & præter te nullo deflor in terra.*

26. *Deficiente carne mea & animo meo, rupes animi mei & portio mea Deus est in seculum.*

27. *Nam ecce longinqui à te pereunt, exscindit quicumque adulterando dehinc à te.*

28. *De me itaque, propinquum esse Deo mihi bonum est; pono in Domino lebori receptum meum, ut enarrem omnia opera sua.*

ANALYSIS.

SCOPUS hujus Psalmi est declarare, Deum piis bene, & impiis male & velle & facere, quâvis contraria suspicio multis oriatur ex iis quæ in sensus incurrunt. v. 1.

Hæc quaestio à Plalte sub persona piorum in utramque partem disputatur per totum Psalmum, & primo quidem in partem negativam & falsam, qua maxima tentatio repræsentatur, ad v. 15. deinde vero in partem veram, qua illa tentatio refutatur, ad finem Psalmi.

Falsæ disputationis effectum primo notatur perniciosum, perturbatio scilicet invidiæ, & sollicitatio ad defectionem à pietate erga Deum. v. 2. & 3. in principio.

Tum ipsa disputatio vel tentatio explicatur: quæ petitur ab apparente conditione impiorum & piorum inter se comparatis. Ubi in impiis per discretionem obijciuntur eorum adjuncta pax aut sollicitas apprensus, & impietas quam interim & inde exercent.

Pax impiorum in genere decla-

ratur. v. 3. & postea specialiter, tum negatione adversorum v. 4, 5. tum affluentia bonorum spe sua majorum. v. 7.

Impietas eorum in cogitatis dictis, & factis, declaratur. v. 6, 8, 9.

Apparens conditio piorum miseræ plena comparate declaratur. v. 10, 12, 14.

Ex istis inter se comparatis, tanquam præmissis, conclusio sequitur tentationis, quæ est dubitatio de providentia Dei, v. 10, 11. & sollicitatio ad defectionem à pietate, tanquam inani cura v. 13. quia scilicet non piis, sed impiis bene est.

Veræ disputationis, qua hæc tentatio refutatur, declaratur primo necessitas, ad perfidiam vitandam. v. 15. difficultas, aut impossibilitas, ut petatur ex sésu, & oratione carnali aut infirma. v. 16. & verû principium ex quo peti debet, videlicet ex doctrina sanctuarii Dei. v. 17.

Disputatio ipsa vera & solida petitur ex vero judicio de iis rebus quæ in tentatione fuerunt ob-

je&x: de conditione scilicet impiorum & piorum. Impiorum igitur infelicitas arguitur ab horribili ipsorum fine, & momentanea ac vana prosperitate. v. 17, 18, 19, 20. Piorum autem beatitudo per modum voti declaratur; quod scilicet in unione & comunione cum Deo solo consistat. v. 25. cujus partes sunt, quod Deus pios consilio suo regat, & promoveat ad gloriam veram ex summis miseriis ereptos. v. 23. in fine, & 24. 26.

Ex istis autem præmissis, tentatio refutata damnatur. ex v. 21, 22. & adversa plane conclusio inferitur: miserum nempe esse à Deo deficere, & beatum ipsi adhærescere: quia impiis male & piis bene erit. v. 27, 28.

DOCUMENTA.

I. Tentationes graves quasi vi abruptere sæpe juvat. ex v. 1. *atqui*, vel *attamen*. notat enim enunciationis discretæ partem unam ex abrupto prolatam, cujus pars altera fuit gravis tentatio, quæ hac oppositione abruptitur.

Ratio 1. Quia tales tentationum nodi sæpe à Diabolo, & carnali ratione nectuntur, ut non possint facile solvi, atque adeo debent discindi. 2. Quia tales sunt multæ tentationes, ut quamvis possint refutari, tamen ipsa tractatione vel meditatione diuturna soleant animum inquinare, atque adeo tutius multo quasi vi strangulantur. 3. Quia multæ tentationes, quæ & facile & tuto possunt alias à nobis dissolvi, non possunt tamen tum temporis discuti, quando ex tentationis fumo nubes quasi obducitur super mentes nostras: atque adeo

expectandum est donec illa nebula dispulsa, & reducta serenitate, animum habeamus magis compositum ad lucem veritatis intuentiam.

Usus Directionis, ne noxiis tentationibus nosmetipsos nimis fatigemus.

I I. Optima ratio plerasque tentationes abruptendi est, fortiter excitare ac renovare fidem ac fiduciam nostram circa bonitatem Dei. ex v. 1.

Ratio 1. Quia justus ex fide vivet. Habac. 2. 4. Rom. 1. 17. Gal. 3. 11. Heb. 10. 38. Principium autem vitæ est principium vigoris illius quod in omni periculo confirmamur. 2. Quia fides nostra in maximis tentationibus præcipue impugnatur. Luc. 22. 31, 32. 3. Quia fides est scutum extingvens ignita jacula Diaboli. Eph. 6. 16. est victoria qua vincimus mundum. 1 Joh. 5. 4.

Usus Directionis, ut præcipua nostra cura sit in fide ista corroboranda.

I I I. Specialis Dei bonitas proprie pertinet ad veros Israëlitas, qui sincere student puritati cordis. ex v. 1.

Ratio 1. Quia spiritualis Dei benedictio incipit à purificatione cordis per fidem. Act. 15. v. 9.

2. Quia puritas cordis expellit impedimenta, & paratum hominem reddit ad bonitatem Dei recipiendam. 1 Pet. 2. 1, 2, 3. 2 Cor. 7. 1.

3. Quia pure ac sincere Deum querentes promissiones habent omnis bonitatis ipsis communicandæ. 1 Tim. 4. 8.

Usus Admonitionis, ne acquiescamus in professione, nomine, vel notis externis Israëlitarum, vel Christi-

stianorum; sed purgemus corda nostra ab omni duplicitate, & in omni simplicitate Deū quæramus.

I V. Aculeus & amaritudo tentationis est in eo, quod sollicitet ad defectionem à pietate. ex v. 2.

Ratio 1. Quia hic proprius est scopus tentatoris, ut seducere nos possit à via recta quæ ducit ad vitam. 2 Cor. 11. 3. 2. Quia per hanc seductionem homines à Diabolo tentatore devorantur, id est, vita spirituali privantur, & in ejus potestatem rediguntur. 1 Pet. 5. 8. 2 Tim. 2. 6. 3. Quia hoc maxime læditur gloria nominis divini, tam in Ecclesia, quam inter infideles, Rom. 2. 24.

Vsus Directionis, in omni tentatione hoc imprimis caveamus, ne vel extinguat, vel minuat studium pietatis. Huc spectat illa petitio, qua non petimus ne tentemur, sed ne inducamur in tentationem.

V. Istiusmodi tentationibus exercentur & aliquando etiam concutiuntur illi, qui in pietate excellunt. ibidem.

Ratio 1. Quia Diabolus præcipue talibus insidiatur, tanquam hostibus suis primariis, & ex quorum ruina plurimum possit lucrari. 2. Quia Deus vult ut istiusmodi exercitiis tales explorentur, & erudiantur tam de infirmitate sua, quam de gratia Dei.

3. Quia hæc est sapientissima Dei dispensatio, ut ex fortium luctationibus infirmiores proficiant. 2 Cor. 1. 4, 6.

Vsus Consolationis, adversus tentationum horrorem: quia tentationes illæ quæ nobis obveniunt, obvenierunt olim præstantissimis Dei servis, & ab eis etiam ad con-

solationem nostram superant. 2. *Directionis*, ne unquam securitati carnali indulgeamus, sed omni studio nos magis magisque corroboremus & muniamus adversus tentationes: quia præstantes viri graviter aliquando concutiuntur.

VI. Istiusmodi tentatio originem suam sæpe trahit ab invidia, qua afficiuntur pii ex intuitu prosperitatis impiorum. ex vers. 3. sic Psalm. 37. Jer. 12. Habac. 1. 12. Per invidiam intelligitur hic non tantum, *quod* nos, sed & *quomodo*, & *quare*. indignatio & æmulatio inordinata.

Ratio 1. Quia hæc invidia aliquo modo includit in sese opinionem illam, quæ sceleritatem hominis collocat in bonis externis: qui est exitialis error circa fundamentum pietatis. 2. Quia continet opinionem quandam propriæ dignitatis, qua quis sibi aliquo modo deberi sceleritatem illam imaginatur: qua opinione humilitas illa, qua pietas nititur, multum labefactatur.

3. Quia continet in sese dolorem, indignationem, & iram quandam adversus Dei providentiam, vel cessationem ejus in istiusmodi rerum dispensatione, qua fit ut indignis contingant.

4. Quia continet etiam æmulationem vel desiderium conditionis illius quo impii utuntur; atque adeo inclinationem inducit ad impios imitandos.

Vsus Admonitionis, ne invidiz huic locum ullum in animis nostris concedamus: neque oculos nostros defigi sinamus in impiorum apparente prosperitate cum admiratione contemplanda. Nam per

per istas fenestras irrepit invidia, sicut est in textu.

VII. Impii homines gaudent sæpe immunitate quadam à multis hujus vitæ malis, quibus alii premuntur; & commodis hujus vitæ, supra illud quod sperabatur, augentur. ex v. 4, 5. & 7.

Ratio 1. Quia Deus vult abundantem suam bonitatem hoc modo testari. Matth. 5. 45.

2. Quia hac ratione vult ipsos ad respicientiam invitare. Rom. 2. 4.

3. Quia sic instituuntur pii, ut magis aspirent ad vitam futuram, ubi liberabuntur illi à malis, & impii cruciabuntur. Luc. 6. 25.

Usus 1. Reformationis, ne inane illam imaginationem foveamus, quæ miseriam hominis collocat in externis hujus vitæ malis, & felicitàtem in bonis externis.

VIII. Impii homines pace & prosperitate supra modum insolentes evadunt. ex v. 6.

Ratio 1. Quia inde colligunt se posse suis cupiditatibus absque periculo vel pœna indulgere.

2. Quia pœnæ formidine remota pudorem excutunt, & sic nihil manet in illis quo possint coerceri. 3. Quia in peccante sua felicitàte acquiescunt, semetipsos oblectant, & adversus alios gloriantur.

Usus 1. Informationis, ut hinc intelligamus quantus sit usus afflictionum, sicut aliis rationibus, sic in istum finem, ne secūdis rebus inflati superbi & insolentes evadamus.

IX. Ex insolentia fit, quod impii & injuriis contumeliosis homines violent, & blasphemiiis Deum. ex v. 8, 9.

Ratio 1. Quia ex insolentia ori-

tur contemptus non tantum hominum, sed & Dei ipsius. Insolentia enim homines imaginatione sua elevatos ponit in sublimi, unde alios quasi inferiore loco positos despiciunt. v. 8. & vel Deo ipsi subijci nesciunt ac recusant. Exod. 5. 2. 2. Quia insolentia & contemptus omni disciplinæ adversatur; atque adeo frangit omne jūgum, & vincula dirumpit. Jer. 5. 5. 3. Quia excutit metum pœnæ, & non veretur Deum ipsum provocare. 1 Cor. 10. 22.

Usus Admonitionis, ut caveamus nobis à superbia. Jer. 13. 15.

X. Pii homines, ex comparatione prosperitatis hujus impiorum, cum externa sua conditione, consue nonnunquam tentantur & perturbantur, ut aliquo modo dubitent de omniscientia & providentia Dei. ex v. 10, 11, 12, 14.

Ratio 1. Quia temere persuaserant sibi externam felicitàtem. Psalm. 30. 7. Job 29. 18. Quum igitur experiuntur hanc spem (quæ temeraria fuit) frustrari; spe & fide toti concutuntur.

2. Non ita profecerunt omnes pii in cognitione ac fide, quin reliquias habeant in sese infidelitatis, quæ tentationis flabello possint quadamtenus excitari.

3. Pii dum vehementer commoventur dolore & ira, obliviscuntur aliquo modo eorum quæ certissime alias credunt.

Usus 1. Consolationis, ne plane despondeamus animos, si aliquando hujusmodi tentationibus vexemur. 2. *Directionis*, ut diligenter muniamus nos adversus hanc

tentationem, & in fide providentiæ divinæ radicari studeamus.

X I. Ex perversa hac opinione de impiorum & piorum conditione, una cum dubitatione inde manante de providentia Dei, diabolica sequitur sollicitatio ad defectiorem ab omni studio pietatis. ex v. 13.

Ratio 1. Quia hæc imaginatio omnem remunerationem pietatis tollit: atque adeo pietatem omnem frustraream repræsentat. 1 Cor. 15.

14. 2. Quia pietatis mercedem, felicitatem in impios transfert.

3. Quia Dei scientiam in dubium vocans, incertam relinquit differentiam boni à malo.

Vsus 1. Admonitionis, ut fundamentales istas tentationes, tanquam exitiales abominemur.

2. *Directionis*, ut omni modo firmum & fixum habere studeamus principium illud pietatis de gloriosa mercede, quæ piis est parata. Psalm. 58. 11. 1 Cor. 15. ult.

X I I. Pietas vera (quæ huiusmodi tentationibus impugnatur) consistit in cordis & conversationis purificatione. ex eod. v. 13.

Ratio 1. Quia ad communionem cum Deo habendam requiritur ut renunciemus communioni cum peccato. 2 Cor. 7. 1. Heb. 12.

14. 1 Joh. 3. 3. 2. Quia hæc est propria operatio fidei veræ, quæ est principium solidæ pietatis. Act. 15.

9. 3. Quia pietatis natura est, ut Deo nos totos dicemus, eumque tam corpore quam spiritu glorificemus. 1 Cor. 6. 20.

Vsus Redargutionis, adversus illos qui pietatem profitentes, vim hanc purificationis vel abnegant, vel neglectui habent.

X I I I. Qui vere pii sunt, quamvis huiusmodi tentationibus percellantur, nunquam tamen in easdem (ut impii) plane inducuntur. ex v. 15.

Ratio 1. Quia impii istiusmodi opiniones a vide arripiunt & consecretantur, tanquam suis moribus faventes; sed pii ex parte quamvis admittant, non faciunt hoc tamen sine obnixu & reluctatione.

2. Impii talia volentes concludunt, quamvis argumentis validis non urgeantur, sed pii non disceptant de talibus, nisi validis tentationum objectionibus turbati; & quum disceptant, quamvis objectiones refutare non possint, nunquam tamen penitus concludunt. 3. Impii nihil metuunt in istiusmodi blasphemis, nisi quod pœnæ horrore a liquando concutiantur: sed pii ab ipsa perfidia & peccato abhorrent: sicut est in textu.

Vsus Consolationis, adversus istas tentationes, si iisdem constanter resistamus.

X I V. Tentationes huiusmodi nulla humana ratiocinatione possunt explicari ac superari, ex v. 16.

Ratio 1. Quia viæ & consilia Dei sunt mirabilia supra nos, adeo ut nequeant ratione cognosci. Job. 41. 3. 2. Quia ratio humana corrupta est in omnibus, & singulari perversitate laborat in viis illis Dei censendis, quæ sollicitudo & superbix adversantur.

3. Quia rationis acies tentatione præstringitur & hæbetatur, ut ne tantum quidem percipiat eo tempore quantum alias comprehendit.

Vsus Informationis, Providentiæ igitur divinæ rationem ad humani iudicii examen ac normam exigere non debere. Qui enim hoc faciunt, labyrinthis & meandris inextricabilibus implicantur.

X V. Solvuntur ac superantur omnes tentationes religioſo uſu, & applicatione verbi Dei. ex v. 17. Sanctuarium enim per metonymiam ſubjecti loci ponitur pro verbo quod ibi prædicabatur; & ingreſſus in illud ſanctuarium notat piæ meditationes, ac preces, quibus penetramus ad rectam intelligentiam verbi.

Ratio 1. Quia mirabilia conſilia Dei in verbo revelantur. *Psalm.* 119. 1. 2. Quia verbum Dei ſapientiam & intelligentiam adfert etiam ſimplicibus. *Psalm.* 19. 8. & 119. 98. 3. Quia verbum Dei ratiocinationes humanas evertit, & in captivitatem redigit omnem cogitationem ad obediendum Chriſto. 2 *Cor.* 10. 5.

Vsus Exhortationis, ut ingrediamur in hoc ſanctuarium, ibique perpetuo habitemus, id eſt, ut cum omni ſtudio ac religione id agamus, ut ex verbo Dei ſapere poſſimus.

X VI. Ad tentationem iſtam ſuperandam, plurimum facit animadvertere finem impiorum, pro ut in verbo Dei declaratur. ex v. 17. in fine.

Ratio 1. Quia omnia media ex fine & fructu æſtimantur, & via omnis ex termino ad quem ducit. *Matth.* 7. 13, 14. 2. Quia finis impiorum ex Dei ordinatione ita dirigitur, ut habeat rationem juſtæ mercedis; *Rom.* 6. 21, 23.

3. Quia finis eſt æternus; & fides alicui ac perficitur ſpectando fu-

tura, æterna, quæ non cernuntur. 2 *Cor.* 4. 18.

Vsus Directionis, ut non tam ad principia, quam ad finem attendamus. *Deut.* 32. 29. *Lament.* 1. 9. *Psalm.* 37. 36, 37.

X VII. Finis impiorum eſt inexpectata, mirabilis, terribilis deſolatio & conſumptio cum contemptu. ex v. 18, 19, 20.

X VIII. Qui negligunt verbum Dei, & non diſcunt ex eo animadvertere finem impiorum, illi tentationibus Diaboli ad brutorum quandam ignorantiam & ſtuporem adiguntur. ex v. 21, 22.

Ratio 1. Quia vacui ſunt omni vera ſapientia & intelligentia. *Job.* 11. 12. *Prov.* 30. 2. *Jef.* 8. 20.

2. Quia brutos affectus inducere ſolent, & in ſenſualibus acquieſcunt. *Psalm.* 49. ult. 2 *Pet.* 2. 12. *Jud.* 10. 3. Quia ſic evaneſcunt in ſuis cogitationibus, ut quamvis ſibi & aliis multum ſapere videantur, coram Deo tamen habentur pro brutis, ſicut eſt v. 22. *velut jumenta eram apud te.* *Rom.* 1. 21, &c.

Vsus 1. Admonitionis, ut in iſtiusmodi rebus ſapientiæ noſtræ renunciare & ex verbo Dei pendere diſcamus. 2. *Directionis*, ut ſi quando ad tempus huiusmodi tentationibus inſcati fuimus, eaſdem cum ſeria deteſtatione, humili confeſſione, ac noſtri damnatione quamprimum excutiamus, ſecundum hoc Davidis exemplum.

X I X. Pii ab iſtiusmodi tentationibus conſervantur ac liberantur potente Dei manu. ex v. 23. 1 *Pet.* 1. 5.

Ratio 1. Qua ſemetipſos conſervare non poſſunt abſque Dei ope.

ope. 2 Cor. 3. 5. 2. Quia sua vanitate, & tentationum deceptione seducti, ne tantum quidem faciunt ad conservationem sui, quantum possunt. 3. Quia manus ipsorum à Dei manu retinetur, ne manum Dei sustentantem dimittat: sicut est in textu.

Vsus 1. Consolationis, adversus periculatentationum. 2. *Directionis*, ut ex Dei manu pendeamus toti: & ipsi in solidum conservationis nostræ gloriam tribuamus.

XX. Conservationis hujus propria ratio est, quod pii ducantur consilio Dei. ex v. 24.

Ratio 1. Quia testimonia Dei sunt consiliiarii piorum. Psalm. 119. 24. 2. Quia Spiritus Dei bonus interne ipsos agit. Psalm. 143. 10. Neh. 9. 20. 3. Quia providentia Dei bona dirigit gressus eorum in bonum. Nehem. 2. 8.

4. Quia Deus per ista media felicem exitum tentationum omnium præstat piis. 1 Cor. 10. 13.

Vsus Directionis, quomodo fidem, patientiam, & observantiam nostram confirmare possimus adversus pericula tentationum.

XXI. Finis hujus directionis est gloria. ibidem.

Ratio. Quia gratia tendit ad gloriam. Psalm. 84. 12.

Vsus Directionis, ut istum finem semper ante oculos ponamus, ne vel prosperitate impiorum, vel piorum afflictionibus perturbemur.

XXII. Qui consilium hoc Dei & gloriam ejus rite apprehendunt, si pectus in Deo acquiescunt, ita ut præter illum nihil magni faciendum ducant. ex v. 25.

Ratio 1. Quia beatitudo nostra consistit in hac unione & commu-

nione cum Deo. 2. Quia hæc beatitudo talis est, ut omnia mundana pro stercore haberi faciat. Phil. 3. 8. 3. Quia omnem amaritudinem hujus vite exhaurit.

Vsus Exhortationis, ut ad istam perfectionem perpetuo aspiremus; qua sola ratione tentationes hujusmodi superantur.

XXIII. Nulla est tanta calamitas, vel corporis vel animæ, quæ non per fiduciam in Deo superatur, tanquam per rupem defensionis, & felicitatis portionem. ex v. 26.

Ratio 1. Quia Deus nobis & omnia alia, & nosmetipsos facile potest præstare. 2. Quia talis est Deus, non uno tempore, aut aliquādiu, sed in seculum; sicut est in textu. 3. Quia per fidem ac fiduciam assequimur ut talem se præstet nobis in seculum. in textu.

Vsus Exhortationis, 1. Ut tentationibus illis, quæ abducerent nos à Deo, nullum unquam locum in animis nostris concedamus. 2. Ut non dubitemus ullam afflictionem subire, ad quam nos vocamur à Deo: quia Deus omnia nobis præstabit.

XXIV. Nulla est tanta felicitas, vel corporis, vel animæ, quæ à Deo separatos potest à perditione servare. ex v. 27.

Ratio 1. Quia à vera salute ac felicitate, id est, à Deo sunt alieni. in textu. 2. Quia suis peccatis ab eodem Deo perditionem accersunt. in textu.

Vsus Admonitionis, ne in animos nostros admittamus unquam somnium illud impiorum de impunitate ac felicitate obtinenda, dum peccato indulgemus. Deu. 29. 18, 19, 20.

XXV. Istis considerationibus fidelis

fidelis tandem, victis omnibus tentationibus adversis, in fide & observantia sua stabilitur. ex v. ult.

Ratio 1. Quia concludit prorsus contradictorium illius quod tentatio suadebat. ex comp. v. 13. cum 28.
2. Quia vanitate tentationis detecta, avertens animum à tentationis objectamentis, inhæret meditationibus illis quibus fides alicur & confirmatur in Domino Jehovi.

3. Quia fidei virtute excitatur ad conatus pios, qui plane contrarii sunt eis ad quæ tentatio cum sollicitabat. ex comp. v. 15. cum 28. in fine.

Vsu Directionis, 1. Ut hac eadem via pacem conscientiz queramus. 2. Ut exploremus nosmetipsos ad hoc exemplum, utrum ex tentationibus huiusmodi profecerimus, necne.

PSALMUS SEPTUAGESIMUSQUARTUS.

O De didascalia, Af pho. Quare Deus rejicis in æternum? sumere pergit ira tua in gregem pastus tui?

2. Recordare cætus tui; te acquisivisse antea, vendicasse tribum possessionis tue; montem Tzionis hunc esse in quo habitabas.

3. Attolle pedes tuos ad vastitates æternas, ad omnia mala quæ facie inimicus in loco sancto.

4. Rugientes hostes tui in medio synagogarum tuarum, posuerunt insignia sua pro insignibus.

5. Nobilis habitus est eorum quisque, prout efferebat sursum contra implexa ligna securis.

6. Etiam nunc sculpturas ejus simul velte & rudibus tundunt.

7. Immiserunt ignem in sanctuaria tua; deicientes in terram prophanarunt tabernaculum nominis tui.

8. Dixerunt cum animo suo: V. m. inferamus eis pariter: incenderunt omnes synagogas Dei fortis deicientes in terram:

9. Insignia nostra non videmus; non est amplius propheta, neque est apud nos quis sciat usque quo.

10. Quoniamque Deus, probro afficiet hostis? irritabit inimicus nomen tuum in æternum?

11. Quare avertis manum tuam, & quidem dexteram tuam? è medio sinus tui cohibe.

12. Atqui Deus rex meus est jam olim, operans omnimodam salutem in medio terra.

13. Tu dirupisti robore tuo mare, perfregisti capita cetorum in aqua.

14. Tu conquassasti capita balane, dedisti cibum ipsi populo per desertum proficiscenti.

15. Tu sedisti fontem & torrentem; tu arefacis fluvios validos.

16. Tuus est dies; etiam tua nox, tu parasti lumen hujus & solem.

17. Tu statuisti omnes terminos terre: ipsam æstatem & hyemem tu formasti.

18. Recordare saltem hujus; inimicum probro afficere, & lebova, & populum stultum irritare nomen tuum.

19. pNe

19. *Ne tradas isti catervam vitam turturulae tuae; caterva pauperum tuorum afflictorum ne obliviscaris in aeternum.*

20. *Intuere in saeculum: nam repleta sunt obscurissima loca terrae, causa sunt violentiae.*

21. *Qui attritus est, ne redeat confusus, pauper & egens laudens nomen tuum.*

22. *Surge o Deus, age causam tuam; recordare opprobrii tui quo afficeris a stulto quotidie.*

23. *Ne obliviscaris vocis hostium tuorum; strepitus insurgentium in te, auferentis jugiter.*

ANALYSIS.

OCCASIO hujus Psalmi fuit extrema vastatio Judae, vel tempore captivitatis à Babyloniis, vel post ab Antiocho profecta. Scopus est petere liberationem à tanta calamitate. Simul igitur calamitas ipsa describitur, per modum querelae, & liberationis petitionariis argumentis urgetur. Quae duo primo succincte proponuntur. v. 1, 2, 3. & postea fusius explicantur ad finem usque Psalmi.

In propositione calamitas describitur 1. A causa, Dei scilicet rejectione vel desertione, ex ira accensa: quae amplificatur à suo objecto, quod fuerit in populum illum quem elegerat & agnoverat pro suo. v. 1. & ab adjuncta duratione. v. 1. & 3. *in aeternum*. 2. A modo, gradu, duratione, instrumento & subjecto loco calamitatis inde sequitur. v. 3. Petitio autem liberationis urgetur à descriptione populi, qui calamitatem istam patiebatur, quod scilicet ille idem fuit populus, erga quem Deus olim peculiarem gratiam exercuerat. v. 2. ubi vis consequentiae partim est ab objecto, & partim à parum ratione.

In fusiore harum rerum explanatione, Calamitas in primis illu-

stratur 1. Ab insolentia hostium in omnibus sacris evertendis & prophanandis. v. 4, 5, 6, 7, 8. & in Deo ipso contumeliis ac blasphemis proscindendo, v. 10. 2. A defectu mediorum consolationis, v. 9. 3. A tolerantia Dei, qui tamdiu patiebatur talem hostem tam petulanter grassari. v. 10, 11.

Petitio deinde urgetur, & fides ejus confirmatur 1. A speciali illa ratione quam Deus habuit ad istum populum. v. 12. 2. A specialibus exemplis liberationis olim praestitis. inde ad v. 16. 3. A communioribus exemplis potentis Dei gubernationis. v. 16, 17. 4. A praesente necessitate, ad nomen Dei ipsius à contemptu vindicandum. v. 18, 22, 23. & miseram Ecclesiam ab interitu conservandam. v. 16, 20. 5. Ab effectu, nominis divini laudatione: quod illustratur contrario effectu liberationis negatae, in confusione piorum. v. 21.

DOCUMENTA.

I. Omnia mala quae inimici nobis faciunt, proveniunt à justa desertione & ira Dei. ex v. 1. cum 3.

Ratio 1. Quia providentia Dei omnia tam mala quam bona ordinantur ac disponuntur. Amo. 3. 6. Jes.

Jes. 45. 7. Lam. 3. 38. 2. Quia inimici omnes nostri sunt quasi astringenta providentiæ divinæ. Jes. 10. 5. 3. Quia non interuntur nobis mala nisi propter peccata. Lam. 3. 39. 4. Quia Deus nobis reconciliatus facile efficere potest ne noceant nobis inimici: vel animos eorū mutando, Prov. 17. 7. vel impetum eorum cohibendo. Jes. 37. 29.

Vsus Directionis, ut in omnibus malis ad Deum imprimis respiciamus, tanquam plagarum omnium autorem, & earundem etiam propulsatorem, neque cum canibus lapides, aut cum equis fræna mordeamus.

I. Efficax medium consolationis adversus omnia mala est, fide confugere ad misericordiam & lætus Dei gratiosum, ex v. 2.

Ratio 1. Quia misericordia illa Dei fons est omnis salutis, ex quo haurire semper debemus quod nobis est opus. 2. Quia hujus læderis oblivio est causa malorum; quæ per contrariam recordationem tolli debet. 3. Quia finis est castigationum à Deo immittarum, ut magis fideliter & aucte Deo ejusque læderi adhareamus.

Vsus Directionis, quomodo erigamus animos nostros ne gravioribus malis, sive privatis, sive publicis plane opprimantur.

III. Inter omnes calamitates nihil magis piorum animos percellit, quam cultus & nominis divini insolens prophanatio. à v. 4. ad 12.

Ratio 1. Quia Deum diligunt supra omnia, ejusque gloriam habent sua vita chariorem.

2. Quia sicut regnum Dei primo quaerunt, & cetera omnia tanquam

additamenta, Matth. 6. 33. sic ejus violationem imprimis deplorant, & ceteras calamitates tanquam secundarias. 3. Quia peccata hominum nullo suo effectu apparent magis abominanda, quam quod Dei nomen efficiant contumelia, eumque discedere faciant à populo suo. 4. Quia hac ratione impij homines videntur triumphum agere in Deum ipsum, atque adeo fidem ac fiduciam piorū.

Vsus Directionis, ut nos nostrosque affectus ad hoc exemplum exploremus, si eodem spiritu duamur. Exemplum egregium commemoratur 1 Sam. 4. 18.

IV. Solidum fundamentum spei adversus omnia mala suppetit eis qui à Deo pendent tanquam à rege suo. ex v. 12. in principio.

Ratio 1. Quia rex suis subditis debet protectionem. 2. Quia protectio Dei si sufficiens est adversus omnia mala. Si Deus nobiscum, quid contra nos? 3. Quia Deus ut protector semper & ubique suis adest.

Vsus Consolationis, omnibus fidelibus, qui Deo, tanquam fidei conditori ac regi, commendant animas suas bene agendo. 1 Pet. 4. 19.

V. Memoria liberationum omnium quas Deus jam olim (ut rex bonus) suo populo præstitit, fidem ac spem nostram debet confirmare. ex v. 13, 14, 15.

Ratio 1. Quia omnes pii ab origine mundi, in unum Christi corpus coalescunt, una fide viventes, uno spiritu vegetati, ita ut quod in unum membrum confertur, non privatum illius, sed publicum totius corporis bonum sit.

2. Quia tanta est constantia Dei, ut sui similis maneat semper, non po-

potentia tantum, sed & benignitate erga suos. 3. Quia priora ejus in suos beneficia, in illum finem & facta sunt & literis sacris consignata, ut fidelibus omnibus sint pignora & vades beneficentiae similis ex omni occasione prestandae.

Vsus 1. Consolationis magnae erga fideles, quod possint ex omnibus illis beneficiis, quae unquam ab Adami temporibus in fideles collata fuerunt, suam fiduciam confirmare.

2. *Directionis*, quomodo in lectione historiae sacrae versari debemus; ita scilicet ut fide omnia ad nostrum usum accomodemus. Rom. 15. 4.

VI. Temporum conversio & anni vicissitudo facit ad fidelium spem in suis calamitatibus erigendam. ex v. 16, 27.

Ratio 1. Quia in istis elucet maxima Dei potentia & providentia. 2. Quia in commutatione tenebrarum in lucem, & hyemis in aestatem, imago quaedam apparet maturae depulsionis calamitatum, & conversionis omnium in statum optatum. Psalm. 30. 6. Lam. 3. 23.

Vsus Consolationis & Directionis, ut prius.

VII. Propria fundamenta spei, quam Ecclesia habet in angustis suis, sunt, Dei gloria à stultis hominibus indignissime laesa. v. 18, 22, 23. Dilectio ejus erga Ecclesiam suam. v. 19. Dei fœdus v. 20. Fidelium conservatio à confusione, & excitatio ad nomen Dei laudandum. v. 21.

PSALMUS SEPTUAGESIMUSQUINTUS.

Magistro symphonie, ne perdas; Psalmus Asapho, & canticum.

2. Celebramus te Deus, celebramus: nam propinquum nomen tuum, enarrant mirabilia tua.

3. Quum excepero conventum, ego rectissime judicabo.

4. Solutas terra, omniumque habitatorum ejus, ego aptabo columnas maxime.

5. Dicens insipientibus, ne insaniatis; & improbis, ne attollatis cornu:

6. Ne attollatis contra excelsum cornu vestrum, ne loquamini collo duro.

7. Non enim ab exorto apt ab occasu, neque à deserto est exaltatio:

8. Sed Deus iudex hunc deprimat, & illum extollat.

9. Nam poculum in manu Iehovæ, & vinum turbidum est, plenum mixtione, ex quo sudit: verumtamen facies ejus quas expresserint, bibent omnes improbi terre.

10. Ego itaque annunciem in seculum, psallam Deo Iahakobi.

11. Et omnia cornua improborum succidam; exaltemur cornua iusti.

ANALYSIS.

CONTINETUR hoc Psalmus celebratio nominis divini per Davidem & reliquos fideles de uni-

rabili ejus providentia in omnium rerum administratione & specialiter in conservatione Davidis & ejus

ejus ad regnum elevatione, jam-jam perficienda. Hujus celebrationis professio generalis proponitur v. 2. Inde autem speciali voto (quoad efficaciam suam) explicatur: quomodo scilicet Dei nomen celebraturus esset David postea in regno suo; id est, officium justii ac pii regis accurate præstando. v. 3. Hoc ipsum porro declaratur duobus effectis, quorum primum fuit restitutio rerum prolapsarum. v. 4. alterum fuit medium imprimis necessarium ad illam restitutionem; repressio scilicet factus & furoris hominum impiorum. v. 5, 6. In illum insuper finem, impiorum primum ac fundamentalem errorem damnat ac refutat, quo vel fortunæ, vel humanis consiliis, ac viribus exaltationem ac depressionem hujus aut illius adscribunt, quæ pendet ex Dei potenti gubernatione v. 7, 8.

Qualis autem scilla Dei administrationis, tam erga pios quam impios allegorice declaratur v. 9. Ex istis quasi partibus colligitur plena Dei celebratio v. 10, 11.

DOCUMENTA.

I. Studium nominis Dei celebrandi ex omni occasione debet in nobis excitari. ex v. 2.

II. Efficacissima ratio Dei celebrandi est, quando factis eum glorificamus in illa statione, qua sumus ab ipso collocati. ex v. 3.

III. Qui aliis præficiuntur, maxime Deum glorificare debent emendatione & reformatione eorum, quæ depravata sunt. ex v. 4.

IV. Per illos præcipue reprimendus furor impiorum, & factus ille à quo procedit. ex v. 5, 6.

V. Doctrina de Dei potente ac justa mundi gubernatione, tam piis quam impiis est inculcanda. ex v. 7, 8, 9.

PSALMUS SEPTUAGESIMUS SEXTUS.

M Agistro (symphonia fidium, Psalmus Asaph & canticum.

1. Nobilis est in lebuda Deus, in Ibraëe magnum nomen ejus;
3. Cujus iugum est Sebalemi, & habitaculum Tzijone.
4. Ibi confregit cornus arcus; scutum, gladiumque, & bellum vehementissime.
5. Illustris factus es, magnificus, ex montibus direptionis.
6. Diderunt se in prædam robusti animo, dormitaverunt somnum suum: adeo ut non invenirent ulli viri bellatores manus suas.
7. Præ increpatione tua, o Deus labakobi: compositus est & currus & equus.
8. Tu, tu inquam formidabilis es: et quis confisteret coram te, ex quo irascere?
9. Et talis facis ut audiat sententia; terra timet, & quiescit; sicut;
10. Quum surgit ad iudicium Deus, ad servandum omnes mansuetos terra maxime.
11. Nam astus hominum celebrat te, residuo affum accingis tuos.
12. Vivete & vota reddite Iehova Dno recto, quicumque circumstant illum offerant munus illi firmabile,
13. Qui vindicet, primum antecessorem, formidabili regibus terra.

ANA-

ANALYSIS.

PALMUS iste compositus fuit ex occasione extraordinariæ defensionis à Deo præstæ populo suo adversus prævalidos hostes: & ut maxime verisimile est, respicit liberationem illam ab Assyriis, quæ tempore Hezechiæ perficiebatur. 2 Reg. 19. Scopus est Ecclesiam ad debitam gratitudinem eo nomine excitare. v. 12, 13.

Argumenta, quibus hoc officium suadetur, Primo generaliter proponuntur v. 2 quod scilicet Deus in Ecclesia singulariter ostenderit magnitudinem nominis sui ab omnibus celebrandam & nobilitandam. 2. Causa communis hujus rei declaratur fuisse, quod ibi sedem suæ præsentiae singulariter fixerit. v. 3. 3. Effectum speciale prædicatur: quod fuit hostium coëctio celebris ac gloriosa. v. 4, 5, 6. Cujus specialis causa & modus notatur. vers. 7. Increpatio nempe Dei. Efficax autem vis increpationis divinæ ad

tale effectum producendum asseritur v. 8. & illustratur exemplo, v. 9, 10. nec non effectum ac usu suo. v. 11.

DOCUMENTA.

I. Deus sese exhibet in Ecclesia, pro Ecclesia maxime gloriosum, & ab Ecclesia maxime glorificandum. ex v. 2.

II. Principium hujus rei in eo consistit, quod Deus communicet se Ecclesiæ per cultum suum institutum ac receptum. ex v. 3.

III. Privilegium est Ecclesiæ, quod Deus ex vi fœderis eam protegat, & hostes ejus perdat. ex v. 4, 5, 6.

IV. Ad hoc perficiendū sufficit sola Dei increpatio. ex v. 7, 8, 9, 10.

V. Furorem & insolentiam impiorum hostium convertit Deus in materiam gloriæ suæ. ex v. 11.

VI. Fideles hujusmodi rerum experientia, ad fidem, cultum, & gratitudinem excitantur. ex v. 12.

PSALMUS SEPTUAGESIMUS SEPTIMUS.

Magistro symphonie, præfetto posteris Jeduthunis; Asaphi Psalmus.

2. Vox mea ad Deum fertur, quum exclamo: vox mea ad Deum, ut aurem advertat ad me.

3. Tempore angustia mea Dominum requiro: manu mea noctu persusa; & non intermittente: renuente consolationem admittere anima me.

4. Recordor Dei, quum fluctuando perstrepo: meditor, quum obruit se spiritus meus vehementissime.

5. Quum tenes vigiles oculos meos; concutior, ita ut non possim eloqui.

6. Reputo tempora inde ab antiquitate, annos superiorum seculorum.

7. Recordor musica pulsationis mee nocte: cum animo meo meditor, & perscrutatur spiritus meus dicens:

8. An in secula repelleret Dominus? aut non pergeret bene velle amplius?

9. *An deficeret in aeternum benignitas ejus ? defueret sermo in quamque generationem ?*
10. *An oblitus esset gratiam facere Deus fortis ? an occluderet ita miserationes suas summe ?*
11. *Tandem dico ; infirmare me istud mutata dextera excelsi ?*
12. *Imo recordabor actionum Iah : quin recordabor inde ab antiquitate quodque mirabilium tuorum :*
13. *Et meditabor de unoquoque opere tuo ; de actionibus tuis confabulabor, dicens ;*
14. *O Deus in sanctitate via tua est ; quis Deus fortis magnus est, ut Deus ?*
15. *Tu, o Deus fortis mirifice, ostendisti in populis robur tuum.*
16. *Vindicasti brachio populum tuum ; posteros Iahakobi, etiam Iosephum maxime.*
17. *Videntes te aquæ, Deus, videntes te aquæ formidarunt : etiam commotæ sunt abyssi.*
18. *Exundarunt aquas nubes, sonum ediderunt superiores nubes : etiam pervaserunt sagittæ tuæ.*
19. *Sonante tonitru tuo in isto orbe, illustrarunt fulgura orbem habitabilem : commota est & tremuit terra.*
20. *Per mare via tua, & semita tua per aquas amplas ; ubi vestigia tua non sunt cognita.*
21. *Duxisti ut gregem populum tuum, Moschis & Abaronis opera.*

ANALYSIS.

IN isthoc Psalmo docet nos Propheta, sub exemplo suo, quomodo nos gerere debeamus, quando premimur gravi aliqua calamitate.

Summa hujus doctrinæ proponitur v. 2. ut scilicet ad Deum precibus confugiamus cum certa spe exauditionis. Hanc autem doctrinam fusius explicat per enarrationem vel descriptionem studii precandi, quod in sua gravissima afflictione adhibebat ; & luctæ inde exortæ, una cum victoria quam tandem luctando consequutus est Psalmista.

Studium & consilium suum declarat v. 3, 4, 5. lucta inde exorta ad vivum representatur, v. 6, 7, 8, 9, 10. victoria ejusque consequendæ ratio in reliqua parte Psalmi narratur.

Studium precandi per opposita discretive illustratur, quamvis anima ejus nullum solatium in Deo ad leniendos cruciatus invenerit ; ipsum tamen dedisse se precibus, Idem etiam studium illustratur instantia, constantia, & graduum ac modorum varietate, *requiro Dominum, recorder Dei, meditor.*

Lucta vel conflictatio animi, quæ ex illo conatu sequebatur, primo generaliter declaratur à causa sua adjuvante, recordatione scilicet tam communium Dei beneficiorum erga Ecclesiam, quam singularium illorum, quæ ipsemet Propheta cum magno suo gaudio fuerat expertus, v. 6, 7. Eadem lucta graphice postea representatur sub interrogandi formâ, tam ad dubitationem præcedentem exponendâ,

X

ponendâ,

ponendam, quam ad eandem in posterum excutiendam, v. 8, 9, 10. Ubi argumenta illa primaria, quibus in ista lucta nitebatur, notat fuisse, 1. Benevolentiam ac benignitatem Dei. 2. Sermonem promissionis quo illa benevolentia fuit manifestata. 3. Constantiam benevolentiae, ac fidelitatis ejus.

Victoria, quam tandem post certamen hoc Propheta reportavit, declaratur 1. Per oppositæ tentationis rejectionem, & causæ ejus elevationem, v. 11. 2. Per causam ejus procreantem, debitam scil. considerationem actionum Dei antiquarum, mirabilium, & sanctissimarum, v. 12, 13, 14. quarum nobilissimum exemplum commemoratur, & magnifica descriptione ornatur, ad finem usque Psalmi.

DOCUMENTA.

I. In extremis rerum difficultatibus unicum remedium est, Deum invocare cum spe exauditionis, ex vers. 2.

II. Ad hoc præstandum excitare nosmetipsos debemus exempla piorum intuendo, ibid. &c.

III. In istis precibus cum omni conatu, instantia, & constantia perseverare debemus, quamvis nullum ex illis levamen, sed potius inquietudinis augmentum sentiamus ad tempus, ex v. 3, 4, 5.

IV. Ad mitigandum dolorem, & spem erigendam, plurimum facit recordatio benignitatis Dei, quam erga alios exercuit, sed præcipue nosmetipsi olim sumus experti, ex vers. 6, 7.

V. Ex ista recordatione eo saltem proficere possumus ac debemus, ut fortiter luctemur adversus dubitationes illas, quibus fides ac spes nostra labefactatur, ex vers. 8, 9, 10.

VI. In lucta illa quam habemus adversus dubitationes & infidelitatis motus, erigere nosmetipsos debemus intuitu benevolentiae, benignitatis promissionum, & constantiae Dei, ibid.

VII. Quamvis Dei & operum Dei meditatio non statim nobis adferat solarium opratum, nostram tamen infirmitatem agnoscentes, in eadem assidue persistere debemus, donec tentationum omnium victores evadamus, ex v. 11, 12, 13.

VIII. Tum demum victores evadimus hujusmodi tentationum, quando Deum in viis suis ex animo possumus laudare ac glorificare, ex v. 14, 15.

IX. Ad Dei glorificationem & fidei vigorem in cordibus nostris promovendum, cum omni attentione & admiratione, figere animos debemus in magnorum operum Dei contemplatione, ex v. 16, &c.

PSALMUS SEPTUAGESIMUS OCTAVUS.

O De didascalica, Asaphi. Auribus percipe, popule mi, doctrinam meam; inclinate autem vestram ad sermones oris mei.

2. Aperiam per parabolam os meum, cructabo occulta inde à prisco tempore.

3. Quæ audivimus ac novimus, ut majores nostri narraverunt nobis.

4. Non celabimus filios eorum generationem posteram: narraturos laudes Iehovæ volutque ejus, & mirabilia ejus opera quæ fecit.

5. Nam statuit testimonium in Iahakobo, & legem posuit in Israele; quum praecepit maioribus nostris nota facere filiis ipsorum:

6. Ut sciant generatio postera, filii nascituri; surgentesque enarrent filiis suis:

7. Et ponant in Deo spem suam, neque obliviscantur actionum Dei fortis, sed praecepta ejus custodiant:

8. Ac non sint ut majores eorum, generatio contumax & rebellis; generatio quae non comparavit animum suum, & cujus spiritus non fuit constans erga Deum fortem.

9. Ut posteri Ephraimi armati jaculantes arcu, vertentes terga tempore praelij.

10. Quia non servaverant fœdus Dei, & in lege renuerant ambulare.

11. Obliti actionum ejus, & mirabilium ejus operum quae ostenderat ipsis.

12. Coram maioribus eorum fecerat miracula; in terra Aegypti, agro Tanitico.

13. Diffiderat mare ut traduceret eos, statuens aquas tanquam acervum:

14. Deduxeratque eos nube interdiu, & totam noctem lucente igne;

15. Fiderat rupes in deserto, ut potum praeberet in abyssis plurimum,

16. Educens fluenta e petra, & demittens tanquam flumina aquas.

17. Perrexerunt tamen adhuc peccare in eum, exacerbando excelsum in ipsa terra sicca:

18. Et tentantes Deum fortem cum animo suo, petiverunt cibum pro desiderio animi sui:

19. Ac obloquentes contra Deum dixerunt, an posset Deus fœdis instruere mensam in deserto?

20. En ita percussit rupem, ut fluxerint aquae, & torrentes exundaverint: an etiam cibum posset dare? an pararet carnem populo suo?

21. Idcirco audiens Iehova, excanduerat: & ignis succensus erat in Iahakobum, ac etiam ira arserat in Israelelem:

22. Quia non crediderint in Deum, neque confisi erant in salute ejus:

23. Quamvis praecepisset superioribus nubibus superne, & januas caelorum aperuisset;

24. Depluensque super eos Man ad comedendum, frumentum caelorum daret illis;

25. Panem robustissimorum, comederet quisque; viaticum mitteret eis ad saturationem.

26. Impellens Eurum in caelis, & inducens robore suo Austrum.

27. Quum depluisset super eos carnem tanquam pulverem, & sicut arenam marinam volutres alatas.

28. Dejiciens intra castra sua, circa tabernacula sua;

29. Et comedentes saturati essent valde, & quod concupiverant illi, attulisset illis:

30. Nondum alienati erant à concupiscentia sua, adhuc cibus eorum in ore eorum erat.

31. Quum ira Dei ardens in eos, interficeret e pinguisimis eorum; & juvenes Israelis prosterneret.

32. Post totum hoc peccaverunt amplius, neque crediderunt propter mirabilia ejus opera.

33. Quamobrem consumebat vanitate dies illorum; & annos illorum terrore.

34. Quum occidebat eos; si requirebant eum, & conversi mane querebant Deum fortem.

35. Recordantes Deum fuisse rupem suam, & Deum fortem excelsum fuisse vindicem suum;

36. Quamvis conarentur eum decipere ore suo, & lingua sua mentirentur ei;

37. Et animus ipsorum non esset comparatus erga eum, neque constantes essent in fœdere ejus;

38. Tamen ille misericors expiabat iniquitatem, ita ut non perderet, & plurimum avertibat iram suam, neque excitabat totum æstum suum;

39. Recordans carnem eos esse, ventum abeuntem qui non revertitur.

40. Quoties exacerbarunt eum in deserto? dolore affecerunt eum in solitudine?

41. Qui subinde tentarunt Deum fortem, & sanctum Israël circumscripturunt;

42. Immemores manus ejus dici quo redemerat ipsos ab hoste:

43. Quo disposuit in Ægypto signa sua, & prodigia sua in agro Tanitico:

44. Quum mutavit in sanguinem rivos eorum, fluctaque eorum ne bibere possent:

45. Immisit in eos colluviem animalium quæ consumeret eos, ac ranas, quæ perderent eos:

46. Et dedit bruchoproventum eorum, ac laborem eorum locustæ:

47. Occidit grandine vites eorum, & sycomoros eorum igni, qui quacunque insidebat, consumeret:

48. Dedit etiam eidem grandini bruta eorum, & pecora eorum prunis ignitis:

49. Immisit in eos æstum iræ suæ, excandescentiam, indignationemque, & angustiam, mittendo nuncios malorum:

50. Liberavit iter ad iram suam, non cohibuit à morte vitam illorum: & bestias eorum pesti dedit:

51. Et percussit omne primogenitum in Ægypto, principium virium in tentoriis Chami:

52. Et transtulit tanquam pecudes populum suum: direxitque eos tanquam gregem per desertum:

53. Et deducens eos secure ita ut non metuerent, postquam inimicos eorum operuisset mare.

54. Adduxit eos in terminum sanctitatis suæ, montem hunc quem acquisivit dextera ejus,

55. Expellens à facie eorum gentes, faciensque ut acciderent in funiculo possessionis: & habitaverunt in tentoriis eorum tribus Israël.

56. Attamen tentarunt & exacerbarunt Deum excelsum, & testimonia ejus non observarunt;

57. Sed aversi perfide egerunt, ut majores eorum; conversi sunt, ut artus fallax.

58. Nam provocarunt eum per excelsa sua, & per sculptra sua ad xelotypiam concitarunt eum.

59. Quod audiens Deus excanduit, sprebitque valde Israël:

60. Adco ut deserens tabernaculum Schilunite, tentorium quod collocaverat inter homines:

61. Tradcret in captivitatem robur suum, & gloriam suam in manum hostis:

62. Dederetque gladio populum suum; quia in possessionem suam excanducrat.

63. Furves ejus absumeret ignis, & virgines ejus non laudarentur:

64. Sacerdotes ejus gladio conciderent, & viduæ ejus non fierent.

65. Deinde evigilavit Dominus qui visus fuerat tanquam dormiens; sicut r bustus, cantillans ex vino:

66. Et percussit hostes suos retro; opprobrium perpetuum incidit eis.

67. Tandem sprevit tentorium Josaphi, & tribum Ephraim non elegit.

68. Eligens vero tribum Iehudæ, montem Sionis quem diligit;

69. Edificavit simile excelsis palatiis sanctuarium suum; utpote in terra quam statuit in seculum.

70. Eligensque Davidem servum suum, & assumens eum ex caulis gregis;

71. A tergo fœtarum duxit eum; ad pascendum Jahakobum populum suum & Israël possessionem suam:

72. Qui pavit eos pro integritate animi sui, & summa prudentia manuum suarum deduxit eos.

A N A L Y S I S.

Proponitur hoc Psalmo historica narratio præteritæ Dei erga populum suum administrationis: & simul etiam populi erga Deum contumacia, v. 4. Illustratur hæc narratio in præfatione, primo, ab adjuncto attentionis ei debitæ, vers. 1. Secundo ab attentionis causis in ipsa narratione hærentibus; quæ sunt 1. Dignitas: & parabola. 2. Difficultas: occulta ænigmata. 3. Antiquitas: à prisco tempore, v. 2. 4. Certitudo: quæ audivimus ac novimus, v. 3.

Illustratur 2. Eadem narratio à à fine suo, qui primo generaliter notatur ad laudem, & gloriam Dei spectare, v. 4. narraturos laudes

Iehovæ, & postea specialius declaratur tam per suam causam: patefactionem scilicet Dei per verbum huic populo communicatam, & deinceps iussu Dei communicandum, vers. 5. quam per suas partes & patefactionis illius fines: cognitionem Dei, vers. 6. spem in Deo, & obedientiam erga Deum, vers. 7. Isti autem fines adversis effectis illustrantur, 1. Majorum in communi, qui harum rerum oblivione à fide & obedientia deflexerunt, v. 8. 2. Ephraimitarum in specie, v. 9, 10, 11.

Narratio ipsa (quæ producitur usque ad tempora Davidis, confir-

mans illud quod de maioribus fuit affirmatum) continet comparationem, & quasi certamen quoddam inter Dei administrationem, qua debuerant ad pietatem erga ipsum commoveri; & eorum contumaciam, qua eidem sese opposuerunt.

Administratio Dei fuit 1. In beneficentia, qua multis & magnis beneficiis illos cumulavit. 2. In patientia qua sæpius & graviter se irritantes toleravit. 3. In iustitia, qua in illorum scelera nonnunquam graviter animadvertit.

Populi contumacia fuit 1. In rebus afflictis, quibus suam probebant aut infidelitatem, qua de Dei potentia dubitabant, aut simulationem, qua fictis & fucatis pollicitationibus ipsi quasi imponere conantur. 2. In rebus prosperis, quibus ad vanam securitatem ac idololatriam deducebant.

Hæc autem promiscue narrantur, ut magis distincte & per partes possint inter se comparari, 1. beneficentia Dei in educatione populi ex Ægypto, v. 12, 13, 14, 15, 16. 2. Populi infidelitas, v. 17, 18, 19, 20. 3. Dei iustitia, vers. 21. ad 31. 4. Populi infidelitas, v. 32. 5. Dei iustitia, v. 33. Populi simulatio, v. 34. ad 38. Dei misericordia, patientia, & benignitas, v. 38. ad 56. Populi securitas & idololatria, v. 56. ad 59. Dei iustitia, v. 59. ad 68. & ultimo in loco, Dei beneficentia in hoc certamine superior evadens, v. 68. ad finem.

DOCUMENTA.

I. Verbum Dei non tantum est audiendum, sed perquam attente, sollicite & cum magna cura audiendum à populo Dei, ex versic. 1.

II. Tanta est tarditas nostra, ut multis incitamentis indigeamus ad attentionem justam erga verbum Dei in animis nostris excitandam, ibid. & sequent.

III. Dignitas, gravitas & excellentia verbi, supra cæteras omnes doctrinas, postulat à nobis reverentem attentionem, vers. 2. *parabolam*, Psalm. 49. 5.

IV. Difficultas est quædam & subtilitas in mysteriis verbi, qua attentioni nostræ commendatur, ibidem, *occulta ænigmata*, Psalm. 49. vers. 5.

V. Antiquitas rerum quæ in verbo explicantur, postulat ut majore cum studio audiat quam aliæ qualescunque doctrinæ, ibid. à *tempore prisco*, id est, à *jactō mundi fundamento* Matth. 13. 35.

VI. Idem postulat certitudo verbi: quæ (etiāsi humano more expendatur) est longe maxima, ex v. 3. Joh. 3. 11. 2 Pet. 1. 16. 1 Joh. 1. vers. 1.

VII. Mirabilia Dei opera, præcipue illa quæ in verbo continentur, sunt omni modo commemoranda, & prædicanda, ita ut ad posteros possint propagari ad gloriam nominis divini, ex vers. 4.

VIII. Ista prædicatio à verbo præcipitur ad observationem verbi in Ecclesia, eamque magis magisque exædificandam, ex vers. 5, 6.

IX. Prædicationis hujus finis & usus proprie consistit in fide, spe, & obedientia procreanda, conservanda, & promovenda, ex v. 7.

X. Defectibus aliorum, quamvis Patres nostri fuerint, non debemus in fidei ac obedientiæ studiū retardari, sed potius ad majorem curam & sollicitudinem excitari,

citari, ex verf. 8, 9, 10, 11.

XI. Opera Dei quo plus habent in fe mirabilis potentia, beneficentia, constantia, & variae providentiae, eo efficacius nos excitare debent ad Deum glorificandum, v. 12. ad 17.

XII. Qui hujusmodi beneficentia Dei neglecta, pertinaciter pergunt peccare, ii Deum tentando, gravissimam ejus iram sibi metipsis accersunt, ex v. 17, 18.

XIII. Exaggeratur peccatum internum, quando in stultas & blasphemias voces prorumpit, ex v. 19, 20, 21.

XIV. Reliqua omnia peccata ex infidelitate cordis, tanquam ex fonte manant, ex v. 22.

XV. Tam infidelitas quam petulans omnis concupiscentia inde exorta, amplificatur & arguitur experientia potentiae ac munificentiae Dei contemptae, aut neglectae, v. 23. ad 26.

XVI. Petulantissimis hominum concupiscentiis satisfacit aliquando Deus ex ira, & simul vindictam suam justam exercet, à verf. 26. ad 32.

XVII. Tanta est multorum pervicacia, ut sicut beneficentia Dei non flectuntur, sic neque vindicta & judiciis ejus possint domari, verf. 32.

XVIII. Qui minora judicia Dei contemnunt, majora sibi met accersunt, v. 33.

XIX. Magnis Dei judiciis eo adiunguntur aliquando praefracti peccatores, ut aliquo modo Deum quaerant, sed non sincere, constanter, & cum efficacia reali, v. 34. ad 38.

XX. Congeries istiusmodi gravissimorum peccatorum non efficit,

quin Deus in medio judiciorum suorum, sit memor suae misericordiae & fragilitatis humanae, ad poenas meritis mitigandas, v. 38. 39.

XXI. Iteratio & assidua multiplicatio peccatorum, signum est ingenii plane rebellis, ex verf. 40.

XXII. Exaggeratur ista rebellio, si eo in loco & tempore, grassetur, quo Dei vel singularibus judiciis à peccando terremur, vel beneficiis insignibus ad obedientiam invitamur; ibidem. *in deserto, in solitudine.*

XXIII. Qui hujusmodi rebellionem in Deum exercent, nihil aliud ab ipso possunt expectare, quam talem ultionem, qualem summa patientia gravissimis injuriis laesa ac lacerata ex acerbatione solet proferre, ibidem.

XXIV. Singularis species est hujus rebellionis, vel ex infidelitate, vel ex praesumptione, praescribere Deo limites, vel media potentiae ac providentiae suae exercendae pro nostro arbitratu, v. 41.

XXV. Hujusmodi peccata eo sunt graviora, quo majorem experientiam vel notitiam Dei & operum ejus habuerunt illi à quibus admittuntur, v. 42. ad 56.

XXVI. Continuatio & propagatio rebellionis, vel contemptus maximorum Dei beneficiorum, Dei vindictam severam tandem inelamat & accersit, v. 56, ad 60.

XXVII. Vindictae divinae caput in cultus ac praesentiae divinae subtractione consistit, v. 59, 60, 61.

XXVIII. Subtractionem istam praesentiae divinae vel comitantur, vel subsequuntur semper gravissimae calamitates, verf. 62. ad 67.

XXIX. Istis gradibus progreditur

dicur Deus ad plenam vindictæ executionem, vers. 68.

XXX. Quomocunque populus hic aut ille iuste à Deo dese-

ratur, semper tamen Ecclesiam aliquam sibi colligit & conservat, vers. 69. ad finem.

PSALMUS SEPTVAGESIMUS NONUS.

Psalmus Asapho. O Deus, ingressæ sunt gentes in possessionem tuam, polluerunt templum sanctitatis tuæ, disposuerunt Ieruschalaima in cumulos.

2. Dederunt cadaver servorum tuorum cibo volucribus cæli; carnem eorum quos benignitate prosequeris, bestiis terræ.

3. Effuderunt sanguinem eorum velut aquam circa Ieruschalaima, nec erat qui sepeliret.

4. Sumus opprobrio vicinis nostris, sanx & ludificationi circumstantibus nos.

5. Quousque Iehova? irasceris in æternum? ardebit velut ignis zelus tuus?

6. Effunde æstum tuum in eas gentes quæ non agnoscunt te; & super regna quæ nomen tuum non invocant.

7. Nam consumitor consumpsit Iahakobum, & habitaculum eius desolaverunt:

8. Ne recorderis adversus nos iniquitates præcedentium temporum: festinantes præveniant nos miserationes tuæ, nam attenuari sumus valde.

9. Auxiliars nobis Deus salutaris nostræ propter honorem nominis tui: & eripe nos, expiationemque fac peccatis nostris propter nomen tuum.

10. Cur dicturæ essent istæ gentes, ubinam est Deus istorum? innotescat in istis gentibus ante oculos nostros, ultione sanguinis servorum tuorum effusi.

11. Perveniat ante faciem tuam gemitus vincti; pro magnitudine brachii tui fac ut reliqui sint qui jam traduntur morti.

12. Redde ergo vicinis nostris septuplo in finem ipsorum; opprobrium ipsorum quo affecerunt te Domine.

13. Et nos populus tuus & grex pastus tui celebrabimus te in seculum, in generationem enarrabimus laudem tuam.

A N A L Y S I S.

Intentio huius Psalmi est petere à Deo liberationem, ex gravissimis malis, quæ Iudæis fuerunt ab impiis hostibus illata, v. 8, 9, & 11. Quia vero illa mala proveniebant ab impiis hostibus partim remotis

oribus, id est, (ut maxime probabiliter colligitur) à Babyloniis; & partim à vicinis Edomæis; ideo cum liberationis petitione conjungitur imprecatio adversus utrumque genus hostium, v. 6, 10, 12.

Argumentum

Argumentum *primum* petitur a gravitate, vel gradu calamitatis : quæ declaratur a subjectis quibus in ista calamitate indigne afficiebantur.

Nam 1. Terra Deo consecrata fuit ab hostibus profanis occupata. 2. Templum Dei fuit pollutum ac funestatum. 3. Vrbs Deo sacra vastata fuit & everſa, v. 1. 4. Servi Dei fuerunt crudeliſſima morte affecti, & etiam post mortem ignominioſiſſime tractati, v. 2, 3. 5. Hæc omnia insuper amplificantur, primo, suo effectu, quod scilicet propter istam calamitatem contemptui, ludibrio, & irrisioni fuerunt Judæi suis vicinis Edomæis, v. 4. Secundo, duratione sua, quod non ad paucos dies, menses, aut annos, sed diu admodum hæc impiorum sævitia fuerit grassata, v. 5.

Secundum argumentum petitur ab impietate hostium cum summa crudelitate conjuncta, v. 6, 7.

Tertium argumentum petitur a misericordia Dei, quæ fide apprehenditur, & applicatur tam ad peccata remittenda, velut calamitatum causas, quam ad extremam earum perniciem antevertendam, v. 8.

Quartum argumentum petitur ab effectu calamitatis, gloria scilicet Dei, ex occasione ejus læsa, dum nomen Dei fuit opprobrio magno affectum ab impiis hostibus, qui non tantum Judæis, sed & Deo ipsorum insultabant v. 9, 10, 12.

Quintum argumentum petitur ab effectu liberationis, gloria scilicet Dei eo nomine celebranda, v. 13.

quando vident possessionem aliquam Dei, ab hostibus Dei occupari, ex v. 1. *Ingressæ sunt gentes in possessionem tuam.*

II. Gravius adhuc est videre cultum Dei everri, & sanctissima ejus instituta prophanari, ibidem, *Polluerunt templum sanctitatis tuæ.*

III. Nihil magis est lamentabile, quam videre sanctos Dei servos crudeliter trucidari, & belluinæ feritati exponi, ex v. 2, 3.

IV. Opprobrium quod ex istis calamitatibus in Ecclesiam & religionem redundat, multo acerbiores illas reddit, quam alias essent in sese, ex v. 4.

V. Istiusmodi conditio Ecclesiæ quamvis, ex justa Dei ira, aliquando continetur, ultra fidelium expectationem, in perpetuum tamen non durabit, v. 5.

VI. Tandem iram Dei ab Ecclesia in impios ejus hostes convertum iri, cum certo credendum est, tum pie optandum, v. 6, 7.

VII. Liberationis hujus principium est misericordia Dei peccata gravissima condonans, v. 8.

VIII. Primaria ratio ad spem nostram de ista liberatione confirmandam, est gloria nominis divini, ex vers. 9, 10.

IX. Gloriæ huic Dei servidæ nostræ preces debent subservire, v. 11, 12.

X. Ejusdem gloriæ celebrandæ cura (tāquam finis & fructus beneficiorum Dei) primarium locum habere debet tam in intentione quam in executione nostra, vers. 13.

DOCUMENTA.

I. Graviter afficiuntur pii,

PSALMUS OCTVAGESIMUS.

- M** Agistro symphonie ad hexacorda; Psalmus testimonii Asapho.
2. O pastor Israelis auribus percipe; ductor Iosephi tanquam gregis, insidens Cherubinis illucesce.
 3. Coram Ephraïmo, Beniamineque, & Menasche excita potentiam tuam; & veni ad plenam salutem afferendam nobis.
 4. O Deus, restitue nos, & fac ut luceat facies tua; ita servabimur.
 5. Ichova Deus exercituum, quousque fumaturus es contra orationem populi tui?
 6. Cibus eos pane lacrymarum, & bibendum præbes eis de lachrymis triental.
 7. Exponis nos contentioni vicinis nostris, & inimici nostri subsannant nos.
 8. O Deus exercituum restitue nos, & fac ut luceat facies tua; ita servabimur.
 9. Vitem ex Ægypto transtuleras; expuleras gentes ut plantares eam.
 10. Expediveras ante eam, fecerasque ut ageret radices suas & impleverat terram.
 11. Operiebantur montes umbra ejus, & palmitum ejus cedri maxima.
 12. Emittebat ramos suos usque ad mare, & ad flumen teneros ramos suos.
 13. Quare perripisti macerías ejus, adeo ut carpant eam omnes viatores.
 14. Suffodiat eam porcus silvestris, & animal agreste depascat eam?
 15. O Deus exercituum, revertere jam, intueri e calis & respice: ac visita vitem hanc.
 16. Et surculum quem plantaverat dextera tua; idque propter filium quem fortificasti tibi.
 17. Incensa igne, succisa, est, ab increpatione faciei tuæ percunt.
 18. Adsit manus tua viro dexterae tuæ: filio hominis quem fortificasti tibi.
 19. Ac non recordemur à te: in vita conserva nos ut nomen tuum invoceamus.
 20. Ichova, Deus exercituum, restitue nos, fac ut luceat facies tua; ita servabimur.

ANALYSIS.

O Cruagesimus hic Psalmus pro scopo suo habet petitionem populi Dei in captivitate Babylonica manentis, ut à Deo in integrum restitui possint.

1. Hæc petitio generaliter primo innuitur vers. 1. auribus percipe, & v. 2. in fine, illucesce. Secundo,

specialius declaratur, v. 3. Veni ad plenam salutem afferendam nobis, & v. 19. Conserva nos, postea vero specialissime explicatur vers. 4. O Deus, restitue nos, &c. quod cum exigua inflexione ter deinceps repetitur, v. 8, 15. & 20. 2. Hujus petitionis obtinendæ fiducia studiose confirmatur,

matur 1. A relatione & officio Dei erga suum populum, qui scilicet *Pastor* fuit & ductor ejus v. 2. quod singulari typo sessionis & sacramentalis permanentionis supra Cherubinos illustratur, ibid ex Exod. 25. 22. Num. 7. 89. quæ ad officium Pastoris ac Ductoris, vel Rectoris feliciter præcuntis applicatur v. 3. secundum illum ordinem profectio- nis qui ex præscripto Dei fuit olim observatus, in quo arca Dei cum Cherubinis directe & immediate præibat Ephraïmo, Benjamin, & Menaschi. Numb. 2. 17, 18. 22. & 10. 21, 22. &c. 3. Eadem petitio secundo in loco urgetur ab ærumno- sissimo populi statu, qui talis fuit ut indignus videri posset populo Dei, v. 5, 6, 7. ubi 1. Calamitatis causa notatur fuisse ira divina, vers. 5. cu- jus magnitudo & duratio illustratur eo quod concinnatæ preces populi impares fuerint eidem removendæ, ibid. 2. Causæ illius effectum du- plex declaratur, quorum primum fuit in ipso populo, in maximo de- lore, vers. 6. & alterum in vicinis, li- bido scilicet ipsos vexandi & subsan- nandi, vers. 7. 4. Ærumnosus hic status una cum petitione liberationis illustratur per comparisonem inter præteritam felicitatem à Deo huic populo olim communicatam, & præsentem calamitates, quibus jam premebantur, idque sub allegoria vi- tis, quam Deus mirifice primo con- severat, muniverat, auxerat; & po- stea tamen subducta manu sua, ex- posuit eandem feris bestiis, ut ab il- lis perderetur, v. 9. ad 15. Cui sub- jungitur allegorica repetitio petitio- nis, v. 16. 18. 5. Suadetur ultimo in loco petitio ab effectu inde secuturo, si Deus ipsos conservaret, constanti

nempe Dei cultu, qui sancte sponde- tur, v. 20.

DOCUMENTA,

I. In omnibus angustiis favor & gratia Dei est imprimis querenda & imploranda ex v. 4. 8. 20.

II. In precibus nostris non nude Deum intueri debemus; sed ut De- um ex fœdere nostrum, ex quo in omnibus cum fiducia pendemus, v. 2

III. Hæc fiducia confirmatur & excitatur pia consideratione sancto- rum Dei institutorum, ejus præ- sentiam & gratiam suam Ecclesiæ exhibet & obignat, ibid. *Sedens in- ter Cherubim illucesce.*

IV. Ut ista consideratio fiat effi- cax, illo modo est adhibenda, & cum illis circumstantiis, quibus maxime ad vivum Dei gratiosa præsentia re- præsentatur, ex vers. 3.

V. Si Deus ad tempus videatur preces nostras negligere, aut eisdem plane adversari, & calamitatem no- stram omnimodo exacerbare, non ideo à precibus desistere debemus, sed eo ipso nomine magis instare. ex v. 5, 6, 7.

VI. In istiusmodi precibus mul- tum juvat ad spem confirmandam, in memoriam distincte revocare, sin- gularem illam gratiam, qua aut nos ipsos, aut Ecclesiam suam dignatus est olim. v. 9. ad 13.

VII. Ex ista Dei gratia fiduciam concipere possumus sancto quodam modo cum Deo exostulandi de Ec- clesia deserta, & misere oppressa, ver. 13, 14.

VIII. In hac exostulatione, & deprecatione, fiduciam nostram su- stentare debemus, constantiam divi- næ gratiæ rite apprehendendo, vers. 15. ad 19.

IX.

IX. Cum fiducia vera semper Deum sancte & constanter colere
conjungitur firmum propositum | di, vers. 19.

PSALMUS OCTVAGESIMUS PRIMUS.

- M** Agistro symphonie ad Githæa instrumenta ode, Asapho,
2. Cantate Deo, robori nostro, vociferamini Deo Jahakobi.
3. Sumite psalmodica instrumenta; & apponite tympanum, ci-
tam amœnam cum nablio.
4. Clangite in novitatio buccina, stativis quibusque feriis, diebus festis
nostris.
5. Nam statutum in Israele est, ritus à Deo Jahakobi :
6. Qui testimonium in Josepho imposuit ipsi; quum processisset contra
terram Ægypti, ubi sermonem ignotum audiebant.
7. Amor, inquit, abonere humerum ejus; manus ejus à lacusculo intrite
abierunt.
8. Quum in angustia illa exclamares, liberavi te; exaudiui te in late-
bris tunicæ: probavi te, usque ad aquas Meribæ summe.
9. Audi popule mi, & contestabor te; & Israel, si auscultaveris mihi,
10. Si non erit in te Deus fortis extraneus, neque incurvabis te Deo forti
alienigena honorem exhibens.
11. Ego sum Iehova Deus tuus, qui feci ut ascenderes è terra Ægypti;
dilata os tuum, & impleturus sum illud.
12. Sed non auscultavit populus meus voci meæ, & Israel non acquievit
mihi.
13. Quapropter dimisi eos ambulaturos ex sententia animi sui, dicens,
abeant cum pravis consiliis suis.
14. O si populus meus auscultasset mihi, si Israelita in viis meis ambu-
lassent;
15. Vel momento inimicos eorum fuisset depressurus, quum in hostes eorum
convertissem manum meam:
16. Osore Iehova mendaciter se dedissent ei, & futurum fuisset tempus
istorum in seculum;
17. Denique cibaturum fuisset cum adipe tritici, etiam ex rupe melle fuisset
satiaturus te.

ANALYSIS.

S Copus hujus Psalmi est,horta-
ri & excitare populum Dei ad
nominis divini eximiam cele-
brationem, vers. 2. In istum finem
describitur primo celebratio debita
v. 2, 3, 4. & postea rationibus per-

suadetur, ad finem usque Psalmi.

1. Describitur celebratio sub hor-
tationis forma. 1. A formali ejus
abjecto, quod scilicet versari debe-
at circa Deum tanquam causam pri-
mariam tam collationis quam con-
servationis

servationis omnis boni, & specialiter erga Israëlitas v. 2. *Deo robori nostro. Deo Iacobi.* 2. Adjuncto modo, cujus perfectio singularis declaratur, per conjunctionem vocis maxime alacris, cum omni genere musicorum instrumentorum. v. 3. *Cantate, vociferamini, sumite psalmodica instrumenta, &c.* 3. Ab adjuncto tempore, stativis nempe diebus celeberris cultus, verf. 4. 2. Suadetur eadem celebratio, 1. Ab autoritate Dei eandem instituentis ac mandantis, v. 5. 2. A beneficiis Dei, quibus omnem celebrationem merebatur, atque adeo suo jure poterat mandare, v. 6. &c.

Hæc autem beneficia Dei distribuuntur, in collata & conferenda. Collata beneficia fuerunt miraculosa liberatio eorum ex summa miseria Aegyptiacæ captivitatis; & patientissima ipsorum deductio per desertum, v. 7, 8. Beneficia insuper conferenda declarantur, 1. Per fœderis promissionem; *contestabor te*, v. 9. 2. Per conditionem adjunctam, fidei scilicet & observantiæ, v. 10, 11. 3. A causa communicationem ipsorum impediante, populi scilicet infidelitate, & inobedientia, v. 12. Quæ illustratur effecto, quod producebat, id est, desertione spiritali & corporali, v. 13. & effecti oppositi, quod impediēbat, intermissione, id est, hostium subjugationis, & omnium bonorum affluentia, v. 15, 16, 17. Quam intermissionem ex infidelitate & inobedientia populi pendere pathetica operatione confirmatur, v. 14.

DOCUMENTA.

I. Ad synceram divini nominis

celebrationem requiritur; ut nobismetipsis abnegatis, & omni propria fiducia exinanitis, à Deo, & ejus speciali favore, omnem nostram sufficientiam provenire sciamus, ut verf. 2. *robori nostro, Deo Iacobi.*

II. Ad Deum celebrandum non minus alacres esse debemus, quam si omnium instrumentorum musicorum dulcissima harmonia aures & animos nostros circumsonaret, ex verf. 2. & 3.

III. Istiusmodi celebratio Dei, præcipue requiritur diebus illis quos Deus sibi meret & suo cultui sanctificavit, ex verf. 4.

IV. Institutio ac mandatum Dei efficaciter nos debet ad hoc officium excitare, ex v. 5.

V. Institutio Dei qua cultum debitum à nobis exposcit, pro fundamento habet gratuita ejus erga nos beneficia, quæ sunt quasi reale testimonium officii nostri, ex v. 6.

VI. Quo majora sunt Dei erga nos beneficia, eo magis debent in animis nostris fixa hære, & efficacius nos ad gratitudinem excitare, ex v. 7, & 8.

VII. Non tantum beneficiis Dei in nos collatis affici debemus, sed etiam eis quæ promissionis verbo proponuntur, tanquam conferenda, v. 9, 10, 11.

VIII. Ad promissionum Dei erga nos consummationem requiritur fides & obedientia nostra, v. ibid.

IX. Infidelitatis & inobedientiæ contumacia est magna, quæ promissionibus Dei vinci non potest, ex v. 12.

X. Hujus contumaciæ pœna gravis est desertio, primo spiritalis, & postea corporalis, ex verf. 13, &c.

XI. De-

XI. Desertionis hujus, & causæ ac effectorum ejus consideratio maxime nos afficere debet, & ad resipiscen-
tiæ studium commovere, ex v. 14. &c.

PSALMUS OCTVAGESIMUS SECVNDVS.

- P**salms Asapho. Deus assat in cætu Dei fortis, inter magistratus judicat.
 2. Quousque judicabit inique, & personam improborum suscipietis summe?
 3. Judicate secundum tenuem & pupillum; afflictum & pauperem justum pronunciate.
 4. Liberato tenuem & egentem, è manu improborum eripite.
 5. Ignorantibus & non animadvertentibus, in tenebris indefinenter ambulanti-
 bus illis, dimouentur omnia fundamenta terræ.
 6. Ego dico; Dii quidem estis, & filii Excelsi vos omnes:
 7. At certe ut plebejus homo morituri estis, etiam sicut unus aliorum principum casuri estis.
 8. Surge, ô Deus, judica terram: tu enim possessionem habes judiciorum in omnibus gentibus.

ANALYSIS.

SCopus hujus Psalmi est judices & principes terræ officii sui admone-
re, & ad ejus curam excitare.

In istum finem primo fundamen-
tum solidum, & causa efficaciter
mouens tam officii judicum, quam
admonitionis ad ipsos directæ, pro-
ponitur: præsentia scilicet & præ-
sidentia Dei in medio judicum &
judiciorum. vers. 1. 2. Arguitur, &
reprehenditur corruptio judicum,
officio ipsorum aduersa: injustitia
nempe, & inclinatio in favorem in-
justorum. v. 2. 3. Officium eorum
demonstratur per modum hortatio-
nis: ut scilicet innoxios & inopes
defendant, vers. 3. & 4. Hoc of-
ficiū suadetur ab effectu contrarii,
reipublicæ pernicioso, id est, ab om-
nium rerum confusione ex ejus neg-
lectu sequutura. vers. 5. ubi neglectus
ipse triplici causa vel judicum culpa
illustratur: ignorantia juris, indi-
gens cognitio facti, & non curantia

voluntatis Dei, aut conscientiæ pro-
priæ in sententia ferenda. 5. Sua-
detur idem officium ab effectu con-
trarii neglectus ipsis judicibus per-
nicioso, morte scilicet ac pœna ino-
pinata. v. 7. Quæ comminatio con-
firmatur 1. Per occupationem obje-
ctionis, quæ peti posset à dignitate
illa, in qua tales personæ collocantur
v. 6. 7. 2. A causa ejus certissima,
justo videlicet judicio Dei, omnis
tandem rite ordinaturo: quod sancto
voto imploratur. vers. 8.

DOCUMENTA.

I. Magistratus est ordo à Deo in-
stitutus. ex ver. 1. Cætus Dei fortis,
Rom. 13. 1. 2. Deut. 1. 17. & 16.
18. 2 Chron. 19. 6.

II. Inter Magistratus Deus est
singulariter præsens, ab omnibus a-
gnosendus, & ab ipsis Magistrati-
bus metuendus. Eccles. 5. 8. Job 31.
14. Ephes. 6. 9.

III. Ma-

III. Magistratus qui ex gratia aut favore inique jus administrant, non in homines tantum, sed & in Deum, directe & graviter peccant. ex v. 2. cum 1.

IV. Præcipua cura Magistratum debet esse in jure administrando, ut inopes adversus præpotentes oppressiores defendant. ex v. 3. 4.

V. Causa judicii depravati, est defectus veræ sapientiæ, cujus caput est reverentia Dei. Pro. 7. Psal. 111. 10. ex vers. 5.

VI. Effectum judiciorum corruptorum est, totius reipublicæ concus-

sio, labefactatio, & confusio, ex v. 5. in fine. *Dimoveantur omnia fundamenta terræ.* Psal. 75. 4.

VII. Efficax medium ad Magistratus in officio continendos, est frequens meditatio mortis & judicii futuri, qua fiet ut minime superbiunt ex dignitate sua presenti, & ab omni injustitia sedulo sibi caveant. ex v. 6. & 7.

VIII. A corruptis hominum judiciis ad justissimum Dei tribunal provocare semper possumus ac debemus, ex fide ac spe certa: ex vers. 8.

PSALMVS OCTVAGESIMVS TERTIVS.

CAnticum & Psalmus Asapho,

2. O Deus, ne agas silentium; ne surdum agas, neque quiescas, ô Deus fortis.

3. Nam ecce inimici tui perstrepunt, & osores tui extollunt caput.

4. Contra populum tuum callide ineunt consilium, & consultant contra abditos tuos.

5. Dicentes, agite exscindamus istos, ne sint gens; ut non memorent nomen Iisraelis amplius.

6. Nam consilium inierunt animis paribus, contra te sædus pepigerunt.

7. Tentoria Edomæorum & Iischmaëliitarum, Moabita & Hagareni,

8. Gebalita, Hammonitæque, & Hamalekita, Palæstini cum habitatoribus Tyri:

9. Etiam Assyrius adjunxit se istis; sunt brachium posteris Loti maxime.

10. Fac istis ut Midianitis, ut Siseræ, ut Iabini in torrente Kischonis:

11. Qui excisi fuerunt ad Hen-dorum, facti sunt fimus terræ.

12. Redige ipsos ingenuos istorum ut Horebum, & ut Zeebum; ut Zebachum & Tzalmumabum, omnes Toparchas istorum;

13. Qui dicunt, hæreditario jure possideamus nobis habitacula Dei.

14. Deus mi, pone eos velut rotam; ut stipulam coram vento.

15. Ut ignis exurit sitivam, & ut flamma accendit montes,

16. Ita prosequere eos procella tua, & turbine tuo conturba eos.

17. Reple faciem eorum ignominia; ut requiratur nomen tuum, ô Jehova.

18. Pudore perfundantur, & conturbentur usque in seculum; erubescantque & pereant.

19. Ut cognoscatur, te, cui soli nomen est Jehova, excelsum esse supra universam terram.

ANALYSIS.

SCopus hujus Psalmi est implorare opem Dei adversus hostes in populum Dei irruentes, (ut maxime verisimile est) tempore Iosaphati, 2 Chron. 20.

Petitio 1. Generaliter verbis metaphorice per *αὐθιγὰς τοῦ θεοῦ* & generali ratione à privatione urgetur v. 2. Quæ privatio quasi Deo indigna, & populo ejus intolerabilis declaratur, per comparationem habitus hostium ejus vers. 3. Alienum quippe videtur, obstrepentibus hostibus, Deum silere; & hostibus attollentibus caput, Deum quiescere, veluti caput ad somnum inclinantem. 2. Eadem petitio urgetur ab effectis hostium: quæ fuerunt callida consilia, mutæ adhortationes, & confederationes, ad extremum excidium populi Dei, & gloriæ divinæ imminutionem tendentes, v. 4, 5, 6. 3. Urgetur etiam ab adjuncto numero ex variis gentibus conflato: inter quas aliæ fuerunt belli hujus principes aut primi motores, Ammonitæ & Moabitæ: aliæ subsidariæ, partim ex vicinia advolantes: Idumæ, Ismaelitæ, Arabes, Gebalitæ, Amalakitæ, Palestini, Tyrii, & partim ex remotioribus locis accersitæ, ut Assyrii, v. 7, 8, 9. 4. Eadem petitio suadetur à paribus exemplis opis & judicii Dei adversus Madianitas, Siceram, Jabinum, &c, vers. 10, 11, 12. Cujus argumenti ratio redditur, quod cum par fuit peccatum horum & illorum, in hereditate Dei invadenda, poenas etiam pares debeant ferre, vers. 13. 5. Illustratur judicium Dei adversus hostes optatum, similitudinibus variis; rotæ facile in præcipitium

actæ, stipulæ à vento depulsæ, silvæ ab igne exustæ, flammæ herbam aridam depascentis, procellæ ac turbinis quælibet obvia conturbantis, v. 14, 15, 16. 6. Illustratur idem judicium à suo effecto, hostium pudore, & ejus fine, gloria Dei, ab ipsis hostibus requirendi, & agnoscendi, v. 17, 18, 19.

DOCUMENTA.

I. Tumultuantibus, frementibus, & terrificas minas spirantibus hostibus, Deus aliquando quiescere ac silere videtur, ex v. 2; & 3.

II. Tumultus, fremitus & impetus hostium nostrorum, sive sint corporales, sive spirituales, non debent nos consternare; sed excitare magis ad Dei opem fide apprehendendam, & precibus invocandam, ex v. 2. & 3.

III. In istiusmodi precibus, plurimum facit ad spem nostram confirmandam, si hostes nostri sint inimici & ofores Dei, ex v. 3.

IV. Ofores Dei sunt, qui superbe, callide, crudeliter, & pertinaciter opponunt sese populo Dei, ex v. 3, 4, 5, & 6.

V. In omni genere hominum (ne illis quidem exceptis, qui amicitiam aliquam præ se ferunt) istiusmodi ofores Dei ex omni occasione reperiuntur, ex v. 7, 8, 9.

VI. Exempla judiciorum Dei adversus Ecclesiæ hostes olim editorum, ad fidem nostram in omni simili casu confirmandam memorari debent & religiose accommodari, ex v. 10, 11, 12, 13.

VII. Ad confirmationem fidei nostræ plurimum etiam valet si vi-

vam apprehensionem habeamus omnipotentiae illius Dei, cui facillimum est hostes suos omnes in momento confundere, quando ipsi placet, ex verf. 14, 15, 16.

VIII. In istiusmodi precibus, finis impellentis causae, & argumenti praecipui locum debet habere gloria nominis divini, ex verf. 17. & 19.

PSALMUS OCTVAGESIMUS QUARTUS.

Magistro symphonia ad Githca instrumenta posteris Korachi ; Psalmus.

2. Quam amabilia sunt tabernacula tua, o Iehova exercituum.

3. Desiderio officitus, etiamque deficit anima mea veniendi ad arria Iehova : cor meum & caro mea exclamant veniendi ad Deum fortem viventem desiderio :

4. Etiam passer invenit domum, & hirundo nidum sibi, in quo ponat pullos suos : altaria tua, o Iehova exercituum, rex mi & Deus mi.

5. Beati qui inhabitant domum tuam, qui adhuc laudant te summe.

6. Beatus homo, cui facultas est in te semitas tuas insistendi ex animi sui sententia :

7. Qui transeuntes per vallem mori fontem constituunt eum, quos etiam benedictionum operit pluvia :

8. Qui pergunt ab acie ad aciem, comparcet quisque apud Deum Tzione.

9. Iehova Deus, Deus exercituum, audi orationem meam ; auribus percipe o Deus Iahakobi maxime.

10. Scutum nostrum aspice, o Deus, & intueri faciem Christi tui.

11. Non melior est dies unus in atriis tuis, quam mille alibi : eligo frequentare limen in domo Dei mei, magis quam habitare in tentoriis improbitatis.

12. Quia sol & scutum est Iehova Deus, gratiam & gloriam dat Iehova : non cohibet bonum ab ambulanti in integritate.

13. O Iehova exercituum, beatus homo, qui fiduciam habet in te.

ANALYSIS.

Psalmus iste explicat votum Davidis (ut maxime verisimile est) jam exulantis, de sua in integrum restitutione, ut sanctissima Dei praesentia secundum ejus instituta uteretur ac frueretur.

1. Votum istud 1. In sua causa procreante (excellentia scilicet & amabilitate praesentiae & institutorum Dei) efficaciter proponitur sub forma exclamationis, v. 2. 2. Proponitur 2. simplicius per declaratio-

nem desiderii ex amabilitate illa oriundi, & circa eandem versantis, v. 3. cujus desiderii tam qualitas, quoad sinceritatem, quam quantitas, quoad intensionem, & extensionem, simul declaratur ex eo, quod fuit desiderium totius hominis, anima, cor, caro, & in gradu summo, exclamant, deficient, ibidem. 3. Urgetur hoc votum a comparatione vilissimarum avicularum, quibus comoda habitatio vel nidificandi locus

Y conce-

concedi solet, cum exilio suo. v. 4.

4. Urget etiam à comparatione invidendæ fœlicitatis eorum qui libere fruebantur hac præsentiâ Dei, five illi fuerint ministri sacri, vers. 5. five alii. vers. 6, 7, 8. 5. Ex istis comparationibus concluditur votum, & sub forma generalis petitionis explicatur. vers. 9. 10. ubi etiam confirmatur tam ab omnisufficiencia Dei, *ô Deus, Deus exercitum*, quam à relatione ejus ad populum suum, *ô Deus Jakobi, ô scutum nostrum*; & etiam à singulari relatione Davidis ad Deum & populum ejus: *intuere faciem meam tuam*. 6. Illustratur idem votum comparatione imparium, qua unus dies in cultu Dei transactus anteponitur longissimæ fruitioni voluptatum aliarum, five sint peccati, five vanitatis mundanæ. vers. 11. Hujus autem comparationis, sicut & voti totius ratio redditur. vers. 12. ab efficientia Dei erga pios, in omnium bonorum communicatione, & omnis mali propulsatione. Unde etiam beatitudinem piorum ad suam & aliorum consolationem concludit. vers. 13.

DOCUMENTA.

I. Omnia illa quæ ad Deum & ejus præsentiâ spectant, apprehenduntur à piis tanquam summe amabilia. ex v. 2. Quia in eis inest bonitas maxime honesta, utilis, & jucunda.

II. Ex amabilitate ista excitatur

in piis vehementissimum desiderium. ex v. 3. Desiderium scilicet unionis, complacentiæ, & benevolentæ. Medullæ lib. 2. cap. 7.

III. Accenditur hoc desiderium contemplatione Dei, tanquam *Dei exercitum, fortis, viventis*. vers. 2, & 3.

IV. Qui hujusmodi desiderio afficiuntur, & tamen ejusdem compotes non fiunt, miseræ suæ sensu graviter afficiuntur. ex v. 4.

V. Ex hujusmodi sensu defectuum suorum, erudiuntur pii ad beatitudinem illam rite æstimandam, quæ in communionem cum Deo consistit. ex v. 5, 6, 7, 8. carendo magis quam fruendo bona nostra cognoscimus.

VI. Desideria piorum per miseræ sensum, & beatitudinis apprehensionem, ascendunt in preces maxime ferventes & instantes. ex vers. 9, & 10.

VII. In precibus, ad earum efficaciam & consolationem nostram, requiritur incomparabilis affectus erga Deum supra alia quæcunque. ex v. 11.

VIII. Affectus iste oritur ex apprehensione viva Dei, tanquam omnium bonorum largitoris, & omnium malorum propulsatoris, erga pios. ex v. 12.

IX. Ex istis consequitur justa æstimatorio & studium pietatis. v. 13.

X. Pietas consistit in fiducia erga Deum & integritate vitæ coram ipso v. 12, & 13.

PSALMUS OCTVAGESIMUS QUINTUS.

M Agistro symphonici in posteris Korachi, Psalmus.

2. *Benevolus fueras, ô Jehova, terræ tuæ: reduxeris urbem captivam Iabakobi:*

3. *Condonaveras iniquitatem populi tui, rexeras omne peccatum eorum summe:*

4. *Receperas omnem excandesceniam tuam, averteras, quo minus aestuaret, iram tuam.*

5. *Restitue nos, & Deus salutis nostræ: & irritam fac indignationem tuam contra nos.*

6. *An in seculum irascereris contra nos? protraheres iram tuam in quamque generationem?*

7. *An non tu reversus, vita restitueres nos; ut populus tuus latentur in te?*

8. *Ostende nobis Iehova benignitatem tuam; & salutem tuam da nobis*

9. *Audiam quid loquatur Deus ille fortis Iehova; nam eloquitur pacem erga populum suum, & erga eos quos benignitate prosequitur: sed ne revertantur ad stultitiam.*

10. *Utique propinqua est timentibus eum salus ejus, habitaturus est gloria in terra nostra.*

11. *Benignitas & fides occurrent inter se, justitia & pax osculabuntur se.*

12. *Fides è terra germinabit, & justitia è cælis prospectabit.*

13. *Etiā Iehova dabit quod bonum est, ut terra nostra edat proventum suum;*

14. *Faciet ut justitia præcat sibi, dum conferet ad iter pedes suos.*

A N A L Y S I S.

OCCASIO hujus Psalmi fuit gravis Ecclesiæ pressura post restitutionem ejus à captivitate. Scopus est, petere liberationem. v. 5, & 7.

Hujus petitionis fiducia primò confirmatur ad v. 9 & postea patiens & placida expectatio eventus ejus declaratur à v. 9. ad finem. Confirmatur petitio à comparatione parium, inter liberationem illam quam antea Deus præstiterat populo suo, & istam quæ jam petitur. Comparatio autem ista non simpliciter tantum instituitur inter liberationem præteritam & futuram. v. 2, & 5. *reduxeras, restitue:* sed ad majorem fiduciæ confirmationem, illustratur utrinque liberationum causis & modis paribus. Primaria causa

liberationis præteritæ fuit benevolentia & benignitas Dei. v. 2. quæ eadem pariter apprehenditur in futurum. verf. 8. Illius benignitas operatio (causæ etiam & modi rationem complectens) fuit in præterita liberatione, remissio peccatorum, & iræ vel pœnæ averfio. v. 3, & 4. quæ eadem benignitatis operatio apprehenditur & imploratur in futurum. v. 5, & 6. ubi porro ad efficaciam orationis exacuendam annexitur duplex illustratio: quarum prima petitur à diuturna privatione hujus operationis (*an in seculum?*) altera vera à fine: ut populus Dei novam in ipso gaudendi materiam haberet. v. 7. in fine.

Expectatio eventus hujus petitionis 1. Solemni professione spondetur

detur verſ. 9. in princ. 2. Cauſa aut ratio ejus redditur à certitudine ſœlicitatis & eventus expectati. v. 9. in medio. & v. 10. 3. Conditione adjuncta eventus ille declaratur, conſtantia ſcilicet, obedientiæ novæ. ibid. in fine. 4. Fœlicitas eventus illius illuſtratur à multiplici Dei efficiencia, cum ſuis effectis, quali per inductionem partium, benignitatis, fidei, juſtitix, pacis, fidei etiam & juſtitix, verſ. 11. & 12, 13. ad conſtituendam omnimodæ fœlicitatis perfectionem. v. 13.

DOCUMENTA.

I. In omnibus noſtris anguſtiis ſuſtentare fidem noſtram debemus antecedentium Dei beneficiorum commentatione; ſive illa nobis fuerint peculiaria, ſive in alia ejuſdem corporis membra collata. ex verſ. 2, ad 9.

II. Ut ſolidam conſolationem ex iſtis Dei beneficiis hauriamus, eorum cauſas & modos diligenter debemus conſiderare & comparare. ibid.

III. Benevolentia, benignitas & dilectio Dei, imprimis debet ſpectari, tanquam fons & medulla omnis boni ſalutaris, ex v. 2. in princ. & 8.

IV. Ex iſta benevolentia & benignitate Dei, quærenda eſt imprimis remiſſio peccatorum noſtrorum; & poſtea liberatio ab ira Dei, & poenis ex ira inſtitutis, ex v. 3, 4, 5.

V. Neque diuturnitas, neque acerbitas afflictionum noſtrarum debet ſpem noſtram de liberatione aut frangere aut fatigare, ſed potius excitare. ex v. 6, 7.

VI. Liberationum ac beneficiorum omnium Dei in experiendo ſinis, & in percipiendo fructus debet eſſe ſanctum & ſolidum gaudium in Deo, ex v. 7. in fine.

VII. Quamvis gaudium optatum ſtatim non conſequamur, conſtanter tamen in precibus perſiſtendum, & exitus patienter ac placide à Deo expectandus. ex verſ. 9.

VIII. In expectatione fœlicis eventus omnium tentationum, omni modo debemus fidem noſtram confirmare & adverſus infidelitatem ac dubitationem pugnare ex v. 9. & 10.

IX. Nulla fœlicitas eventus poſteſt fide expectari ſine ſtudio ſanctitatis conjuncto. ex verſ. 9. in fine.

X. Ad Sanctorum fœlicitatem omnes Dei perfectiones efficaciffime cooperantur ſupra omnem expectationem, ex v. 11, &c.

PSALMVS OCTVAGESIMVS SEXTVS.

O Ratio Davidis: inclina Jchova aurem tuam, exaudi me: nam pauper & egenus ſum.

2. Serva animam meam, nam iſc ſum quem benignitate proſequeris: ſerva tuum ſervum, tu Deus mi, fiduciam habentem in te.

3. Gratiã fac mihi Domine; quia te inclamo toto die

4. Latifica animam ſervi tui: quia ad te, Domine, animam attollo.

5. Tu enim Domine bonus es & condonans, multuſque benignitate omnibus invocantibus te.

6. Auribus

6. *Auribus percipe, Jehova, orationem meam, & attende ad vocem deprecationum mearum.*

7. *Tempore angustiarum mearum invoco te, quia exaudis me.*

8. *Non est par tibi inter illos Deos, o Domine; neque sunt paria operibus tuis opera.*

9. *Omnes gentes quas eis afficis venientes, incurvant se coram te, Domine, & honorem habent nomini tuo:*

10. *Quia magnus es atque mirificus, tu Deus solus es.*

11. *Doce me, Jehova, viam tuam, pergam in veritate tua, aduna animum meum ad timendum nomen tuum.*

12. *Celebrabo te Domine, Deus mi, ex toto animo meo; & honore prosequar nomen tuum in seculum:*

13. *Quum benignitas tua magna sit erga me, & eripueris animam meam à sepulchro imo.*

14. *O Deus, superbi insurgunt contra me, & cætus violentorum quærunt vitam meam; qui non proponunt te sibi.*

15. *Tu autem Domine, Deus fortis, misericors, & graciosus es, longanimis, & multus benignitate ac fide.*

16. *Respice ad me, & gratiam fac mihi; da robur tuum servo tuo, & serva filium ancillæ tuæ.*

17. *Effice erga me signum quod bono sit; ut videntes osiores mei pudore perfundantur, quum tu Jehova adjuveris me & consolatus fueris me.*

ANALYSIS.

Continet hic Psalmus orationem Davidis, quam tempore angustiarum suarum, ex inimicorum persecutione oriundæ habuit, vers. 1. in principio, vers. 7. & 14. qua instituntur pii, quomodo debeant orare in gravibus rerum difficultatibus.

Petitio generaliter 1. proponitur, de inclinatione auris & exauditione; & generali argumento ab indigentia, destitutione, ac necessitate ejus urgetur, v. 1.

Specialius deinde explicatur, de anima servanda; & confirmatur à descriptione ipsius, qua se talem esse declarat, quales Deus solet servare: Dei videlicet, beneficiarium, qui ipsum colit ut servus, & totam suam fiduciam in ipso collocatam habet, v. 2.

Tertio in loco tam generaliter,

de gratia facienda, quam specialiter, de anima lætificanda proponitur; & confirmatur ab usurpatione medii eo facientis, constanti scil. & fiduciali invocatione, v. 3. & 4.

Quarto, tam petitionis, quam exercitii ejus, id est, medii hujus usurpationis, & fiduciæ cum qua usurpatur, causa vel ratio redditur; bonitas nempe & benignitas Dei, v. 5.

Quinto, eadem petitio generaliter denuo proponitur, v. 6. & illustratur 1. Experientia Davidis, v. 7. 2. Comparatione Dei cum fictitiis Diis, v. 8, & 10. quorum imparitas esse declaratur vers. 9.

Sexto, specialius adhuc explicatur illa petitio, quod scil. non corporalem tantum salutem spectaverit, sed præcipue spiritualem, id est, illumina-

nationem intellectus, & voluntatis confirmationem, ad fidem & conscientiam bonam in istis angustiiis retinendam, v. 11.

Septimo, urgetur & confirmatur petitio ab effectu ex ejus concessione consequuturo, grata nempe celebratione nominis divini: quæ declaratur suis adjunctis, sinceritate & constantia, v. 12. & suis causis, benignitate Dei, & liberatione inde profecta, v. 13.

Octavo, urgetur petitio è descriptione hostium, id est, ab eo. um superbia, violentia, crudelitate & impietate, v. 14.

Confirmatur denique descriptione naturæ Dei, v. 15. & ultimo in loco repetitur petitio, & confirmatur à relatione illa quam habuit ipse ad Deum, tanquam servus & verna, v. 16. & à fructu inde secuturo, si Deus manifestaret se justam rationem habere talium, pudore scilicet, improborum, v. 17.

DOCUMENTA.

I. In omnibus necessitatibus nostris ad Deum precibus confugere debemus, ex v. 1.

II. Precum nostrarum exauditione imprimis quæri debet, & in maximis bonis numerari, ibid.

III. Quo majorem sensum habemus nostræ miseriæ & egestatis, eo majore cum instantia ac fiducia possumus precari, ibid.

IV. Fundamentum solidæ consolationis in precibus est, si nos tales esse sciamus, quales Deus prosequitur salutifera benignitate, ex v. 2.

V. Consolationem istam auget perseverantia ipsius precatōnis, vers. 3.

VI. Precatio illa, quæ consolationem adfert, præcipue consistit in elevatione cordis, non vocis, v. 4.

VII. Istis mediis tantum veræ & solida lætitia animi comparatur, ibid.

VIII. Primarius fons omnis veræ consolationis, ac lætitiæ, unde mediis istis hauriri debet, est Dei bonitas & misericordia, v. 5.

IX. Quamvis hæc bonitas Dei sit infinita, pertinet tamen ad consolationem eorum tantum, qui Deum invocant, ibid.

X. Qui autem Deum invocant, sic ab invocatione concludunt exauditionem, ut ab exauditione etiam invocationem quasi in circulo concludant, v. 6, & 7.

XI. Ad istam pietatem confirmandam & augendam, juvat subinde aliarum omnium rerum vanitatem cum Dei majestate comparare ex v. 8, 9, 10.

XII. A Deo præcipue petere debemus istius pietatis conservationem & incrementum, per illuminationem intellectus nostri, & voluntatis directionem, ex v. 11.

XIII. Cum ista pietate, quæ in precatione versatur, conjungitur semper intentio nominis divini sincere & constanter celebrandi, ex vers. 12, 13.

XIV. Quo magis formidabiles sunt hostes nostri, eo magis eis opponere debemus bonitatem Dei celebrandam, ex v. 4, & 15.

XV. Ex hujus bonitatis applicatione fideles possunt certo concludere suam salutem & hostium suorum confusionem, ex vers. 16, & 7.

PSALMUS OCTUAGESIMUS SEPTIMUS.

Posterius Corachi, Psalmus & canticum. Foundationem suam inter montes sanctitatis,

2. Diligit Ichova portas Tzjjonis, supra quam illa tabernacula Iahakobi
3. Honorificentissima sunt quaecunque prædicantur de te, o civitas Dei summe honorifica.
4. Memoro Ægyptium, & Babylonium apud noscentes me; ecce, Palæstinum, & Tyrium cum Æthiope, hunc genitum esse ibidem:
5. Idco de Tzjione fore ut dicatur, hic & ille vir genitus est in ea; ipsumque stabiliturum eam Excelsum:
6. Ichovam annuercaturum conscribendo populos, hic genitus est ibidem excellentissime,
7. Quapropter canunt aque ac exultant, omnes fontes vitæ mea de te.

A N A L Y S I S.

SCOPUS hujus Psalmi est adducere homines ad justam Ecclesiæ æstimationem, ut sic ad eam amandam, & Deum in illa glorificandum excitentur. In istum finem dignitas & amplitudo Ecclesiæ per totum Psalmum explicatur.

Hæc autem præstantissima Ecclesiæ Dei excellentia (in figura vel typo ejus Hierosolyma vel Tzjone) illustratur 1. Ab adjuncta firmitate & perfectione foundationis & exstructionis ejus. v. 1. *Foundatione ejus est inter montes sanctitatis.* 2. Ab illius foundationis causa procreante: Dei scilicet dilectione singulari: quæ etiam amplificatur à comparatione minorum; quod scilicet Deus Hierosolymam cæteris omnibus locis prætulit in dilectione sua. v. 2. 3. A testimonio Dei & Prophetarum ejus. vers. 3. 4. Ab adjuncta Ecclesiæ dilatatione aut diffusionem per totum terrarum orbem in gentium vocatione. Quæ illustratur 1. Per inductionem vel enumerationem variarum gentium, de quibus partim ob opu-

lentiam ac superbiam, & partim ob odium ac inimicitiam, minime videbatur expectandum, ut adjungerent se Ecclesiæ Dei. *Ægyptium, Babylonium, Palæstinum, & Tyrium, cum Æthiope.* 2. Per ejusdem vocationis adjunctam professionem & observationem. v. 4, 5. *memoro apud noscentes me: fore ut dicatur.* Ubi etiam ipsa vocatio suo effectu illustratur: quod scilicet per illam vocati Deo in Ecclesia generantur: *hic & ille genitus est in ea.* 3. Per ejusdem vocationis finem, & effectum; Ecclesiæ nempe stabilitatem à Deo hoc pacto procuratam. v. 5. *ipsumque stabiliturum eam excelsam.* 4. Per ejus confirmationem à testimonio Dei quod illustratur similitudine recensionis aut inscriptionis hominum civitate donatorum. v. 6.

5. Dilatatio hæc Ecclesiæ, cum reliqua ejus gloria illustratur singulari suo effectu, & adjuncto, gaudio nempe piorum: quod etiam suo subjecto & modo declaratur; quod scilicet intimum & totum cor occupaverit. vers. 7. *Qua propter ca-*

nunt atque exultant omnes fontes vite
meæ de te.

DOCUMENTA.

I. Ecclesia fundamentum & structuram firmissimam habet à Deo procuratam, ex v. 1. Fundamentum hoc est, 1. Dei firmum Decretum, 2 Tim. 2, 19. 2. Christus petra. Math. 16, 18. 1 Corinth. 3. 11. 3. Doctrina à Deo revelata, Christum proponens, & Ecclesiam ipsi vi Spiritus sancti connectens, Eph. 2. 20.

Vsus 1. *Refutationis*, adversus Pontificios, qui Ecclesiam Papæ Romano, & traditionibus ac decretis humanis superstructam esse volunt. 2. *Consolationis*, erga omnes fideles; quod membra sint hujus ædificii, quod à tam sapiente ac potente Architecto tanta cum stabilitate fundatur.

II. Causa totius hujus foundationis ac structuræ est Dei dilectio gratuita, & specialis, & constans, v. 2.

III. Singularem confirmationem hujus directionis & consolationis inde manantis possumus ac debemus petere ex promissionibus ac

prædictionibus divinis, v. 3.

IV. Ad consolationem istam augendam plurimum faciunt promissiones de Ecclesia augenda & dilatanda, per multorum ad eam aggregationem, vers. 4. & 5.

V. Promissiones istæ extenduntur etiam ad illos Ecclesiæ hostes convertendos, qui videri possint maxime desperati, ibid.

VI. Conversio ista est generatio nova, vel regeneratio spiritualis, ibid.

VII. Qui hunc in modum sunt regeniti, Ecclesiam veram habent pro sua matre, ibidem.

VIII. Qui hunc in modum Ecclesiæ generantur, professione obsecranda idem solent præ se ferre, v. 4. *memoro*, & vers. 1. *fore ut dicatur*.

IX. Per istam multorum filiorum regenerationem Ecclesia à Deo stabilitur, vers. 5. in fine.

X. Quod hunc in modum agitur in terris, in cælo a Deo ratum habetur, vers. 6.

XI. Piorum officium est de hac Ecclesiæ felicitàte ex intimo ac toto corde gaudere, ac Deum glorificare, vers. 7.

PSALMUS OCTVAGESIMUS OCTAVUS.

Canticum & Psalmus in posteris Korachi, magistro symphoniæ, ad pneumaticum instrumentum canendus. didascalicus Hemanis Exrachiæ.

2. O Jehova, Deus salutis meæ; interdum clamo, & noctu coram te.
3. Veniat in conspectum tuum oratio mea, inclina aurem tuam ad clamorem meum.
4. Nam saturata est malis anima mea, & vita mea ad sepulchrum pertingit.
5. Reputor cum descendentibus in sepulchrum, sum similis viro quem deficit virius.
6. Reputor inter mortuos, semotus; ut confossi, jacentes in sepulcro, quorum non recordaris amplius, qui manu tua excisi sunt.
7. Pone me in sepulchro omnium infimorum, in tenebrosissimis, in profundis locis.
8. Super me incumbit exardescens tua, adeo omnibus irruentibus tuis fletibus is ligis vehementissime.

9. *Procul amoves notos meos à me, proponis me in summam abominationem eis; ita inclusum ut non possim evadere.*

10. *Oculus meus mæret præ afflictione: invoco te Ichova totum diem, pando ad te manus meas.*

11. *An mortuis efficies opus mirabile? aut expertes vitæ celebraturi te exsurgent potentissime?*

11. *An enarraretur in sepulchro benignitas tua? fides tua in perditione?*

13. *An cognoscetur in tenebris mirabile opus tuum, & justitia tua in terra oblivionis?*

14. *Atqui ego ad te Ichova, vociferor; & unoquoque mane oratio mea prævenit te.*

15. *Quare, ô Ichova, abjicis me? abscondis faciem tuam à me?*

16. *Pauper sum & moribundus à concussione, perferens terrores tuos animi pendeo.*

17. *Super me transeuntibus astibus tuis, conturbationes tuæ rescindunt me.*

18. *Circumdantes me sicut aquæ toto die; cingentes me pariter.*

19. *Procul amoves à me amicum & socium, notis meis sum tenebroso loco.*

A N A L Y S I S.

IN isthoc Psalmo Propheta gravissima calamitate affectus petit à Deo levationem.

Hujus petitionis fundamentum primo proponit; quod in Deo fiduciam habuit tanquam in authore salutis suæ. v. 2. in principio.

2. Petitionem ipsam generaliter describit ex adjunctis, ardore, & synceritate. Ardor declaratur intentione, & assiduitate. Intentio notatur voce clamandi, repetitionibus crebris, & efflagitatione audientiæ. Assiduitas eo notatur, quod interdium & noctu sine intermissione Deum invocaret. v. 2, & 3.

3. Petitionis causam impellentem declarat malorum quibus premebatur descriptione. Quæ illustratur comparatione. 1. Saturitatis, quia afflictionibus quasi pastus fuit, & ad nauseam repletus. v. 4. 2. Mortis, quæ amplificatur suis gradibus, ut in homine. 1. Moribundo,

2. Plane mortuo, & ab omnibus semoto, 3. In sepulchro recondito, atque adeo in profundissima fossa, extra omnem spem reviviscendi. v. 5, 6, 7. 3. Profundissimi gurgitis fluctibus undique obruentibus. vers. 8. quæ una cum prioribus amplificatur ex eo quod ab ira Dei proficiscebatur. 4. Extremæ destitutionis, tanquam hominis ita conclusi, ut neque amici ad ipsum accedere, neque ipse ad illos egredi possit. v. 9.

4. Petitio ipsa specialiter proponitur. 1. In suis adjunctis, fletu, manuum expansione constante. vers. 10. 2. In causa qua nititur, Dei scilicet gloria, quæ arguitur à repugnantia sepulchri, vel extremæ destitutionis, cum miraculorum editione ex parte Dei. vers. 11. in principio. & eorundem ex parte hominum celebratione, in gratiarum actione, & eorum ad posteros propagatione

pagatione, vers. 11, 12, 13. 3. Eadem petitio urgetur querela de malis cum opprimentibus; etiam postquam Deum invocavit: quæ & simpliciter declarantur, suis effectis, concussione, terrore, conturbatione; atque etiam illustrantur similitudinibus fluctuum transeuntium, telæ cultro rescissæ, tenebrarum involventium & abscondentium ab eis, qui opem ferrent. 3 v. 14. ad finem.

DOCUMENTA.

I. Nulla vexatio aut tentatio tanta est, quæ non leniri & superari possit ac debeat à piis virtute fiduciæ in Deo collocatæ. ex vers. 2. in principio.

II. Fiducia vera ac viva in Deo acquiescimus tanquam in authore salutis nostræ, ibidem.

III. Hæc fiducia exerit & ostendit se fervore & perseverentia orationis. ex vers. 2, & 3,

IV. Huiusmodi oratio in piis maxime elicitur & acuitur afflictionibus ac tentationibus gravibus. ex. v. 4. &c.

V. Pientissimi homines afflictionibus ac tentationibus aliquando sic urgentur ac premuntur, ut gravissimæ querimonix ipsis extorqueantur; quibus tamen quod sentiunt non possunt satis explicare. à vers. 4. ad 10.

VI. In istis querimoniis nihil magis pungit animum hominis pii, quam apprehensio iræ divinæ, quamvis omnem fiduciam non abiciat, neque plane desperet. ex vers. 8. cum 2.

VII. Hæc iræ Dei apprehensio, quamvis acrem adferat dolorem piis, non tamen vel in stuporem, vel in contumaciam ipsos agit, sed excitat ad preces ferventiores ex vers. 10.

VIII. In precibus præcipue spectare debemus gloriam Dei ab ipso declarandam, à nobis autem cum aliis fidelibus prædicandam. à vers. 10. ad 14.

IX. In ipsis precibus, & post preces, fideles aliquando terroribus exercentur ad tempus. vers. 14. ad finem.

PSALMUS OCTUAGESIMUS NONUS.

DIdascalica ode, Ethanis Ezrahita.

2. Benignitates Jehovæ in seculum canam; in quamque generationem notam faciam fidem tuam ore meo.
3. Nam status fore ut in seculum benignitas adificetur; in celis ipsis stabilis fidem tuam, qua dixisti:
4. Pepigi fœdus cum electo meo, iuravi Davidi servo meo:
5. Usque in seculum me stabiliturum semen tuum, & edificaturum in quamque generationem solium tuum summe.
6. Quapropter celebrant cæli mirabile opus tuum, Jehovæ; etiam fidem tuam in congregatione sanctorum.
7. Quis enim in superiore nube par æstimetur Jehovæ? assimiletur Jehovæ inter filios fortium?
8. Deus fortis est formidabilis in consilio sanctorum plurimum, & revereendus supra omnia quæ circumstant eum.

9. O Iehova, Deus exercituum, quis est par tibi robustus Iah? nam fides tua circumvestit te.

10. Tu dominaris in superbiam maris quon attollunt se fluctus ejus, tu reprimis eos.

11. Tu contrivisti tanquam confossum Ægyptium; brachio roboris tui dispersisti inimicos tuos.

12. Tui sunt celi, etiam tua est terra; orbem habitabilem & ea quæ ipsum implent, tu fundasti.

13. Aquilo & Auster quos tu creasti, Thabor & Chermou de nomine tuo cantant.

14. Tibi brachium est cum potentia, robusta est manus tua, elata dextera tua.

15. Iustitia & iudicium habitaculo solii tui; benignitas & fides præcunt faciei tuæ.

16. Beatus est populus, qui agnoscunt clangorem, qui in luce faciei tuæ pergunt Iehova:

17. In nomine tuo exsultant toto die, & in iustitia tua attollunt se:

18. Nam decus roboris eorum es, & pro benevolentia tua attollitur cornu nostrum.

19. Iehova enim est scutum nostrum, & sancti Iisraëlis Regis nostri.

20. Tunc alloquitus per visionem eum quem benignitate prosequeris, dixisti: disposui auxilium contra robustum, extuli electum e populo.

21. Inveni Davidem servum meum, oleo sancto meo unxi eum;

22. Quicum manus mea sit stabilis, etiam brachium meum fortificet eum.

23. Non aget exactorem inimicus contra eum, & deditus iniquitati non affliget eum.

24. Sed contundam à facie ejus hostes ejus, & os ejus plaga afficiam

25. Adeo fides mea & benignitas mea affutura est ei, ut in nomine meo exollatur cornu ejus.

26. Nam imponam mari manum ejus, & fluminibus dexteram ejus.

27. Ipse inclinabit me, tu pater mi, mi Deus fortis, & rupes salutis meæ:

28. Etiam ego primo genitum constituam eum, excelsum supra reges terræ.

29. In seculum servabo ei benignitatem meam, & fœdus meum fidum erit ei:

30. Disponamque in æternum semen ejus, & solium ejus ut sunt dies ælorum.

31. Si dereliquerint filii ejus legem meam, & in iudiciis meis non ambulaverint:

32. Si statuta mea prophanaverint; & præcepta mea non observaverint;

33. Visitabo quidem virga defectionem eorum, & plagis iniquitatem eorum:

34. Sed benignitatem meam non irritam faciam ab eo, neque mentiar contra fidem meam.

35. Non prophanabo fœdus meum, & pronuntiatum labiorum meorum non mutabo.

36. Semel juravi per sanctitatem meam, Davidi non mentiar :
 37. Semen ejus in seculum fore, & solium ejus ut solem coram me :
 38. Ut luna stabile fore in seculum, & ut testes in superiore nube fideles summe.
 39. At tu abjecisti & spreveristi : excanduiisti contra unctum tuum.
 40. Detestatus es fedus servi tui, prophanaisti dejiciens in terram coronamentum ejus.
 41. Dirupisti omnes macerias ejus : exposuisti munitiones ejus contritioni.
 42. Diripuerunt eum omnes viatores, est probro vicinis suis.
 43. Extulisti dexteram hostium ejus, letificasti omnes inimicos ejus.
 44. Etiam retudisti acumen gladii ejus, neque stabilivisti eum in bello.
 45. Fecisti ut cesset nitor ejus, & solium ejus in terram detruisti.
 46. Curtasti dies adolescentie ejus, operuisti cum pudore summe.
 47. Quousque Iehova ? abscondes te in æternum ? ardebit tanquam ignis excandescencia tua ?
 48. Recordare mei, quam temporarius sim : quorsum in vanum creasses omnes filios hominis ?
 49. Quis vir ita vivat ut non experiatur mortem ? eripiat se ipsum à sepulchro excellentissime ?
 50. Ubi sunt benignitates illæ pristinae, Domine, quas juraveras Davidi per fidem tuam ?
 51. Recordare, Domine, opprobrii servorum tuorum : me gestare in sinu meo opprobrium omnium maximorum populorum.
 52. Quo affecerunt inimici tui, Iehova : quo affecerunt vestigia Christi tui.
 53. Benedictus sit Iehova in seculum ; amen, iterumque amen.

A N A L Y S I S.

PSALMUS iste nomine populi Dei conscriptus fuit in captivitate versantis. vers. 41. Scopus ejus est petere levamen ac liberationem. v. 47, 48. &c.

1. Hujus petitionis fundamentum primum primo proponitur in genere. v. 2, & 3. benignitas nempe & fides Dei stabilis perpetuo memoranda & prædicanda.

2. Hujus benignitatis ac fidei divinæ specialis accommodatio ad Ecclesiam declaratur in foedere inito cum Davide. vers. 4, & 5. una cum ejus celebratione condigna. vers. 6.

3. Commoratur Psalmista in illius celebrationis ratione reddenda. 1. A comparatione Dei cum præstantissimis creaturis : quæ ita impares Deo inveniuntur, ut ipsum tanquam Dominum suum reformident ac revereantur. vers. 7, 8, 9. 2. Ab effectis Dei tam in gubernatione maris & aliarum omnium rerum. vers. 10, 11. quam in creatione cæli ac terræ. v. 12, 13. 3. Ab attributis illis quibus summa Dei perfectio explicatur ; potentia. vers. 4. justitia, benignitate & fide. v. 15.

4. Redit Propheta ad benignitatem

tem Dei Ecclesiæ exhibitam declarandam: cujus foelicitas 1. declaratur ex illa unione & communione quam habet cum Deo, v. 16. 2. Ex ejus effectis, exultatione, v. 17. 3. Ex causis illius exultationis, protectione, & evectione, à Dei justitia ac benevolentia profectis, v. 18, 19.

5. Speciale exemplum hujus benignitatis erga Ecclesiam in suo capite Davide & Christo fufius explicatur. 1. Ab electione ac vocatione ejus singulari, v. 20, 21. 2. A promissione illi facta, de ipsius fortificatione, hostium ejus subjugatione, imperii dilatactione, v. 22. ad 29. cujus promissionis firmitas declaratur 1. A diversis, inobedientia posterorum & castigatione inde secutura, v. 29. ad 36. 2. Ab adjuncto juramento quo fuit confirmata v. 36. ad 39.

6. Hæc benignitas ac fides Dei imploratur ad liberationem hoc tempore necessariam præstandam. Quod 1. oblique ac indirecte fit per gravem querimoniam de calamitoso populi statu, qui promissionibus illis videbatur plane repugnare, verf. 39. ad 47. & postea directa petitione, v. 47. ad finem. Ubi commiscantur argumenta varia petitionem suadentia & fiduciam confirmantia. 1. Ab adjuncta diuturnitate & gravitate mali, cum fluxa humanæ vitæ mortalitate comparata, verf. 47, 48, & 49. 2. A comparatione benignitatis Dei olim exhibitæ cum præfenti populi statu ex ejus dispensatione, v. 50. 3. Ab adjuncta ignomina Ecclesiæ Dei in Deum ipsum redundante, verf. 51, & 52. 4. A celebratione nominis divini in Ecclesia semper continuanda, v. 53.

DOCUMENTA.

I. Eo debemus anniti, ut Dei benignitatem ac fidem laudemus ac celebremus, non tantum in rebus nostris secundis, sed & maxime adversis, ex verf. 2. cum 39, 40, &c. Sic enim officium impletur de præteritis: de futuris spes confirmatur: & efficacior ad impetrandum fit petitio liberationis.

II. Hujus benignitatis ac fidei divinæ stabilis & immutabilis constantia in rebus adversis præcipue debet apprehendi ex verf. 3. Quia hæc fides præcipue afflictionis tempore impugnatur: & ejusdem confirmatio directe facit ad tentationem illam vincendam, & consolationem solidam acquirendam.

III. Stabilitas benignitatis & fidei divinæ singulariter spectanda & apprehendenda nobis exhibetur in fœdere gratiæ, & mediis illis quibus in nostram gratiam confirmatur, ex versiculis 4, 5.

IV. De fœdere gratiæ summe laudatur Deus ab omnibus sanctis in cœlo ac in terra, ex v. 6.

V. Ad debitam & incomparabilem Dei laudationem excitat meditatio pia incomparabilis excellentiæ Dei supra omnes creaturas, ex v. 7, 8, 9.

VI. Incomparabilis excellentia Dei ex ejus efficientia in creatione ac gubernatione mundi elucet, ex v. 10, 11, 12, 13.

VII. Ex hujusmodi operum Dei contemplatione elevare animos debemus non tantum ad potentiam, sed & ad justitiæ, benignitatem ac fidem ejus rite æstimandam, ex v. 14, 15.

VIII. Perfectio benignitatis ac

ac fidei divinæ maxime declaratur in beatifica illa communione qua Ecclesiam suam dignatus, ex v. 16, 17, 18, 19.

IX. Ecclesia semper habet & agnoscit iustas causas solidi gaudii, sed in Deo solo, ibidem.

X. Gaudium fidelium in Dei verbo fundatur, ex v. 20. in principio.

XI. In Deo gaudendum est, & nomen ejus glorificandum de Restoribus bonis ab ipso donatis, ex v. 20, 21.

XII. Restorum bonorum fortificatio & prosperitas omnis pendet ex fide & benignitate Dei, ex vers. 22, 23, 24, 25, 26.

XIII. Unica ratio fortificationem & prosperitatem istam consequendi & conservandi, est ex fiducia in Deo rite collocata nomen ejus invocare, ex v. 27.

XIV. Deus omni benignitate prosequitur eos à quibus sic invocatur, ex v. 28.

XV. Benignitas ista permanens est & firma, secundum consilium Dei, ex v. 29, 30.

XVI. Firmitas ista benignitatis

Dei non plane aboletur ipsorum peccatis, ex v. 31, 32, 34, 35.

XVII. Quamvis benignitas Dei manet semper erga suos, pro peccatis tamen suis graviter ab ipso castigantur, ex v. 33.

XVIII. Immutabilitas gratiæ ac fidei divinæ, est unica ratio quare benignitatem suam non auferit à nobis, ex versic. 36, 37, 38.

XIX. Gratia ac fidelitate ista non obstante, populus Dei propter peccata sic aliquando vexantur, ut videantur à Deo plane abjecti, ex v. 39. ad 47.

XX. Vexationibus & angustiiis istis excitatur populus Dei ad ardentiores preces, ex vers. 47, &c.

XXI. Vanitas ipsa & brevis hujus vitæ excitare nos debent ad Deum querendum, ex v. 48, 49.

XXII. Pristini favoris Dei recollectione spem nostram debemus confirmare, ex v. 50.

XXIII. Præcipue attendendum est ad gloriam Dei, ut ejus immutationem doleamus, & celebrationem ejus voveamus, v. 51. ad finem.

PSALMUS NONAGESIMUS.

O Ratio Moschis viri Dei. O Domine, tu habitaculum fuisti nobis, in quaque generatione.

2. Quoniam nondum montes editi essent, aut formasses terram, orbemque habitabilem, denique inde à seculo & usque in seculum tu Deus fortis es.

3. Redigis mortalem eo usque ut sit contritus; dicens, revertimini filii hominum.

4. Nam mille annos si prætererent, sunt in oculis tuis ut dies hesternus: vigiliaeque nocturna.

5. Inundatione abripis eos, somnus sunt? ipso mane sunt ut sævum transiens;

6. Ipso mane quo floruit transiens, ipso vespere excisus atque exarescens.

7. Quando consumimur ita tua, & tuo aestu conturbamur;

8. Pro-

8. Proponis iniquitates nostras, tibi occulta nostra lumini faciei tuæ.
9. Nam omnes dies nostri divertunt excalescentia tua; consumimus aquas nostros similes sermoni sunt.
10. In diebus ipsis annorum nostrorum sunt septuageni anni, aut (ut simus valentissimi) octogeni anni; etiam excellentissimum eorum laboriosum est, & molestum: quo festine exciso, avolamus.
11. Quis agnoscit robur iræ tuæ, aut excalescentiæ tuæ secundum timorem tuum?
12. Numerare dies nostros ita docet nos; ut inducamus animum sapientem.
13. Revertere Jehova, quousque? & pœniteat te propter scelus tuos.
14. Satiâ nos unoquoque manie benignitate tuâ, ut cantemus & lætemur omnibus diebus nostris.
15. Lætifica nos, ut dies multos afflixisti nos; annis multis experti sumus malum.
16. Perspicuum sit erga servos tuos opus tuum, & decor tuus in filiis eorum.
17. Denique adsit amœnitas Iehovæ Dei nostri nobis: & opus manuum nostrarum instituat in nobis; ipsum, inquam, opus manuum nostrarum institue.

ANALYSIS.

Psalmus iste est oratio à Mose, tanquam singularis ministri Dei, populi nomine composita, in deserto, quando variis calamitatibus iisque mortiferis afficiebantur: sicut in titulo indicatur.

Scopus ejus est, gratiam ac misericordiam Dei implorare, v. 13, 14, &c. Hujus petitionis fundamentum, & necessitas primo declaratur: & postea petitio ipsa explicatur & urgetur. Fundamentum petitionis fuit fiducia vera in Dei gratia collocata: quæ gratia suis partibus ordine inverso illustratur. Primo enim gratia præstita huic populo, & majoribus eorum in omnium bonorum communicatione, & malorum omnium depulsione metaphorice declaratur, vers. 1. Deinde fons hujus gratiæ præstitæ indicatur, æternum scilicet Dei decretum quo ipsis benefacere constituit, quod

in æternum durabit firmum, v. 2. Necessitas petitionis exponitur in humili confessione ac deploratione miseræ humanæ, quam illi singulariter experiebantur. Illa autem miseria declaratur 1. In morte, una cum contritione subito à Deo inflicta, v. 3. cujus administrationis subitanea ratio illustratur divina & vera mensura longissimi temporis quod vel fictione tribui potest vitæ humanæ, v. 4. 2. Comparatione variarum rerum, vel subitam invasionem mortis, vel brevissimam vitæ durationem apte representantium, ut abreptionis per inundationem, vers. 5. evigilationis e somno, ibid. & vers. 6. arefactionis graminis, ibid. & vers. 6. sermonis statim absoluti, vers. 9. 3. Descriptione distincta brevitatibus & laboribus vitæ eorum hominum, qui diutissime vivunt ex ordine jam obtinente, v. 10. Hæc miseria

miseria secundo in loco declaratur sua propria causa, ira scilicet Dei, multiplicia peccata hominum tam ipsis nota quam occulta plebent, v. 7, 8.

Hæc autem ira Dei una cum miseria inde ad peccatores proficifcente, illustratur adjuncta hominum inscitia, inadvertentia, & non curantia, aut inefficaci præteritione vers. 11. cui contraria sapientia vocetur, v. 12.

Petitio gradatim quasi per partes explicatur. 1. Ut Deus vellet ipsis dare veram resipiscentiam, vers. 12. 2. Ut Deus ab ira adversus populum suum accensa desistere vellet, vers. 13. 3. Ut manifestare vellet favorem, vers. 14. qui Dei favor & effectu lætitiæ, & adjuncto durationis, afflictionis diuturnitati similis, illustratur, v. 15. 4. Ut eo modo & gradu favorem istum declararet, qui cederet ipsi in honorem, v. 16. 5. Ut bonum opus quod inceperat erga populum suum, stabilire dignaretur, vers. 17.

DOCUMENTA.

I. Summus honoris titulus est, si quis vere vocari possit *vir Dei*, ex titulo, Deut. 33. 1. 1 Sam. 9. 6, 8, 9, 10, 11. 1 Reg. 18. 24.

II. Viri Dei officium est, cæteris præire in nomine Dei invocando, ibid. Luc. 11. 1.

III. Oratio pia proficiscitur ex fiducia vera ac viva, ex v. 1.

IV. Fiducia vera ac viva omnia illaque defunt, sic in Deo apprehendit, quasi perfectissime adestent, ibidem, ubi Deus apprehenditur tanquam constans habitaculum ab eis qui in deserto vagabantur, Ezech. 11. 16. 2 Cor. 6. 8, 9, 10.

V. Eadem fiducia æternitatem & immutabilitatem dilectionis divinæ apprehendit, ex v. 2. Ephes. 1.

VI. Fiducia hæc non exstinguitur, sed excitatur consideratione & experientia malorum hujus vitæ, ex v. 3. & sequent.

VII. Consolatio est fidelium adversus omnes vitæ ac mortis acerbitates, quod Dei providentia ac nutu regantur, v. 3.

VIII. Si Dei æternitas spectetur, tota hæc vita mortalis, quamvis longissima sit, est instar nihili, vers. 4.

IX. Fragilitas, vanitas, brevitās, & molestia hujus vitæ, talis est, ut vix possit exemplis satis nobis explicari, ex v. 5, 6, 9, 10.

X. Peccata nostra, & Dei ira ex illis orta, causæ sunt omnium miseriarum v. 7, 8, 9.

XI. Tanta est stupiditas hominum, ut paucissimi sint, qui rite reverentur, & efficaciter ad animum revocent errorem iræ Dei, adversus peccatum, v. 11.

XII. Precibus apud Deum contendendum est, ut is nos per verbum & Spiritum ita velit erudire, ut à stupiditate ista liberemur, vers. 12.

XIII. Qui à Deo erudiuntur ad salutem, acquirunt sibi cor sapientiæ: cujus caput est reverentia Dei, ibid.

XIV. Efficax medium ad istam sapientiam acquirendam, est religiosa recordatio & meditatio brevitate hujus vitæ, ibidem.

XV. Postquam serio petivimus à Deo ut nobis daret resipiscentiam à nostris peccatis, tum, cum fiducia possumus petere & expectare, ut ipsummet poeniteat suæ iræ, v. 13.

XVI. Non

XVI. Non satis est petere remissionem iræ divinæ; sed copiosa etiam gratia & benignitas ejus est pari affectu quærenda & imploranda, v. 14.

XVII. De gratia & benignitate Dei nobis communicata, maxime lætari debemus, v. 14. in fine.

XVIII. Lætitia maxima à respicientibus expectari & percipi

solet post magnam & diuturnam afflictionem, v. 15.

XIX. Tam lætitia, quam desideria nostra omnia ad Dei gloriam præcipue debent spectare, v. 16.

XX. Gloria Dei in eo singulariter manifestatur, quod dirigat, stabilizat ac perficiat nos in omni opere bono, ex verf. 17.

P S A L M U S N O N A G E S I M U S P R I M U S.

Confideus in labitulo Excelsi, in umbra omnipotentis indefinenter permanens.

2. Dico, in Jehova est receptus meus, & propugnaculum meum; Deus meus est, cui confido.

3. Quandoquidem ipse erepturus est te à laqueo aucupantis, à peste arumnosissima,

4. Ala sua proteclurus te, quum sub alas ipsius te receperis; clypeus & parma est, fides ipsius;

5. Ne timeto à pavore nocturno, à sagittâ volante interdium:

6. A peste in caligne pervadente, à lue vastante in meridie.

7. Cadentibus ab altero latere tuo mille, & decies mille à dextera tua; ad te non accedet.

8. Tantum oculis tuis intueberis, & retributionem improborum videbis.

9. Quum te Jehovah, Deum receptus mei, Excelsam statueris habitaculum tuum;

10. Non dabitur occasio ut attingat te malum; & plaga non appropinquabit ad tentorium tuum.

11. Nam angelis suis præcipiet de te, ut conseruent te in omnibus viis tuis:

12. Ambabus palmis sustineant te, ne offendas ad lapidem pedem tuum.

13. Super ferocem leonem & aspidem incedes; conculcabis jarchem leonem & draconem.

14. Quia in me (inquit Deus) amore propendet, ideo liberabo eum; in edito collocabo eum, quia agnosce nomen meum:

15. Simulac invocaverit me, exaudiam eum; ipsi adero in angustia: eripiam eum, & honore afficiam eum.

16. Longitudine dierum satiabo eum, denique efficiam ut fruatur salute mea.

A N A L Y S I S.

Hujus Psalmi scopus est, hortari pios ut in omnibus angustiis certa fiducia in Deum recumbant.

1. Primarium argumentum petitur ab effectu, vel eventu hujus fiduciæ, certa nempe protectione, quam dies noctesque constanter percipient per omnipotentiam Dei sibi præstari, vers. 1. Fallitur enim Junius ac Tremellius, qui versum primum conjungunt cum secundo tanquam suppositum: quia verbum illud *pernoctabit* non admittit talem constructionem, sicut Piscator bene observat. Fallitur etiam Piscator, qui cum eodem versu conjungit tanquam appositum, in versu primo idem bis repeti autumans, atque adeo sententiam plenam non contineri. Fiducia enim, & fiduciæ fructus, quamvis similibus phrasibus explicentur, non sunt tamen unum & idem. Similis est species identitatis partium, Psalm. 92. 13. & tamen sententia ibi est plena. 2. Hæc doctrina quæ v. 1. proponitur, confirmatur primo certo exemplo professionis à Psalmista factæ. Primo fiduciæ in Deum collocatæ, v. 2. Et postea fructus ejusdem, fide apprehensi, & cum maxima certitudinis demonstratione declarati, v. 3. & 4. Cujus certitudinis causa propria notatur v. 4. in fine: veracitas nempe & fidelitas Dei. 3. Fructus talis fiduciæ, protectio nempe ab omni genere periculorum, efficaciter illustratur. 1. Per distributionem periculorum à quibus fideles erunt immunes, v. 5, 6. 2. Per exemplum periculi maximi, & plurimos obruentis,

à quo fideles liberabuntur, vers. 7. 3. Per comparisonem dissimilis conditionis impiorum, v. 8. 4. Per descriptionem plenitudinis protectionis ex plena fiducia sequenturæ, v. 9, 10. 5. Per causas administrantes, Angelos nempe bonos, à quibus fideles conservantur, v. 11, 12. cujus conservationis effectum exemplo singularis periculi illustratur, v. 13. 4. Eadem Dei protectio, & fiduciæ fructus sub Dei persona confirmatur ac illustratur vers. 14. ad finem. 1. A causis impellentibus: charitate fidelium erga Deum; reverentia nominis ejus, & invocatione. 2. A beneficiis adjunctis quibus illa protectio cumulatur: elevatione ad honorem, diuturnitate vitæ, & fruitione salutis.

DOCUMENTA.

I. Qui fiduciam suam in Deo constanter habent collocatam, omnimodam consolationem invenient in ejus protectione, ex v. 1.

II. Annitendum est omni modo, ut hanc istam consolationem fixam habeamus in cordibus nostris, camque ex intimo nostro sensu aliis persuademus, ex v. 2.

III. Hæc persuasio nunquam satis nobis & aliis commendatur & inculcatur, ex vers. 3, &c.

IV. Primarium fundamentum hujus persuasionis est veracitas aut fidelitas Dei in promissionibus suis implendis, ex v. 4.

V. Quamvis multæ mortes & magnæ noxæ sunt, quibus vita nostra obsidetur, ad illas tamen omnes vincendas sufficit fiducia in Deo & ejus

ejus promissionibus collocata. ex v. 5, 6, 7.

VI. Confirmatur ista fiducia experimentalis observatione discriminis illius quod Deus facit inter ipsos & impios. ex verf. 8.

VII. Fiduciam istam plene confirmando, plenam expectare debemus protectionem à Deo. ex verf. 9, 10.

VIII. Ad istam fiduciam roborandam facit plurimum, quod celestes Angeli à Deo constituti sint

nostri custodes. ex v. 11, 12.

IX. Virtute custodiæ divinæ tui sunt fideles in tentationibus & periculis, maxime lethalibus. ex v. 13.

X. Fiducia illa quæ istiusmodi consolationem parit, conjunctam habet charitatem erga Deum, ex cognitione nominis divini profectam, & in ejusdem invocatione sese exerentem. ex verf. 14, 15.

XI. Hæc fiducia promissiones habet hujus & futuræ vitæ. ex v. 15, 16.

PSALMUS NONAGESIMUS SECUNDUS.

Psalms & canticum, in diem sabbathi.

2. Bonum est celebrare Iehovam, & psallere nomini tuo, ô excelsè;

3. Annunciare unoquoque mane benignitatem tuam, & fidem tuam quibusque noctibus;

4. Ad decachordum & ad nablum; ad citharam cum meditatione.

5. Quia lætitia afficit me, Iehova, opere tuo; de factis manuum tuarum cantabo.

6. Quam magna sunt facta tua, Iehova; valde profunda sunt cogitationes tuæ.

7. Vir brutus non agnoscit, & stultus non animadvertit istud.

8. Quum germinant improbi velut herba, florentque omnes qui operam dant iniquitati; fieri ut perdantur usque in æternam.

9. Te autem ô excelsè, in seculum esse Iehovam.

10. Nam ecce inimici tui, Iehova; nam ecce inimici tui pereunt; dissiliunt omnes qui operam dant iniquitati:

11. Attollis vero tanquam monocerotis cornu meum, perfundendo me oleo virente:

12. Illa intuentem oculo meo in observatoribus meis; de insurgentibus contra me maleficis, audientibus auribus meis.

13. Iustus ut palma germinabit, ut cedrus in Libano crescat.

14. Plantati in domo Iehovæ, in arvis Dei nostri germina profundent.

15. Adhuc abundabunt in canitie, pingues & virentes erunt,

16. Ad annunciandum rectum esse Iehovam, rupem meam; neque esse ullam iniquitatem in eo.

ANALYSIS.

Psalms iste conscriptus fuit non ex occasione aliqua singula-

ri, sed ad communem usum Ecclesiæ in die Sabbathi. v. 1. Congre-

enter igitur continet communem institutionem, & obliquam exhortationem ad Deum laudandum, sub exemplo & exercitio laudativo.

In istum finem, officium hoc Dei nomen celebrandi Primo commendatur à sua bonitate excellenti, v. 2. Secundo describitur generaliter. 1. Ab objecto & causa sua, benignitate scilicet & fide Dei. 2. Ab adjuncto tempore per distributionem, quæ tempus omne statum & aliquo modo perpetuam continuationem notat, *unoquoque mane, quibusque noctibus*, v. 3. 3. A modo, & causa administrante, meditatione, musica, & lætitia, v. 4. & 5. in principio. Tertio in loco, causa & materia hujus laudationis declaratur semper meditanda & commemoranda: efficax nempe Dei providentia, & gubernatio, quam erga homines exercet, vers. 5. Hæc autem providentia illustratur, 1. Ab adjuncta majestate, & sapientia inscrutabili, v. 6. Quæ inscrutabilitas majestatis ac sapientiæ amplificatur à comparatione cæcitaris ac stupiditatis hominum mundanorum, v. 7. 2. Declaratur hæc providentia per distributionem à subjectis, primo respectu improborum, quos ex justo judicio perdit, v. 8. & 10. quæ ipsorum perditio illustratur tam à diversa eorum prosperitate temporaria, v. 8. quam à constante & immutabili Dei natura ac voluntate, v. 9. Declaratur secundo in loco eadem providentia respectu piorum. 1. In gratia & omnimoda virtute ipsis communicanda, v. 11. quod adversa conditione impiorum ejusque contemplatione illustratur, vers. 12. 2. In illius gratiæ ac virtutis effecto, quod allegorice explicatur, tam quoad internum vigorem

& incrementum, quam quoad externam illius vigoris manifestationem & fructus perennes, vers. 13, 14, 15. Qui fructus per unam præcipuam speciem, (prædicationem scilicet gloriæ Dei) quales debeant esse, indicatur, v. 16.

DOCUMENTA.

I. Dies Sabbathi non est in otio transigendus, sed in Deo colendo; idque speciali quodam modo, supra illud quod aliis diebus propter distractiones varias possumus præstare, ex v. 1.

II. Præcipua pars hujus cultus consistit in excelsi Dei nomine celebrando v. 2. Hinc ista celebratio fuit in vetere Ecclesia quotidianum exercitium religionis, 1 Chron. 16. 41. sed speciali modo in die Sabbathi, præstandum, sicut ex hoc Psalmo apparet.

III. In hoc exercitio nominis divini celebrandi, singularis quædam excellentia, suavitas, & utilitas reperitur, ex v. 2. Psal. 147. 1.

IV. In Deo præcipue celebranda est benignitas & fides ejus, vers. 3.

V. Benignitatis & fidei divine celebratio interdum & noctu debet aliquo modo continuari, & statim temporibus renovari, v. 3.

VI. Ad hoc officium requiritur specialis meditatio, affectio animi, & ejusdem affectionis apta declaratio, v. 4, & 5. in principio.

VII. Meditatio, affectus, & celebratio nostra singulariter occupari debet circa opera Dei, v. 5.

VIII. In opere providentiæ Dei, qua vias hominum moderatur & gubernat, singularis majestas & sapientiæ profunditas apparet, v. 6.

IX. Quod

IX. Quod homines non magis percipiant hujus providentiæ rationem, ut in eadem acquiescant, hoc provenit ab eorum socordia & stupore, v. 7.

X. Temporaria prosperitas impiorum, quamvis stultorum oculos perstringat, quo minus agnoscant justam Dei circa ipsos providentiam, non impedit tamen, sed promovet potius illius providentiæ cursum, v. 8.

XI. Fundatur ista providentiæ ratio ac fides, in ipsius Dei majestate divina, & immutabili natura & voluntate, v. 9.

XII. Ex meditatione hujus æternæ Dei perfectionis, anniti debemus, ut quam certissime & efficaciter expectemus justitiam Dei, adversus impietatem hominum declarandam, v. 10.

VIII. Huic severitati Dei adver-

sus impios, opponenda est benignitas & gratia Dei erga pios, idque cum speciali ad nos ipsos applicatione, v. 11.

XIV. Commendatur ista benignitas Dei erga pios ex consideratione justitiæ Dei adversus impios ipsorum hostes, v. 12.

XV. Quamvis pii ad tempus exhausti videantur, dum impii florent & germinant quasi herba, verf. 8. in tempore tamen apparebit in ipsis excellens quidam vigor, v. 13.

XVI. Vigor iste acquiritur ex communione cum Deo in sanctis ejus institutis, v. 14.

XVII. Vigor piorum in perennitate bonorum fructuum manifestatur, v. 15.

XVIII. Singularis fructus totius hujus dispensationis est, ut Dei æquitas in genere humano gubernando agnoscatur ac prædicetur, v. 16.

PSALMUS NONAGESIMUS TERTIUS.

Iehova regnat, celsitate indutus; indutus Jehova, robore se accingit: etiam stabilitur orbis habitabilis, ne dimoveatur.

2. Stabile est solium tuum ab illo tempore, inde à seculo tu regnas.

3. Ut ut attollant flumina, ô Jehova, attollant flumina sonum suum; attollant flumina fragorem suum:

4. Sonis aquarum multarum, magnificis fluctibus irrupentibus maris; magnificentior est in alto Iehova.

5. Testimonia tua firma sunt valde; domui tuæ decora sanctitas, ô Iehova, in longitudinem dierum est.

A N A L Y S I S.

SCopus hujus Psalmi est, gloriam Dei, ad ædificationem Ecclesiæ celebrare. Hoc autem fit verbis paucissimis, sed virtute & efficacia plenis. Celebratur 1. Dei regnum, id est, eminens & efficax ejus omnium rerum gubernatio, v. 1. in

princ. tam in ordine naturæ, quam in ordine gratiæ: *Iehova regnat*: 2. Sufficientia Dei ad istam gubernationem: quæ synecdochice notatur *celsitate* vel *majestate*, & *robore*, ibid. quarum perfectionum copia & ornatus expeditus ac paratus indicatur

metaphoris *indumenti, & cinctus*, ut Psal. 104. 1, 2. Jes. 59. 17. 3. Declaratur hoc regnum ab effectu, providentia scil. totius mundi fabricam conservante & stabiliente, ibid. in fine. 4. Illustratur ab adjuncta duratione inde à principio, v. 2. 5. Amplificatur comparatione motuum hujus mundi maxime impetuosorum & indomitum, quos Deus habet in sua potestate & nutu suo facile compescit, v. 3, & 4. per sonum enim fluminum & aquarum, tam synecdochicè, quam metaphoricè tumultus maximè horrendi designantur, ut Psalmo 18. 5. & 65. 8. Jes. 17. 12. 3. 6. Ex hac Dei perfectione, quæ apparet in gubernatione mundi, ascendit altius Propheta, & ad specialem Ecclesiæ ædificationem concludit 1. Certissimam firmitatem verbi, ac promissionum Dei, v. 5. in principio. 2. Gloriosam sanctitatem Ecclesiæ secundum illud verbum in æternum communicandam, ibid. in fine.

DOCUMENTA.

I. Regnum quod Deus in omnibus obtinet & exercet, ex omni occasione meditandum est & prædicandum, ex v. 1. in principio, Ps. 96.

10. & 97. 1. & 99. 1.

II. In hoc regimine, summa majestas & potestas, quamvis non corporeis oculis, spiritali tamen fidei oculo potest observari, vers. 1. in medio.

III. Ad consolationem nostram, hæc sic in Deo apprehendere debemus, ut omni-sufficienciam expeditam cogitemus ad nostram salutem procurandam, ibid.

IV. Confirmatur hæc fides consideratione divinæ providentiæ, quæ mundum, ejusque partes, & ordinem stabilem reddit, v. 1. in fine.

V. Ex eadem consideratione specialiter confirmatur fides de perpetua & æterna duratione regni Dei in Christo, v. 2. Jer. 31. 36.

VI. Nulli sunt tanti motus, aut tumultus in mundo, quin imperio hoc Dei in omnibus regnantis facile superentur ac sedentur, v. 3 & 4.

VII. Ex hujus regni consideratione stabilire fidem nostram debemus circa veritatem promissionum Dei v. 5. in princ.

VIII. Virtute promissionum Dei certo expectare debemus gloriosam Ecclesiæ sanctitatem, & ad eandem adspirare, v. 5. in fine.

PSALMUS NONAGESIMUS QUARTUS.

- O** Fortis Deus ultionum, Iehova; o Deus fortis ultionum illucesce:
 2. Attollere, o iudex terræ: redde retributionem superbis.
 3. Quousque improbi, o Iehova; quousque improbi exsultabunt?
 4. Eructantes loquentur superbe, sese prædicabunt omnes qui operam dant iniquitati?
 5. Populum tuum, Iehova conterent, & possessionem tuam affligent?
 6. Viduam & peregrinum interficient, ac pupillos occident.
 7. Dicentes, non respicit Fab: neque animadvertit Deus Fabakobi?
 8. Animadvertite, o brutissimi in populo: & stultissimi quando intelligentes eritis?

9. *An plantator auris, an non audiat? aut formator oculi, an non intueatur?*
10. *An castigator gentium, an non reprehendat? qui docet homines scientiam, an non agnosceret?*
11. *Iehova cognoscit cogitationes hominum, esse vanitatem ipsam.*
12. *Beatus ille vir quem castigas Jaha, & quem ex lege tua doces.*
13. *Ad præstandum quietem ei à diebus adversuatis, dum foditur improbo fovea.*
14. *Non enim deserit Iehova populum suum, & possessionem suam non derelinquit.*
15. *Sed usque ad justitiam reversurum est iudicium, & post illud omnes recti corde.*
16. *Quis surrecturus fuisset pro me contra maleficos? quis se ipsum stitisset pro me contra eos, qui operam dant iniquitati?*
17. *Nisi Iehova pleno auxilio fuisset mihi, parum abest quin habitasset in loco silentii vita mea.*
18. *Quum dico, dimovetur pes meus; benignitas tua, ô Jehova, sustentat me.*
19. *Quoniam multæ sunt cogitationes meæ apud me, consolationes tuæ oblectant animam meam.*
20. *An consociaretur tibi solium ærumnarum, formantis molestiam præter statutum.*
21. *Turmatim convenientium contra animam iusti, & sanguinem innoxium condemnantium?*
22. *Imo est Iehova mihi pro edito loco, & Deus pro rupe receptus mei:*
23. *Qui convertit contra eos iniquitatem ipsorum, & malitia ipsorum exscindit ipsos; exscindit ipsos Jehova, Deus noster.*

A N A L Y S I S.

IN hoc Psalmo scopus Prophetæ est semetipsum & alios confirmare adversus tentationes illas, quæ ex impiorum tyrannicis oppressiõibus oriri solent. Hoc autem facit partim Deum invocando, ad v. 8. partim impios admonendo, inde ad 12. & partim pios consolando, inde usque ad finem Psalmi.

1. In precatione votum ipsum proponitur, ut justitia Dei adversus impios clare manifestaretur, vers. 1. & 2. sub duabus metaphoris, exortus solis, & consensionis tribu-
nalis. 2. Votum illud confirma-

tur variis argumentis. 1. A natura & officia Dei, ex quibus hoc effectum certo potest concludi: quia Deus est justus vindex omnium scelerum, & iudex totius terræ, v. 1. 2. A natura & moribus impiorum, qui sunt 1. Improbi, v. 3. 2. Superbi, v. 2. 3. Exsultant in sua improbitate, v. 3. 4. Verborum insolentia tam improbitatem quam superbiam suam præ se ferunt, v. 4. 5. Crudelissima vexatione populi Dei eandem improbitatem declarant, v. 5, 6. 6. Sibimet secure placent, & semetipsos obstinatos reddunt.

reddum in hac improba crudelitate, impia & blasphema negatione providentiæ divinæ, v. 7.

2. In admonitione erga istos impios. Gravissime illos accusat stultissimæ & brutissimæ stupiditatis, vers. 8. 2. Monet ipsos ut applicent animos ad veram intelligentiam ac resipiscentiam comparandam, ibid. 3. Solide refutat eorum impietatem, qua negabant Dei providentiam: Idque ab effectis providentiæ propriis, quatenus ex sua plenitudine varias providentiæ particulas in homines destillat, communicando ipsis sensuum & intellectus perfectiones, vers. 9. 10. ex quibus concludit, Deum non tantum audire ipsorum verba, & videre ipsorum facta, vers. 9, & 10. sed etiam cognoscere has ipsas cogitationes eorum, quibus non minus vanè quam impiè ipsi illudebant, vers. 11.

3. Ad Consolationem piorum, 1. Describit eos ab eorum propria dispositione, quod à Deo eruditi proficiant in studio bene vivendi, vers. 12. 2. Prædicat eorum beatitudinem, ibid. Quæ beatitudo synecdochicè declaratur per tempestivam liberationem à malis illis quibus impii obruentur, quæ finis & effectum esse notatur eruditionis divinæ, vers. 13. 3. Hujus liberationis fiducia confirmatur, 1. Ex fœdere Dei tam oppositæ desertionis negatione, v. 14. quam salutiferæ visitationis promissione, v. 15. 2. Ab exemplo & experientia ipsius Prophetæ, v. 16. & seq. ubi ostendit 1. Maximas angustias in quibus fuerat versatus, v. 16, 17. & 18. in princ. 2. Magnam consolationem quam perceperat in Deo, suos

protegente & improbos profligante, inde ad finem.

DOCUMENTA.

I. Sicut in omnibus precibus multum conducit ad fiduciam confirmandam, epitheta illa Dei commemorare, quæ proprie spectant ad argumenta precum; sic in eis precibus, quæ adversus iniquas oppressiones diriguntur, juvat reputare, Deum nostrum esse Deum ultionum & judicem terræ. Hoc enim terrorem adfert oppressoribus, & consolationem oppressis, ex v. 1.

II. Deus suo tempore manifestis effectis demonstrabit se vindicem esse piorum, & judicem terræ, v. 2.

III. Si tempus videatur longum, antequam apparet nobis optata hæc justitiæ divinæ manifestatio, non debemus idcirco animos despondere, sed eo magis extimulari ad vehementiam precandi, ex v. 3.

IV. Longa Dei patientia ab improbis rapitur in occasionem superbix, duricordiæ, immanitatis, securitatis, & impudentiæ blasphemæ, ex v. 4. &c. usque ad 8.

V. Quando improbi oppressores hoc modo implevisse videntur mensuram suæ iniquitatis, & nullum faciunt peccandi modum, tum singulatim expectare & implorare debemus tempestivam Dei visitationem, ex vers. 4. &c.

VI. Extremæ, perditæ, & brutæ stupiditatis est, abjecto Dei timore, in sceleribus notis sibi indulgere, ex v. 7. & 8.

VII. Talis stupiditas est graviter detestanda, & quantum fieri potest, reprimenda, ibid.

VIII. Ad istum torporem impietatis

pietatis excutiendum, plurimum valet consideratio efficaciarum Dei in ordine naturæ, v. 9, 10.

IX. Quicquid perfectionis in ulla creatura reperitur, illud eminenter, & cum infinita quadam excellentia tribuendum est Deo, ibidem.

X. Quicquid ab hominibus cogitur de Deo, ad peccati conscientiam vel extinguendam, vel retundendam, totum illud est vanitas vanitatis, ex v. 11.

XI. Pii, quamvis ab improbis istiusmodi hominibus ad tempus opprimantur, sunt tamen beati, vers. 12.

XII. Hujus beatitudinis certa nota est, quod sub exercitiis istiusmodi castigationum, & per illa sic à Deo erudiantur, ut in veræ sapientiæ & pietatis studio proficiant, ibid.

XIII. Præcipuum caput hujus eruditionis est, ut sciant pii, se in hunc finem à Deo affligi, ut à majoribus malis liberentur, quæ impiis præparantur, v. 13.

XIV. Sapientia illa nititur immutabili fœdere Dei, ex quo fides tanquam certissimum apprehendit, Deum suos nunquam penitus deseraturum, v. 14.

XV. Ex eodem fœdere apprehendit fides, quod omnia tandem à Deo ita in ordinem rediguntur, ut pii secuturi sint eum cum omni alacritate, v. 15.

XVI. In ista doctrina tota confirmare ac stabilire nos debet experientia, & exempla præstantium virorum Dei, v. 16, 17, 18, 19.

XVII. Nititur hæc veritas natura ipsa Dei: quia fieri non potest, ut vel improbis faveat, vel approbet eorum sceleratas machinationes, v. 20, 21.

XVIII. Ex natura & fœdere Dei ita confirmantur fideles, ut totum suum præsidium in Deo collocantes, expectent ab ipso non dubitantes omnium hostium suorum coercitionem, v. 22, 23.

PSALMVS NONAGESIMVS QUINTVS.

Agite, cantemus Iehovæ; clangamus rupi salutis nostræ.

2. Eamus ante faciem ejus cum gratiarum actione, cum Psalmis clangamus ei.

3. Nam Deus fortis magnus est Iehova; & rex magnus supra omnes Deos:

4. In cujus manu sunt ima vestigia terræ, penes quem sunt vires montium:

5. Cujus est ipsum mare, & qui fecit illud; & arida, quam manus ejus formarunt.

6. Venite, incurvemus nos & procumbamus; flectamus genua coram Iehova qui fecit nos.

7. Cum ipse sit Deus noster, nos vero populus pastus ejus, & grex ductus ejus; hodie, si vocem ejus audieritis,

8. Ne obduretis animum vestrum, ut in contentione, ut dic tentationis in deserto.

9. Vbi tentaverunt me majores vestri; probaverunt me, etiam experti sunt opus meum.

10. Qua-

sunt errabundi animo, & sunt ignorantes viarum mearum.

11. *Quibus iuravi in ira mea, eos non ingressuros in requiem meam.*

A N A L Y S I S.

Psalmum istum à Davide compo-
positum fuisse, idque Spiritu san-
cto dictante, confirmat Apostolus,
Heb. 3. 6, 7. & 4. 7. Scopus ejus,
excitare populum Dei ad Deum ri-
te colendum. Quia autem cultus
verus præcipue consistit in oratione
& verbi divini auditione religiosa,
idcirco ad orationem vel nominis
divini solemnem celebrationem
hortatur primo, usque ad v. 7. &
postea ad obsequiosam vocis divinæ
auditionem, inde ad finem Psalmi.

1. In priori parte primum offi-
cium illud celebrationis, ad quod
vocamur, variis repetitionibus sic
inculcatur, ut simul etiam descri-
batur, v. 1, 2. 6. Describitur enim
1. Ab objecto ejus formali, benigni-
tate scil. quam Deus ex foedere o-
stendit & exercet erga suos, v. 1. 6,
7. 2. Ab actibus modum illum
continentibus, quo circa hoc obje-
ctum versari debemus, prompta
comparatione in sacro conventu,
cum omni reverentia, ad gratias a-
gendas, cum summa alacritate, can-
tu & clangore significata, v. 1, 2, &
6. 2. Idem officium suadetur va-
riis rationibus & impellentibus cau-
sis: quæ partim innuuntur in de-
scriptione ipsius officii, v. 1, 6, 7. &
partim distincte explicantur, v. 3, 4,
5. ubi ad celebrationem nominis di-
vini promovendam, describitur De-
us noster. 1. Ab ipsius majestate,
quæ comparatione illustratur, ver. 3.
2. Ab ejus efficientia in omnium
rerum formatione & gubernatio-
ne, quæ illa majestas declaratur,
ver. 4, 5. 3. In posteriore parte

Psalmi. 1. Auditio vocis aut verbi
Dei proponitur, & per oppositæ in-
obedientiæ prohibitionem declara-
tur, v. 7. in fine, & 8. in princ. 2.
Suadetur eisdem argumentis, quæ in
priori parte adhibebantur, v. 7. in
princ. 3. Urgetur comminatione
maximorum malorum, ex opposita
inobedientia secutororum: quæ
comminatio illustratur & confir-
matur exemplo majorum, quorum
inobedientia declaratur, v. 8, 9, &
misericordia inde consecuta, v. 10, 11.

D O C U M E N T A.

I. Tanta est tarditas hominum ad
Deum celebrandum, tantaque diffi-
cultas hoc ut decet faciendi, ut ad
hoc officium frequenter, vehemen-
ter, & instanter debeant excitari, ex
v. 1. &c.

II. Ad hoc efficaciter excitantur
fideles benignitatis divinæ religiosa
contemplatione & apprehensione, ex
v. 1. in fine.

III. Ex illa consideratione debe-
mus prompte ac libenter in sacros
conventus tanquam in conspectum
Dei venire ex v. 2.

IV. In illis conventibus Deus
est laudandus cum omni alacritate,
ex v. 1. & 2.

V. Uberrimam materiam Deum
laudandi habemus in Dei incompa-
rabili majestate, omnipotentia, &
providentia, præsertim si simul con-
sideretur, ut Deus salutis nostræ,
ex v. 3, 4, 5.

VI. Majestatis hujus intuitus eli-
cere nobis debet omnem reveren-
tiam & humilem submissionem tam
externam

externam quam internam in Deo colendo, ex v. 6.

VII. Efficacissima ratio hujus submissionis & cultus est apud fideles, si agnoscant & serio perpendant relationem illam spiritualem, quæ ex speciali privilegio inter Deum & ipsos intercedit, ex v. 7.

VIII. De hujus privilegii possessione nemo potest consolationem habere, nisi paratus sit cum omni obsequio Dei vocem audire, v. 7. in fine.

IX. In voce Dei audienda, cavenda est omnis obduratio cordis, & eo annitendum est, ut corde do-

cili ac flexibili verbum ejus recipiamus, ex v. 8.

X. Ut inobedientiam & contumaciam caveamus, utilissimum est, comminationes divinas & earum executionem adversus peccatores, præcipue vero illos, qui specialiter nos aut nostros attingunt sæpius ruminari, v. 8, 9, &c.

XI. In executione comminationum Dei adversus inobedientes, illud singulariter considerandum, quomodo post pertinacem contemptum verbi, operum & longanimitatis Dei, extrema tandem iræ vindicta sequatur, ibid.

PSALMUS NONAGESIMUS SEXTUS.

Canite Jehovæ canticum novum, canite Jehovæ tota terra.

2. Canite Jehovæ, benedicite nomini ejus; prædicate de die in diem salutem ejus.

3. Narrate in gentibus honorem ejus, in omnibus populis mirabilia ejus opera:

4. Magnum Iehovam & laudatum valde, reverendum esse supra omnes Deos.

5. Nam omnes dii populorum sunt idola, Iehova vero cælos fecit.

6. Gloria & decor coram eo, robur & ornatus in sanctuario ejus sunt.

7. Cedite Jehovæ familiæ populorum, cedite Jehovæ honorem & laudem.

8. Cedite Jehovæ honorem nominis ejus; afferte munus, & venite ad atria ejus.

9. Incurvate vos Jehovæ honorem exhibentes in decore sanctitatis, formidate à conspectu ejus tota terra.

10. Dicite in gentibus, Iehova regnat, etiam stabilietur orbis habitabilis, ne dimoveatur: judicaturus est populos rectissime.

11. Latabuntur cæli, & exsultabit terra, perstrepat mare, & quæ ipsum implent.

12. Exsultabit ager & quicquid est in eo, tunc cantabunt omnes arbores silvæ:

13. Ante faciem Iehovæ quem venerit, nam venit ad judicandum terram: judicaturus est orbem habitabilem per justitiam, & populos per fidem suam.

A N A L Y S I S.

PSALMUS iste pars est illius cantici, quo David cum toto populo Deum celebrabant, quum deportabant arcam foederis ex domo Hobed-Edomi in tentorium Hierosolymis ei paratum, 1 Chron. 16. 23, &c.

Est autem Psalmus laudativus, sub forma hortationis, qua omnes homines excitantur ad Dei nomen condigne celebrandum. Sic autem formatur hæc exhortatio prout conveniebat summo illi affectui & animi exultationi, qua David cum aliis piis, ex occasione deportationis arcæ, ferebantur in tales etiam externas huius gaudii manifestationes, ut eo nomine à propria sua uxore contemptus fuerit & irrisus, 2 Sam. 6. 17. 1 Chron. 15. 29. Ex hæc enim abundantia cordis fit, ut eadem exhortatio, & eadem etiam argumenta toties in hoc Psalmo repetantur.

I. Exhortatio igitur populi ad Deum celebrandum primo proponitur & inculcatur, v. 1, 2, 3. Ubi etiam officium celebrationis huius describitur. 1. Quod debeat fieri cum cantu, id est, cum summo gaudio ejusque congrua manifestatione. 2. Quod debeat fieri cum cura & effectu integro, alacri, & plussquam ordinatio, ut in *cantico novo*. 3. Quod debeat fieri cum benedictione erga Deum ipsum, & cum prædicatione aut Evangelizatione (יְהוָה) erga alios. Quod fieri debeat constanter, *de die in diem*. 2. Argumenta subjiciuntur, quibus excitari possint homines ad hoc officium præstandum, v. 4, 5, 6. ubi primo asseritur Dei majestas: & post-

ea illustratur per comparisonem ejus cum vanitate idolorum. 3. Repetitur denuo exhortatio ad Deum celebrandum, vers. 7, 8, 9. ubi præter illa quæ antea proposita fuerunt ad istud officium declarandum, illustrationes ejus adferuntur ex institutis illis Dei, quæ propria fuerunt veteris Testamenti. 4. Argumenta hoc officium suadentia denuo etiam proponuntur, vers. 10, 11, 12, & 13. ubi Dei majestas beneficentia, & justa gubernatio ad omnes gentes in Christo extendenda & asseritur, & elegantissimis hyperbolis amplificatur.

DOCUMENTA.

I. Eo anniti debemus, ut (quantum fieri possit) gratitudo & laus nostra proportionem justam respondeat gratiæ ac benedictionibus Dei; id est ut in novis beneficiis novum canticum cantemus; & de magnis beneficiis magnas gratias habeamus, ex v. 1. in princ. *Canite Ichova canticum novum.*

II. Tantæ & tum assidue sunt benedictiones Dei erga nos, ut nomini ejus assidue benedicere debeamus, ex v. 2. in fine, *Prædicato de die in diem salutem ejus.*

III. Ad istam benedictionem Dei promovendam, & propagandam, omne genus hominum ad eam instruere & excitare debemus, v. 2. & 3.

IV. Reverenda Dei majestas idonea materia est huius laudis ac benedictionis, v. 4.

V. Contemplatio huius majestatis clarior & efficacior evadet, si comparetur cum vanitate idolorum, v. 4. & 5.

VI. Quoties

VI. Quoties fit mentio divinæ majestatis ac gloriæ, eandem cogitationibus nostris transferre debemus ad sancta ejus instituta, quæ sunt insignia præsentis ejus gratiosæ, ex v. 6. in fine, *robur & ornatus in sanctuario ejus sunt.*

VII. In cultu Dei secundum ejus instituta, prompte, alacriter, & reverenter celebrando, tribuitur Deo gloria & robur nominis ejus,

ex versiculo 7. 8, & 9.

VIII. Cultus Dei non viget nisi ubi Deus regnat, ex v. 10.

IX. Vbi homines regno Dei subjiuntur, ibi omnia ordinata sunt & firma, ibidem. *Etiā stabilitur orbis habitabilis, ne dimoveatur.*

X. Inenarrabile gaudium fidelibus oritur ex justitia & veritate regni Dei in Christo, ex versic. 11, 12, 13.

PSALMUS NONAGESIMUS SEPTIMUS.

Iehova regnat, exultet terra; latentur regiones plurimæ.

2. Nubes & caligo circumstant eum: justitia & iudicium locum solii ejus.

3. Ignis ante eum procedit, & inflamat circumquaque hostes ejus.

4. Perlustrant fulgura ejus orbem habitabilem, videns formidat terra.

5. Montes ut cera liquefiant à præsentia Iehovæ, a præsentia domini totius terræ.

6. Indicant celi justitiam ejus, adeo ut videant omnes populi honorem ejus.

7. Pudore suffundantur omnes colentes sculptile, qui se jactant de idolis; incurvant se honorem exhibentes ei omnes angeli.

8. Audiens letatur Tziion; exultantque filia Iehudæ, propter judicia tua, ô Iehova.

9. Tu enim es Iehova, excelsus supra omnem terram; valde elatus es supra omnes angelos.

10. Amantes Iehovæ, odio habete malum: servans animas suorum quos benignitate prosequitur, è manu improborum eripit eos.

11. Lux facta est justo; & rectis animo lætitia.

12. Latamini iusti in Iehova, & celebrate memoriam sanctitatis ejus.

ANALYSIS.

SCopus hujus Psalmi est, provocare populum Dei ut pie in Domino gauderent.

Hoc autem officium simul inculcatur, describitur & suadet. Inculcatur sparsim, & describitur quasi ex abrupto, ut in abundante & vehemente affectu fieri solet.

1. A debito gradu, tum extensi-

onis, quod pertineat ad omnes regiones, tum etiam intensiōis, quod debeat exerceri cum affectu summo exultationis, vers. 1. & 8, in principio. *Audiens lætatur Tziion; exultantq; filia Iehudæ.* 2. Ab ejus principio vel causa continente Charitate scilicet erga Deum, quæ odio mali, tanquam effectu suo inseparabili, declaratur,

declaratur, vers. 10. in principio. *Amantes Ichovæ, odio habete malum.* 3. Ab ejus proprio effectu, in congrua nominis divini celebratione, v. 12.

Suadetur 1. A primaria & justissima ejus causa, regno scilicet Dei in Christo prævalituro, v. 1. Hoc autem regnum illustratur, 1. A sua majestate, v. 2. 2. Ab efficacissima sua potestate, v. 3. & 4. in principio. Hæc autem efficacia potestatis illustratur effectu tremoris omnium creaturarum, v. 4, 5. Illa vero majestas & gloria illustratur testimonio cælorum, cujus generalis efficacia notatur vers. 6. Vtriusque autem considerationis, majestatis videlicet & potestatis effectum & usus consequens subjungitur. Confusio nempe impiorum, & piorum tam angelorum quam hominum religiosa veneratio & exultatio, v. 7, & 8. Cujus consequentiæ ratio redditur ab incomparabili & supereminenti excellentia majestatis & potestatis Dei in Christo, vers. 9.

Suadetur 2. Idem gaudium piorum in Domino ab altera ejus causa, prioris causæ effectu erga ipsos pios, id est, à conservatione & liberatione piorum ab omni genere malorum vers. 10. & communicatione omnium bonorum, v. 11. cujus communicationis modus indicatur, & laetatione diversa illustratur, ibid.

DOCUMENTA.

I. Amplissima materia summi gaudii omnibus piis præbetur ex contemplatione regni Dei in Christo, ex vers. 1.

II. Regni hujus tanta est ma-

jestas, ut interna ejus gloria non possit à nobis penetrari, sed perfectio tamen administrationis ejus ab omnibus piis fide videtur ex vers. 2.

III. Tanta est efficacia potestatis hujus regni, ut quando vis ejus exeritur, hostes consistere nullo modo possint, ex v. 3. & 4.

IV. Potestas hæc subinde manifestatur cum maximo terrore, ex vers. 4, & 5.

V. Tam potentia, quam alix gloriose perfectiones Dei manifesto in creaturis quas fecit pervidentur, vers. 6.

VI. Ex hac manifestatione potentie & majestatis Dei sequitur convictio & confusio impiorum, vers. 7.

VII. Ex, eadem cum Angelis pii, tum homines omnes pii ad summam venerationem cum inenarrabili gaudio excitantur, vers. 7. & 8.

VIII. Venerationis & gaudii piorum ratio est, quod Deus quem illi colunt, & proprium habent; majestate & potestate superat omnia quæ possunt cogitari, ex v. 9, 10.

IX. Gaudium piorum in Deo fluit proprie ex amore Dei, vers. 10.

X. Amor iste Dei odium omnium mali habet semper conjunctum, ibidem.

XI. Accenditur hic amor, & perficitur gaudium benedictionibus Dei, quibus conservat suos à malo, & cumulat omni bono, ibid. & vers. 10, 11.

XII. Communicatio horum bonorum, quamvis ad tempus aliquando non appareat in flore, semper tamen semen ejus manet, & suo

suo tempore efflorescet, vers. 11.

XIII. Circa divinam istam dispensationem, intellectus, me-

moria, affectus, sermo & conatus nostri perpetuo debent occupari, vers. 12.

PSALMUS NONAGESIMUS OCTAVUS.

Psalms. Cantate Iehovæ canticum novum, quia opera mirabilia fecit: salutem attulit ei dextera ipsius, & brachium sanctitatis ipsius.

2. Notam fecit Iehovæ salutem suam, ante oculos ipsarum gentium revelavit iustitiam suam.

3. Recordatus est benignitatis suæ, & suæ fidei erga domum Israël: vident omnes fines terræ salutem Dei nostri.

4. Clangite Iehovæ tota terra, fragore edito cantate & psallite.

5. Psallite Iehovæ cithara, cithara & psalmodia.

6. Tubis & sono buccinæ clangite coram rege Iehovæ.

7. Perspiret mare, & quæ implent ipsum, orbis habitabilis & habitantes in eo.

8. Flumina complodant manu, pariter montes cantent

9. Coram Iehovæ, quia advenit ad iudicandum terram, iudicaturus est orbem habitabilem iuste, & populos rectissime.

ANALYSIS.

SCopus huius Psalmi est excitare homines ad Deum in Christo condigne glorificandum. Quæ hortatio 1. Generaliter proponitur, v. 1. in principio: ubi vocamur ad cantandum canticum novum, id est, non vulgare sed novæ ac inauditæ benedictioni congruens, v. 4, 5, 6, 7, 8. & affectu singulariter excitato, semper integro & recente.

2. Eadem hortatio illustratur partim à modo, quo Deus fuit glorificandus; cum clangore scilicet & fragore cantus, id est, cum omni zelo, libera professione, & animi corporisque contentione, partim ab instrumentis & mediis, quibus debet præstari, cithara, tubis, buccinis, id est, copiose & cum delectu adhibitis mediis, quæ ad hunc finem sunt maxime accommodatæ, & partim ab inductione causarum effici-

entium, quæ ad hoc opus concurrere debent, ut mare, terra, flumina, montes cum habitantibus in eis, id est, totus mundus, idque ut impar huic officio condigne præstando.

Suadetur hoc officium 1. In genere ab excellentia operum Dei in Christo, quæ sunt mirabilia, id est, quæ superant omnia illa quæ vel solent patrari, vel ab hominibus concipi possunt, atque adeo sunt omni admiratione & laude mirabili digna. 2. In specie, ab eorum fine: quod hæc opera pertineant ad hominum salutem, salutem attulit.

3. A modo efficiendi, quod perfectio potentie Dei in Christo fuit solitaria causa huius salutis, v. 1. in fine. 4. Ab adjuncto manifestationis salutis illius coram toto mundo, v. 2. & 3. in fine. 5. A causa impulsivis, quæ nullæ aliæ fuerunt quam benignitas

benignitas & fides Dei, quarum idcirco perfectio in hoc opere abunde fuit declarata vers. 3. 6. A perfectione domini Dei in hoc opere elucetis. vers. 6. in fine. 7. Ab effectu illius domini suo tempore plene perficiendi, iustitia & rectitudine iudicii erga homines exercendi. vers. 9

DOCUMENTA.

I. De eminentibus Dei beneficiis, eximio & exquisito modo debemus ipsum laudare, vers. 1. in principio.

II. Inter cætera Dei beneficia ad miraculum usque excellit salutis nostræ procuratio in Christo. v. 1. in med.

III. Deo soli in solidum debetur tota nostra salus. Psalm. 44. 2, 3, 4. Jes. 59. 16. & 63. 5.

IV. Quo magis Deus salutem suam promulgando & communicando revelat, eo magis à nobis est glorificandus. vers. 2.

V. Istam gloriam cum demum Deo tribuimus, quando salutem nostram in sola benignitate & fide

Dei fundatam esse, bene apprehensum & expensum habebimus ex v. 3.

VI. Hujus benignitatis, ac fidei, in promissionibus explicare, quamvis oblitus Deus multis videatur, eventus tamen suo tempore docebit, hanc oblivionem ab ipso alienam esse & longe remotam. ex vers. 3. Lucæ 1. 54, 55. 72, 73, 74.

VII. Istius dispensationis divinæ meditatione excitari debemus ad omnem zelum, & animi contentionem, in professione & praxi cultus ac laudis Dei. ex v. 4.

VIII. Quæcumque suppetunt nobis media ad Deum glorificandum accommodata, ad illum usum sunt applicanda. vers. 5, 6.

IX. Ex conscientia nostræ insufficientiæ, alios quotquot possumus, in societatem hujus operis vocare debemus. v. 7, 8.

X. Istiusmodi affectus in piis omnibus excitantur ex fide & contemplatione regni Dei in Christo. v. 6. in hinc, & 9.

PSALMUS NONAGESIMUS NONUS.

Iehova regnat; commoveantur populi: insidens Cherubinīs regnat, niter terra.

2. Regnat Iehova Trāone magnus, etiam alius est supra omnes populos.

3. Celebrent nomen tuum magnum & reverendum sanctum esse.

4. Tu quoque robustissime rex iudicium amans: tu, inquam, constituis quod est rectissimum, iudicium & iustitiam in Sabaōbo tu perficis.

5. Exaltate Iehovam Deum nostrum, & incurvate vos honorem exhibentes ad scabellum pedum ejus; quia sanctus est.

6. Moysen & Aharonem cum sacerdotibus ipsis, Sehemuelemque cum invocantibus nomen ipsis: inclamantes Iehovam, ipse illico exaudivit eos:

7. In columna nubis alloquutus est eos: observantes testimonia ipsis, & statutum quod dederat eis.

8. Iehova Deus noster, tu exaudivisti eos: Deus fortis condonans fuisti eis, etiam quum iritionem sumeres de actionibus eorum.

9. Exaltate

9. *Exaltate Jehovah Deum nostrum, & incurvate vos honorem exhibentes ad montem sanctitatis ejus: quia sanctus est Iehova Deus noster.*

A N A L Y S I S.

Hujus Psalmi scopus est, ita consolari populum Dei adversus hostium terrorem, ut simul excitentur ad omnem alacritatem in ipso colendo & omni modo glorificando, v. 3, 5, & 9.

Ubi cultus Dei describitur 1. A præcipuis ejus actibus, celebratione & adoratione, id est, gratiarum actione, & invocatione. 2. Ab ejus formali ratione vel fundamento, fide scilicet in Deum tanquam in Deum nostrum, magnum, sanctum. 3. Ab adjuncto ejus modo, secundum Dei voluntatem, in sanctis ejus institutis observandis.

Suadetur hoc in genere. 1. A virtute causæ cum ipsis facientis, id est, a sufficientia & efficientia Dei in Christo, qui suo tempore ostendet se regnare, id est, magnificis potentia ac providentia documentis se & suos in sublime attollet, vers. 1, & 2. Cujus rei illustratio adjicitur 1. Ab efficacia præsentia Dei symbolo in sacramento Cherubino- rum, vers. 1. in medio. 2. Ab effectu, hostium scilicet conturbatione, vers. 1. 3. Ab illius effecti ratione, & causa irresistibilitate nempe potentia divinæ, quæ per comparisonem inter Deum & omnes populos declaratur, vers. 2.

Suadetur 2. A modo quo Deus regnum suum administrat: qui describitur 1. A robore quod exercet in piis defendendis, & impiis coercendis. 2. A judicio & justitia recta, quam ex illo robore perficit. 3. Ab objecto, cujus bonum in istis om-

nibus præcipue spectatur, *Iakobo*, vel Ecclesia Dei, v. 4.

Suadetur 3. Ab exemplis illustri- um virorum Dei, *Mosis*, *Aaronis*, & *Samuelis*, qui toto dediti fuerunt Deo colendo & glorificando, v. 6.

Hæc autem exempla cultorum Dei, ut magis essent efficacia, illustrantur ab effectu vel successu quo Deus dignatus est eorum cultum approbare, *exauditione*, *alloquutione*, & *condonatione*, vers. 6, 7, 8. Qui successus declaratur causa admini- strante, eorum scilicet pietate, v. 7. & illustratur opposita quorundam inobedientia ultionem Dei accersente, v. 8.

DOCUMENTA.

I. Regnum Dei terribile mundo, rite apprehensum & meditarum, efficax argumentum est apud fideles ad omnimodam ejus glorificationem eliciendam, v. 1.

II. In istum finem apprehendi debet regnum Dei, secundum magnitudinem & altitudinem ejus supra omnes creaturas, in & pro Ecclesia exerendam vers. 1.

III. Glorificandus est Deus non tantum propter beneficia hujus regni, sed & propter potentiam & sanctitatem ejus, vers. 3.

IV. Rectitudo etiam administra- tionis hujus regni in Ecclesia mag- nam suppeditat materiam Deum glorificandi, v. 4.

V. In ista glorificatione Dei ver- sari debemus cum fiducia, gratia- rum actione, & invocatione secun-

dum sancta ejus instituta, vers. 5.

VI. Exemplis sanctorum, qui in precibus versantes à Deo exauditi fuerunt, ad hoc officium debemus animari, vers. 6.

VII. Ex eisdem exemplis obser-

vandum est, obedientiæ studium ab eis requiri qui in precibus suis exaudiri volunt, v. 7.

VIII. Exauditioni precum & condonationi peccatorum non repugnat castigatio divina, v. 8.

PSALMUS CENTESIMUS.

Psalms pro gratiarum actione: Clangite Iehova omnes incolæ terræ.

2. Colite Iehovam cum latitia, venite in conspectum ejus cum cantu.

3. Agnoscite Iehovam esse Deum, ipsum effecisse nos (non autem nos ipsos) populum suum & gregem pastus sui.

4. Ingredimini portas ejus cum gratiarum actione, atria ejus cum laude: gratias agite ei, benedicite nomini ejus:

5. Nam bonus est Iehova in seculum est benignitas ejus; & usque ad generationem quamque fides ejus.

ANALYSIS.

Scopus hujus Psalmi est excitare omnes homines ad Dei nomen laudandum, vers. 1. in titulo. In hac autem exhortatione duo proponuntur: primo, laus ipsa Dei qualis esse debeat: & secundo, causæ quædam singulares propter quas, vel quarum nomine laudandus est Deus, & omnes pii ad illud præstandum debeant excitari.

In descriptione laudis Deo debite indicatur 1. Quod non debeat esse partialis aut restricta, sed omnibus partibus suis completa: ex copia verborum, 2. Quod debeat præstari cum magno zelo, & omnimoda professionis libertate fiduciaque: clangite vel jubilate. 3. Quod essentia ejus præcipue consistat in religioso cultu & observantia erga Deum, Colite Iehovam. 4. Quod gaudium & alacritatem singularem conjunctam debeat habere: cum latitia, cum cantu. 5. Quod veram cognitionem Dei debeat habere pro

suo fundamento: agnoscite. 6. Quod in publicis cœtibus Ecclesiæ debeat celebrari, & secundum verbi divini præscriptum: ingredimini portas ejus, atria ejus.

Causæ hujus laudis commemorantur duæ: 1. Quod Iehova quem colimus sit unicus verus Deus vers. 3. in principio. 2. Quod ille solus sit nobis author, & conservator omnis boni tam in ordine gratiæ, quam naturæ, vers. 3. in fine. Cujus rei declaratio additur à causis omnis boni nobis communicati, bonitate scilicet & fidelitate Dei constante, v. 5.

DOCUMENTA.

I. Officium est Deo gratissimum, & nobis maxime necessarium, ut Deo laudem & gratiarum actionem offeramus, ex titulo.

II. Laudem Dei celebrare debemus ex toto corde, tota anima & cum omnibus viribus, v. 1. &c.

III. Laus

III. Laus Dei, est cultus Dei, verf. 2.

IV. Gaudium & alacritas requiritur in isto cultu, ibid.

V. Fluit ex vera cognitione Dei, verf. 3.

VI. Quamvis cognitio Dei, ut in sese est, provocet nos ad eum glorificandum, cognitio tamen benedictionum ejus quibus benedixit nobis, est maxime efficax & neces-

saria in istum finem, ibidem.

VII. Ut Deus rite glorificetur, ipsi in solidum tribuenda est laus nostræ vocationis, conservationis & salutis, ibid.

VIII. Causæ harum benedictionum sunt, mera Dei bonitas, benignitas & fides, v. 5.

IX. Harum benedictionum celebratio spectat imprimis ad publicas Ecclesiæ congregationes, v. 4.

P S A L M U S C E N T E S I M U S P R I M U S.

Davidis Psalmus. Benignitatem & jus canam : tibi, ô Jehova, psallam.

2. Animadvertam via integra, quando venturus sis ad me : indefinenter ambulabo in integritate animi mei, intra domum meam.

3. Non proponam mihi ob oculos rem nefariam : factum declinantium odi, non adhærebit mihi.

4. Animus perversus recedet à me ; malum non agnoscam :

5. Lingua ladentem apud me clam proximum suum, ipsum excindam : elatum oculis, & tumentum animo, ipsum non potero ferre.

6. Oculi mei attendent ad veraces terræ, ut consideant mecum : ambulans via integra, is ministrabit mihi.

7. Non habitabit intra domum meam faciens dolum ; loquens mendacia non stabilietur coram oculis meis.

8. Singulis matutinis excindam omnes impios terræ, ad rescindendum à civitate Jehovæ omnes qui operam dant iniquitati.

A N A L Y S I S.

In isthoc Psalmo continetur sanctum votum Davidis de gratitudine erga Deum, tam pro beneficiis ejus aliis, quam pro evectione ipsius ad regnum Israël.

1. Votum hoc generaliter. 1. Nuncupatur v. 1. ubi etiam declaratur, per suum objectum, benignitatem scilicet & judicium Dei tam affectu & verbis celebrandum, quam factis exprimendum ; & per ejusdem finem, gloriam nempe Dei singularem : tibi ô Jehova psallam.

2. Idem votum specialiter declaratur, quod scilicet istam gratitudinem ostensurus fuit in regni suscepti administratione pia, verf. 2. & sequent. Hæc autem administratio tribus suis partibus describitur, secundum tria genera personarum circa quas debet exerceri. Profitetur enim se velle piam curam habere. 1. Sux propriæ personæ. 2. Suorum ministrorum. 3. Sceleratorum hominum administrationis piæ turbatorum. 3. Circa suam

suam personam, promittit viam, vel vitam rectam: *in via integra ambulabo*. Hæc autem vita illustratur 1. A sua causa dirigente, sapientia & prudentia vera, cujus caput est reverentia Jehovæ: *animadvertam, vel prudenter agam*. 2. A sua causa impellente, vilitatione nempe Domini: *quando venturus es ad me*. 3. A modo ejus essentiali *integritate animi*. 4. A subjecto loco, tam privatim, quam publice: *in medio domus meæ*. 5. Contrariorum vitiorum abnegatione, v. 3. Quæ abnegatio tribus suis gradibus explicatur, 1. Non proponere aut intendere malum. 2. Odio illud habere. 3. Communionem aut participationem ejus omnem declinare. 4. Circa suos ministros promittit. 1. Se averſaturum & amoturum a se homines improbos, vers. 4. Quorum species quædam (calumniatores, superbi, fraudulentæ, & mendaces) tanquam præcipuæ pestes notantur, vers. 5. & 7. Promittit 2. ex adverso se studiose assumpturum ad consilia & ministeria homines fidos ac pios. 5. De sceleratis, promittit se eos suppressurum, v. 8. idque 1. Equabiliter absque personarum acceptione: *omnes, omnes*. 2. Mature, sine dilatione: *singulis matutinis*. 3. Ut iliter vel cum fructu, ita ut cedat eorum supplicium in bonum & ædificationem Ecclesiæ: *à civitate Jehovæ*.

DOCUMENTA.

I. Ut gratos nos Deo præstemus de ejus in nos collocatis beneficiis, de ipso, apud ipsum, ad ipsius gloriam, vovere debemus multam meditationem cum gaudio & delectatione, ex v. 1. Jes. 5. 1.

II. Virtutes Dei non tantum

verbis celebrare debemus, sed etiam factis prædicare, ex v. 1. cum seq. 1 Pet. 1. 9. Psal. 40. 9, 10.

III. Hujus gratitudinis fundamentum collocandum est in vita Deo & conservatione, sic instituenda, ut Deo possit placere, ex v. 2.

IV. Ad vitam Deo placentem necessario requiritur sapientia superne descendens, Jac. 3. 13, 17. Ephes. 5. 15.

V. Ad eandem vitam requiritur efficax & religiosus respectus ad Deum, prout in specialibus suis vilitationibus ad nos accedit, ibid.

VI. Ex illo religioso respectu ad Deum exoritur sincera cura conscientie bonæ, tam privatim quam publice conservandæ, Ibid.

VII. Cura sincera conscientie bonæ ostendit in tali abnegatione peccati, ut non solum nihil mali sibi proponat faciendum, sed etiam odio illud prosequatur & detestatione vera, ex v. 3.

VIII. Ex hac abnegatione peccati sequitur alienatio à peccatoribus quatenus sunt tales, ex v. 4.

IX. Hæc alienatio (præcipue in magistratibus) debet ostendi erga illos qui ex studio certo & arte quadam peccant. calumniatores, superbos, fraudulentos, & mendaces, ex v. 5. 7.

X. Ubi alienatio à peccatis & peccatoribus est sincera, ibi viget singularis conjunctio cum bonis, ex v. 6. Psalm. 119. 63. 115.

XI. Ex hoc odio peccati, & propensione ad bonos fovendos, exiurgit (in eis qui potestate valent) maturata & æquabilis justitiæ exequutio adversus sceleratos bonorum turbatores, ex v. 8.

PSALMUS CENTESIMUS SECUNDUS.

O Ratio pro paupere; quum obruitur, & ante Jehovah effundit meditationem suam.

2. Jehovah audi orationem meam; & vociferatio mea ad te perveniat.

3. Ne abscondas faciem tuam à me, quo die est angustia mihi: inclina ad me aurem tuam, quo die inclamo; festinanter exaudi me.

4. Nam consummuntur ut fumus dies mei, & ossa mea ut focus exardescunt.

5. Percussum tanquam herba exarescit cor meum, quia obliviscor comedere cibum meum.

6. Præ voce gemitus mei, adhærescit os meum carni meæ.

7. Similis sum plateæ deserti; sum tanquam bubo vastitatum.

8. Assidue sum similis passeris, solitario in tecto.

9. Toto die probro afficiunt me inimici mei, insanientes contra me, per me jurant.

10. Nam cinerem tanquam panem comedo, & potiones meas cum fletu misceo.

11. Propter indignationem tuam, & ferventem iram tuam; quia sustulisti me, & abiecasti me.

12. Dies mei similes sunt umbræ inclinatæ: & ego sicut herba exarui.

13. Tu autem Jehovah in seculum permanes, & recordatio tui in quamque generationem.

14. Tu surgens misereberis Tzionis: quia tempus est faciendi gratiam ei, quia advenit statum tempus.

15. Quo delectentur servi tui lapidibus ejus & pulveri ejus gratiam faciant,

16. Ut revercantur gentes nomen Jehovah, & omnes reges terræ honorem tuum;

17. Quum edificans Jehovah Tzionem, apparuerit in honore suo,

18. Respexerit ad orationem nudatissimi, & non sproverit orationem eorum.

19. Conscribatur hoc in generationem posteram, ut populus recreatus laudet Fab:

20. Quod prospectaverit ex alto loco sanctitatis suæ, Jehovah è cælis in terram intuitus sit.

21. Ad exaudicndum suspirium vincti, ad solvendum eos qui jam traduntur morti;

22. Ut enarrent Tziona nomen Jehovah, & laudem ejus Ieruschalaimis:

23. Congregantibus se populis simul & regnis ad colendam Iehovam.

24. Affligit quidem in hac via vires meas, curtat dies meos:

25. Sed dico, mi Deus fortis, ne auferas me mediis diebus meis; per generationem æternam sunt anni tui:

26. Ante quam terram fundasses, & opus manuum tuarum essent cæli.

27. Ista peritura sunt, tu autem permanes; ista, inquam, omnia ut vestimentum veterascent, ut indumentum mutabis ea atque mutabuntur:

28. *Tu vero idem es, & anni tui non finiuntur.*
 29. *Filii servorum tuorum habitabunt, & semen eorum stabilietur coram te.*

A N A L Y S I S.

Genus & scopus hujus Psalmi aperte indicatur v. 1. quod scilicet sit in genere precatio & in specie precatio hominum piorum afflictione gravi pressorum, vel ad directionem talium, quomodo suam causam agant coram Jehova.

1. In hac autem precatione 1. Petitio generalis proponitur de exauditione optata, vers. 2. & 3. ubi & precatio declaratur per suum ardorem & vehementiam tam effectus *vociferationis*, & *inclamationis* significatam, quam causa *angustiae* illustratam, & exauditio ipsa describitur, tam ab *attentione* & *facie vel affectu gratioso*, in quibus essentia ejus consistit, quam ex adjuncta *festinatione* in illius gratiae manifestatione. 2. Urgetur illa petitio 1. Per modum querelae, à gravitate calamitatis, tanquam causa impellente tam precantem ad fervorem & instantiam in suis precibus adhibendam, quam Dei misericordiam ad illas preces festinanter exaudiendas. Haec autem calamitatis gravitas declaratur 1. Per suas partes, Consumptionem virium y. 4, 5. Solitudinem & gemitus inde proficiscentes, vers. 6, 7, 8. Probra & insultationes inimicorum, v. 9. Luctum ingentem, ex quo inimici occasionem arripiebant talium insultationum, vers. 10. Quorum omnium causa notatur indignatio Dei gravissimis judiciis demonstrata, v. 11. 3. Suadetur eadem petitio, & exauditionis fiducia confirmatur. 1. A prae-

cipua causa ejus, immutabilitate scilicet Dei tam in fœdere & promissionibus, quam in essentia ipsa, v. 13. 2. Ab adjuncta temporis opportunitate, v. 14. 3. Ab effecto vel fructu exauditionis, tam in Ecclesia v. 15. quam apud eos qui nondum fuerunt Ecclesiae aggregati, v. 16. Qui fructus illustratur descriptione beneficii optati ac sperati, ex quo ille fructus efflorescit. Quod describitur 1. Ab opere ipso aedificationis Ecclesiae, in quo essentia ejus consistit, v. 17. 2. A modo ejus respectu causae administrantis: quod scilicet hoc factum sit ad petitionem pauperis, vers. 18. 3. Ab adjuncta memoria ejus in laudem Dei, v. 19. 4. A comparatione majestatis divinae, & abjectae conditionis eorum quibus hoc beneficium praestat, v. 20, 21. 5. A fine & effecto ejus proprio, laude ac celebratione nominis divini, v. 22, 23. 4. Ad laudem istam promovendam, summa praecedentis orationis repetitur, sub illa forma quae maxime facit ad fidelium consolationem, v. 24. ad finem. Ubi 1. Afflictio gravis memoratur v. 24. 2. Petitionis forma declaratur, v. 25. 3. Argumentum ab immutabilitate Dei petitum inculcatur vers. 26, 27, 28. & firma consolatio celebratur, quae hæc ratione obtinetur, vers. 29.

DOCUMENTA.

I. Illa est conditio Ecclesiae militantis, ut afflictione saepe non tantum vexetur

vexetur, sed etiam obtegatur & aliquo modo obruatur, ex v. 1.

II. Nulla tamen est talis aut tanta afflictio Ecclesiæ, quin eidem in verbo Dei prospectum sit de firma consolatione, Ibid.

III. Præcipuum medium hujus consolationis est, meditatio & oratio fidelis secundum verbum Dei instituta, ibid.

IV. Hæc oratio debet libere & copiose proferri, aut effundi coram Deo ex abundantia desiderii, fidei, ac spei, qua animæ fidelium in Deum feruntur, ibid.

V. Fervor etiam & intensio omnium virium in hac oratione singulariter debet adhiberi, ex v. 2.

VI. Ad fervorem orationis pertinet, non simpliciter aliquid a Deo petere, sed & illud ipsum vehementer petere, ut ad petitionem nostram dignetur attendere, eamque gratiose acceptam habere, ex v. 2, 3.

VII. In hujusmodi oratione, licitum & consentaneum est, ut (quamvis nullum tempus sit Deo præscribendum, quod ipsemet sibi non præscribit) in genere tamen festinam exauditionem ab ipso flagitemus, ex vers. 3.

VIII. Consumptio virium corporis in fidelibus non minuit, sed exacuit hunc fervorem & instantiam orationis erga Deum, ex v. 4, 5, 6.

IX. Destitutione etiam hominum non aguntur fideles in desperationem, sed excitantur ad spem suam in Deum magis dirigendam, ex v. 7, 8.

X. Infana probra, convitia, & insultationes improborum in eundem usum convertuntur, v. 9.

XI. Per istiusmodi vexationes sæpe fit, ut nullam voluptatem, aut contentationem percipiant pii ex ullis

vulgaribus solatiis hujus vitæ, ex vers. 10.

XII. Omnes tamen istiusmodi afflictiones & patienter feruntur, & in pium usum feruntur, quando supra secundas causas attollitur animus ad providentiam Dei & justam ejus indignationem in earum dispensatione contemplandam, ex vers. 11.

XIII. Adversus has calamitates, & indignationem ipsam Dei consolationis materiam habent fideles in immutabilitate naturæ, & fœderis Dei ex v. 13.

XIV. Stata tamen tempora sunt expectanda, quando Deus illustrem gratiam & misericordiam suam erga Ecclesiam declarabit, v. 14.

XV. De illustri hac gratia Dei manifestata, nomen Dei ab omni genere hominum, pro ratione suæ conditionis debet glorificari, ex v. 15, 16.

XVI. Præcipue glorificandus est Deus de conspicua Ecclesiæ ex ædificatione, v. 17.

XVII. Eo ipso nomine magis est glorificandus, quod hoc faciat ad petitionem pauperum fervorum suorum, ex v. 18.

XVIII. Hæc Dei glorificatio, debet omni studio ad posteros propagari, ex v. 19.

XIX. An posteros & alios recte instituendos de Deo glorificando, majestas ejus, & abjecta nostra conditio debent inter se religiose comparari, ex v. 20, 21.

XX. Hæc glorificatio Dei in cœtibus Ecclesiasticis præcipue debet vigere, ex v. 22, 23.

XXI. Ad istam glorificationem Dei procurandam, illa quæ pertinent ad fidem, & fidelem invocationem promovendam, sæpe & distincte debent inculcari, v. 24. ad finem.

PSALMUS CENTESIMUS TERTIUS.

O De Davidis. Benedic anima mea Iehovæ, & omnia intestina mea nomini sanctitatis ejus.

2. Benedic anima mea Iehovæ, & ne obliviscaris ullius beneficiorum ejus.

3 Qui condonat omnes iniquitates tuas, qui medetur omnibus morbis tuis:

4 Qui vindicat à fovea vitam tuam, qui circumtegit te benignitate & miserationibus.

5 Quo satiante bonis quibusque os tuum: servas te recentem tamquam aquila, tamquam pueritia tua.

6 Facit quæ justa sunt Iehovæ, & judicia omnibus oppressis.

7 Notas fecit vias suas Moschi, posteris Israëlitis actiones suas.

8 Misericors & graciosus Iehovæ, longanimis, & multus benignitate.

9 Non in æternum litigat, neque in seculum iram asservat:

10 Non secundum peccata nostra facit nobis, neque secundum iniquitates nostras refert nobis;

11 Sed quam alti sunt cæli supra terram, prævalet benignitas ejus erga timentes eum:

12 Quam longe abest oriens ab occidente, longe amovet à nobis defectiones nostras.

13 Ut misereretur pater filiorum, misereretur Iehovæ timentium ipsum:

14 Nam ipse novit figmentum nostrum, memor pulverem nos esse.

15 Ipsius mortalis similes fæno dies esse; sicut flos agri, sic florere ipsum.

16 Quoniam ventus pervadit ipsum, mox non esse; neque agnoscit ipsum amplius à loco suo.

17 At benignitas Iehovæ inde à seculo usque in seculum est erga timentes ipsum & justitia ejus erga nepotes:

18 Erga observantes fædus ipsius, & erga memores mandatorum ejus ad faciendum ea.

19 Iehovæ in calis stabilivit solium suum, & regnum ipsius omnibus præsidet.

20 Benedicite Iehovæ, angeli ejus, valentissimi robore, efficientes verbum ejus, auscultantes voci verbi ejus.

21 Benedicite Iehovæ omnes exercitus ejus, ministri ejus facientes placitum ejus.

22 Benedicite Iehovæ omnia opera ejus in omnibus locis dominationis ejus, benedic anima mea Iehovæ.

A N A L Y S I S.

IN isthoc Psalmo, in persona Davidis, exemplar nobis proponitur laudationis illius divinæ, ad quam omnes adspirare debemus.

In hoc autem laudationis exemplari, quatuor hujus officii partes proponuntur nobis imitandæ, 1. Præparatio & excitatio ad Deum condigne

digne laudandum, v. 1, 2. 2. Commemoratio beneficiorum præcipuorum, quorum nomine & intuitu Deus est laudandus, verf. 3. ad 20. 2. Provocatio omnium creaturarum, ut suo modo laudem Dei promoverent, v. 20, 21, 22. 4. Continuatio & iteratio hujus officii indefessa: quæ circulari primæ præparationis & excitationis repetitione indicatur, v. 22. in fine. 1. In excitatione præparante, 1. Principium, vel efficiens causa hujus actus designatur: *anima*, & facultates ejus omnes internæ. 2. Principii hujus præparandi ratio declaratur, per actum in semet reflexum, cum zelo & contentione: quod ingeminata illa hortatione notatur: *benedic anima mea, benedic anima mea Jehovæ*. 3. Formale objectum hujus actus declaratur: *nomen sanctitatis* ejus, vel sanctum nomen Jehovæ. 4. Medium & modus ejus docetur: quæ consistit in debita commemoratione benedictionum ejus: *ne obliviscaris ullius beneficiorum ejus*.

2. Benedictiones quæ commemorantur, sunt 1. Remissio peccatorum, verf. 3. in principio. 2. Revelatio infirmitatum. Ibid. in fine. 3. Liberatio à periculis mortiferis, v. 4. in principio. 4. Copiosa communicatio bonorum. Ibid. in fine. 5. Largitio eorum quæ pertinent ad vitam confirmandam & prorogandam, verf. 5. 6. Vindicatio ab oppressione injusta, v. 6. 7. Notificatio suæ salutiferæ dispensationis, verf. 7. Hujus autem dispensationis ratio, quæ in gratia, benignitate & misericordia consistit, fusius explicatur. 1. Generali prædicatione, verf. 8. 2. Præcipuo ejus

effecto, in remissione peccatorum, & poenarum moderatione, ac remotione, v. 9, 10. quæ parium collatione illustrantur, v. 11, 12. 3. Similitudine affectus paterni, verf. 13. 4. Comparatione fragilitatis humanæ, & constantis ac prævalentis beneficentiæ Dei, verf. 14, 15, 16, 17, 18. Cujus beneficentiæ omni sufficientia declaratur per celestem ejus majestatem, verf. 19. 3. Provocatio creaturarum, ad Deum laudandum, per distributionem à subjectis, dirigitur 1. Ad Angelos, v. 20. 2. Ad omnia instrumenta voluntatis Dei perficiendæ, v. 21. 3. Ad omnia ejus opera in communi, v. 22.

DOCUMENTA.

I. Deum debemus modo præstantissimo, & summo gradu honorare, ex v. 1. *benedic*. Quum enim varix sint Scripturæ phrasæ, quibus unum & idem officium Deum honorandi significatur, *gratias agendi, laudandi, celebrandi, exaltandi, glorificandi*, & scilicet inter istas omnes, *benedicendi* summa vis & emphasis est, tam quoad modum, quam quoad gradum hujus officii præstandi. Quemadmodum enim status benedictionis proprie notat summam perfectionem, ex affluentia omnium bonorum; & benedictio Dei erga nos illorum bonorum communicationem designat; sic etiam nostra benedictio erga Deum, similem perfectionem, & abundantiam indicat honoris ipsi deferendi. Hæc differentia phrasium colligitur etiam ex Psalm. 145. 10.

Ratio 1. Quia Deus in sese est benedictus, Marc. 14. v. 61, id est, dignus

dignus est omni honore. Psal. 29. 2, & 145. 3. & major est omni illo honore qui potest ipsi à nobis deferri. Neh. 9. 5.

2. Quia benedictionis omnis nostræ author est & largitor, Deuter. 8. 10. Ephes. 1. 3.

3. Quia in ista benedictione nominis divini, beatitudo nostra promovetur & præcipue etiam consistit.

Usus 1. Inorepationis, adversus tepiditatem ac torporem hominum in Dei nomine honorando.

2. *Exhortationis*, ad omne studium, zelum & conatum, ut quam accuratissime, & perfectissime hoc officium præstemus.

II. Ad Dei nomen benedicendum, animas nostras, & omnes internas facultates præcipue debemus comparare. Ibid. *Benedic anima mea, & omnia intestina mea.*

Ratio 1. Quia Deus est spiritus, & spiritualem exigit cultum, Joh. 4. 24.

2. Quia anima est nobilissima pars hominis, atque adeo in actu hoc nobilissimo debet imprimis occupari.

3. Quia si animæ actus internus desit, externus actus non est actus alicujus virtutis, non proprie humanus, nedum divinus.

4. Quia si anima & internæ ejus facultates in Deum ferantur, totum hominis eodem tendit.

5. Quia sinceritas & integritas hominis in suis officiis curandis, primo & præcipue consistit in anima bene curanda.

Usus Redargutionis, adversus illos, qui in externa forma ac specie pietatis acquiescunt.

III. Ut animas nostras ad Deo benedicendum comparemus, juvat multum nosmetipsos quasi alloqui & ad hujus officii curam adhortando excitare, ex v. 1, & 2.

Ratio 1. Quia hic est actus animæ in semetipsam reflexæ, qui (sicut est homini proprius, sic) directe facit ad animam dirigendam; quum alii actus qui feruntur ad extra, ad animam non nisi oblique spectent.

2. Quia hac ratione officium nostrum apponitur cordi, Hag. 1. 5, dicitur cordi, Hos. 7. 2. & reponitur in corde, Jerem. 12, vers. 11. ut sit nobis insertum & infixum.

3. Quia hac via Dei causam agimus erga nosmetipsos, & sic voluntati ejus plenius assentimur, eandemque in nobis reddimus magis magisque efficacem.

Usus Directionis, quomodo in præparatione animarum nostrarum nos gerere debemus.

IV. In hac excitatione animarum nostrarum etiam atque etiam instare juvat, eundem conatum iterando. Ibid. ex repetitione illa ejusdem exhortationis: *benedic anima mea Iehova: benedic anima mea Iehova*, Psal. 42, 6, 12.

Ratio 1. Quia tarditas voluntatis tanta est in spiritualibus officiis amplectendis, ut non sufficiat semel eam de talibus monuisse, sed iterum atque iterum debent inculcari & urgeri. Servilis quædam dispositio remanet in ipsis filiis Dei, dum imperfecta manet eorum sanctificatio.

2. Quia tanta est horum officiorum excellentia, ut in eorum contemplatione & provectione tam jucundum quam utile sit morari.

Usus Increpationis, adversus illos qui in perfunctoria & desultoria istiusmodi officiorum transactione sibimetipsis placent.

V. Sanctitatem nominis Dei ante oculos debemus habere, ut si rite benedicamus, ex vers. 1. in fine

Psal. 8, 2, 10.

Ratio 1. Quia nisi de Deo sancta & gloriosa semper cogitemus, honorem debitum ipsi negamus.

2. Quia sanctitas & perfectio Dei bene apprehensa efficaciter provocat animas nostras ad Deo sancte benedicendum.

3. Quia benedictione sancta, ex sanctitatis Dei contemplatione profecta, & ad eandem spectante, nomen Dei maxime directe sanctificatur.

Vsus directionis, in contemplatione Dei, ad religiosum cultum ejus promovendum.

V I. Ad officium nostrum (in Deo benedicendo) singulariter spectat ut efficacem memoriam habeamus beneficiorum ejus in nos collatorum, ex v. 2. in fine.

Ad memoriam hanc efficacem beneficiorum Dei, prærequiritur

1. Recta perceptio, intelligentia & æstimatio eorum, in cujus continuatione & iteratione memoria consistit. Requiritur 2. Affectus amoris & gratitudinis talibus beneficiis congruentis. Requiritur etiam. 3. Sincerus studium, & conatus honorem debitum auctori & largitori eorum deferendi, Deuternom. 8, vers. 11, & 32, 6, 18. Psalm 78. vers. 10, 11. 17.

Ratio 1. Quia hic est proprius finis beneficiorum Dei in nos collatorum, ut illis excitemur ad Deum honorandum. Deuter. 8, v. 10, & 28, 47. Psalm 105, ultimo.

2. Quia beneficia ista talia sunt, ut absolutam obligationem nobis imponant ad Deum pro viribus honorandum, Roman. 1, vers. 14, & 12, 1.

3. Quia bonitas & amor ille Dei qui in istis beneficiis elucet, efficacem & constringen-

tem vim habet in animis nostris ad hoc officium excitandis, 2 Cor. 5. 14.

4. Quia ipsa memoria, & commemoratio pia beneficiorum istorum, pars magna est celebrationis ac benedictionis illius, quam possumus nos nomini divino præstare.

Vsus Exhortationis, ut serio studeamus arti huic memoriæ religionis. Huc autem plurimum facit, 1. Si vehementer afficiamur beneficiis divinis. Vehementes enim affectus impressiones illas faciunt, quæ non facile postea delentur. Psalm. 119. 16, 92.

2. Si firmum propositum & quasi votum concipiamus & renovemus, quod beneficia Dei celebraturi simus, Psalm. 116, vers. 14.

3. Si cum religiosa cura utamur mediis à Deo institutis ad hanc memoriam conservandam. Num. 15. vers. 39. 1 Corinth. 11. vers. 24, 25. 2 Pet. 1. vers. 12, 15.

V II. Non sufficit ut in communi meminerimus beneficium Deum erga nos fuisse, sed quantum fieri potest, omnium & singulorum beneficiorum ejus memores esse debemus, ibid.

Ratio 1. Quia omnia & singula Dei beneficia ab eadem dilectione procedunt.

2. Quia nullum est beneficium Dei, quod exiguum aut negligendum potest nobis videri, si nostra merita consideremus.

3. Quia ille, qui non est fidelis in paucis, in multo non erit fidelis, Luc. 16, 10.

Vsus increpationis, adversus tarditatem & duritiem animorum nostrorum, quâ fit ut variis Dei beneficiis præcipue ordinariis, nihil fere afficiamur.

VIII. Inter illa beneficia, quorum nomine Dei benedicere debemus, primum & primum locum habet, remissio peccatorum. ex v. 3. in principio.

Ratio 1. Quia electio, prædestinatio, & vocationis beneficium solidum primo apparet in justificatione nostra, vel in remissione peccatorum. 2. Quia per hanc remissionem liberamur à maximis malis, peccati scilicet reatu, & ejusdem mortifera poena. 3. Quia hæc remissio, vel justificatio causa & fons est omnium beneficiorum consequentium, tam spiritualium, quam corporalium, tam quæ vel in hac vita, vel in futura conferuntur; quatenus & causam prohibentem tollit, & jus ad ipsa consequenda ponit.

Vsus 1. *Refutationis*, adversus Remonstrantes & alios similes, qui 1. huic veritati contradicunt, dum originale peccatum negantes, & perfectam obedientiam, possibilem, & facilem docentes, remissionem istam peccatorum multis non necessarium esse tradunt, atque adeo à talibus nullam benedictionem, aut gratiarum actionem Deo deberi. 2. Dum remissionem aliorum peccatorum ex operibus bonis, tanquam ex conditione antecedente suspendunt, eandem suo loco movent ac deturbant. 2. *Directionis*, quo modo ad Dei gloriam, & nostram consolationem, de remissione peccatorum nostrorum, certam fiduciam nobis comparare imprimis annitatur.

IX. Remissio ista extendit sese ad omnia peccata, tam actualia, quam inhærentia; tam adversus Deum, quam adversus homines; tam

ex ignorantia & infirmitate, quam ex contumacia & præsumptione admissa, ibid.

Ratio 1. Quia gratia & misericordia illa Dei, quæ exeritur ad remissionem peccatorum nostrorum, est supereminens, & gloriose dives & copiosa. Ephes. 1. 6, 7. & 2. 4, 7. 2. Quia Christi mors est sufficiens pretium redemptionis ad omnia peccata tollenda. 3. Quia sine remissione omnium peccatorum, personæ nostræ non essent proprie justificatæ, neque posset vita nobis adjudicari.

Vsus 1. *Reformationis*, adversus Pontif. qui quædam peccata manere sæpe justificatis docent in purgatorio expianda. 2. *Directionis*, quomodo post multitudinis peccatorum nostrorum maximorum confessionem, ex omnium eorum remissione plenaria, plenam nobis consolationem, & amplam erga Deum gratitudinem comparemus.

X. Quorum peccata Deus remittit, eorum etiam morbos feliciter sanat. ex v. 3. in fine.

Per morbos autem præcipue intelliguntur inordinatæ illæ dispositiones, quibus anima impeditur ne actiones proferat vitæ spirituali congruentes. Tales morbi sunt 1. Terrores illi quibus anima adeo turbatur, ut vel fugiat plane à Deo, vel saltem non possit cum fiducia, pace, & gaudio eum querere, eique adhærere. 2. Omnes illæ dispositiones & cupiditates pravæ, quæ militant adversus animam, ad peccatum & mortem ducentes. 3. Omnes infirmitates & defectus donorum spiritualium, per quos fit, ut non perficiamus illud, quod Deo placet.

Primi generis morbi sanantur consolatione divina. Psal. 147. 3. Isa. 61. 1. Luc. 4. 18. Sanantur secundi mortificatione cupiditatum carnalium: & tertii per vivificationem spiritualem.

Sanatio ista (præsertim quoad primum genus) adeo cohæret remissioni peccatorum, ut ipsa remissio propterea vocetur nonnunquam sanatio Isa. 6. 10. Matth. 13. 15. 2 Chron. 30. 20. Hosea 14. 4. Jer. 3. 17. Dei est istos morbos sanare.

Ratio 1. Quoniam à Deo immittuntur, quatenus sunt poenæ. 2. Quia solus Deus (qui scrutatur corda & renes) morbos istos accurate perspectos habet. 3. Quia solus Deus est largitor gratiæ divinæ, per quam spirituales morbi curantur.

Deus omnes istos sanat in eis, quorum peccata condonat.

Ratio 1. Quia gratuitæ veniæ effectum est liberatio à poenis. 2. Quia majore gratia concessa, minorem non denegabit. 3. Quia eadem Christi redemptio, quæ fundamentum est remissionis, tendit etiam ad liberationem ab omni malo, præsertim spirituali. Apoc. 22. 2.

Vsus 1. Directionis, ut istos morbos in nobis agnoscentes, confugiamus ad Deum in Christo, & in usu mediorum ab ipso sanctificationum comparemus nobis balsamum illud gratiæ, quo sani reddamur.

2. *Admonitionis,* ne remissionem peccatorum & morborum istorum curationem à se invicem separemus, vel studio, vel spe, vel apprehensione nostra

XI. Dei beneficium est singulari benedictione dignum, quod vindicet

nos à morte. ex v. 4. in principio. Vindicat autem à morte 1. In justificatione, qua absolvit nos à reatu mortis; cui propter peccatum fuimus obnoxii & devoti; & sic morti aculeum suum demit. 1 Cor. 15. 56. 2. In sanctificatione, qua morbis illis omnibus medetur, qui ducunt ad mortem. 3. In efficaci providentiæ suæ dispensatione, qua omnia sic moderatur, ut immunes plane simus à periculis quibus alii exponuntur, Psal. 91, 7. vel inimicorum animos conciliando. 1 Reg. 8. 49, 50. vel ipsorum ferociam reprimendo. Gen. 31. 29. vel ipsorum consilia infatuando. 2 Sam. 15. 31. vel ipsorum potentiam minuendo. Ps. 10. 15. & 37. 17. vel ipsorum impetum avertendo 1 Sam. 23. 27. vel ipsos perdendo. Psalm. 18. 15. vel vires ad resistendum ipsis suppeditando. Psalm. 18. 33. vel denique omne malum, quod nobis quocunque modo creatur, in bonum nostrum convertendo. Rom. 8. 28.

Ratio 1 Quia hæc potestas est solius Dei. Ps. 3. 9. qui mortem ex potestate summa inferens, ab eadem solus potest liberare. Hos. 6. 1, 2. 2. Quia facit hoc directe contra merita nostra, ex sua gratia mera. 2 Cor. 1. 10, 11. 3. Quia in illum finem liberat nos à morte, ut bonitate ejus in terra viventium fruamur, ipsi vivamus, ipsumque glorificemus. 2 Cor. 4. 10, 11. Ps. 50. 15.

Vsus Directionis, quomodo nosmetipsos excitare possimus ad Deo vivendum, & ipsius nomen glorificandum: si scilicet bene nobiscum expendamus, quod quoties liberavit nos à morte, toties vitam nobis in hunc ipsum finem donavit.

XII. Deus

XII. Deus non tantum liberat nos à malis, sed etiam cumulat & circumtegit nos abundantia suæ bonitatis. ex v. 4. in fine. Dicitur autem nos circumtegere, 1. Quatenus nullam in partem convertere nos possumus, quin statim occurrat Dei erga nos bonitas & misericordia observanda. 2. Quatenus hæc bonitas Dei est nobis munimento, quo undiquaque cincti, adversus omnia pericula tuti sumus. Psalm. 31. 22. 32. 11. 40. 12. 13. 3. Quatenus simul est instar coronæ, ornatum, honorem, & gloriam nobis adferentis. Ps. 84. 12.

Ratio 1. Quia nostra necessitas hoc postulat, ne ulla ex parte nudi inveniamur, & sic periculis, quæ undiquaque nos cingunt, exponamur. 2. Quia facit hoc ad gloriam nominis Dei, ut divitias gratiæ suæ ostendat erga illos, quos constituit misericordiæ suæ vasa & exempla. 3. Quia talis est amplitudo gratiæ ac misericordiæ Dei, ut circumtegat omnes illos, qui ad eandem confugiant.

Vsus Exhortationis, ut congruenter studeamus nomen ejus omni ex parte circumtegere debita laude & honore. Ps. 26. 6. 7. & 32. 7.

XIII. Bonitas Dei non tantum externe nos circumtegit, sed etiam internè efficax est ad vitam nostram confirmandam & prorogandam. In vitæ spiritualis renovatione præstat: hoc ex ordine omni fideli. In corporali vita præstat, quando, & quatenus convenit gloriæ Dei, & nostræ salutis

Ratio 1. Quia Deus est Deus vivens, & fons vitæ, atque adeo vivere facit illos, qui ipsi adunantur.

2. Quia vita est illud ipsum, quod

ex scedere suis promissit. 3. Quia in dispensatione suæ gratiæ præparavit nobis *arborem vitæ, panem vitæ, aquam vitæ*, & omnia necessaria ad vitam. 4. Quia vitæ vigor est necessarius ad operationes illas vitales, quibus Deus à nobis est glorificandus. Ps. 92. 14. &c.

Vsus 1. *Consolationis*, adversus omnia genera infirmitatum.

2. *Directionis*, ut in Deo per Christum vitam quæramus.

XIV. Justitia Dei in vindicandis iis, qui injuste affliguntur, talis est, ut eo etiam nomine singulariter ipsi benedicere debeamus. ex vers. 6. Nam 1. Non mandat tantum Judicibus, ut justitiam ipsis faciant, sed ipsemet facit justitiam ipsis. 2. Non ex parte tantum justitiam facit, sed accurate facit justitiam & judicium, id est, judicium accurate justum. 3. Non semel aut iterum tantum hoc præstat, in una aut altera causa, sed commodam justitiam & judicium facit prout occasio fert; quod plurali numero significatur *justitias, & judicia*. 4. Non paucis quibuldam hoc præstat in causis majoris notæ, sed *omnibus* oppressis.

Hanc autem justitiam exercet Deus 1. In liberatione injuste oppressorum, prout sapientiæ ejus divinæ maxime videtur consultum. Prov. 11. 8. 2. In justa pœna oppressorum. 2. Thessal. 1. 6. 3. In benigna remuneratione eorum, qui ex fide, propter conscientiam Dei, patienter tulerint injurias oppressorum. 2. Thess. 1. 7. Matth. 5. 10. 1 Petr. 2. 19. & 3. 14. & 4. 14. &c.

Ratio 1. Quoniam hoc proprium munus est Dei, prout summus judex

dex est totius terræ. 2. Quia singulariter in se recepit causam pauperum & pupillorum, tanquam pater & patronus ipsorum. Prov. 23. 11. Psa. 10, 11. & 68. 6. 3. Quia pauperes oppressi singulariter solent fidem & opem ejus implorare. Exod. 22. 23. 27. Deut. 24. 15. Psal. 12. 7. & si ipsi taceant, res ipsa clamat coram Deo, ut sanguis Abelis. Jac. 4. 5

Vsus 1. Directionis, ut ædificemus nosmetipsos in hac fide, ut debitam laudem Deo tribuere possimus. 2. *Consolationis*, adversus omnes injurias potentium oppressorum. 3. *Exhortationis*, ut in patientia animas nostras possideamus, & injurias nostras Deo commendemus judicandas.

XV. Eo nomine maxime benedicendum est Deo, quod semetipsum nobis efficaciter per Prophetas & Apostolos revelavit. ex vers. 7 Proponitur enim istis verbis. 1. Quod non tantum insinuaverit populo suo res divinas, sed etiam *notas* eas fecerit. 2. Quod notas fecerit vias suas, tam quas ipse observat erga nos, quam quas à nobis observari vult erga se. 3. Quod notas eas fecerit, non verbo tantum, sed & factis. 4. Quod ita manifestaverit illas Moysi, similibusque viris Dei, ut per eorum manum & operam non aliter communicarentur Ecclesiæ per omnes generationes, quam solis opera lumen sensibile per omnia secula communicatur mundo.

Ratio 1. Quia testimonium hoc est singularis Dei favoris, & amicitie cujusdam, quod voluntatem suam nobiscum communicare dignetur. Psalm. 147. 19. Joh. 15. 15. 2. Quia in ista communicatione

consistit omnis vera sapientia & prudentia. Deut. 4. 6. 3. Quia ex ista revelatione voluntatis Dei, pendet vita nostra æterna. Deut. 32. 47. Jac. 1. 18. 21. 1 Petr. 1. 23. 4. Quia efficax manifestatio voluntatis Dei, conjunctam habet gratiosi ac salutiferi fœderis rationem. Hebr. 8. versic. 10, 11. 5. Quia ex hujus fœderis promissionibus cæterarum omnium benedictionum fides & consolatio dependet. Rom. 15. 4.

Vsus 1. Informationis, ut in condigna estimatione habeamus privilegium hoc populi Dei. Rom. 9. 4. 2. *Admonitionis*, ut omni collato studio certam nobis reddamus istam benedictionem, illud semper agentes, ut verbum Dei apud nos non consistat in sermone solum, sed in virtute, &c. 1 Thess. 1. 5. 2 Thess. 1. 14

XVI. Inter illa quæ Deus nobis de semetipso revelavit, præcipue advertere animos debemus ad ejus bonitatem rite apprehendendam. ex vers. 8. Ubi David ad suum usum præcipue accommodat hanc partem descriptionis illius quam Deus ad gloriam suam manifestandam tradidit olim Moysi. Exod. 34. 6. in qua bonitas Dei imprimis nobis commendatur, idque pluribus verbis, eodem quidem spectantibus, quibus tamen, cum varietate quadam rationis, plurimum illustratur. Quatenus enim Dei bonitas extenditur ad miseros; vel actu, ut ab illa liberentur; vel saltem potentia, ut ab eadem conserventur, vocatur *miserericordia*: quatenus ad eosdem absque ullis meritis, gratis extenditur, appellatur *gratia*: quatenus non facile superatur ab hominum peccatis,

tis, sed eadem tolerantia vincit, *longanimitatis* voce notatur: quatenus abundans, & dives est, ad felicitatem nostram perficiendam, *benignitatis* titulo designatur, cum nota quantitatis, *multa*.

Ratio 1. Quia bonitas ista constituit fidei salvificæ objectum formale, atque adeo apprehensio & meditatio ejus directe facit ad ædificationem nostram in fide, & consolatione firma. 2. Quia nihil efficacius, tam ad superbam arrogantiam, aut carnis fiduciam ab una parte reprimendam, quam ad abjectam desperationem, ab altera parte removendam, quam recta apprehensio hujus bonitatis. Neh. 9. v. 17. 3. Quia hæc bonitas efficacissime invitat nos ad resipiscentiam, & studium obedientiæ novæ. 4. Quia ejusdem bonitatis cognitio maxime urget & constringit nos, ad bonitatem & charitatem erga homines exercendam. 1. Joh. 4. 8. 11. 5. Quia necessaria est ad confirmandos animos nostros in invocatione Dei. Psal. 32. 6. & 34. 4. 6. & 86. 15. 6. Quia eo maxime directe facit contemplatio bonitatis divinæ, ut animas nostras accendat ejus amore, & excitet nos totos ad omne studium ipsi benedicendi. Psal. 118. 1, &c.

Vsus directionis, ut frequentes & multi simus in pia contemplatione bonitatis Dei: ita scilicet, ut per eandem in resipiscentia, fide, spe, charitate magis magisque proficiamus.

XVII. Ex suspicienda bonitate & misericordia Dei provenit, quod non penitus, perpetuo, & in æternum incumbat nobis implacabilis ejus ira; ex versiculo 9, 10. La-

ment. 3. 22. 31, 32, 33.

Ratio 1. Quia si ex rigore justitiæ nobiscum ageret Deus, peccatum unum nostrum qualecunque, & multo magis multa & maxima illa quorum consciis nobis sumus, traherent secum iram æternam. Ex gratia igitur Dei est, quod jus suum adversus nos non prosequatur. vers. 10. 2. Quia resipiscentiam tantum postulat à nobis, ad iram suam avertendam. Hos. 6. 1, 2. 3. Quia illam ipsam resipiscentiam prævenit, & largitur. Jerem. 32. 39. Ezech. 11. 19. & 16. 62. & 20. 44. & 36. 26. 4. Quia etiam postquam iram suam averterit à nobis, eandem tamen multis modis assidue provocamus.

Vsus directionis, quomodo & ex bonitate Dei spem concipere possimus, & consolationem acquirere adversus reatum peccatorum nostrorum; & etiam ab altera parte, ex consideratione nostrorum peccatorum, assurgere debeamus ad bonitatem Dei celebrandam.

XVIII. Immensitas bonitatis divinæ in eo apparet, quod gravia peccata fidelium plane & penitus removeat ab ipsis. ex vers. 11, 12. Ubi per amotionem peccatorum, intelligitur proprie abolitio reatus, qua fit, ut peccata in effecto suo proprio, debitiæ scil. vindictæ, in ipsorum capita nunquam sint reditura.

Ratio 1. Quia peccata nostra quæ abolerentur, sunt aliquo modo immensa & infinita. 2. Quia meditatio Christi, per quam abolerentur, est pretii immensi. 3. Quia hæc abolitio talis est, ut beatitudinem secum trahat immensam.

Vsus 1. *Consolationis*, erga omnes fideles. 2. *Directionis*, quomodo animos

animos nostros eousque elevare debemus in contemplatione hujus bonitatis Dei, ut immensitatem ejus cum admiratione possimus celebrare.

XIX. In miseratione Dei erga suos, perfectio affectus patris erga suos liberos continetur, v. 13. Ubi incomparabilis Dei amor erga suos, similitudine amoris patris erga suos filios, sic explicatur, ut 1. Deus non tantum comparetur patri, sed etiam statuatur pater fidelium omnium per gratuitam adoptionem. 2. Intimus & tenerimus affectus ille, quibus viscera paterna erga parvos liberos in miseria positos commoveri solent, Deo tribuatur in omnimoda perfectione **ON 7**. 3. Indoles eorum notatur, circa quos paternus iste Dei amor versatur, quod scil. *Dei timentes*..

Ratio 1. Quia Deus est author illius affectus laudabilis qui est in parentibus erga suos liberos: ita ut ab ipsius bonitate derivetur, & exiguum tantum umbram contineat bonitatis divinæ. 2. Quia major multo est constantia in amore Dei, quam in amore parentum, Psalm. 27. 10. Jer. 49. 15. 3. Quia cum sapientia summa, ad summum bonum nobis communicandum, exeritur: quo utroque respectu deficit affectus patris terrestris, Hebr. 12. 10.

Ufus 1. Consolationis, erga omnes fideles: quoniam à Deo pro filiis agnoscuntur, & perfectissima privilegia filiorum possunt expectare. 2. **Admonitionis**, ne paternam Dei indulgentiam in peccandi licentiam trahamus.

XX. Deus ex misericordia & indulgentia sua paterna, attemperat suas vias infirmitati, & fragilitati

nostræ, ex v. 14, 15, 16. Ubi cum Deus dicitur *novisse* nostram fragilitatem, intelligitur notitia efficax, cum dispensatione scilicet tali fragilitati congruente, non quod fragilitas nostra sit (proprie loquendo) causa provocans Deum ad nobis indulgendum, sed quod Deus ex sua misericordia, talem habeat rationem hujus infirmitatis, ut sit illa quasi pro regula aut mensura dispensationis illius qua nos castigat, Psalm. 78. 9.

Ratio 1. Quia absque hoc temperamento, homines non magis consisterent coram ira Dei vel minimum accensa, quam arida stipula coram igne ardente, Jer. 57. 16. 2. Quia hæc singularis laus est providentiæ divinæ, ut non sinat suos tentari supra illud quod dat ipsis posse, 1 Corinth. 10.

Ufus directionis, ne infirmitatis nostræ considerationem impedire aut morari sinamus fiduciam nostram erga Deum, sed potius eandem aliquo modo confirmet, Job 7. 7.

XXI. Tanta est bonitatis Dei constantia, ut sustentare nos debeat adversus quamcunque fragilitatem nostram, ex vers. 17. Ubi benignitas, & justitia, vel fidelitas Dei opponitur hominum infirmitati, tanquam unicam fulturam & solatium quod habent sibi relictum, & in illum finem celebratur constans ejus duratio; quod scil. nullis finibus fluxu temporis contineatur, sed fuerit ab omni seculo, & in omne seculum sit permanens.

Ratio 1. Quia Deus in se æternus est, & immutabilis. 2. Quia verbum & fœdus ejus manet in æternum, Jer. 40. 8. & 54. 7, 8, 9, 10. 1 Pet. 1. 25. 3. Quia præcipua dona, quæ ex vi fœderis ex ista benigni-

rate nobis communicantur, nunquam prorsus auferuntur, Rom. 11. 29. 4. Quia ista benignitas non tantum singulares personas completatur, sed quasi hæreditario jure ad posteros etiam descendat, sicut est in textu.

Uusus 1. directionis, quomodo solidam ac stabilem consolationem querere debeamus in constanti benignitate Dei, adversus omnes infirmitates, & mutationes, quibus in nobis ipsis obnoxii sumus. Hinc Psalmista confugit ad Deum, tanquam ad petram, & rupem, Psal. 18. 3. id est, confidit in immobili ejus benignitate, ne consolatio ipsius dimoveatur, Psal. 16. 18. & 21. 8. 2. *Exhortationis*, ut constantem istam benignitatem Dei congruenter celebremus cum omni constantia & assiduitate, Psal. 136. cum 1 Chron. 16. 41.

XXII. Ex ista benignitate consolationem solidam habent omnes & soli pii, id est, secundum descriptionem hic positam, qui reverenter ipsum querunt, colunt & cum omni reverentia subjiciunt sese ejus verbo, tam quoad internam custodiam ac attentionem, quam quoad externam operationem, idque constanter, absque oblivione, ex v. 17, 18.

Ratio 1. Quia bonitas ista Dei, quæ efficax est ad solidam consolationem, est solis piis præparata, Psal. 31. 19. Jes. 64. 4. 1 Cor. 2. 9. 2. Quia alii non querunt eam, in illa saltem via, qua possit inveniri. 3. Quia impii indignos sese reddunt, & ineptos ad eam participandam, Ion. 2. 8.

Uusus 1. Redargutionis, adversus eos qui de bonitate Dei omnia præsumunt, studio pietatis neglecto. 2. *Consolationis*, erga omnes illos qui

syncere Deum timent, secundum illam descriptionem pii timoris, quæ hoc in loco probatur.

XXIII. Ad consolationem solidam in benignitate Dei consequendam, plurimum facit consideratio summi illius regni, quod obinet & exercet in omnes creaturas, ex vers. 19.

Ratio 1. Quia regnum Dei omnem pacem, bonum & salutem adfert filiis ejus, Jes. 52. 7. Psalm. 146. 5, 10. 2. Quia huic regno ita subjiciuntur omnes creaturæ, ut impedire non possint, quo minus benignitas Dei communicetur eis quibus est præparata: sed eidem debent inservire, Psalm. 93. 3, 4, 5. & 97. 10, 11. 3. Quia hujus regni consideratio justa ingenerat nobis & auget timorem, illum Dei, quo idonei reddimur ut benignitate Dei, fruamur, Psal. 2. 11. Jer. 5. 22.

Uusus directionis, Quomodo cum maximo fructu meditari possumus de summo Dei in omnes creaturas imperio ac dominatione.

XXIV. Benignitate & majestate Dei sic affici nos par est, ut tam sanctos angelos, quam alias omnes creaturas in societatem laudandi nominis ipsius, prout possumus, accersamus, ex v. 20, 21, 22. ubi 1. Angelos & cæteras creaturas hortatur Propheta ad benedicendum Deo, non quod indigeant illæ hortationibus & stimulis ipsius, sed ut hac ratione studium suum summum erga Dei gloriam declararet.

Ratio 1. Quia hac ratione testamur nos nobismetipsos non satisfacere in eis quæ vel præstamus, vel possumus præstare ad Dei gloriam extollendam; sed multo adhuc majorem benedictionem Deo optare ac votare.

vovere. 2. Quia sic agnoscimus præstantiam hujus officii, in quo solo Angelos ipsos cum cæteris omnibus creaturis occupandos esse censemus.

3. Quia dum alias creaturas ad Deum laudandum provocamus, hoc ipso facto Deum vel maxime laudamus, dum gloriam ejus manifestamus, & quantum in nobis est promovemus. 4. Quia istiusmodi exemplis expergefaccimus nosmetipsos ad conatus nostros ferventius intendendos, & operam diligentius huc impendendam. 5. Quia in istis meditationibus cum voto pio conjunctis, efficaciter nobismetipsis repræsentamus id eam quandam perfecte Deo benedicendi. Huc facit descriptio illa benedictionis ab Angelis & aliis creaturis proficiscentis, quæ

in textu habetur. Orationis Dominicæ 1 Pet. 3. 6. Quia in ista contemplatione creaturarum, copiosam habemus materiam Deo benedicendi, in istum ipsum finem præparatam, ut nos excitemur & juvemur in hoc officio præstando. 7. Quia hoc promptos nos reddit & ostendit, ad omnem occasionem captandam Dei glorificandi.

Uſus 1. *Exhortationis*, ut omni modo & conatu studeamus officium hoc glorificationis Dei magis magisque adimplere.

2. *Informationis*, ne Angelos invocando laudemus tanquam Dominos, sed vocemus ad Deum nobiscum laudandum, tanquam ejusdem Domini conservos.

PSALMUS CENTESIMUS QUARTUS.

Benedic anima mea Iehovæ, Iehova Deus mi, magnus es valde, decorem & majestatem induisti.

2. Amiciens te luce tanquam panno, extendens calos tanquam aulaeum.

3. Qui contignat in aquis cœnacula sua; qui disponit densas nubes in vehiculum suum, qui itat super alas venti.

4. Qui facit angelos suos ventos, ministros suos ignem flammantem.

5. Fundavit terram super bases ejus, ne dimoveretur in seculum & perpetuum.

6. Abyſſo ut indumento operucas eam, supra montes stantibus aquis.

7. Ex increpatione tua diffugerunt, à voce tonitru tui accelerarunt fugam.

8. Conſcenderunt per montes, descenderunt per convalles, in locum quem fundaveras ipsis.

9. Terminum opposuisti, ne tranſeant; ne revertantur ad operiendum terram.

10. Qui emittis fontes per valles, ut inter montes ambulent.

11. Potum præbeant omnibus animantibus agri, frangant onagri ſitim suam.

12. Iuxta illos volatilia cœli habitent, è medio frondium edentia vocem.

13. Qui irrigat montes è cœnaculis ſuis, ut à fructu operum tuorum ſatietur terra.

14. Faciens ut germinet ſænum ad jumentum, & herba ad hominis uſum; ut depromant cibum è terra:

15. Qui vino lætificat cor mortalis, niſidam efficit faciem oleo; & cibo cor mortalis fulcit:

16. Satiantur arbores Iehovæ, cedri Libani quas plantavit :
17. (Ubi aviculæ nidifcent) abietes domicilia ciconiæ ;
18. Montes excelsissimi rupicaprarum, petraë montanorum murium per-
fugium.
19. Statuit Lunam in stata tempora, Solem agnoscentem occasum suum.
20. Disponis tenebras, ut sit nox : qua crepuit omnia animantia fibræ ;
21. Furvenes leones rugientes ad prædam, & quidem quærendo à Deo forti
escam suam.
22. Exoritur sole recipiunt se, & in lustris suis recubant.
23. Prodit homo ad opus suum, & ad culturam suam usque ad vespèram.
24. Quam ampla sunt opera tua, ô Iehova ! quam ea omnia sapienter fecisti !
quam plena est terra possessione tua !
25. In ipso mari magno & spatioso ; illic reptilia sunt atque innumera, ani-
mantia parva cum magnis.
26. Illic naves ambulant ; balæna quam formasti, ludendo in eo.
27. Omnia ista in te expectationem habent, ut des escam istorum tempore
suo.
28. Te dante ipsis colligunt, aperiente manum tuam satiantur bono :
29. Abscondente faciem tuam conturbantur ; recipiente spiritum eorum expi-
rant, & in pulverem suum revertuntur :
30. Emittente spiritum tuum recreantur : denique renovas faciem terra.
31. Sit honor Iehovæ in seculum, latetur Iehova in operibus suis.
32. Quo intuentem in terram tremuit illa, attingente ipsos montes ; fionant.
33. Canam Iehovæ in vita mea, psallam Deo meo quantisper ero.
34. Sævis erit de eo meditatio mea, ergo lætabor in Iehova.
35. Deficiant peccatores à terra, & improbi amplius non sint : benedic anima
mea Iehovæ, halelu-Iah.

A N A L Y S I S.

SCopus Prophetæ in hoc Psalmo est, semetipsum & alios ad Dei nomen celebrandum exhortari. Hæc exhortatio proponitur primo simpliciter & contracte, versic. 1. in principio. Secundo in loco efficaciter suadetur, usque ad v. 31. & postea magis explicatur, deducitur & exornatur in conclusione, à v. 31. ad finem. Propositio eadem est, quæ fuit in Psalmo priore. Sed suasionis ratio est plane alia. In priore enim Psalmo benedictionis argumenta petebat Propheta à beneficiis Dei in ipsum collatis.

Hic autem omnia argumenta petuntur à magnificentia & gloria illa Dei quæ in communibus ejus operibus eleucet. Hæc vero majestas & gloria Dei 1. Generatim celebratur v. 1. Vbi Deus dicitur *magnus*, non molis dimensione, sed virtutis & rerum gestarum gloria, sicut inter homines, Alexander, Pompejus, Carolus, à rerum gestarum fama hunc titulum sunt consecuti. Dicitur etiam *indutus* decore & majestatem, propter abundantiam gloriæ qua sic omni ex parte cinctus est, ut nihil ad ipsum petens possit à nobis

nobis rite cogitari, quin simul gloria ejus veniat nobis in mentem. Hæc eadem gloria Dei postea speciatim & per partes declaratur in operibus creationis, gubernationis, & conservationis mundi.

Primum igitur commemoratur creatio lucis; tam quia prima fuit ordine temporis (primæ utiq; fuit diei opus) quam quia prima est dignitate inter omnes sensibiles creaturas, & etiam proxima accedit ad inaccessiblelem Dei gloriam, sicut vestis regalis est proxima regi.

Secundo in loco cælum proponitur, id est, totum expansum, quod fuit opus secundæ diei; cujus multiplex usus declaratur, tam ad maiestatem divinam, cujus conspectum ferre non possumus nostris oculis subducendam, instar aulæi, verf. 2. quam ut in illo Deus distincta habeat loca, unde semetipsum pro suo beneplacito tanquam ex cænaculis prodiens manifestaret; & instrumenta etiam accommodata ad manifestationem illam cum omni celeritate perficiendam, tanquam vehicula alata, v. 3, 4.

Subjunguntur istis opera tertiæ diei, terra, mare, flumina, plantæ, à v. 5. ad 19. Ubi notatur 1. Terræ stabilitas, quamvis nullas bases habeat super quibus consistat præter voluntatem Dei, v. 5. 2. Commoda separatio aquarum à facie terræ, verbo Dei potente statim procurata, verf. 6, 7, 8, 9. 3. Ordinatissima distributio aquarum ad usum animantium, v. 10, 11, 12. 4. Temperata suppeditatio aquarum ex cælo, ad terram vegetandam, & frugiferam reddendam, v. 13, 14. 5. Commoditas plantarum & fructuum terræ, ad alimentum & usum ju-

mentoribus hominum, volucrum & bestiarum ferarum, v. 15, 16, 17, 18. Adduntur opera diei quartæ, id est, sidera cœli, verf. 19. ad 25. Ubi notatur 1. Effectum eorum immediatum in distinctione diei ac noctis, & reliquorum temporum statutorum, v. 19. 2. Usus varius horum temporum ex ordinatissima Dei dispositione, verf. 20, 21, 22, 23. 3. Accommodatur hæc dispensatio Dei, ad laudem potentis, sapientis, & dominationis Dei, v. 24.

Subjiciuntur opera quintæ diei, pisces, nempe, verf. 25, 26. Qui declarantur 1. A subjecto, domicilio ipsis præparato, *mari* quantitate *magno*, & *spatio*. 2. Ab adjuncto multitudinis, quod sint *innumera*. 3. A generum varietate *parva cum magnis*. 4. A comparatione navium in eodem mari ambulantium. 5. A specie una primaria, & maxime notabili, balæna.

Hactenus fuit historia creationis & ordinationi (sextæ diei operibus, id est terrestribus animantibus, obiter commemoratis) ad usum terræ declarandum, v. 14, &c.

Sequitur earundem creaturarum conservatio, precipue animantium, in quibus hæc dispensatio maxime apparet, v. 27, 28, 29, 30. Ubi dependentia eorum ex manu aut providentia Dei notatur, tam quoad cibum, quam quoad vitam & propagationem.

Ex istis omnibus conclusio insertur benedictionis divinæ. Quæ proponitur 1. Sub forma voti, tam respectu aliorum, qui saltem cogentur honorem ipsi tribuere terribilis ejus majestatis, v. 31, 32. quam respectu sui, in hujus officii studio, qui

omnem alacritatem, constantiam, & gaudium proficitur ac promittit. v. 33. 34. 2. Sub forma imprecationis adversus eos qui honori Dei se opponunt. v. 35. 3. Sub forma exhortationis, qua tam semetipsum, quam alios pios hoc nomine compellat.

DOCUMENTA.

I. Ad Deum rite laudandum, requiritur attentio religiosa tam ad animas nostras in ordine ad Deum, quam ad Deum in ordine ad nos vel animas nostras. ex vers. 1. in principio. ubi Psalmista primo semetipsum alloquitur ut Deo obstrictum, & postea Deum, ut omnem laudem de se merentem.

Ratio. 1. Quia dispositio congrua requiritur ad hoc officium recte præstandum; & illa dispositio acquiritur, fovetur, excitatur, & in actum elicitur per debitam contemplationem sui proprii objecti, id est, Dei, prout est noster Deus.

Ufus Directionis, quomodo exercere nos possimus in spiritualibus soliloquiis, ad Dei gloriam, & nostram ædificationem.

II. In Deo attendendum imprimis ad infinitam ejus majestatem & gloriam. ex v. 1. in fine.

Ratio. 1. Quia majestatis hujus consideratio ingenerat nobis reverentiam, humilitatem, & admirationem, quæ sunt dispositiones necessariæ ad piam Dei laudationem.

2. Quia ista majestas & gloria est inter primaria argumenta, quibus excitari debemus ad Deum laudandum. Quamvis enim infirmitas nostra talis sit, ut magis affici soleamus benedictionibus Dei in nos collatis, aut conferendis; hinc ta-

men assurgere debemus ad illum affectum quo Deum eo nomine celebremus, quia est in semetipso (exclusa omni consideratione nostri boni) dignus omni honore. In hoc enim affectu, purus amor Dei apparet, seposito amore nostri; Deus honoratur ut ultimus finis, ac summum bonum; & simul etiam ædificamus nos in fide & charitate.

Ufus Increpationis, ad corrigendam curvitatem illam animarum nostrarum, qua fit, ut non nisi raro, & cum difficultate magna, & exigua nimis alacritate, elevari soleant ad Deum hunc in modum laudandum, & celebrandum.

III. Majestas & gloria Dei in creaturis ita elucet, ut ex earum consideratione debeamus excitari ad Dei nomen celebrandum. ex v. 1. cum seq.

Ratio 1. Quia sicut vis causæ apparet semper in suo effecto, sic divina creatoris virtus (potentia, sapientia, bonitas) in operibus ejus apparet, ubi quam plurima vestigia sui relinquit. 2. Quia eadem creaturæ, quatenus sunt aliquo modo adjuncta Dei, eo spectant, ut decus, & majestatem Dei exhibeant nobis observandam. 3. Quia sunt etiam instrumenta Dei, ad illa perficienda, quæ majestatem summum declarant.

Ufus Redargutionis, adversus illos, qui vel utuntur creaturis ut bruta, contemplatione ipsarum neglecta, vel ut naturales tantum philosophi, non ut Dei cultores, easdem contemplantur.

IV. Inter creaturas omnes sensibiles, excellit lux in gloria Dei manifestanda. ex v. 2.

Ratio. 1. Quia est omnium creaturarum pulcherrima, & causa omnis pulchritudinis in mundo, faciens tum ut sit, tum etiam ut appareat. Unde etiam est, quod in textu comparatur velli ornatae decorae, quae sic mundum ornat, ut magis gloriosa veltis Deo ipsi non possit attribui per ullam analogiam. 2. Quia admirabilem habet puritatem, ita ut nulla iniquatione contaminetur, quamvis transeat per spurcissima quaque loca. Quia in re imaginem quamdam exhibet puritatis divinae. 3. Quia effectiones maximas, maximeque beneficas exequitur in inferioribus creaturis, illustrando, purificando, calefaciendo, vivificando, & exhilarando: quibus influentis divina beneficentia quoad corporalia bona de caelo ad nos actu dirivatur, & quoad spiritualia, quasi in speculo repraesentatur. Hinc est quod Deus in Scripturis lux vocetur, ac Pater luminum, & inhabitare lucem inaccessam, Christus etiam, Evangelium, & ejus praecones, Apostoli, lux mundi appellentur, & omnes Christiani, quatenus illustrati sunt cognitione spirituali, & gratiae salutiferae participes facti, dicuntur lux esse.

Usus Redargutionis, adversus eos qui in medio lucis adeo caecutiunt, ut Deum ejusque providentiam non agnoscant.

V. Caelum expansum gloriam & majestatem Dei variis modis exhibet nobis contemplandam. verf. 2, 3, 4.

Ratio 1. Ingens extensio hujus expansi immensitatem Dei declarat, & aliquo modo repraesentat. 2. Artificium, manupretium, & orna-

rus qui in hoc expanso apparet, quasi aulxi aut conopei vicem gerit ad gloriam & majestatem Dei illustrandam: cujus fulgorem ita remouet ab oculis nostris, ut naturam ejus quasi per transfennam exhibeat spectandam. 3. Sensusio & coagmentatio aquarum natura sua diffluentium, super aereo fundamento hoc suspiciendam omnipotentiam Dei ostendit Job. 26. 8. & 37. 15. Proverbior. 8. 28. 4. Ordinata dispensatio harum aquarum, in varios usus quasi in coenaculis repositarum, hoc sapientem Dei providentiam declarat cum potentia summa conjunctam. Job. 37. 11. 12. 5. Circumactio nubium ac ventorum cum summa velocitate, nunc in has, nunc in illas partes ad voluntatem Dei perficiendam, tum majestatem indicat multo majorem illa quam reges terrestres curribus regis ostentare solent, tum etiam supereminentem efficaciam ejus providentiae. Psalm. 18. 10, 11. Jes. 19. 1. 6. Haec tota directio ita perficitur, & saepe per angelos, ut in eadem quasi in speculo, visibilis imago exhibeatur gloriosi illius ministerii, quod à coelestibus angelis Deo praestatur. verf. 4.

Usus 1. *Informationis*, non fortuito casu fieri quidquam eorum quae maxime contingentia videntur, sed ex nutu & voluntate Dei pendere. 2. *Directionis*, quomodo ex contemplatione caeli hujus visibilis adspirare animis debeamus ad caelum supremum, Deum inde glorificantes, & nosmetipsos in fide ac observantia magis magisque exedificantes.

VI. Dispositio terrae ac maris, multi-

multiplicem suppeditant nobis materiam Deum glorificandi, à vers. 5. ad 19.

Ratio 1. Fixa stabilitas tantæ ac talis molis, qualis est globus terræ, ac maris in medio tenuis ac mobilis aeris suspensæ, tanquam super basin firmissimæ soliditatis, hoc divinæ potentæ admirationem fixam & immobilem in animis non est is parere debet, v. 5. Psalm. 24. 2. & 78. 69. Job 26. 7. & 38. 4, 5. Proverb. 8. 29. 2. Separatio maris à facie terræ habitabilis, ad vitam & usum, ut aliorum animalium, sic præcipue hominum, accommodata sapientiam ac bonitatem Dei, una cum potentia ejus distincte nobis percipiendam offert, vers. 6, 7, 8, & 9. Job 38. 10, 11. Psalm. 148. 6. Jer. 5. 22. 3. Quomodo distributio aquarum in omnes partes terræ, quasi per aquæ ductus in illum finem præparatos, ut inserviant animalibus potandis, talem indicat providentiam Dei circa totum mundum, qualem bonus paterfamilias habet circa domum suam, quando eidem prospicit necessario potu, v. 10, 11, & 12. 4. Benedictio pluviarum non patitur bonam Dei providentiam esse testimonii expertem, vers. 13, 14. Act. 14. 17. Jerem. 5. 24. 10, 13. & 14. 22. Jes. 55. 10. Deut. 11. 14, 15. 5. Ex terra & aqua inter se conjunctis & commixtis, tanta suppetit copia donorum, tam voluptati quam necessitati nostræ inservientium, ut benignitatis Dei plena sit terra, vers. 15, 16, 17, 18. Psalm. 119. 64.

Usus Exhortationis, ad Deum in operibus istis agnoscendum, eoque nomine benedicendum, &

cum omni gaudio colendum.

VII. Sidera cœli singulariter enarrant gloriam Dei, à vers. 19. ad 24.

Ratio 1. Quia per omnia secula observant curium & ordinem a Deo constitutum, in summa varietate constantem, vers. 10. unde tam omnipotentia Dei, quam stabilitas consiliorum ac promissionum ejus, & imperium quod exercet in omnes creaturas manifeste apparet, Jer. 31. 35, 36. 2. Quia indicant nobis fluxum ac successionem temporum, & faciunt vicissitudines tempestatum, incommoditatem tum reliquorum animantium, tum præcipue generis humani, in quo bona Dei providentia tam clare eleucet, ac si Solis radiis scriberetur, vers. 20. ad 24.

Usus Exhortationis, ut hac dispensatione Dei, quæ quotidie ingerit se sensibus nostris, singulariter excitemus nosmetipsos ad Deum glorificandum ex admiratione potentæ, sapientiæ, & providentiæ ejus, vers. 24.

VIII. In mari magno, magnam materiam habemus Deum glorificandi, v. 25, 26.

Ratio 1. Vastitas ipsa maris apprehensionem nobis ingerit numinis divini, cum religioso quodam horrore, magno & spatiofo. 2. Multitudo, varietas, & granditas animantium, quæ sine ope aut cura humana, & sine ullis mediis homini perceptibilibus, generantur, nutriuntur, & conservantur, incomprehensibiles vias potentæ, & sapientiæ, & bonitatis Dei declarant. 3. Navigatio illa quæ arte & industria hominum exercetur ad mutuam communicationem bonorum inter

inter diffitas gentes, providentiam divinam multo magis commendat, quam humanam, verf. 26.

Ufus directionis, quomodo Deum glorificare discamus etiam ex iis operibus ejus, quæ sunt remota à sensu & usu nostro quotidiano.

I X. Dependencia omnium viventium ex manu Dei, vividam gloriam Dei ostendit, versic. 27. ad 31.

Ratio 1. Quod cibariis commodis tam ingentem numerum animalium sustentet solus; hoc magnificentiam ejus illustrat, v. 27, 28. 2. Quod ex subtractione beneficiæ præsentis Dei, omnium vita morte commutatur; hoc iræ ejus terrorem demonstrat, v. 29. 3. Quod spiritu quodam vivificante reficiat, & per successionem renovet omnia animalia secundum sua genera; ex eo potentia, bonitas ac providentia ejus tam evidenter apparet, ut possit quasi palpari, v. 30.

Ufus 1. *Directionis*, quomodo ex omnium viventium sustentatione, defectione, & restitutione, ansam arripiamus Deum glorificandi. 2. *Exhortationis*, ut cum spirituali sensu & affectu, in omni parte vitæ, ac mortis à Deo pendeamus.

X. Ex pia contemplatione operum Dei, excitatur animus ad omnimodum honorem Deo votendum, ex v. 31. in princ.

Ratio. Quia desiderium & primus est affectus qui circa bonum versatur, & est etiam primarius, quate-

nus extendit sese, ultra omne illud quod possumus præstare.

Ufus Exhortationis, ad desideria ac vota sancta, ex omni occasione tam concipienda, quam fovenda.

XI. In isthoc honore ita delectatur Deus, ut æquabili cursu beneficentiam suam per creaturas ad nos lubens derivet, ibid. in fine

Ratio. Quia sic ordo à Deo constitutus & approbatus observatur, & finis operum Dei obtinetur.

Ufus admonitionis, ne hoc officium negligamus, quo Deus ita delectatur. Nihil enim nobis est magis optabile, quam ut Deus lætetur benefaciendo nobis, Deut. 28. 63. neque magis horrendum quidquam, quam ira Dei: sicut proximo v. 32. declaratur.

XII. Eo anniti debemus proposito firmo, & sincero conatu, ut nos etiam maxime delectemur in Deo, ejusque honore, ex v. 34.

Ratio. Quia hæc est perfectio officii nostri, principium beatitudinis, & causa omnis alacritatis & constantiæ in Deo honorando, v. 33.

Ufus increpationis, adversus illos qui non nisi cum tædio in cultu Dei versantur.

XIII. Cum pio hoc affectu conjungitur detestatio impietatis in mundo regnantis, v. 35.

Ratio. Quia per illam opera Dei polluuntur, & honor ejus non solum impeditur, sed & impugnatur.

Ufus Redargutionis, adversus illos qui ita pietatem profitentur, ut impiis interim favere possint.

PSALMUS CENTESIMUS QUINTUS.

Celebrate Iehovam, proclamate nomen ejus; notas facite in populis actiones ejus.

2 Canite ei, psallite ei; confabulamini de omnibus mirabilibus ejus operibus.

3 Laudibus vos efferte in nomine sancto ejus, latetur animus quarcumque Iehovam.

4 Requirit Iehovam robur ejus; quærite faciem ejus jugiter.

5 Recordamini mirabilium ejus operum quæ fecit: prodigiorum ejus, & judiciorum oris ejus.

6 O semen Abrahami servi ejus, o electi ejus filii Iahakobi.

7 Hic est Iehova Deus noster, in tota terra judicia ejus sunt.

8 Recordatur in seculum fœderis sui; verbi quod præcipit, in mille generationes.

9 Quod pepigit cum Abrahamo, & juramenti sui præstiti Iitzhako.

10 Quod præstitit Iahakobo id statutum: Israël in fœdus perpetuum:

11 Dicendo, tibi daturus sum terram Cenahanis: funiculum possessionis vestrae.

12 Quamvis essent homines pauci, plane pauci & inquilini in ea.

13 Itarentque à gente in gentem, à regno in populum alium:

14 Non permisit cuicumque opprimere eos, etiam reprehendit propter eos reges.

15 Ne attingitote (inquiens) unctos meos, & prophetas meos ne afficiote malo.

16 Quum advocans famam super terram: omnem scipionem paupis fregit;

17 Mi serat ante eos virum præstantem; qui ad servitutem venditus erat, Iosephum:

18 Cujus pedes affligerunt compede, ferrum subivit ipse,

19 Usque ad tempus quo erat adventurum verbum ipsius: sermo Iehovæ probavit eum.

20 Mittens rex expediri jussit eum, & dominator populorum idem solvit eum:

21 Præposuit eum dominum familiae suæ, & dominatorem in totam possessionem suam:

22 Ut vinciret principes ejus ex animo suo, & seniores ejus informaret.

23 Deinde venit Israël in Ægyptum, & Iahakob perigrinatus est in regione Chami:

24 Ubi cum fecisset Deus ut sætificaret populus suus valde, & potentiorum eum effecisset hostibus suis,

25 Mutavit animum illorum ut odio haberent populum suum; ut machinarentur contra servos suos.

26 Misit Moschen servum suum, Aharonem quem elegerat:

27 Qui

- 27 Qui exposuerunt apud eos verba signorum ejus, & prodigiorum in regione Chani.
- 28 Misit tenebras, & obtenebrarunt eam, neque rebellarunt signa contra verbum ejus.
- 29 Mutaverat aquas illorum in sanguinem, & morte affecerat pisces eorum.
- 30 Abunde produxerat terra illorum ranas, invadentes penetralia regum illorum.
- 31 Simul ac edixit, advenerat colluvies animalium, pediculi in totum terminum eorum.
- 32 Reddiderat pluvias eorum grandinem, ignem maxime flammantem in regione illorum :
- 33 Quibus percussit vites illorum, & ficus illorum; confregitque arbores termini illorum.
- 34 Simulac edixit, advenerat locusta, & melolontha, eaq; innumera.
- 35 Quae comedit omnem herbam regionis eorum, comeditque fructum terrae illorum.
- 36 Tandem percussit omne primogenitum in regione illorum, principium omnis potentiae illorum.
37. Tum eduxit eos cum argento & auro, nec fuit in tribubus ejus qui laboraret.
- 38 Latati sunt Aegyptii quum exhirent hi, quia irruerat pavor horum super ipsos.
- 39 Expandit nubem pro tegumento, & ignem ad illustrandum noctem.
- 40 Petente populo, adduxit coturnices, & pane caelorum satiavit eos.
- 41 Aperuit rupem; & effluerunt aquae, ambulantes per siticulosa loca, ut fluvius.
- 42 Quia recordabatur verbi sanctitatis suae, cum Abrahamo seruo suo habiti.
- 43 Ideo eduxit populum suum cum gaudio, cum cantu electos suos.
- 44 Deditque eis regiones gentium, & laborem nationum possident hereditario jure :
- 45 Ut observent statuta ejus, & leges ejus custodiant. Hallelu-Iah.

A N A L Y S I S.

Iste Psalmus compositus à Davide ex occasione arcæ in tentorium introductæ, 1 Chron. 16. 7. eundem scopum communem habet cum duobus prioribus: lætam nempe celebrationem nominis divini. Sed cum hac differentia, quod cum Deus laudetur Psal. 103. pro beneficiis privatis in homines fideles seorsim &

privatim collatis & Psalm. 104. pro bonitate sua in omnibus creaturis manifestata; in isthoc Psalmo idem Deus laudetur pro beneficiis publicis communiter in Ecclesiam collatis.

In istum finem, duo hic aguntur :
1. hortatio efficax proponitur ad officium laudationis præstandum
ad

ad vers. 7. 2. Enumeratio subjungitur argumentorum quæ provocare & impellere populum Dei ad illius officii curam possint, vers. 7. ad finem. Hortatio ad laudandum Deum 1. Smpliciter proponitur, v. 1. in principio, *celebrate Jehovah.* 2. Singularis species ejus commendatur, ib. in medio: *proclamate nomen ejus.* 3. Illam speciem illustrat à suo fructu: *notas facite*; subiecto: *in populis*; & objecto speciali: *actiones ejus*, ibid. in fine. 4. Illustratur insuper hoc officium a modo ipsi congruente: v. 2. in principio: *canite ei, psallite ei, confabulamini*, qui objecto suo proprio declaratur, ibid. in fine, *de omnibus mirabilibus ejus.* Modus iste illustratur porro à sua propria & proxima causa, affectu scilicet gloriationis, 1 Cor. 1. vers. 31. cum Jerem. 9. 23. & lætitiæ sanctæ, v. 3. cujus causa ibidem notatur, *nomen sanctum Dei*, atque etiam proprium subiectum, *cor hominum quærentium Deum*, id est, fidelium ejus cultorum. 5. Idem officium inculcatur & declaratur, v. 4. per synecdochen totius, id est, conarum communionem quærendi cum Deo, vel ipsum colendi, ubi etiam & objectum hujus cultus, Deus, illustratur à sua sufficientia & efficientia, *robur ejus & faciem* (quæ duo in omni parte cultus ejus præcipue debent spectari, tanquam vitæ ac salutis nostræ causæ) & adjuncta duratio ac assiduitas ejusdem cultus simul imperatur: *jugiter.* 6. Inculcatur etiam idem officium in causa sua, recordatione scil. mirabilium operum, quæ Deus pro ipsis secundum verbum suum est operatus. 7. Describuntur personæ ad quas hoc officium singulariter

spectabat, v. 6. à relatione illa quam habuerunt ad pios suos patres, & in ipsis ad Deum, à quo in suis parentibus electi fuerunt in populum suum peculiarem. Argumenta quibus Ecclesia provocatur ad Deum laudandum summatim ad duo capita revocantur, v. 7. ad fœdus gratuitum, quo Deus factus est Deus ipsorum; & ad manifestationem illius favoris per judicia quæ ex fœdere exercuit in ipsorum bonum. Fœdus illustratur, 1. à fide & constantia & stabilitate illius, v. 8. 2. ab adjunctis & signis antecedentibus illius stabilitatis, in promissione ejus sæpius olim repetita, & juramento confirmata, v. 9, 10, 11.

Manifestatio illius favoris, & fœderis expletio per inductionem declaratur. Commemoratur autem 1. protectio singularis progenitorum eorum, v. 12, 13, 14, 15. Quæ illustratur 1. ipsorum paucitate & vita erratica; hostium autem multitudine ac potentia, tanquam diversis, 12, 13, 14. modo protectionis illius, qui non fuit communis, sed cum privilegio singularis honoris, v. 15. 2. Additur sustentatio ipsorum in maxima fame, v. 16. ad 24. quæ illustratur, 1. ab adjuncta magnitudine illius famis, v. 16. 2. à medio vel instrumento illius sustentationis, Josepho, circa quem ad illud opus disponendum mirabilis Dei providentia observatur, tam in afflictione, quam exaltatione ejus, v. 17, 18, 19, 20, 21, 22. 3. Subjungitur eductio eorum ex Ægypto v. 24, ad 39. quæ illustratur, 1. à causa ejus impellente, odio scil. & crudelitate Ægyptiorum, v. 25. cujus occasio notatur fuisse Israelitarum incrementum, v. 24. 2. à cau-

lis administrantibus, Mose & Aarone, verf. 26. 3. à forma vel modo ipsius ductionis : quæ facta est, 1. Per multas & miraculosas plagas, quibus Ægyptii domabantur. 2. Cum divitiis quibus illi instruebantur, verf. 37. 3. Cum corroboratione speciali, Ibid. 4. Cum summo consensu Ægyptiis extorto, verf. 38. 4. Narratur porro deductio ipsorum per desertum, ad 43. Quæ illustratur miraculosis ejus mediis, tam in directione commodissima procuranda, v. 39. quam in cibo & potu suppeditando, v. 40, 41. quorum omnium, sicut & educationis, causa præcipua notatur stabilitas fœderis Dei, verf. 42. quam antea proposuit celebrandam, v. 8. 5. Additur ultimo in loco introductio ipsorum in terram promissam, verf. 44. quæ communi sine illustratur, obedientiæ Deo præstandæ secundum verbum ejus.

DOCUMENTA.

I. Officium piorum est, omnimodo, tam semetipsos, quam alios excitare ad Deum laudandum, ex verf. 1. in principio.

Ratio. Hoc enim est religionis, honorem debitum Deo deferre. Hic est fervor & zelus religionis, optare, vovere, & conari plus quam præstamus. Hæc etiam est charitas erga Deum & proximos, alios adducere ad Deum honorandum.

II. Primaria pars laudis Dei est, efficere ut nomen & actiones Dei, quam plurimis innotescant, ibid. in fine.

Ratio. Hæc enim ratione, Dei gloria manifestatur; noster erga illam affectus exeritur, excitatur, ac promovetur; & alii provocantur

ad Deum agnoscendum ac glorificandum.

III. Specialis modus ejusdem laudis est, suaves sermones, & meditationes habere de Deo, cum admiratione, ex v. 2.

Ratio. Quia ex istis apparet, Primo, delectationem nostram esse in Deo. Secundo, eandem à nobis foveri ac promoveri. Tertio; non acquiescere nos in eo, quod facimus, sed ad majorem perfectionem adspirare.

IV. Perfectio quædam hujus laudis est, sancte gloriari in nomine sancto Dei, v. 3.

Ratio. Quia dum gloriamur in Deo, & ipsi summam gloriæ perfectionem tribuimus; & nostram felicitatem in ipso collocamus, & etiam fiduciam in ipso tantam cœstemus, ut timorem omnem expellat & excludat.

V. Istiusmodi affectus, si sine synceri, conjunctum habent studium Deum omni modo, & ex eorum occasione quærendi, & colendi, v. 3. in fine, & v. 4.

Ratio. Proveniunt enim affectus isti ex virtute religionis, cujus proprius actus est cultus Dei. Directe etiam ad Deum feruntur, & ferunt. Eadem etiam causæ, quæ proliciunt hos affectus, efficaciter nos movent, ut ad Deum confugiamus & communionem cum ipso quæramus.

VI. In omni cultu Dei, sufficientia & efficientia ejus gratiosa præcipue debent spectari, v. 4.

Ratio. Sunt vitæ causæ, fidei columnæ, & piorum omnium votorum complementum.

VII. Ad hæc officia paratos nos reddet pia recordatio actionum Dei cum verbo ejus collatarum, v. 5.

Ratio,

Ratio. Benignitas earum charitatem eliciens, provocat ad laudes. Fidelitas in ipsis apparens fidem confirmat, & invitat ad Deum querendum. Majestas earum admirationem, celebrationem, & cultum parit.

VIII. Ad istam recordationem habendam, singulariter tenentur illi, qui in se, & in suis confederati facti sunt Deo, v. 6.

Ratio. Majorem cognitionem habent Dei & viarum ejus. Actiones Dei singulariter tendunt ad eorum bonum. Obligantur magis Deo, tam beneficiis ejus, quam suis votis ac professione. Eorum conatus singularem acceptationem habent coram Deo, in ordine ad vitam æternam.

IX. Fœderati Dei, eo ipso consolationem inerrabilem & gloriosam possunt ac debent habere, quod Jehova sit Deus ipsorum, ex v. 7.

Ratio 1. Quia liberati sunt ab ira & condemnatione illa, quæ super alios manet. 2. Quia participes facti sunt summi boni. 3. Quia Deus est ipsis omnisufficiens: ita ut in ipso & cum ipso omnia habeant optanda.

X. Ad eorum consolationem pertinent, quæcunque Deus facit per totam terram, ibid. in fine.

Ratio 1. Quia ex illis operibus, manifestatur ipsis sufficientia & efficientia Dei. 2. Quia per illa opera Dei, ipsorum bonum solet procurari. 3. Quia hostes ipsorum per illa opera, convincuntur.

XI. Deus sui fœderis, & promissionum ejus perpetuam habet recordationem, v. 8.

Ratio 1. Quia constans est in sese, & sui semper similis, sine ulla muta-

tionis umbra.

2. Quia verax est & fidelis in omnibus, quæ dixit. Singularis usus hujus documenti significatur ex collatione, 1 Chron. 16. 15. Admonitionis scilicet ut nos etiam ejusdem perpetuo recordemur, tam eorum quæ nobis in illo fœdere promisit, quam quæ à nobis est stipulatus.

XII. Cum illa recordatione fœderis conjuncta est efficacia voluntatis Dei idem stabiliens cum auctoritate summa, v. 8. 10.

Ratio. Quia per omnipotentiam suam præstat illud quod promisit, superatis omnibus difficultatibus, & pro imperio mandans omnibus creaturis, ne fœderis exequutionem impedirent, sed ad impletionem ejus cooperarentur.

XIII. Earundem promissionum iteratio, & multiplex confirmatio consolationem adfert validiorem, ex v. 9, 10.

Ratio. Quia hæc sunt signa propositi Dei maxime firmi, & media accommodata ad infirmitatem fidei nostræ sublevandam, Heb. 6. 17, 18.

XIV. Promissiones etiam benedictionum temporalium, quatenus pertinent ad fœdus Dei, sunt magni faciendæ, v. 11.

Ratio. Quia sub illa ratione promissæ, & receptæ, sunt signa specialis favoris Dei, & arrha salutis æternæ.

XV. Protectio Dei, qua prospicit suis adversus malevolentiam & vim hujus mundi, est inter singulares benedictiones fœderis ejus, ex v. 14.

Ratio. Quia liberatio & defensio à malo, necessario prærequiritur ad communicationem bonorum fœdere promissionum.

XVI. Hæc protectio neque fidelium impotentia, neque hostium potentia impeditur, v. 12, 13, 14, 15.

Ratio. Quia Dei providentia non pendet ex mediis, sed præter, supra, & contra media operatur.

XVII. Huic protectioni divinæ inest honor singularis, v. 15.

Ratio. Quia Deus hac ratione manifestum facit, quam pretiosa sit Ecclesia coram ipso, pluris nempe quam reges & principes illi mundani, à quibus contemptum opprimuntur. Tale quid innui videtur comparatione illa, quæ instituitur inter reges reprehensos, & unctos Dei, propter quos increpantur, v. 14, & 15.

XVIII. Non prorsus tamen eximi solet Ecclesia, à communibus calamitatibus, quas Deus immittit generi humano, v. 16.

Ratio 1. Quia corruptionem naturæ, & ex parte etiam morum, habent cum aliis communem. 2. Quia calamitates istas ita dirigit Deus, ut cedant in ipsorum bonum, & suam gloriam majorem.

XIX. Deus tamen antea prospicit suis, & media præparat quibus in suis angustiis sustententur, quam in illas angustias deducit, v. 17.

Ratio. Quia hoc est perfectæ providentiæ. Hæc propria est ratio explorationis paternæ. Ex hoc etiam, quando tandem elucet, magis ædificantur fideles, & Dei nomen glorificatur.

XX. Illos fideles, quibus Deus uti vult, ut mediis eximiis ad Ecclesiæ bonum procurandum, solet antea variis afflictionibus probare & præparare, ex v. 17, 18.

Ratio. Quia sic illi ad humilitatem, ad prudentiam ac fiduciam

experientia edoctam erudiuntur, & gloria Dei in illo opere magis est conspicua, integra, & illibata.

XXI. Duratio & finis huiusmodi omnium afflictionum, quamvis hominibus diu sit occultus, Deo tamen præfixus est & prædefinitus, vers. 19.

Ratio. Quia perfectio consilii ac providentiæ divinæ, & fiduciæ nostræ consolatio hoc requirit.

XXII. Quando tempus statutum advenit, Deus ad suos ex presuris liberandos, utitur sæpe operæ eorum, de quibus in tali negotio nemo mortalium cogitarat, v. 20.

Ratio. Quia hac ratione, providentia Dei magis mirabilis apparet, & plane divina. Docentur etiam homines non pendere ex probabilitate rationum, sed supra & contra omnem spem humanam sperare in Deo solo.

XXIII. Ex profundis & diuturnis afflictionibus aliquando evehit suos Deus ad maximum honorem, v. 21, 22.

Ratio. Quia hæc administratio est Deo gloriosa, Psalm. 113, 6, 7. Est etiam, tam ipsis evectis, quam aliis utilis ac salutaris.

XXIV. Quicquid honoris aut potestatis habent pii, totum illud eo dirigere debent, ut de aliis, præcipue conjunctis, maxime vero de Ecclesia Dei, bene possint mereri, v. 22, 23.

Ratio. Quia hic est proprius finis eminentis potestatis, & præbentur occasiones ordinariæ, & extraordinariæ, quibus potentium animi explorantur: exemplum est in textu.

XXV. Benedictio Dei specialis ad istiusmodi media accedens, facit ut Ecclesia præter omnem expecta-

speculationem, ad invidiam usqueaugeatur, v. 24.

Ratio. Quia omnia dirigit Deus ad consilium suum perficiendum, de numero filiorum Abraham promissorum.

XXVI. Benedictionibus Dei in populum suum effusis (Deo ipso sic ordinante) animi impiorum sæpe ad odium irritantur, v. 25.

Ratio. Ingenium ipsorum malignum ad invidiam sua sponte fertur, Jac. 4, 5. Quæ magis accenditur avaritia, fastu, & aliorum contemptu. Deus autem hanc malitiam hominum dirigit ad sua consilia perficienda.

XXVII. Quum odio & machinationibus impiorum hostium Ecclesia redigitur ad angustias extremas, tum præcipue liberatio ipsi mitti solet à Deo, v. 26.

Ratio. Quia tum maxime clucet potens Dei providentia, & liberatio ejus magis petitur, magisque præparantur homines ad eandem grate recipiendam.

XXVIII. Ad istiusmodi liberationes procurandas utitur sæpe Deus opera hominum, sed à se singulariter electorum, præparatorum, & excitatorum, ibid.

Ratio. Cum hominibus per homines sic agere vult, ut totum beneficium ipsi adscribatur, tanquam gratuitum ejus donum.

XXIX. Per hujusmodi instrumenta, quando ejus gloria & Ecclesiæ bonum sic exigit, Deus miraculose solet operari, v. 27.

Ratio. Quia dum sic operatur, convincuntur omnes, Dei manum esse qua populus ejus servatur, & hostes vel edomantur, vel reprimuntur.

XXX. In istis miraculosis ope-

ribus, omnes creaturæ paratæ sunt ad nutum aut verbum Dei, voluntatem ejus implere, v. 28, &c. ad 37.

Ratio. Quia Deus est exercituum cui militant omnes creaturæ.

XXXI. Per vilissima animalcula (ranas, muscas, pediculos) superbissimos homines in ordinem sæpe cogit, ibid.

Ratio. Quia hac ratione ad superbiam suam deponendam aptissime erudiuntur.

XXXII. In judiciis istis distribuentis, ita procedere solet Deus, ut qui adversus minores plagas manent contumaces, majoribus tandem cedere cogantur, ibid.

Ratio. Quia per istam dispensationem, & perversitas hominum & Dei æquitas magis apparet.

XXXIII. Ab illis plagis quibus impios Deus coercet, intactos ac incolumes servare suos aliquando solet: atque etiam vires ipsorum augere, v. 37.

Ratio. Quia interest nominis Dei, ut cognoscant homines quantum discrimen ponat inter Ægyptios & Israëlitas, Exod. 11. 7.

XXXIV. Novit etiam Deus flectere corda malevolorum, ad pacem, benevolentiam, & beneficentiam erga suos, v. 37, 38.

Ratio. Quia ut rivi aquarum, sic corda hominum in manu Dei, quocunque vult inclinat ea, Pro 21, 1.

XXXV. Protectio & directio divina non deest Ecclesiæ, neque de die, neque de nocte, v. 39. Jes. 4. ult.

Ratio. Quia hæc sunt plane necessaria, ut promissiones Dei possint impleri.

XXXVI. Deus aliquando per multa miracula Ecclesiam conservat ac sustentat, v. 40, 41.

Ratio.

Ratio. Quia hæc ratione & potentiam; & bonitatem summam dedaræ: & simul etiam instituit suos ad fiduciam suam supra omnia media naturalia & ordinaria, ad Deum solum erigendam.

XXXVII. Istorum omnium beneficiorum nulla alia est causa impulsiva, quam mera gratia & veracitas promissionum Dei, v. 42.

Ratio. Quia nemo potest quidquam dare Deo, ut ipsi reddatur, Rom. 11. 35.

XXXVIII. Ex eadem gratia, qua incepit bonum suum opus erga nos, idem etiam perficiet, v. 43, 44. Phil. 1. 6.

Ratio. Quia perfectionem istam præcipue intendit, promisit, & illo principio quasi arrha confirmavit.

XXXIX. Finis omnium est, ut credentes in Deum, nos totos addiceremus observantiæ ejus, secundum verbum ipsius, v. ult.

Ratio. Quia hæc est gratitudo nostra: & ex hac pendet tam salus nostra, quam gloria Dei.

PSALMUS CENTESIMUS SEXTUS.

H Alelu-Iah. Celebrate Iehovam, quia bonus est; quia in seculum benignitas ejus.

2. Quis eloquatur summam potentiam Iehovæ? offerat totam laudem ejus?

3. O beatos, qui observarent rationem hanc, qui exercerent justitiam quovis tempore.

4. Recordare mei Iehovæ, pro benevolentia qua prosequeris populum tuum, visita me salute tua:

5. Ut fruar bono electorum tuorum, ut læter lætitia gentis tuæ; ut me laudibus offeram cum possessione tuâ.

6. Peccavimus cum majoribus nostris; inique fecimus, improbe egimus.

7. Majores nostri in Ægypto non intellexerant mirabilia tua opera, non recordati fuerunt amplitudinis benignitatem tuarum, sed occasionem dederant murandi eas ad mare, ingressuri mare algosum.

8. Attamen servavisti eos propter nomen suum; ut notam faceret potentiam suam.

9. Nam ipso increpante mare algosum, exsiccatum est; & deduxit eos per abyssos ejus, quasi per desertum.

10. Ita servans eos à manu osoris, vindicavit eos à manu inimici.

11. Operuerunt vero aqua hostes eorum; unus ex illis non est relictus superstes.

12. Quamvis credidissent verbis ejus, cecinissent laudem ejus:

13. Festinanter obliti sunt operum ejus, non perdurarunt ad consilium ejus.

14. Sed ducti concupiscentia in deserto tentaverunt Deum fortem in solitudine:

15. Adeo ut tradens illis quod petebant, immitteret maciem in illos ipsos.

16. Postea invidentibus Moschi in castris, Aharoni sancto Iehovæ;

17. *Aperiens se terra deglutivit Dathanem, & operuit cœtum Abiram:*
18. *Exardescensque ignis in cœtum illorum flamma incendit improbos.*
19. *Fecerunt vitulum Chorebi & incurvaverunt se exhibentes honorem fufili.*
20. *Et mutantes honorem suum, in formam bovis comedentis herbam:*
21. *Obliti sunt Dei fortis servatoris ipsorum; qui fecerat res magnas in Ægypto.*
22. *Mirabilia opera in regione Chami, terribilia ad mare algosum.*
23. *Quamobrem dixerat se perditurum eos: nisi Moyses electus ipsius constitisset in irruptione illa coram ipso, ad avertendum excandescentiam ipsius, ne perderet.*
24. *Spreverunt quoque terram desiderabilem, non credentes verbo ejus:*
25. *Et murmurantes in tentoriis suis, non ausculti sunt voci Jehovæ.*
26. *Qua propter sublata manu sua juravit eis, se dejecturum eos in ipso deserto.*
27. *Etiam dejecturum semen eorum in gentibus, & dispersurum eos in regionibus.*
28. *Præterea copulaverunt se etiam cum idolo Pehoris, & comederunt sacrificia mortuorum;*
29. *Adeo provocantes Deum ad indignationem factis suis, ut irrumperet in eos plaga;*
30. *Donec consistente Pinchaso & iudicium exercent, coercita esset plaga illa:*
31. *Quo de reputatum est ei ad iustitiam; per quamque generationem usque in seculum.*
32. *Item ferventem iram concitarunt ad aquas contentionis; ita ut male fuerit Moschi propter ipsos:*
33. *Quam exacerbantibus illis spiritum ipsius, pronuntiasset labiis suis exacerbationem suam.*
34. *Non perdiderunt populos illos, de quibus edixerat Iehova ipsis:*
35. *Sed commiscentes se cum illis gentibus, didicerunt opera earum;*
36. *Colueruntque terricula earum, quæ ipsis fuerunt in tendiculam.*
37. *Nam sacrificaverunt filios suos filiasque suas dæmonibus:*
38. *Et effuderunt sanguinem innoxium, sanguinem filiorum suorum, filiarumque suarum quas sacrificabant terriculis Cenahanaeorum; adeo ut contaminata esset terra cadibus istorum.*
39. *Et polluerunt se operibus suis; actionibus suis scortantes.*
40. *Quapropter accensus ira Jehova in populum suum; abominatus est possessionem suam:*
41. *Adco ut traderet eos in manum gentium, ut dominarentur in eos oses eorum:*
42. *Et opprimentibus ipsos inimicis suis, deprimerent se sub manu eorum.*
43. *Multoties eripuit eos; quamvis ipsi exacerbassent eum consilio suo & attenuati essent propter iniquitatem suam;*
44. *Respicens ad angustiam eorum, audito clamore eorum.*

45. Et recordantem pro eis fœderis ſup̄pœnituit ipſum pro amplitudinem benignitatum ſuarum :

46. Adeo ut conciliaret illis miſericordiam, coram omnibus qui captivos detinebant eos.

47. Scrva nos Iehova, Deus noſter, & congrega nos ex iſtis gentibus; ad celebrandum nomen ſanctum tuum, & laudationibus commendandum nos in laude tua.

48. Benediſtus Jehova Deus Iſraëlis inde à ſeculo uſque in ſeculum; & dicat totus populus, amen, halelu-Iah.

A N A L Y S I S.

Pſalmus hic ſcriptus fuit nomine populi Dei, in captivitate ac diſperſione miſera verſantis, ſicut apparet ex v. 47. Non tamen necelle eſt, ut referatur tantummodo vel ad captivitatem Babylonicam, vel ad diſſipationem ab Antiocho factam; ſed habendus eſt potius pro forma deprecationis à Davide præſcripta & parata in omnem occaſionem huiusmodi calamitatis, ſicut apparet ex comparatione huius verſiculi cum 1 Chron. 15. v. 35. Eodem etiam verſu ſcopus ejus indicatur, petitio ſcilicet gratioſæ liberationis ab hac maxima calamitate. Quæ petitio generaliter ibi ſuadetur ab effectu & fructu ex liberatione conſecuturo, in celebratione nominis Dei, ibid.

1. Ad hoc autem officium præſtandum, ut paratos ſe oſtendant fideles, & ſimul fiduciam indicent qua votum hoc faciunt, jam in ipſa calamitate excitant ſemetipſos & alios ad Deum omni modo glorificandum, tam in principio, quam in fine Pſalmi, v. 1. & 48. Quæ Dei glorificatio amplificatur ab impari rare hominum ad illam condigne præſtandam, verſ. 2. & illustratur etiam à beatitudine eorum qui aliquo modo condigne hoc faciunt, verſ. 3. Ubi etiam notatur qualitas illa ſpecialis quæ requiritur ad con-

dignam huius officii præſtationem, conſtans nempe integritas vitæ & converſationis, verſ. 3. 2. Huic profeſſioni pii ſtudii erga laudem Dei, ſubjungitur petitio miſericordiæ generaliter propoſita, quæ illuſtratur & confirmatur non tantum fructu inde conſecuturo, ſed etiam comparatione paris miſericordiæ conſtanter à Deo exercitæ erga populum ſuum, v. 4. 5. 3. Hæc comparatio miſericordiæ præſtitæ & petitiæ, una cum ejusdem miſericordiæ implicita celebratione, fuſe explicatur, à v. 7. ad 48.

Vis & ſumma totius huius comparationis talis eſt : majoribus noſtris, quamvis graviffime adverſus te peccarant, multoties miſericordiam & ſalutem præſtitisti: cum fiducia igitur petimus, ut nobis etiam, quamvis graviffime adverſus te peccavimus, ſimilem miſericordiam ac ſalutem præſtare digneris.

Argumentationis huius pars antecedens tractatur per inductionem vel enumerationem variorum atrocium peccatorum à majoribus admiſſorum quibus non obſtantibus, Dei erga ipſos miſericordia conſtans manebat. Peccatum fuit rebellio ad mare rubrum, quæ oblivione eorum, quæ contrarium ſuadebant, tanquam cauſa illuſtratur, v. 7.

Hujus peccati condonatio, & opposita liberatio declaratur primo à causa impulsiva, quæ fuit nomen Dei, & à miraculoso suo modo amplificatur, v. 8, 9, 10, 11. & effecto fidei cujusdam ac laudis illustratur, v. 12.

2. Peccatum fuit murmur ob defectum aquæ & cibi concupiti. Quod illustratur & causa sua, oblivione cito redeunte, v. 13. & suo loco, modoque, vers. 14. & etiam effecto consequente, vers. 15.

3. Fuit seditio Korachi cum sociis: quod etiam illustratur à causa, *invidia*, ejusque objectis, *Mose, Aarone*, v. 16. & effecto, in extraordinaria poena divinitus inflictâ, v. 17, 18.

4. Fuit idololatria circa vitulum aureum, v. 19, 20. Cujus causa notatur eadem, quæ priorum, oblivio, vers. 21, 22. & effectum, periculum maximum totalis perditionis: cujus etiam avertendi medium declaratur, vers. 23.

5. Contemptus pretiosissimarum Dei promissionum, v. 24, 25. Cujus effectum fuit severa sententia in ipsos & posteros lata, v. 26, 27. 6. Scortatio & idololatria Moabitica, v. 28. Cujus effectum fuit extraordinaria plaga, v. 29. quæ vix tandem sisti potuit extraordinario zelo & facto Pinchassi, scelus illud vindicante, vers. 30. quod approbatione Dei illustratur, v. 31.

7. Murmur ob defectum aquæ ad Meribam: quod suis effectis illustratur, ira Dei scilicet justa, & Moisi culpabili indignatione, v. 32, 33.

8. Inobedientia ipsorum circa Cananæos, quæ suis partibus declaratur, quod ipsos non deleverint secundum Dei mandatum, v. 34. quod affinitatem cum ipsis contraxerint, v. 35. quod inde prolapsi sint in turpissimam idolola-

tiam, v. 35, 36, 37, 38, 39. Illustratur etiam. 1. Effecto suo, ira scilicet Dei, & traditione ipsorum in potestatem hostium suorum, v. 40, 41, 42, & 2. evenru omnibus istis demeritis opposito, qui in tota hac enarratione præcipue spectatur, liberatione scilicet ex istis calamitatibus quas accerciverant sibi suis peccatis. Quæ liberatio illustratur, 1. illa ipsa oppositione reatus *maximi*, v. 43. 2. Adjuncta ejusdem iteratione varia, *ibid.* 3. Causis administrantibus, ipsorum nempe precibus, v. 44. 4. Causa principali, benignitate & fide Dei, qua factum est, ut fœdus suum perliceret, non obstantibus ipsorum peccatis, v. 45. 5. Modo ejus singulari, commutatione scilicet odii hostium in favorem quemdam erga ipsos.

Sic fuit antecedens pars principalis argumentationis vel suasionis hujus Psalmi. Pars consequens inde deducitur, v. 47. Si conjungatur cum v. 6. Ergo quamvis nos gravissime peccavimus in te, cum fiducia tamen misericordiæ petimus liberationem à calamitate præsentis.

DOCUMENTA.

I. Celebrandus est Deus, propter bonitatem ejus, v. 1.

Ratio. Bonitas enim est formale objectum aut ratio amoris, gaudii, delectationis, gratitudinis & spei, qui sunt affectus illi ex quibus laus ac celebratio omnis promanat. Est etiam causa impulsiva, merito suo provocans ad hoc officium præstandum.

II. Constantia hujus bonitatis singularem vim habet in hoc officio præciliendo.

Ratio. Quia constantia bonitatis hujus

hujus perfectam eam reddit, laudem ac celebrationem facit constantem, & in omni conditione materiam & occasionem suppeditat hujus officii præstandi.

III. Insufficienciam nostram, ad Deum convenienter & condigne celebrandum, debemus quidem agnoscere; ita tamen ut non desistamus propterea ab isto conatu, sed eo magis annitmur, v. 2.

Ratio. Quia hoc est admirationis, humilitatis, & studii perfectio- nis.

IV. Ad convenientem Dei cele- brationem requiritur constans inte- gritas vitæ & conversationis, v. 3.

Ratio. Quia in eo efficacia amo- ris Dei consistit, virtutes ejus quasi in imagine vel simulachro simul re- præsentantur, & gloria ejus efficaci- ter apud alios promovetur.

V. Ad hanc integritatem adspi- randum est tanquam ad beatitudi- nem nostram, ibid.

Ratio. Quia beatitudinem habet annexam: & hujus beatitudinis in- tuitu superantur omnes oppositæ difficultates: neque est genuina observantia, nisi sub illa spe exer- ceatur.

VI. Ex vera celebratione boni- tatis Dei, sequitur efficax ejusdem imploratio, ex v. 4. cum anteced.

Ratio. Bonitas enim celebrata excitat fidem, spem, charitatem ex quibus oratio procedit; & celebra- tio bonitatis est argumentum sua- dens ejusdem communicationem, quatenus ratio & finis est propter quem communicatur.

VII. In imploratione bonita- tis Dei, revocandum est in memo- riam, quomodo illa communicari solet populo Dei, ex v. 4.

Ratio. Quia hoc pacto, fiducia ac spes confirmatur, tentationes re- tunduntur, & desideria vaga in or- dinem rediguntur.

VIII. Si speremus eandem bo- nitatem cum populo Dei; simul etiam anniti debemus, ut eandem etiam gratitudinem præstemus, ex verf. 5.

Ratio. Sic enim induimus ani- mum & personam populi Dei, ut eorum privilegia nobis applicare possimus.

IX. Cum imploratione mise- ricordiae Dei, conjungenda est seria confessio peccatorum nostrorum, verf. 6.

Ratio. Hinc enim oritur, 1. Hu- milis demissio nostrum ipsorum, ut- pote qui indigni sumus bonitate Dei. 2. Amplificatio bonitatis Dei, quæ tam indignis communicatur. 3. Amorio impedimenti quod so- lum obstat illius bonitatis commu- nicationi: per condonationem scili- cet, quæ promittitur iis qui peccata sua consententur. 4. Professio ac votum gratitudinis ac emendationis vitæ.

X. Juvat etiam aliorum peccata in memoriam revocare, præcipue eorum quibuscum singularem con- junctionem habemus, v. 6, 7. &c.

Ratio 1. Quia quatenus ad nos per aliquam communicationem spe- ctant, sunt à nobis confitenda. 2. Quia quatenus à Deo fuerunt con- donata, faciunt ad spem nostram con- firmendam. 3. Quia commemo- ratio illius condonationis facit etiam ad celebrationem bonitatis Dei.

XI. Peccatorum causa (culpam non extenuans sed augens) est, quod nolint homines intelligere & in me- moria retinere opera Dei, v. 7.

Ratio. Quia tollit causas ad fidem & obedientiam impellentes, & peccatum prohibentes, veram scilicet apprehensionem maiestatis, potentiae, iustitiae, misericordiae, & fidelitatis Dei. Continet etiam in sese vilipendium & contemptum quendam Dei ac operum ejus: occasionem denique praebet aliis Dei nomen blasphemandi.

XII. Ex hac privatione intelligentiae & recordationis debita, fit ut homines ex qualibet occasione facile rebellent adversus Deum, ibid.

Ratio. Quia semetipsos inermes exponunt omnibus tentationibus Diaboli, ut ab ipso ducantur in omnem peccati abyssum.

XIII. Gravissima istiusmodi peccata non semper impediunt, sed saepe illustrant gratiam & misericordiam Dei erga populum suum, vers. 8.

Ratio. Quia Deus vult decretum suum & opus inceptum de salute suorum perficere: & hac ratione ostendit gratiae erga populum suum immensitatem, quaelibet obstacula, quamvis maxima fuerint, superantem.

XIV. Huiusmodi salutis unica ratio est gloria nominis divini, ibid.

Ratio. Quia in talibus peccatoribus nulla potest esse causa aut ratio tanti boni, sed occasio tantum & materia superabundantis gratiae in abundante peccata reperitur. Nomen tamen Dei, quod super tales invocatur, non debet prostitui opprobriis impiorum.

XV. Quando gloria nominis divini hoc postulat, naturae ordo miraculose mutatur, vers. 9, 10, 11.

Ratio. Quia totus ordo naturae pendet ex imperio Dei, & dirigitur ab ipso ad gloriam nominis sui:

XVI. In istis miraculis, praecipue spectanda nobis proponitur efficax Dei potentia, & providentia, in Ecclesia liberanda, & hostibus ejus perdendis, ibid.

Ratio. Quia manifestatio istorum est finis hujus dispensationis, & per eorum agnitionem gloria debita tribuitur Deo, & simul etiam ipsi met aedificamur.

XVII. Istiusmodi operibus Dei singulariter aedificari debemus in fide, vers. 12. in principio.

Ratio. Quia in illis per modum experientiae, attestationem habemus sufficientiae & efficientiae Dei, id est, omnipotentiae, bonitatis, & veracitatis ejus, secundum verbum cui fides est adhibenda.

XVIII. Fides ista facit nos Deo gratos, & promptos ad nomen ejus laudandum, ibid. in fine.

Ratio. Quia benignitatem Dei in cordibus nostris diffundit, ut eadem serio afficiamur.

XIX. Tanta est corruptio & perversitas hominum, ut illam ipsam Dei benignitatem, quam sunt experti, crediderunt, & laudant, facile tradant oblivioni, v. 13. in principio.

Ratio. Quia fides illa vel non est satis radicata, vel pro tempore obruitur perturbationibus pravis, vel denique non satis excolitur frequenti recordatione.

XX. Oblivionis hujus effectum & signum certum est, si non constanter, & patienter pendeamus a Deo, & opem ejus secundum consilium ipsius expectemus, v. 13. in fine.

Ratio. Quia fidei vivae effectum &

& signum certum est spes constans, in patientia & silentio perdurans.

XXI. Eadem oblivio Dei, & operum facit ut ejus indulgeamus cupiditatibus quibuscumque in ordinatis, ex v. 14.

Ratio 1. Quia per illam oblivionem scutum fidei deponitur, ita ut pateamus omnibus ignitis jaculis reprobationum. 2. Quia fide vel deficiente, vel non vigente, crescit vis cupiditatum pravarum, & grassantur tanquam fera bestia ex vinculis soluta. 3. Quia Deus arcano judicio, saepe contemptores tales tradit cupiditatibus cordium ipsorum.

XXII. Cupiditates istae pravae deducunt homines ad Deum tentandum, ibid.

Ratio 1. Quia ex fidei defectu oriunda, infidelitatem habent comitantem eamque alunt, unde fit, ut verbo Dei neglecto, tales homines pro libidine sua agant cum Deo, quasi experimentum ejus quaerentes. 2. Quia dum hoc modo opponunt sese Deo, quasi directe provocant eum ad iram, & sic per interpretationem dicuntur experiri, utrum ipsos pro meritis punire velit, necne, 1 Cor. 10. 9, 10.

XXIII. Quod per inordinatam tentationis desiderium petitur a Deo, id aliquando petentibus largitur, v. 15.

Ratio. Quia sic placet ipsi aliquando infidelitatem hominum refutare. Sic etiam abundans benignitas Dei nonnunquam declaratur, impietatem & inobedientiam eorum superans, qua deduci possint ad resipiscentiam. Sic demum fideles ac pii aedificari possint ad Deum, secundum voluntatem ejus, cum

cum magna spe quaerendum.

XXIV. Talibus Dei donis maledictio quaedam solet adherere, ib.

Ratio 1. Quia dantur in ira, Hos. 13. 11. 2. Quia alias confirmarentur impii in sua impietate. 3. Quia sic erudiuntur homines ut magis pendeant ex Deo quam ex donis ejus.

XXV. Ex eadem oblivione Dei & operum ejus procedit invidia, conspiratio, & seditio adversus legitimos magistratus & ministros Dei, vers. 16.

Ratio 1. Quia haec peccata proveniunt ex superbia, qua putant invidi nemini potius quam sibi debere honores. Haec autem superbia facile retunderetur, si vel gratuitorum Dei beneficiorum, vel gravissimorum judiciorum ejus memores essent. 2. Quia dum opponunt sese isti hominibus, opponunt sese Deo, a quo segregati sunt ad talia munera sustinenda, inde illud in textu, *invidebant, Aharoni sancto Iehovae*, Numer. 16. 11. 1 Sam. 8. 7. 3. Quia pulcherrima Dei opera, & ceterorum finem, Ecclesiae scilicet ac Reipublicae ordinem, una cum omnibus fructibus ejus conantur perturbare.

XXVI. Istiusmodi peccata horrendis modis a Deo puniuntur, v. 17, 18.

Ratio 1. Quia non ex infirmitate aut errore, sed ex praesumptione, elata manu patrantur. 2. Quia talia peccata eo directe tendunt, ut totum populum non vulgari contagione inficiant tantum, sed adversus Deum excitent: quod horrore & atrocissima poena fuit animadversum. 3. Quia latam portam aperiunt omni generi peccatorum.

XXVII. Turpissima & sceleratissima Dei oblivio est, quando populus ejus projicit se ad idololatriam, v. 19. cum 21.

Ratio 1. Quia in hoc peccato disceditur non à voluntate Dei sola, sed ab ipso Deo, per singularem desertionem. 2. Quia honor Deo debitus non tantum ipsi negatur, sed rei vili desertur, idque coram ejus facie. 3. Quia fœdus Dei hoc peccato directe violatur in ipso fundamento suo primario, ita ut plenam contineat abnegationem Dei. 4. Quia hæc est diabólica quædam ars obliviscendi Deum, cum aliud aliquid substituunt homines in locum Dei, quasi non amplius opus haberent Deo.

XXVIII. Idololatræ, per suam idololatriam, non tantum Deum, sed & semetipsos omni gloria privant, ac viles reddunt, v. 20.

Ratio 1. Quia in eo ipso, in quo sapientes videri volunt, sunt omnium hominum maxime stulti, dum Deum imagine representare volunt, Rom. 1. 21, 22, 23. Iesa. 44. 13, 14. 2. Quia summam Dei gloriam & majestatem stulte minuunt ac lædunt, in illo ipso actu, quo eum colere volunt, dum cultum ei offerunt non tantum voluntati, sed & naturæ ejus adversum. 3. Quia pro eo quod gloriari debeant in communione cum Deo, gloriam suam collocant in re vili. 4. Quia per istas imagines idololatricas, crassi & sordidi conceptus de summa Dei majestate animis hominum ingenerantur.

XXIX. Istiusmodi peccatoribus imminet semper horribilis ira Dei ad ipsos perdendos, v. 23.

Ratio 1. Quia peccatum idolo-

latriæ in populo Deo, est quasi ad ulterius spirituale, quod magis directe provocat zelotypiam vel zelum iræ, quam alia peccata. 2. Quia gloria Dei, quæ in illo peccato tam nefarie violatur, in tantum peccatorum perditione, à contumelia & contemptu congruenter vindicatur, Lev. 10. 3.

XXX. Efficax medium iræ hujus avertendæ sunt fervidæ preces piorum & Deo gratorum, v. 23.

Ratio 1. Quia in ipsorum confessionibus humiliationibus, & deprecationibus læsa Dei gloria aliquo modo reparatur. 2. Quia ex gratia Dei acceptantur istæ preces quasi essent eorum qui peccarunt, secundum sanctæ rum communionem. 3. Quia in ipsis Spiritus sanctus interpellat, & Christus intercedit.

XXXI. Consummatio quædam oblivionis Dei & operum ejus apparet in contemptu promissionum ejus, v. 24.

Ratio 1. Quia summus gradus est infidelitatis, sicut observatur in fine vers. 24. *non credentes verbo ejus.* 2. Quia peccatum hoc est ingratitudinis adversus summam lucem & gratiam; *terram desiderabilem.* Ibidem. 3. Quia conjungitur cum magna contumelia & irrisione Dei, quasi vel promitteret suis res nihili vel verba tantum ipsis daret. *Murmurantes in tentoriis suis,* versiculo 25. 4. Quia secum infert omnimodam inobedientiam erga mandata Dei, v. 25. *non auscultarunt voci Iehova.*

XXXII. Contemptus iste promissionum Dei inevitabilem accersit Dei vindictam, versiculo 26.

Ratio 1.

Ratio 1. Quia per illum impletur mensura peccati, quam ē vestigio sequitur vindicta, Matth. 24.

32. 34. 2. Quia magna obduratio cordis comitatur istum contemptum gratiæ, Hebr. 3. 15. 3. Quia gratia Dei contempta, nullus locus amplius relinquitur ejus efficaciz, atque adeo frustra diutius exhiberetur talibus peccatoribus. Nihil igitur ipsis restat præter iram, Rom. 2. 4, 5. 4. Quia æquitas & justitia postulat, ut illi qui Deum contemnunt, ab ipso contemnantur, 1 Sam. 2. 30. Psalm. 18. 27.

XXXIII. Vindicta ista Dei transit sæpe ad posteros contemptorum Dei, v. 27.

Ratio 1. Quia peccatum parentum transit sæpe ad ipsos per approbationem & imitationem, Matth. 24. 32. 2. Quia parentes puniuntur in ipsis, quatenus sunt aliquo modo partes parentum. Sic igitur pœnæ, quas ipsi sunt meriti, infliguntur illis, ut reflexionem habeant etiam ad merita parentum. 3. Quia peccata parentum quamvis non sint causæ meritoriz pœnæ infligendæ posteris, sunt tamen occasio ejusdem accelerandæ, & hoc aut illo modo infligendæ. 4. Quia hæc dispensatio pertinet ad gloriam justitiæ Dei, & hominum admonitionem per exemplum, Matth. 24. v. 25.

XXXIV. Nulla denunciatio judiciorum Dei sufficit ad improbos ita corrigendos, quin ex occasione tentationis novæ, revertantur ad suam improbitatem, ex v. 28.

Ratio 1. Quia terrores per se non mutant cor hominis, aut improbitatem internam tollunt, sed re-

primunt tantum. 2. Quia illi terrores tanquam ingrati affectus facile deponentur, & oblivioni traduntur. 3. Quia peccatum hunc in modum repressum si non mortificetur, postea majore cum violentia erumpit.

XXXV. Illecebræ carnalium voluptatum decucunt homines ad hujusmodi apostasiam, ibid.

Ratio 1. Quia sic occupant animos hominum, ut timorem Dei vel expellant vel extinguant. 2. Quia sic homines illis deditos inebriant, & auferunt ipsis cor, ut qualibet occasione possint huc atque illuc impelli pro libitu tentatoris. 3. Quia maxima ex parte socios habent in illis voluptatibus, à quibus deducuntur in tentationes, quasi boves ad mactationem: sicut Madianiticæ mulieres Israëlitas in hoc peccatum deduxerant.

XXXVI. Quoties redeunt homines ad sua peccata, toties imminet ipsis judicia Dei, versic. 29.

Ratio 1. Quia ex justitia Dei, pœna sic annectitur peccato, ut qui huic indulget, illam non possit declinare. 2. Quia justitia non debet à peccato fatigari, sed peccatum ab illa superari. 3. Quia hac ratione præparantur homines ad resipiscentiam veram.

XXXVII. Optimum remedium est, ad judicia Dei graviora avertenda, si judicium ab hominibus adversus peccata rite exerceatur, v. 30.

Ratio 1. Quia sic apparet, quosdam saltem stare à partibus Dei. 2. Quia nomen Dei hoc pacto à contemptu vindicatur. 3. Quia aliqua emendatio solet hac via procurari.

XXXVIII.

XXXVIII. Quamvis aliquando hæc judicia exerceantur extraordinario modo, à Deo tamen singulariter approbantur, v. 31.

Ratio 1. Quia proveniunt ex zelo pio. 2. Quia gloriam Dei singulariter defendunt. 3. Quia nonnunquam singulares impulsus & instinctos à Deo ipso hominibus immittuntur ad talia facienda.

XXXIX. Iterationem peccati idololatriæ consequitur ex qualibet occasione iteratio contentionis adversus Deum, vers. 32.

Ratio 1. Quia unus & idem fons est utriusq; peccati, infidelitas nempe cordis, qua fit ut non pendeant homines ex verbo Dei. 2. Quia propter idololatriam deseruntur homines à Deo, & in reprobum sensum traduntur.

XL. Perversitas ista peccatorum sic aliquando perturbat optimos Dei servos, ut ex occasione ejus peccent in Deum, versiculo 32, 33.

Ratio 1. Quia ex zelo erga Deum, & peccati detestatione, immodice nonnunquam irascuntur. 2. Quia sic defixi sunt animi eorum peccatorum atrocitate, & peccantium indignitate, ut non satis attendant ad misericordis Dei promissiones. 3. Quia ex hac ira & incredulitate, præpostere & inordinate officium illud faciunt quod ipsis incumbit. Tria hæc de Mose observantur in textu.

XLI. Istiusmodi peccata piorum imputantur eis, qui occasionem ipsis præbent, vers. 32. *propter ipsos*, Deut. 1. 37. & 3. 26.

Ratio 1. Quia efficax occasio peccati, est scandalum datum. 2. Quia occasio hunc in modum efficax

apud pios, est scandali excessus aut summus gradus. 3. Quia pii hunc in modum peccantes, peccant ex infirmitate: qui autem illos eousque offendunt, peccant ex summa improbitate.

XLII. Quamvis istiusmodi peccata piorum aliis præcipue imputentur, ipsimet tamen iacirco non excusantur; sed propter illa temporalibus judiciis castigantur, v. 32. *male fuit Mofi.*

Ratio 1. Quia non coguntur ab aliis ad peccandum, sed sponte sua eo prolabuntur. 2. Quia illi, quos Deus singulari gratia & honore affecit, singulariter obligantur ad nomen Dei coram aliis, etiam improbis peccatoribus sanctificandum, Num. 20. 12. 3. Quia dum tales admittunt scandalum ab aliis datum, ita ut ad peccandum ab ipsis impelli se permittant, scandalum non leve vicissim ipsis & aliis præbent. 4. Quia in aliorum exemplum judicium sæpe incipit à domo Dei, 1 Pet. 4. 17.

XLIII. Qui peccatis indulgent non facile adducuntur ad peccata in aliis, secundum voluntatem Dei puniendam, v. 34.

Ratio 1. Quia odio & zelo adversus peccatum non feruntur. 2. Quia Dei voluntatem non tanti faciunt, ut propter eam inimicitias & odia hominum capeßere ac pericula subire velint. 3. Quia consilia & affectus suos sequi amant, & illis sunt assueti: quod dum aliis parant faciunt sub humanitatis ac clementiæ specie & colore.

XLIV. Peccatur in eo graviter, si homines parcant eis, quibuscum Deus vult ut severe agatur, ibid.

Ratio 1. Quia inobedientia non minor

minor est in mollitie dissoluta, quam in nimio rigore. 2. Quia iustitia Dei, in tali vindicta adversus peccatores tales statuenda, hoc pacto damnatur. 3. Quia fructus illi, ad quos illa iustitia tendit, hac ratione impediuntur.

XLV. Familiaris cum impiis conversatio (quæ eandem molli-tem & negligentiam comitatur) res est admodum diligenter cavenda, v. 35, 36.

Ratio 1. Quia sic obdurantur impii in sua impietate. 2. Quia impietatis contagium hoc pacto in alios dirivatur, verf. 35. in fine. 3. Quia hoc pacto singulariter implicantur homines in peccato usque ad mortem, ita ut non possint sese expedire, verf. 36. in fine. Exod. 22. 33.

XLVI. Per istos gradus eo usque procedunt homines aliquando, ut maxima scelera (homicidia & parricidia) patrent sub specie religionis, v. 37, 38.

Ratio 1. Quia peccati conscientia adigit ipsos ad quidlibet exter- num tentandum, ut illo reatu liberentur: & huiusmodi facinora spe- ciem habent apud illos, qui verbo Dei neglecto, suo arbitrio feruntur, Mich. 6. 7. 2. Quia in hunc ve- sanum furorem aguntur ab illo qui à principio fuit homicida, Joh. 8. 44.

XLVII. Huiusmodi peccatis non personæ tantum peccantium, sed tota terra contaminatur, v. 38, 39.

Ratio 1. Quia ubi talia peccata vel regnant vel tolerantur, ibi omnes fere eorum participes fiunt per ali- quam communicationem. 2. Quia talia peccata quando publica fiunt, publica Dei iudicia accersunt ad- versus populum totum.

XLVIII. Propter istiusmodi peccata Deus abominatur populum suum, adeo ut tradat ipsos in pote- statem osorum suorum, v. 40, 41, 42.

Ratio 1. Quia turpitudine talium peccatorum postulat, ut authores eorum à sancta & gratiosa Dei præ- sentia, vel conspectu, removeantur. 2. Quia æquum est, ut qui Deo ser- vire recusant, subijciantur servituti hostium suorum, Deut. 28. 47, 48. 3. Quia iustum est, ut qui conjun- gunt se cum impiis, discantes opera eorum, experiantur etiam quomo- do sint erga ipsos affecti. 4. Quia plus quam æquum & iustum est, ut qui subijciunt sese idolis genti- um, gentibus ipsis subicerentur. 5. Quia lex talionis est, ut qui cru- delitatem exercent, crudeliter ab eis tractentur, à quibus illam didi- cerunt.

XLIX. Misericordia illa Dei, qua tales peccatores ex tam justis pres- suris eripit non semel tantum, sed multis vicibus singulariter observa- ri & glorificari debet, ex v. 43.

Rat. 1. Quia hac iterata indulgentia liberationis tam magnitudo, quam multitudo, atque adeo divinarum miserationum amplitudo apparet, Ps. 51. 3. 2. Quia simul apparet invicta stabilitas ejusdem misERICORDIÆ, quæ peccatis toties iteratis non fatigatur. 3. Quia hæc mi- sericordia est accommodatissima ad spem ingenerandam illis, qui sæpius in eadem peccata recide- runt.

L. Hæc Dei erga nos indul- gentia, ex ipsius benignitate & fide sola procedit, v. 44, 45.

Ratio 1. Quia non tantum est su- pra, sed etiam contra demerita nostra.

nostra. 2. Quia fructus & effectum est promissionis gratuitæ. 3. Quia finis ejus est manifestatio bonitatis & veracitatis Dei.

LI. Quando Deus vult misericordiam erga suos exercere, solet ipsis nonnunquam misericordiam apud homines qualescunque conciliare, v. 46. Prov. 16. 7.

Ratio 1. Quia sic providentiam suam facit illustrem, Prov. 21. 1. 2. Quia suaviter consulit suis, dum eosdem homines efficit misericordiae suae erga ipsos instrumenta, qui antea fuerunt instrumenta iræ.

LII. Ab exemplis gratiae Dei erga alios, fiduciam ac spem nostram in precibus piis confirmare possumus ac debemus, v. 47 cum antecedit.

Ratio 1. Quia in illis exemplis; gratia Dei ut sufficiens nobis demonstratur. 2. Quia in hunc ipsum finem illa sufficientia gratiae ejus sub exemplis exhibetur, ut ad eandem cum fiducia confugiamus, Psalm. 34. 3, 6, 7. 3. Quia si hunc in modum apprehendamus istam gratiam, ut nobis omnisufficientem, & simul ad eandem piis precibus confugiamus, tum rite disponimur ad efficientiam ejus participandam.

LIII. Consolatio ista ex eo praecipue dependet, si Deum apprehendamus ut *Deum nostrum*, Ibid.

Ratio 1. Quia hic est genuinus actus fidei vel fiducia in Deo collocatæ, ut Dei misericordia nitentes,

constituamus eum *Deum nostrum*. 2. Quia hoc est fundamentum omnis spei veræ, quod Deus sit noster aut pro nobis. 3. Quia hæc est summa fœderis divini, virtute complectens omnes promissiones Dei, quod velit esse *Deus noster*.

LIV. Ad eandem consolationem firmandam plurimum facit, si synceram intentionem habeamus, Deum in omnibus glorificandi, ibidem.

Ratio 1. Quia intentio illa quæ sincere dirigitur in Dei gloriam, non potest non à Deo probari & acceptari. 2. Quia hæc intentio arguit corda disposita & parata ad beneficentiam Dei non frustra recipiendam, sed cum fructu congruente. 3. Quia petitio in debitum finem directæ efficax est coram Deo, Jacob. 4. 3.

LV. Ubi sincera est intentio Deum postea celebrandi, ibi in praesentiarum adest pius conatus idem præstandi, etiam in medio calamitatum & gravium ærumnarum, v. ult.

Ratio 1. Quia efficax intentio ex omni occasione mandatur executioni: & in medio calamitatum non deest occasio Deum laudandi. 2. Quia hac sola ratione placide expectatur optata liberatio. 3. Quia fides excitata simul intentionem illam parit, & certiorationem liberationis concedendæ.

PSALMUS CENTESIMUS SEPTIMUS.

Celebrate Iehovam, quoniam bonus est, quoniam in seculum benignitas ejus.

2. Prædicent redempti Iehovæ, quos redemit ab angustia;

3. Quos ex regionibus congregavit; ab oriente, & ab occidente; ab æquilone & à mari:

4. Qui

4. Qui errarunt per desertum, per solitudinem via; civitatem habitabilem non inveniunt.

5. Famelici, etiam sitibundi; in quibus animus ipsorum sese obruebat:

6. Quum clamantes ad Iehovam in oppressione ipsorum; ex angustiis ipsorum eripuerit ipsos.

7. Et deduxerit ipsos per viam rectam; ut pervenirent ad civitatem habitabilem.

8. Celebrent apud Iehovam benignitatem ejus, & opera mirabilia apud ejus filios hominum:

9. Eum satiare animam appetentem, & animam famelicam explere bono.

10. Qui desident in tenebris & let. ali umbra, vincit afflictione & ferro;

11. Quia dederunt occasionem mutandi sermones Dei fortis; & consilium Excelsi sprevit;

12. Quorum deprimit ista molestia animum, qui labant nemine adjuvante:

13. Quum clamantes ad Iehovam in oppressione ipsorum, & angustiis ipsorum servaverit ipsos.

14. Eduxerit ipsos ex tenebris & umbra lethali, vincula ipsorum diruperit:

15. Celebrent apud Iehovam benignitatem ejus, & opera mirabilia ejus apud filios hominum;

16. Eum frangere valvas chalybeas, & vestes ferreos succidere.

17. Stulti qui propter viam defectionis suae, & propter iniquitates suas affligantur,

18. Quorum animus omnem cibum abominatur, qui pertingunt usque ad portas mortis:

19. Quum clamantes ad Iehovam in oppressione ipsorum, ab angustiis ipsorum servaverit ipsos.

20. Mittens servum suum curaverit ipsos, & liberaverit à foveis ipsorum:

21. Celebrent apud Iehovam benignitatem ejus & opera mirabilia ejus apud filios hominum;

22. Et sanctificantes sacrificia gratiarum actionis, enarrant opera ejus cum cantu.

23. Qui descendunt in mare naviibus: exercentes artem in aquis amplis.

24. Ipsi qui vident opera Iehovae, & mirabilia ejus in profundo:

25. Quemadmodum edicens constituat ventum procellosum, qui attollat fluctus illius:

26. Quemadmodum ascendunt ad caelos, descendant ad abyssos; anima ipsorum malo seipsam dissolvat;

27. Titubent; sese moveant tanquam ebrius; & rota peritiae eorum absorbeat:

28. Quum clamantes ad Iehovam in oppressione ipsorum, ex angustiis ipsorum eduxerit ipsos,

29. Restituerit procellam maliciae, silentibus fluctibus illarum aquarum.

30. Et latantes ipsos, postquam conticuerunt fluctus; deduxerit ad portum optatum:
31. Celebrant apud Jehovam benignitatem ejus, & opera mirabilia ejus apud filios hominum.
32. Exultentque cum in congregatione populi, & in consessu seniores laudent eum.
33. Redigit flumina in desertum, & processus aquarum in siticulosum solum:
34. Terram fructuosam in saluginosam, propter malitiam habitantium in ea.
35. Redigit desertum in stagnum aquarum, & terram siccaneam in processus aquarum.
36. Efficiens ut habitent ibi famelici, & constituent civitatem habitabilem,
37. Et consitis agris ac plantatis vineis, comparent proventum fructuosum.
38. Qui ita benedixit eis, ut multiplicentur valde: & jumenta eorum non minuit.
39. Ut contra minuuntur atque incurvantur, præ coarctatione mali & maiore;
40. Quum effundens contemptum super ingenuos, facit ut errent per inanitatem aviam:
41. Collocatque in edito egentem ab afflictione, & disponit tanquam gregem famillas.
42. Videant recti & letentur; omnis vero nequitia obdat os suum.
43. Quotus quisque sapiens est qui observet ista, ut animadvertantur benignitates Jehovæ.

A N A L Y S I S.

Hujus Psalmi scopus est excitare homines ad Deum glorificandum, de providentia ejus bona, quæ manifestatur in externa hominum conditione gubernanda. Exhortatio ipsa proponitur, v. 1, 2. Inculcatur, v. 8, 15, 21, 31. & urgetur, v. 43. Providentia Dei bona, quæ res humanas gubernat, suis effectis variis declaratur, idque in duplici genere dispensationis. 1. In liberatione hominum ex variis & deploratis malis, ad v. 33. 2. In commutanda eorum conditione, vel à bona in malam, vel à mala in bonam, vel denuo à bona in malam, præter

omnem expectationem hominum, secundum arbitrium suum, à v. 33. ad finem.

Liberationum exempla quatuor illustria proponuntur. Quarum prima est ab exilio, vel vaga peregrinatione cum necessariorum omnium destitutione, à v. 2. ad 10. Secunda est à miseria captivitatis, v. 10. ad 17. Tertia est à tribulatione morborum, v. 17. ad 23. Quarta est à periculis naufragii in mari procellis magnis turbato, v. 23. ad 33. In singulis porro exemplis liberationes quædam singulariter notantur, quæ præcipue faciunt ad gratitudinem

nem

nem in animis hominum excitandam, ut in primo exemplo, 1. Misericordie quibus exules & vagi homines homines subjiciuntur, vers. 3, 4, 5. 2. Effectum earum, in Dei auxilio inclamando, v. 6. 3. Modus ipsius liberationis, v. 7, 9.

In secundo exemplo, 1. Misericordia captivorum, v. 10. 2. Cause procurantes illius misericordie, vers. 11, 12. 3. Effectum ejus in Dei auxilio implorando, v. 14. 4. Liberationis modus, v. 14, 16.

In tertio exemplo, 1. Misericordia graviter aegrotantium, v. 18. 2. Causa ejus, vers. 17. 3. Effectum in liberatione a Deo querenda, v. 19. 4. Modus liberationis, v. 20.

In quarto exemplo similiter 1. Misericordia terribilis agitationis in mari turbato, v. 23. ad 28. 2. Effectum ejus in Dei ope imploranda, v. 28. 3. Modus liberationis, v. 29. 30.

Alterum genus gubernationis divinae, in rebus humanis varie commutandis in habitudine terrae mutatae declaratur, unde hominis conditio externa magna ex parte dependet.

Terrae autem mutatio est, 1. ex fertili in sterilem, v. 33. 34. cujus etiam causa notatur, v. 34. 2. A sterili in fertilem, v. 35. Cujus effectum declaratur, mutatio status hominum, ab angustiis magnis, in abundantiam omnium necessariorum, v. 36, 37, 38. quae oppositis malis illustratur, v. 39. 3. Similis commutatio rerum humanarum, declaratur in externa dignitate & estimatione inter homines dispensata ex voluntate Dei, vel depressione ab honore in contemptum, vel elevatione in honorem ex contemptibili conditione, v. 40, 41. Quae suis effectis illustratur, v. 42.

DOCUMENTA.

I. Deum ex omni occasione celebrare debemus propter ejus bonitatem, ex v. 1.

Ratio. 1. Quia quotidie ex omni occasione renovatur illa bonitas in suis effectis, & sic aliquo modo nova facta, novam exigit gratiarum actionem, Psal. 92. 3. 2. Quia iterata manifestatio bonitatis ejusdem, constantiam ejus declarat. 3. Quia quies iteratur ac manifestatur, toties pulsantur corda nostra, ut eliciat debitam gratiarum actionem.

II. Haec celebratio debet esse confessio, ex voce 77.

Ratio. 1. Quia pro necessario fundamento habet agnitionem propriae nostrae indignitatis ratione peccati, Psal. 32, 5. 2. Quia eadem difficultate solet hominibus extorqueri, qua adigi solent ad genuinam & seriam confessionem peccatorum. 3. Quia hoc habet commune cum peccatorum confessione, quod sit manifestatio veritatis in gloriam Dei, quae facit ad nostram salutem.

III. Ista confessio imprimis fieri debet apud Deum, v. 8, &c.

Ratio. 1. Quia actus est religionis erga Deum, quo nomine vocatur in scripturis sacrificium laudis, vel confessionis, Ps. 50. 14. hujus Psalmi v. 22. Heb. 13. 15. 2. Quia Deus ipse finis omnium eorum, quorum est principium vel causa. Sicut igitur ab eo procedunt, sic etiam ad eum debent redire, vel referri. 3. Quia bonitas Dei nobis manifestata eo semper tendit, ut magis magisque trahat nos ad Deum,

ran-

tanquam ad causam & fontem omnis boni appetendi, vel querendi.

I V. Debet etiam fieri apud homines, ibi.

Ratio. 1. Quia pertinet ad gloriam Dei, ut bonitas ejus quam plurimis manifestetur. 2. Quia hoc est medium ad finem specialem hujus manifestatæ bonitatis obtinendum, hominum scilicet conversionem & ædificationem in pietate, Psalm. 65, 3. 3. Quia hoc pacto nosmetipsi magis excitamur, & juvamus in hoc officio præstando, vers. 32.

V. Confessio ista laudis singulariter debet præstari de *mirabilibus* Dei operibus, v. 8, &c.

Ratio. 1. Quia in istis plus potentiz ac bonæ providentiæ apparet, vel saltem bona illa Dei providentia magis manifestatur, ac elucet in illis, quam in ordinario cursu rerum: quamvis eadem Dei manu omnia gubernentur. 2. Quia magis afficiuntur animi hominum mirabilibus istis, quæ superant eorum expectationem, quam vulgaribus illis quibus diu assuefacti fuerunt. 3. Quia proportio illa, quæ observari debet inter Dei beneficia & nostra officia, requirit, ut, pro extraordinariis & mirabilibus ejus beneficiis, extraordinariam & mirabilem gratitudinem præstemus.

VI. Ad istam confessionem religiose præstandam illi præcipue tenentur, qui mirabilem Dei providentiam ac bonitatem experti sunt erga se, vers. 2. *redempti Jehovah.*

Ratio. 1. Quia experimentalis illa cognitio bonitatis Dei magis penetrat magisque efficax est, atque adeo major aliquo modo existens, majorem infert obligationem. 2.

Quia dum mirabiliter Deus quibundam bene facit, eisdem singulariter compellat, realiter alloquitur, vocat & excitat ad benedictionem ipsi reddendam. Ex qua speciali vocatione, præ aliis obligantur ad hoc officium præstandum. 3. Quia illi, qui experti sunt Dei specialem bonitatem erga semetipsos, eadem affici & commoveri magis & solent & debent quàm alii, atque adeo aptiores ac paratiores præsumuntur ad debitam gratitudinem, quam meri spectatores.

VII. Mirabilem bonitatem providentiæ divinæ experiuntur homines in liberationibus suis ab omni genere malorum, a v. 3, ad 33.

Ratio. 1. Quia providentia ejus sufficiens & efficax declaratur, 1. In periculis illis, quæ oriuntur ex omnium rerum, & consilii omnis inopia. 2. In illis, quæ proveniunt ab hominum violentia & crudelitate. 3. In illis, quæ ab interna corporum intemperie oriunda in visceribus nostris hærent. 4. In illis, quæ oriuntur ex elementorum externa concussione, ut in gravibus tempestatibus maris. Hæc est, inductio periculorum & liberationum, quæ in textu declarantur, ut exempla notabilia, ad quæ reliqua omnia corporalia mala possint referri. 2. Sic visum est Deo consulere nostræ infirmitati, ut nulla conditio nobis contingere possit in ullo genere periculorum, quin simul exempla habeamus divinæ providentiæ suas liberantis ex eadem, ut inde spem concipere possimus in ipsius bonitate.

VIII. In omni periculo quinque hæc præcipue sunt consideranda, ut magis excitemur ad Deum glorificandum, 1. Quam gravis sit calamitas

mitas, in qua versamur. 2. Quod sine Dei providentia nobis non contingat, v. 12. 3. Quod Deus istis malis vel castiget nostra peccata, verf. 11. & 17. vel fidem & patientiam probet. 4. Quod tam naturæ instinctu, quam religionis ductu, Dei auxilium in istis periculis sit implorandum. 5. Quod Deus vel verbo suo uno facile possit nos ab omnibus angustiis & periculis liberare, v. 16, & 20.

Ratio. Quia ex prima consideratione humilitas, & seria cura exurgit. Ex secunda respectus ad Deum. Ex tertia consideratio viarum nostrarum, & conscientiae examen & cura. Ex quarta invocatio Dei. Ex quinta fiduciae ac spei confirmatio, una cum confessione laudis, quæ Deo debetur.

I X. Agnoscendum est, non tantum liberationes illas singulares ex providentia Dei pendere; sed & omnes commutationes rerum, atque etiam conditionum hominum, tam quoad media vivendi, quam quoad

honores, & dignitates eadem providentia gubernari, v. 33. &c.

Ratio 1. Quia Dei perfectio & omnisufficientia hoc suadet, ipsius opera non posse turbari aut mutari, sine ejus voluntate. 2. Quia sunt in istis, quæ non possint effici alia potentia quam divina. 3. Quia omnia hæc diriguntur & ordinantur ad certos fines, quorum alii pertinent ad justitiam, v. 34. alii ad gratiam v. 38. omnes autem ad gloriam Dei.

X. Gubernationem istam Dei non solum pii agnoscunt cum lætitia, sed impii tandem cum pudore & confusione, v. 42.

Ratio. Quia evidens tandem fit providentia Dei, tendens in salutem piorum, & impiorum perditionem.

XI. Sapientia hæc est vera, sed rara inter homines gubernationem istam Dei rite considerare, ad & animum revocare.

Ratio. Quia actus est religionis, quæ est principium & caput sapientiae, à qua plerique sunt alieni.

PSALMUS CENTESIMUS OCTAVUS.

Canticum & Psalmus Davidis.

2. Erecto animo meo, ô Deus; canam & psallam etiam gloria mea.
3. Evigila nablium & cithara: expergiscar inde ab aurora:
4. Celebrabo te in populis, Jehova, & psallam tibi in nationibus.
5. Magnam esse supra cælos benignitatem tuam, & ad superiores usque nubes veritatem tuam.
6. Exaltare supra cælos, ô Deus, & super totam terram gloria tua:
7. Ut liberentur dilecti tui, serva dexteram tuam & exaudi me.
8. Deus loquutus est per sanctitatem suam, exultabo in partem obtineo Schecemum, & convallum Succotharum metior:
9. Meus Gilhad, meus Menasche; & Ephraïm robur capitis mei, Jebuda Legislatores mei sunt.
10. Moab pollubrum meum: supra Edomæum projiciam calceum meum; contra Palestinam claugentem agam.

11. *Quis deduceret me in civitatem munitam? quis deduceret me Edomam usque?*
12. *An non tu, & Deus, rejeceris nos, ut non proederes, & Deus, inter exercitus nostros?*
13. *Cedo nobis auxilium tuum ab hoste, alioquin vanitas est auxiliatio humana.*
14. *In Deo faciamus strenue, & ipse proculcabit hostes nostros.*

Hic Psalmus partim ex quinquagesimo septimo, & partim ex sexagesimo compositus est, ideoque ab illius tractatione superfedere licet.

PSALMUS CENTESIMUS NONUS.

Magistro symphonie, Davidis Psalmus. O Deus laudis mea, ne surdum agas.

2. *Nam os improbi & os dolosum contra me aperuerunt se, obloquuta sunt mihi lingua mendace:*
3. *Et verbis odiosis circumvenerunt me, oppugnantia me immerito.*
4. *Adversati sunt mihi loco dilectionis mea, qua eram in oratione;*
5. *Reponens mihi malum pro bono, & odium pro dilectione mea.*
6. *Præfice illi improbum, qui adversans insistat ad dexteram illius:*
7. *Quoniam in jus venerit, abeat damnatus; & oratio illius illi sit crimini.*
8. *Sint dies illius pauci, curationem illius accipiat alter:*
9. *Sint alii illius pupilli, & uxor illius vidua:*
10. *Et indefinenter vagantes filii illius, mendicent, quarumque stipem & locis desolatis suis:*
11. *Illaqueet fœnerator quicquid est illi, & diripiam extranei laborem illius:*
12. *Ne sit illi, qui protendat benignitatem, neque sit qui gratiam faciat pupillis illius.*
13. *Sit posteritas illius excidio addicta, in generatione altera deleatur nomen eorum;*
14. *In memoria sit iniquitas majorum illius apud Iehovam, & peccatum matris illius ne deleatur.*
15. *Sint coram Iehova jugiter, ut exscindat è terra memoriam eorum.*
16. *Propterea quod non est recordatus exercere benignitatem; sed persecutus est virum pauperem egenumque, & affectum agritudine animi, ad afficiendum morte.*
17. *Et optavit ut maledictio obveniret ei, neque oblectatus est benedictione, sed ut procul esset ab eo.*
18. *Ut indueretur maledictione velut chlamyde sua, & ingrederetur velut aqua intra eum, & velut oleum in ossa ejus:*
19. *Adsit illi, tamquam panno amiciat se, & pro zona jugiter se accingat ea.*
20. *Hoc esto præmium adversantium mihi à Iehova, & obloquentium malum contra animam meam:*

21. Tu autem, ô Iehova Domine, exerce benignitatem erga me propter nomen tuum; quia bona est benignitas tua, eripe me.
22. Nam pauper & egens sum; & cor meum confossum est in medio mei:
23. Ut umbra quum declinat, abire cogor, exagitor ut locusta:
24. Genua mea labant præ jejuniis, & caro mea emaciatur exhausta pinguedine:
25. Insuper ego probo sum illis; videntes me movent caput suum.
26. Auxiliare mihi, ô Iehova Deus mi; serva me pro benignitate tua:
27. Ut agnoscant manum tuam hanc esse, te Iehovam fecisse hoc:
28. Ut ut malidicant ipsi, tu benedicito: qui insurrexerunt quum eruberint, latetur servus tuus.
29. Induantur adversarii mei ignominia, & amicient se, tamquam pallio; pudore suo.
30. Celebrabo Iehovam valde ore meo, & in medio multorum laudabo eum.
31. Quod assistat ad dexteram egentis; ut ipsum conservet ab iis, qui adjudicant vitam illi.

A N A L Y S I S.

SC O P U S Davidis in hoc Psalmo est petere à Deo defensionem adversus improbos hostes suos, & simul etiam justam Dei vindictam ipsis imprecari.

Generaliter & conjunctim proponuntur istæ petitiones, verf. 1. *ne surdam agas*. Una cum ejus argumento ac fine principali, qui subindicatur epitheto illo Dei: *O Deus laudis mea*.

Urgentur etiam eadem petitiones, iis argumentis, quæ partim demonstrant periculi sui gravitatem, & partim iniquitatem hostium, quæ illud ipsi creatum fuit. Quæ utraque ratione continentur causæ impulsivæ; tam defensionis Davidis quam coercitionis hostium ejus.

Periculum ejus indicatur, tam in calumniarum, quibus gravatus fuit, impudentia & fraude, verf. 2. quam in earum effectu in oppugnatione circumveniente, v. 3. Iniquitas autem hostium declaratur, 1. Ex

ipsorum dispositione, quod fuerint improbi & dolosi, v. 2. 2. Ex ipsorum verbis dispositioni congruentibus, quod impudenter calumniati sint ex improbitate: *aperuerunt os*: & ex dolo mendaciter: *lingua mendace*. 3. Ex causa qua movebantur, quæ nulla alia fuit quam odium, v. 3. Quod probatur comparatione viarum suarum cum ipsorum viis, v. 4, 5.

Postea imprecatio adversus improbos hostes distincte explicatur, à v. 6, ad 21. Ubi iusta illa poena, quam ipsis precatur, 1. In variis partibus declaratur amplificationis causa. Prima est vexatio & oppressio inter homines, v. 6, 7. 2. Iusta derelictio, destitutio & aversio tam hominum quam Dei, v. 7 in fine. 3. Decurtatio vitæ, & honoris, verf. 8. 4. Calamitas familiæ post ejus obitum, verf. 4. 10, 11, 12. 5. Totius familiæ destructio, verf. 13, 14, 15. Tum porro ejus-

dem poenæ justitia declaratur ex proportionem, quam habet ad eorum peccata: quæ proportio in eo consistit, ut eadem patiantur, quæ fecerunt, quantum in se fuit, ut alii paterentur, v. 17, 18, 19, 20.

Deinceps, per modum oppositionis, ad illam punitionem hostium, defensionem sui distincte exponit, & petit. Idque 1. à causa ejus principali, *nomine & benignitate Dei*, vers. 21, & 26, 27. 2. à causa administrante, per modum impulsio- nis, magnitudine vid. periculi & calamitatis suæ, vers. 22, 23, 34, 35. 3. ab æquitate ejus, quæ declaratur ex proportionem speranda inter Dei defensionem, & hostium impugnationem, v. 28, 29.

Sic tandem conclusio subjungitur totius orationis, eodem argumento firmata, quod in principio proponebatur, laude nempe Dei ex hac dispensatione ejus consecutura, v. 30, 31.

DOCUMENTA.

I. Summa omnium votorum piorum est, ut Deus exaudiat preces nostras, ex v. 1. *ne surdum agas.*

Ratio 1. Quia in eo clarum signum habemus favoris divini, quo omnia bona virtualiter continentur. 2. Quia exauditio precum, est acceptatio desideriorum coram Deo precibus representatorum. 3. Quia ex illa acceptatione sequitur eorundem desideriorum impletio, idque cum exuperantia, vel perfectiore modo quam à nobis cogitatur.

II. Deus exaudit preces eorum, quibus est Deus laudis, Eod. v. 1. *O Deus laudis mea.*

Ratio 1. Quia petitio & gratia-

rum actio, sicut in officio & cultu nostro debent conjungi, sic semper conjunguntur in acceptione divina. 2. Quia gratiarum actio pro beneficiis communicatis efficax argumentum est ad aliorum beneficiorum communicationem suadendam. 3. Quia per affectum istum, Deum glorificandi, præcipuus finis & fructus auditionis precum nostrarum, quasi per antecessum exhibetur ac repræsentatur.

III. Quo magis ab impiis hominibus impugnatur ac vexatur, eo magis elevanda sunt corda versus Deum, tam in laude quam inprecatione, ex v. 2.

Ratio 1. Quia tum maxime opus est nobis, ut in Deo firmiter acquiescamus, fidem ac spem nostram exercendo & confirmando. 2. Quia nulla alia ratione possumus ex periculis liberari, præsertim ex tentationibus, quæ talia pericula comitantur.

IV. Iniquitas ipsa hostium nostrorum spem confirmat auxilii divini, v. 2, & 3.

Ratio. Quia causam nostram magis favorabilem reddit, & hostium accelerat justam coercionem.

V. Maxima & perversissima iniquitas hominum est, quando male faciunt illis, à quibus nihil mali, sed boni multum sunt experti, vers. 3, 4, 5.

Ratio 1. Quia in eo apparet non ira, aut furor brevis, sed odium & malignitas radicata. 2. Quia odium illud tale est, ut bono vicini non possit. 3. Quia summam ingratitudinem habet conjunctam.

VI. Manifestæ ac desperatæ malitiæ persecutoribus licet aliquando malum imprecari, v. 6, &c.

Ratio

Ratio 1. Quia potest quis talibus precari magna mala, sub ratione boni, quod inde sequuturum est, si non ipsorum correctione, attamen in Ecclesiae liberatione, aliorum admonitione, & gloria nominis divini. 2. Quia licet, in votis nostris, assentiri iustis Dei judiciis, quæ vel exequitur, vel in verbo ostendit se exequuturum. 3. Quia in huiusmodi imprecationibus, si privati affectus & perturbationes amoveantur, conditio implicita potest ac solet includi: si nempe consultissimum videatur divinæ sapientiæ, ut ita fiat.

VII. Judicia Dei adversus impios suos hostes manifestari solent, partim in conditione, rebus & negotiis ipsorum externis, partim in ipsorum personis ac vita, & partim in eorum familiis ac potestate, à v. 6, ad 16.

Ratio 1. Quia par est, ut ira & maledictio Dei impios undequaque circumcingat, & involvat, ut manum Dei agnoscere cogantur. 2. Quia statum, vitam, & familiam suam ita respicere solent impii, ut

partim ex eorum amore, & partim fiducia ipsorum, opponant sese Deo.

3. Quia judicia Dei in istis tribus manifestata, sunt efficacissima exempla & documenta, quibus alii possint ab impietate simili detereri.

VIII. Pœnæ exemplares, quas Deus impiis suis hostibus infligit, proportionem certam habent ad ipsorum peccata, v. 16, ad 21.

Ratio 1. Quia sic iustitia & æquitas judiciorum Dei magis apparet. 2. Quia sic magis directe admonentur homines, ut fugiant talia peccata.

IX. Ex consideratione tam pœnæ quam malitiæ impiorum, excitari debemus ad Dei gratiam in nostris angustiis implorandum, ex vers. 21. &c.

Ratio 1. Hoc est triumphus fidei ac fiduciæ nostræ in Deo collocatæ. 2. Sic simul tribuitur Deo gloria iustitiæ & misericordiæ ejus. 3. Sic pie fugimus iram adversus impios revelatam.

PSALMUS CENTESIMUSDECIMUS.

DAvidis Psalmus. Dixit Iehova Domino meo, sede ad dexteram meam; donec disposuero inimicos tuos in scabellum pedum tuorum.

2. Scipiorum robustum tuum emissurus est Iehova Tziione, dicens: dominare in medio inimicorum tuorum.

3. Populi tui oblationes voluntariæ diæ copiarum tuarum in decoris locis sanctitatis inde ab utero futuræ sunt; tibi aderit ros iuventutis tuæ accuratissime.

4. Furavit Iehova, & non pœnitebit eum; tu es sacerdos in seculum, secundum ordinem Melchizedeki.

5. Dominus, qui sedet ad dexteram tuam; frangens die iræ suæ reges,

6. Iudicium exercebit in gentes: complens corporibus; frangens caput, in regionibus plurimis.

7. De terrente in via bibet; idcirco attollet caput.

ANALYSIS.

PSALMUS iste proponit piis doctrinam de Christo, ut ex illa soli consolationem haurire possint. Hujus doctrinæ genus primo notatur, quod sit firmum Dei verbum, quod solvi non potest: *dixit Dominus*. Et simul etiam effectum, quod ejus nomine agnoscendus sit Christus pro Domino nostro: *Domino meo*.

Tum ipsa doctrina proponitur, consistens præcipue ex illis promissionibus, quæ directe faciunt ad fidelium consolationem.

1. Promissio prima est de dominio regali, ac cœlesti: *sede ad dexteram meam*, quod effecto suo declaratur, sub actione scilicet omnium inimicorum, vers. 1. *donec posuero inimicos scabellum pedum tuorum*.

2. Huic domini regii promissioni subjungitur promissio de potenti illius regni administratione, per Evangelii prædicationem, tanquam per sceptrum robustum, v. 2. Cujus administrationis initium notatur futurum Tziane: & progressus, per medium inimicorum, ibid.

3. Subjungitur etiam promissio felicissimi successus Evangelii sic prædicati: conversio nempe & aggregatio hominum ad Ecclesiam Christi, & ejusdem Ecclesiæ devotio in Christo colendo, nec non sanctitas, & arcana multiplicandi ratio, vers. 3. 4. Promissioni de regno annectitur promissio de sacerdotio: quia hæc duo sunt adeo conjuncta, ut regnum Christi sacerdotale, & sacerdotium ejus regale vocetur: & quia etiam in hoc sacerdotio fundatur congregatio, conservatio & salvatio illius

populi vel Ecclesiæ Christi, cujus mentio est facta in antecedentibus verbis.

Hoc autem sacerdotium Christi illustratur, 1. A vocationis modo, quod facta sit cum juramento. 2. Ab ejus perpetua & immutabili duratione. 3. A typica similitudine Melchizedeki. Quæ omnia faciunt ad præstantem dignitatem hujus sacerdotii indicandam, v. 4. 5. Additur (ultimo in loco) promissio de vindicta justa, quam Christus exercebit in hostes, v. 5, 6, 7. ubi notatur 1. causa efficiens, vel potentia ejus summa ad hujus vindictæ executionem: *sedens ad dexteram*. 2. Adjunctum temporis, quod tum fiet, quando maxime tempellivum erit: *in die iræ*. 3. Modus & gradus ejus, quod scilicet ex justitia plane perdet hostes, *Judicium exercebit, frangens*. 4. Objecta hujus vindictæ: *reges, gentes, caput, regiones*, id est, omne genus inimicorum. 5. Conjunctus fervor & alacritas qua hoc aget: *bibet ex torrente*. 6. Lætitia triumphi, qui inde consequetur: *idecirco auget caput*.

DOCUMENTA.

I. Christus agnoscendus est Dominus & verus Deus, Matth. 22. vers. 42.

II. Dominus fuit & est non tantum respectu eorum, qui in ipsum jam exhibitum credunt, sed etiam respectu eorum omnium fidelium, qui ab initio mundi vixerunt, ibid.

III. Ex decreto, fœdere ac promissione

missione Dei exaltandum & stabi-
liendum ipsi fuit regnum cœleste
cum potestate ac maiestate summa,
ad subactionem omnium hostium
ejus, ibid.

I V. Sceptum hujus regni po-
tentissimum & efficacissimum ad
salutem, est verbum Evangelii rite
prædicatum, v. 2.

V. Hoc Evangelium incipiens
ab Hierosolyma, per omnes gentes
longe lateque prædicari debuit &
prævalere, ibid.

VI. Ad prædicationem hujus
Evangelii, virtute decreti ac promif-
sionis divinæ, certo colligitur popu-
lus vel Ecclesia Christo, v. 3.

VII. Populus vel Ecclesia hæc
constat ex iis, qui toto corde Deum
in Christo quærunt coluntque, ibid.

VIII. Qui ita Deum quærunt,
ornantur semper singulari sanctitate,
ibid.

I X. Ecclesia hæc augetur ac pro-

pagatur per arcanam & efficacem
operationem Dei.

X. Hæc Ecclesia colligitur &
conservatur, non tantum regia
Christi potentia, sed etiam sacerdo-
tali ejus meditatione, v. 4.

XI. Sacerdotium Christi, est
unum, æternum, perfectum, suffi-
ciens per se ad salutem fidelium per-
ficiendam, v. 5. Heb. 7.

XII. Quemadmodum Christus
ut sacerdos & rex, perfecte efficax
est ad consolationem & salutem fi-
delium; sic ut rex, terribilem pote-
statem exerit ad impios suos ac Ec-
clesiæ hostes perdendos, v. 5, &c.

XIII. Quamvis illam ultio-
nem differre ac tardare videatur
Christus, certum tamen est, quod
maturo & justo suo tempore appare-
bit, ibidem, *In die iræ suæ.*

XIV. Hanc ultionem sequetur
perpetuus triumphus Christi & Ec-
clesiæ ejus, v. 7. *idcirco attollet caput.*

PSALMUS CENTESIMUSUNDECIMUS.

H Alelu-Iah, Celebrabo Iehovam ex toto animo, in consilio rectorum &
cœtu.

2. Magna opera Iehovæ, exposita omnibus qui delectantur illis.

3. Gloriosum & decorum opus ejus, & justitiam ejus perstantem in æter-
num.

4. Memoriam comparavit mirabilibus suis, graciosus & misericors Iehovæ.

5. Escam dedit timentibus se, recordatus in seculum federis sui.

6. Vim operum suorum indicavit populo suo, dando eis possessionem gentium.

7. Opera manum ejus sunt veritatis & judicii; constantia omnia mandata
ejus.

8. Fulta in æternum; in seculum; factaque fideliter & recte.

9. Redemptionem mittens populo suo, præcepit in seculum fœdus suum, sanctum
& reverendum haberi nomen suum.

10. Caput sapientiæ est reverentia Iehovæ, successus optimus omnibus facien-
tibus ista: laus ejus perstat in æternum.

ANALYSIS.

Psalmi hujus scopus est Dei nomen celebrare: sicut inscriptio & clausula testatur: *Hallelujah; laus ejus stat in aeternam.*

1. Hujus celebrationis modus primo indicatur: propositum scilicet firmum & sanctum hujus officii præstandi; idque cum sinceritate ac zelo: *celebrabo Iehovam ex toto corde.* Et publica professione, ad Ecclesie majorem exædificationem: *in concilio rectorum ac cætu.*

2. Argumentum hujus celebrationis petitur in genere ab operum ejus supereminenti excellentia quæ apparet in variis eorum adjunctis, 1. Magnitudine. 2. Evidentia, quoad pios, ibid. 3. Gloria ac dignitate, v. 3. 4. Justitia æterna, vel fidelitate constanti, ibid. 5. Gracia & misericordia mirabili, & perpetua commemoratione dignissima, vers. 4.

3. Quod dictum fuit in genere, in specie declaratur ex duobus operibus Dei, in quibus fidelis Dei misericordia erga populum suum singulariter fuit manifestata: miraculosa nempe sustentatione eorum in deserto, qua veracitatem suam declaravit in fœdere suo præstando, v. 5. & potenti introductione ipsorum in possessionem gentium, in qua magnitudo virtutis ejus elucebat, v. 6.

4. Tum porro supereminens excellentia illa operum Dei quæ antea fuit prædicata, ex illis instantiis concluditur, & denuo explicatur, quoad veritatem, justitiam, & constantiam, v. 7. quæ constantia, una cum fidelitate & rectitudine vel perfectione, inculcatur etiam v. 8.

5. Ex istis denique omnibus inferitur 1. Deum optimo jure præcepisse populo suo. fœdus observandum. 2. Hoc fœdus observandum esse cum sancta reverentia, v. 9. Hæc autem reverentia Dei commendatur à sua causa propria, *sapientia*, tanquam *caput* vel primarium effectum ejus, & certum signum *bonitatis* vel sinceritatis & utilitatis ejus, v. 10.

DOCUMENTA.

I. Colendus & glorificandus est Deus ex consilio & proposito firmo, vers. 1.

II. Sinceritas etiam & zelus requiritur ad hoc officium præstandum, ibid.

III. Præstandum est hoc officium non privatim tantum, sed & publice, in congregationibus piorum ibid.

IV. Magnitudo operum Dei tam causa impellens, quam materia debent esse hujus *δοξολογίας*, v. 2.

V. Hæc magnitudo operum Dei ut sufficiens & efficax ad Dei, celebrationem, facile percipitur à piis, qui in eorum meditatione delectantur, ibid.

VI. Pii homines in operibus Dei præcipue observant gloriam, dignitatem, fidelitatem & benignitatem in ipsis elucentem, v. 3, 4.

VII. Perfectiones istæ, prout magis apparent in quibusdam singularibus operibus Dei, quam in aliis, sic in illis est singulariter glorificandus, v. 5, 6.

VIII. Ex occasione meditationum de talibus operibus habiturum, eadem perfectiones Dei sunt etiam atque

atque etiam recolendæ, & ad corda nostra apponendæ, v. 7, 8.

IX. Meditationes istæ de operibus & perfectionibus Dei, eo semper debent referri, ut foedus Dei

maiore cum religione ac reverentia observemus, v. 9.

X. Hæc religio & reverentia Dei primaria pars est sapientiæ solidæ ac salutaris, v. 10.

PSALMUS CENTESIMUS DUODECIMUS.

H Alelu-Iah. Beatus quisquis reveretur Jehovah, in mandatis ejus delectatur valde.

2 Potens in terra futurum est semen ejus, generationi rectorum be-
dicitur :

3. Opes & divitiæ in domo ejus, & justitia ejus perstat in æternum.

4. Micat in tenebris lux justorum ; graciosus est, & misericors & justus.

5. Bonus quisque gratiose largitur, & mutuo dat ; moderatur res suas ex officio.

6. Quia in seculum non dimovetur, in memoria perpetua est justus.

7. A rumore malo non timet, erecto animo suo confusus Jehovah :

8. Fultus animo suo non timet, donec videat malum in hostibus suis.

9. Dispergit, dat egentibus, justitia ejus perstat in æternum : cornu ejus elevatur honore.

10. Improbus autem videns indignatur, dentibus suis frendens contabescit ; desiderium improborum perituum est.

A N A L Y S I S.

Istius Psalmus scopus (sicut prioris) est excitare homines ad Deum laudandum, ver. 1. in principio. Argumentum petitur à benedictionibus illis quas effundit in pios, quibus facit eos beatos. Quinam autem sint ipsi pii ad quos hæc beatitudo pertinet, declaratur v. 1. Ubi describuntur ex duobus propriis adjunctis, reverentia erga Deum, & dilectione mandatorum ejus : quibus additur gradus ad quem isti affectus ascendunt : valde.

In istis porro apparet concinna quædam connexio inter istum Psalmum & antecedentem. Ibi enim in fine, reverentia Dei, & obedientia commendatur, hic autem felicitas prædicatur eorum qui Deum reverentur & voluntatem ejus obser-

vant : ita ut iste Psalmus sit illius veritatis probatio ac illustratio. Qualis vero & quanta sit beatitudo illa piorum ; hoc declaratur per inductionem variarum benedictionum Dei erga pios. Quarum prima est potentia familiæ ejus, v. 2. Secunda, divitiæ stabiles, v. 3. Tertia, facultas & voluntas alios in suis angustiis juvandi, idque eo modo qui tali officio maxime conveniens est, v. 4. 5. Quarta est conservatio in omni genere periculorum ac tentationum, v. 6. Quinta est consolatio firma in rebus dubiis cujus & causa notatur (fiducia divina) & etiam effectum, aversio mali ab ipso in hostes ipsius, v. 7, 8. Sexta est honor ex bene factis comparatus, v. 9. Hæc porro omnia illustrantur opposita conditione impiorum,

piorum, v. 10. quæ duabus partibus declaratur, invidentia ex intuitu scilicet piorum, cuius tortura significatur duobus effectis, frendore dentium, & contabescencia cordis. 2. Frustratione desideriorum, tam quæ adversus pios, quam quæ pro semetipfis concipiunt, fovant & alunt.

D O C U M E N T A.

I. Illam fidem debemus habere de scilicet piorum, ex qua possumus Deum efficaciter eo nomine laudare ac celebrare, vers. 1.

II. Pietas illa quæ ducit ad istam scilicet pietatem, præcipue consistit in reverentia Dei, & voluntario atque alacri studio voluntatis ejus faciendæ, ibid.

III. Hæc pietas promissiones habet non tantum vitæ futuræ, sed &

præsentis, vers. 2. &c. 1 Tim. 4.8.

IV. Bonæ hujus vitæ promittuntur tam illis quam posteris ipsorum. 1. Quia in hac sola via debent ad talia tendere eaque expectare. 2. Quia ipsis hac via incipientibus eatenus certo dabuntur talia quatenus ipsis possint esse veræ ac salutare benedictiones : & quatenus hoc maxime facere possit ad gloriam Dei, ibid, &c.

V. Quicquid habent pii, illud (adhibita prudentia) libenter & copiose dispensant in bonum aliorum, v. 4, 5, 6.

VI. In ista via crescit ipsis fiducia, consolatio, & honor, v. 6, 7, 8, 9. 2 Cor. 9. 9.

VII. Impii tam piorum bonis, quam suis malis misere torquentur, vers. 10.

P S A L M U S C E N T E S I M U S D E C I M U S T E R T I U S.

H Alelu-Iah. Laudate servi Iehovæ, laudate nomen Iehovæ.

2. Sit nomen Iehovæ benedictum, deinceps usque in seculum :

3. Ab ortu solis usque ad occasum ejus sit laudatum nomen Iehovæ.

4. Elatus supra omnes gentes Iehova est, supra ipsos cælos gloria illius.

5. Quis est par Iehovæ Deo nostro ? qui altissime habitat :

6. Qui demississime perspicit, in cælis & in terra ;

7. Erigens è pulvere tenuem, è sterquilinis elevans egentem,

8. Faciendo ut confideat cum ingenuis, cum ingenuis populi sui :

9. Faciens ut quæ sterilis erat in familia, sedeat mater liberorum lata. Hallelu-Iah.

A N A L Y S I S.

QUÆMADMODUM idem titulus est hujus Psalmi, & duorum antecedentium, sic idem etiam scopus : excitare scilicet homines ad Deum laudandum. Cujus officii, 1. Idoneos ministros designat, servi Iehovæ. 2. Intentionem, extensionem, & continuationem ejus vel assiduitatem debere significat cum

repetitione & inculcatione exhortationis : laudate, laudate, sit benedictus, sit laudatus, v. 1, 2, 3. tum etiam clara explicatione tam durationis ejus, v. 2. à nunc usque in seculum ; quam locorum in quibus hæc laus debet resonare : ab ortu solis, usque ad occasum, v. 3. Argumenta hujus laudis sunt duo : 1. Summa & incomparabilis

bilis Dei majestas, quæ comparatione minorum illustratur, vers. 4, 5.

2. Summa ejus bonitas, qua dignatur providentia sua benigne curare res humanas, v. 6. Quæ duo tanquam diversa discrete proponuntur nobis considerata, ut ex illa summa Dei majestate, ista ejus dignatio & respectus nostri magis admirabilis agnoscatur.

Hæc autem providentia Dei circa homines specialiter declaratur uno suo effectu, subita nempe commutatione rerum humanarum: quæ duobus exemplis illustratur: conversione scilicet status publici ex abjecta conditione in honoratam, v. 7, 8. & privati, ex mœrore familiaris in lætitiā, v. 9.

DOCUMENTA.

I. Glorificatio Dei summæ curæ debet esse omnibus ejus servis, v. 1.

II. Hoc officium per totum vitæ cursum & ultra etiam, quantum in nobis est, continuare debemus, v. 2.

III. Eiusdem officii procurationem, (pro facultate & occasione quam habemus) quam longissime & latissime extendere debemus per omnes partes terræ, v. 3.

IV. Majestas Dei sic agnoscenda & prædicanda est, ut digna habeatur omni gloria & honore, vers. 4, 5.

V. Quo major est Dei majestas, eo magis admiranda & laudanda est illa providentia ejus quam eiga homines exercet, v. 6.

VI. In illis conversionibus rerum humanarum publicis & privatis, quæ vel secundis causis, vel fortunæ adscribi solent, providentia Dei singulariter est agnoscenda & prædicanda, v. 7, 8, 9.

PSALMUS CENTESIMUS DECIMUS QUARTUS.

EXeunte Israele ex Ægypto, familia Iahakobi à populo peregrini sermonis.

2. Fuit Iehuda sanctitatis illius, Israel dominiorum illius.

3. Ipsum mare videns, profugit, ipse Iarden divertis retrorsum:

4. Ipsi montes subsilierunt velut arietes, colles ut subrumæ pecudes,

5. Quid tibi erat ô mare, cur fugeres: ô Iarden, cur diverteres retrorsum?

6. O montes, cur subsiliretis velut arietes: colles, velut subrumæ pecudes?

7. A præsentia Domini intremitt terra, à præsentia Dei Iahakobi:

8. Qui mutat ipsam rupem in stagnum aquarum, saxum adamantinum in fontem aquarum.

ANALYSIS.

Contineatur hoc Psalmo laudativa narratio gratiosæ ac gloriosæ providentiæ Dei in educatione populi ex Ægypto. Hujus autem liberationis gratia. 1. Declaratur per comparisonem illius

status in quo antea fuerant in Ægypto, cum illo in quem fuerunt asserti per istam educationem; quorum dissimilitudo magna innuitur ex eo, quod antea ab immundis & barbaris Ægyptiis fuerant oppressi cum

cum dedecore ac vexatione, vers. 1. Postea vero asserti fuerunt in sanctissimam subjectionem Dei, in qua maximus est honor ac libertas, v. 2. 2. Ejusdem liberationis gloriosus modus declaratur per effecta illa miraculosa, quæ in eorum gratiam, tam in aquis, quam terra producebantur, v. 3. 4. Quorum effectorum admirabilis natura, primo similitum comparatione, & admiratione expressa illustratur, v. 5, 6. & postea sic refertur ad præsentiam Dei potentem tanquam causam, ut simul indicetur ad populum illum singulariter spectasse tanquam ad objectum & finem illius, v. 7. Quæ potens administratio & cursum naturæ transmutans uno præterea singulari exemplo illustratur v. 8. commutatione scilicet siccissimæ rupis in aquarum fluentum.

DOCUMENTA.

I. Nobiliora Dei opera & beneficia quam sæpissime debent à nobis cum sancta recordatione ac meditatione celebrari, v. 1.

II. Magnum Dei beneficium est, quod liberet nos à tyrannide tam corporali quam spirituali, ibidem.

III. Nobilissima Dei benedictio ex eo pendet, si sancto dominio Dei vere subijciamur, tanquam Ecclesia & populus ejus, v. 2.

IV. In hac Ecclesia sua servanda tam efficax ac gloriosa est potentia & providentia Dei, (ut quando ipsi placuerit) omnes creature quasi ad nutum ejus paratæ sint Ecclesiæ, in bonum etiam supra naturæ cursum, cooperari.

PSALMUS CENTESIMUS DECIMUS QUINTUS.

Non nobis Iehova, non nobis : sed nomini tuo da honorem, propter benignitatem tuam, propter fidem tuam.

2. Quare dicerent gentes, ubi est nunc Deus istorum.

3. Atqui Deus noster in ipsis calis est, quidquid placet facit.

4. Terriculis illarum argenteis & aureis, operi manuum humanarum,

5. Os est eis, sed non loquuntur; oculi sunt eis, sed non vident:

6. Aures sunt eis, sed non audiunt; nasus est eis, sed non odorantur:

7. Manus eis, sed non palpant: pedes eis, sed non ambulant, non mutuum guttare suo.

8. Similes illis sunt qui faciunt illa, quisquis confidit illis.

9. Israel confide Iehovæ, auxilium horum & scutum horum est.

10. Vos è familia Aharonis confidite Iehovæ, auxilium horum & scutum horum est.

11. Timentes Iehovam confite Iehovæ, auxilium horum & scutum horum est.

12. Iehova recordatus nostri benedicet: benedicet familie Israël, benedicet familie Aharonis:

13. Benedicet timentibus Iehovam, parvulis simul ac magnis.

14. Augebit Iehova vos, vos & filios vestros.

15. Benedicti eritis Iehovæ, qui fecit calos & terram:

16. Ipsi calis, calis sunt Iehova: terraque, quam dedit filiis hominum.

17. Non

17. *Non qui mortui sunt laudant Iah, neque quicumque descendunt in locum silentii.*

18. *Sed nos benedicemus Iah, deinceps usque in seculum. Halelu-Iah.*

A N A L Y S I S.

SCopus hujus Psalmi est petere à Deo conservationem, defensionem, ac benedictionem populi sui, v. 1. comp. cum 9, 10, 11, 12, 13, 14, 15.

Petitio ista suadetur 1. Ab effectu ejus, gloria Dei: quæ illustratur per negationem aut rejectionem oppositæ gloriæ hominum: *non nobis, sed nomini tuo.* 2. A causis, benignitate scilicet & fidelitate Dei, *propter benignitatem tuam & fidem tuam*, verf. 1. 3. Ab effectu petitionis negatæ vel neglectæ, contumelia scilicet ac blasphemia nominis divini inter gentes, versiculo 2.

Quæ blasphemia refutatur per comparationem institutam inter verum Deum Israelis, & idola gentium quæ illum blasphemarent, verf. 3. ad 9. Comparatio hæc est summæ dissimilitudinis inter Deum & idola quoad Dei majestatem, omnipotentiam, & efficacem providentiam, verf. 3. & idolorum tam vilitatem, versic. 4. quam impotentiam & vanitatem, verf. 5, 6, 7, 8. quæ illustratur à simili vanitate & stupiditate auctorum & cultorum talium Deorum, id est, idololatrarum, Deum verum & populum ejus blasphemantium, verf. 8. Hujus insuper verissimæ comparationis usus & fructus declaratur: quod scilicet propterea, quia Jehovah est verus Deus, majestatis, potentiae, ac providentiæ infinitæ, quorum nihil reperitur in gentium idolis, idcirco spes omnis ac fiducia debeat in Iehova collocari, v. 9, 10, 11.

Quæ fiducia illustratur & distributione à subjectis, quibus convenit: eodem v. 11. & ab effectis inde secuturis: paterna cura & protectione. Ibid. Atque etiam omni moda benedictione, v. 12, 13, 14. Consequentia autem benedictionum istarum sperantibus in Deum eveniturarum confirmatur ab eadem illa sufficientia Dei, quæ antea fuit commemorata, v. 15, 16.

Quartum denique argumentum, (vel explicatio primi) subjungitur ad petitionem suadendam, laus nempe & gloriâ, quæ illa concessa, Deo deferetur, v. 18. una cum ejusdem privatione, ex petitione neglecta, verf. 17.

DOCUMENTA.

I. Quando petimus aliquid à Deo, indignitatem nostram imprimis agnoscere serio debemus, v. 1. *non nobis, non nobis.*

II. In gloria nominis Dei ponendum est fundamentum & finis nostræ spei. Ibidem, *sed nomini tuo da gloriam.*

III. Inter illa quæ pertinent ad nomen & gloriam Dei, benignitas & fidelitas ejus præcipuam nobis suppeditant consolationem spei, Ibidem, *propter benignitatem, propter fidem.*

IV. Nominis hujus divini contumeliam & blasphemiam (præsertim si propter nos accideret) supra omnia incommoda nostra horrere debemus ac detestari, v. 2.

V. Adver-

V. Adversus blasphemias idololatrarum, munire & confirmare nos debemus, ex consideratione majestatis, potentie ac providentie Dei, vers. 3.

VI. Eo etiam non parum facit, si cum illis perfectionibus Dei, idolorum vanitatem comparemus, v. 4, 5, 6, 7.

VII. Vanitatem idolorum, eo precipue referre debemus, ut cultus eorum magis abominabilis nobis readatur, v. 8.

VIII. Ex contemplatione perfectionum Dei edificare nosmetipsos debemus in fiducia ac spe viva, v. 9, 10, 11.

IX. Quamvis hoc officium spe-

stat ad omnes, non idcirco tamen à nobis minus curari debet, si à cæteris fere omnibus negligatur, Ibid. *Israel, familia Aharonis, timentes Iehovam.*

X. Ex hac fiducia in Deo collocata non tantum protectionem à malis, sed etiam benedictionem omnimodam possumus ac debemus expectare, Ibidem, & vers. 12, 13, 14.

XI. Hæc spes confirmari debet ex contemplatione gloriosæ potentie Dei, v. 15, 16.

XII. Protectionis ac benedictionis optatæ laus omnis Deo & voveri debet, & præstari, versic. 11, 17.

PSALMUS CENTESIMUSDECIMUSSEXATUS.

Sat habeo, quod Iehova exaudit vocem meam, deprecationes meas.

1. Quia inclinavit aurem suam mihi, idcirco diebus meis invocabo ipsum.

3. Circumdantibus me doloribus mortis, angoribusque sepulchri obvieni-
bus mihi, angustiam & mærorem inveniens.

4. Si nomen Iehovæ invoco, dicendo : obsecro Iehova, libera animam meam :

5. Gratosus Iehova & justus, Deus, inquam, noster misericors.

6. Seroans simplices Iehova : quem attenuatus sum, mihi confert salutem.

7. Redi anima mea in requiem tuam : quem Iehova beneficus sit erga te.

8. Quandoquidem eripuisti meipsum à morte : oculos meos à lacrymis, pedem meum à lapsu :

9. Indefinenter ambulabo coram Iehova, in regionibus viventium.

10. Credidi quoniam hæc loquuturus essem, ego fatuus fueram supra modum :

11. Ego dixeram accelerando : omnis homo est mendax,

12. Quid rependerem Iehovæ ? omnia beneficia ejus superant me.

13. Poculum omnis salutis acceptum exhibebo, & nomen Iehovæ prædicabo.

14. Vota mea Iehovæ rependens, mox coram toto populo ejus, dicendo :

15. Pretiosa est in oculis Iehovæ, mors intentata iis quas ipse benignitate prosequitur.

16. Obsecro Iehovæ, quoniam ego sum servus tuus, sum servus tuus, filius ancilla tua : solveris vincula mea :

17. Tibi sacrificem sacrificium gratiarum actionis, & nomen Iehovæ prædicem.

18. Vota

18. *Vota mea Iehovæ persolvam, mox coram toto populo ejus.*

19. *In atriis domus Iehovæ, in medio vestri, Ierusalima. Halelu-Iah.*

ANALYSIS.

Hujus Psalmi scopus est, gratitudinem profiteri erga Deum, pro beneficiis illis quibus fuerat ab ipso cumularus. Gratitude ista 1. Generaliter proponitur ac declaratur à sua primariaparte ac principio amore scilicet complacentiæ, quo acquievit animus ejus in benignitate Dei, v. 1. *dilexi, sat habeo.* 2. Benignitatis illius certum signum & primaria etiam pars generaliter notatur: exauditio scilicet precum, v. 1. & 2. Quæ effecto suo illustratur, firmo scilicet proposito similes preces ex omni occasione iterantur, versic. 2. in fine. 3. Illustratur beneficium illud exauditarum precum. 1. Ab adjuncta magnitudine periculorum & malorum, ex quibus per illam fuit liberatus, v. 3. & 6. in fine. 2. A precum ipsarum descriptione, quæ scilicet nihil aliud continebant, quam desiderium fervidum, cum fiducia in misericordia Dei collocata simpliciter ac sincere, & agnitione suæ extremæ indigentæ, v. 4, 5, 6. 3. Ab effecto pacis & quietis ex illa precum auditione ac liberatione fluentis, v. 7. Cujus pacis ratio redditur à spe ex hac liberatione concepta; vitæ deinceps ex voto transigendæ, v. 8, 9. Quæ spes declaratur à sua causa: fide scilicet in confessionem erumpente, vers. 10. (vide 2 Cor. 4. 13.) & illustratur ab opposita dubitatione, qua animus ejus fuerat antea sollicitatus, v. 11.

Gratitudo promissa illustratur,
1. Comparatione imparium inter

Dei merita & officia sua instituta, vers. 12. 2. Ab adjuncto ejus modo, illo scilicet qui conveniebat solemni sacrificio gratiarum actionis, v. 13. 3. A causa impulsiva modum illum inferente, voto scilicet non semel nuncupato, v. 14. 4. A materia vel argumento gratiarum actionis, amore scilicet Dei tam in genere erga omnes pios, v. 15. quam in specie erga ipsum Davidem, vers. 16. Ex quibus concludit, & iterato pollicetur gratiarum actionem solemni modo præstandam, v. 17, 18, 19.

DOCUMENTA.

I. Per experientiam gratiæ Dei proficere debemus in amore Dei, ita ut in eo solo cum summa ac suavissima consolatione acquiescamus toti, vers. 1. in principio.

II. Gratiæ Dei singulare est indicium, si ostendat se preces nostras exaudire, v. 1.

III. Istius gratiæ recordatione confirmari nos par est, in proposito Deum ex omni occasione invocandi, v. 2.

IV. Hæc invocatio non debet impediri, sed excitari magis, afflictionum gravitate, v. 3.

V. Ad efficaciam hujus invocationis requiritur 1. Fervor desiderii. 2. Fiducia firma in gratia Dei fundata. 3. Simplex ac sincera dependentia à Deo. 4. Sensus intimus indigentæ nostræ, v. 4, 5, 6.

VI. Hujusmodi preces consequitur (ex ordine) suavissima pax conscientie:

conscientiæ : quam etiam omni modo fovere debemus in nobismetipsis, vers. 7.

VII. Hæc pax diffunditur magis in cordibus nostris, si defixos animos teneamus in distincta & particulari Dei erga nos benignitate, vers. 8.

VIII. Ex eadem consideratione spem firmam concipere debemus de gratia Dei nobis perpetuo adfutura, vers. 9.

IX. Fundamentum & fulcrum hujus spei est fides viva, v. 10.

X. Hæc fides etiam in filiis Dei concutitur aliquando & percellitur tentationibus horrendum in modum vers. 11.

XI. Qui Deum diligunt, & in amore ejus acquiescunt, illa cura præcipue tenentur, quomodo erga ipsum grati esse possint, ex v. 12. cum 1.

XII. Gratitude ista fovetur ac promovetur consideratione magnitudinis beneficiorum Dei, ibid.

XIII. Magnitudo beneficiorum Dei erga nos, longe superat non tantum merita nostra, sed & tum officia, & caput etiam nostrum ib.

XIV. Inter officia gratitudi-

nis, solemnibus ipsius cultus alacriter obitus præcipuum locum habet, vers. 13.

XV. Cultum istum tanquam arctissima obligatione sibi incumbentem, & proponunt sibi pii, & etiam præstant, ex v. 14.

XVI. Ad cultum hunc Dei alacriter præstandum ob oculos ponendus est amor Dei erga cultores ipsius ex vers. 15.

XVII. Amor iste Dei non tantum generaliter considerandus est, prout fertur in pios, sed etiam singulariter prout erga nos est manifestatus, vers. 16.

XVIII. Manifestatio amoris divini singularis est, si nos agnoscat pro suis, & eo nomine liberet nos à malo, Ibid.

XIX. Pro hujusmodi beneficiis si gratiarum actionem sincere Deo offeramus, sacrificium hoc est ipsi gratissimum, & maxime acceptum, vers. 17.

XX. Grata Dei celebratio tam publice quam privatim debet præstari, vers. 18.

XXI. In hujusmodi officiis præstandis, instituta Dei omni ex parte sunt observanda, ex v. 19.

PSALMUS CENTESIMUS DECIMUS SEPTIMUS.

Laudate Iehovam omnes gentes, laudationibus commendate eum omnes nationes.

2. Quia invaluit erga nos benignitas ejus, & fides Iehovæ in seculum, Hallelu-Iah.

ANALYSIS.

Hic Psalmus (omnium brevissimus) brevis est exhortatio, qua

nos & alios excitare debemus ad Deum glorificandum. Ubi 1. glorifica-

rificationis officium declaratur ab una parte vel specie ejus, quæ ponitur in laudatione: *laudate Iehovam*. Cujus etiam gradus debitus notatur: *laudationibus commendate eum*. Quæ voce significatur vis magna, & quasi violentia hujus laudationis, ut Psal. 65. 8. Quæ eadem vehementia in hoc officio præstando innuitur etiam in ejusdem exhortationis ingeminatione: *laudate Iehovam, laudationibus commendate eum*. 2. Hujus officii subjectum, & actus efficiens causa specialis declaratur: *gentes, nationes*, quæ sua generalitate vel extensione illustrantur: *omnes gentes, omnes nationes*. 3. Causæ subjiciuntur ad hoc officium præstandum singulariter impellentes: *benignitas & fides Dei*. Quæ illustrantur. 1. A sua relatione quam habent communem tam ad fideles gentes quam Judæos: *erga nos*. 2. Ab adjuncta magnitudine: *invaluit*. 3. Ab adjuncta duratione: *in seculum*. Quæ duo ultima reflexionem habent ad laudationem invalescentem & constantem.

DOCUMENTA.

I. Laudatio Dei est unum ex præcipuis officiis religionis.

II. Hoc officium debet cum

singulari zelo, & omnium virium intentione præstari.

III. Ad hujus officii curam tam nosmetipsos, quam alios ex omni occasione vehementer debemus excitare & instigare.

IV. Hæc laudatio, quamvis ab omnibus debeat Deo, specialiter tamen pertinet ad officium nostrum, qui ex gentibus cooptati sumus in populum Dei, Rom. 15. 7, 11.

V. Justa consideratio benignitatis Dei, quemlibet excitaret ad Deum laudandum, qui vel micam pietatis habet in corde.

VI. Ita consideranda est benignitas Dei, ut simul attendatur veracitas promissionum, quibus illam benignitatem fecit nobis testatam.

VII. Communio sanctorum in hac benignitate & fide participanda, addit aliquid suavitati hujus meditationis: *erga nos*.

VIII. Magnitudo benignitatis Dei quæ prævalet, & omnia obstacula vel impedimenta sive extra sive intra nos occurrentia, vincit, magnam vim habere debet, in cordibus nostris afficiendis, *invaluit*.

IX. Continuatio hujus benignitatis continuam, assiduam & perpetuam laudationem requirit, *in seculum*.

PSALMUS CENTESIMUS DECIMUS OCTAVVS.

Celebrate Iehovam, quia bonus est, quia in seculum benignitas ejus.
2. Dicat nunc Israël, esse in seculum benignitatem ejus.
3. Dicant nunc qui sunt ex familia Aharonis, esse in seculum benignitatem ejus.

4. Dicant nunc timentes Iehovæ, esse in seculum benignitatem ejus.

5. Ex ipso angore invocavi Iah, respondens collocavit me in lato Iah.

6. Iehova adest mihi, non timebo quod faciat mihi homo.

7. Iehova adest mihi cum auxiliatoribus meis: ideo ego despicio os meos.

Ec

B. Melius

8. *Melius est recipere se ad Iehovam, quam fiduciam habere in ullo homine.*

9. *Melius est recipere se ad Iehovam, quam fiduciam habere in ingenuis.*

10. *Omnes gentes circumdederant me, sed in nomine Iehovæ enervavi eas;*

11. *Etiā atque etiā circumdederant me; sed in nomine Iehovæ enervavi eas.*

12. *Circumdederant me tanquam apes, extinctæ sunt ut ignis spinarium: nam in nomine Iehovæ enervavi eas.*

13. *Graviter impuleras me ut caderem, sed Iehova auxilio fuit mihi.*

14. *Rober meum & carmen Iah, is fuit mihi saluti.*

15. *Vox cantus & salutis est in tentoriis iustorum; dicens dextera Iehovæ agit strenue.*

16. *Dextera Iehovæ elata, dextera Iehovæ agit strenue.*

17. *Non moriar, sed vivam, ut enarrem opera Iah.*

18. *Severe castigavit me Iah; sed morti non tradidit me.*

19. *Aperite mihi portas iustitiæ; ut ingressus per eas celebrem Iah.*

20. *Hæc ipsa porta ad Iehovam, per quam iusti intrant.*

21. *Celebrabo te; quia exaudiens me, fuisti mihi saluti.*

22. *Quem lapidem spreverant structores, is est in caput anguli.*

23. *A Iehova est hic, est que mirabilis in oculis nostris:*

24. *Hæc ipsa die effecit Iehova; exsulemus & lætemur in ea.*

25. *Obsecro Iehova, serva nunc; obsecro Iehova, prospera nunc.*

26. *Benedictus est qui venit in nomine Iehovæ, benedicemus vobis è domo Iehovæ.*

27. *Dei fortis Iehovæ, qui illustravit nos; ligate sacrificia fœli funibus, usque ad cornua altaris.*

28. *Deus fortis meus es, ideo celebrabo te; Deus meus, exultabo te.*

29. *Celebrate Iehovam, quia bonus est; quia in seculum benignitas ejus.*

A N A L Y S I S.

DAVID in hoc Pſal. à maximis periculis liberatus, & in regno (secundum promissionem Dei) stabilitus, beneficium hoc divinum ex gratitudine celebrare conatur. Hoc autem facit sub forma exhortationis, versic. 1. & ult. ubi 1. Celebrationis huius objectum formale, quod idem est cum beneficii causa efficiente formali, notatur: constans nempe bonitas & benignitas Dei. *Quia bonus est: quia in seculum benignitas ejus.* 2. Personæ ad quas hoc officium spectat, &

à quibus præstari debet, trimembri distributione designantur. *Israhel, familia Aaronis, timentes Iehovæ,* vers. 2, 3, 4. 3. Beneficium ipsum liberationis, tanquam causam impellentem & materiam celebrationis, describit ac declarat: idque 1. à causa ad ministrante, *invocatione Dei,* quæ antecedentis & consequentis collatione illustratur, vers. 5. 2. Ab adjuncta fiducia: cujus antea conceptæ, jam vero hac liberatione maxime confirmatæ amplificatio petitur, & ab oppositi terroris exclusi.

clufione, verf. 6, 7. & à comparatione imparium inter hanc fiduciam divinam, & humanam qualemcunque, verf. 8, 9. Atque etiam altera comparatione imparium inter hujus fiduciæ divinæ efficaciam, & hostium irritos conatus, v. 11, 12, 13.

4. Celebrationis propositum ac votum ex præcedentibus infertur, idque tam in persona Davidis verf. 14. quam in Ecclesiæ persona vel nomine, verf. 15, 16. Cujus causa vel ratio designatur & liberationis præteritæ experientia, & futuræ spes ex eo concepta, v. 17, 18.

5. Celebratio ipia publica & solemniter describitur ac repræsentatur. 1. ab adjuncta præparatione, in locum sanctum cum omni gaudio ac reverentia adeundo, verf. 19, 20. 2. à præcipuis ejus partibus: quæ sunt, 2. Gloriosa gratulatio de commutatione facta à statu contemptibili, in statum summi honoris, verf. 22. 2. Grata recognitio singularis & admirabilis efficaciæ ac providentiæ Dei, qua hoc effectum datum fuit, verf. 23. 3. Stati temporis designatio ad hujus beneficii lætitiâ fruendâ, verf. 24. 4. Adjuncta nuncupatio piorum votorum, v. 25. 5. Sollemnis benedictio, Dei nomine tam regi, quam populo denunciata, verf. 26, 27. 6. Alacris oblatio sacrificiorum vel cultus instituti observatio, v. 27. in fine. 7. Iterata glorificatio Dei, in solemniforma doxologiæ.

D O C U M E N T A.

I. Ad Deum glorificandum, ex omni occasione, tam nosmetipsos, quam alios diligenter excitare debemus, ex verf. 1.

II. In ista glorificatione Dei,

constantis Dei bonitatis ac benignitatis religiosa meditatio præcipuum locum habet, tam sub causæ, quam objecti ratione, ibid.

III. Pertinet hoc officium ad omnes illos qui sunt domestici Dei. verf. 2.

IV. Singulariter pertinet ad Ecclesiæ ministros, qui, ut exemplaria & duces, aliis præire tenentur, verf. 3.

V. Quicquid alii faciant, qui vera & sincera religione Deum ex animo colunt, prompti ac parati sunt ad hoc officium præstandum, v. 4.

VI. Singularis est causa Deum glorificandi, si nos liberaverit à periculo gravi, v. 5.

VII. Magis tamen efficaciter excitabimur ad Deum glorificandum, si liberationem aliquam præcibus consequamur, ibid.

VIII. Experientia benignitatis Dei in nobis liberandis, eoque confirmari debemus in fiducia ac spe divina, ut humanis terroribus conturbari, indignum nobis judicemus, v. 6, 7.

X. In hac fiducia divina sic gloriari, nos decet, ut despiciatui habeamus omnem fiduciam humanam, verf. 8, 9.

X. Gloriatio & triumphus fiduciæ divinæ, non nisi post graves tentationes ac certamina spiritualia viget in animis piorum, ex v. 10, 11, 12, 13.

XI. Cum sancta gloriatione in Deo, conjungitur semper firmum propositum gratitudinis erga Deum, v. 14.

XII. In hoc proposito gratitudinis erga Deum, conjungere nos piis debemus, ipsos partim imitando, & partim excitando, v. 15.

XIII. Efficacia providentiæ divinæ in Ecclesiæ bonum, gratitudinis materiam copiosam præbet, vers. 15, 16.

XIV. Per istam efficacem providentiam Dei, præservantur pii à morte ut Deum glorificent, quatenus ipsi consultum videtur vers. 17, 18.

XV. Qui gratia ac salute Dei vere afficiuntur, magno studio feruntur ad ejus nomen in sacris conventibus celebrandum, ex v. 19.

XVI. Qui zelum hunc habent erga Dei cultum, ad eum se diligenter præparant, & id agunt ut omnia quæ impediunt, è medio tollantur, ibid.

XVII. Ad præparationem istam spectat, ut cum reverentia Dei, conscientiæ bonæ cura, & alacritate animi hoc officium aggrediantur, ex v. 19, 20.

XVIII. Alacritas hæc animi ad Deum celebrandum, singulariter excitatur experientia gratiæ Dei, in precibus nostris exaudiendis, v. 21.

XIX. In celebratione Dei, diligenter meminisse & commemorare debemus, quomodo Dei gratia superet & omnem opinionem hominum, & omnes hostium conatus, tam in Christo, quam in ejus membris, ex vers. 22.

XX. In illa meditatione commemorandum est, istiusmodi opera propria esse Dei, idque cum admiratione agnoscendum, ex v. 33.

XXI. Occasiones omnes justæ sunt captandæ, hujus officii cum gaudio præstandi, ex v. 24.

XXII. Petitiones miscendæ sunt gratiarum actioni, v. 25.

XXIII. Promissiones etiam & benedictiones Dei sunt omni modo applicandæ & animis nostris infingendæ, v. 26.

XXIV. Cultus à Deo institutus diligenter & alacriter est observandus, v. 27.

XXV. Ædificare nos debemus in hoc studio, magis magisque adspirando ad specialem sensum favoris Dei, & affectus illi sensui congruentes, v. 28.

PROLEGOMENON

IN

PSALMVM CENTESIMVM

DECIMUM NONVM.

QUUM David in suæ vitæ curriculo, plurimas & diversissimas habuerit vicissitudinis rerum & conditionum, & in eis omnibus, verbo Dei adherens, ejus virtute, feliciter per omnia transivit; in isthoc Psalmo quasi fasciculum colligavit omnium illarum meditationum, quas habuit circa verbum Dei, ad laudem vel celebrationem verbi divini, & nostram directionem in simili praxi (ex omni occasione) exercendam. 2. Quod autem istæ meditationes præcipue spectent ad verbum Dei nobis commendandum; hoc inde apparet quod nullus unus sit versiculus in toto Psalmo, qui non habet saltem unam vocem quæ voluntas Dei revelata denotatur, præter, v. 122. In quo etiam, quamvis vox talis desit, vis tamen vocis, ac rei ipsius

ipſius continetur ſub metaphora *ſponſionis*, aut *vadimonii*, quod non niſi verbo fieri, dari vel obiri ſolet. 3. Voces illæ ſynonymæ, quæ paſſim hic occurrunt, & voluntatem Dei revelatam designant, ſunt decem :

I. תּוֹרָה *lex*, quæ notat hanc voluntatem Dei à Deo doceri, & ſolam dignam eſſe, quæ ab omnibus diſcatur.

II. חֻקִּים *ſtatuta*, quæ ſignificat hanc voluntatem continere officium nobis præſcriptum ac ſtaturum.

III. מִצְוָה *præcepta*, quia eadem voluntas præſcribitur nobis cum ſumma authoritate legiſlatoris.

IV. פְּקֻדֹּת *mandata*, quia illa voluntas eſt nobis & noſtræ fidei commiſſa, ut ſervetur.

V. עֲדוּת *teſtimonia*, quia hæc voluntas quaſi teſtimonium & teſtamentum Dei teſtatur, 1. De jure, quid facere debeamus. 2. De facto, quando bene, & quando male agimus. 3. De eventu, quid boni, vel mali, ſit nobis expectandum ac eventurum, ſecundum illud quod agimus boni aut mali : & hac ratione derigit conſcientias noſtras, in teſtimonio reddendo tam de ſtatu noſtro, quam de actionibus præteritis, præſentibus, & futuris.

VI. מִשְׁפָּטִים *judicia* : Quia judicium vel ſententiam judiciale Dei continet, de noſtris dictis, factis, cogitatis, nec non de executione congruente certo conſecutura.

VII. אִמְרָה *ſermo*, vel *oraculum* ; Quia provenit quaſi ex ore Dei.

VIII. דְּבַר *verbum*, Quia repræſentat nobis, quaſi alloquio quid Deus velit à nobis fieri.

IX. דֶּרֶךְ *via* Dei, Quia eſt delineatio & circumſcriptio perfecta actionum omnium noſtrarum, quaſi totidem grefſuum : quatenus imaginem Dei referunt, ipſi placent ac probantur, & etiam ad ipſum deducunt.

X. צֶדֶק *juſtitia* ; Quia verbum Dei rectitudinem habet in ſe juſtiſſimam : juſtum facit hominem à quo obſervatur, etiam coram Deo, juſtificatum omni genere experimentorum, & explorationum : & ab omnibus ſapientiæ filiis debet ſemper juſtificari. 4. Ita concinnantur Pſalmi hujus meditationes, ut in partes 22 deſtinguatur, ſecundum numerum & ordinem literarum alphabeti, & in ſingulis partibus ſint octo verſiculi, ab eadem litera incipientes : ut memoria diſcentium (etiam puerorum) juvetur in eis meditationibus ediſcendis, & retinendis, quæ (ut maxime neceſſariæ) debent omnibus eſſe familiares.

PSALMI CENTESIMIDECIMINONI.

OCTOSTICHUM I.

B *Eati integri via, qui ambulant in lege Iehovæ :*

2. *Beati custodientes testimonia ejus, ex toto animo quærentes eum.*
3. *Qui etiam non operantur iniquitatem, sed in viis ejus ambulant.*
4. *Tu præcepisti mandata tua observari valde :*
5. *Vtinam comparentur viæ meæ, ad observandum statuta tua :*
6. *Tunc non erubescam, quoniam intuebor in omnia præcepta tua.*
7. *Sed celebrabo te recto animo, discendo jura justitiæ tuæ :*
8. *Statuta tua observabo, ne derelinquas me admodum.*

A N A L Y S I S.

IN Octosticho primo, 1. Commendatur nobis verbum Dei, ab adjuncta beatitudine eorum, qui ejus ductum sequuntur. Quæ conseratio & praxis verbi illustratur, 1. Variis proprietatibus, integritate, & perseverantia : v. 1. Attenta ac sollicita cura : v. 2. Abnegatione & fuga oppositæ iniquitatis : v. 3. 2. Illustratur etiam eadem praxis verbi, à causa efficiente voluntate nempe Dei, eandem præcipientis & sic necessariam obligationem hujus praxeos nobis imponentis : cujus etiam obligationis modum & gradum ad summum usque studium & conatum extendi notatur, v. 4. Hæc fuit fides Davidis circa verbum Dei. Sequitur affectus ejus. 2. Præstantia illa verbi divini congruente affectu tanquam effectu meditationis illius illustratur. Qui affectus erga praxin verbi primo, sub forma seriæ optionis ac voti proponitur, v. 5. Cujus voti ratio redditur à duplici effectu hujus praxeos vitæ scilicet, confusionis, quæ consequeretur ex frustratione spei totius vitæ, vers. 6. & adeptione solidi gaudii, per cele-

brationem nominis Dei tanquam fructum ejus proprium demonstrandi, v. 7. Postea, idem affectus declaratur proposito sancto omnis conatus voto huic adjungendi : quod etiam communitur deprecatione oppositæ derelictionis, in qua divini auxilii imploratio continetur, vers. 8.

DOCUMENTA.

I. Quamvis beatitudo ab omnibus hominibus confuse appetatur, eandem tamen efficaciter appetere, & distincte, hoc proprium est Ecclesiæ, ex gratia speciali, v. 1.

II. Ad beatitudinem perducit voluntas Dei, in verbo scripto revelata, ibid.

III. Verbum Dei non alia ratione ad beatitudinem perducit, quam si in praxin convertatur, ibid.

IV. Ad praxin verbi beatificam requiritur imprimis sinceritas & constantia, ibid.

V. Cum sinceritate hujus praxeos conjungi debet attenta ac sollicita cura, tam bonum faciendi, quam

quam malum abnegandi & fugiendi
verf. 2, 3.

V I. Hæc cura & conscientia
voluntatis divinæ observandæ inge-
neratur nobis ex seria consideratione
authoritatis Dei, hoc præcipientis,
& obligationis illius, quæ nobis (vir-
tute præcepti divini) incumbit, v. 4.

VII. Virtute præcepti divini nos
obligamur ad summum studium &
conatum perfectionis, in observatio-
ne verbi Dei, ibid.

VIII. Consideratio præstan-
tiæ verbi divini, & necessariæ illius
obligationis quæ nobis incumbit,
excitare in nobis debet pios affectus,
& ardentissima vota, ut viæ nostræ
sint illi verbo conformes, v. 5.

I X. Per accuratam observatio-
nem verbi divini, & per illam solam,
vitabimus pudorem & confusionem,
verf. 6.

X. Per eandem observationem
acquiritur solidum gaudium n. ita ut
eo ipso nomine, quod tam cognitio-
nem quam praxin hanc largitus sit
nobis Deus, nomen ejus sincere à
nobis celebretur, v. 7.

X I. Cum pio isthoc affectu erga
verbum Dei, conjungendum est san-
ctum propositum omne studium &
conatum conferendi ad illud præ-
standum, quod optamus, v. 8.

X I I. Hoc propositum commu-
niri debet assidua imploratione gra-
tiæ divinæ, ibid.

OCTOSTICHUM II.

9. *Quomodo purificabit puer semitam suam? observanda eam secundum ver-
bum tuum.*

10. *Ex toto animo meo quero te, ne finas me errare à præceptis tuis.*

11. *In animo meo recondo sermonem tuum, ut non peccem in te.*

12. *Tu benedicte Iehova, doce me statuta tua.*

13. *Labiis meis recenseo omnia jura oris tui.*

14. *De via testimoniorum tuorum gaudeo, ut superioram omnibus opibus:*

15. *De mandatis tuis meditor, & intueor semitas tuas:*

16. *In statutis tuis me ipsum oblecto, non obliviscor verbi tui.*

A N A L Y S I S.

Quum in prior parte docuerat
Propheta beatitudinis viam esse
verbum Dei, & beatitudinis pars
non minima sit in sanctificatione
vitæ; in hac secunda parte ejusdem
verbi 1. efficaciam ostendit, ad san-
ctificationem operandam: & 2.
modum ac rationem, quam quis-
que sequi debet, ut illam effica-
ciam verbi in sese habeat operan-
tem.

1. Efficacia verbi sanctificans de-
claratur per illam operationem,
quam habet in subjecto minime
omnium disposito aut præparato ad
opera sanctificationis, puer scili-
cet aut adolescente, v. 9. in princi-
pio: ubi purificatio semitæ pueri, per
synecdochen speciei, significat cu-
juslibet hominis sanctificationem. 2.
Modus & ratio sanctificationis hu-
jus per verbum obtinendæ, fusius de-
cla-

claratur : utpote quæ consistit 1. In attenta cura, vitam totam verbo conformem reddendi, in fine, v. 9. Ubi simul notatur tempus hujus curæ suscipiendæ, quod scilicet incipere debeat à *pueritia* (si fieri possit) prima, absque ulla procrastinatione aut dilatione, 2. In sincero studio istam gratiam cum aliis mediis, tum precibus consequendi, v. 10. 3. In fideli conservatione cognitionis quam habemus, ejusque directione ad praxin, v. 11. 4. In efficaci desiderio & religiosa petitione plenioris informationis ac directionis, tanquam benedictionis magnæ, à celebranda Dei benignitate derivandæ, v. 12. 5. In frequentibus exercitiis cognitionis illius, quam habemus ad Dei gloriam, in nostra & aliorum exædificatione. v. 13. 6. In incomparabili affectu dilectionis & gaudii erga verbum Dei, ejusque praxin in cordibus nostris excitando, vers. 14. 7. In assidua meditatione & contemplatione ejusdem verbi, v. 15. 8. In voluptate nostra præcipua ex isthoc verbo quærenda, ejusque congruente recordatione, v. 16.

DOCUMENTA.

I. Primarium est officium omnium & singulorum, qui ad usum rationis pervenerunt, etiam adolescentium, & semi-puerorum, diligentium inquirere, quomodo possint vias suas sancte ordinare, ex v. 9. in princ.

II. Verbum Dei est unica regula, sufficiens & efficax ad vitam sancte instituendam, ibid. in fine.

III. Ut verbum sit efficax ad no-

stram sanctificationem, diligens requiritur observatio, ne vita nostra dissentiat à verbo, sed eidem conformis in omnibus reddatur, ibidem.

IV. Observatio nostra per se non sufficit : sed à Deo gratiam & auxilium religiose quærere debemus, ut ille nos observet in bonum, vers. 10.

V. Quia gratia Dei communicatur nobis per verbum ; idcirco verbi cognitio illa, quam assecuti sumus, thesauri loco debemus habere, fideliter eam custodiendo, & ad praxin dirigendo, v. 11.

VI. Quia cognoscimus & facimus tantum ex parte ; pleniorem igitur institutionem & directionem obnixè petere debemus à Deo, tanquam singularem ejus benedictionem, v. 12.

VII. Qui istum affectum habent erga Dei verbum, circa illud, tam verbis, quam factis, libenter occupantur, v. 13.

VIII. Per hujusmodi exercitia circa verbum Dei, ita imprimuntur animis fidelium suavis sensus bonitatis ejus, ut illud magis diligant, magisque de eo gaudeant, quam de omnibus rebus mundanis, v. 14.

IX. Qui gustarunt quam bonum sit Dei verbum, libenter & frequenter de illo meditantur in ordine ad praxin, v. 15.

X. In ista meditatione seriam & solidam delectationem inveniunt pii, v. 16.

XI. Qui verbo Dei vere delectantur, illud non facile oblivioni tradunt, ibid. in fine.

OCTOSTICHUM III.

17. Beneficium confer in servum tuum ; ut dum vivo, observem verbum tuum.
18. Rectege oculos meos, ut intuear mirabilia ex lege tua.
19. Perigrinante me in hac terra, ne abscondas à me praecepta tua.
20. Nam comminor ipse, ab desiderio erga jura tua omni tempore.
21. Tu qui perdis superbos, maledictos ; qui errant à praeceptis tuis.
22. Devolve à me opprobrium & contemptum, quia testimonia tua custodio :
23. Tum confidentibus principibus, de me sermones frequentantibus, servus tuus meditatur de statutis tuis :
24. Tum testimonia tua oblationes meae sunt consilarii mei.

A N A L Y S I S.

EXposita jam excellenti verbi Dei virtute, ad beatitudinem & sanctitatem sui studiosis praestandam, sequitur ex ordine rationis, ut condignum studium verbi in cordibus nostris excitetur.

Hoc autem studium in ista parte Psalmi explicatur ; ubi David 1. generaliter Dei gratiam implorat, qua fiat ut observet ejus verbum, 17. Ubi etiam haec gratia & consequenter studium ejus gradatim illustratur. 1. A genere & gradu ejus, quod sit beneficium maximum. 2. A subjecto ejus, quod proprium sit servorum Dei. 3. Ab effectu & fructu ejus, quod vitam perficiat, tanquam finis, eamque reddat vere vitalem. 2. Specialis petitio subjungitur pro illuminatione mentis ad verbum Dei recte intelligendum : quae intelligentia verbi simul illustratur ab summa illa excellentia & difficultate, quae reperitur in objecto, vel verbo intelligendo, v. 18. Urgetur etiam eadem petitio à necessitate ipsius quae tam ex conditione Davidis declaratur, v. 19. quam ex affectu illi conditioni congruente, vers. 20. Cujus affectus occasio

singularis exponitur in superbia perditorum hostium, qui ex maledicta nequitia verbum Dei contemnebant, v. 21. & eo ipso nomine contemnebant ac deridebant Davidem, quod verbo Dei adhærebat, v. 22. Quod in argumentum convertitur implorandi gratiam Dei in verbi intelligentia, fide ac virtute communicanda ad hoc incommodum auferendum, ib. Et hujus argumenti consequentia inde confirmatur, quod fortiter ac sincere verbo Dei adhærebat ; sicut enim propter verbum contemptum patiebatur à viris potentibus & astutis, sic ipsorum terrori & consultationibus, solius verbi delectationem & consilium opponebat, v. 23, 24.

DOCUMENTA.

I. Excellens virtus verbi divini summum studium sui in animis piorum solet excitare ; ex hoc Octosticho cum prioribus comparato.

II. Studium sincerum erga verbum Dei, preces ardentes producit, ut virtus ejus nobis communicetur, ex toto Octosticho.

III. Petendum hoc est à Deo, tanquam primum beneficium, quod

quod solet in suos servos conferre, ex v. 17.

IV. Petendum etiam est, ut finis & perfectio vitæ nostræ, ibid.

V. Specialiter petenda est à Deo illuminatio mentis nostræ ad verbum intelligendum, v. 18.

VI. Qui mentes habent illuminatas, mirabilia vident in verbo Dei, quæ superant communem rationem, ita ut aliis vel non veniant in mentem, vel incredibilia videantur, ibid.

VII. Qui intelligunt vitam suam in hac terra esse peregrinationem, illi nihil magis quærunt quam ut per verbum Dei in via sua versus patriam dirigantur, v. 19.

VIII. Hoc desiderium erga verbum adeo est fervidum in piis animis, ut eodem consumi debeant, nisi ex parte saltem adimpleretur, v. 20.

IX. Nequitia, superbia, & irritio impiorum non debet minuere, sed magis excitare hoc studium piarum, v. 21.

X. Adversus illas tentationes munire nos debemus certa ac viva spe auxilii divini, v. 22.

XI. Spes ista vel in maximis tentationibus erigitur & confirmatur, si adversus terrores & astutias hostium, consolationem, & consulti-ssimam directionem in verbo Dei quæramus, v. 23, 24.

OCTOSTICHUM IV.

Vers. 25. *Adhæret pulveri vita mea : utrum serva me secundum verbum tuum.*

26. *Vias meas recensentem exaudivisti me ; doce me statuta tua.*

27. *Fac ut viam mandatorum tuorum intelligam, ut mediter de mirabilibus tuis.*

28. *Stillat anima mea præ aestiia, erige me secundum verbum tuum.*

29. *Viam falsitatis amove à me, & legem tuam gratiose largire mihi.*

30. *Viam veritatis eligo, iudiciorum tuorum propono mihi :*

31. *Inbareo testimonis tuis Iehova, ne finis me erubescere.*

32. *Viam præceptorum tuorum percurram, quum dilataveris animum meum.*

A N A L Y S I S.

HAtenus declarata fuit virtus verbi divini, prout communis est, & omni tempori ac conditioni fidelium quadrans. Ad omnes enim pertinet, semper in animis habere & meditari, quod beatitudinis ac sanctificationis unica regula & via sit verbum Dei, & quomodo studium & affectus tali verbo congruentes in semetipsis excitare, & piis votis

exerere possint. Jam vero in ista parte incipit Propheta monstrare sub suo proprio exemplo, quomodo idem verbum Dei usum habet ad speciales fidelium condiciones accommodatum, & imprimis ad tempus gravis alicujus afflictionis.

Proponit igitur 1. Deo casum suum, quomodo scilicet pressus fuerit gravi calamitate, ita ut proxime accesserit

accesserit ad miseram mortem, verf. 25. in principio. 2. Petit imprimis à Deo consolationem, recreationem, ac restitutionem illam, quæ verbum ejus promittit afflictis, ib. in fine, v. 28. in fine. Argumentum subjungit ad illam. 3. Petit etiam illuminationem & directionem ejusdem verbi, ut rite possit illam restitutionem expectare, v. 26. in fine v. 27. quam precationem illustrat deprecatione erroris adversi, v. 29.

Argumentum 1. quo istæ petitiones suadentur, petitur à causa spei administrante, quæ etiam est causa disponens ab bona petita consequenda, conscientia scil. bona, qua proficitur se antea ex omni occasione Deum de rebus suis consulisse, & ab eo pependisse, v. 26. in princ. *vias meas recensui.*

Secundum arg. petitur à pari Dei gratia, quam aliis temporibus expertus fuerat Propheta, ibid. in medio: *exaudivisti me.*

Tertium petitur ab adjuncta necessitate hujus petitionis, quæ necessitas ex eo declaratur, quod nisi levatus non potuerit diutius durare: quia ex ægritudine anima vel vita ejus quasi stillatim defluere videbatur, v. 28.

Quartum argumentum petitur à causa administrante, sincero nempe studio ipsius erga verbum Dei, quod quasi per partes distributive explicatur: *intentione, electione, prosecutione* cordis aut voluntatis, v. 30, 31. Cujus argumenti consequentia firmatur à gravi incommodo inde consequuturo, si tale studium a Deo negligeretur: futurum scil. ut qui speravit in Deo secundum verbum ejus, de spe sua erubesceret, vel confunderetur, quod Deo est indignum, v. 31. in fine.

Quintum argum. petitur à fine & fructu hujus restitutionis, glorificatione scil. Dei, per alacrem observantiam ipsi præstandam, v. 32.

DOCUMENTA.

I. Fideles Dei servi hoc habent cum aliis mortalibus commune, quod variis afflictionibus & calamitatibus sæpe deiciantur & prosternantur, ex v. 25. in principio.

II. Hoc tamen proprium est fidelium, quod in calamitatibus pressi confugiant ad Deum, & opem ipsius cum ipse viva implorent, ibidem in medio.

III. Spes ista fidelium in verbo Dei fundatur, ibid. in fine.

IV. In verbo non solum consolationem & promissam liberationem spectant fideles afflicti, sed etiam directionem ejus, quomodo se gerere debeant in liberatione illa expectanda, v. 26. in fine, & 27.

V. Consolatio & directio mirabilis in verbo Dei continetur, v. 27.

VI. Dei singularis est gratia, si det nobis illam consolationem ac directionem percipere, & nobis applicare, ibid.

VII. Qui Deum sincere & constanter consulunt de viis suis, illi fidenter possunt hanc gratiam à Deo sperare, v. 26.

VIII. Hæc spes confirmatur experientia, ibid.

IX. Quo major est necessitas quæ nos premit ac urget, eo magis erigere spem & preces intendere debemus, v. 28.

X. Etiam in extrema necessitate cavendum est, & petendum à Deo, ut conservemur à viis & consiliis omnibus quæ verbo Dei adversantur, v. 29.

XI. Verbo

XI. Verbo Dei ita studere debemus toto corde, ut præcipua nostra intentio, electio & prosecutio in illud solum feratur, v. 30, 31.

XII. Qui hoc studio aguntur, illi de spe sua nunquam erube-

scant, versic. 31. in fine.

XIII. Studii hujus alacritas & efficacia crescere debet, prout Dei erga nos beneficentia magis manifestatur, vers. 32.

OCTOSTICHUM V.

Vers. 33. *Doce me Iehova, viam statutorum tuorum; quam custodiam in finem usque.*

34. *Fac ut intelligam, ut custodiam legem tuam; observemque eam ex toto animo.*

35. *Fac ut incedam itinere præceptorum tuorum, nam eo delector.*

36. *Flecto animum meum ad statuta tua; neque sinas deflecti ad quæstum.*

37. *Averte oculos meos, ne respiciant vanum: in viis tuis fac ut vivam.*

38. *Presta servo tuo sermonem tuum, qui addictus est reverentiae tui.*

39. *Averte opprobrium meum, quod reformido; quia jura tua bona sunt.*

40. *Ecce desiderio mandata tua, in justitia tua fac ut vivam.*

A N A L Y S I S.

IN ista parte continuatur doctrina de usu, quem verbum habet in afflictionis malo, sed cum hac differentia, quod quum in priorē parte egerit de afflictionum ærumna; in hac præcipue agit de tentationibus quæ graviores afflictiones solent comitari, & in quibus præcipuum earum malum consistit. Ostensus igitur Psalmista sub exemplo suo, quomodo ex verbo Dei munire nos debeamus adversus hujusmodi tentationes, petit imprimis à Deo illuminationem ac institutionem in verbo, v. 33, & 34. *doce, fac ut intelligam*: in principio. Cujus modum singularem 1. Declarat, quod sit practica non speculativa tantum institutio, quam quærebat. id. in med. *quam custodiam, observemque*. 2. Praxeos illius durationem subjungit v. 33. in fine, ad

finem usque. 3. Adjunctam ejus sinceritatem, v. 34. in fine, *ex toto corde*. Petit secundo in loco efficacem Dei gubernationem, secundum ejusdem verbi directionem, v. 35. in principio. Quæ petitio cur fiat, causam & cur concedenda sit, rationem reddit ab affectu delectationis, quam habuit in praxi verbi, ex quo affectu tanquam ex impellente causa illa petitio processit, v. 35. in fine, *nam eo delector*. Tertio in loco opem Dei implorat adversus impedimenta praxeos illius expectatæ, tanquam gubernationis illius primarium effectum. Quorum primum est interna proclivitas aut propensitas cordis ad pravas concupiscentias, quæ per unam speciem avaritiæ synecdochice notantur v. 36. in fine, *et non ad avaritiam, vel quæstum*. Quam propensitatem ad malum,

malum, curari petit à Deo per oppositam reflectionem cordis ad verbum, ibid in principio, *flecte cor meum ad statuta tua*. Secundum impedimentum est in externis objectis, quæ cum magno periculo seductionis insinuant sese per sensus externos ad talia recipienda nimis paratos, v. 37. in medio, *ne oculi respiciant vanum*. Quod periculum averti à se petit per commutationem animi tam efficacem, ut etiam extendatur ad sensus externos recte ordinandos, ib. in principio, *averte oculos*. Hæ petitiones (quarto in loco) illustrat à fructibus exauditionis earum, qui etiam conjunctim à Deo petuntur. Fructus autem illi sunt. 1. Vivificatio in bono, v. 37. in fine. 2. Promissionum Dei impletio, versic. 8. in principio : quæ suadetur à causa administrante, vel conditione aliquo modo impleta, ibid. in fine. 3. Pude facientis mali aversio, v. 39. in principio. Cujus fundamentum vel primaria causa collocatur in bonitate Dei, & verbi ejus, ibid. in fine. Hæc denique omnia summatim petuntur sub titulo *vivificationis*, v. 40. in fine ; & suadentur à Dei perfectione, vel *justitia*, ac vivificandi, imperfecto quidem, sed sincero affectu *desiderii* erga verbum Dei, ibid.

DOCUMENTA.

I. Ex nobismetipsis non sumus sufficientes, ne quidem ad intelligendum verbum Dei sicut oportet, quum à nobis vel legitur vel auditur, ex v. 33. & 34. in principio.

II. Ex conscientia nostræ insufficientiæ, specialis illuminatio ac institutio ardentem ac instanter à Deo est petenda, ibid.

III. Omnis cognitio veritatis quam accipimus ex illuminatione ac institutione Dei, dirigenda semper est ad praxin, ibid. in medio.

IV. In praxi verbi divini constantes esse debemus ac sinceri, ibid. in fine.

V. Ad constantem ac sinceram praxin verbi, efficax Dei gubernatio est nobis necessaria, atque adeo ex omni occasione petenda, v. 35. in princ.

VI. Gubernationis divinæ petitio fervida est & efficax, ubi procedit ex affectu amoris ac dilectionis erga pietatem, ibid. in fine.

VII. Primarium effectum est gubernationis divinæ, si corrigatur in nobis interna propensitas cordis ad concupiscentias pravæ, & ejus loco ingeneretur nobis inclinatio ad verbum Dei observandum, v. 36.

VIII. Secundarium effectum ejusdem gubernationis est, si externi sensus ac membra corporis non in res vanas, sed in salutes ordinate ferantur, v. 37. in principio.

IX. Quibus talis institutio & gubernatio Dei adest, ii vividi & alacres sunt in viis Dei, Ibidem in fine.

X. In viis Dei ambulantes certo participes fient promissionum Dei, v. 38. in principio.

XI. Quo magis quis deditus est reverentiæ Dei, eo majorem fiduciam concipere potest de promissionibus divinis, ibidem in fine.

XII. Qui sic adhærent bono Dei verbo, illos sui consilii nunquam pudebit aut pigebit, v. 39.

XIII. In omnibus hujusmodi votis spes erigitur & confirmatur intuitu perfectionis divinæ, & nostræ sinceritatis, v. 40.

OCTOSTICHUM VI.

41. *Quumque obtulerint mihi benignitates tuæ Iehovæ ; salus tua secundum sermonem tuum.*

42. *Respondebo probro afficienti me verbum ; quia fiduciam habeo in verbo tuo.*

43. *Sed ne abripi ab ore meo verbum verum admodum : quandoquidem iura tua expecto :*

44. *Et observabo legem tuam jugiter, in seculum & sempiternum :*

45. *Indefinenterque ambulabo in ipsa latitudine, quia mendata tua quero.*

46. *Et loquar de testimoniis tuis coram regibus, neque erubescam.*

47. *Et me oblectans in præceptis tuis, quæ diligo,*

48. *Attollam manus meas ad præcepta tua quæ diligo, & meditabor de statutis tuis.*

A N A L Y S I S.

IN ista parte declaratur usus verbi congruens temporis liberationis à gravi aliqua afflictione, periculo, & tentatione : qui usus in proposito, promissione ac voto præexistere debet, ac liberationem ipsam prævenire : sicut in ista parte, sub exemplo Davidis, declaratur. Ubi primo, liberatio ipsa variis modis illustratur, 1. Ab autore, vel causa principali : *salus tua Iehova.* 2. A formali ratione sub qua ab illa causa procedit, ampla scilicet & copiosa bonitate ac gratia Dei : *benignitates tuæ.* 3. A causa administrante, vel efficacis ejus testificatione : *secundum eloquium tuum,* hæc omnia v. 41.

Secundo in loco, usus & fructus hujus liberationis exponitur, defensio scil. idonea adversus ludibria, subsannationes, & insultationes impiorum : *& respondebo probro me afficienti verbum.* Qui idem usus verbi esse declaratur : quia verbum, ut spei objectum, facit tam subsannationis, quam defensionis materia : *respondebo verbum, quia fiduciam habeo in verbo tuo,* v. 42.

Tertio, hic optatissimus usus verbi, quo posset impios confundere, & alios ædificare, ut constanter sibi suppeditetur, petit, idque tam virtualiter in ipso facto vel opere liberationis, quam gratiæ congruentis communicatione quæ duo per deprecationem oppositæ privationis notantur : *ne abripi ab ore meo verbum,* v. 43. in principio Cujus voti ratio redditur, partim a præstantia illius verbi, quod est *verum admodum,* ibidem in medio, & partim à spe sua in eodem collocata : *quandoquidem iura tua expecto.* Ibid. in fine.

Quarto, alterum usum verbi post liberationem concessam, exponit, sub forma voti nuncupati : qui in ejus praxi collocatur. Quæ praxis declaratur ab adjuncta constantia, & fortitudine invicta, v. 44. Atque etiam à libertate illa, quæ serium studium verbi comitari solet, versic. 45.

Tertium usum, primi illustrationem, ponit in professione ac prædicatione verbi, nullo vel terrore vel splendore

splendore mundano impedienda ,
verf. 46.

Quartus usus verbi, ex occasione salutis communicatæ, est totius hominis vel omnium facultatum applicatio ad virtutem ejus fruendam, affectuum, virium, & spiritus mentis, v. 47, 48. *Obleſtabo me, attollam manus, meditabor.*

DOCUMENTA.

I. Omnis salus vel liberatio ab afflictionibus, periculis, ac tentationibus, Dei est, & à Deo querenda, v. 41. *Salus tua, Iehova.*

II. Abundans est benignitas Dei, ab istam salutem præstandam eis, qui ipsam quærunt. Ibid. *benignitates tuæ.*

III. Regula benignitatem Dei sperandi, est voluntas ejus in verbo revelata. Ibid. *Secundum sermonem tuum.*

IV. Ex verbo (precipue promissionis jam præstitæ) suppeditatur fidelibus verbum, quod impiis irrisoribus fidenter possint respondere, v. 42.

V. Singularis est gratia Dei, si verbum hoc respondendum nobis communicetur, una cum spiritu gratiæ ac fortitudinis, ad illud enunci-

andum, v. 43. *Ne eripias ex ore meo verbum.*

VI. Ad istam gratiam petendam, accuuntur animi fidelium consideratione præstantis veritatis verbi divini. Ibid. *Verbum verum admodum.*

VII. Eiusdem gratiæ impetrandæ spem magnam concipere quis possit, ex eo ipso quod speret in verbum, v. 42. & 43. in fine. *Quia spero in verbum, quia judicia tua expecto.*

VIII. Quando spei & expectationi nostræ satisfacit Deus, ex gratitudine magis excitari debemus ad omnem obedientiam ipsi præstandam, v. 44. in principio.

IX. Obedientiæ laus est constantia, ib. in fine.

X. Constantiæ fomes est libertas cordis in bono, verf. 45. in principio.

XI. Libertas acquiritur sincero studio verbi. Ibidem in fine.

XII. A libertate professionis, quæ cedit in gloriam Dei, nullus pudor vel terror debet nos amovere, verf. 46.

XIII. Cum professione verbali, jungenda est omnium facultatum applicatio ad verbum Dei magis magisque amplectendum, verf. 47, 48.

OCTOSTICHUM VII.

49. *Recordare verbi cum seruo tuo habiti, de quo spem fecisti mihi.*

50. *Hæc est consolatio mea in afflictione mea: sermonem tuum vivificare me;*

51. *Superbis deridentibus me admodum, à lege tua me non declinare:*

52. *Recordari judiciorum tuorum inde à seculo Iehova; & meipsum consolari.*

53. *Procella prehendente me ab improbis, desertoribus legis tuæ.*

54. *Pfallendi argumenta esse mihi statuta tuæ, in loco peregrinationum mearum;*

55. *Recordari me noctu nominis tui Iehova, & observare legem tuam.*

56. *Hæc consolatio est mihi, me mandata tuæ custodire.*

ANA.

ANALYSIS.

Quum in priore parte testatus fuerat David, quid sibi proposuerat faciendum post liberationem ex afflictione concessam; in hac ostendit quomodo fiduciam & consolationem tam certam conceperit de illa liberatione in tempore futura. Fiduciam igitur istam declarat, 1. A causa principali vel auctore Deo, v. 49. in fine. *Spem fecisti mihi.* 2. A causa subministrante, & objecto primario. Ibid. in med. *verbum promissionis.* 3. Ab objecto secundo, præstatione illius verbi, Ib. in prin. *Recordare verbi.* 4. Ab effecto, consolationis, nempe adversus terrores affligentes, v. 50. in principio. *Hæc est consolatio mea in afflictione mea.* Quæ consolatio describitur, 1. Per vigorem animo communicatum, tanquam effectum, & verbum promissionis tanquam propriam ejus causam. Ibidem, in fine. *Quia verbum tuum vivificat me.* 2. Per causas ejus adjuvantes, quarum una fuit conscientia bona: quæ declaratur per constantiam fidei ac obedientiæ, in medio gravissimarum tentationum: quarum species una commemoratur tanquam præcipua, nimia scilicet derisio superbientium impiorum, vers. 51. *Superbi deriserunt me admodum: à lege tua non declinavi.* Altera causa adjuvans consolationis ejus ponitur in recordatione judiciorum Dei, quæ ab initio mundi fecerat, quibus scilicet malos semper repressit, bonosque liberavit, sed tempore suo, v. 52. *Recordatus sum judiciorum tuorum, &c.* 3. Eadem consolatio Dei illustratur per oppo-

situm horrorem ab impiis exortum, vers. 53. *procellaprehendit me, &c.* Quem horrorem superatum fuisse consolatione divina, ex effecto lætitiæ in medio afflictionum, ostendit, vers. 54. *cantiones fuerunt mihi, &c.* Cujus lætitiæ causam fuisse docet perpetuam recordationem nominis divini, ad praxin usque efficacem, vers. 55. *recordatus sum noctu, &c.*

Hæc denique omnia quæ dixerat Propheta de fiducia & consolatione sua, refert ad laudem verbi divini, secundum communem scopum totius Psalmi, v. 56. *Hoc evenit mihi, quia statuta tua servavi.*

DOCUMENTA.

I. Piorum animi in omni angustia sustentantur spe divina, vers. 49. in fine.

II. Spes hæc divina nititur promissionibus Dei, & earum complementum expectat. ibid. in princ.

III. Ex hac spe, solida consolatio in corda fidelium derivatur, v. 50. in princ.

IV. Consolatio divina est vita & vigor animi, haustus ex verbo Dei, Ibid. in fine.

V. Spes corroboratur, & consolatio sustentatur ac promovetur testimonio conscientie bonæ, v. 51. in fine.

VI. Conscientia bona clare demonstratur per constantiam fidei, ac obedientiæ in medio tentationum, ib. in princ.

VII. Inter tentationes explorantes, derisionem impiorum & superbiorum pietatis nomine pati, est una ex præcipuis, Ibid.

VIII. Ad-

VIII. Adversus hujusmodi tentationes. multum confirmatur animus, recordatione judiciorum Dei, impiis reprimendis & piis liberandis, v. 52.

IX. Tanta vis est consolationis divinæ, quando viget in animo bene confirmatio, ut lætitiā pariat, in

medio horroris ab impio mundo nobis incussi, verf. 53. & 54.

X. Lætitiā spiritalis ac solidia oritur ex constanti & efficaci recordatione nominis divini, v. 55.

XI. Omnia ista privilegia sunt eorum propria, qui verbo Dei adhærent, v. 56.

O C T O S T I C H U M . V I I I .

57. *Portio mea es Iehova, dico; ut observem verba tua.*

58. *Deprecor faciem tuam ex toto animo, gratiam fac mihi secundum sermonem tuum.*

59. *Reputo vias meas, ut referam pedes meos ad testimonia tua.*

60. *Festino, ac non cunctor observare mandata tua.*

61. *Turbis improborum dispoliantibus me; legis tuæ non obliviscor.*

62. *Media nocte surgo ad celebrandum te, propter jura justitiæ tuæ.*

63. *Socius sum omnibus qui reverentur te, & observantibus mandata tua.*

64. *Benignitatis tuæ, ô Iehova, plena est terra; statuta tua doce me.*

A N A L Y S I S .

Quoniam consolatio vera sic afficit animos piorum, ut studium ipsorum erga Deum & verbum ejus accendat, idcirco consolationis declarationi, in priore parte factæ, subjungit hic Propheta studii sui erga Deum & verbum ejus professionem.

Studium hoc erga Deum, & verbum ejus, declaratur ab adjunctis, quod esset maximum tam intensive, quam appretiative, id est, nihil magis desideraret, neque quidquam huic præligendum æstimaret, v. 57. *portio mea es Iehova.* Quæ verba sive legamus: *Iehova est portio mea*, ideo dixi quod observabo verba tua; sive: *Iehova qui portio mea es*, dixi quod observabo verba tua, sive: *dixi Deus est portio mea*, ut observem verba tua; sive: *dixi Iehova, hæc portio mea est*,

ut observem verba tua, eodem redit sensus, studium Prophetæ erga Deum & legem ejus fuisse summum, quale est hominum erga desideratissimas suas portiones & hereditates. Alterum adjunctum hujus studii fuit in perfectione modi. Non enim erat inconsideratum, volaticum, leve, sed maxime deliberatum, & propositi fixi, ibid. *dixi*, id est, statui, decrevi. 2. Idem studium declaratur effecto precum, verf. 58. Quæ præces describuntur, 1. Ab objecto, favore Dei, *faciem tuam.* 2. Ab adjuncta sinceritate & ardore: *toto corde.* 3. Ab effectu destinato: *gratiam fac mihi* 4. A causa impellente, quæ etiam fuit adjuncta regula vel mensura votorum: *secundum sermonem tuum.* 3. Idem etiam studium ab altero effectu

effecto declaratur, quod ponitur in resipiscencia & sanctitatis cura. Resipiscencia describitur per suas partes, aversionem à malo, & conversionem ad bonum. Aversio à malo significatur per suam causam, agnitionem peccati, v. 59. in principio: *reputo vias meas*. Conversio ad bonum disertis verbis notatur, connotata etiam efficacia & rectitudine ejus, Ibidem in fine, *converti sedes meos ad testimonia tua*.

Cura sanctificationis declaratur, 1. Per promptum ejus zelum, v. 60. *festino, non cunctor*. 2. Per ejus constantiam omnia impedimenta superantem, versiculo 61. 3. Per ejus partes, quæ sunt cultus Dei, versiculo 62. & charitas erga fratres, vers. 63.

Hæc omnia, obsignat confirmat, & promovere conatur obtestatione petita à benignitate Dei in omnibus creaturis relucet, v. 64.

DOCUMENTA.

I. Quo majorem consolationem habemus in Deo, eo magis accendi debet studium nostrum erga ipsum & verbum ejus, ex connexionem hujus partis cum antecedit.

II. Hoc studium tale debet esse, quale est hominum erga suam portionem, in qua omnia sua bona contineri norunt, ex versic. 57.

III. Studium hoc debet omni meditatione confirmari, excitari, renovari, & magis magisque animis nostris infigi, ibid. *dixi vel dico*.

IV. Hoc studium declaratur invocatione Dei, tanquam proprio suo effecto, v. 58.

V. Preces istæ debent esse sincere & fervidæ. Ibidem, ex toto corde.

VI. Summa omnium petitionum est, ut Deus velit gratiam nobis facere, ibid.

VII. Regula hujus gratiæ petendæ, & fundamentum ejusdem sperandæ, est verbum promissionis, ibid. in fine.

VIII. Studium Dei, & invocatio nominis ejus, resipiscenciam veram habet conjunctam, ex vers. 59.

IX. Ad resipiscenciam necessaria est seria consideratio viarum nostrarum, ibid.

X. Ex seria consideratione viarum nostrarum, oritur agnitio peccati & ejusdem aversio, ibid.

XI. Resipiscencia perficitur in efficaci conversione totius hominis ad verbum Dei, ibid. in fine.

XII. Conversionem istam comitatur cura sanctificationis, eaque prompta, sine tardatione versic. 60.

XIII. Cura sanctitatis fortis & constans debet esse ad omnia impedimenta superanda, versic. 61.

XIV. Apparet ista cura in zelo cultus divini, v. 62.

XV. Apparet etiam in charitate fraterna, & singulari communionem cum piis colenda, versic. 63.

XVI. Ad hæc omnia stabilienda & promovenda, imploranda est institutio & directio Dei, versic. 64.

XVII. In spiritualibus istis bonis sperandis, confirmare nos debet bonitas illa Dei quæ in omnibus creaturis relucet, ibidem.

OCTOSTICHUM IX.

Vers. 65. *Bono affecisti servum tuum Iehova, secundum verbum tuum.*

66. *Præstantiam rationis & scientiæ doce me: nam præceptis tuis credo.*

67. *Quoniam nondum loquerer, ego errabam: nunc autem sermonem tuum ob-*
servo.

68. *Bonus es & beneficus, doce me statuta tua.*

69. *Continnantibus contra me falsitatem superbis, ego ex toto animo custodio*
mandata tua.

70. *Obesatur quasi adipe cor illorum, ego lege tua oblecto me.*

71. *Bono mihi fuit me affligi, ut discerem statuta tua.*

72. *Melior est mihi lex oris tui, multis millibus nummum aureorum &*
argenteorum.

A N A L Y S I S.

AB Octosticho 4. huc usque declaratus fuit usus verbi in afflictione: jam ejusdem verbi usus ille declaratur, qui convenit eis qui ab afflictione aliqua gravi sunt liberati, sicut apparet ex v. 65. *bono affecisti servum tuum Iehova.*

Post liberationem igitur ab afflictione concessam, David primo in loco cum omni gratitudine agnoscit sibi tanquam servo Dei eandem fuisse præstitam, & mansisse illam à bonitate ac fidelitate Dei, tanquam ex fonte; sed tamen ex verbo promissionis, tanquam ex canali. Ibid. Hæc est celebratio liberationis à causis ejus. 2. Eandem liberationem celebrat ab effectis: quæ sunt primo, excitatio fidei & obsequii erga verbum Dei, v. 66. in fine.

Secundo, excitatio desiderii, præstantioris adhuc scientiæ, judicii & discretionis ex verbo consequendæ. Quod desiderium inde efficax arguit, quod illa fidei & obsequii excitatio est dispositio promissionem habens ulterioris scientiæ communicandæ.

Tertio, excitationem illam fidei & obsequii erga verbum Dei, declarat ab alia ejus causa, afflictione scilicet humiliante: quam assertionem veram esse demonstrat per comparisonem dispositionis præteritæ in rebus secundis, & istam præsentem ex rebus adversis oriundam, v. 67. Unde infert desiderium ac petitionem illam ante propositam, ut daretur ipsi proficere in verbi intelligentia recta: quod etiam urget à bonitate & beneficentia Dei, tanquam præcipuum ejus effectum, v. 68.

Quarto eandem excitationem fidei & observantiæ suæ illustrat Prophetæ oppositis testimoniis hostium superborum: quæ quamvis artificiosa fuerant, & cum aliquo colore, falsa tamen mendacia fuisse eventus ipse probaret, v. 69. Cujus rei causam reddit, affectum oblectationis qua in verbum Dei ferebatur: quam opponit stupefacientibus voluptatibus impiorum, versic. 70.

Ex istis autem omnibus concludit afflictiones suas conversas fuisse in bonum, vers. 71. Medium au-

tem ac rationem hujus eventus declarat non aliam fuisse, quam excitationem pii affectus erga verbum Dei, vers. 72.

DOCUMENTA.

I. Omne bonum referendum est ad Deum, tanquam authorem, v. 65. in princ.

II. Bonum illud quo afficit nos Deus, tum demum est pure ac vere bonum, quando sic à nobis recipitur tanquam à servis ejus, Ibid.

III. Ut servi Dei recipimus ejus beneficia, quando in eis agnoscimus benignitatem ac fidelitatem Dei secundum verbum ejus, Ibid. in fine.

IV. Fidelitate Dei in bene nobis faciendo, tam fides quam obsequium nostrum erga verbum ejus debet excitari, vers. 66. in fine.

V. Simul etiam excitare nos debet fidelitas illa verbi divini, ad ulteriorem scientiam ejus, tanquam omnium scientiarum præstantissimam quærendam, Ibid. in princ.

VI. Qui fideliter & obedienter afficiuntur erga verbum Dei, si certo possint expectare illuminationem scientiæ præstantioris, ex toto. v. 66.

VII. Pii isti affectus in ipsis si-

delibus lauguent sepe, cum omnia externa ipsis ex voto succedunt, v. 67. in princ.

VIII. Excutitur iste languor per afflictiones, Ibid. in fine.

IX. Tam in afflictionibus ad talem finem ordinandis ac sanctificandis, quam in eisdem tollendis, bonitas ac beneficentia Dei est agnoscenda & celebranda, v. 68. in princ.

X. Ex qualibet apprehensione hujus bonitatis Dei, tam desiderium quam spes nostra debet excitari, in quærenda virtute verbi divini, ut nobis à Deo magis magisque communicetur, Ibid. in fine.

XI. Syncero hoc studio erga verbum Dei calumniæ impiorum hostium in conscientiis nostris optime refutantur, v. 69.

XII. In eodem studio oblectationem tantam habent pii, ut ejus respectu, contemnant voluptates ac delicias peccatorum, v. 70.

XIII. Hæc oblectatio tanta est, ut afflictiones ipsas, quibus promovetur, gratas reddat piis, v. 71.

XIV. Propter istiusmodi fructus, verbum Dei charius debet esse nobis, quam omnes divitiæ hujus mundi, v. 72.

OCTOSTICHUM X.

Vers. 73. *Manus tuæ fecerunt me & aptaverunt me redde me intelligentem, ut discam præcepta tuæ.*

74. *Timentes tui videant me & letentur, quod in verbo tuo expectationem habeam.*

75. *Agnosco Ichovā, justā esse judiciā tuā; & te in fidē affixisse me.*

76. *Adsit jam benignitas tuā, ut consoletur me, secundum sermonem tuum habitum, cum servo tuo.*

77. *Obveniunt mihi misericordiæ tuæ ut vivam: quia lex tuā est omnis oblectatio mea.*

78. *Erubescant superbi, quod falsis de causis pervertant me; meditante me de mandatis tuis.*

79. *Converterentur ad me timentes tui, & cognoscentes testimonia tua.*

80. *Erit animus meus integer in statutis tuis, ut non erubescam.*

ANALYSIS.

Postquam David feliciter liberatus fuerat ex una calamitate, & revocatus denuo fuit ad similem tentationem subeundam, in hac & sequente parte declarat, quomodo in hoc etiam certamine sustentatus fuerit verbo Dei.

Petit igitur præcipue in hac parte gratiam consolationis & liberationis à Deo, secundum præsentis suæ conditionis necessitatem, v. 76, 77.

Quia vero gratiam illam consolationis ac liberationis pendere novit ex verbo Dei, & ex eo hauriendam esse; idcirco speciatim petit salutarem virtutem verbi sibi communicari. Cujus virtutis efficaciam quia nemo assequitur nisi per spiritualem intelligentiam verbi, & sincerrum studium vel affectum ejus; propterea singulariter petit à Deo, ut daret sibi intelligentiam rectam verbi, v. 73. in fine, & sincerrum cordis affectum eidem intelligentiæ adjungat: v. 80. in princ.

Argumentum primum petitur à beneficio creationis, tanquam aliquo modo pari, vers. 73.

Secundum petitur ab effectu lætitiæ ad alios pios perventuræ, v. 74.

Tertium collocatur in causa ministrante, quæ fuit prævia dispositio liberationi congruens, per agnitionem & confessionem æquitatis & justitiæ manus Dei, v. 75.

Quartum proponit primariam causam: benignitatem scilicet & misericordiam Dei in verbo revelatam,

& fide apprehensam, v. 76, 77.

Quintum desumitur ab effectu repressionis sceleratorum hostium, v. 78. in princ. quæ repressio ipsorum illustratur effectu excitati studii Davidis erga verbum Dei, ibid. in fine.

Sextum petitur ab effectu aggregationis piorum: qui describuntur à duabus proprietatibus, timore vel cultu Dei, & scientia verbi, v. 79.

Septimum petitur ab effectu maxime incommodo ex petitionis neglectu consecuturo, pudefactione scilicet Davidis in sua spe, vers. 80. in fine.

DOCUMENTA.

I. Sicut in omni statu, sic in afflictione præcipue orare debemus ut intelligentia voluntatis divinæ plenius nobis communicetur, v. 73. in fine.

II. In istiusmodi spiritualibus bonis à Deo sperandis, etiam ex corporalibus & communibus ejus beneficiis rite apprehensis, animi fidelium erigi possunt & confirmari, ibid. in princ.

III. Ex beneficentia Dei erga unum fidelem, non ille solus, sed & alii consolationem percipiunt, vers. 74.

IV. Hanc consolationem aliorum in nostris votis & optare debemus, & inde etiam spem nostram confirmare.

V. Illud autem maxime necessarium est ad gratiam in afflictionibus impetrandam, ut æquitatem & fidem Dei in nobis castigandis agnoscamus & iustificemus, v. 75.

VI. Si post humilem istam confessionem, attollamus oculos per fidem ad benignitatem Dei & promissiones ejus, hæc via recta est quæ ducit ad veram consolationem, vers. 76.

VII. Cum ista fide conjungitur oblectatio summa in verbo Dei, vers. 77.

VIII. Per beneficia Dei in pios

collata, reprimitur superbia impiorum, & piorum studium ad majorem libertatem promovetur v. 38.

IX. Per eadem beneficia alligantur alii pii, ut adjungant se magis illis quos vident charos esse Deo, v. 79.

X. Pietas ista fundatur in scientia & reverentia Dei, secundum verbum ejus, ibid.

XI. Sinceritas cordis in studio pietatis est maxime curanda, v. 80. in principio.

XII. Sinceritatis suæ neminem unquam pudebit, ibid. in fine.

OCTOSTICHUM XI.

Vers. 81. *Consumitur desiderio salutis tuæ anima mea, in verbo tuo expectationem habeo.*

82. *Consumuntur oculi mei desiderio sermonis tui, dicendo, Quando consolaberis me?*

83. *Quamvis sim similis utri ad fenum; statutorum tuorum non oblitus sum.*

84. *Quanti erunt dies servi tui? quando exercebis in persequentes me iudicium.*

85. *Fodiunt mihi superbi fossas, qui se non conformant legi tuæ.*

86. *Omnia præcepta tua sunt ipsa veritas: falsis de causis persequuntur me, auxiliare mihi.*

87. *Propemodum consumpserunt me dejectum in terram: ego vero non dereliqui mandata tua.*

88. *Pro benignitate tua vitulum serva me, ut observem testimonium oris tui.*

ANALYSIS.

Quia David non statim ad primam suam deprecationem fuit ex afflictione liberatus, idcirco in hæc parte declarat, qualem habuerit usum verbi etiam in afflictionis continuatione & auxilii sperati dilatione.

Primo igitur, ut ostendat, quantum ærumham passus sit ex hac afflictionis diuturna perduratione, de-

scribit illam ab effectis: quæ fuerunt, 1. Consumptio animæ, v. 81. in princ. 2. Consumptio oculorum, vers. 82. in princ. 3. Privatio consolationis, v. 82. in fine. 4. Macies quædam totius corporis ex mæ ore contracta, v. 83. in princip. 5. Suspensa quædam incertitudo de miſeriarum harum fine, v. 84. in princ.

Secundo in loco quomodo verbi virtus

virtus sufficiens ipsi fuerit in extrema ista pressura. Nam 1. principium roboris sui collocat, in spe & expectatione verbi, id est, salutis illius, quam verbum promissionis & significavit futuram, & proposuit ipsi sperandam, v. 81. in fine. 2. Expectationem illam suam vividam, constantem & invictam fuisse ostendit, ex eo quod oculos defixos in verbum habuerit usque ad summam eorum defatigationem, v. 82. in fine. 3. Eandem constantiam spei suæ declarat ab ejus causa conservante, perpetua scilicet recordatione, verbi divini, v. 83. in fine. 4. Progressum hujus spei ex verbo conceptæ, precibus ex illa manantibus declarat :

1. Quibus petit judicium adversus suos persecutores, vers. 84. Quam petitionem urget ab ipsorum meritis : quia superbe, malitiose, & fraudulentè agebant adversus ipsum, sprete Dei lege, v. 85. 2. Petit auxilium Dei, ut sibi suppedietur adversus istos hostes : quam petitionem suam à causa & modo declarat, dum illam ex fide veritatis verbi divini proficisci docet, v. 86. Eandem etiam petitionem urget, tam ab extrema sua necessitate, quam à constanti observatione verbi, v. 87. 3. Petit liberationem, vel restitutionem à morte ad vitam. Quam petitionem suadet tam ab efficiente causa, benignitate Dei, quam à fine, pleniore observatione verbi, v. 88.

DOCUMENTA.

I. Pii in afflictionibus suis, quamvis ad Deum confugiant, & misericordiam ejus ex fide implorent, non statim semper ad primam in-

stantiam liberantur, ex v. 81, &c.

II. Continuatio ista pressuræ, & spei incerta protractio & animas, & corpora piorum nonnunquam sic afficit, ut nihil virium ipsis relinqui videatur, ibid.

III. In medio tamen extremæ hujus tentationis, spes & expectatio in verbo Dei collocata, animos fidelium etiam deficientes sustentat, v. 81. in fine.

IV. Hæc spes detinet oculos animi sic in verbo promissionis defixos, ut perpetuo quasi prospectent consolationem adventantem, versic. 82.

V. Reficitur & confirmatur ista spes perpetua recordatione verbi divini, v. 83. in fine.

VI. Hoc verbum certos reddit fideles de liberatione à malis, quamvis de tempore maneant incerti, vers. 84. in principio.

VII. Non liberabuntur tantum sperantes in Deum, sed etiam judicium Dei manifestabitur in eorum persecutores, v. 84. in fine.

VIII. Superbia, crudelitas, & fraudulentia impiorum persecutorum, sunt prognostica signa judicii Dei adversus ipsos manifestandi, versic. 85.

IX. Neque persecutiones, neque aliæ ullæ tentationes tantum valent apud fideles, quin, ex fide veritatis verbi, quærant & sperent auxilium divinum, v. 86.

X. Cum ista fide conjungitur obedientiæ cura, etiam in extremis pressuris, v. 87.

XI. Fides respiciens benignitatem Dei, vivificantem, & obedientiæ intentio in illa vivificatione querendo, præcipua fulcra sunt animæ in petitione vitæ, v. 88.

OCTOSTICHUM. XII.

Verf. 89. In seculum & Ichova, verbum tuum consistit in calis.

90. In unaquaque generatione fides tua : quum statueres terram, illa constabat.

91. Ad iudicia tua perstant hodie, quia illa omnia sunt servi tui.

92. Nisi lex tua esset omnis oblectatio mea, jam diu perissem in afflictione mea.

93. In seculum non obliviscar mandatorum tuorum : nam illis vivum conservas me.

94. Tuus sum, conserva me ; quia mandata tua quero.

95. Me expectantibus improbis ad perdendum me, testimonia tua considera.

96. Omni perfectioni video esse finem : latum vero esse mandatum tuum valde.

A N A L Y S I S.

Quum in antecedente parte ostenderat David quomodo virtute verbi duraverit ipse in afflictione durante ; in hac parte declarat, quomodo ejusdem verbi virtute consolationem apprehenderit, quæ maximam illam tentationem superavit.

Hanc igitur consolationem habuisse se gloriatur ex consideratione perfectionis verbi aut voluntatis divinæ. Quam perfectionem declarat 1. Ab ejus constantia immutabili & plane cælesti, *vers. 89.* Quam constantiam verbi ac voluntatis divinæ multis vicibus, multisque modis manifestatam, ab experientia omnium generationum confirmat, *v. 90. in generatione & generatione, &c.* A nobili exemplo constantis efficacis illius, quam exerit in terra, mundi que cursu stabiliendo, *v. 90, & 91.* Cujus efficacis rationem reddit à dominio & imperio Dei in omnes creaturas, tanquam in servos suos, *vers. 91. in fine.* 2. Eandem verbi divini perfectionem confirmat

David proprio suo experimento, quia scilicet in extremis suis pressuris, quando omnia alia solatii media denciebant, consolationem verbi solius expertus erat sufficientem, *v. 92.* Quam experientiam suam illustrat effecto, vel officii consentanei promissione, perpetuæ scilicet & efficacis memoriz virtutis verbi : cujus consequens est, solatium & subsidium perpetua quære ex verbo Dei, *v. 92.* Hoc autem officium 1. ab usu & fructu declarat, quod hinc sequeretur certitudo peculiaris dependentiz suæ à Deo, & fiducia conservationis sibi à Deo præstandæ, *v. 94.* 2. Idem officium declarat ab adjuncto modo, addicendi mentem & cogitationes omnes verbo, & constantia etiam in extremo periculo vitæ, *v. 95.* Cujus constantis adhesionis ad verbum Dei, rationem reddit ab infinita verbi perfectione quam illustrat impari ac dissimili insufficientia aliarum omnium rerum, prout experientia sua propria confirmat, *v. 96.*

Do cu-

DOCUMENTA.

I. Ut verbi divini consolationem percipere possimus, perfectionem ejus sæpe multumq; considerare debemus, v. 89.

II. Inter alias perfectiones verbi divini, constantiæ & immutabilitatis ejus consideratio) præcipue in dilatione spei nostræ) singularem habet ac uium consolationem, ibidem.

III. Constantia verbi divini non est ex fluctuante statu rerum terrenarum æstimanda, sed potius ex perfectione cælorum qui immunes sunt ab omni fortuita mutatione, ibid.

IV. In omni generatione testimonia suppetunt constantiæ verbi divini, v. 90.

V. Nobilissimum testimonium constantis efficacæ verbi ac voluntatis Dei exstat in stabili creatione ac conservatione totius cursus naturæ, v. 90, 91.

VI. Tanta est efficacia verbi ac voluntatis Dei, ut omnes creaturas subiciat sibi tanquam servos meos, v. 91. in fine.

VII. Perfectio ista verbi Dei rite apprehensa, sufficiens est ad fidelium animos in qualibet angustia sustentandos v. 92.

VIII. Qui virtutem istam verbi sunt experti, ii memoriam ejus student habere perpetuam & efficacem, v. 93.

IX. Memoria ista verbi, cum affectu congruente, est certum signum filii Dei, & fiduciam salutis reddit certam, v. 94.

X. Fiducia filiorum Dei facit, ut mentes suas totas addicant verbo Dei, quamvis in maximo periculo versentur, versic. 95.

XI. Multa sunt pericula, in quibus limitata creaturarum virtus nihil potest juvare: sed infinita verbi perfectione nulla difficultate superatur, v. 96.

OCTOSTICHUM XIII.

Verf. 97. *Quam diligo legem tuam! toto die est meditatio mea;*

98. *Inimicis meis sapientiores me reddit præceptis tuis: nam in seculum ad-est mihi.*

99. *Omnibus doctoribus meis intelligentior fio, quia testimonia tua meditatio mea sunt.*

100. *Senibus prudentior sum, quia mandata tua custodio.*

101. *Ab omni semita mali cohibeo pedes meos, ut observem verbum tuum.*

102. *A judiciis tuis non recedo, quia tu doces me.*

103. *Quam suavia sunt palato meo judicia sermonis tui! suaviora melle ori meo.*

104. *Mandatis tuis prudens sum: idcirco odi omnem semitam falsitatis*

Postquam jam David non consolationem tantum in afflictione sua consecutus fuerat ex verbo, sed etiam (ut videtur) ex angustiis suis fuit magna ex parte liberatus, in hac parte ostendit qualem usum habuerit verbi ex occasione consolationis & liberationis concessæ.

1. Declarat igitur imprimis quomodo erga consolatorium illud verbum Dei fuerit effectus, admirabilis scil. & incredibili amore, v. 97. in princ. Quem affectum illustrat.

1. Ab effecto assidue vel perpetue meditationis verbi amari. ibid. in fine. 2. A causa impellente, *sapientia*, nempe *prudencia* & *intelligentia*, id est, omnimoda perfectione directionis, quam ex verbo habuit suppetitam. Hanc autem directionem verbi amplificat comparatione triplici. 1. Cum astutia callidissimorum hostium, quam superasse se testatur verbo Dei simpliciter & constanter adhærendo, v. 93. 2. Cum institutorum suorum doctrina, ultra quam transcendisse se gloriatur, verbi meditationem diligentem eorum institutioni addendo, v. 99. 3. Cum intelligentia senum, experientia multa comparata, quam supergressum se prædicat practico studio verbi, v. 100. Quod studium verbi describit partim à vigilante declinatione omnis erroris vel peccati, vers. 101. & partim à constanti conatu recti cursustenendi secundum verbi divini directionem, v. 102. Cujus curæ causam agnoscit peculiarem institutionem & instinctum Dei, ibid. in fine.

2. Eundem affectum amoris erga verbum declarat Propheta ex ad-

juncto delectationis incomparabilis, qua in illo verbo acquiescebat, tanquam in bono affectui ejus maxime convenienti, vers. 103. Cujus delectationis propriam rationem collocat in sana & salutaris illa intelligentia, quam ex verbo percipiebat, v. 104. in principio. Quam intelligentiam illustrat ab effectu plane consentaneo effectui illi amoris, quem habuit erga verbum, odio scil. omnis viæ falsæ ac fallacis, ib. in fine.

D O C U M E N T A.

I. Qui vere gustarunt quam bonum sit Dei verbum, eidem adhærent incomparabili, & incredibili amoris affectu, v. 97. in princ.

II. Qui amant verbum Dei, assidui sunt in ejus meditatione, ib. in fine.

III. Præcipua causa hujus amoris, quem pii habent erga verbum Dei est, quod ex illo acquirant veram sapientiam, qua ad Deum, & felicitatem suam certo diriguntur, v. 98, &c.

IV. Sapientiæ verbi qui simpliciter & constanter adhærent, astutiam impiorum tandem confundent, v. 98.

V. Qui in verbo instituuntur, & simul in ejus meditatione sedulo se exercent, ultra sæpe progrediuntur in sapientia, quam illi ipsi, à quibus fuerunt instituti, v. 99.

VI. Sapientia illa, quæ hunc in modum acquiritur ex practico studio verbi, multo præstantior est illa prudentia, quam experientia longatenuibus solet adferre, v. 100.

VII. In practico studio verbi
primarium

primarium locum habet vigilans cura fugiendi malum, i. e. declinandi omnes errores & peccata verbo damnata, v. 101.

VIII. Ejusdem studii pars altera est ex firmo proposito facere omne bonum in verbo mandatum, v. 102.

IX. Studium hoc provenit à speciali gratia Dei, ibid. in fine.

X. Ex isthoc studio & amore

verbi incomparabilem delectationem percipiunt pii, v. 103.

XI. Delectatio hæc in salutifera verbi intelligentia fundatur, versic. 104.

XII. Qui verbum intelligit, prout oportet, sicut in illud summo amore fertur, sic odio fertur in omnes vias illi repugnantes, ibid. in fine.

OCTOSTICHUM XIV.

Vers. 105. *Lucerna pedi meo verbum tuum est, & lux itineri meo.*

106. *Juravi, quod præstabo, me observaturum jura justitiæ tuæ.*

107. *Afflictus sum admodum; Jehova, vivum conserva me secundum verbum tuum.*

108. *Voluntarias oblationes oris mei accepta queso Jehova, & jura tua doce me.*

109. *Anima mea in manu mea jugiter versante, tamen legis tuæ non obliviscor.*

110. *Ponentibus improbis laqueum mihi, à mandatis tuis non aberro.*

111. *Possideo testimonia tua in seculum: quia gaudium animi mei sunt.*

112. *Inclino animum meum ad faciendum statuta tua; in seculum, in finem usque.*

ANALYSIS.

Consolatio illa verbi, qua David post graves angustias fuit jam recreatus, excitavit in animo ejus ardente in amorem verbi, sicut in antecedente parte Psalmi declaratum habemus. Ex hoc autem amore verbi sequebatur singulare studium totius vitæ illi verbo conformandæ. Quod studium in ista parte declaratur. Proponitur igitur primo in loco, electio verbi pro regula vitæ, tanquam primaria pars studii illius, v. 105. Ubi etiam directio verbi per distributionem à subjectis illustratur, quod non solum pertineat ad generalem cursum vitæ ordinan-

dum, sed etiam ad singulas actiones, quæ sunt quasi totidem gressus pedum vel passus illius itineris.

Secundo, electionis hujus firmitas & constantia per adjunctum votum, aut juramentum promissorium declaratur v. 106. Ubi votum hoc illustratur, tam ejusdem recognitione & confirmatione vel repetitione adjuncta, *juravi & præstabo*; quam à ratione & causa impellente, quæ fuit æquitas illius verbi cujus observationem vovebat: *observare jura justitiæ tuæ*.

Tertiò votum hoc illustratur ab effectu spei, tam liberationis ab afflictione

fictione premente, quam institutio-
nis congruentis : quæ spes petiti-
onis formula explicatur, v. 107. &
voti virtute urgetur, v. 108.

Quarto, hujus propositi ac voti
constantia illustratur à diversis, vel
in contrarium trahentibus periculis,
tam violentis, v. 109. quam insi-
diis, v. 110.

Quinto, idem propositum ob-
servandi verbi illustratur ab effectu
comitante, contentationis nempe &
gaudii summi, 111.

Sextò & ultimò, ex istis omni-
bus concluditur illud, quod fuit de-
monstrandum, inclinatio videlicet,
vel extensio constans animi ad ver-
bum Dei omni ex parte observan-
dum, v. 112.

DOCUMENTA.

I. Qui verbum Dei vere diligunt,
illi se totos dedunt ejusdem practi-
cæ observationi, ex connex. hujus
partis cum anteced.

II. Quia ita sunt erga verbum
Dei animati, in eodem inveniunt
clarissimam, jucundissimam & sibi
accommodatissimam lucem, ex v.
103.

III. Lux hæc verbi sufficiens est
non tantum ad generalem cursum
vitæ ordinandam, sed etiam ad sin-
gulas actiones dirigendas, ibid. *Iti-
neri meo, pedi meo.*

IV. Pium hoc studium verbi non
est frigide admittendum aut pro-
bandum, sed efficacissime firman-
dum, quasi voto ac juramento san-
cto, v. 106.

V. Sanctæ hæc vota, quia non
plene perfeiuntur, sed quotidie im-
pugnantur & impediuntur, debent
assidue renovari, ibid.

VI. Consideratio æquitatis & ex-
cellentię verbi excitare nos debet ad
ista proposita ac vota renovanda, ibi.
Iura justitiæ tuæ.

VII. Ex hujus propositi ac stu-
dii conscientia confirmatur & eri-
gitur spes tam liberationis à malo,
quam omnis boni à Deo in Chri-
sto consequendi, v. 107.

VIII. Inter illa bona quæ pia ani-
ma quærit studendo verbo Dei, pri-
marium locum habet plenior & effi-
caciior institutio in ipso verbo, v. 108.

X. Qui vere studet observatio-
ni verbi divini, ab eadem non aver-
titur ullo genere periculorum, vers.
109, 110.

X. Verum studium verbi con-
junctam habet contentationem &
gaudium ex eodem verbo emanans,
v. 111.

XI. Contentatio & gaudium a-
nimi spirituale magis magisque ex-
tendit animum ad omnes obedientię
conatus constantes, v. 112.

OCTOSTICHUM XV.

Vers. 113. *Cogitationes alias odi, legem autem tuam diligo.*

114. *Latebra mea & scutum meum es, in verbo tuo expectationem habeo.*

115. *Recedite à me malefici, ut custodiam præcepta Dei mei.*

116. *Sustenta me secundum sermonem tuum, ut vivoam; neque pudeficias
me ab expectatione mea.*

117. *Suffulci me ut saluus sim, & respiciam ad statuta tua jugiter.*

118. *Consultas omnes errantes à statutis tuis: quia falsus est dolus eorum.*

119. Tamquam *scoria*, facis, ut cessent omnes improbi terra; idcirco diligo testimonia tua.

120. Horret pavore tui caro mea; adeo à judiciis tuis timco.

ANALYSIS.

Quia conjunctio est arctissima inter prosecutionem boni, & rugam mali; idcirco post explicatum studium Prophetæ erga verbum Dei in parte præcedente, declarat in hac parte, quam alienus fuerit à malo.

I. Profitetur igitur imprimis alienationem hanc suam fuisse in summo gradu, tam intensive, quoad actum, *odi*, quam extensive, quoad objectum, *cogitationes alias*, non facta tantum, aut dicta, sed & cogitata omnia obliqua, vel opposita verbo, v. 113. in principio. Cujus odii causam & principium fuisse notat amorem verbi; ibid. in fine. Hujus autem amoris rationem reddit à causa conservante, consolatione scilicet spei, quam habuit in Deo secundum verbum ejus, v. 114.

2. Odium illud mali, & amorem verbi illustrat a genuinis eorum effectis, detestatione maleficorum, & studio verbi observandi, v. 115.

Spem etiam illam, qua verbi amor fovebatur, declarat ab adjuncto voto, quo illius spei majorem confirmationem, & invictam constantiam à Deo petit, vers. 116, 117. Quam spei constantiam illustrat à pari effecto inde consecuturo, constanti scilicet attentione ad verbum Dei perpetuo adhibenda, vers. 117. in fine.

3. Denuo illustrat odium illud mali, & amorem verbi, à causis administrantibus vel secundariis eorum motivis, judiciis nempe Dei in ma-

leficos exercitis & exercendis, vers. 118, 119. Quæ judicia suis effectis illustrantur, tam respectu ipsorum improborum, quod vanitatem astutiarum eorum manifestent, v. 118. in fine; quam respectu piorum, quibus salutarem incuriunt pavorem, v. 120.

DOCUMENTA.

I. Cum serio studio boni, conjungitur semper averfatio mali; ex connexionione hujus partis cum antecedente.

II. Quælibet averfatio mali non sufficit, sed illa requiritur, quæ consistit in odio perfecto; v. 113. *odi*.

III. Odium hoc perfectum fertur in omne genus & omnem gradum mali, ib. *Cogitationes alias*.

IV. Odium hoc mali tum demum est Deo gratum, quando fluit ex amore verbi, ibid. *Legem autem tuam diligo*.

V. Amor verbi fovetur fiducia de spe illa, qua omne bonum à Deo expectamus, secundum verbum ejus, v. 114.

VI. Qui verbum amant, & malum oderunt, alieni sunt à consortio impiorum hominum, qui suis consiliis, exemplis, & molestiis, piis illis affectibus adversantur, v. 114.

VII. Spei illius, qua pii affectus ferventur, confirmatio & impletio assiduis votis est à Deo querenda, v. 116, 117.

VIII. Spei confirmatæ comes est, constans attentio ad verbum Dei, secundum omnes partes ejus, v. 117. in fine.

IX. In

I X. In ista spe gratiæ, amore boni, & odio mali, proficiunt multum fideles, ex contemplatione iudiciorum Dei, quæ adversus impios exercentur, vers. 118, 119.

X. Ex istis judiciis Dei apparet, imaginationes illas omnes quibus impii nituntur, esse vanas & fal-

sas, v. 118. in fine.

XI. Eorundem iudiciorum n consideratio excitat in piis amorem verbi, v. 119. in fine.

XII. Eadem iudicia Dei quæ adversus impios manifestantur, piis incutiunt reverentiam & pavorem salutarem, v. 120.

OCTOSTICHUM XVI.

Vers. 121. *Exerceo iudicium & justitiam : ne permittas me oppressoribus meis.*

obi. 122. *Odi vadimonium pro servo tuo in bonum, ne opprimant me superbi.*

123. *Oculi mei consumuntur desiderio salutis tuæ, & sermonis iusti tui.*

124. *Fac erga servum tuum secundum benignitatem tuam, & statuta tua doce me.*

125. *Servus tuus sum, prudentem me redde, ut cognoscam testimonia tua.*

126. *Tempus est ut faciat Iehova, irritam faciunt legem tuam.*

127. *Propterea amplius diligo præcepta tua, quam aurum & quidem aurum purgatissimum.*

128. *Propterea quod omnia mandata de omnibus recta agnosco, omnem simulationem falsitatis odi.*

A N A L Y S I S.

Quamvis antea David magnum levamen senserat suarum angustiarum (sicut ex parte 12, &c. apparet) non ita tamen ab afflictionibus suis liberatus, quin pleniorē adhuc liberationem petendi materia superfuerit, & subinde etiam recruduerit. In hac igitur parte, 1. Auxilium Dei secundum verbum efflagitat adversus hostium oppressiones, v. 121. in fine. Quod auxilium describitur partim per modum ejus, sub metaphora sponsoris vel vadis, & partim per fructum & fructum ejus, in bonum, v. 122. 2. Hanc petitionem suadet imprimis ab æquitate & justitia causæ suæ, v. 121. in principio. 3. A formali qualitate hostium suorum qua tales erant. Ne op-

primant me superbi, vers. 122. in fine.

3. Ab adjuncta dilatione Dei, & vehementi instantia ac perseverantia spei suæ, non obstante illa dilatione: quæ ab effecto defatigationis illustrantur, vers. 123.

4. A causa & fundamento illius spei, benignitate scilicet Dei, vers. 124. in principio.

3. Cum ista petitione liberationis conjungit alteram institutionis ac directionis in via verbi, tanquam suasionem a modo petendi, quoad affectum, & declarationem rei petitiæ: quoad effectum ipsum, v. 124, & 125. in fine. Hanc autem petitionem una cum priore urget,

1. A relatione quam habuit ad Deum, tam ipsius beneficio, quam suo voto, v. 124. & 125. in principio,

pio, *servus*. 2. Ab impellente causa, gloria Dei, cujus hoc interesse declarat ab adjuncta temporis opportunitate, quæ arguitur à mensura vel gradu impietatis compescendæ, v. 126. 3. Ab effectu hujus gratiæ, & ejusdem expectatione certa: quod collocat partim in summo amore verbi, verf. 127. & partim in ejusdem æstimatione iusta, ex omni ejus parte, una cum detestatione omnium eorum quæ verbo adversantur, verf. 128.

DOCUMENTA.

I. Gravis est calamitas & graviter deprecanda, relinqui à Deo sub oppressione impiorum, verf. 121. in fine.

II. In hujus calamitatis deprecatione, causa & conscientia bona plurimum valet. ibid. in principio.

III. Quando causam & conscientiam bonam habemus, non est dubitandum, quin Deus ipse (suo tempore, ac modo) suscipiet causam, & conscientiam justificabit, v. 122. in principio.

IV. Superbia ipsa hostium im-

proborum, spem istam auxilii divini confirmat, ib. in fine.

V. Spes ista tamen aliquando nimis diu videtur differri, v. 123.

VI. Hæc dilatio auxilii in veris fidelibus vehementiam & constantiam spei producit, ibid.

VII. Spei hujus præcipuum fundamentum est, benignitas & misericordia Dei, v. 124.

VIII. Spes piorum non minus quærit directionem in bono iusto, quam liberationem à malo ærumnoso, ibid. & 125. in fine.

IX. Magnam spei confirmationem adfert conscientia dependentiæ nostræ à Deo, tanquam servorum à domino suo, v. 122, 124. & 125. in principio.

X. Quo magis abundat impietas hostium improborum, eo majorem spem concipere debemus de eorum ruina, v. 126.

XI. Ex ista spe, & ejusdem confirmatione proficere nos decet in amore verbi, verf. 127.

XII. Amor verbi conjunctam habet condignam ejus æstimationem, & odium omnium quæ eidem adversantur, v. 128.

OCTOSTICHUM XVII.

Verf. 129. *Mirabilia sunt testimonia tua: idcirco custodit ea anima mea.*

130. *Aditus verborum tuorum illuminat, prudentia instruit simplices.*

131. *Os meum distendo, & anhele: quia præceptorum tuorum cupidus sum.*

132. *Respice ad me, & gratiam fac mihi prout est jus erga amantes nomen tuum.*

133. *Pedes meos institue in sermone tuo, & ne finas dominari in me ullam iniquitatem.*

134. *Redime me ab oppressione hominum, ut observem mandata tua.*

135. *Fac ut præluceat facies tua servo tuo, & doce me statuta tua.*

136. *Rivus aquarum descendunt ex oculis meis, propter eos qui non observant legem tuam.*

A N A L Y S I S.

Quod verbis proxime antecedentibus professus erat David, de amore suo erga verbum Dei, ex iusta ejus æstimatione profecto, hoc in ista parte latius declarat, & eandem petitionem inde urget, quam in præcedente parte proposuerat.

1. Ostendit igitur imprimis fundamentum tantæ æstimationis verbi, quantum in animo suo conceperat, fuisse sublimem & omni admiratione dignam doctrinam, quæ in illo continetur, v. 129. in principio. Eiusdemque effectum ac fructum fuisse summum studium ejusdem verbi observandi, ibid. in fine. Hanc autem mirabilem excellentiam verbi declarat ab effectu illuminationis ad prudentiam: quam illuminationem verbi illustrat ab ejus subjectis, quod extendatur etiam ad illos, qui tenues ejus particulas tantum perceperunt, v. 130. Unde etiam denuo memorat, suum studium verbi fuisse in summo gradu, tam quoad vehementiam, quam quoad constantiam ejus, vers. 131. 2. Ex hac æstimatione ac studio verbi, tanquam ex adjuncto antecedente, & causa administrante, infert & urget Propheta petitionem suam, qua petit, 1. Gratiâ in communi, eamque illustrat à comparatione paritatis inter consuetam ejus erga alios fideles dispensationem, & hanc à se petiram, v. 132. Ex illa gratiâ petit in specie, directionem vitæ secundum verbum: quæ oppositi mali deprecatione illustratur, v. 133. Liberationem ab oppressione in Dei gloriam, v. 144. & majorem experientiam specialis favoris in via recta, v. 135. 3. Hanc

petitionem denuo urget à zelo illius studii quod antea professus fuerat erga verbum: cujus zeli fervor arguitur ab effectu doloris, ex opposito contemptu ejus oriundi, v. 136.

DOCUMENTA.

I. Doctrina Theologiæ in verbo Dei revelata admirabilem excellentiam habet supra alias omnes scientias & doctrinas, v. 129. in principio.

II. Admirabilis hæc excellentia verbi in cordibus fidelium admirabile parit studium, idem verbum custodiendi, ibid. in fine.

III. Addit etiam in mentibus eorum singularem illuminationem prudentiæ, v. 130.

IV. Hæc illuminatio etiam simplicissimis eorum communicatur, qui vel incipiunt huic verbo sincere studere, ibid. 5.

V. Qui illuminationem istam aliqua ex parte gustarunt, vehementi & constanti studio in verbum feruntur, v. 131.

VI. Qui vehementi & constanti studio in verbum feruntur, ii possunt cum fiducia gratiam Dei implorare, vers. 132. in principio.

VII. Fiducia ista magnopere confirmatur consideratione consuetæ dispensationis gratiæ, qua Deus per omnia secula usus est erga suos, ibid.

VIII. Inter præcious gratiæ divinæ benedictiones, directio vitæ est petenda, v. 133. in principio.

IX. Singularis est illa directio gratiæ, qua fit, ut peccatum non dominetur in nobis, ibid. in fine.

X. Quos

X. Quos Deus liberat à domino peccati, illos etiam (tuomodo & tempore) liberare solet ab oppressione peccatorum, v. 134.

XI. Hac liberatione excitari nos decet ad maiorem obedientie curam, ibid. in fine.

XII. Per istos gradus perveniunt fideles ad pleniorum sensum favoris, & efficaciz divinæ, v. 135.

XIII. Cum piis istis affectibus erga verbum Dei, conjungitur dolor magnus de ejusdem verbi violatione, v. 136.

O C T O S T I C H U M X V I I I.

Verf. 137. *Iustus es Iehova, & rectus iudiciis tuis.*

138. *Præcepisti iusta testimonia tua, & fidelia valde.*

139. *Conficit me zelus meus, quod obliviscantur verbi tui hostes mei.*

140. *Purgatus est sermo tuus valde, quia propter servum tuum diligit ipsum :*

141. *Parvus ego & contemptus mandatorum tuorum non obliviscor,*

142. *Iustitiæ tuæ, iustitiæ perpetuæ ; & legis tuæ veracis.*

143. *Oppressione & angustia obvenientibus mihi, præcepta tua sunt oblectationes meæ.*

144. *Iustitia testimoniorum tuorum est in seculum : prudentem me effice ut vivam.*

A N A L Y S I S

Cum in priore parte declaraverat David, quam justam causam habuerit verbum Dei magni faciendi, propter altitudinem doctrinæ, quæ in illo continetur; declarat insuper in hac parte alias perfectiones ejusdem verbi, quarum etiam ratione debet in summo pretio haberi.

1. In istum finem extollit primo iustitiam illam Dei, quæ in verbi rectitudine manifestatur, verf. 137.

2. Addit iustitiam illam, quæ infirmitate, veracitate ac fidelitate ejusdem verbi elucet, v. 138.

3. Has perfectiones illustrat ab effectu zeli & indignationis, qua usque ad consumptionem affectus fuerat, propter violationem hujus verbi, in suis hostibus præcipue observatam, v. 139.

4. Easdem perfectiones verbi illustrat ab aliis effectis quæ in ipso ex-

istebant, dissimilibus plane & oppositis hostium proterviæ, amore scilicet & memori vel efficaci observantia verbi, v. 140, 141. in fine. Quæ effecta illustrantur tam à propriis suis causis; summa scilicet puritate, vel iustissima rectitudine verbi; v. 140. in principio constanti ejusdem veracitate, verf. 142. quam à conditione Davidis, dissimili plane hostium conditioni, & (ut videri posset ab observantia verbi magis aliena, v. 141. in principio, & 143. Ubi etiam observantia suæ singularem perfectionem notat ab adjuncta suavitate, quam in illa & per illam percipiebat in fine.

5. Totam hanc prædicationem laudum verbi repetendo illustrat voto adjuncto indeque manante, plenioris nempe institutionis in verbo: quod votum urgetur ab adjuncta necessitate ejus tanquam

unici medii ad vitam vitalem, vers.
144.

DOCUMENTA.

I. Quamvis multas iustitiæ ideas fingant sibi homines vani: nulla tamen est iustitia recta & vera, præter illam quam verbum revelat, v. 137.

II. Iustitia in verbo revelata est firma, vera & fidelis, v. 138.

III. Qui perfectiones istas verbi cum affectu iusto apprehendunt, ii magnum zelum & indignationem concipiunt, quando vident hoc verbum prophane contemni, v. 132.

IV. Quum iidem homines sunt hostes nostri & verbi divini, multo magis nos decet zelari pro verbo Dei, quam pro nobismetipsis, ibid.

V. Zelus purus adversus verbi contemptores procedit ab eiusdem

verbi sincero amore, v. 140. in fine.

VI. Sincerus amor verbi provenit à iusta æstimatione puritatis ejus ibid. in principio.

VII. Eiusdem amoris effectum est inseparabile, memor & efficax observantia, v. 141. in fine.

VIII. In observantia ista constant sibi fideles, quamvis sint depressi, & contemti, & oppressi, ib. & 143. in principio.

IX. Constantis observantiæ ratio, est constans veracitas verbi, vers. 142.

X. Hæc ratio observantiæ suam oblectationem adfert, etiam in afflictionibus amaris, v. 143.

XI. Istiusmodi argumentis adducti pii, omnibus votis aspirant ad pleniorum cognitionem & praxin verbi, tanquam ad unicum medium vitæ vitalis, v. 144.

OCTOSTICHUM XIX.

Vers. 145. *Invocantem ex toto animo exaudi me Jehova, ut statuta tua custodiam.*

146. *Invocantem te serva me, ut observem testimonia tua.*

147. *Veniens ante te in ipso crepusculo ut vociferer, in verbo tuo spem habeo.*

148. *Præveniunt oculi mei excubias, ad meditandum de sermone tuo.*

149. *Voci meæ ausculta secundum benignitatem tuam, Jehova: secundum iudicia tua vivum conserva me.*

150. *Appropinquantibus sectatoribus sceleris, qui à lege tua longe absum;*

151. *Propinquus es Jehova; & omnia præcepta tua sunt veritas.*

152. *Pridem novi de testimoniis tuis, te in seculum fundasse ea.*

ANALYSIS.

Postquam jam David fusiùs explicaverat affectum suum erga verbum Dei, parte 17, & 18, jam redit ad petitionem illam prosequendam de liberatione, informatione, & directione secundum illud verbum:

quam petitionem ab eodem affectu inceperat antea urgere, Par. 16.

Hanc autem petitionem urget 1. tam in genere, v. 145. *Exaudi me,* quam in specie, vers. 146. *serva me.*

1. Per descriptionem ejus ab adiunctis,

junctis, intentione scilicet aut fervore ejus, v. 145. in principio : *invocaui vel clamavi*. 2. Ab ejusdem synceritate, vel integritate, ibid. *ex toto corde*. 3. Ab ejusdem petitionis fine ac fructu, verf. 145, 146. in fine : *Ut statuta tua custodiam : ut ob servem testimonia tua*. 4. Ab adjuncto vigilantie, vel diligentie cum fervore conjuncte, v. 147. in principio. 5. Ab administrantibus causis & objecto, ibid. in fine. *In verbo tuo spem habeo*. Cujus objecti considerationem suam diligentissimam illustrat à comparatione minoris, v. 148. 2. Eandem petitionem urget à primaria ejus causa, benignitate nempe Dei in verbo patefacta, verf. 149. 3. Eam etiam urget à comparatione parium, inter promptitudinem impiorum hostium ad necendum cum verbi contemptu, & promptitudinem Dei ad auxilium ferendum, cum justificatione verbi sui, verf. 150, 151. Cujus verbi constantia prædicatur, verf. 152. & illustratur fide Davidis, tanquam adjuncto, & effecto constanti ibid.

DOCUMENTA.

I. Qui spiritum precandi acceperunt, ii non simpliciter tantum petere solent à Deo gratiam sibi necessariam, sed multis vicibus, multisque modis, ex v. 145, 146.

II. Ex ipsis precibus suis concipiunt pii fiduciam exauditionis, ibid.

III. Preces istæ debent esse fervidæ, & synceræ, verf. 145. in principio.

IV. Synceritas precum inter alias notas hanc unam habet, quod proveniant ab animo qui in omnibus suis votis, & præ aliis omnibus rebus desiderandis, hoc habet sibi propositum, ut Deo vivat, v. 145. 146. in fine.

V. Vigilantia etiam & diligentia ad preces pias requiruntur, v. 147. in principio.

VI. Istiusmodi preces fluunt ex spe viva in verbo Dei fundata, ibid. in fine.

VII. Ut spes nostra in verbo rite fundetur, necessaria est diligens illius verbi consideratio, ex v. 148.

VIII. Primarium fundamentum spei in verbo fundatæ, est benignitas & misericordia Dei, verf. 149. in principio.

IX. Hac benignitate non obstante, ita pios exercet sæpe Deus, ut preces quasi è sepulchro mittentes, petant restitutionem à morte ad vitam ibid in fine.

X. Gravissimæ istæ tentationes piorum proveniunt sæpe ab impiorum hominum persecutione, verf. 150.

XI. Adversus omnes istas persecutiones, sufficit hoc fidelibus, quod Deus ipsos sua gratia prosequatur, v. 151.

XII. Consolationem istam divinæ gratiæ suppeditat fidelibus verbum Dei, ibidem in fine.

XIII. Verbi constans veritas est ex ipso verbo discenda, & certa constantia fide apprehendenda, v. 152.

OCTOSTICHUM XX.

Verf. 153. *Respice afflictionem meam, & libera me; quia legis tua non obliviscor.*

154. *Suscipe causam meam, & vindica me: pro sermone tuo vivum conserva me.*

155. *Ita ut procul sit ab improbis salus: quia statuta tua non querunt;*

156. *Miserationes tue amplæ sunt Iehova, secundum iudicia tua vivum conserva me.*

157. *Ut multi sint persequentes me & hostes mei; à testimoniis tuis non declino.*

158. *Simul ac video perfide agentes, fastideo meipsum torqueo, quod sermonem tuum non observent.*

159. *Vide me mendata tua diligere Iehova; secundum benignitatem tuam vivum conserva me.*

160. *Præstantissimum verbum tuum est, ipsa veritas: & in seculum est quodque iudicium justum tuum.*

A N A L Y S I S.

PROsequitur hac in parte David eandem petitionem, quam in priore urgebat de sua liberatione à periculis, in quæ ab hostibus suis fuit conjectus.

1. Petit igitur imprimis liberationem, in genere, verf. 155. in med. *Libera me.* Quam liberationem illustrat tam ab ejus causa, providentia sc. Dei circa afflictam conditionem suorum. Ibid. in princ. *respice afflictionem meam*, quam ab administrante causa spei de illa liberatione conceptæ, constante scilicet studio verbi. Ibid. in fine. 2. Eandem liberationem petit in specie, patrocinium scilicet, vindicationem, & restitutionem in integrum in causa bona, adversus hostes iniquos, v. 154. in principio, *suscipe causam meam, & vindica me*; quam petitionem urget à testimonio verbi, ibidem in fine, *pro sermone tuo vivum conserva me.* 3. Hanc petitionem

salutis, sibi, ut servo Dei spe certa adjunctæ, illustrat à comparatione ejusdem salutis disjunctæ & longe remotæ ab impiis, verf. 155. 4. Eandem petitionem suadet à primaria ejus causa, misericordia scilicet Dei, Quam ut omnisufficientem apprehendisse se testatur, v. 156. 5. Suadet eam etiam, & spem suam de eadem confirmat, à causa subministrante, constantia scil. observantiz erga Deum & verbum ejus: quam à diversis illustrat, v. 157. & declarat etiam ab effectu tædii, molestiz, ac fastidii, quo affectus fuit adversus violatores verbi divini, v. 158. Quod effectum illustrat à propria ejus causa, amore scilicet verbi, v. 159. Unde etiam petitionem concludit, ibid. in fine. Cujus amoris causam reddit, summam scilicet veritatem & perfectionem verbi quæ illustratur ab adjuncto durationis æternæ, v. 160.

DOCUMENTA.

I. Fundamentum est consolationis nostræ in omni afflictione, si sic meditemur de providentia Dei, ut apprehendamus illam gratiose versari circa nostram conditionem afflictam, ex versic. 153. in principio. *Respice afflictionem meam, & libera me.*

II. Plurimum confirmatur hæc consolatio spei, per conscientiam constantis nostri studii erga verbum Dei, ibid. in fine, *quia legis tua non obliviscor.*

III. Qui sincere & constanter adhærent verbo, illorum causam suscipiet, & aget Deus ipse tanquam suam, v. 154.

IV. Causam suorum sic agit Deus, ut restitutionem in integrum eadem certitudine possint expectare, qua credunt verbum Dei esse verum ibid. in fine. *Pro sermone tuo vivam conserva me.*

V. In causa bona, quum pii ab impiis oppugnantur, Dei salus non minus est piis propinqua, quam est ab impiis remota, versic. 155.

VI. Ad salutem istam Dei rite apprehendendam, confugere debemus ad misericordiam Dei abundantem, prout in verbo revelatur, vers. 156.

VII. Fulcitur tamen eadem spes testimonio conscientie bonæ, tentationibus nequaquam cedentis, v. 157.

VIII. Nemo potest esse bene sibi conscius de studio suo erga verbum Dei, nisi à violatoribus ejus sit alienus, v. 158.

IX. Tam studium verbi, quam odium violationis ejus sincerum, provenit ab amore verbi, versic. 159.

X. Amor verbi sincerus fundatur in summa perfectione verbi, vers. 160.

OCTOSTICHUM XXI.

Vers. 161. *Principibus persequentibus me inmerito, à verbo tuo paves animus meus.*

162. *Gaudeo de sermone tuo, ut qui invenit prædam amplam.*

163. *Falsitatem odi, & abominor, legem tuam diligo.*

164. *Septies quotidie laudo te, de judiciis justis tuis.*

165. *Pacem multam esse diligentibus legem tuam, neque esse eis offendiculum.*

166. *Expecto salutem tuam Iehova, & præcepta tua facio.*

167. *Observat anima mea testimonia tua, diligoque ea valde.*

168. *Observo mandata tua ac testimonia tua; quia omnes viæ meæ coram te sunt.*

ANALYSIS.

Quum à parte 16. fufius proposuerat David petitionem liberationis ac directionis secundum verbum, eamque persuaserat ab ad-

juncta dispositione & affectu suo erga idem verbum; jam utramque partem in fine Psalmi repetit, & urget, pro more animi fervide & in-

stanter summum ac necessarium bonum querentis. In hac parte, quomodo affectus fuerit erga verbum, exponit: & in sequenti urget & concludit suam petitionem.

Affectum autem suum distributive per partes exponit. *Primo* igitur pavorem ac reverentiam suam erga verbum proficitur, eamque illustrat ab opposita persecutione, quam declarat à causis efficientibus, *Principibus*, & modo malitioso, *immerito*, v. 161.

Subjungit *secundo* in loco affectum gaudii oblectationis, qua in verbo acquiescebat tanquam in bono sibi conveniente, & sufficiente: quam illustrat simili affectu eorum, qui desideratissimam & amplissimam prædā invenerunt, v. 162.

Addit *tertio* affectum amoris erga verbum: quem summum fuisse arguit à consequente adjuncto odii summi, quo prosequabatur omnia illa quæ verbo repugnabant, vers. 163.

Quarto, Amoris & oblectationis illius efficaciam declarat, per affectum gratitudinis, gloriationis, ac laudis ex illis oriundum, v. 164. quam etiam illustrat. 1. Ab adjuncta repetitione frequenti, versiculo 164. in principio. 2. A subiecta materia ejus, dispensatione scilicet Dei verbo congruente, cujus effectum est inoffensa pax piorum; ibidem in fine, & versic. 165.

Quinto, ultimus affectus ex prioribus emanans, est spes certa vel expectatio salutis, in verbo promissæ, vers. 166. in principio. Cujus expectationis modus adjunctus notatur, studium scilicet observantiæ, ibid. in fine, & vers. 167, 168. Cujus observantiæ propria ratio, vel

causa impellens, collocatur in bona Dei providentia fide apprehensa, tanquam invigilanti semper ipsi & omnibus occasionibus ejus, in bonum; v. 168. in fine.

DOCUMENTA.

I. Gravis est exploratio fidei nostræ, quando persecutionem immerito patimur, idque à viris principibus, v. 161. in principio, *Principibus persequentibus me immerito*.

II. In istiusmodi tentationibus conservantur fideles, ne in tentationem inducantur, reverentia Dei & verbi ejus, ibid. in fine.

III. Cum reverentia verbi divini, conjungitur consolatio & gaudium solidum, etiam in medio afflictionum, v. 162.

IV. Gaudium de verbo provenit ab ejus amore, & eundem amorem auget, v. 163. in fine.

V. Amor verbi infert secum summum odium & abominationem eorum omnium, quæ eidem verbo repugnant, ibidem in principio.

VI. Amor verbi exeritur & exercetur in grata Dei laudatione, v. 164. in medio.

VII. Laudatio Dei debet frequenter iterari; ibidem in principio.

VIII. In Deo singulariter laudanda est illa dispensatio ejus in verbo revelata, & fide apprehensa, qua pacem immobilem præstat piis, ibidem in fine, & v. 165.

IX. Qui Dei verbum reverentur, in deliciis habent, amant, laudant, ii possunt ac debent certa spe expectare salutem Dei, v. 166.

X. Salus Dei expectanda est in viis præceptorum ejus, ibid. in fine.

XI. Studium

XI. Studium observantiæ præceptorum Dei, etiam atque etiam urgere decet, tam ad curam, quam ad consolationem nostram augendam, v. 167, 168.

XII. Singulare motivum est observantiæ, fides providentiæ Dei semper invigilantis nobis in bonum, ex v. 168. in fine.

OCTOSTICHUM XXII.

Verf. 169. *Appropinquet clamor meus ante faciem tuam, Iehova; secundam verbum tuum prudentem redde me.*

170. *Perveniat deprecatio mea ante faciem tuam; secundum sermonem tuum eripe me,*

171. *Eruent labia mea laudem; quoniam docueris me statuta tua.*

172. *Cantabit lingua mea sermonem tuum, omnia præcepta tua iustissima esse.*

173. *Asit manus tua ad auxiliandum mihi, quia mandata tua eligo;*

174. *Desidero salutem tuam Iehova, & lux tua est omnis oblectatio mea.*

175. *Vivat anima mea, ut laudet te; & judicia tua auxilientur mihi.*

176. *Erro ut pecus quæ perit, require servum tuum; nam præceptorum tuorum non obliviscor.*

ANALYSIS.

HÆc est conclusio totius Psalmi, qua David præcipuam suam petitionem urget & inculcat, virtute eorum argumentorum, quæ antea fusius explicata fuerunt, & hic breviter designantur.

Petitio illa generaliter proponitur v. 169. in principio, & 170. in princ. & simul distribuitur in duas partes: quarum prima est de informatione practica in verbo, v. 169. in fine; secunda vero de liberatione à malis, v. 170. in fine, v. 173. in principio, 175. in princ. & in fine, & 176. in medio.

Argumentum primum, quo hæc petitio urgetur, petitur à fine & fructu ejus, in glorificatione Dei & verbi ejus, v. 171, 172. & 175. in medio.

Secundum argumentum petitur ab adjuncto, antecedente, &

causa disponente, quæ triplex est.

1. Fides scilicet in verbo firmo, & immobili proposito acquiescens, v. 173. in fine. 2. Vehemens desiderium salutis in verbo promissæ, versic. 174. in principio. 3. Summus amor, & complacentia in verbo, ibid. in fine.

Tertium petitur ab adjuncta necessitate, quæ illustratur similitudine ovis errantis, id est, expositæ luporum & aliarum bestiarum rapacitati, v. 176. in princ.

Quartum petitur ab adjuncto observantiæ, discrete vel advesati-ve disposito cum prædicto statu erroris; ibid. in fine, *servum tuum: præceptorum tuorum non obliviscor.*

DOCUMENTA.

I. In oratione fervida & efficaci, easdem petitiones iterum atque

G g 4 iterum

iterum repetere, urgere & inculcare juvat ex petitionibus hujus partis cum antecedentibus petitionibus hujus Psalmi comparatis.

II. Illud imprimis est petendum, & urgendum, ut Deus dignaretur petitiones nostras audire & acceptare; ex vers. 169, & 170. in principio.

III. Petitionum omnium ad nos spectantium summa in istis duobus consistit, ut efficaciter ex verbo informemur & dirigamur in via recta: & ut liberati à malo participes fiamus bonitatis divinæ in verbo promissæ, ex v. 169, & 170. in fine.

IV. Laus Dei sicut finis, & fructus est, tam informationis in verbo, quam liberationis à malo, & communicationis boni, sic nobis proponi debet ut finis, in hujus gratiæ petitione, v. 171.

V. Ita Deum laudare debemus, ut simul verbum ac perfectionem ejus laudemus, v. 72.

VI. Petitionum obtinendarum spes fluit ex fide promissionum, v. 173.

VII. Cum vera fide conjungitur desiderium salutis verbo promissæ, quo etiam spes confirmatur, v. 173. in principio.

VIII. Cum fide, desiderio, & spe divina conjungitur oblectatio spiritualis, ex verbo emanans, ib. in fine.

IX. Neque spes, neque oblectatio nostra impediri debet desolata nostra conditione; sed eadem desiderium, & orandi studium excitari, v. 176 in principio.

X. Si in istiusmodi conditione, si in studio observantiæ erga Deum persistamus, fides ac spes nostra inde potest ac debet confirmari, ibid. in fine.

PSALMUS CENTESIMUS VIGESIMUS.

Canticum excellentissimum. Ad Iehovam in maxima angustia mea clamavi, & exaudivit me.

2. Iehova eripe me à labio falso, à lingua dolosa.
3. Quid datura est tibi, quidve adjectura tibi lingua dolosa?
4. Verba similia sagittis robusti acutis, comparanda prunis juniperorum.
5. Hei mihi, quia peregrinor tamdiu, habito tamquam scenita Kedarum.
6. Plurimum habitasse videtur sibi anima mea, apud osorem pacis.
7. Ego pacem diligo: at quum loquor, ipsi ad bellum conclamant.

A N A L Y S I S.

Psalmus iste (cum tredecim sequentibus) vocatur *Psalmus graduum*, propter singularem aliquem gradum excellentiæ, quæ ipsis conveniebat, tam ratione materiæ, quam ratione formæ, & finis.

Scopus est, sub exemplo Davidis, docere, quomodo fideles gerere sese debeant in medio angustiarum collocati.

1. In istum finem invocatio Dei, ut medium afflictis necessarium, commendatur: quæ tam suis adjunctis fervoris, ac fiduciæ, illustratur, ad *Iehovam clamavi*; quam effecto & fructu optato: *exaudivit me*, v. 1. 2. Species hujus invocationis representatur, quæ fuit petitio congruens occasionis, partibus constans duabus: quarum

quarum prima fuit de liberatione à calumniis hostium, quæ duobus adjunctis, falsitatis, & fraudis, declarantur, v. 2. & illustratur diversa fiducia sua, de vanitate eorum, v. 3. Quæ vanitas etiam amplificatur, atroci & perniciofa earum natura, quæ duobus similibus illustratur, v. 4. 3. Secunda pars petitionis est de liberatione à molestia illa quam patiebatur ex illis calumniis: quæ sub forma gravis quærelæ innuitur, v. 5. &c. Ubi hæc molestia comparatur cum peregrinatione inter barbaras gentes, vers. 5. Cujus comparationis ratio redditur à simili qualitate hostium suorum & hominum maxime barbarorum, odio pacis, v. 6. Quod odium illustratur opposito studio pacis, quo frustra conabatur eorum ferociam mitigare, v. 7.

DOCUMENTA.

I. Quamvis omnes Psalmi sint canonici, atque adeo perfecti, alii tamen aliis sunt aliquo respectu excellentiores ex tit.

II. In angustiis nostris excellentem usum habent illi Psalmi, qui ex occasione angustiarum fuerunt concepti & conscripti, v. 1.

III. In angustiis nihil utilius, quam Dei misericordiam cum fervore ac fiducia implorare, ibid.

IV. Istiusmodi orationes semper audiuntur, Ibid.

V. Adversus falsas ac dolosas calumnias specialiter orare nos decet, v. 2.

VI. Quamvis calumniatores suis calumniis multum se profecturos imaginantur, exitus tamen docebit eos nihil inde lucrari, v. 3.

VII. Atroces & perniciosæ calumniæ sic evanescent, ut homicidii reatum suis authoribus relinquant, v. 4.

VIII. Eadem tamen calumniæ intollerabilem saepe molestiam & vexationem adferunt piis, v. 5.

IX. Inter calumniatores habitare, est inter barbaros ac feros homines versari, Ibid.

X. Barbari sunt, qui alieni sunt ab omnibus honestis conditionibus pacis, v. 6.

XI. Pii hominis est, quantum in se est, quærere pacem, v. 7.

XII. Impii & feroces nulla mansuetudine possunt averti à piis impugnandis, ibid.

PSALMUS CENTESIMUS VIGESIMUS PRIMUS.

Canticum excellentissimum. Attollerem oculos meos ad istos montes? unde veniret auxilium meum?

2. Auxilium meum sit à Iehova, qui fecit calos & terram.

3. Ne permittat dimoveri pedem tuum, ne dormitet custos tuus.

4. Ecce non dormitat, neque dormit custos Israël.

5. Iehova custos tuus; Iehova umbra tua est ad manum dexteram tuam.

6. Interdiu sol non percutiet te, aut luna noctu.

7. Iehova servabit te ab omni malo, servabit animam tuam.

8. Iehova servabit processum tuum & reditum tuum, ex hoc tempore usque in seculum.

ANALYSIS.

HOc Psalmo continetur professio fiduciæ religiosæ in Deo collocatæ. Quæ illustratur 1. De liberatione opposita, de fiducia in aliis rebus collocanda, tanquam tentatione fide superata, v. 1. ubi per *montes* sive locus circumspiciendi omnia auxilii media intelligatur; sive loco refugii; sive incolæ montium, tanquam copiarum auxiliares; eodem tamen res ipsa reddis hæsitatio scil. aliqua in principio turbata fuisse animam Davidis, ex qua per gratiam Dei feliciter emerfit.

Declaratur secundo in loco pia & victrix fiducia in Deo solo collocata. 1. Ab ejus omnisufficiencia, quæ ab effectu creationis illustratur, v. 2. 2. Ab ejus efficientia & providentia gratiosa. Quæ gratiosa providentia Dei sub forma practicæ applicationis declaratur. 1. Per ejus efficaciam in omni malo propulsando, v. 3. in principio. *Ne permittat dimoveri pedem tuum.* 2. Per ejus constantiam incessantem, ibid. in fine. *Ne dormitet custos tuus,* & v. 4. *Ecce non dormitat neque dormit custos Israël.* Quæ duo per commorationem inculcantur & applicantur. 1. Efficacia præsentissima, versic. 5. 2. Constantia, v. 6. Quibus effectum sub-

jungitur, conservatio ab omni malo, v. 7, 8. Quæ conservatio illustratur distributione ab adjunctis occasionibus, v. 8.

DOCUMENTA.

I. In tempore angustiarum, nimis proclives sumus ad auxilium querendum ab illis rebus, quæ non possunt juvare, v. 1.

II. Fideles solent istiusmodi motus infidelitatis excutere, fiduciam divinam in semetipsis excitando, v. 2.

III. Fiducia hæc pia multum excitatur, & confirmatur consideratione omnipotentis Dei, in operibus ejus elucetis, ibid. in fine.

IV. Per istam fiduciam apprehenditur efficax & constans Dei providentia, omne malum propulsans & omne bonum perficiens, v. 3.

V. Per hanc fiduciam, singuli fideles applicare sibi possunt ac debent omnes illas promissiones quæ factæ sunt Ecclesiæ Dei, v. 4.

VI. Plurimum facit ad consolationem fiduciæ, quod hæc providentia sit semper & ubique fidelibus præsens, v. 5.

VII. Ex hac providentia, singulariter haurienda est consolatio, adversus singularia quæque mala secundum varietatem occasionum nostrarum, v. 6, 7, 8.

PSALMUS CENTESIMUSVIGESIMUSSECUNDUS.

Canticum excellentissimum Davidis. Lætor de eo quod dicitur mihi, domum Iehovæ adeamus:

2. Quod consistunt pedes nostri intra portas vestras, ô Ieruschalaima.

3. Ieruschalaima optime constructa, civitas quæ plane coagmentata est in ære (sc. pariter).

4. Quo ascendunt tribus, tribus Iah, ad testimonium Israëlitarum ut celebrent nomen Iehovæ.

5. Quia

5. Quia ibi confident throni juris, throni domus Davidis.
 6. Expetite pacem Ieruschalaimorum, dicentes; tranquilli sunt amantes tui:
 7. Sit pax in prævunctione tua, tranquillitas in palatiis tuis.
 8. Propter fratres meos & amicos meos; eloquor nunc, pax sit in te.
 9. Propter domum Iehovæ Dei nostri, procurabo bonum tibi.

ANALYSIS.

IN isthoc Psalmo David sibi gratulatur in Domino, de felicitate illa, qua ipse cum aliis fruebatur in Ecclesia Dei.

1. Primo igitur in loco lætitiæ summam proficitur, v. 1. *lætor*. Cujus gaudii causam ac rationem reddit à communione illa, quam habebant fideles cum Deo, in solemnibus ejus cultu. Qui cultus illustratur 1. Ab adjuncto studio ac zelo fidelium communi, se invicem excitantium ad illum cultum celebrandum, ibid. 2. Ab ejusdem subiecto, loco opportunitatis assidue & constantis, vers. 2. 2. Locum opportunitatis hujus celebrat à suis adjunctis. Quorum primum est, pulcherrima consensus & convenientia omnium partium ejus ad pios usus, v. 3. Secundum est sollemnis cultus, qui ibi exerceri solebat, v. 4. Tertium est legitima juris administratio, secundum verbum Dei, v. 5. 3. Continuationem hujus lætitiæ, & opportunitatis exoptans, 1. Omnes fideles ad vota eo conferenda vocat, v. 6. & voti formulam ipsis dictat, v. 7. 2. Exemplo suo præit ipsis in hoc officio præstando, v. 8. & 9. Quod illustrat à causis

impellentibus, charitate scilicet erga fratres, v. 8. & erga Deum ejusque cultum, v. 9.

DOCUMENTA.

I. Summi gaudii materia piis est, quando vident religionem florere, ex v. 1.

II. Ad florem religionis pertinet imprimis, ut studium & zelus cultus divini mutuis exhortationibus promoveatur, ibid.

III. Libertas & opportunitas Ecclesiasticorum conventuum, ad gaudium istud multum confert, v. 2.

IV. Ad opportunitatem istam requiritur unio & concordia, v. 3.

V. Unionis istius vita est in vivo cultu Dei, v. 4.

VI. Disciplina tam Ecclesiastica, quam civilis necessaria est ad eundem finem, v. 5.

VII. Hæc felicitas & ejus continuatio, tam nobis quam aliis est omnibus votis expetenda, v. 6, 7.

VIII. Unusquisque debet aliis exemplo suo præire, in hoc officio præstando, v. 8.

IX. Caritas erga Deum & homines non finit pios ab hoc officio cessare, v. 8, & 9.

PSALMUS CENTESIMUS VIGESIMUS TERTIUS.

Canticum excellentissimum. Ad te attollo oculos meos, o tu qui sedes in cœlis.

2. Ecce ut oculi servorum spectant ad manum dominorum suorum, ut sculi ancilla ad manum heræ suæ, ita oculi nostri ad Iehovam Deum nostrum donec gratiam fecerit nobis.

3. Gratiam fac nobis Iehova, gratiam fac nobis, quia satis est, saturi sumus contemptu.

4. Plurimum saturata est anima nostra: ista sanna tranquillis ipsis, iste contemptus obveniat superbis.

ANALYSIS.

Psalmi huius scopus est, petere à Deo tutelam ac liberationem Ecclesiæ, ab illis injuriis quibus premebatur.

Petitio hæc, sub generali forma implorationis gratiæ, proponitur & inculcatur, v. 3. in princ.

Pri mum argumentum petitur ab administrante causa, desiderii, ac fiduciæ in Deum directæ, v. 1. *ad te attollo oculos.* Quæ fiducia in Deo collocata illustratur 1. A qualitate objecti, potentia scil. & providentia Dei, ibid. in fine: *qui sedes in cœlis.* Illust. arur etiam 2. Duobus similibus, fiduciæ scil. servorum & ancillarem, ab herorum & herarum suarum tutela cum fiducia dependentium, v. 2.

Secundum argumentum petitur à qualitate, & quantitate injuriæ illius, quam Ecclesia patiebatur, v. 3. in fine, contemptu scil. magno, & diuturno. Quod argumentum per commemorationē, plenius explicatur v. 4.

Tertium argumentum petitur à qualitate eorum, qui injuriam inferebant, ibid. in fine: quod præter sua merita fuerint tranquilli, id est, omnia ex voto habebant, & inde facti sint superbi.

DOCUMENTA.

I. In omni genere pressuræ, precibus confugiendum est ad Deum, ejusque gratia est sedulo imploranda, v. 3. in princ.

II. Preces efficaces procedunt ab intento desiderio, & fiducia in Deo collocata, v. 1.

III. Fiducia ista firmatur, & sustentatur consideratione omnipotentis & eminentis providentiæ Dei, ibid. in fine.

IV. Confirmatur etiam plurimum ista fiducia ex eo, si tam bene nobis consciî simus, ut sciamus nos Deo addictos esse tanquam servos, & Deum esse Dominum nostrum, v. 2.

V. Hæc fiducia non alium novit finem aut exitum, quam gratiosam liberationem, ibid. in fine.

VI. Inter alia genera & gradus pressurarum, contemptus & contumeliosa subsannatio singularem vexationum secum adfert, v. 3. in fine, & 4. in princ.

VII. Contemptus iste provenit à superbia impiorum hostium, v. 4. in fine.

VIII. Superbiæ occasionem arripiunt impii ex sua tranquilla prosperitate, ibid.

PSALMUS CENTESIMUS VIGESIMUS QUARTUS.

Canticum excellentissimum Davidis. Nisi Iehova adfuisset nobis, dicat nunc Israel ;

2. Nisi Iehova adfuisset nobis, quum insurgerent contra nos homines ;
3. Tunc viros absorbuissent nos, exardescere ira eorum in nos :
4. Tunc illæ aquæ imundassent nos, torrens superavisset nos :
5. Tunc superavisset nos torrens aquæ superbissimæ.
6. Benedictus Iehova, qui non exposuit nos prædæ dentibus eorum.
7. Anima nostra, ut avicula erepta est à laqueo aucupantium, laqueo effracto nos erepti sumus.
8. Auxilium nostrum in nomine Iehovæ, qui fecit celos & terram.

A N A L Y S I S.

Huius Psalmi scopus est, celebrare bonitatem Dei, in Ecclesiæ liberatione à periculis magnis.

I. In istum finem magnitudinem periculorum exponit duabus comparationibus, devorationis ferarum bestiarum, & inundationis aquarum, v. 3, 4, & 5. 2. Liberationem ab hoc periculo tribuit Deo tanquam unico ejus auctori, v. 1. & 2. 3. Tam periculi, quam liberationis commemorationem diligentem suadet, vers. 1. 4. Deo benedicit de sua bonitate, in Ecclesia liberanda, vers. 6. in principio. Quam liberationem illustrat duobus similibus, ereptionis nempe pecudis è dentibus leonis, & ereptionis aviculæ è laqueo aucupis, v. 6, & 7. 5. Ex istis omnibus deducit pro conclusione, usum consentaneum, videl. Omne auxilium Ecclesiæ querendum & certo expectandum esse à Deo omnipotente, v. 8.

DOCUMENTA.

I. Ecclesia semper fere impeti-

tur ab impiis, ex odio summo, v. 2. in fine, v. 3, 4, 5.

II. Hac ratione in tantis periculis sæpe versatur Ecclesia, ut ex mediis apparentibus, nulla sit spes ipsi relicta, ibid.

III. Dei tamen bonitas sufficit piis adversus omnes istos terrores, v. 1.

IV. Bonitas hæc Dei nunquam debet oblivioni tradi, sed semper cum laude commemorari, ibid. in fine.

V. Ad bonitatem illam Dei celebrandam, juvat plurimum, sæpius cogitare de magnitudine periculorum, à quibus Deus nos liberavit, v. 3, 4, 5.

VI. Consideratio periculi, & liberationis præstitæ, constringere nos debet ad benedicendum Deo ex toto corde, v. 6, 7.

VII. Qui Deo ex animo benedicunt de auxilio præstito, illi sic ædificantur in fide ac fiducia omni sufficientiæ ac efficientiæ Dei, ut semper quærant & expectent auxilium ab ipso solo, v. 8.

PSALMUS CENTESIMUS VIGESIMUS QUINTUS.

Canticum excellentissimum. Qui confidunt Iehovæ, similes sunt monti Tzijonis : qui non dimovetur, in seculum permanet.

2. Ut Ieruschalaima montes circumstant, ita Iehova circumstat populum suum ; ex hoc tempore usque in seculum.

3. Nam non quiescit virga improbitatis super sortem justorum ; ut non extendant iusti ad ullam iniquitatem manus suas.

4. Benefac Iehova bonis, & rectis ex animis suis.

5. Qui autem inclinant animos suos ad itinera tortuosa sua, amandet eos Iehova cum iis, qui dant operam iniquitati, pax sit super Israelcem.

A N A L Y S I S.

SCopus hujus Psalmi est consolari fideles (quos primis verbis describit) adversus omnes terrores quibus percelli potuerant multis periculis undique obfessi. Hoc autem facit Propheta, 1. Doctrinam consolationis proponendo, v. 1, 2, 3. 2. Eandem suis votis obsequando, v. 4, & 5.

In priore parte, 1. Fontem aut causam hujus consolationis ostendit esse sustentationem ac protectionem divinam fidelibus præsentem, constantem, & omni-sufficientem, versic. 2. Quæ illustratur typo montis Tzijonis bene fundatæ, & variis montibus aliis, quasi totidem munimentis cinctæ, versic. 1. & 2. 2. Occupat objectionem oppressionis illius, cui subinde obnoxia est Ecclesia, per negationem perdurationis ejus, v. 3. in principio. Cujus negationis rationem reddit à periculo defectionis inde consecuturæ, ibid in fine.

In posteriore parte, hisdem fidelibus benedictione ac pacem precatur, v. 4. in principio, & 5. in fine. Quam petitionem illustrat 1. A descriptione eorum, quibus hoc voveret :

quod scilicet boni & recti vel synceri fuerint in corde ; vel Israelitæ veri, sine dolo, v. 4. in fine. 2. Ab opposita imprecatione adversus hypocritas infidos, v. 5. in principio.

DOCUMENTA.

I. Consolatio solida ad illos solos pertinet, qui sunt vere fideles, v. 1. in princ.

II. Vere fideles stabilem & immobilem statum consolationis habent, ibid. in fine.

III. Status ille consolationis pendet in solidum à protectione illa divina semper ipsis præsentem, & omni-sufficientem, v. 2.

IV. Protectio ista non statim interrumpitur, si fideles afflictionibus gravibus exerceantur, vers. 3. in principio.

V. In ipsis afflictionibus magna est inde consolatio fidelibus, quod Deus hætenus illos protegat, ne per illas inducantur in tentationum, v. 3. in fine.

VI. Consolationem istam votis ardentissimis, tam aliis fidelibus quam nobismetipsis precari debemus, vers. 4, 5.

VII. Eandem

VII. Eandem certo spondere possumus iis, qui in pietata sunt syn-
ceri, v. 4.

VIII. Hypocritæ nullam porti-

onem habent cum piis in ista conso-
latione, sed cum infidelibus punien-
tur, v. 5. in princ.

PSALMUS CENTESIMUSVIGESIMUS SEXTUS.

Canticum excellentissimum. Quom reducet Iehova multitudinem cap-
tivorum Tzizonis, eramus velut qui somniant.

2. Tunc impletum est risu os nostrum & lingua nostra cantu; tum
dictum est inter gentes, magnifica Iehova efficit opera erga istos.

3. Magnifica Iehova efficit erga nos, sumus lati.

4. Reduc Iehova multitudinem captivorum nostrorum; tamquam validissi-
mas aquas reducens in regionem siccam.

5. Qui seminarunt cum lacrymis, cum cantu metant.

6. Qui portans acquisitum semen, indefuenter ibat flendo, is omnino rede-
at cum cantu, reportans manipulos suos.

A N A L Y S I S.

PSalmus iste scriptus videtur ex
occasione edicti à Cyro promul-
gati de reversione Iudæorum ex
Babylonica captivitate. Scopus igitur
ejus est, illam restitutionem cele-
brare, & promovere.

1. Celebratur 1. ab autore Deo,
vers. 1. 2. Ab adjuncto ejus mo-
do tam admirabili, ut omnem fere
fidem, & opinionem hominum su-
peraverit: quod illustratur simili-
tudine somniantium, qui sæpe vi-
dentur sibi videre illo, quæ sunt im-
possibilia, ibid. 3. Ab effectis sum-
mi gaudii inter Iudæos & maxime
famæ ac admirationis inter Gentes,
v. 2. Quæ fama confirmatur etiam
testimonio Iudæorum, v. 3. 2. Pro-
moveretur eadem reversio precibus:
quibus ipsius restitutionis perfecti-
onem petit, ejusque optatam boni-
tatem illustrat similitudine irriga-
tionis terræ siccæ, vers. 4. & copiosæ
messis, post dubiam & tristem se-
mentem, v. 5, & 6.

D O C U M E N T A.

I. Quæcunque media fuerint sa-
lutis aut boni nostri, tota gloria
est Deo in solidum tribuenda, v. 1.

II. Deus tam inopinato & incre-
dibili modo salutem suorum procu-
rat, ut quod futurum credebant, &
sperabant, vix credere possint adesse,
quando adest, ibid.

III. Finis & fructus admirabi-
lis hujus dispensationis, est singu-
lare gaudium piorum, & glorifi-
catio Dei, v. 2. in princ.

IV. Tam clara sæpe est hæc dis-
pensatio bonitatis Dei, erga Eccle-
siam, ut illi etiam qui extra sunt,
cogantur Deum eo nomine glori-
ficare, ib. in fine.

V. Confessio ista extraneorum,
qua Deus glorificatur, a piis debet
tam verbis quam factis confirmari
ac promoveri, v. 3.

VI. Quando Deus incepit no-
bis benefacere, nostrum est, pre-
cibus

cibus apud eum instare, ut bonum illud quod incepit, in nobis & aliis perficere dignetur, v. 4.

VII. Preces istæ eo ferventiores erunt, quo magis meditamur de felicitàte illa, quam ex earum exauditione consequi speramus, ibidem

in fine.

VIII. Felicitatis hujus spes non extinguitur, in piis, rebus adversis, sed fruitio ejus, earum experientia & memoria, ut magis jucunda, v. 5, 6.

PSALMUS CENTESIMUS VIGESIMUS SEPTIMUS.

Canticum excellentissimum pro Schelomone. Nisi Iehova aedificet domum, frustra laborent aedificatores ejus de ea: nisi Iehova custodiat civitatem, frustra sedulus sit custos:

2. Frustra sunt vobis, qui summo diluculo surgant, qui tarde sedcant, qui vescantur cibo dolorum: ita dat dilecto suo somnum.

3. Ecce possessio Iehovæ sunt filii merces est fructus ventris.

4. Ut sagitta ad manum robusti, ita sunt pueri.

5. Beatus vir ille, qui impleverit pharetram suam illis: non crubescet, sed perimet inimicos in porta ipsorum.

A N A L Y S I S.

IN isto Psal. proponitur doctrina de providentia Dei: cujus necessitas & efficacia ad omne bonum docetur, sub forma enunciationis exceptivæ, sæpius inculcata: *Nisi, nisi, frustra, frustra*. Hujus enim enunciandi formæ hæc vis est, ut duo hæc affirmet. 1. Sine bonæ & benedictis providentiæ Dei concursu, nihil boni ex ullis mediis expectandum esse. 2. Ab illa bona Dei providentia omnia bona posse ac debere expectari, in usu mediorum legitimorum. Declarantur hæc per inductionem partium. 1. In statu familiæ, v. 1. in princ. 2. In statu civili. ib. in fine. 3. In facultatibus aut copia, vel necessariarum, vel utilium & desiderabilium rerum, v. 2. 4. In sobolis propagatione sælici, vers. 3. Quæ felicità per comparisonem illustratur ab effectis filiorum piorum in familiæ defensione, v. 4. & 5.

D O C U M E N T A.

I. Si Dei benedictio absit, conatus omnes humani frustra sunt ad boni aliquid perficiendum, v. 1.

II. Si Dei benedictio adsit, non sunt frustranei nec irriti conatus humani, ibid.

III. Benedictio Dei solida, propria est populis ejus dilecti, v. 2. *Dilecto suo*.

IV. Hæc benedictio sæpe facit, ut dilecti Dei desiderabilium rerum copiam habeant sufficientem & securam, ibid. *Dat dilecto suo somnum*.

V. Singularis est benedictio Dei, liberos bonos habere, v. 3.

VI. Liberi boni sic educantur, ut mancant in manu ac potestate parentum, v. 4.

VII. Potestate & curâ parentum, apta redduntur instrumenta ad aliquas bonas artes exercendas, ibid.

VIII. Tales

VIII. Tales liberi parentibus suis & honorem, & quando opus est, etiam defensionem tam publi- cam quam privatam præstant, v. 5. 1 X. Talis proles, quo numero- sior, eo melior, ibid.

P S A L M U S C E N T E S I M U S V I G E S I M U S O C T A V U S.

CAnticum excellentissimum. Beatus quisque timens Iehovæ, qui ambulat in viis ejus.

2. Labore enim manuum tuarum frueris: beatus eris, & bene erit tibi.

3. Vxor tua ut vitis fructifera ad latera domus tuæ; filii tui ut plantæ olea- rum circumstabunt mensam tuam.

4. Ecce quum ita benedicatur vir timens Iehovæ:

5. Benedicit tibi Iehovæ è Tzijone; fruire igitur bono Ieruschalaimorum omnibus diebus vitæ tuæ.

6. Et respice natos filiis meis, pax est super Israëlem.

A N A L Y S I S.

Beatitudo piorum hoc in Psalmo prædicatur, ad consolatio- nem ipsorum, & excitationem omnium ad studium pietatis. Quæ doctrina 1. Generaliter enunciatur, v. 1. & 4. Ubi ad errorem cavend- dum descriptio ponitur vere piorum ab adjuncto, religioso timore Dei veri, & ab effectu ejus constanti ob- servantia voluntatis ejus. 2. Ea- dem veritas singulis piis applicatur, & enumeratis partibus hujus bea- titudinis, explicatur in reliquo Psal- mo.

Prima pars est suavis contenta- tio ex eis quæ suppetunt, quamvis fors adeo tenuis fuerit, ut labo- re manum quærendus sit victus, v. 2.

Secunda est contentatio ex con- jugii successu & liberorum indole bona, v. 3.

Tertia est participatio publici Ecclesiæ boni: quæ illustratur 1. A causa ex qua fluit, & testimonio quo confirmatur, frondere scil. gra- tiæ, inito cum Ecclesiâ, verf. 5. in

princ. 2. Ab adjuncta duratione, v. 5. in fine, & etiam extensione ad posteros, v. 6.

D O C U M E N T A.

I. Characteristica nota est homi- nis pii, Deum verum vere timere, v. 1.

II. Timor Dei verus conjunctum habet constans studium obedientiæ erga verbum Dei, ibid.

III. Omnes illi qui Deum vere timent, beatificas promissiones ha- bent & hujus & futuræ vitæ, 1 Tim. 4. 8.

IV. Benedictionis hujus pars mi- nime contemnenda est, quod pii etiam in tenui & laboriosa vita, sua forte sunt contenti, v. 2.

V. Conjugii & prolis felicitas suavissima pars est omnium bene- dictionum temporalium, v. 3, 4.

VI. Istiusmodi benedictiones flu- unt ex gratia, frondere, & promissi- onē Dei, v. 5. princ.

VII. Tum demum suaves sunt istæ benedictiones privatæ, quanti- do con-

do conjunguntur cum participatione boni status Ecclesie, ibidem in fine.

VIII. Continuatio status hujus est complementum benedictionis in ista vita sperandæ, v. 5, & 6.

PSALMUS CENTESIMUS VIGESIMUS NONUS.

Canticum excellentissimum. Multum affecerunt me angustis inde à pueritia mea, dicat nunc Israel:

2. Multum affecerunt me angustis inde à pueritia mea; etiam non prævaluerunt mihi.

3. Super tergum meum arraverunt aratores, produxerunt quamque strigum suarum.

4. Jehova justus, truncavit densos funes improborum.

5. Erubescet & agentur retrorsum, omnes osiores Tzizonis.

6. Erunt tanquam fœnum rectorum, quod antequam exeratur falx, exaruit.

7. Quo non implet manum suam messor; aut lacertum suum, qui manipulos facit.

8. Neque dicent qui transeunt, benedictio Jehovæ adest vobis, benedicimus vobis in nomine Jehovæ.

A N A L Y S I S.

SCopus hujus Psalmi est, excitare Ecclesiam ad Deum glorificandum de bona illa providentia ejus, qua invigilat ipsis in bonum, v. 1. in fine. Hanc autem declarat ab effectis ejus, tam præteritis ad v. 5. quam pari modo futuris. Effecta præterita declarantur à diversis, pressura nempe gravi & diuturna, vers. 1. & 2. sed tamen per providentiam Dei irrita, v. 2. in fine.

Quæ pressura illustratur similitudine terræ aratro profunde scissæ in sulcos oblongos, v. 3. Et irritatio ejus per continuatam similitudinem dissectionis funium quibus aratrum trahebatur in Ecclesie dorso, v. 4. Quod etiam illustratur à causa, justitia scilicet Dei adversus hostium improbitatem, ibid.

Effecta futura providentiæ illius

divinæ, sunt confusio & repressio hostium omnium Ecclesie, vers. 5. Quæ illustratur similitudine sterilis fœni, cito exarescentis, v. 6. Sine fructu, ibid. Et sine fructus expectatione aut gratulatione, v. 7, 8.

D O C U M E N T A.

I. Bona Dei providentia in Ecclesia conservanda, cum omni gratitudine agnosci & celebrari debet, v. 1. in fine.

II. Eo magis decet nos istam providentiam celebrare, quo majorem ejus experientiam habuimus, v. 1, & 2.

III. Ecclesia Dei, in omni seculo, ut multas, magnas & diuturnas pressuras; sic etiam accommodatam Dei providentiam solet experiri, ibid. v. 3. & 4.

IV. Providentia hac Dei fit, ut vali-

validissima consilia & machinationes improborum adversus Ecclesiam subito irritentur quasi dissectæ, v. 4.

V. Justitiæ Dei adversus impietatem hostium, hoc est acceptum referendum.

VI. Consideratio præstitarum liberationum confirmat fideles in

expectatione futurarum, v. 5.

VII. Prosperus successus impiorum non debet fidem piorum turbare; quia tantum ad breve tempus durabit, v. 6.

VIII. Nullus solidus fructus vel colligi, vel expectari potest ex via & conatibus impiorum, vers. 7. & 8.

PSALMUS CENTESIMUS TRIGESIMUS.

Canticum excellentissimum. Ex profunditatibus inclamavi te Jehova dicens.

2. Domine ausculta voci meæ: sint aures tuæ intente ad vocem deprecationum mearum.

3. Si iniquitates observaveris, Jah, Domine, quis possit consistere?

4. Nam apud te est condonatio, ut reverenter colaris.

5. Expectavi Iehovam, expectavit anima mea: etiam in verbo ejus expectationem habeo.

6. Animus meus erga Dominum studiosior est; quam excubiarum erga matutinum, excubantium ad matutinum usque.

7. Expectationem habeat Israel in Iehova; quia apud Iehovam est benignitas, & plurimum apud eum redemptionis.

8. Et ipse redimet Israel, ab omnibus iniquitatibus ejus.

ANALYSIS.

Scopus hujus Psalmi est excitare & confirmare fiduciam piorum, quæ fiducia declaratur. 1. v. 7. Ab objecto ejus, tam materiali, quod in Jehova, quam formali, quia apud Iehovam est benignitas & multa redemptio, id est, sufficiens & efficax ad omnimodam redemptionem, v. 8. 2. Ab effectu ejus, redemptione scilicet eorum à peccatis, & pœnis peccatorum.

Hanc exhortationem aliorum ad fiduciam ac spem, urget Propheta à simili exemplo fiduciæ ac spei suæ, à v. 1. ad 7.

Ubi, ad comparationis usum & efficaciam, suam fiduciam declarat. 1. A conditione diversa, quæ

fiduciæ opposita videri possit, si ulla alia, quæ contingere solet piis, v. 1. Ex profundis, id est, ex portis ipsis desperationis. 2. A vivido ejus motu in Dei ope precibus imploranda, ibid. Inclamavi te. Cujus precationis summa repræsentatur consistens in vehementi petitione, vers. 2. Cui subjungitur occupatio objectionis, per tacitam vel implicitam confessionem peccatorum, comparatione minorum illustratam & simul etiam confirmatione tam ab eventu incommodo, si non gratiose audiretur, v. 3. quam ab eventu optatissimo, qui ex gratiosa exauditione existeret, v. 4. 3. Eandem fiduciam illustrat partim à læta animi constitutione,

quam per illam consequutus erat, v. 5. partim à causa ejus, promissione salutis, v. 5. & partim collatione similitum ac minorum, v. 6.

DOCUMENTA.

I. Tam profundis doloribus ac terroribus nonnunquam afficiuntur fideles, ut non aliis tantum, sed & sibi metipsis videantur jam jam desperatione absorbendi, vers. 1.

II. Quo profundiores angustias sentiunt fideles, eo profundiora suspiria emittunt ad Deum inter precandum, ibidem.

III. Precum exauditio identidem est precanda, v. 2.

IV. Sicut semper, sic præcipue in gravibus prostratis, confessio seria peccatorum necessaria est ad precum exauditionem, v. 3.

V. In confessione juvat etiam de aliorum peccatis cogitare, si id non fiat ad nosmetipsos excusandos, sed

magis urgendos, ibid.

VI. In precibus illud primum est, ad fiduciam excitandam, si misericordiam Dei rite apprehendamus, v. 4.

VII. Misericordiae divinae apprehensio legitima, non ad securitatem carnalem, sed ad reverentem Dei cultum deducit, ibid.

VIII. De fiducia & expectatione in Deo, secundum verbum ejus collocata, possumus sancte gloriarì, v. 5, 6.

IX. Unius qualiscumque fidelis hominis fiducia experientia comprobata, facit ad aliorum omnium ædificationem, in fiducia simili similiter concipienda, v. 7, 8.

X. Ex istiusmodi exemplis omnes fideles fiduciam suam ædificant, intuitu omni sufficientis & efficacis misericordiae Dei, ad ipsos redimendos ab omni culpa & poena, ibidem.

PSALMUS CENTESIMUS TRIGESIMUS PRIMUS.

Canticum excellentissimum Davidis. Iehova, non fuit altus animus meus, neque elati oculi mei; ac non aggressus sum res magnas aut arduas supra quam conveniat mihi.

2. An non composui ego sedulo animum meum, similis depulso à lacte apud matrem suam, similis depulso à lacte apud me fuit animus meus.

3. Expectationem habeat Israel in Iehova, ex hoc tempore usque in seculum.

ANALYSIS.

Davidis propositum in hoc Psalmo est, excitare omnes pios ad spem suam omnem semper & constanter in Deo collocandam; & simul etiam rectum sperandi modum ipsis monstrare, v. 3.

In istum finem, suum exemplum ipsis proponit imitandum, vers. 1. & 2. Vbi 1. Spem suam declarat ab

oppositæ præsumptionis negatione v. 1. Quam præsumptionem negat, negando tam dispositionem ejus internam, *animum altum*; quam signa externe adjuncta, *oculos elatos*, quam effecta illa quæ inde solent emanare, *aggressionem rerum vires & vocationem superantium*, ibid. 2. Eandem spem declarat ab adjuncta simplicitate

simplicitate submissa & quieta, cuius studium illustratur iterata similitudine infantis recens ablactati, qui nihil sibi arrogans, expectat quid mater sit datura, & confirmatur jure jurando; v. 2. *Si non composui, &c.* Sic enim potius legendum, quam, *an non composui.*

DOCUMENTA.

I. Qui de semetipsis præsumunt, in Deo non sperant, ex v. 1.

II. Præsumunt illi de semetipsis; qui ita sapiunt alta in hoc mundo, ut sorte a Deo ipsis assignata non sint contenti, ibidem. *Animus alius.*

III. Altitudo hæc animi apparere solet in gestibus ambitiosorum, & præcipue in oculis eorum, ibid. *Elati oculi.*

IV. Proprium opus est præsumptionis arrogantis, affectare & aggredi illa quæ sunt supra vires &

vocationem nostram, ibidem, *Aggressus res magnas.*

V. Ad spem in Deo, rite collocandam, requiritur simplicitas ac submissio talis erga Deum, qualem infantes habent erga suos parentes, quando ab ipsis toti pendent, v. 2. *Marth. 18. 3, 4.*

VI. Perfectionem tamen hujusmodi virtutum non præ se ferunt pii, sed studium solum & conatum sincera, ibid. *Composui & sedavi animum.*

VII. Hæc simplicitas piorum adeo incredibilis mundo videtur, ut aliquando religione juramenti debeat ipsis confirmari, ibid.

VIII. Ad hanc spem, tam alios provocare nos decet exemplo & experientia nostra, quam nosmet excitare aliorum exemplo, v. 3.

IX. Studium spei divinæ hoc modo excitare, debet esse perpetuum, ibid.

PSALMUS CENTESIMUS TRIGESIMUS SECUNDUS.

Canticum excellentissimum. Memor esto, Iehova, Davidis; cum tota afflictione ejus:

2. Iurasse Iehovæ, vovisse amplissimo Deo Iahakobi, dicendo:

3. Dispeream, si ingrediar tentorium domus meæ, si conscendam spondam stratorum meorum;

4. Si dem somnum suum oculis meis palpebris meis dormitationem:

5. Donec invenero locum pro Iehova, locum tabernaculorum pro amplissimo Deo Iahakobi.

6. Ecce audiveramus eam fuisse in Ephratae regione, inveneramus eam in agris Iaharis:

7. Accedimus ad tabernacula ejus; incurvamus nos honorem exhibentes ante scabellum pedum ejus.

8. Surge Iehova aditurus requiem tuam; tu & arca roboris tui.

9. Sacerdotes tui induantur justitia, & quos benigne accipis contentent;

10. Propter Davidem servum tuum, ne avertas faciem uncti tui.

11. Iuravit Iehova Davidi veritatem, à qua non avertet se, dicens; de fructu ventris tui ponam in solio tuo.

12. Si observaverint filii tui fœdus meum & testimonia mea singula quæ

docebo eos, etiam filii illorum usque in sempiternum sessuri sunt in solio tuo.

13. Nam elegit Iehova Tæijonem, expetivit pro habitatione sua, dicens :

14. Hæc est requies mea usque in sempiternum ; hic habitaturus sum, quia hoc expetiveram.

15. Viatico ejus affatim benedicam egentes ejus saturabo cibo :

16. Sacerdotesque ejus induam salute, & quos in ea benigne accipio omnino cantabunt illi.

17. Ibi efficiam ut germinet cornu Davidis, ubi aptavi lucernam uncto meo.

18. Inimicos ejus induam pudore ; super ipsum vero florebit coronamentum ejus.

A N A L Y S I S.

Psalms iste conscriptus videtur & dictatus piis. 1. Ad dedicationem templi Salomonis : & 2. Ad religiosum ejusdem templi usum efficaciter conservandum ac promovendum. Petit igitur Psalmista, nomine populi totius. 1. Ut Deus dignaretur templum illud sua præsentia, & omnimodæ gratiæ communicatione constanter sanctificare, vers. 8. 2. Ut virtute hujus gratiæ, Ecclesiæ ministri speciali modo sanctificentur, & Ecclesia tota in vero & solido gaudio exædificetur, v. 9. 3. Ut in istos fines, regnum stabili-retur in familia Davidis, vers. 1. & 10.

Argumentum præcipuum, quo istæ petitiones nituntur, est promissio facta Davidi, de istis omnibus præstandis. Quæ promissio 1. innuitur, v. 1. & 10. *memor esto Davidis : propter Davidem.* 2. Illustratur ab ejus adjuncto antecedente, vel occasione, anxio nempe & affligente studio Davidis, in cultu & domo Dei procuranda, v. 1. in fine. Quod illustratur ab effectis suis : quorum primum fuit vorum vel juramentum, quo curam domus Dei, potioram & antiquiorem apud se

futuram spondit, quam curam domus suæ, v. 3, 4, 5.

Secundum effectum ejusdem studii fuit conatus alacer Davidis cum suis, in arca Dei transferenda ex illis locis ubi antea diversabatur, in stabilem suam sedem v. 6, & 7.

Eadem promissio, Davidi facta, distincte declaratur, v. 11. ad finem.

1. A modo ejus, quod fuerit cum juramento, veritatem immobilem indicante, v. 11. in principio. 2.

A partibus ejus, quæ præcipue quinque fuerunt. 1. Continuatio regni apud posteros ejus, quæ conditione consequente illustratur, v. 11. & 12.

Continuatio præsentis cultus solemnitis in urbe Davidis, secundum electionem Dei, v. 13, &

14. 3. Largitio & benedictio omnium necessariorum ad vitam præsentem, v. 15. 4. Sanctificatio ministerii sacerdotum, & benedictio

ejus ad populi gaudium, v. 16. 5. Amplificatio potentis & majestatis regni, v. 17. Quæ opposito hostium dedecore illustratur, v. 18.

D O C U M E N T A.

I. Summa consolationis nostræ in eo consistit, quod cum certa fiducia

ducia possimus expectare, Deum efficaciter memorem esse suarum erga nos promissionum, v. 1. *memor esto*, & v. 10.

II. Quo majorem curam & solitudinem habemus cultus & gloriæ Dei promovendæ, eo major est certitudo & consolatio fiduciæ nostræ, ibidem in fine: *cura tota afflictione ejus*.

III. Cura ista religiosa exerit sese in sanctis propositis ac votis Dei cultum ac gloriam promovendi, v. 2.

IV. Proposita sancta sunt illa, quæ Dei gloriam omnibus commodis nostris anteponunt, v. 3, 4, 5.

V. Cum sanctis propositis conjunguntur semper sancti conatus progressum faciendi in Dei cultu, v. 6, 7.

VI. Omnium propositorum & conatuum religiosorum abundans est remuneratio, si Deus gratiosam suam præsentiam nobis constanter præstare dignetur, v. 8.

VII. Gratiolæ Dei præsentia

certum signum est, si fruamur ministerio ad salutem potenti, & nos cum Ecclesia reliqua consolationem inde percipiamus, v. 9.

VIII. Ad solidam consolationem, multum juvat de stabilitate promissionum Dei meditari, v. 11.

IX. Stabilitas promissionum divinarum, non facit, ad securitatem carnalem fovendam, sed ad obedientiæ studium excitandum, v. 12.

X. Stabilitas promissionum fluit ab electione Dei, v. 13.

XI. Electio Dei facit ut in certis locis vigeat cultus Dei, v. 14.

XII. Cum vigore cultus Dei conjungitur singularis Dei benedictio etiam in rebus externis, v. 15.

XIII. Benedictio tamen spiritualis præcipue spectari debet, versic. 16.

XIV. Benedictio Dei, tam spiritualis, quam corporalis, in dispensationis modo superat omnem expectationem humanam, versiculo 17.

PSALMUS CENTESIMUS TRIGESIMUS TERTIUS.

Canticum excellentissimum Davidis. Ecce quam bonum & quam amœnum est habitare fratres etiam una.

2. Est ut unguentum illud optimum superfusum capiti, descendens super barbam, barbam Aharonis; quod descendit usque ad oram vestium ejus.

3. Ut ros Chermonis, ut qui descendit super montes Tzizonis: nam illic mandat Jehova benedictionem suam, vitam usque in seculum

A N A L Y S I S.

Celebratur in hoc Psalmo communio sanctorum. Cujus occasionem cepisse videtur David, à concordia populi Israelitici redintegrata, post tristem ejus dissipationem aliquam, sive illa fuerit per Saulem, sive Absalonem facta.

1. Hæc igitur communio sanctorum describitur imprimis v. 1. in fine, per *habitationem fratrum etiam una*. Ubi 1. fons hujus communionis aperitur, quod fideles omnes sint unus & ejusdem patris filii, atque adeo *fratres* inter sese. 2. Actus

& exercitium hujus communionis notatur in cohabitatione concordii, sub uno capite, uno Spiritu acti, eisdem legibus viventes. 3. Gradus & modus hujus conjunctionis indicatur, quod scilicet etiam atque etiam ex omni occasione sit augendus, *etiam una*. 2. Communio ista sanctorum commendatur à duobus effectis, utilitate, & jucunditate, vel commoditate & amœnitate summa, vers. 1. in principio. 3. Illustratur ista commendatio, 1. tacita quadam comparatione, quam David instituebat inter conjunctionem istam, & oppositam dissipationem, quam fuerat expertus, v. 1. in principio. *Ecce quam*. 2. Similitudine duplici, quarum prima, quæ petitur ab unguento Aharonis, singulariter spectat jucunditatem vel amœnitatem, vers. 2. altera vero, quæ petitur à rore cælesti, utilitatem & commoditatem specialiter spectat, v. 3. in principio. Quarum similitudinem redditiones conjunctim explicantur, vers. 3. in fine, sub titulo benedictiones divinæ, cujus causa est efficax Dei gratia: *mandat Iehova*; effectum, vita, & adjunctum, duratio perpetua etiam in æternum.

DOCUMENTA.

I. Communio sanctorum non tantum est credenda, sed etiam a-

manda, & tam verbis quam factis celebranda ac promovenda, ex versic. 1.

II. Communio ista pendet ex communi illa relatione, quam habent fideles ad Deum, & inter sese, cum mutua officiorum omnium communicatione, ibid.

III. Etiam atque etiam ex omni occasione querendum est augmentum hujus communionis, ibidem.

IV. Amabilis est hæc communio, non tantum ut bona vel commoda, & utilis, sed etiam ut suavis, amœna, jucunda, ibid.

V. Tam bonitas quam suavitas hujus communionis nunquam magis elucet ac sentitur, quam quum post aliquam disturbancem denuo redintegratur, ibidem.

VI. Hujus communionis beneficium non tantum spectat ad illos, qui primarium locum habent inter sanctos; sed & ad infimos, imo virtus ejus aliquo modo extenditur ad omnes ipsis adjunctos, v. 2. & 3.

VII. Ex ordine tamen derivatur virtus ista cum ejus fructu, (quoad ad varias partes ejus) ab eis qui eminent inter sanctos, in illos qui inferiorem obtinent locum, ibid.

VIII. Causa hujus benedictionis est efficax gratia Dei, v. 3. in fine.

IX. Effectum ejus est vita præsens & futura, ibid.

PSALMUS CENTESIMUS TRIGESIMUS QUARTUS.

Canticum excellentissimum. Ecce benedicite Iehovæ omnes servi Iehovæ; qui perstat in domo Iehovæ singulis noctibus;

2. Atollite manus vestras sancte, & benedicite Iehovæ.

3. Benedicet tibi Iehovæ à Tzijone, q̃i fecit celos & terram.

ANALYSIS.

Psalmus iste brevem continet summam eorum, quæ in solemnibus cultu Dei præcipue sunt spectanda: officia scilicet Ecclesiæ nomine erga Deum præstanda, & beneficia nomine Dei, Ecclesiæ ex officio præcanda & impertienda. Priora illa designantur per modum exhortationis ad Sacerdotes ac Levitas directæ, v. 1. 2. Ubi 1. Sacerdotes describuntur ab adjuncto munere, quod fuit ex singulari vocatione inservire Deo & cultui divino; & à muneris illius functione & executione; quæ declaratur partim à subjecto loco ubi debuerunt Dei cultum procurare, & partim ab adjuncto tempore, quo debuerunt in illo cultu constanter & alacriter perseverare, versic. 1. 2. Officium præcipue Deo debitum ipsis indicatur, & suadet, celebratio scilicet laudum Dei, quæ à gestu adjuncto illustratur, v. 2. Cujus officii cum munere sacerdotali connectio declaratur nota illa diligentis attentionis, ecce, v. 1. in principio.

Beneficiorum divinorum erga Ecclesiam sollemnis precatio jucunde memoratur v. 3. ubi 1. petitur ac promittitur *benedictio*, i. e. affluentia omnium beneficiorum. 2. Illustratur hæc benedictio, à suis causis speciali scilicet & gratiosa præsentia; & omni-sufficientia Dei. Sive hæc una exhortatione continuata fue-

rint, sive per dialogum prima pars tribuenda sit Ecclesiæ, & secunda Levitis, parum inter est.

DOCUMENTA.

I. Publicus Dei cultus est magnificandus, & diligenter promovendus ex toto Psalm.

II. Cultus Dei publicus requirit ministros aut præfectos à Deo institutos, v. 1. *servi Iehovæ*.

III. Ministrorum est, constanter & alacriter ministerium suum implere, ibid.

IV. Præcipuum eorum officium est, Dei laudem celebrare, v. 3.

V. Deus laudandus est cum affectu & ejusdem significatione congruente. Ibid.

VI. Ad hoc officium rite præstandum, excitandi sunt ministri, tam à sese, quam ab aliis piis, ex v. 1. & 2.

VII. Attenta consideratio vocationis plurimum facit ad animos eorum efficaciter excitandos, v. 1. ecce.

VIII. Alterum officium est ministrorum Dei, bona omnia piis præcari, & ejus nomine spondere, v. 2.

IX. Bonorum omnium à Deo communicandorum fiducia nititur fœdere & omnipotentia Dei, versic. 3.

PSALMUS CENTESIMUS TRIGESIMUS QUINTUS.

H Alelu-Iah. Laudate nomen Iehovæ, laudate servi Iehovæ:
 2. Qui statis in domo Iehovæ; in atriis domus Dei nostri.
 3. Laudate Iah, quia bonus est Iehovæ, psallite nomini ejus, quia amœnum est:
 4. Quia Iahacobum sibi elegit Iah, Israel in peculium suum.
 5. Nam ego novi magnum esse Iehovam, & Dominum nostrum superiorem omnibus diis.
 6. Quid-

6. Quidquid placet sibi, Iehova facit ; in cælis ac in terra, per maria & omnes abyssos.
7. Faciens ut ascendant vapores ab extremitate terræ : fulgura cum pluvia facit, depromit ventum de thesauris suis.
8. Qui percussit primogenita Ægypti, tam hominum quam iumentorum :
9. Quum immisisset signa & prodigia in medium tui, Ægypte ; contra Parhonem & contra omnes servos ejus.
10. Qui percussit gentes amplas, & interfecit reges robustos :
11. Sichonem regem Emoræorum, & Hogum regem Baschanis ; omniaque regna Cenanaanorum.
12. Et dedit terram eorum possessionem, possessionem Israëlî populo suo.
13. O Iehova, nomen tuum est in seculum, Iehova memoria tui in quamque generationem.
14. Quod si iudicat Iehova populum suum, mox de servis suis pœnitet ipsius.
15. Terriculis gentium argenteis & aureis, operi manuum humanarum,
16. Os illis est, sed non loquuntur ; oculi sunt illis, sed non vident :
17. Aures sunt illis, sed non audiunt ; etiam nullus est spiritus in ore illorum.
18. Similes illis futuri sunt qui faciunt illa, quisquis confidit illis.
19. Domus Israëlîs benedicite Iehovæ, domus Aharonis benedicite Iehovæ.
20. Domus Leviticæ tribus benedicite Iehovæ, timentes Iehovæ, benedicite Iehovæ, dicendo :
21. Benedictus sit Iehova de Tzijone, inhabitans Ierusalaimis. Halelu-Jah.

A N A L Y S I S.

PSalmus iste vehementem continet exhortationem ad laudes Dei celebrandas.

1. Exhortatio ipsa proponitur, v. 1. & ult. ac præterea v. 3. 19. & 20. 2. Hæc laudatio Dei illustratur in subjectis personis quibus hoc officium incumbit. 1. A relatione quam habent ad Deum, quod sint servi Iehovæ, v. 1. in fine. 2. Ab actu professionis illi relationi congruentis : qui stant in domo Iehovæ, v. 2. 3. Amplificatur etiam distributione earundem personarum, eaque quadrimembri, in Israëlitas, sacerdotes, levitas, & omnes pios, v. 19, & 20. 3. Argumenta, quibus hæc exhortatio suaderetur, sunt hæc in

genere. 1. A causa laudationis, bonitate, scilicet Dei, v. 3. Quia bonus est. 2. Ab officii decoro & suavitate : quia amœnum est, ibid. 3. A speciali bonitate quam exeruit Deus erga Ecclesiam, in ejus electione, v. 4.

Hujus autem electionis beneficium illustratur a perfectione Dei eligentis, quæ testimonio certo confirmatur, v. 5. in principio, Ego novi.

Perfectio autem Iehovæ, 1. In genere tam absolute, quam comparative declaratur v. 5. 2. In specie, ab omnipotentia ejus cum bonitate conjuncta : quæ communiter elucet in gubernatione omnium rerum secundum suam voluntatem, v. 6, 7. Et peculiariter manifestabatur in hostibus

hostibus Ecclesiæ coercendis, v. 8, 9, 10, 11. Et in Ecclesia beanda, v. 12. Quæ omnia illustrantur ab usu & fructu spirituali, quem inde percipiunt fideles, grata scilicet memoria in præteritum, v. 13. & firma spe in futurum, vers. 14. Perfectio hæc Dei veri illustratur dissimili imperfectione, insufficientia ac vilitate idolorum: quæ arguitur partim ex ipsorum materia, v. 15. Partim à causa efficiente, Ibid. Partim ex adjuncta impotentia vitales operationes exercendi, v. 16, 17. & partim à miseria eorum à quibus coluntur, v. 18.

DOCUMENTA.

I. Tam alios, quam nosmetipsos vehementer excitare debemus ad Deum laudandum, v. 1. & 21.

II. Consideratio relationis servitii illius, quam erga Deum habemus, efficaciter excitare nos debet ad officium hoc laudationis, Ibid.

III. Quo magis vel professione, vel actu aliquo externo appropinquamus Deo, eo magis hoc agere debemus, v. 2.

IV. Materia, formalis ratio, & impellens causa laudationis hujus est bonitas Dei, v. 3. in principio.

V. Eodem impelli etiam nos debet, ipsius officii decore & suavitate, v. 3. in fine.

VI. Bonitas Dei laudanda præ-

cipue apparet in electione manifestata, v. 4.

VII. Infinita Dei perfectio, infinitum facit beneficium electionis, v. 5.

VIII. Hæc Dei perfectio nobis debet esse explorata, ibid. *Ego novi.*

IX. Perfectio ista Dei manifeste elucet in omnipotente ejus omnium rerum providentia, v. 6, 7.

X. Specialiter tamen ad fidelium ædificationem declaratur, in hostibus Ecclesiæ coercendis, & Ecclesia ipsa beanda, v. 8, 9, 10, 11, 12.

XI. Usus hujus bonitatis Dei est, ut propterea gratos nos præstamus de præterito, & in futurum fiduciam firmam concipiamus, v. 13, 14.

XII. Ad infinitam Dei perfectionem magis practice concipiendam, juvat idolorum omnium vanitatem bene considerare, v. 15, 16, 17.

XIII. Quemadmodum perfectio Dei apparet ex vanitatis idolorum comparatione, sic felicitas cultorum Dei apparet ex comparata miseria idololatrarum, v. 18.

XIV. Ex hujus felicitatis contemplatione, omnes ordines Ecclesiæ debent efficaciter excitari ad Deum pro ratione vocationis suæ omni benedictione & glorificatione prosequendum, versic. 19, 20.

PSALMUS CENTESIMUS TRIGESIMUS SEXTUS.

- C**elebrate Iehovam, quia bonus est; quia in seculum est benignitas ejus.
 2. Celebrate Deum Deorum, quia in seculum est benignitas ejus.
 3. Celebrate Dominum dominorum, quia in seculum est benignitas ejus.
 4. Eum qui facit mirabilia opera magna solus, quia in seculum est benignitas ejus;
 5. Qui fecit calos intelligentia, quia in seculum est benignitas ejus:

6. Qui expandit terram super aquas, quia in seculum est benignitas ejus:
7. Qui fecit lumina magna, quia in seculum est benignitas ejus:
8. Solem ad dominium obtinendum interdiu, quia in seculum est benignitas ejus.
9. Lunam cum stellis ad dominia obtinenda noctu, quia in seculum est benignitas ejus:
10. Qui percussit Ægyptios in primogenitis illorum, quia in seculum est benignitas ejus.
11. Et eduxit Israëlẽm e medio illorum, quia in seculum est benignitas ejus:
12. Manu robusta & brachio extenso, quia in seculum est benignitas ejus.
13. Qui secuit mare algosum in segmenta, quia in seculum est benignitas ejus.
14. Et transmisit Israëlẽm per medium illius, quia in seculum est benignitas ejus:
15. Excussitque Parhonem & copias illius in mare algosum, quia in seculum est benignitas ejus.
16. Qui duxit populum suum per desertum; quia in seculum est benignitas ejus.
17. Qui percussit reges magnos, quia in seculum est benignitas ejus.
18. Et interfecit reges magnificos, quia in seculum est benignitas ejus.
19. Sichonem regem Emoræorum, quia in seculum est benignitas ejus.
20. Et Hogion regem Baschanis, quia in seculum est benignitas ejus:
21. Deditque terram istorum in possessionem, quia in seculum est benignitas ejus.
22. Possessionem Israëlĩ servo suo, quia in seculum est benignitas ejus.
23. Quia in abjectione nostra recordatur nostri, quia in seculum est benignitas ejus.
24. Et asserit nos ab hostibus nostris, quia in seculum est benignitas ejus.
25. Qui dat cibum omni carni, quia in seculum est benignitas ejus.
26. Celebrate Deum fortem calorũ, quia in seculum est benignitas ejus.

A N A L Y S I S.

IN hoc Psalmo solemnĩs continetur celebratio nominis Dei, sub exhortationis forma, quæ in veteri Ecclesia, a tempore Davidis, quotidie videtur decantata fuisse, 2 Chron. 7, 3, 6. & 20, 21. Celebrationis formula in singulis versiculis repetitur & inculcatur, una cum præcipua ejus ratione, invicta scilicet & æterna ejus benignitate.

Celebrate Iehovam, quia in seculum est benignitas ejus.

Argumenta, quibus exhortatio suadetur & ex quibus ipsa laudatio constat, sunt illa quæ spectant ad super excellentem dignitatem naturæ divinæ; in qua consideranda proponitur 1. Essentia ipsa: quod sit Iehova; vers. 1. 2. Bonitas aut beneficentia ejus: Quia bonus est. Ibid.

Ibid. 3. Summa & incomparabilis ejus majestas : quod sit *Deus Deorum*, & Dominus Dominorum, v. 2, & 3. quod repetitur v. 26.

Bonitas autem & majestas Dei ex effectis ejus declaratur. Quæ illustrantur 1. A communi ipsorum affectione, quod sint *mirabilia*, & Dei propria, v. 4. 2. A distributione eorum in suas species : quæ sunt, 1. Creatio perfectissima omnium rerum, v. 5, 6, 7, 8, 9. 2. Providentia ejus, qua sicut omnia gubernat, sic specialiter illa quæ ad Ecclesiam spectant, tam in judiciis exercendis adversus hostes ejus, quam in Ecclesia ipsa colligenda, conservanda, promovenda & vindicanda, v. 10. &c. ad v. 25. Ubi alma illa Dei providentia celebratur, qua non Ecclesie suæ tantum, sed omni carni suppeditat omnia bona quæ habent.

DOCUMENTA.

I. Inter omnes partes cultus divini, nihil præstantius, quam Dei nomen rite celebrare, ex toto Psalmo.

II. In publico & solemni cultu, tam alios, quam nosmetipsos ad hoc officium excitare debemus, ex vers. 1. &c.

III. Hæc excitatio sæpius est repetenda & inculcanda, ex toto Psalmo.

IV. Præcipua & efficacissima ra-

tio, qua excitantur homines ad Deum laudandum, est bonitas & benignitas ejus, v. 1. &c.

V. Benignitatem Dei apprehendere semper debemus, ut *inviictam* & æternam, Ibid.

VI. Benignitatis divinæ considerationi adjungenda est contemplatio supereminentis majestatis ipsius, v. 2, 3.

VII. Tam majestatis quam bonitatis Dei, insignes notæ insculptæ sunt omnibus & singulis ejus operibus, quæ etiam ex omni occasione agnosci debent ac celebrari, vers. 4, &c.

VIII. Istis operibus affici nos decet ad summam usque admirationem Dei solius. Ibid. *Mirabilia solus*.

IX. In iisdem operibus perfectissima sapientia eleucet, vers. 5. *Intelligentia*.

X. Perfectiones istæ Dei in communibus operibus creationis ac providentiæ agnosci debent ac celebrari, v. 5. ad 10.

XI. Singulariter tamen affici nos decet magnificis illis operibus Dei, quæ versantur in Ecclesia vindicanda, & conservanda, v. 10. ad 25.

XII. In specialis hujus providentiæ fiducia confirmare se possunt fideles, ex communi illa providentia qua Deus prospicit omni generi animalium, v. 25.

PSALMUS CENTESIMUS TRIGESIMUS SEPTIMUS.

AD flumina Babylonie ibi sedentes etiam atque etiam flevimus : quam recordaremur Tzizonis :

1. Ad salices in ea suspendimus citharas nostras :

3. Quamvis ibidem peterent à nobis cantiones lætas qui captivos abducebant nos, & qui contumelabant nos ; dicentes, canite nobis de canticis Tzizonis.

4. Quo-

4. *Quomodo fuisset cantaturi canticum Iehovæ, in solo alienigenarum?*
5. *Si obliviscar vestri, 6. Ieruschalaima; obliviscatur sui dextera mea.*
6. *Adbareat lingua mea palato meo, si non recorder tui: si non evēham Ieruschalaima supra caput lætitiæ meæ.*
7. *Recordare Iehovæ, contra Edomæos diei Ieruschalaimorum: qui dicebant, nudate, nudate, quantisper fundamentum ejus erit in ea.*
8. *Gens Babylonica vastanda; beatus sit, qui rependet tibi maleficium tuum quo affectisti nos:*
9. *Beatus qui prebendet, & dissipabit parvulos tuos allidens ad petram.*

ANALYSIS.

CONTINET hic Psal. lamentationem populi Israëlitiæ, jam sub Babyloniciis captivi, sicut indicatur primo versiculo, ubi indicatur 1. Subjectus locus hujus calamitatis: *Ad flumina Babylonis.* 2. Ejusdem calamitatis duratio usque ad fatigationem eorum continuata: *sedentes.* 3. Effectum, fletus ac luctus magni: *etiam flevimus.* Cujus effecti propria causa collocatur in recordatione bonorum præcipue publicorum, & ad Dei cultum spectantium, quibus jam carebant: *Quomodo recordaremur Tzizonis.*

Luctus hic illustratur 1. Ab adjuncta omissione eorum omnium quæ ad lætitiæ solemnem faciebant, v. 2. 2. Omissio hæc illustratur ab adjuncta ejus perseverantia: quæ variis modis declaratur & amplificatur. 1. Ab opposita provocatione victorum, ac dominorum suorum, v. 3. Cujus provocationis rejectio illustratur opposita repugnantia, quæ fuit inter lætitiæ sacram, & præsentem populi conditionem, vers. 4. 2. Amplificatur eadem perseverantia in luctu, ab adjuncta professione firmissimi propositi sub forma jurisjurandi enunciata, v. 5. & 6. Quæ piorum quisque & manui pulsanti, & linguæ cantanti, id est, sibi luctum

hunc lætitiæ intempestiva commutanti, omnia mala imprecatur.

Hæc porro lamentatio tota illustratur adjuncta imprecatione justæ vindictæ in impios authores tam lamentabilis calamitatis: id est in Edomæos, qui consensu, approbatione, & insultatione sua calamitatem istam crudeliter & inhumaniter promovebant, v. 7. Et in Babylonios, præcipuos authores hujus calamitatis: quibus calamitatem parem denunciat, Deo & hominibus gratam, v. 8, 9.

DOCUMENTA.

I. Ecclesia nonnunquam ad tempus subjicitur impiorum hostium potestati, ex v. 1. *Ad flumina Babylonis sedemes.*

II. Status hic Ecclesiæ captivæ fletum & lamentationem piis extorquet, ib. *flevimus.*

III. Præcipua causa hujus lamentationis, est violatio cultus & nominis divini, ib. *Quomodo recordaremur Tzizonis.*

IV. In isthoc statu rerum non decet pios solitæ lætitiæ indulgere, vers. 2.

V. Sanctam istam curam excutere nobis student impii, tam insultationibus & irrisionibus, quam blanditiis

blanditiis efficacibus, versic. 3.

VI. Contra tentationes istas mununtur pii, religiosa consideratione officii illius, quod Deo & Ecclesie debitum agnoscunt, v. 4.

VII. In huius officii cura ut perseveremus, firmissimo vinculo sancti propositi, ac voti nosmetipsos subinde confirmare debemus, vers. 5, 6.

VIII. In hoc proposito, omnia tam mala, quam bona, sunt religionis officio postponenda, Ibid.

IX. In omni lamentatione de Ecclesie calamitate, juvat, ac decet pios consolari semetipsos fide ac spe

fælicis exitus tandem à Deo præstandi, v. 7, &c.

X. Ex hac fide ac spe, expectanda est iusta Dei vindicta in Ecclesie oppressores, ibid.

XI. Vindicta Dei non eis tantum imminet qui principales sunt scelerum auctores, sed etiam iis qui aliquo modo communicant cum eorum peccatis, præsertim suadendo, incitando, & approbando, Ibid.

XII. Justam hanc Dei vindictam non tantum expectare nos decet, sed & vovere, modo sancto cum affectu, & secundum verbum Dei, hæc vota dirigantur, ibid.

PSALMUS CENTESIMUS TRIGESIMUS OCTAVUS.

O De Davidis. Celebrabo te ex toto animo meo, coram potestatibus psallam tibi.

2. Incurvabo me honorem exhibens versus templum sanctitatis tuæ, & celebrabo nomen tuum, propter benignitatem tuam & propter fidem tuam: quia magnificas cum toto nomine tuo sermonem tuum.

3. Quo die clamavi, eodem exaudivisti me; fecisti ut efferret me animo meo robur.

4. Celebrabunt te, Iehova, omnes reges terræ; quum adscrinint sermones oris tui:

5. Et cauent de viis Iehovæ, magnam esse gloriam Iehovæ:

6. Quamvis elatus sit Iehova, tamen depressum aspicere; quamvis altus, è longinquo pernoscere.

7. Si ambulo in media angustia, vivum conservans me: in faciem inimicorum meorum extendis manum tuam; & servas me dextera tua.

8. Iehova perficiat pro me: Iehova benignitas tua in seculum est; ab operibus manuum tuarum ne desistas.

A N A L Y S I S.

DAVID in hoc Psalmo professionem facit suæ gratitudinis erga Deum. Hanc autem gratitudinem testatur voto confessionis, aut celebrationis nominis divini, tanquam effectui maxime congruentis, v. 1. Celebrabo te. Quod officium il-

lustratur 1. Ab adjuncto modo internæ sinceritatis & abundantie affectus. Ib. Ex toto animo meo. 2. Ab adjunctis testibus, tam celestibus Angelis, quam principibus terræ, ibid. Coram potestatibus. 3. Ab adjuncto modo externo, tam ab-

solute

solutio, in psallendo; quam relato, in oblatione instituti Dei, circa locum & typum vel signum presentie divinæ, v. 2. in principio. *Incurvabo me versus templum sanctitatis tue.* 2. Causæ impellentes, & materia hujus celebrationis indicatur, 1. In genere, *benignitas & fides Dei*, v. 2, in med. Quorum perfectionum manifestationis & gradum notat: *magnificus*; & medium: *sermonem tuum*; & adjunctas virtutes comitantes: *cum omni nomine tuo*, v. 2. in fine. 3. Causæ & materia hujus celebrationis, in specie fuerunt 1. Exauditione precum: quæ & adjuncta festinatione, & effecto roboris suppeditati illustrantur, v. 3. Quo robore quia evehebatur David ad regiam dignitatem, idcirco celebrationem ejus extendit ad omnes alios Reges, quibus innotesceret, vers. 4. Quorum celebratio declaratur tam à modo ejus externo, quod fiet *cantum*, quam à materia ejus, gloriosa scilicet gubernatione mundi, v. 5. Quæ à diversis dupliciter illustratur, v. 6. Quamvis cellissimus sit Deus, respicit tamen ad humiles. Quamvis humiles & abjecti sint quos respicere dignatur, illos tamen (quando sic ipsi videtur) evehit in dignitatem excelsam. 4. Hæc exauditione precum iterum illustratur singularibus effectis conservationis, in medio maximo periculorum; coercionis hostium; & liberationis, vers. 7.

Ex quibus omnibus deducitur corollarium spei certæ in futurum, quod Deus perfecturus esset bonum quod incepit; cujus causam ac rationem notat esse æternitatem & immutabilitatem benignitatis Dei, v. 8.

DOCUMENTA.

I. Primarium officium gratitudinis Deo debite pro ejus erga nos beneficentia, est, confiteri ipsi benedictiones ejus, & de eisdem nomen ejus celebrare, v. 1. in principio.

II. Hoc officium præstandum est ex synceritate & abundantia cordis, ibid. in medio, *Ex toto corde.*

III. Qui sincere studet Deo glorificando, gestit hoc facere coram eis qui maximam potestatem habent Dei gloriam promovendi, ibid. *Coram potestatibus.*

IV. In hoc officio tam hilariter nos gerere decet, ut parati simus ad illa quæ confitemur cantanda, ibid. in fine, *Psallam tibi.*

V. In hoc & omni alio affectu pio, memores esse debemus sanctorum Dei institutorum, versic. 2. in principio.

VI. Præcipuum argumentum confessionis ac celebrationis nominis divini, est benignitas & fides Dei ibid. in medio.

VII. Benignitas, fides, & ceteræ omnes perfectiones quæ pertinent ad nomen Dei, in verbi impletione singulariter manifestantur, ibid. in fine.

VIII. Benignitas & fides Dei, salutariter percipiuntur a piis in exauditione precum ipsorum secundum verbum, v. 3.

IX. Hac experientia piorum omnes omnium ordinum homines debent excitari ad Deum glorificandum, v. 4.

X. Glorificatio Dei incipit à seria & religiosa meditatione viarum ejus, v. 5.

XI. Ex viis omnibus Dei, nulla est,

est, quæ majorem gloriam conciliat nomini ejus, quam quod dignetur humiles & abjectos respicere & elevare, tam ad spiritualem quam ad temporalem honorem, versic.

6.

XII. Afflictiones, quamvis gra-

ves sint, non impediunt, sed illustrant hanc viam Dei, v. 7.

XIII. Ex inchoatione hujus viæ, per fidem ac spem certam, apprehendunt pñ ejusdem perfectionem suo tempore addendam, vers. 3.

PSALMUS CENTESIMUS TRIGESIMUS NONUS.

M Agistro symphonie, Davidis Psalmus. Jehova, pervestigas me & cognoscis.

2. Tu cognoscis sedere meum & surgere meum, intelligis cogitationem meam è longinquo.

3. Iter meum & accubitum meum circumplecteris, & omnium viarum mearum peritus es:

4. Quam nondum est sermo in lingua mea; en, ô Jehova, nosti ipsum rotum:

5. Retro & ante obsides me, & imponis mihi manum tuam.

6. Mirabilior est scientia tua quam ut fallam; edita est, non possum prevalere illi.

7. Quo item à spiritu tuo: aut quo à facie tua fugerem?

8. Si scanderem caelos, illic es, aut stratum ponerem in sepulchro, ecce ades.

9. Si assumerem alas aurora, habitaturus in extremitate maris;

10. Etiam illuc manus tua deduceret me, & prehenderet me dextera tua:

11. Sin autem dicerem, utique tenebrae velut crepusculo obvolvent me: atqui nox lux est circa me:

12. Ne tenebrae quidem ita obtenebrare possunt quin tu pervideas: sed hoc ut dies illustrat, perinde sunt tenebrae atque ipsa lux.

13. Tu enim possides renes meos, ex quo obtegebas me in utero matris meae.

14. Celebro te, eo quod suspiciendis opetibus istis in admirationem traducor: celebro mirabilia opera tua, quam maxime novit animus meus.

15. Non celata est vis mea tibi, ex qua factus sum in abdito, artificiose confectus, velut in imis partibus terrae.

16. Massam meam vident oculi tui, & in libro tuo hæc omnia scripta sunt; ex quibus diebus formabantur, quam nondum ullum ex eis extaret.

17. Quamobrem apud me, ô quam pretiosæ sunt cogitationes tuæ, ô Deus fortis quam numerosæ sunt summæ earum!

18. Narrarem illas, sed arena plures sunt, invigilo ut adhuc sim tecum.

19. Quod si interemturus es, ô Deus improbum, & viros sanguinarios dicendo, recedite à me:

20. Qui obloquuntur tibi scelerate, qui extollunt vane inimicos tuos.

21. An non osores tuos, ô Jehova odio habeo? & de insurgentibus in te fastidio me ipsum torquedo?

22. *Perfecto odio odi illos? inimicorum loco sunt mihi?*
 23. *Pervestiga me Deus fortis, & cognosce animum meum: proba me, & cognosce cogitationes meas.*
 24. *Denique vide, an ego ingrediar via molesta tibi: & deduc me via perpetua.*

ANALYSIS.

David ab improbis hostibus graviter accusatus, & calumnii eorum tantum non oppressus, in isthoc Psalmo religiosam protestationem facit innocentiz & sinceritatis suz. Hanc autem protestationem exponit sub forma appellacionis Dei, & contestationis vel advocacionis testimonii ejus, ad modum fere jurisjurandi. Petit igitur à Deo, ut velit explorator esse & testis integritatis animi ipsius, v. 23.

Causas vero hujus appellacionis & contestationis Dei reddit, ex perfectionibus illis Dei, quz declarant ipsam rectem, istiusmodi rerum esse idoneum, & omni exceptione majorem.

Perfectiones illz sunt precipue duz: omniscientia, & omnipresentia Dei. Omniscientia Dei 1. Generaliter indicatur vers. 1. 2. In specie illustratur, per distributionem objectorum sciendorum: quz sunt cogitationes cordis, v. 2. Actiones vitæ, v. 3. & verba oris, v. 4. Cui distributioni immiscetur etiam altera, complectens precipua illa, quz in cogitationibus, actionibus, ac verbis spectantur, id est, *sedere, surgere, ire, cubare.*

Hanc insuper omniscientiam infallibilem arguit, tam ab adjuncta potentia Dei, qua omnia sibi subicit, v. 5. quam ab impotentia hominis eandem declinandi, v. 6.

Hanc porro impossibilitatem scientiam Dei fugiendi declarat ab ad-

juncta omni presentia Dei: quz in genere asseritur v. 7. & inductione illustratur. 1. Enumeratione locorum quibus adest: cælorum inferiorum, orientis, occidentis, v. 8, 9, 10. 2. Remotione omnium impedimentorum, per synecdochen tenebrarum v. 11, 12. 3. A causa vel ratione scientiæ perfectæ, formatione scil. & gubernatione hominis, v. 13. Cujus operis excellentia prædicatur vers. 14. & illustratur tam à partibus, v. 15, 16. quam à gradu superiore omni eloquio & conceptu humano v. 17, 18. Hactenus causam contestationis explicavit David. Jam materiam aut objectum ejus declarat: immunitatem scil. suam ab illis criminibus, quz ipsi calumniose impingebantur: quz immunitas arguitur tam ab effectu imprecationis adversus talium criminum reos, v. 19, 20. quam à causa: abominatione scil. ac odio eorum, qui eisdem sunt dediti, v. 21, 22.

Totam denique protestationem istam concludit & obsignat pio voto, ut Deus in futurum conservaret ipsum in eadem integritate, tanquam dux & rector totius vitæ, à quo solo pendeat.

DOCUMENTA.

I. Conscientia bona, quasi murus aheneus est adversus omnes calumnias improborum, ex toto Psalmo.

II. Conscientia illa bona est, quæ Dei

Dei testimonio approbatur, ex toto Psalmo.

III. Deus scientia sua intimos recessus cordis penetrat, & secundum illos testatur, v. 1.

IV. Hæc scientia Dei in perfectione sua, extenditur ad omnia cogitata, facta, & dicta nostra, vers. 2, 3, 4, 5.

V. Scientia hæc Dei non potest falli, v. 6.

VI. Scientia hæc est intuitus Dei omni præsentia, v. 7, 8, 9, 10.

VII. Dei omnipræsentis omnis scientia nullis impedimentis obscuratur, v. 11, 12.

VIII. Ex eo quod Deus nos creavit, aut formavit & simul gubernat, evidens est, cum perfecte scire omnia quæ sunt in nobis, v. 13.

IX. Ex formationis nostræ contemplatione, non scientiam tantum Dei agnoscere debemus, sed simul etiam excitari ad ejus perfectio-

nem admirandam, & omni modo, celebrandam, v. 14.

X. Si formationem nostram in suis partibus distincte consideremus nunquam satisfaciemus nobismetipsis, in Dei sapientia, potentia, bonitate, reverenter prædicandæ, v. 15, 16, 17, 18.

XI. Cæram Deo formatore & inspectore eordium nostrorum, ut testimonium habeamus conscientie bonæ de peccatis, eadem debemus in odio perfecto habere, versic. 21, 22.

XII. Odii hujus effectum est, contra peccata & peccatores obstinatos precari, v. 19, 20.

XIII. Qui habet conscientiam hunc in modum affectam, ille magis magisque ad Dei testimonium confugit, & in eodem acquiescit, v. 23.

XIV. Talis conscientia à Deo pendet pro conservatione & deductione in viam rectam, v. 24.

PSALMUS CENTESIMUS QUADRAGESIMUS.

M Agistro symphonie, Psalmus Davidis.

2. Libera me, Iehova, ab hominibus malis; à viris violentissimis custodi me:

3. Qui cogitant mala cum animo: quotidie conveniunt ad bella:

4. Exacuunt linguam suam similem serpentis, venenum pyados subest labiis eorum maxime.

5. Serva me Iehova à manibus improborum, à viris violentissimis custodi me, qui cogitant impellere pedes meos.

6. Abscondentibus superbis laqueum mihi, funesque; pendentibus rete ad orbem, tendiculas ponentibus mihi maxime;

7. Dixi Iehova, Deus fortis meus es, auribus percipe Iehova vocem deprecationum mearum.

8. Iehova, Domine, robur salutis meæ, obtexisti caput meum tempore pugne.

9. Ne concedas, Iehova, quæ concupit improbus sceleratam cogitationem ejus ne provehas, efferrent se maxime.

10. Venenum circumdantiū me, molestia labiorum ipsorum obtegat eos.

11. Demittantur super eos pruna: in ignem deficiat eos, in seribes unde non surgent.

12. *Vir maledicus ne stabiliatur in terra; viri dediti violentiæ malum vendendo impellat ipsum variis impulsionebus.*

13. *Novi acturum esse Iehovam causam afflicti, jus egentium.*

14. *Unique iusti celebrabunt nomen tuum; confidebunt recti in conspectu tuo.*

ANALYSIS

CAlumniis impiorum, in maxima pericula inductus David, in hoc Psalmo Dei opem implorat. Congruenter igitur occasioni, & proposito, 1. Petit liberationem ab illis periculis, quæ videbat sibi ab illis imminere, ad vers. 10. 2. Justam Dei vindictam petit adversus illos impios periculorum istorum auctores, v. 10, 11. Quæ utraque petitio illustratur ab adjuncta spe ac certa persuasione eventus optati consecuturi, v. 12, 13, 14.

1. Liberationis petitionem proponit v. 2, 5, 9. & confirmat à descriptione impiorum, qui ipsi pericula ista creabant. Quæ descriptio continet 1. Eorum adjuncta, *malitiam, violentiam, superbiam, & sceleratam improbitatem*, v. 2, 6, 9. 2. Eorum effecta talibus qualitatibus congruentia: *cogitata & consilia malitiosa & violenta*, v. 3. *Verba malitiosa & venenata*, v. 4. 3. Eorum facta vel conatus malitiosos ac violentos, in omni genere insidiarum ipsi fruendo, v. 5. in fine & 6. Quibus conatibus impiorum (illustrationis causa) opponit suos conatus adversus qui in piis precibus præcipue consistebant: quas exponit v. 7, 8, 9. Ubi præcipua argumenta harum precum notantur petita à Dei gloria, quæ in constanti protectione ipsius manifestaretur, & in ejus desertione, per insultationem impiorum vehementer læderetur. 2. Vindicta, quam impiis istis ho-

stibus imprecatur David, declaratur. 1. A justitia vel jure talionis, v. 10. 2. A severitate ejus, v. 11. 3. Optati eventus spes certa declaratur 1. Quoad coercitionem impiorum, v. 12. 2. Quoad liberationem piorum, v. 13. Quæ illustratur ab effectis: gratitudine scilicet & confirmata fiducia piorum, v. 14.

DOCUMENTA.

I. Sanctissimi viri sæpe calumniis improbis in gravia pericula inducuntur, ex toto Psalmo.

II. Hujusmodi calumniæ proveniunt ab hominibus malis & violentis, v. 2.

III. Mali & violenti homines sunt, qui in cogitatis & consiliis suis tendunt in malum, v. 3.

IV. Ex malitia & violentia interna procedunt verba malitiosa & venenata v. 4.

V. Perficitur tamen peccatum in improbis conatibus, præsertim adversus bonos, v. 6.

VI. Conatus improbi qualescunque habent initium, ex superbia improborum executioni mandantur, ibid. *Superbi*.

VII. Adversus omnes conatus improborum pii muniunt sese precibus v. 2, 5, 7.

VIII. Precum istarum fundamentum collocari debet in Deo ipso, v. 7, 8, 9.

IX. In Deo, gratiæ & justitiæ gloria præcipuum sunt fundamentum

rum precum nostrarum, ibidem.

X. In istis precibus ultionem divinam vovere licet impiis desperatis, v. 10, 11.

XI. Ultio Dei adversus impios ex lege rationis sæpe præcedit, Ibid.

XII. In istiusmodi precibus fi-

ducia & spes piorum erigitur & confirmatur, v. 12, 13.

XIII. Spes piorum tendit ad gratam celebrationem nominis divini, v. 14.

XIV. Cum grata celebratione nominis divini, conjungitur beata fruitio præsentis divinæ, ibid.

PSALMUS CENTESIMUS QUADRAGESIMUS PRIMUS.

Psalms Davidis. O Iehova inclamote, festina ad me; auribus percipe vocem meam, quum invoco te.

2. Statuatur oratio mea, ut suffitus coram te; elatio manuum mearum, ut mutus vespertinum.

3. Compose Iehova, observa os meum; custodiens moderare quicquid effert labia mea.

4. Ne sinas inclinari animum meum ad rem malam, ad agitandum actiones per improbitatem cum strenuis operam dantibus iniquitati: etiam ne inescer rebus amænis eorum.

5. Retundat me iustus, benignitas erit; & corripiat me, unguentum erit præstantissimum; ne irritum faciat à capite meo: quo amplius fecerit, eo amplius oratio mea erit in malis eorum.

6. At dimoveant se per latera petrarum iudices istorum, quamvis intelligant sermones meos amænos esse:

7. Quasi dissecaret quis & diffunderet in terra; disperguntur ossa nostra, trudenda in os sepulcri.

8. Quum ad te Iehovi Domine, respiciant oculi mei, ad te recipiam me, ne nudes animam meam.

9. Serva me à laqueo quem tetenderunt mihi, & tendiculis eorum qui operam dant iniquitati.

10. Cadant in retia jacula quisque sua improbi, una ego dum transurus sum.

ANALYSIS

PERSECUTIONIBUS hostium David in graves angustias & pericula deductus in hoc Psal. auxilium Dei, prout occasio postulabat, implorat. Primo igitur proficitur curam & studium suum quo religioso huic officio constanter incumbat, verf. 1. *Inclamo te, invoco te.*

2. Petit in genere exauditionem, ibid.

auribus percipe vocem meam. Quam exauditionem illustrat ab adjuncto tempore festinæ manifestationis ejus, ibid. *Festina ad me.* Et simul etiam typica similitudine suffitus ac muneris vespertini, v. 2. 3. Primam partem suæ petitionis exponit, ut Deus hoc tempore singulariter gubernaret linguam ipsius, ne peccaret

caret in verbis, v. 3. 4. Secundam subjungit petitionem, ut Deus gubernaret etiam cogitationes, affectus & conatus ejus, ne ulla tentatione eo vel alliciat, vel impellatur, ut improbos homines in sua improbitate imitaretur, v. 4. Quia vero improborum hujusmodi consiliorum reus agebatur ab hostibus suis, idcirco interit hic occupationem illius objectionis, refutando judicium ac testimonium hostium, ab ipsorum adjunctis qualitatibus judicio adversis, odio scil. & crudelitate pertinaci, quam ex malitia & contra conscientiam exercebant in ipsum, v. 6, 7. Hanc autem reprobationem judicii iniqui synceram declarat ex illa dispositione opposita, qua paratus fuit admittere judicium justum & æquum, v. 5. Ubi dispositionem illam illustrat ab adjunctis affectibus desiderii, ac delectationis, nec non ab effectu, mutuo scil. officio ex simili occasione præstando. 5. Petitioni directionis addit etiam petitionem protectionis, v. 8. in fine, & 9. Quam illustrat adjuncta petitione coercitionis & confusionis hostium, v. 10. Hæc porro omnia suadentur à fiducia Davidis in Deo collocata, tanquam causa ministrante, v. 8.

DOCUMENTA:

I. Pii quando ab hominibus vexantur, precibus fervidis confugiunt ad Deum, ex v. 1.

II. In precibus, non tantum pe-

titiones sunt proponendæ, sed & earum exauditio petenda, ibid.

III. Exauditio precum non tantum certa, sed & celeris peti sæpe potest, quamvis limitatio temporis non sit à nobis Deo præscribenda, ibid.

IV. Consolatio piorum ex eo pendet si preces ipsorum sint Deo gratæ & acceptæ, v. 2.

V. In illis precibus, quas concipimus ex occasione injuriarum, quibus homines nos vexant, petenda est à Deo imprimis directio, & tum etiam protectio v. 3. &c.

VI. Directionem divinam specialiter petere nos decet, tam quoad verba, quam quoad cogitata & facta, nostra, v. 3, 4.

VII. Istiusmodi preces eo magis sunt intendendæ, quo majores obijciuntur nobis tentationes, vers. 4. in fine.

VIII. Syncerum desiderium directionem divinam sequendi, facit, ut pii justas & æquas increpationes non solum patienter ferant, sed etiam grato animo acceptent, v. 5.

IX. Cum ista sinceritate non pugnat, si improborum calumniis malitiosis cum detestatione nos opponamus, v. 6, 7.

X. Adversus hæc, & omnia alia mala, unicum munimentum animarum piarum est, fiducia ac spes constanter in Deo collocata, v. 8.

XI. Cum certa fiducia expectare possunt pii, tam ut ipsi à Deo protegantur, quam ut persecutores eorum à Deo coercantur, v. 9, 10.

PSALMUS CENTESIMUS QUADRAGESIMUS SECUNDUS.

O De didascalica Davidis: quum esset in spelunca, oratio.

2. Voce mea ad Iehovam clamo: voce mea apud Iehovam deprecor.

3. Effundo coram eo meditationem meam, angustiam meam coram eo indico.

4. Quam

4. *Quum obrueret se in me spiritus meus, toties tu agnovisti semitam meam: quum quocunque itinere pergerem, abderent laqueum mihi.*

5. *Intuere ad dexteram & respice ad sinistram: ut non est mihi qui recognoscat me: perit effugium à me, non est qui curat vitam meam.*

6. *Clamo ad te Ichova; dicens, tu es receptus meus, portio mea in terra viventium.*

7. *Attende ad clamorem meum, nam attenuatus sum valde: eripe me à persequentibus me, quia fortiores sunt me.*

8. *Educ è claustro vitam meam ad celebrandum nomen tuum, me cingent iusti, quum beneficium contuleris in me.*

A N A L Y S I S.

PSalmi hujus tam occasio, quam genus & etiam finis in titulo notatur, v. 1. Occasio fuit circumclusio Davidis *in spelunca*, ubi latitabat, & periculum maximum, cui ibidem expositus fuit. Genus est precativa oratio.

Finis est ad omnes pios *crudiendos*, quid facere debeant ex simili occasione.

1. Precationis autem actum describit ab adjunctis comitantibus, vehementia ac instantia, v. 2. & etiam libertate quasi familiari, v. 3. & etiam à causis, insufficientia nempe consilii humani ad difficultates istas superandas; & efficaci sufficientia Dei fide apprehensa, v. 4. Illa autem insufficientia consilii humani declaratur per suam causam, mediorum omnium extremum defectum, v. 5. 2. Orationem ipsam recitat, v. 6, 7, 8. In qua 1. fiduciam illam, quam habuit in Deo, proficitur, excitat, & exercet, v. 6. 2. Petit protectionem, ac liberationem tam generaliter, quam specialiter, v. 7, 8. Quam petitionem suadet 1. Ab adjuncta necessitate extrema, propter ipsius impotentiam, & hostium potentiam summam, v. 7. 2. A fine & effecto vel fructu exauditionis, vel præstitæ li-

berationis, glorificatione scilicet nominis divini, non solum à Davide, sed & ab aliis piis profectura, v. 8.

D O C U M E N T A.

I. In omni loco, ex omni occasione, solarium suum quæruni piis precando, v. 1.

II. Eo magis efficaces sunt preces nostræ, quo majore cum fervore & libertate effunditur anima coram Deo, v. 2, 3.

III. Fervor iste precum excitatur piis, in difficultatibus humanis inextricabilibus, v. 4. in principio, & v. 5.

IV. Præcipue tamen emanant preces tales ex fide specialis providentiæ divini, v. 4. in fine.

V. Primarium caput precum piarum est, fidem ac fiduciam in Deo collocatam excitare, exercere, & confirmare, v. 6.

VI. Fiducia confirmata superat omnes difficultates, ac tentationes, quæ vel à nobis, vel ab aliis oriri possint, verf. 7, 8. & v. 8. in principio.

VII. Quando Deus exaudiat preces suorum eosque liberat à malis,

malis, eo nomine glorificandus | ab aliis quibus hoc innotescit,
est, non tantum à liberatis, sed & | v. 8.

PSALMUS CENTESIMUS QUADRAGESIMUS TERTIUS.

Psalms Davidis. O Iehova, audi orationem meam, aures adhibe ad deprecationes meas; pro fide tua exaudi me, pro iustitia tua.

2. At ne congregaris iudicio cum servo tuo; nam non esset iustus coram te ullus vivens.

3. Persequitur enim inimicus animam meam: atterit dejiciens in terram cateruam meam: facit ut resideam in tenebrosis locis, sumus quasi mortui olim:

4. Adeo ut obruat se in me spiritus meus; in medio mei desolatus videatur sibi animus meus.

5. Recordans dierum priscorum, meditans totum opus tuum; factum manuum tuarum recoleus.

6. Pando manus meas ad te; anima mea, ut terra fessa, sitiente tui maxime;

7. Dicens: Festina, exaudi me Iehova, consumitur spiritus meus; ne abscondas faciem tuam à me, nam consimilis fio descendantibus in sepulcrum.

8. Fac ut audiam mane benignitatem tuam, quia in te fiduciam habeo: notam fac viam qua ambulaturus sum, quia ad te attollo animum meum.

9. Eripeme ab inimicis meis, Iehova: apud te rectum contineo illum.

10. Doce me facere placitum tuum, quia tu Deus meus es: tuo spiritu bono deduc me per terram planam.

11. Propter nomen tuum, Iehova, vivum conserva me: propter iustitiam tuam educ ex angustia animam meam.

12. Et propter benignitatem tuam exscinde inimicos, perdens omnes affligentes animam meam, quia ego sum servus tuus.

ANALYSIS.

David in hoc Psalmo Dei opem implorat, ex eadem aut plane simili occasione cum illa, cuius mentio est facta in Psalmo proxime antecedenti, quum esset in spelunca, vel in maximo periculo, ne ab hostibus prorsus opprimeretur.

1. Petitionem autem suam generaliter proponit vers. 1. & exauditionis ejus, speique suae de illa propriam causam afficientem decla-

rat esse fidelitatem promissionum, & justam naturam ac administrationum Dei, ibid. Quam causam illustrat renunciatione oppositae fidei suorum meritorum, & oppositae administrationis Dei, secundum rigorem judiciale, v. 2. in principio. Cujus renunciationis ac deprecationis rationem reddit, ab imparitate non tantum suae, sed & omnium mortalium iustitiae, si ad justitiam

justitiam Dei judicalem rigide exigeretur, ibidem in fine. 2. Necessitatem hujus petitionis & exauditionis declarat ab adjuncto suo statu, vel gravitate periculi in quo versabatur, v. 3. Cujus effectum indicat fuisse conturbationem animi sui, tantum non desperantis, versic. 4. Quam animi perturbationem illustrat oppositis conatibus, quibus eidem resistebat, meditatione antegressæ bonitatis ac providentiæ Dei, v. 5. & inde fluente invocatione fervida ac fiduciali, vers. 6. 3. Ex istis quasi concludens, ingeminat suam petitionem exauditionis, cum additamento adjunctæ celeritatis aut *festinationis*, v. 7. & 8. in principio, & explicationis petitionis in specie, pro directione, v. 8. in fine, & 10. pro liberatione, v. 9. & 11. & pro hostium perditione, v. 12. Quæ petitiones urgentur à gratia fœderis tanquam causa efficiente principali, vers. 10. in medio, vers. 12. in principio, à gloria nominis divini, tanquam causa finali, & effecto, v. 11. in principio, & à fidei studio Davidis erga Deum, tanquam causa subserviente vel administrante, vers. 12. in fine.

DOCUMENTA.

I. In angustiis nostris non tantum Dei opem petitionibus implorare debemus, sed etiam instanter petere, ut illæ petitiones exaudiantur, ex versiculo 1. in principio. II. Tam petitionum nostrarum, quam fiduciæ ac spei de earum exauditione, fundamentum primum collocare debemus in gratiæ & divinæ fidei perfectione, ibid. in fine.

III. Ut rite adhaereamus gratiæ ac fidei, requiritur, ut iudicium illud Dei, quod nostra peccata merentur, cum humili confessione & tremore deprecemur, v. 2.

IV. Ad pium hoc studium ut magis excitentur fideles, gravissimis aliquando periculis & pressuris exponuntur, v. 3.

V. In gravioribus periculis & angustiis fideles nonnunquam ita perturbantur, ut fere ad desperationem adigantur, v. 4.

VI. Tentationibus istis resistunt fideles meditatione & precibus, v. 5. &c.

VII. Meditatio bonitatis Dei antegressæ confirmare nos debet in præsens & futurum, v. 5.

VIII. Ex hujusmodi meditationibus pii fluunt preces fervidæ, & fiducia plenæ, v. 6.

XI. Hujusmodi preces festinam exauditionem expectare possunt, & solent impetrare, vers. 7. & 8. in princ.

X. Nihil prius aut magis petendum à Deo, quam ut dirigat nos in via recta, v. 8, & 10.

XI. Quos ita dirigit Deus, eos etiam liberat à malo pernicioso, v. 9, & 11.

XII. Cum liberatione piorum conjungitur sæpe perditio hostium improborum, v. 12.

XIII. In horum & omnium aliorum bonorum spe tanto magis confirmantur pii, quo magis respiciunt & nituntur gratiæ fœderis, intendunt Dei gloriam, & student conscientiam bonam retinere, v. 10. in medio, v. 11. in principio, & v. 12. in fine.

PSALMUS CENTESIMUS QUADRAGESIMUS QUARTUS.

O De Davidis. Benedictus sit Iehova rupes mea ; qui docet manus meas praelium, digitos meos bellum :

2. Benignitas mea & propugnaculum meum, editus locus meus & liberator meus, assistens mihi ; scutum meum, ad quem me recipio, qui subternit populum meum mihi.

3. Iehova, quid est homo, ut agnoscas eum ? filius mortalis, ut rationem habeas ejus ?

4. Homo vanitati similis est ; dies ejus sunt ut umbra prætereuntis.

5. Iehova, inclina celos tuos & descende : tange istos montes, & fument ;

6. Immitte fulgur, & disperge eos ; emitte sagittas tuas, & funde eos :

7. Extende manum tuam ex alto : libera me & eripe me ex aquis multis, & manu alienigenarum.

8. Quorum os loquitur vanum, & quorum dextera est dextera falsitatis.

9. Deus, canticum novum canam tibi ; nablio, dechachordo psallam tibi ;

10. Danti salutem regibus, liberanti Davidem servum suum à gladio malefico.

11. Libera me & eripe me à manu alienigenarum ; quorum os loquitur vanum, & quorum dextera est dextera falsitatis :

12. Ut filii nostri tanquam planta bene educata in tenera ætate sua ; filiaque nostra sicut antarii lapides excisi, sint structura templi :

13. Promtuaria nostra plena proferant jure alimentum : pecudes nostra milenis pariat myriadibus aucta sint in chortibus nostris,

14. Bovesque nostri præpingues : nulla irruptio, nullaque eruptio ; denique nulla sit querela in plateis nostris.

15. Beatus ille populus cui ita est ; beatus ergo populus, cujus Iehova est Deus.

A N A L Y S I S.

SCopus Davidis jam Regis, & victoris, sed nec dum integri, ac perfecti, est in hoc Psalmo solemnem professionem facere omnimodæ suæ dependentiæ à Deo, tam quoad præterita, quam quoad futura. Quoad præterita, hoc facit in versibus primis quatuor, sub forma gratiarum actionis, & quoad futura sub forma petitionis, in reliquo Psalmo.

1. Primo igitur summas gratias Deo agit de illo successu, & victoria, quam ipsi concesserat : ubi prædicat Dei potentiam, & benignitatem erga se manifestatam, tanquam causas hujus successus principales, v. 1. in medio, & v. 2. in principio. Quæ illustrantur 1. Effectu suo singulari, formationis scilicet Davidis ad militiam, qua hostes sibi subegit, v. 1. & 2. in fine.

2. Variis

2. Variis similitudinibus rupis, propugnaculi, arcis, & scuti liberantis, verf. 1. & 2. 3. Ab impari & ad admirationem usque diversa conditione sua, aut etiam cuiusvis mortalium ad talem Dei benignitatem accersendam, verf. 3. Cujus imparitatis dissentaneæ ratio redditur à vanitate conditionis humanæ, quæ similitudine declaratur, versiculo 4. 2. Petit à Deo continuationem & promotionem ejusdem successus, v. 7. in principio. Quam petitionem 1. illustrat à divino & extraordinario modo agendi, quo potest; & aliquando solet pro suis uti, verf. 5, 6. 2. Eandem petitionem suadet, partim ex adjuncta conditione vel periculi gravitate; & partim ex eventu. Periculi gravitas indicatur duplex: quarum una oriebatur ex hostium potentia cum impetu conjuncta, quam significat similitudine aquarum multarum, aut torrentis irrupentis, verf. 7. Altera ex eorundem peridia, verf. 8. & 11. Eventus est duplex: 1. condigna celebratio nominis divini, v. 9, 10. 2. Prosperitas populi Israelis; quæ distributionem, vel inductionem partium illustratur; bonam scilicet valetudinem, atque vigorem pulchrum, versic. 12. copiam frugum, verf. 13. numerosam pecudum foetificationem, cum læta accretione, verf. 1, 13, & 14. & publicam pacem, vel immunitatem à malis belli, verf. 14. in fine. Cujus prosperitatis illustratio subjungitur, tam à relatione, quam habet ad populum, quem reddit aliquo modo beatum; quam ab illa, quam habet ad Deum, gratiam

suam vere beatificantem per ista signa declarantem, versiculo 15.

DOCUMENTA.

I. De omni successu bono, Dei nomen est benedicendum, v. 1. in principio.

II. Deo cum benedictione tribuendum est, non tantum quod conatus nostri bene succedant, sed etiam quod bene conemur, etiam in rebus civilibus & humanis, ibid. in fine.

III. Tam in conatu, quam in successu bono, agnoscenda, & prædicanda est benignitas & efficax potentia Dei, v. 2.

IV. Nunquam condigne agnoscitur Dei erga nos benignitas, nisi indignitate & vanitate nostra bene expensa, v. 3.

V. Vanitas nostra manifesto elucet in vitæ nostræ fragilitate, verf. 4.

VI. Indignitas & vanitas nostra non debet retardare, sed potius acuire fiduciam, & petitionem auxilii divini, v. 5.

VII. Auxilium Dei non est includendum humanis mediis aut modis, sed supra spem sperandum, verf. 5, 6.

VIII. Tale auxilium est necessarium piis adversus violentiam ac perfidiam impiorum hostium, v. 7, 8, 11.

IX. De hoc auxilio præstito, laudandum est Dei nomen, cum omni alacritate, v. 9.

X. Illi ad quos peculiari modo extenditur hoc auxilium, speciali etiam modo eo nomine debent nomen Dei celebrare, v. 10.

XI. Pub-

XI. Publica prosperitas Ecclesie ac Reip. pluris æstimanda est, & magis à Deo querenda, quam privata, v. 12, 13, 14.

XII. In prosperitate externa,

partem aut gustum quendam felicitatis percipiunt sæpe fideles: sed solida beatitudo consistit in unione & communione illa, quam habent cum Deo, v. 15.

PSALMUS CENTESIMUS QUADRAGESIMUS QUINTUS.

Laudatio Davidis. Exaltabo te Deus mi; Rex; benedicam nomini tuo in seculum & sempiternum:

2. Quotidie benedicam tibi, & laudabo nomen tuum in seculum & sempiternum:

3. Magnum esse Iehovam & laudandum valde, imo magnitudini ejus non esse perespigationem.

4. Generatio generationi laudibus commendat opera tua, prout hæc indicant omnimodam potentiam tuam.

5. Ex decorem gloriamque majestatis tuæ, & res mirabiles tuas eloquuntur sum.

6. Et robur mirabilium tuorum operum prædicent; prout singula magna gesta tua enarraturus sum.

7. Memoriam amplæ bonitatis tuæ eructent, & justitiam tuam canent.

8. Gratosum & misericordem Iehovam esse, longanimum & magnum benignitate.

9. Bonum esse Iehovam omnibus; & misericordiam ejus in omnibus operibus ejus.

10. Celebrant te Iehova omnia opera tua, & quos benignitate prosequeris benedicant tibi.

11. Gloriam regni tui prædicent, & potentiam tuam eloquantur;

12. Ut notas faciant filiis hominum potentias ejus, & gloriam decorumque regni ejus.

13. Regnum tuum, regnum est omnium seculorum; & dominium tuum in unamquamque generationem.

14. Sustentat Iehova omnes cadentes, & erigit omnes incurvatos.

15. Oculi omnium ad te spectant, quibus tu das escam suam tempore suo:

16. Aperis manum tuam, & saturas quicquid vivit ex beneplacito.

17. Justus Iehova in omnibus viis suis est, & benignus in omnibus operibus suis.

18. Proptinquus est Iehova omnibus invocantibus ipsum, omnibus qui invocant ipsum fide.

19. Placitum timentium se efficit, & vociferationem eorum audiens saltem dat eis.

20. Ser-

20. *Servat Iehova omnes amantes ipsum, omnes vero improbos perdit.*

21. *Laudationem Iehovæ eloquatur os meum : & benedicat omnis caro nomini sancto ejus, in seculum & sempiternum.*

A N A L Y S I S.

Psalmus iste Davidis totus constat ex laudatione Dei. Quæ laudatio describitur primo, ab ejus objecto formali, quod fuit confederatio Dei, & congruens administratio regis potestatis, versic. 1. *Deus mi Rex.* 2. Ab actibus tali objecto congruentibus, tanquam partibus laudationis : exaltatione, & benedictione, ibid. 3. Ab adjuncta constantia & assiduitate eorundem actuum, v. 1. & 2.

Deinde prior actus exaltationis primo in loco exercetur, in exaltatione Dei, quoad admirabilem ejus magnitudinem vel excellentiam, vers. 3. Quæ illustratur testimonio successivo omnium ætatum, & experientie operum ejus magnificorum, v. 4. Quorum effectum est laudatio, cum ab aliis profectura, tum singulariter à Davide, v. 5, 6.

Postea secundus actus benedictionis exercetur in agnitione & prædicatione bonitatis, justitiæ, longanimitatis, benignitatis, gratiæ, & misericordie Dei, v. 7, 8, 9.

Ambo denique actus isti simul conjunguntur : sed cum distributione quadam à causis ; quia omnia opera Dei celebrant, vel exaltant suo modo ejus magnitudinem : sed sancti tantum benedicunt ipsi, vers. 10. Cujus distributionis pars prior illustratur, tam à gloria, regno, potentia, & æternitate Dei ;

quæ in omnibus ejus operibus elucet, v. 11, 12, 13. quam ab efficacia ejus providentiæ, in sustentatione periturorum, vers. 14. & in nutritione omnium viventium, v. 15, 16. Ex quibus concluditur summa perfectio & bonitas Dei, v. 17.

Secunda pars distributionis, quæ pertinet ab benedictionem Dei à sanctis exhibendam, illustratur, v. 18, 19, 20. Tum à descriptione eorum, quod Deum invocent, sincere timeant, ament ; tum etiam à singulari illa gratia, quæ materiam ipsis præbet singularis benedictionis ; quod ipsorum specialem curam habeat, eorumque preces benigne & efficaciter exaudiat, eosque servans, hostes eorum perdat, v. 18, 19, 20. Ex quibus omnibus concluditur laudatio illa Dei, quæ scopus fuit totius Psalmi. v. 21.

D O C U M E N T A.

I. Ad efficacem Dei laudationem requiritur, ut apprehendamus eum tanquam Deum & Regem nostrum v. 1.

II. Laudandus est Deus, tam exaltatione perfectionum ejus, quam benedictione congruente benedictionibus ejus, ibid.

III. Laudatio hæc indefinenter debet continuari, & quotidie renovari, ibid. & vers. 2.

IV. Admiratio incomprehensibilis

billis majestatis & gloriæ Dei, est exaltatio nominis ejus, v. 3.

V. Hæc exaltatio Dei successive continuari debet ab una generatione ad aliam, sicut opera Dei successive invitant, v. 4.

VI. Quamvis id agere debeamus ut alii quam plurimi Deum exaltent, quicquid tamen ab aliis fit, nostris partibus nunquam deesse debemus, v. 5; 6.

VII. Benedicendus est Deus, cum omni affectuum abundantia, & alacritate, v. 7. *exultent, cantent.*

VIII. Amplitudo bonitatis, justitiæ, gratiæ, misericordiæ, longanimitatis, benignitatis & bonitatis Dei, amplissimam & copiosissimam materiam supeditat benedictionis, v. 7, 8, 9.

IX. Quamvis celebrationis materia sit in omnibus operibus Dei; hæc tamen benedictio est proprius

actus piorum, versic. 10.

X. Celebrationis materia est gloria, regnum, potentia, & æternitas Dei, v. 11, 12, 13.

XI. Perfectiones istæ divinz, manifeste elucet in efficaci illa providentia, qua sustentat miseros, & alimentum supeditat omni viventi, v. 14, 15, 16, 17.

XII. Singularis benedictionis materia est in illis, quæ Deus præstat piis, v. 18, 19, 20.

XIII. Pii sunt illi, qui Deum sincere invocant, timent, & amant, Ibid.

XIV. Talium specialem curam habet Deus, eorum preces benigne & efficaciter exaudiens, & hostes eorum perdens, Ibid.

XV. Istiusmodi considerationibus tam semetipsos, quam alios provocare student pii ad Dei nomen magis magisque laudandum.

PSALMUS CENTESIMUS QUADRAGESIMUS SEXTUS.

H Alelu-Jah. Lauda anima mea Jehovah.

2. Laudabo Jehovah in vita mea; psallam Deo meo, quamdiu futurus sum.

3. Ne fiduciam habitare in ingenuis: in ullo filio hominum penes quem nulla est salus.

4. Exit spiritus ejus, revertitur in terram suam: die eodem pereunt cogitationes ejus.

5. Beatus, cui auxilio est Deus fortis Iahakobi, cujus expectatio est in Iehova Deo suo:

6. Qui facit calos & terram, mare & quicquid est in eis; qui servat fidem in seculum:

7. Qui exercet judicium erga oppressos: dat cibum famelicis, Iehova solvit vinctos:

8. Iehova aperit oculos cæcorum, Iehova erigit incurvatos, Iehova amat justos:

9. Iehova servat peregrinos, pupillum & viduam statuminat: viam vero improborum subvertit.

10. Regna-

10. *Regnabit secula in seculum: Deus tuus, 6 Tzjon, in unamquamque generationem, Halclu-fah.*

ANALYSIS.

SCopus Davidis in hoc Psalmo est, semetipsum & alios ad Deum laudandum excitare, vers. 1. Quod officium 1. describitur à proprio ejus principio, ad quod hortatio dirigitur, *anima*, v. 1. & ab ejusdem dispositione requisita, proposito scilicet firmo, *laudabo*; nec non ab adjuncto durationis: *in vita mea, quamdiu futurus sum*, v. 2.

Quia vero fundamentum hujus laudis est fiducia in Deo collocata, cujus fructus est auxilium omni laude celebrandum; idcirco illa hortatio ad Deum laudandum illustratur dehortatione ab opposita fiducia & laudatione hominum, etiam Principium, qui videntur maxime potentes & magnifici, vers. 3. Cujus dehortationes ratio petitur ab adjuncta impotentia ipsorum ad salutem speratam præstandam, ibid. in fine. Quæ impotentia probatur à fragilitate vitæ, atque adeo consiliorum ipsorum, vers. 4. cujus eventus est miseria eorum, qui fiduciam habent in illis, quia spe sua frustrantur. Ex adverso autem laudat ac beatos prædicat illos, qui fiduciam habent in Deo, ut Deo suo, qui a spe sua non frustrabuntur, vers. 5. Quod confirmatur 1. ab omnipotentia Dei, quæ in creatione mundi est manifestata, v. 6. 2. A fide seu veracitate promissionum ejus, ibid. in fine. 3. Ab efficaci ejus providentia, qua potenter & fideliter succurrit omni generi

hominum ab ipso pendentium, in omni genere difficultatum: quod inductione declaratur, vers. 7, 8, 9. & dissimili providentiâ Dei circa improbos ab ipso non pendentes illustratur, v. 9. in fine. 4. A potestate illa Regia, qua Deus in æternum omnia gubernat, v. 10. in principio. Cujus gubernationis specialis relatio notatur ad Ecclesiam, cujus consolatio & officium laudis inde concluditur, ibid.

DOCUMENTA.

I. Sicut omnis cultus Dei, sic præcipue laudatio nominis ejus, procedere debet ab intimo corde, v. 1.

II. Tum demum eor disponitur ad hoc officium præstandum, quando firmum & efficax propositum habet ac fovet illud præstandi, v. 2.

III. Propositum & officium hoc debet esse perpetuum, Ibid.

IV. Ut hoc propositum integrum conservemus, cavendum est sedulo, ne fiduciam nostram in ullis hominibus collocemus, v. 3.

V. Fiducia illa est misere fatua, quæ in hominibus collocatur, v. 3. & 4.

VI. Fiducia illa quæ in Deo collocatur, est beatifica sapientia, v. 5.

VII. Omnipotentia Dei in creatione manifestata, fundamentum unum est fiduciæ in ipso collocatæ, v. 6.

VIII. Fi-

VIII. Fidelitas Dei in promissionibus præstandis, est ejusdem fiducia fundamentum, alterum, Ibid. in fine.

IX. Efficax Dei providentia, qua perficit quæ promittit, est ejusdem fiducia confirmatio singularis, v. 7.

X. Providentia Dei extenditur ad omnia genera hominum in omni genere difficultatum, v. 7, 8, 9.

XI. Hæc providentia sicut invigilat piis in bonum, sic impiis in-

vigilat in malum, vers. 9. in fine.

XII. Ex providentia Dei apparet, quod ille sit Rex & Dominus æternus v. 10. in principio.

XIII. Regnum hoc Dei ad Ecclesiam talem relationem habet, ut rite apprehensa divinam ipsi adferat consolationem, vers. 10. in medio.

XIV. Consolatio ista promovet officium laudationis Dei, Ibid. in fine.

PSALMUS CENTESIMUS QUADRAGESIMUS SEPTIMUS.

L Audate Fab, quia bonum est psallere Deo nostro: quia antænon est, decens est laudatio.

2. **E**dficator Jeruschalaimorum Jehova, depulso Israelitas congregat:

3. **Q**ui sanat fractos animo, ac velut obligat in doloribus eorum.

4. **S**upputans numerum stellarum, quosque sunt nominibus vocans.

5. **M**agnus est Dominus noster, & multus viribus, cujus intelligentia est innumerabilis.

6. **S**taturminat mansuetos Jehova, deprimit improbos in terram usque.

7. **A**ctionare Jehova gratiarum actione, psallite Deo nostro cithara;

8. **Q**ui obtegit celos densis nubibus; qui comparat terræ pluviam; qui facit ut proferant montes fontem:

9. **D**at fumentis cibum suum, pullis corvorum qui croitant.

10. **N**on potentia equi delectatur, non ex ra præstantis viri accipit;

11. **S**ed acceptos habet Jehova timentes suæ, qui expectationem suam habent in benignitate ipsius.

12. **L**audibus commendate Jeruschalaima. Jehovam; lauda Deum tuum, o Tzidon;

13. **N**am confirmat vestes portarum tuarum, benedixit filiis tuis in medio tui.

14. **D**isponens termino tuo pacem, adipe tritici satiat te.

15. **Q**uo emittente sermonem suum in terram, quam celerime excurret verbum ejus:

16. **Q**ui edit nivem sicut lanam, pruina quasi cinerem dispergit:

17. **D**esiccat gelus suum utquam frustra, coram frigore ejus quis consistat?

18. **E**mitteus verbum suum, liquefacit ista simulac efflat ventum suum, effluunt aqua.

19. *Indicat verba sua Iabakobo, statuta sua & iura sua Israeli.*

20. *Non fecit ita ulli genti; ideoque iura ista non noverunt. Halelu-Iah.*

A N A L Y S I S.

IN isthoc Psalmo excitantur pii ad Deum laudandum, v. 1, 7, 12, & 20. in fine.

Argumentum 1 petitur ab adiunctis laudationis huius, bonitate, scilicet amoenitate & decore.

Secundum argumentum petitur ab administratione divina circa Ecclesiam, utpote qui solus est, ejusdem causa procreans, conservans & instaurans, v. 2, 3.

Hæc autem administratio Dei erga Ecclesiam illustratur a comparatis, partim similibus; & partim dissimilibus.

Similitudo prima est inter illam scientiam & efficacem providentiam quam Deus habet circa innumerabiles cæli stellas; & illam quam exercet circa totum populum suum, quasi nominatim, v. 4, 5, 6.

Secunda similitudo est inter providentiam illam, qua Deus prospicit omnibus animalibus, etiam contemptissimis corvorum pullis de necessario cibo, v. 8, 9. & illam qua sublevat pios, idque non secundum præstantiam aliquam dotum naturalium quibus pollere possint, sed secundum ipsorum timorem & fiduciam divinam, v. 10, 11.

Tertia similitudo est inter efficacem illam benedictionem Dei, qua salutem, pacem, & prosperitatem Ecclesie præstat, vers. 13, 14. & efficaciam voluntatis ejus in mundi cursu gubernando, vers. 15, 16, 17, 18.

Dissimilitudo una, sed in re pri-

maria, subjungitur, inter administrationem Ecclesie, cui salutiferam suam voluntatem revelat; & aliorum populorum, quibus hoc beneficium non communicatur, v. 19, 20.

DOCUMENTA.

I. Quæ sunt spiritualiter bona, jucunda, & decora, illa sunt a piis confectanda, v. 1.

II. Nihil melius, amoenius, aut magis decens, quam Deum laudare, ibid.

III. Laudandus est Deus, tanquam Ecclesie conditor, conservator, & instaurator, versiculo 2. & 3.

IV. Infinitam illam sapientiam & potentiam, qua Deus Ecclesiam colligit, non ex mediis apparentibus in terra, sed ex cælorum & stellarum gubernatione æstimare debemus, v. 4, 5, 6.

V. De conservatione Ecclesie, & singulorum ejus membrorum, confirmari debet fides nostra, ex illa providentia, qua prospicit omnibus creaturis viventibus, etiam contemptissimis corvorum pullis, de necessario alimento, v. 8, 9.

VI. Ad participationem hujus gratiæ, nemo Deo commendatur dotibus his aut illis vel naturæ, vel artis; sed timore, fide, ac fiducia in ejus gratia collocata, v. 10, 11.

VII. Salutem, pacem ac prosperitatem, Deus Ecclesie suæ tam fa-

cile præstat, quando ipsi placet, quam nivem, pruinam & gelu vel mittit vel tollit, v. 13, 14, 15, 16, 17, 18.

VIII. Singulare privilegium est Ecclesiæ supra alias gentes, quod salutiferam Dei voluntatem habeat sibi revelatam, v. 19, 20.

PSALMUS CENTESIMUS QUADRAGESIMUS OCTAVUS.

- H** Alelu-Jah. Laudate Iehovam cœlites; laudate eum in excelsis.
 2. Laudate eum omnes angeli ejus, laudate eum omnes exercitus ejus.
 3. Laudate eum sol & luna, laudate eum omnes stella lucida.
 4. Laudate eum cœli colorum, & aqua quæ supra hoc cælum sunt;
 5. Laudent nomen Iehovæ, quæ ipso præcipiente illico creata sunt.
 6. Quæ stabilivit in sempiternum, in seculum; quibus decretum dedit quod nullum transgrediatur.
 7. Laudate Iehovam terrestria; cete, & omnes abyssi:
 8. Ignis & grando, nix & exhalatio; ventus turbineus efficiens verbum ejus.
 9. Ipsi montes, & omnes colles, arbores fructifera, omnesque cedri;
 10. Ipsæ bestia, & omnia jumenta, reptilia & aves alata.
 11. Reges terræ, omnesque nationes, principes & omnes iudices terræ.
 12. Juvenes etiamque virgines, senes cum pueris.
 13. Laudent nomen Iehovæ: quia editum est nomen ejus solius, decor ejus supra terram & cælum:
 14. Et effert cornu populi sui, laudem omnium quos benigne accipit Israelitarum, populi propinqui sibi, Hatelu Jah.

A N A L Y S I S.

IN isthoc Psalmo excitantur omnes ad Dei nomen condigne laudandum. Ratio generalis petitur ab incomparabili excellentia gloriæ & majestatis Dei, quæ est formalis ratio objectiva Dei laudandi, v. 13.

Hæc autem Dei majestas declaratur ex effectu gubernationis illius, quam exercet in omnium rerum gubernatione.

Gubernatio hæc explicatur per distributionem, in generalem, quæ respicit omnes mundi partes; & il-

lam specialem, quæ respicit Ecclesiam solam.

Gubernatio generalis vel respicit creaturas superiores, vel inferiores.

Superiores creaturæ sunt vel rationales, ut Angeli, vers. 1, & 2. vel rationis expertes, ut luminaria majora & minora, v. 3. & cælum tam supremum, quam infimum v. 4.

Hæc autem creaturarum gubernatio illustratur ab adjuncto communi, quod pendant ex verbo Dei,

Dei, tam quoad existentiam primam, quam quoad ejusdem continuationem ordinatam, v. 5, 6.

Inferiores creaturæ sunt vel terrestres, v. 7. vel aquitales, v. 7. vel æeræ, v. 8. Inter terrestres autem quædam sunt insensatæ, ut vers. 9. quædam sensitivæ; ut vers. 10. quædam etiam rationales, ut homines, qui distinguuntur ab adjunctis, *Ordinis*, ut Reges & subiti, v. 11. *Sexus*, ut adolescentes, viri ac puellæ, v. 12. *Ætatis*, ut senes & pueri, v. 12.

Gubernatio Dei specialis, quæ circa Ecclesiam versatur, declaratur tam ab effectis, quod illam amplificet & gloriosam reddat; quam a causa, benigno scil. favore, quo pepigit cum illa singularis gratiæ fœdus, v. 14.

DOCUMENTA.

I. Dei nomen est celebrandum propter summam ejus majestatem, v. 1. & 13.

II. Majestas Dei observanda est, ut eleucet in omnium rerum gu-

bernatione; ex toto Psalmo reliquo.

III. In superioris mundi gubernatione, cœlestis Dei majestas, altiore modo eleucet, v. 1, 2, 3, 4.

IV. Majestas Dei ex creaturis istis præcipue elucens est, quod pro ipsius beneplacito, tales creaturæ primo extiterint, postea persistant, & quasi legem ejus in omnibus constanter observent, v. 5, 6.

V. In inferiore mundo, nulla pars est terræ, aquæ, vel æris, quæ non benignam præbet materiam Deum laudandi, v. 7, 8, 9, 10.

VI. Quæ inter ista videntur maxime fortuito & irregulariter ferri, a Deo tamen reguntur, ad ejus voluntatem perficiendam, vers. 8. in fine.

VII. Nullus est ordo, sexus, aut ætas hominum, quæ non singulares causas ac rationes subeat Deum laudandi, v. 11, 12.

VIII. Gubernatio illa quæ Deus Ecclesiam beatificæ procurat, finis est aliorum operum, & materia laudis perfectæ, v. 14.

PSALMUS CENTESIMUS QUADRAGESIMUS NONUS.

Halelu Iah. Cantate Iehovæ canticum novum; laudem ejus in congregatione eorum quos benigne accipit.

2. Latetur Israel in eo qui fecit ipsum, filii Tzïjonis exsultent in rege suo.

3. Laudent nomen ejus tibia; tympano & cithara psallant ei;

4. Quia benivolus est Iehova erga populum suum, ornat mansuetos salute.

5. Gestiant benigne accepti præ gloria, cantent in cubilibus suis;

6. Laudationes exultantes Deum fortem in gutture suo, & gladium bipennem in manu sua habentes.

7. Ad exercendum vindictam in gentes, increpationes in nationibus.

8. Ad vincendum reges eorum catenis, & honoratos eorum compedibus ferreis.

9. Ad exercendum in eos jus scriptum; quod decus est omnibus iis quos benigne accipit. Halelu-Iah.

ANALYSIS.

Excitantur hic pii ad debitam gratiarum actionem Deo exhibendam. Quæ gratiarum actio describitur 1. A generali ejus qualitate, quod scilicet debeat esse insigniter exquisita, vers. 1. *Canticum novum*. 2. A subiecto, eoque duplici, quorum primo, ut publico loco innuitur adjuncta, communio sanctorum in hoc officio præstando, v. 1. secundo autem, ut privato; innuitur singularis eorum pax & quies à Deo concessa & concedenda, v. 5. in fine: *in cubilibus suis, in congregatione piorum*. 3. Ab adjuncto alacritatis, cujus varij gradus ascendendo, notantur, tam quoad affectus internos, laudis, lætitiæ, & exultationis; quam quoad eorum declarationem in voce *cantante, psallente, & jubilante*, atque etiam per instrumenta musica, *tibiam, tympanum & citharam*, v. 1, 2, 3, 4, 5, 6.

Argumenta quibus hæc gratiarum actio suadetur, sunt benedictiones illæ, quibus Deus ipsis benedixit, quia ipsos fecit: *regis, & gloriosa salute donat, ex gratuito & singulari favore*, v. 2. & 4.

Illa autem gloriosa salus illustratur ab adjuncta victoria, quam de hostibus reportaturi erant. Quæ describitur à causis, & subiectis ejus,

causæ instrumentales sunt *gladius, & catena*, v. 6, 8. Causa formalis est *jus scriptum*, v. 9. Subiecta sunt tam Reges & Principes, quam gregarii, aut plebs vulgaris, v. 7, 8.

DOCUMENTA.

I. Benedictiones Dei novæ & magnæ, *novam* & exquisitam exigunt à nobis gratiarum actionem, v. 1.

II. Hæc Dei laudatio præcipue decet sanctorum publicas congregationes, *ibid.*

III. Alacritas magna requiritur in hoc officio præstando; *ibidem, &c.*

IV. Alacritas spiritualis incipit in abundantia affectuum cordis, & postea declarat sese in sermone, voce, & actibus congruentibus, v. 2, 3, 5, 6.

V. Ad istam alacritatem efficaciter excitantur animi fidelium, seria meditatione gratuiti favoris Dei, in ipsorum electione, refectione, & glorificatione manifestati, v. 2, 4.

VI. Ad gloriam Ecclesiæ spectat, quod Deus victoriam ipsi largiatur adversus hostes suos, præcipue spirituales, v. 6, 7, 8.

VII. Verbum Dei debet esse regula hanc victoriam obtinendi, & eadem utendi, v. 9.

PSALMUS CENTESIMUS QUINQUAGESIMUS.

Hallelu. Fab. Laudate Deum fortem de sanctitate ejus, laudate eum de expansio laudato ejus.

2. Laudate eum de omni moda potentia ejus, laudate eum secundum amplitudinem maximam ejus.

3. Laudate eum clangore buccinæ, laudate eum tablio & cithara.

4. Laudate eum tympano & tibia; laudate eum hydraulis & organo.

5. Lau-

5. *Laudate eum cymbalis sonoris, laudate eum fistris.*

6. *Tota ipsa anima laudet Jah. Halelu-Jah.*

A N A L Y S I S.

SI Psalmum istum cum antecedentibus conferamus, hoc solum inveniatur discrimen, quoad materiam subjectam, quod Psalm. 148. & superioribus quibusdam, excitentur homines ad Deum laudandum, de communi ejus providentia, & de speciali ejus erga Ecclesiam gratia, conjunctim, & distincte, Psalm. autem 149. agitur tantum de speciali Dei gratia erga Ecclesiam, sed distincte. Sed in hoc ultimo Psalmo in genere tantum agitur de maiestate Dei, quæ tam in communi quam in speciali ejus gubernatione elucet.

Generalis hæc materia Deum laudandi petitur. 1. A sanctissima sede vel loco gloriæ ejus, tam in cælo supremo, v. 1. *De sanctitate, vel in sanctuario ejus*; quam in visibilibus illis cælis, quæ eidem proxime subjiuntur, ibid. *Expanso.* 2. A gloriosa illa parentis, & magnificentis perfectione, quæ in illis cælis apparet, v. 2.

Huic autem maiestati convenientem laudem suadendo describit, reliquus Psalm. quod scilicet debeat cum summo zelo, cura, alacritate,

& omnimoda varietate ab omnibus viventibus præstari. Quæ laudis perfectiones figurate aut typici declarantur, & illustrantur per illam musicam quæ in Veteri Testamento ex instituto Dei vigeat.

DOCUMENTA.

I. Methodus est Dei laudandi, ut à specialibus procedamus ad generalia, ex eo quod iste Psalm. sit quasi conclusio superiorum.

II. In Deo laudando, propter infinitam ejus perfectionem, intentio & conatus piorum est suo modo infinitus, ita ut circulum faciant, cujus principium, medium & finis est *Halelu-Jah*, ex toto.

III. Infinita Dei maiestas præcipue in cælo, quasi in illustri speculo apparet, ex v. 1.

IV. Quamvis hæc maiestas major sit, quam à nobis comprehendere possit, eandem tamen indefinenter debemus admirari; ex v. 2.

V. Qui ista maiestate condigne afficiuntur, si quicquid habent virium aut facultatum, ex omni occasione, alacriter impendunt Deo glorificando, ex v. 3, 4, 5, 6.

Analyticam hanc Psalmorum explicationem, per gratiam Dei, absolvi Anno 1632. Iulii 2. Halelu-jah.

FINIS.